

ბ. თაყვანიშვილი

სახალხო განათლებისა და კულტურული კვლევების ისტორია საქართველოში

ქ

სახალხო განათლება და კულტურული იდეები
მე-19 ს. პირველ ნახევარსა და 60-იან წლებში

კულტურული მემკვიდრეობის ინსტიტუტი *
ბ ა შ ო მ ც ე მ ლ ო ბ ა
თბილისი—1948

1801—1871

პედაგოგიკის ისტორია

ჩვენი „სახალხო განათლებისა და პედაგოგიკური აზროვნების ისტორიის“ მეორე წიგნში განხილულია პერიოდი 1801-დან 1871 წლამდე. ეს პერიოდი, რომელიც საქართველოს რუსეთთან შეერთებით დაიწყო, ორ ძირითად ეტაპს შეიცავს. პირველს წარმოადგენს XIX საუკუნის პირველი ნახევარი, ხოლო მეორეს—სამოციანი წლები. ამის მიხედვით უფრო მართებულად მივიჩნევთ ეს ნაშრომი ორ ნაწილად წარმოგვედგინა:

I. სახალხო განათლება და პედაგოგიკური იდეები XIX საუკუნის პირველ ნახევარში;

II. სახალხო განათლება და პედაგოგიკური იდეები XIX საუკუნის 60-იან წლებში.

საქართველოს ისტორიის XIX საუკუნის პირველი ნახევარი, ეს დიდი და რთული მანძილი, არ წარმოადგენს ერთ უცვლელ ეტაპს, არა, ის შეიცავს განვითარების ორ განსხვავებულ სტადიას: 40-იან წლებამდე და 40—50-იან წლებს. ეს სტადიები ჩვენ ცალკე არ გამოგვიყვია, მაგრამ მათ თავისებურებათა გარკვევა არ გამოგვრჩენია მხედველობიდან პირველი ნაწილის როგორც შესავალ წერილში, ისე მის გასწვრივ.

60-იანი წლები წარმოადგენენ ერთს მთლიანს, აღნიშნულ პერიოდის დამასრულებელ ეტაპს. ეს ეტაპი ხანგრძლივი არ არის, მაგრამ აქ, ახალ ეკონომიურ ვითარებასთან დაკავშირებით, საფუძველი ჩაეყარა ახალ სოციალურ-პოლიტიკურ მოძრაობას, ახალ კულტურულ იდეებს. მართალია, ამ იდეების განვითარება შემდეგ პერიოდშიც წარმოებდა, მაგრამ რამდენადაც ბევრი მათგანი, კერძოდ სახალხო განათლებისა და პედაგოგიკის დარგში, ამ ეტაპზე უქვეყნებოდა, მაგნიტად გამოიკვეთა, ჩვენ აქ ვახდენთ მათ მიმოხილვას.

საქართველოს ახალი ისტორიის პირველი პერიოდი (1801—1871) უახლოებით იმავე წლებში იწყება, როგორც დღევანდელი ახალი

მსოფლიო ისტორიის პირველი პერიოდი (საფრანგეთის ზურჯე-
ზიული რევოლუცია, 1789), ხოლო მისი დანთავრება ზუსტად ემთხ-
ვევა უკანასკნელის დამთავრებას (საფრანგეთ-პრუსიის ომებში და
პარიზის კომუნა, 1870—71), და ეს საეხებით გასაგები, კანონზო-
მიერი მოვლენაა. 1870 წლისათვის საქართველოში დამთავრდა სა-
გლებო რევორმა, ხოლო 1871 წელს ლოკომოტივმა გადასურა
საქართველოს მიწა-წყალი და მისმა საყვირმა მოსახლეობას კაპი-
ტალიზმის გამარჯვება აუწყა.

ცნობილია, რას მოასწავებდა, საერთოდ, კაპიტალიზმის გამარჯ-
ვება ეკონომიურად, სოციალურად და იდეოლოგიურად. ამ მხრივ
საქართველოშიც ანალოგიურ მდგომარეობასთან გვექონდა საქმე.
ჩვენთვის აქ საინტერესოა აღვნიშნოთ სახალხო განათლების რა
მომენტებთან იყო დაკავშირებული ეს გამარჯვება, როგორც საქართვე-
ლოს ახალი ისტორიის პირველი პერიოდის დასასრული.

XIX საუკუნის 60 იანი წლების დამლევს საქართველოს სახალხო
განათლების ისტორიაში ადგილი ჰქონდა მთელ რიგ წყალგამყოფ მო-
მენტებს პირველსა და მეორე პერიოდებს შუა, მაგრამ მათ შორის
ძირითადია მოვლენათა სამი ჯგუფი:

1. მოისპო საქართველოსა და მთელი ამიერკავკასიის სახალხო
განათლების სისტემის თავისებურებათა გათვალისწინება:
ადგილობრივ პირობებთან მისი შეფარდების პრაქტიკა.
1867 წელს უკანასკნელად გამოიცა კავკასიის სასწავლო ოლქის დებუ-
ლება (ოთხი წლით), რის შექმნეც მოხდა საქართველოსა და მთელი
კავკასიის განათლების სისტემისა და ორგანიზაციის ნიველირება
სრულიად რუსეთის საიმპერიო განათლების სისტემასთან.

2. ბატონ-ყმობის გადავარდნასა და განმათავისუფლებელი მო-
ძრაობის აღმავლობასთან დაკავშირებით შეიქმნა სახალხო სკო-
ლები. 60-იანელთა კულტურულ-საგანმანათლებლო იდეები კაზინე-
ტებიდან ხალხში გადადის, ბრძოლა სწავლა-განათლებლათვის
საქართველოში პოლიტიკურ ხასიათს იღებს და ნაციონალურ-
რევოლუციური მოძრაობის ერთ-ერთ ძირითად მომენტს წარ-
მოადგენს.

3. შეიქმნა ახალი პედაგოგიკა და პედაგოგიური განათლე-
ბის ქსელი. მეცნიერული დიდაქტიკისა და ახალი მეთოდების მიხედ-
ვით დაიწყო სასკოლო სწავლების პროცესის აგება. აღზრდა-განათ-
ლების ახალი მიზნები და ბავშვის ინტერესები დაედვა საფუძვლად
სახელმძღვანელოების შედგენის საქმეს. პედაგოგთა კვალიფიკაციური

კადრების მოსამზადებლად დაარსდა სამასწავლებლო ინსტიტუტი; პედაგოგიური სასწავლებლები და სპეციალური კურსები. შეიქმნა პედაგოგიკური ლიტერატურა.

აღნიშნული მოვლენებით დაშთავრდა საქართველოს სახალხო განათლებისა და პედაგოგიკის ახალი ისტორიის პირველი პერიოდი XIX საუკუნის 60-იანი წლების დასასრულს, და იმავე მოვლენებით დაიწყო მისი მეორე პერიოდი 70-იანის დასაწყისში.

*

საქიროდ მიგვაჩნია აქვე მოვახდინოთ ჩვენი შრომის ძირითადი წყაროებისა და სპეციალური ლიტერატურის მიმოხილვა.

რამდენადაც საქართველოს სახალხო განათლებისა და პედაგოგიკის ისტორია დღემდე, სამწუხაროდ, არ ყოფილა დაწერილი, იმუნად ზედმეტია ლაპარაკი ამ საგანზე რაიმე სისტემატური კურსის ან მთლიანი გამოკვლევის არსებობის შესახებ. ასეთი კურსი ან გამოკვლევა არ მოგვეპოვება ამ ისტორიის არც ცალკე პერიოდებზე. საქართველოს სახალხო განათლებისა და პედაგოგიკის ისტორიის მეცნიერული კვლევა უკანასკნელ ათწლეულში დაიწყო და ჯერ მხოლოდ რამდენიმე ცალკე საკითხისა და მცირეოდენი საარქივო ფონდების დამუშავებით განისაზღვრება. აქ განხილული პერიოდის ისტორიის წყაროები ისევე მცირე და ფრაგმენტულია, როგორც სხვა პერიოდებისა, იმ განსხვავებით მხოლოდ, რომ ამ პერიოდის წყაროებში უფრო მეტია საექვო და ურათიერთსაწინააღმდეგო მასალა, რაც ძალიან საზღვრავს მათი გამოყენების ისედაც ვიწრო ფარგლებს.

წინამდებარე შრომის პირდაპირი წყაროების სახით ჩვენ, პირველყოვლისა, გამოყენებული გვაქვს: 1) საარქივო მასალა (საქ. ცენტრ. არქივის ფონდები: 2, 4, 5, 107, 112, 139, 201, 426, 544; საქ. მუზეუმის წერა-კითხვის გამავრც. საზოგადოების ფონდი: 388, 1652; მოსკოვის „Центральный государственный архив древних актов“, „ქართული საქმეები“ 1803 წ., № № 8, 39; საქართველოს პედაგოგიკურ მეცნიერებათა ინსტიტუტის არქივი, № № 13, 33, 47, 103, 150; 2) XIX ს. პირველი ნახევრისა და 60-იანი წლების ქართული და რუსული პრესა და სხვა მასალა, მითითებული ჩვენი ტექსტის თავთავის ადგილას.

ჩვენ მიერ გამოყენებული ოფიციალური დოკუმენტები ძალიან ფრთხილ და კრიტიკულ დამოკიდებულებას მოითხოვენ. ხშირად

ბევრი ცნობა ამ დოკუმენტების მიხედვით საეკო ან გაუგებარია, ზოგჯერ კი—აშკარა ყალბი. მაგალითად, კავკასიის მეფისნაცვლის ანგარიშში 1860—61 წლისათვის კავკასიის გუბერნიების სკოლებისა და მოსწავლეთა სტატისტიკაში აღნიშნულია, რომ ერევნის გუბერნიაში 1860 წელს იყო 10 სკოლა 593 მოწაფით, ხოლო 1861 წელს კი—104 სკოლა 2029 მოწაფით; ბაქოს გუბერნიაში 1860 წელს იყო 11 სკოლა 871 მოწაფით, ხოლო 1861 წელს—383 სკოლა 6489 მოწაფით (Акты, собр. Кавк. археогр. комис., XII, 1375, 1380). პირველივე შეხედვით ცხადი ხდება, რომ ეს ციფრები სანდო არ არის. როგორ მოხდა, რომ ერთი წლის განმავლობაში ერთ (ერევნის) გუბერნიაში 94 ახალი სკოლა გაიხსნა, მოწაფეთა რიცხვი კი სამნახევარჯერ გაიზარდა, ხოლო მეორე (ბაქოს) გუბერნიაში იმავე ხნის განმავლობაში 372 ახალი სკოლა გაიხსნა, მოწაფეთა რიცხვი კი შეიძვერ მეტად გაიზარდა! სხვა, უფრო სანდო წყაროების (პრესა, საარქივო მასალა) საშუალებით გამოიკრევა, რომ ხსენებულ ანგარიშში 1860 წლისათვის გათვალისწინებულია მარტოოდენ ოფიციალური სასწავლებლები და მათი მოსწავლენი, ხოლო 1861 წლისათვის აქ სასწავლებელთა და მოსწავლეებთან ერთად გათვალისწინებულია ეკლესიებთან და მიზგითებთან არსებული სკოლებიც თავისი მოწაფეებით. ასევე უნდო, მაგრამ შედარებით უფრო ზომიერი, ცნობებია აქ თბილისისა და ქუთაისის გუბერნიების ნიშართაც.

აღნიშნული ანგარიშის მიხედვით 1860 წელს კავკასიაში იყო 105 სასწავლებელი 6459 მოწაფით, ნამდვილად კი ამ წელს მარტო საქართველოში იყო 145 სასწავლებელი 7850 მოწაფით. რაც შეეხება ანგარიშში მოყვანილ 1861 წლის ცნობებს—ისინია, როგორც ვნახეთ, ისე არიან დაცილებული სინამდვილეს, როგორც ცა—დედაშიწას.

კავკასიის კალენდარში 1871 წლისათვის წერია, რომ 1869 წელს ქუთაისის გუბერნიაში იყო 55 სასოფლო სკოლა 1860 მოწაფით, ხოლო კავკასიის სასწავლო ოლქის მხრუნეელის ანგარიშში 1869 წლისათვის აღნიშნულია—73 სკოლა 2046 მოწაფით. ასეთი შეუსაბამობა ოფიციალურ და პრესის ცნობებს შორის ძალიან ხშირია და განსაჯარებით იმ პერიოდში, რომელსაც ჩვენ ამ წიგნში იგებებით.

კავკასიის ოფიციალურ დაწესებულებათა, კერძოდ სასწავლო ოლქის, ანგარიშებისა და სტატისტიკის გამოყენების სიძნელეს ქმნიდა აგრეთვე ის გარემოებაც, რომ იქ საქართველო ცალკე გამოყოფილი არ არის, ხოლო ქუთაისისა და თბილისის გუბერნიების სივრცე და მოსახლეობა 60-იან წლებამდის არ ემთხვეოდა საქართ-

ველოს ტერიტორიასა და მოსახლეობას და, მაშასადამე, ამ გუბერნიების ციფრები საქართველოს ციფრებად ვერ გამოდგებოდა. ამასთან, საქართველოს მკვიდრ მოსახლეობად და ქართველ მოწაფეებად მთელ რიგოფიციალურ ცნობებში მხოლოდ ქართულები და კახელები არიან წარმოდგენილი; იმერლებს, გურულებს, მეგრელებს და სხვა ქართველ ტომებს მეფის მოხელეები ქართველებად არა სთვლიდნენ, და ძალიან ხშირად სტატისტიკურ ცხრილებში ეს ტომები ქართველთა რიცხვში არ იგულისხმება. მაგალითად, კავკასიის სასწავლებელთა მთავარი ინსპექტორის, ი. ნევეროვის, ახგარიშში ესენ წლისათვის აღნიშნულია, რომ აზიერკავკასიის გიმნაზიებში 1868 წელს ირიცხებოდა: რუსი—463, სომეხი—292, იმერელი—360, ქართველი—220, მესქიპიანი—62 (დაწყებითი სკოლების მოსწავლეთა ნაციონალურ შემადგენლობაში ანათ გაოდა ცალკეა გამოყოფილი გურულები და მეგრელები). ინსპექტორს თვითონვე უგზავნია ასეთი უცნაური დაყოფითა. გამოწვეული უხერხულობა და სკოლიოში აღნიშნავეს: „დაყოფა ქართველებად და იმერლებად დაშვებულია აქ მხოლოდ იმისათვის, რომ ნაჩვენები იქნეს განსხვავება ერთი და იგივე ტომის (ხაზი ჩვენია—გ. თ.) ამ ორ ტოტს შორის განათლებისაქენ ლტოლვის საქმეში“ (Циркуляр главного инспектора по управлению Кавк. учебн. округом, V—VI, 14—15, 1867). დაწმენებული, რომ ასეთი „დასაბუთებითა“ გადალახულია ზემოაღნიშნული უხერხულობა, იგივე მოხელე 1869 წელს, ახლა უკვე ოლქის მხრუნველას თანამდებობით გათავაშებული, აღნიშნავდა, რომ ქუთაისის გიმნაზიაში ირიცხება: რუსი—75, ქართველი—13, სომეხი—14, იმერელი—299, გურული—23, მეგრელი—61 და ა. შ. ყოველივე ამას რუსეთის მეფის მოხელეები აკეთებდნენ არა იმ მიზნით, რომელზეც ნევეროვი მიუთითებდა, არამედ იმისათვის, რომ ქართველი ხალხი შემცირებული და დაქუცმაცებული სახით წარმოეღიანათ და ჭარვევით მათთვის ცალკე სკოლებას დაარსებისა და გროიან (ქართულ) ენაზე სწავლების საქიროება.

საკანგებოდ გვიანდა აღნიშნოთ, რომ ოფიციალურ ანგარიშებსა და მომხილვეებში კარძო სასწავლებელთაგან შედიოდა მხოლოდ პთავარმართებლის (მეუისნაცელის) ან სასწავლო ოლქის სათანადო ნებართვის მქონე, ოფიციალურად აღრიცხული სკოლები. ამ ნებართვის გარეშე მოქმედი კერძო, საშინაო და ეკლესიებთან არსებული სკოლები, რომლებიც XIX საუკუნის 60-იან წლებამდე ქართველთა შორის პირველდაწყებითი სწავლა-განათლების მთავარ წყაროს

წარმოდგენდნენ, — ოფიციალური ანგარიშების გარეშე რჩებოდნენ და ჩვენი ხალხის განათლებაზე ლაპარაკის დროს მათ როლსა და მათ ქსელში ჩაბმულ ახალგაზრდობას მხედველობაში არ იღებდნენ. უაეც იმ მიზნით ხდებოდა, რომ ქართველ მოსწავლეთა რიცხვი და მათი ხვედრითი წონა შემცირებულად წარმოედგინათ.

ყოველივე ამის შედეგად, საკვირველი არაა, რომ კავკასიის, კერძოდ, საქართველოს, სახალხო განათლების მდგომარეობა ზოგჯერ ყალბადაა წარმოდგენილი ოფიციალურ დოკუმენტებში. აქედან ბუნებრივია, რომ კეშმარიტების დასადგენად ჩვენ გვიხდებოდა ნაკლებად სანდო, ოფიციალური ცნობების შეცვლა ან კორექტირება სხვა წყაროების (პრესა, მოგონებანი, სანდო ოფიციალური და არაოფიციალური საბუთები) მიხედვით, რომ მაქსიმალურად გაგვეჩვენებია ხსენებული დოკუმენტების საექვო მნიშვნელობა საქართველოს სახალხო განათლებისა და პედაგოგიკის ისტორიისათვის.

*

რამდენიმე სიტყვა ჩვენი თემის ცალკეულ საკითხებზე არსებული ლიტერატურის შესახებ.

XIX ს. პირველი ნახევრისა და 60-იანი წლები საქართველოს სახალხო განათლებისა და პედაგოგიკის ისტორიის კურსი ან გამოკვლევა, როგორც ვთქვით, არ მოგვეპოება, ხოლო მის ცალკე საკითხებზე არსებული ლიტერატურა * ძალიან მცირეა და თან ცალ-

* [E. Болховитинов]—Историческое изображение Грузии в политическом, церковном и учебном ее состоянии, 1802, СПб. ეს წიგნი მხოლოდ სათაურით და გამოკვეყნების თარიღით იქცევს მკითხველის ყურადღებას. ავტორს ძალიან საპატიო მიზანი ჰქონია დასახული: გაეცნო რუსი მკითხველისათვის ახლად შეერთებული საქართველოს ისტორია და ლიტერატურა, საექლესიო და სასწავლო საქმე, მაგრამ ძალიან მკრთლად და ღარიბადაა, მეტი რომ არა ვთქვათ, წარმოდგენილი ყველა ეს დარგი, განსაკუთრებით კი სასწავლო საქმე. ამ ასკვერდიან წიგნში მხოლოდ 8 გვერდს უთმობს ავტორი შას, კმაყოფილდება საკმაოდ ცნობილი ქართული ორიგინალური და თარგმნილი სამეცნიერო-სასწავლო წიგნების ჩამოთვლით და აღნიშნავს, რომ ეს წიგნები ჯერ კიდევ დაუბეჭდავია და ხელნაწერების-სახით იხმარება თბილისის სკოლებში. ის არაფერს ამბობს ამ სკოლების შესახებ და თუ ჩვენ მინც ვიხსენიებთ მის წიგნს, მხოლოდ იმის გამო, რომ ის პირველი რუსული წიგნია საქართველოზე რუსეთთან მისი შეერთების შემდეგ.

А. Н. Модзаловский—Ход учебного дела в бывшем Кавказском наместничестве, 1880 («Памятная книжка Кавказского учебного округа» за 1880 г.), ავტრევე ცალკე ამონაბეჭდი იმავე წელს, ხოლო შემდეგ, დამატებულ სახით, შეტანილი მის წიგნში: «Очерк истории воспитания и обучения»,

მხრივი. მაგრამ თუ ამევე დროს იმასაც გავითვალისწინებთ, რომ პედაგოგიკური იდეების შესახებ ამ მცირედშიც არაფერი მოიპოვება, ადვილად წარმოვიდგინებთ სიძნელეს, რომელიც უნდა გადალახოს მკვლევარმა ჩვენი სახალხო განათლებისა და პედაგოგიკის მთლიანი ისტორიის შექმნის მიზნით.

ამ წიგნის პირველ ნაწილში ზოგიერთი მოსაზრების დასაბუთებით: სათვის ჩვენ გვხვდება მიემართოთ მხატვრულ ლიტერატურას. მაგალითად, XIX ს. 40-იანი წლების საქართველოს ხალხური, საშინაო, სკოლებისა და მათ მასწავლებელთა მუშაობის მეთოდების შესახებ გამოყენებულია ილია ჭავჭავაძე (მოთხრობები), აკაკი წერეთელი („ჩემი თავადასაყალი“, „აღმზრდელი“), სოკრ. მაგალითი შვილი („წარსულიდან“), გიორგი წერეთელი („ჩვენი ცხოვრების ყვეფილი“); თბილისის სასულიერო სემინარიის რევიზის დასახსიათებლად გამოყენებულია განოჩენილი რუსი მწეალი ნ. გ. პომიალოვსკი („Очерки бурсы“) და სხვ.

მხატვრული ლიტერატურის ფაქტ, მართალია, სინამდვილის უშუალო ფაქტი არ არის, მაგრამ რამდენადაც ის ამ უკანასკნელის რეალურ ასახვას წარმოადგენს, იმდენად მისი გამოყენება უქ-

ნაწ. II, გამოც. მე:ამე. 1899. მოდხალევესკი გყრდნობა მხოლოდ ოფიციალურ სახელმწ. დოკუმენტებს, უბთავრეად—კავკასიის სასწავლებელთა და სასწავლო ოლქის დებულებებს, და სჭორედ ამ დებულებათა და მათ საფუძველზე გახსნილი ოფიციალური სკოლების მიმოხილვას უფრო წარმოადგენს იგი, ვიდრე კავკასიის სასწავლო საქმის ისტორიულ ნაკვევს. ამ წიგნაკწო, როგორც თეიჯ ავტორი აღნიშნავს: „არ შესულა ცნობები კავკასიის სასულიერო და სამხედრო სასწავლებელთა, აგრეთვე სხვადასხვა სამეციერო დაწესებულებათა და სასოჯადობათა შესახებ, რომლებიც დებულობდნენ მონაწილეობას კავკასიაში განათლების გავრცელების საქმეში“. ეს, ოასაკვიოველია, დიდი ნაკლია, მაგრამ, რამდენადაც ეს ნაკვევი წარმოადგენს კავკასიის სახელმწიფო სასწავლებელთა დებულებისა და სხვა ოფიციალური მსალის დაღავეებისა და ისტორიული თვალსაზრისით გაშუქების პირველ ცდას. იმდენად მს თავის დროზე უიქვლად გნებოდა გარკვეული დორებულება ამ სასწავლებელთა ისტორიის შესწავლის საქმეში.

აღ. ფრონელი—„მოკლე მიმზიღვა სწვლა-განათლების საქმისა ჩვენში“ („საქართველოს კალენდარი“, 1890, 24.). წერილი მოკლეა და თანაც სოგად მსჯელობას შეიცავს. ფაქტიური მასალა ძალიან მცირეა. მაგალითად, XIX ს. პირველი ნახევრის მთელს მინძილზე. გარდა თბილისის კეთილშობილთა სასწავლებლისა და გიმნაზიისა, ის არც ერთ სკოლას არ ცხენიებს.

В. Н. Ремаповский — „Развитие учебного дела на Кавказе и в бывшем царстве Грузинском в XIX в.“, 1901; ეს წერილი, რომელიც 69 გვერდს შეიცავს, დართული აქვს ავტორის წიგნს: Очерки из истории Грузии, 1901.

ველად შეიძლება მეცნიერული თვალსაზრისით. ძველი და შუა საუკუნეების ისტორია უხვად სარგებლობს მხატვრული ლიტერატურით ისტორიული ფაქტებისა და მოვლენების დასადგენად ან გასარკვევად, მაგრამ ეს მარტო იმით კი არ აიხსნება, რომ ამ ეპოქების ისტორიისათვის მეცნიერულ-ისტორიული საბუთები ნაკლებად მოიპოვება და მეკლევარი იძულებულია მხატვრულ ლიტერატურას მიმართოს, როგორც საბუთს, არამედ იმიტაც, რომ მხატვრულ ლიტერატურას, როგორც ადამიანის შეგნებაში გადამუშავებულ რეალურ სინამდვილეს, ყოველთვის ჰქონდა და ექნება სათანადო მნიშვნელობა ადამიანთა შოლკაწიობ-ს ამა თუ იმ მომენტის გასაშუქებლად. ამიტომ საყვებით მიზანშეწონილად უნდა მივიჩნიოთ მხატვრული ლიტერატურის გამოყენება მეცნიერული არგუმენტაციის მნიშვნელობით, მით უმეტეს, ისეთ შემთხვევებში, როდესაც მხატვრულ ლიტერატურას აკუთვნებენ არა პირველადი წყაროს როლს, არამედ მიმართავენ მას, როგორც დამატებით საბუთს სხვა წყაროებით დადასტურებული ისტორიული სინამდვილის საილუსტრაციოდ. ჩვენს წიგნში სწორედ ამ მნიშვნელობით არის გამოყენებული მხატვრული ლიტერატურა, და ეს სავესებით ბუნებრივ მოვლენადა უნდა ჩაითვალოს.

წერილი კომპილატორი სასათისაა. ავტორს გამოეჩნებოდა აქვს მოდხალევის ხელოვანსახელებული წიგნაკი, რ. მერგერის „Сход статист. сводений по учебным заведениям Кавк. учебного округа“. პოპოვის „Развитие учебного дела на Кавказе за последние 20 лет (ж. „Русская школа“, 1901) და კავკასიის სასწავლო ოქტის ანგარიშები. რომანოვის ხსენებული წერილი ამ მასალების ერთგვარ მონაწილე წარმოადგენს. XIX ს. 40-იან წლებამდის იგი უმთავრესად მოდხალევის უბრალად ხშირად ტექსტუალური განმეორებაა.

Е (писком) К (ирион) — Краткий очерк истории грузинской церкви в окрестностях за XIX столетия, 1901; ამ ნარკვევი IV თავი: „Духовно-просветительная деятельность“ დათმობილი აქვს საქართველოს ეგზარხატის სასულიერო სასწავლებელთა მოკლე ისტორიულ მიმოხილვას. ავტორი უნთავრესად თბილისისა და ქუთაისის სასულიერო სემინარიებზე ამხავილებს ყურადღებას, არკვევს აღნიშნულ სასწავლებელთა დაარსების პირობებს, მათ სტრუქტურას, სასწავლო და აღმზრდელთა მუშაობის ხასიათს, მმართველობის სისტემას. ის მსოფლიო ოფიციალურ და საკმაოდ ცნობილ სასულიერო სასწავლებელთა მიმოხილვით ეწყვეტილდება და ამდენად ნარკვევი ფაქტური მასალით სრული არ არის.

Семен Мсадзе — Историческая записка о управлении Кавказом, 1907; ამ წიგნის „დანართებში“ რამდენიმე გვერდი დათმობილი აქვს სასწავლო საქმის მიმოხილვას კავკასიაში „Учебная часть“ (16) — (176), და „Учреждения ведомства императрицы Марии“ (176 — 180). მიმოხილვა ძალიან მოკლე და კომპილატორია. ის არსებითად წარმოადგენს ზოგიერთი ოფიციალური დოკუმ-

ამ ნაშრომის პირველ ნაწილში განხილულია ზოგი ისეთი საკითხი და ფაქტიური მასალა, რომელიც უფრო ძველ პერიოდს ეხება ვიდრე XIX საუკუნის პირველ ნახევარს. ასეთებია სწავლა-აღზრდა-ძველი წესები და სწავლების მეთოდები, ცნობები XVIII საუკუნის შორე ნახევარში აღზრდილ მასწავლებელთა (ოსტატთა) და განათლების დარგის იმ წარმომადგენელთა შესახებ, რომლებიც კვლავ აგრძელებდნენ თავის ნოღვაწეობას XIX საუკუნის პირველ ნახევარში, XVIII საუკუნეში შექმნილი სახელმძღვანელოები, რომლებიც XIX საუკუნის პირველ ნახევარშიც იხმარებოდნენ და სხე. ცხადია, ასეთ საკითხებსა და მასალას ჩვენ აქ ვიხილავთ მხოლოდ ნაწილობრივად, ძალიან მოკლედ, რადგანაც მათი ყოველმხრივი განხილვა ჩვენი ნაშრომის პირველი წიგნის ამოცანაა. რაც შეეხება XIX საუკუნის 60-იან წლებში წარმოშობილ ზოგიერთ პედაგოგიკურ იდეას, პედაგოგიკური განათლების ფორმას, სასწავლებელთა ტიპს, სახელმძღვანელოს, აგრეთვე უმაღლესი განათლებისათვის ბრძოლას, სასწავლო დარგში მეფის კოლონიურ პოლიტიკას და სხვა მოვლენებს, რომლებიც წარმოიშვნენ აღნიშნულ წლებში, ან:

მენტისა და საჯელმწიფო სკოლის დასახელებას, უკეთეს შემთხვევაში. ამ დოკუმენტების შინაარსის გადმოცემას.

ახალი ლიტერატურიდან XIX ს. პირველი ნახევრისა და 60-იანი წლების ს. ხალხთა განათლების ცალკე საკითხებზე აღსანიშნავია: პედ. მეცნ. ინსტიტუტის კრებული „სწავლა-აღზრდის ისტორია საქართველოში“, I ნაწილი 1937. ამ კრებულში მოთავსებულია ექსი წერილი ხსენებული პერიოდის საერო და სასულიერო განათლების სხვადასხვა საკითხზე (ტრ. ხუნდაძე—საერო განათლება საქართველოში XIX ს. პირველ ნახევარში“, თ. ბაკურაძე—„ტფილისის სასულიერო სემინარია 1817—1835 წლებში“, სოკ. ძიმისტარა-შვილი—„ეკრძო სასწავლებლები საქართველოში“ 1830—1836 წლებში“, პიროფ. ბერიძე—„სიმონ კუტი ფირცხალავა“, მ. ბერძნიშვილი—„პირველი ბეჭდური არითმეტიკისათვის“, თ. ბეგიაშვილი—„ქართული ენა ტფილისის სასულიერო სემინარიის 1859—1867 წლებში“, ტრ. ხუნდაძე—„ტფილისში უმაღლესი სასწავლებლის დაარსების ისტორიისათვის“). ეს წერილები პირველადი წყაროების მიხედვით აშუქებენ აღებულ თემებს და, მიუხედავად მათი ვიზიონული ხასიათისა, საგრძნობად უწყობენ ხელს აღნიშნული პერიოდის სახალხო განათლების მთლიანი ისტორიის შესწავლის საქმეს; III. Частна, —Тема на XIX столетия. ამ სოლიდური ნაშრომის X თავი „Школы и педагогическое образование“ ეხება თბილისის სასკოლო განათლების მდგომარეობას XIX საუკუნის პირველ ნახევარში. უფრო დაწვრილებით კი 60-იან წლებში. საკითხი განხილულია ამავე პერიოდის საქართველოს სახალხო განათლების ისტორიასთან დაკავშირებით და ამდენად ნარკვევის მეცნიერული მნიშვნელობა ბევრად სტილიდება მისი უშუალო თემით განსახლვრულ ფარგლებს.

კოტა უფრო ადრეც, მაგრამ თავისი ვრცელი და უფრო სრულ-
ყოფილი განვითარება შემდეგ პერიოდში კპოვეს,—ჩვენ განვიხი-
ლავთ ამ ნაშრომის მე-3, დამამთავრებელ წიგნში.

შეიძლება საკირო იყოს იმის განმარტებაც, რომ ზოგიერთ სა-
კითხს—მაგალითად, სასკოლო ქსელი, სახელმძღვანელოები,—რაც
საერთოა ამ ნაშრომის ორივე ნაწილისათვის, უფრო დეტა-
ლურად ვარჩევთ პირველ ნაწილში, ვიდრე მეორეში. ეს ხდება
იმიტომ, რომ XIX საუკუნის პირველ პერიოდში (რომელსაც ნაშ-
რომის პირველი ნაწილი ეხება) სკოლებისა და სახელმძღვანელოთა
ჩიციხე ძალიან მცირეა და ამიტომ ყოველი მათგანის მიგნება და
შესწავლა განსაკუთრებულ ინტერესსა და საკიროებას წარმოად-
გენდა. რაც შეეხება სკოლებსა და სახელმძღვანელოებს XIX საუ-
კუნის 60-იან წლებსა და შემდგომ პერიოდში,—აქ იმდენად გაი-
ზარდა მათი რიცხვი, რომ მიზანშეწონილად დავინახეთ შევჩერე-
ხულიყავით მხოლოდ პედაგოგიურ და სპეციალურ სასწავლებლებ-
ზე, ხოლო მასობრივი, სახალხო სკოლების მიმართ კი დაეკმაყოფი-
ლებულიყავით მათი ტიპების დახასიათებით და სტატისტიკური
კნობებით. ამავე სახით გვიხდება სახელმძღვანელოების გარჩევაც.

დასახრულ, ავტორს საკიროდ მიაჩნია აღნიშნოს, რომ ამ ნაშ-
რომის რამდენიმე თავი ცალკე იყო გამოქვეყნებული. სახელდობრ,
„ილია ჭავჭავაძის პედაგოგიკური იდეები“ დაიბეჭდა 1938 წელს,
მისი „პედაგოგიკური თხზულებების“ შესავალი წერილის სახით,
ხოლო „პედაგოგიკური განათლება“ XIX საუკუნის პირველ ნახე-
ვარსა და 60-იან წლებში, „ხალხური სწავლა-აღზრდის ძველი წე-
ხები და სწავლებიან მეთოდები“—საქართველოს პედაგოგიკურ მეც-
ნიერებათა ინსტიტუტის შრომებში 1944 და 1947 წლებში.

წ. 1947

წახიდი პიკედი

**! სახადსო-განათლებუ დუ პედუგოგიკუი
იდეგუი გე-19 სუკუნის პიკედი ნახეკის
სუქუიკუედეგუი**

სახალხო განათლება და პედაგოგიკური იდეები მეცხრამევა საუკუნის პირველ ნახევარში

I. საზოგადოებრივ-კულტურული ცხოვრება

1801 წელს, გარეშე შტრებთან მუდმივი ომებით მოქანცული და რუსეთის იმპერიის აღმოსავლური პოლიტიკის გავლენის სფეროში მოქცეული საქართველო, იძულებული გახდა რუსეთს შეეერთებოდა.

რუსეთის ქვეშევრდომობაში საქართველოს მიღების მანიფესტი. რომელიც კონფირმებული იყო იმპერატორ ალექსანდრე I მიერ 1801 წლის 12 სექტემბერს, საზეიმოდ აუწყებდა ქართველ ხალხს:

„არა აღორძინებისათვის ძალთა, არა ნივთთათვის, არა განვრცობებისათვის საზღვართა, და ესრეთცა უკვე ვრცელსა ქვეყანასა ზედა იმპერიასა შინა შივილებთ ჩვენ თვის ზედა ტვირთსა საქართველოს სამეფოსა მმართველობასა... ძალმან გარემოებათა ამათ, ზოგად ამის ძლით გრძნობაჲმან თქვენმან, და ხჲამან საქართველოსა ერისამან, მოგვზინდეს ჩვენ არა დაფუტეთ და არა მივსცეთ მსხვერპლად განსაცდელისა ენა ერთმორწმუნეთა, მომცემელთა ხვედრისა თვისისა დიდსულისა რუსეთის სათარველისადნი“*.

მაგრამ ამ, თითქოს ნაციონალური სოლიდარობის, ჰუმანტარ აქტში იმალებოდა საქართველოს ანექსიისა და რუსეთის იმპერიის ერთ-ერთ პროვინციად მისი გადაქცევის სინამდვილე.

* მანიფესტი საქართველოს რუსეთთან შეერთებისა. „Не для приращения сил, не для корысти, не для распространения пределов и так уже обширнейшей в свете империи приемлем на себя бремя управления царства Грузинского... Силахъ величества ихъ, общее посему чувство ваше и гласъ грузинскаго народа преклонили нас не оставить и не предать на жертву. бедствия языкъ единовенный, вручивший жребий свой великодушнымъ защитамъ России“ (ქვე).

რუსეთთან საქართველოს შეერთება უახლეს ისტორიოგრაფიაში ითვლება „უმცირეს ბოროტებად“. უმცირესად ითვლება იგი იმიტომ, რომ საქართველოსათვის, მისი სასიცოცხლო ინტერესების თვალსაზრისით, მიზანშეწონილი იყო რუსეთის ქვეშევრდომობაში შესვლა. რამდენადაც ეს სავსებით იცავდა მას აღმოსავლურ სახელმწიფოთა ბარბაროსულ თავდასხმათაგან და აჩქარებდა მისი ეროვნული გაერთიანების პროცესს; ბოროტებად ითვლება იგი იმიტომ, რომ საქართველო რუსეთის ქვეშევრდომობაში მოქცევით ჩაყენებულ იქნა კოლონიური ქვეყნის პირობებში.

საქართველოსა და რუსეთთან შეერთების პროგრესული მნიშვნელობა უკვე დიდი ხანია უდავო კემშარიტებად არის აღიარებული. ამ წიგნშიც საკმაო მასალა მოიპოვება ამ დებულების საილუსტრაციოდ. მაგრამ უნდა გვახსოვდეს, რომ რევოლუციამდელი რუსეთის სახით ჩვენ საქმე გვქონდა არსებითად ორ რუსეთთან; ერთი იყო—რუსეთი ოფიციალური: რუსეთი მეფისა და რეაქციონერებისა, რუსეთი „ხალხთა საპყრობილე“, მეორე კი—რუსეთი „ნათელი გონებისა“, რუსეთი მოწინავე კულტურის, რუსეთი რევოლუციურ-დემოკრატიული.

რუსეთთან შეერთების პირველ წლებში საქართველომ ჯერ კიდევ არ შეიძლო გაცნობოდა მოწინავე რუსეთს. აქ მაშინ მხოლოდ ოფიციალური, მეფის რუსეთი მკვიდრდებოდა თავისი სასტიკი და მოუხეშავი კოლონიური რეჟიმით. ამხანაგმა სტალინმა, 1941 წელს, კარინჰიმის დროის რუსეთის რეჟიმის ასლად ჩასთვალა პიტლერის რეჟიმი,⁶ და ეს სავსებით ნათლად და ყოველმხრივ ააშკარავებს მეუის ხელისუფლების რეაქციულ ბუნებას. აქედან ადვილად წარმოსადგენია, რა მძიმე და აუტანელი უნდა ყოფილიყო მეფის რუსეთის მიერ ხალხის, განსაკუთრებით პატარა ერების, ეკონომიური, პოლიტიკური და სულიერი შევიწროებისა და, საერთოდ, კოლონიური ჩაგვრის მთელი სისტემა.

რუსეთის მეფის ხელისუფლების დამყარებით საქართველოში შეწყდა უკანასკნელის მრავალსაუკუნოვანი თავისთავადი არსებობა. პოლიტიკური დამოუკიდებლობის დაკარგვით საქართველომ დაკარ-

⁶ По сути дела гитлеровский режим является копией того реакционного режима, который существовал в России при царизме («О Великой Отечественной войне Советского Союза», 26, 1947).

ვა თავისი ეკონომიური და კულტურული ცხოვრების მოწესრიგების უფლებაა. ფაქტიურად ის თავის თავს აღარ ეკუთვნოდა.

ცარისტული რუსეთის გაბატონება კავკასიაში დაიწყო უკანასკნელის პოლიტიკური „დაპყრობით“. საქართველო ნებაყოფლობით შეუერთდა რუსეთს, მაგრამ მისი დამორჩილება მხოლოდ იარაღის ძალით ხდებოდა. უფრო მძაფრად და ხანგრძლივად მეფის ხელისუფლება ეთაბებოდა კავკასიელ მთიელთა ტომებს. დაპყრობა კავკასიისა, „ამ უზარმაზარი ციხე-სიმაგრისა“ — გენერალ ერმოლოვიცს გამოთქმით — გრძელდებოდა 50-იან წლებამდე, მაგრამ არც ამ პერიოდს შემდეგ ჩამქრალა პერმანენტული შეიარაღებული აჯანყებანი. რომლებიც გადაიზარდა აძიერკავკასიის ეროვნულ-განმათავისუფლებელ მოძრაობად ცარიზმის კოლონიური პოლიტიკის წინააღმდეგ.

კავკასიის „ეკონომიური დაპყრობა“ რუსეთის მიერ მოხდა გაცილებით უფრო გვიან, ვიდრე პოლიტიკური“ (ლენინი, III, 487). ამ პროცესს აქიანურებდა კავკასიის მხარეთა, და მათ შორის საქართველოს, სამეურნეო ცხოვრების ჩამორჩენილობა და კარჩაკეტილობა: წარმოების პრიმიტიული ხერხები, უვარგისი გზები და წესაფერის სატრანსპორტო საშუალებათა უქონლობა. კავკასიის პოლიტიკურმა დაპყრობამ გზა გაუკაფა საქართველოში რუსული კაპიტალის თავისუფალ შემოჭრას. აზიური და ევროპული საქონლის იმპორტის წებლადეა, შეღავათიანი საბაჟო ტარიფების გაუქმება (1831), რუსეთთან მიმოსვლისა და რუსული საქონლის შემოტანის საწესალებათა გაურჯობესება, აგრეთვე რუსეთიდან ვაჭარ-მრეწველთა გამოწვევა, საუკეთესო სავაჭრო პუნქტებში მათი დაბინაგებით, და მთავრობის მთელი რიგი სხვა ღონისძიება რუსული სავაჭრო კაპიტალის მფარველობისათვის ხელსაყრელ პირობებს უქმნიდა მას, რომ გაეძლო ყოველგვარი კონკურენციისათვის და დაეპყრო საქართველოს ბაზრები. ეს იწვევდა ადგილობრივი ვაჭრობის, მანუფაქტურისა და ხელოსნობის გამოცოცხლებას. მაგრამ, საერთოდ, საქართველოს მრეწველობა XIX ს. პირველ ნახევარში ძაინც ძალიან სუსტად ვითარდებოდა. საქართველოში რუსული საქონლის მიმართ მფარველობითი პოლიტიკის დაწესების გამო აღარ აღუფგენიათ ადგილობრივი ქარხნები და სხვა საწარმოები (ზარბაზნის, თოფის წამლის, სპილენძის, ზეთსახდელი, შუშის; ზარაფხანა და კუხტარული მრეწველობის ზოგიერთი საწარმო), რომლებიც კი არსებობდნენ აქ რუსეთთან შეერთებამდე.

30-იან წლებამდე მეფის მთავრობა საქართველოს სახალხო მეურ-
ნეობას აჩერებდა მხოლოდ წვრილი, მომპოვებელი მრეწველობის დო-
ნეზე (მაგალითად, 1835 წ., ოფიციალური სტატისტიკის მიხედვით;
მთელ საქართველოში იყო მხოლოდ ერთი აბრეშუმსახვევი ფაბრიკა
თბილისში). მაგრამ შემდეგში კავკასიის არმიის გაძლიერებამ, ად-
მინისტრაციულ, სამეურნეო და კულტურულ დაწესებულებათა
რიცხვის გაზრდამ და ამასთან დაკავშირებით საქალაქო მოსახლეო-
ბის გამრავლებამ, ძლიერ გაზარდა მოთხოვნილება სხვადასხვა სა-
მრეწველო საქონელზე და საკვებ პროდუქტებზე. საზღვარგარეთი-
დან და რუსეთიდან შემოტანილი საქონელი უკვე ვეღარ აკმაყოფი-
ლებდა გაზრდილ მოთხოვნილებებს და, ამასთან, ძვირიც ჯდებოდა.
ამ გარემოებამ, კაპიტალიზმის დაწყებითი სტადიის ყველა წინააღმ-
დეგობასთან დაკავშირებით, გამოიწვია ადგილობრივი საწარმოო
ძალების, საფაბრიკო-საქარხნო შრომის განვითარება. ამ პროცესის
შემდგომი ტემპების შესახებ თვალსაჩინო წარმოდგენას იძლევა ის
ფაქტი, რომ 1858 წელს მარტო ქალაქ თბილისში იყო უკვე 7
ფაბრიკა-ქარხანა და წვრილი საწარმო.

წარმოების კაპიტალისტური სისტემის განვითარებამ დააჩქარა
მეურნეობის ძველი ნატურალური ფორმებისა და ფეოდალურ ურ-
თიერთობათა დაშლა საქართველოში.

თავადაზნაურული არისტოკრატია მალე არ შერიგებია რუსულ
ბიუროკრატულ რეჟიმს. მისი ზედაფენა ამ რეჟიმში ხედავდა თავ-
ვისი ყოფილი პრივილეგიების დაღუპვას და უოყელი ლონისძიები
ებრძოდა მის განმტკიცებას, ცდილობდა აღედგინა დამოუკიდებელი
საქართველოს სამეფო. მაგრამ რუსეთის მეფის ხელისუფლებას აღ-
შეეძლო ინდიფერენტული ყოფილიყო ქართველ მემამულეთა მტრუ-
ლი განწყობილების მიმართ. ის, პირველ ყოვლისა, იძულებული იყო
მასში ეძებნა საქართველოში გაბატონებისა და მმართველობის საი-
მედლო დასაყრდენი. ამიტომ რეპრესიებს მის წინააღმდეგ ჯერ არ
სთვლიდა მიზანშეწონილად. უფრო ეფექტიანად მიაჩნდა ლოიალიზ-
მის ტაქტიკა, და რუსეთის მეფე მართლაც შეუდგა მსხვილ ქართველ
თავადაზნაურთათვის მიწების, გლეხების, სესხის და მუდმივი პენ-
სიების უხვად დარიგებას; ანიჭებდა მათ აგრეთვე სხვადასხვა საპა-
ტიო წოდებას, მაღალ საწესდრო თანამდებობებს, ჩინებს, ორდენ-
ებს, მუნდირებს და სხვ. უფლებბრივი მდგომარეობით კი ისინი

გაუთანაბარა რუსეთის თავადაზნაურობას. ამით ის ცდილობდა ჯერ მათ ნეიტრალიზაციას, შემდეგ კი თავის მხარეზე გადაყენას. ამის მიღწევა მართლაც შესძლო მეფის ხელისუფლებამ, მაგრამ არც ისე ადვილად და უმტკივნეულოდ.

რაც შეეხება გლეხობას—ეკონომიურად მისი მდგომარეობა უფრო გაუარესდა, რადგანაც მეტად გართულდა ბატონყმური ურთიერთობისა და ექსპლოატაციის ფორმები, პოლიტიკურად კი მან დაკარგა ის ელემენტარული უფლებებიც კი, რითაც სარგებლობდა იგი საქართველოს რუსეთთან შეერთებამდე. მას აღარ შეეძლო ესარგებლნა თავისი დედა ენით რუსეთის მთავრობის ადგილობრივ ორგანოებში, ის მოკლებულ იქნა უბრალო ადამიანურ დამოკიდებულებასაც. ახალი გადასახადების, ბაჟების, რეკვიზიციის, ბეგარისა და ეკონომიური დამონების სხვა ფორმების სისტემა, აგრეთვე საქართველოს საუკეთესო მიწების კოლონიზაცია უცხო მოსახლეობით, გამარუსებელ პოლიტიკასთან დაკავშირებული ნაციონალური ჩაგვრის გაძლიერება და მეფის მოხელეების აღმაშფოთებელი თავხედობა, ქართველ მშრომელ მოსახლეობაში იწვევდა აჯანყებებს მეფის რეჟიმისა და ადგილობრივ მემამულეთა წინააღმდეგ.*

იმის წარმოსადგენად, თუ როგორი სისასტიკით უსწორდებოდა აჯანყებულებს რუსეთის მეფის ხელისუფლება, საკმარისია ვაეიხსენოთ საქართველოს მთავარმართველის, გენერალ ერმოლოვის (1816—27) სიტყვები: „აჯანყებული სოფლები დავწვით და გავანადგურეთ, ბალები და ვენახები ძირიანად ავჩხეთ და მრავალწლის განმავლობაშიც ვერ აღადგენენ მოღალატენი თავის პირვანდელ მდგომარეობას. უკიდურესი სიღარიბე იქნება მათი სასჯელი“.** ამასვე ლაპარაკობს პლ. ზუბოვიც: ყველა მთავარმართველი საქართველოში ცდილობდა ცეცხლითა და მახვილით გაეკათა თავისთვის გზა კავკასიის ხეობათა შიგნი“***

საკვირველი არაა, მეფის ხელისუფლება აიძულებდა ქართველ მოსახლეობას ებრძოლა მის წინააღმდეგ, ხოლო ზოგ შემთხვევაში კი მთელი სოფლები და თემები (მაგალითად, სამხრეთ საქართვე-

* XIX ს. 50-იანი წლების დასასრულამდე საქართველოში ადგილი ჰქონდა 5 დიდს, მასობრივ აჯანყებას (1804, 1812—13, 1819—20, 1841 და 1857 წლებში) და რამდენიმე ცალკე გამოსვლას.

** „Записки А. П. Ермолова во время управления Грузией“, 112.

*** Пл. Зубов — Картина Кавказского Края, 72, 1834.

ლოდან და აფხაზეთიდან) სამუდამოდ მოშორებოდნენ თავის მამულსა და ადგილყურეს. ამასთან, მეფის ადგილობრივი ხელისუფლება რუსეთის შორეულ ადგილებში ასახლებდა „უქმაყოფილო“ ქართველი სამეფო კარის წარმომადგენლებს, ოპოზიციურად განწყობილ ინტელიგენციას და ყოველი სახის პოლიტიკურ დამნაშავეებსა და „მოლატეებს“. ასახლებდა დამნაშავეთა და „მოლატეთა“ მცირეწლოვან შვილებსაც, რუსულ სასწავლებლებში გაგზავნის სახით, მაგრამ ისე, რომ სამშობლოში დაბრუნების უფლება ერთმეოდათ; ასე, მაგალითად, 1820 წ. მთავარი შტაბის უფროსი სწერდა საქართველოს მთავარმართებელს გენ. ერმოლოვს: „ხელმწიფე იმპერატორმა, თქვენი უდიდებულესობის განზრახვის თანახმად, უმაღლესად კეთილ ინება: მთიელ ხალხში, გურიაში, იმერეთში და სამეგრელოში მღვლეარების უმთავრეს გამომწვევთა და მოლატეთა შვილები, გაიგზავნონ აღსაზრდელად სამხედროთა ობლების განყოფილებებში,* საიდანაც ისინი უნდა გადავიდნენ რუსეთის შიგნით განლაგებულ პოლკებში“.**

მე-19 საუკუნის დასაწყისი პერიოდის საქართველოს შინაგან საზოგადოებრივ ეკონომიურ ცხოვრებაზე ლაპარაკის დროს არ შეიძლება არ გაიხსენოთ ის სტიქიური უბედურება, რომელიც მას დაატყდა იმერეთისა და სამხრეთ-საქართველოს შიმშილისა და კირის სახით 1810—1812 წლებში. იმერეთის მმართველი სიმონოვიჩი თავის პატაკში გენერალ რატიშჩევისადმი წერდა: „არაჩვეულებრივმა განსაცდელმა, რაც იმერეთს თავს დაატყდა 1810—1811—1812 წლების განმავლობაში, წინათ მომხდარი საყოველთაო სახალხო მღვლეარებისა, შემდეგ შიმშილისა, თურქებთან ომისა და გადამდები ავადმყოფობისაგან, ქვეყანა უბედურების უფსკრულში გადაჩეხა. ხალხის მეტი ნაწილი ამოწყდა, ზოგი გაიფანტა მეზობლად მდებარე ადგილებში და უმცირესი კი დარჩა თავის უბედურ ბინებში“*** ოფიციალური გამოანგარიშებით, იმერეთში იმ წლებში ამომწყდართა რიცხვი უდრიდა 42000-მდე სულს, ფაქტიურად კი ეს რიცხვი 60 ათასს აღემატებოდა.

* „სამხედროთა ობლების საიმპერატორო სახლი“ იყო საოფიცრო სასწავლებელი დახურული (ინტერნატი) ტიპისა, დაარსებული 1796 წ. პეტერბურგში ჰქონდა 2 განყოფილება, პირველი—კეთილშობილთა შვილებისათვის, მეორე—საერთო, „საღდათების შვილებისათვის“. 1829 წ. „სამხედროთა ობლების სახლს“ დაერქვა „ჰავლეს კადეტთა კორპუსი“—გ. თ.

** Акты. VI, часть I, 96.

*** Акты, V, 473.

მეფის ხელისუფლება არ ღებულობდა რადიკალურ ზომებს გადამდებ სნეულებათა წინააღმდეგ ბრძოლისათვის. ის არ ფიქრობდა მშრომელი ქართველი ხალხის, განსაკუთრებით გლეხობის, ჯანმრთელობაზე და, საერთოდ სასიცოცხლო ინტერესებზე.

მე-19 საუკუნის პირველ ნახევარში რუსეთის მეფის ხელისუფლება აწარმოებდა საქართველოს ტერიტორიის საუკეთესო ადგილების „გამიღრმებას“ ახალი მოსახლეობით. „ცარიზმმა განზრახ დაასახლა განაპირა ქვეყნების საუკეთესო კუთხეები კოლონიზატორული ელემენტებით იმ მიზნით, რომ ადგილობრივი მკვიდრი ყველაზე უარეს რაიონებში გაეჭევიანა და ნაციონალური შუღლი გაეძლიერებინა“ (ს ტ ა ლ ი ნ ი — „მარქსიზმი და ნაც.-კოლონ. საკითხი“, 83, 1934). საქართველოს ეს კოლონისტები იყვნენ რუსი სექტანტები, რასკოლნიკები და დუხობორები, გერმანელები, ბერძნები და აგრეთვე სომხები გადმოსახლებული ოსმალეთიდან და სპარსეთიდან. უკანასკნელნი სახლდებოდნენ უმთავრესად აღმოსავლეთ საქართველოში, განსაკუთრებით ქ. თბილისში. მართალია, მრავალი მოსულთაგანი ჩქარა გაითქვიფა ქართველ მოსახლეობაში ან შეერია მას,* მაგრამ რუსეთის ცარიზმმა, როდესაც ეს შეუდგა უცხო ელემენტებით საქართველოს უფრო ორგანიზებულ დასახლებას, დაიწყო კოლონიზატორებისათვის განცალკევებული ნაყოფიერი მიწების გამოყოფა და ამით, ადგილობრივ მკვიდრთა გამოძევებისა და ეროვნული შუღლის გაღვივების გარდა, აბრკოლებდა გადმოსახლებულთა ასიმილაციის პროცესს.

40-იანი წლების დასაწყისიდან, როცა საგარეო ომიანობისა და შინაგან აჯანყებათა შემდეგ სათანადოდ დალაგდა საქართველოს სამოქალაქო ცხოვრება, როცა ქართველმა ხალხმა კრილობები მოიშუშა და მშვიდობიან შრომას დაუბრუნდა, მისმა რიცხვმა იწყო უკვე თვალსაჩინო ზრდა.** უფლებისათვის ბრძოლასა და შრომაში ქმნიდა იგი ცხოვრების მინიმალურ პირობებს და უკეთესი მომავლის იმედით იკრეფდა თავის ძალებსა და ეროვნულ ენერგიას.

* ჩარლზ და ჩ ვ ი ნ ი იხსენიებს დოქტორ როლეს „Der Mensch, seine Abstammung“ etc. 1865, p. 99), რომელიც ხ ა ნ ი კ ო ვ ი ს დაკვირვებათა საფუძველზე წერს: „საქართველოში დასახლებულ გერმანელთა ოჯახების უმრავლესობამ ორი თაობის განმჯელობაში შეიძინა შავი თმა და თვალები“ (Происхождение чужеземца и отношение к полу, I, 187, 1874).

** აკადემიკოსი ბ რ ო ს ე 1838 წელს აღნიშნავდა: „Народонаселение Грузии прежде было значительнее, чем ныне (1.500.000 жит.)“ ЖМНП, 1838, № 8, 286), მაგრამ ეს ციფრი ძალიან გადაჭარბებულია.

ცარიზმის კოლონიურმა პოლიტიკამ თავი იჩინა სახალხო განათლების დარგშიც. „ცარიზმი განზრახ ანვითარებდა განაპირა ქვეყნებში პატრიარქალურ-ფეოდალურ ჩავვრას იმ მიზნით, რომ მასები მონობაში და მცონარეობაში ჰყოლოდა... ცარიზმი ავიწროებდა, ხოლო ზოგჯერ პირდაპირ აუქმებდა ადგილობრივ სკოლას, თეატრს, საგანმანათლებლო დაწესებულებებს, იმ მიზნით, რომ მასები ბნელეთში დაეტოვებინა. ცარიზმი ძირშივე ჰკვეთდა ადგილობრივი მოსახლეობის საუკეთესო ადამიანთა ყოველგვარ ინიციატივას“ (ი. სტალინი — „მარქსიზმი და ნაციონალურ-კოლონიალური საკითხი“, 83).

სწორედ ასეთა იყო რუსეთის თვითმპყრობელობის პოლიტიკა ქართველთა „განაპირა ქვეყნის“ მიმართაც.

სახალხო განათლების, ბექდევითი სიტყვის, თეატრალური ხელოვნების, და სხვა ასეთი საგანმანათლებლო დაწესებულებები და წამოწყებანი, რომლებიც შევიდა ან შედიოდა საქართველოს ცხოვრების პრაქტიკაში XVIII საუკუნის დასასრულს, — სრულიად ან თითქმის სრულიად იქნა გაუქმებული XIX ს. დასაწყისში. რუსეთის მეფის ხელისუფლებამ საქართველოში თავისი დაფუძნების პირველ წელსვე გააუქმა თელავის სემინარია და თბილისის ცოტად თუ ბევრად ცნობილი ქართული სკოლები, უარჰყო საქართველოს უკანასკნელი მეფის, გიორგი XII მიერ 1799 წელს მოწონებული პროექტი (ბატონიშვილ იოანე ბაგრატიონისა), რომელიც ითვალისწინებდა 3 უმაღლესი სასწავლებლის დაარსებას (თბილისსა, თელავსა და გორში), დევნიდა და ფანტავდა ქართველ მეცნიერებს, ლიტერატორებს, კულტურა-განათლების მუშაკებს, აფერხებდა ყოველ ადგილობრივ თაოსნობას ქართველთა შორის წერა-კითხვისა და განათლების გავრცელების საქმეში.

კოლონიური პოლიტიკის ინტერესებისადმი იქნა აგრეთვე დაქვემდებარებული რელიგიაც. რუსეთის თვითმპყრობელობას კარგად ესმოდა, რომ კავკასიაში რუსიფიკატორული პოლიტიკისა და ამ კუთხის სულიერი გარდაქმნის ერთ-ერთ უმახვილეს იარაღად სკოლის გარდა, შეიძლებოდა გამოეყენებინა ეკლესიაც. მაგრამ როგორც ძველ ქართულ სკოლას, ისე ეკლესიას ვერ გამოიყენებდნენ ამ ამოცანის შესასრულებლად. ძველი ქართული სკოლის გაუქმება შეიძლებოდა, მაგრამ ასე ადვილად ვერ გაბედავდნენ საქართველოს ძველთაძველი, მართლმადიდებელი ეკლესიის გაუქმებას.

საქართველოს ეკლესია თავიდანვე ასრულებდა სათანადო კულტურულ-საგანმანათლებლო როლს: ავრცელებდა წერა-კითხვას, ინახავდა სკოლებს, ამრავლებდა ლიტერატურულ წერილებს და, რაც მთავარია, იცავდა ქართულ ენას. სწორედ ეს როლი უნდოდათ ჩამოერთმიათ მისთვის რუსეთის მეფის მოხელეებს და დაეკისრებინათ სულ საწინააღმდეგო, ზემოთ ნაჩვენები, მისია. პირველად ამ მიმართულებით ჯერ კიდევ 1803 წელს გაილაშქრა საქართველოს მთავარნაჩბეგელმა გენერალმა ციციანოვმა, რომელმაც საქართველოს კათოლიკოსს ანტონ II მოსახუვა ეპარქიების, ეპისკოპოსთა რაოდენობისა და სხვა მალალ სასულიერო თანამდებობათა შემცირება. შემდეგ რუსეთის მთავრობამ გააუქმა საქართველოს კათოლიკოსის თანამდებობა, მინიმუმამდე დაიყვანა კათედრების რიცხვი და გაატარა საქართველოში საეკლესიო რეფორმა იმ მიზნით, რომ ქართული ეკლესია რუსეთის მეფის ხელისუფლებისათვის დაემორჩილებინა, შეეცვალა საეკლესიო გადასახადები (რაც გადაიქცა იმერეთში 1819—20 წლების გლეხთა აჯანყების ერთ-ერთ მიზეზად), გადაეყვანა სამღვდელთა ჯამაგირზე და ანით გაეხადა იგი საბელმწიფოსაგან დამოკიდებული ეკონომიურად და უფლებრივად.

რუსეთის თვითმპყრობელობამ ამ გზით მოახერხა საქართველოს ეკლესიის ნაწილობრივ დამორჩილება, მაგრამ სანამ ღეთისმსახურება და სხვა რელიგიური წესები ქართველ მოსახლეობაში მშობლიურ ენაზე სრულდებოდა, ქართული ეკლესიის წინააღმდეგ ცარისტული რუსეთის ბრძოლა არ შენელებულა. განსაკუთრებით მკაცრ ფორმებში წარმოებდა ეს ბრძოლა საქართველოს ეგზარხოსად ცნობილი რიხანელი ეპისკოპოსის თეოფილაქტე რუსანოვის დანიშვნის (1817) შემდეგ. ამ ბრძოლის პარალელურად მეფის ხელისუფლება შეუდგა მთიან საქართველოსა და კავკასიაში მისიონერული ორგანიზაციების („ოსეთში ქრისტიანობის აღმადგენელი კომისია“, 1814 წ., კავკასიაში მართლმადიდებელი ქრისტიანობის აღმადგენელი საზოგადოება“, 1860 წ. და სხვ.) შექმნას, რომლებიც ჯვართა და სახარებით ამტკიცებდნენ მეფის ჟანდარმულ ხელისუფლებას კავკასიაში და სულიერ მონობაში აგდებდნენ თავისუფლებისმოყვარულ მთიელ მოსახლეობას.

საქართველოს დამორჩილებისა და გარდაქმნის ამოცანები XIX საუკუნეში განსაზღვრავდნენ აგრეთვე მისი სახელმწიფოებრივი მართვის სისტემას. გასული საუკუნის დასაწყისში, როდესაც წარმოებდა საქართველოს პოლიტიკური „დაპყრობა“, მხარეს მართავდა

კავკასიის არმიის (კორპუსის) მთავარსარდალი, რომელიც ამავე დროს იყო საქართველოს მთავარმართველიც.

მასთან არსებული ე. წ. „საქართველოს უმაღლესი მთავრობა“ 4 ექსპედიციით (აღმასრულებელი, სამოქალაქო, სისხლის-სამართლის და სახაზინო) წარმოადგენდა, უკეთეს შემთხვევაში, უბრალო აღმასრულებელ ორგანოს, მაგრამ კანონმდებლობით სრულიად არა. ასევე — „საქართველოს მმართველი“, რომელსაც უნდა შეეცვალა მთავარმართველი ყველა სამოქალაქო საქმის დარგში, მაგრამ ფაქტიურად მოკლებული იყო ყოველგვარ სერიოზულ სახელმწიფოებრივ უფლებას.

აღკვეთილი იყო ქართველი საზოგადოებრიობის მონაწილეობა თავისი ქვეყნის მართვის საქმეში. გვერდს უვლიდნენ ქართველთა მიერ თავისი მშობლიური კუთხის ხელმძღვანელობის საუკუნეობრივ ტრადიციებს. ქართველი თავადაზნაურობის მორალური დაკმაყოფილების მიზნით, მის წარმომადგენლებს უფლება მიეცათ ყოფილიყვნენ „საქართველოს უმაღლესი მთავრობის“ წევრებად; მართლაც შედიოდნენ ისინი ზემოთ დასახელებულ ექსპედიციებში და ქმნიდნენ მათ უფროსებთან ერთად უმაღლესი „მთავრობის“ საერთო საკრებულოს, მაგრამ არსებითად მათ ანგარიშს არაეინ უწევდა. არ ჰქონდათ ნდობა და არც კი შეჰყავდათ ისინი იმ საქმის კურსში. რომელიც თითქოს მათი მოქმედების სფეროს ეკუთვნოდა. მაგრამ არა მხოლოდ ექსპედიციის ქართველი წევრები იყვნენ გაუგებარ მდგომარეობაში ან თავაზიანად იგნორირებულნი, არამედ მთელი „საქართველოს უმაღლესი მთავრობა“ წარმოადგენდა არსებითად ჩვეულებრივ „საგუბერნიო სამმართველოს“, სადაც ყოველივე, გუბერნატორის ნების ვარდა, უბრალო ნომინალობა იყო და მეტი არაფერი.

საქართველო არ სარგებლობდა არათუ სუვერენული უფლებებით, თუნდაც სამოქალაქო დარგში, არამედ ის მოკლებული იყო იმ უფლებებსაც კი, რომლებიც ჰქონდათ საერთოდ რუსეთის ქვეშევრდომებს.* ზოგიერთი ბეცი მთავარმართველი კრძალავდა კიდევ იმას, რომ ქართველები ქვეშევრდომებად ჩაეთვალიათ.**

* ამაზე 1837 წელს ნიკოლოზ I-ის ყურადღებას აქცევდა ქართველი პოეტ და გენერალი ალ. ჰავჭავაძე (ალ. ჰავჭავაძე, თხზულებები, ი. გრიშაშვილის რედაქციით, 251, 1940, თბილისი).

** მაგალითად, 1801 წ. საქართველოს მთავარმართველმა გენ. კანტარინმა თფიციულად აუკრძალა გენერალ ლახარეუს ეზმარა საქართველოს მიმართ სიტყვა „ქვეშევრდომობა“, რომელიც მას თითქოს არ ჰქონდა მიიქებული (Акты, I, 353).

XIX ს. ორმოციან წლებამდე, ამიერკავკასიაში თავისი ძალაუფლების საბოლოოდ განმტკიცებამდე, მეფის მთავრობა ფორმალურად არ აღიარებდა საქართველოს სახელის გაუქმებას და ამის გამო ვერ ბედავდა გადაეხაზა იგი და საქართველოსათვის ერთბაშად ეწოდებინა რუსეთის გუბერნია. მაგრამ თანდათანობით ისეთი უმნიშვნელო რეფორმის გატარებამ, როგორც იყო „საქართველოს მმართველის“ თანამდებობის გაუქმება (1811) და მისი შეცვლა სამოქალაქო გუბერნატორის თანამდებობით, საქართველოს დაყოფა მაზრებად, ქართველი მოურავების ინსტიტუტის გაუქმება, შინაგანი წესრიგის დამცველი პოლიციის შემოღება, რუსი ბოქაულების ინსტიტუტის შექმნა და სხვა მთელმა რიგმა ადმინისტრაციულმა ღონისძიებამ მმართველობის სისტემის ნიველირებისათვის უკვე ფორმალურადაც მოამზადა ნიადაგი „საქართველოს ყოფილი სამეფოს“ გადასაქცევად რუსეთის ერთ-ერთ გუბერნიად; და მართლაც, 1841 წელს, რუსეთის სახელმწიფო საბჭოს მიერ ამიერკავკასიის მმართველობის სარეორგანიზაციოდ 1837 წელს გამოყოფილი სპეციალური კომისიის* მუშაობის შედეგად, საქართველოს ეწოდა „საქართველო — იმერეთის გუბერნია“.

აქეთკენვე იყო მიმართული სასამართლოს წარმოების სისტემა: კრუსეთთან საქართველოს შეერთების შემდეგ საქართველოში სამოქალაქო სასამართლოს წარმოება ფორმალურად კიდევ დიდხანს მიმდინარეობდა საქართველოს მეფის ვახტანგ VI (1675—1737) კოდექსის მიხედვით, მაგრამ საზარალის მწარმოებლად იყვნენ უმთავრესად რუსი „მეკანონეები“, რომლებსაც არ ესმოდათ არც ქართული ენა, არც ვახტანგის კანონები და სრულიად არ იცნობდნენ ხალხის საადიო სამართალს. სისხლის სამართლის საქმეებში ვახტანგის კანონები თავიდანვე იქნა აღკვეთილი, რუსულ კანონებოკი სავსებით გაუგებარი იყო ხალხისათვის და, ამგვარად, ორივე შემთხვევაში ის კანონები, რომლებიც ძალაში იყო საქართველოს ტერიტორიაზე XIX ს. 70-იან წლებამდე, წარმოადგენდნენ ათიქოს „ზეპირ კანონებს“, რომლითაც პროკურორებს, ისპრავნიკებს, კომისრებს, მსაჯულებს და სასამართლოს სისტემის მთელ აპარატს ეძლეოდა საშუალება უხეშად და დაუსჯელად გაეთელათ ჩვენში ხალხური მართლმსაჯულების ისტორიულად შემუშავებული ნორმები და ტრადიციები. ამას გარდა, საქმეების დაუბოლოებელ ვაჭიანუ-

* სენატორ განის კომისია.

რეპას ინსტანციებში, აპელაციის უფლების გაუქმებას, სასამართლოში თარჯიმნებასან პატიოსანი თარჯიმნების უყოლობას და კანონების მეთვალყურეთა უსაზღვრო თაყნებობას, მექრთამეობასა და სხვა ბოროტმოქმედებებს ხალხი გამოჰყავდა მოთმინებიდან, იწვევდა მის შეჯახებას ხელისუფლებასთან, რაც ხალხისათვის ერთობ მძიმე შედეგებით თავდებოდა.

საქართველოსა და კავკასიის მართვის სისტემას, რომელიც სავსებით შეეფერებოდა ცარიზმის ინტერესებს ამ ქვეყნების საზოგადოებრივ-პოლიტიკური და ნაციონალური დამონების საქმეში, იცავდა სპეციალურად შერჩეული ადმინისტრაციული აპარატი, რომელიც გამოირჩეოდა მეფის ტახტისადმი მონური მორჩილებით, ერთი მხრით, და უსულგულო დამოკიდებულებით ადგილობრივი უქონაგო და მშვიდობიანი მოსახლეობისადმი — მეორე მხრით. „სულ ცუდი ჭობელეებისაგან არის ქვეყანა ნაკლოვანებაში“, — წერდა XIX ს. 20-იან წლებში ქართველი მწერალი იოანე ბაგრატიონი („კალპასობა“). ისინივე ჰყავდა მხედველობაში 1837 წ. გამოჩენილ ქართველ პოეტს ნიკოლოზ ბარათაშვილს, როდესაც წერდა, რომ „ჩინოვნიკების წრე არ გამოდგება ზნეობის ჩამოყალიბებისათვის“ — ი. („ლექსები, პოემა, წერილები“).

უმრავლესობა იმ მოხელეთა, რომლებსაც საქართველოში ნიშნავდნენ, გარდა იმისა, რომ გონებრივად იყო ჩამორჩენილი, აღშფოთებას იწვევდა თავისი ავანტურით, აფიორით, ძარცვით, ძალადობით, ჯაშუშობით, მექრთამეობით, ხაზინის ქურდობითა და სისხლის სამართლის სხვა დანაშაულით. ზოგიერთები კი აქეთ მოემართებოდნენ ჩინ-ორდენების, საშოვრის, წოდებისა და სხვა სიკეთის საქებრად. „ახალგაზრდა ტიტულოსანი მრჩეველები მოდიან აქ მხოლოდ სანუკვარი ასესორის ჩინისათვის“ („Молодые титулярные советники приезжают сюда за чином ассесорским, только вожделенным“) — წერდა ა. პუშკინი 1829 წ. თბილისში ყოფნისას.* ეს მოხელეები ბევრ რამეში აქარბებდნენ ხლესტაკოვებს, ლიაპკინ-ტიაპკინებს და გოგოლის გალერიის სხვა გაიძვერა არამზადებს, და არაფრით განსხვავდებოდნენ სალტიკოვ-შჩეღინის „ბატონ ტაშკენტელთაგან“, იმ „გულკეთილ ვაეთაგან“, რომელთაც „სული მისდიოდათ ჭამაში“ და ჰქონდათ „კარგად განეითარებული მტაცებლური ინსტინქტები“.

* „Путешествие в Арарук“.

საქართველოში, რუს ბიუროკრატთა მმართველობის სისტემის ამ უმსგავსოებას არ მალავდნენ არც რუსი მეცნიერები, არც მეფი-დაყენებული დიდი თანამდებობის პირნი. ასე, მაგალითად. ისტო-რიკოსი ნ. დუბროვინი წერდა: „მოხელეთა ბოროტმოქმედება უკიდურეს საზღვრამდე მიდიოდა. დაწესებულებებში ქართველებს არა მხოლოდ ლანძღავდნენ საჯაროდ, არამედ კიდევ სცემდნენ. მარტოოდენ ეკვის გამო იჭერდნენ მათ, უკრავდნენ უკან ზელებს. აცვამდნენ კისერზე მარყუშს და, მსგავსად სისხლის სამართლის დანაშაუვითა, ატარებდნენ ფეხით 50 ვერსზე და უფრო შორს მანძილზეც. მოხლეებსა და ოფიცრებს ძალით მიყავდათ ქალები და ქალიშვილები სოფლებიდან და აუპატიურებდნენ“.* 1830 წ. სენატორები კუტაისოვი და მეჩნიკოვი საქართველოში სამოქალაქო მართვა-გამგეობის რევიზიის შედეგად აღწყებდნენ იუსტიციის მინისტრს მათ მიერ შეგროვილი ცნობების მიხედვით, რომ: საკუთრად საქართველოს მართვა-გამგეობის საქმეებში ბოროტმოქმედება და უწესრიგობა აქარბებს ყოველგვარ საზომს, მაგრამ თუ განგუხილავთ მაკმადიანური პროვინციის მართვა-გამგეობას, აღმაშფოთებელია მმართველთა მიერ ხალხის წამება.** ბოროტმოქმედებას ეწეოდნენ არა მხოლოდ წვრილი მოხელენი, ძალიან ხშირად დიდი თანამდებობის პირნიც არ თაკილობდნენ მას. ცნობილია, მაგალითად, რომ საქართველოს პირველი შთავარმართებელი გენერალი კნორინგი (1801—1802) დანაშაულობათა და დამნაშავეთა აშკარა მფარველობისათვის, იმპერატორმა ალექსანდრე I რუსეთში გაიწვია, ხოლო საქართველოს მმართველი, ნამდვილი სამოქალაქო მრჩეველი კოვალენსკი (1801—1803) სისტემატური შექრთამეობისათვის და სხვა თანამდებობრივი ბოროტმოქმედებისათვის იმავე ალექსანდრე I თანამდებობიდან გადააყენა, როგორც „საქართველოსათვის მავნებელი“ ადამიანი, პასუხისგებაში მისცა და გადაასახლა გეორგიევსკში. ცნობილი გენერალი ა. მეჩნიკოვი 1842 წ., როდესაც სამხედრო მინისტრი ა. ი. ჩერნიშევი და „სტატს-სეკრეტარი“ პოზენი საქართველოში იქნენ მივლინებული ადმინისტრაციულ რეფორმათა რევიზიისათვის, ვესლიანად ოხუნჯობდა: „გაემგზავრნენ ჩვენი ახალი არგონავტები კოლხიდან. თუმცა ჩერნიშევი მოახერხებს იქ ოქროს საწმისის (пыши) პოვნას.

* Н. Дубровин, Закавказье в 1803—1806 гг., 53.

** ტ. ისტ. არქივი, ლენინგრადის განყ. „კავკასიის კომიტეტი“, ს. 56. ფურც 50—52.

მაგრამ გაკრეკს მას არა ის, არამედ პოზენი". ასე ძარცვავდა და არბევდა საქართველოს მოსახლეობას—მეფის ყველა მოხელე, დიდიდან პატარამდე, და ეს წარმოადგენდა გლეხთა აჯანყებების ერთ-ერთ მთავარ მიზეზს XIX ს. პირველი ნახევრის საქართველოში.

საქართველოს მართვა-გამგეობის რუსული მონარქული სისტემა ემსახურებოდა ხალხისა და მთავრობის ურთიერთისაგან გათიშვის საქმეს. ის ხელს უწყობდა აგრეთვე ქალაქსა და სოფელს შორის, გლეხობასა და ინტელიგენციას შორის განხეთქილებას და ურთიერთობის გამწვავებას. მართვა-გამგეობის ფორმები და მეთოდები სრულიად არ შეესაბამებოდა მის საგანს, სამოქალაქო და სამხედრო დაწესებულებათა ფუნქციები ერთმანეთში იყო არეული, ხოლო საზოგადოებრივი ცხოვრების მთელი რიგი დარგები მთლიანად რჩებოდა მმართველ ორგანიზაციათა მოქმედების გარეშე.

დაუსრულებელი მისწრაფება საქართველოს მართვა-გამგეობის სისტემის ნიველირებისა რუსეთის იმპერიის ცენტრალური რაიონებთან მართვა-გამგეობის სისტემასთან და ამით გამოწვეული ხშირი ცვლა მთავრობის დაწესებულებათა და თანამდებობის პირებისა, ხალხს არ აძლევდა შესაძლებლობას რამდენადმე მაინც გარკვეულიყო ამ უკანასკნელთა მუშაობის მეთოდებში და ურთიერთდამოკიდებულების ფორმებში. ამ დაწესებულებებსა და პირებს არ შეეძლოთ ესარგებლნათ რაიმე ავტორიტეტით მოსახლეობაში და, რა გასაკვირველია, თუ ისინი არ სარგებლობდნენ ხალხის პატივისცემით.

მმართველობის ამგვარმა სისტემამ XIX ს. პირველი ნახევრის საქართველოში შეზღუდა პიროვნების ინიციატივა, ძირი გამოუთხარა ადამიანისადმი ადამიანის ნდობას და დააწესა პედანტური გამოყენება კანონისა, რომელიც არ შეეფერებოდა ავგილობრივი ცხოვრების ისტორიულად შემუშავებულ ნორმებს. ეს სისტემა ამტკიცებდა ბატონყმური უფლებამოვალეობის საწყისებს, ემყარებოდა მხოლოდ შეიარაღებულ ძალას და ქვეყნისა და ხალხის სასიცოცხლო ინტერესებს ტლანქად უმორჩილებდა კავკასიის არმიის სამხედრო ინსტიტუტს.

რუსეთის მეფის მართვა-გამგეობის სისტემის შესახებ, საზოგადოდ, კ. მარქსი წერდა: „რუსეთის მმართველობის სისტემა ძველგან, სადაც კი ის დაკავშირებულია ფეოდალურ დაწესებულებებთან, განა იგივე არ არის, რაც სამხედრო ოკუპაცია, რომელშიც

ზამოქალაქო ხელისუფლება და იურიდიული იერარქია ორგანიზებულია: სამხედრო საწყისებზე და ხალხს აწევს შესანახად.*

საქართველოს და მთელი ამიერკავკასიის მაგალითზე ამ სიტყვებმა პოვეს თავისი ახალი დადასტურება.

პირველი არსებითი გარდატეხა საქართველოს საზოგადოებრივ-პოლიტიკურ ცხოვრებაში, მისი ანექსიის შემდეგ, მოხდა 30-იან წლებში. ეს გარდატეხა დაკავშირებული იყო რუსეთის თვითმპყრობელობის ადგილობრივი ხელისუფლების წინააღმდეგ 1832 წლის შეთქმულების აღმოჩენასთან.

დიდი რუსი რევოლუციონერი-დემოკრატი პ. გერცენი ამბობდა, რომ „ნიკოლოზის ეპოქა (1825—1855) იყო გარეგანი მონობისა და შინაგანი განთავისუფლების საკვირველი ეპოქა“. ამ დებულების ერთ-ერთ მკაფიო ილუსტრაციას წარმოადგენს პსენებული ეპოქის დამდეგის საქართველო, სადაც მძლავრად იჩინა თავი მეფის კოლონიური მონობისაგან განთავისუფლების შინაგანმა ტენდენციამ ნაციონალურ-განთავისუფლებელი მოძრაობის სახით.

რუსეთის ცარის ული ხელისუფლების მიერ ქართველი ხალხის სასტიკი შევიწროების ზემოაღნიშნული ფაქტები, განსაკუთრებით ნაციონალური დამონების ფაქტები, თანდათან ზრდიდა და აღრმავებდა ხალხის უკმაყოფილებას. „თუმცა ფორმალურად საქართველო ითვლებოდა არა დაპყრობილად რუსული იარაღის მიერ, არამედ რუსეთთან ნებაყოფლობით შეერთებულ წხარედ, მაგრამ მას განაგებდნენ მეფის მოადგილენი თავიანთ მოხელეთა წმინდა რუსული აპარატით. ვასაგებია, რომ ისინი არამცთუ მარტო არ იცავდნენ საქართველოს სახალხო ინტერესებს, არამედ არც ესმოდათ ეს ინტერესები. მათ ოპოზიციისაკენ მიჰყავდათ ქართველ დიდებულთა წოდებაც კი, რომელიც სინდისიერად, საქართველოს ინტერესების საწინააღმდეგოდ, ემსახურებოდა მეფის თვითმპყრობელობას.“** ეს წოდება და საქართველოს მთელი მაღალი თავადაზნაურული არისტოკრატია, მიუხედავად ზემოდასახელებული მატერიალური

* К. Маркс и Фр. Энгельс, Соч., IX, 397.

** М. Калинин, К 60-летию со дня рождения товарища Сталина, 4, 1939.

პრივილეგიებისა, რომელიც რუსეთის მეფის ხელისუფლებამ მიანიჭა მათ, მწვავედ განიცდიდნენ თავის პოლიტიკურ და უფლებრივ შეზღუდულობას. მათ არათერს ეკითხებოდნენ არათუ ქვეყნის, არამედ ადგილობრივი, თავისი პატარა კუთხის მართვის საქმეზეც კი, აღარ უწევდნენ ანგარიშს არათუ სახელმწიფოს მაღალი მოხელენი, არამედ უბრალო კაპიტან-ისპრავნიკები და პოლიციელები. ესენი საჭიროდ არ თვლიდნენ მიემართათ ქართველი თავადებისა და აზნაურებისათვის მათსავე მამულში მცხოვრებ გლეხთა საკითხებზეც კი. საქართველოს თავადაზნაურობას მწვავედ ჩაგრავდა აგრეთვე ქართული ენის განდევნა სახელმწიფო და სასამართლო დაწესებულებათაგან და ამის გამო უვიც და უზნეო თარჯიმანთა ხელში ჩავარდნა. ყოველივე ამან და საქართველოში რუსეთის მონარქიის ბატონობისა და მმართველობის ზენოაღნიშნულმა ტლანქმა ფორმებმა მიიყვანა ქართველი თავადაზნაურული არისტოკრატია იქამდის, რომ მან 30-იანი წლების დამდეგისათვის შექნა მსხვილი „საიდუმლო საზოგადოება“, რომელსაც განზრახული ჰქონდა 1832 წლის დანღევს მოეწყო საყოველთაო შეთქმულება რუსი მმართველების წინააღმდეგ საქართველოში.

ამხანაგი სტალინი წერდა, რომ „საქართველოს რუსეთთან შეერთების შემდეგ—ქართველმა თავადაზნაურობამ იგრძნო, თუ რა საზარალო იყო მისთვის ძველი პრივილეგიებისა და ძლიერების დაცარგვა, რომლებიც მას ქართველი მეფეების დროს ჰქონდა, იუკადრისა უბრალო ქვეშევრდომობა“ და მოინდომა „საქართველოს განთავისუფლება“. ამით მას უნდოდა საქართველოს სათავეში ქართველი მეფეები და თავადაზნაურობა დაეყენებინა და, ამგვარად, მათთვის გადაეცა „ქართველი ხალხის ბედობა! ეს იყო ფეოდალურ-მონარქიული „ნაციონალიზმი“. ვერცერთი შესამჩნევი კვალევერ დააჩნია ამ „მოძრაობამ“ ქართველების ცხოვრებას. ვერცერთი ფაქტით ვერ ისახელა მან თავი, თუ მხედველობაში არ მივიღებთ ქართველი თავადაზნაურების ზოგიერთ შეთქმულებას რუსი მმართველების წინააღმდეგ კავკასიაში.“* ერთ-ერთ ასეთ შეთქმულებად შეიძლება ჩაითვალოს 1832 წლის შეთქმულება.

1832 წლის შეთქმულების უახლოესი მიზანი—კავკასიის რუსული მმართველობის დამხობა, უმაღლეს ქართველ არისტოკრატიასთან:

* ი. სტალინი, თხზულებანი, I, 32.—33, 1947.

აკავშირებდა საშუალო თავადაზნაურობასა და ინტელიგენციას, რომლებიც არანაკლებად განიცდიდნენ რუსეთის ცარიზმის კოლონიური პოლიტიკის სასტიკ რეჟიმს. ერთ-ერთ მიზეზს, რამაც ქართველი ინტელიგენცია შეთქმულებამდე მიიყვანა, როგორც ჩანს სასამართლოში მათ წარმომადგენელთა მიერ მიცემული ჩვენებიდან, წარმოადგენდა მთავრობის უარყოფითი დამოკიდებულება ქართველი მოსახლეობის სახალხო განათლების ქსელის გაფართოებისადმი კერძოდ, ბიბლიოთეკების, სახალხო სკოლების და უმაღლესი სასწავლებლის უქონლობა საქართველოში. „საიდუმლო საზოგადოების“ აღნიშნულ მიზნისათვის შეუძლებელი იყო მხარი არ დაეჭირათ საქართველოს სხვადასხვა რაიონის „მოუსვენარ“ გლეხებსაც, რომელთაც უფრო მძიმედ, ვიდრე საზოგადოების სხვა ფენებს, აწვა ძარცვის, რბევის, აბუჩად აგდებისა და ეროვნული დამონების მონარქიული სისტემა.

ამიტომ 1832 წ. შეთქმულება მოთქმობული იყო მისა ხელმძღვანელების მიერ ძალიან ფართო მასშტაბით. „საიდუმლო საზოგადოების“ (შეთქმულების) ასეთ „ყოვლისგამაერთიანებელ“ მიზანთან დაკავშირებით, მის ხელმძღვანელობაში ჩვენ ვხედავთ როგორც მალაღობი არისტოკრატის წარმომადგენლებს, რომლებიც უმრავლესობას წარმოადგენენ, ისე საშუალო თავადაზნაურობის და დემოკრატიული ინტელიგენციის წარმომადგენლებსაც, რომლებიც შეადგენენ უმცირესობას. უმრავლესობაში შედიოდნენ ქართველი ბატონიშვილები და თავადები, ხოლო უმცირესობას წარმოადგენდნენ: გამოჩენილი ქართველი მეცნიერი და ჟურნალისტი სოლომონ დოდაშვილი (1805—1835); მწერლები: ალ. ორბელიანი (1801—1869), ვახტანგ ორბელიანი (1812—1890), გიორგი ერისთავი (1811—1864), სოლ. რაზმაძე (1793—1852); ლიტერატორები და საზოგადო მოღვაწეები: ფილადელფოს კიკნაძე, იოსებ შამაცაშვილი; პედაგოგი ზაალ ავთანდილაშვილი, პოდპორუჩიკები ელიზბარ და დიმიტრი ერისთავები, კაპიტანი ზ. ჩოლოყაშვილი და სხვ. 1832 წ. შეთქმულებაში მონაწილეობას იღებდნენ აგრეთვე ქართველი პოეტები: ალ. ჭავჭავაძე (1785—1846) და გრიგოლ ორბელიანი (1804—1883), პუბლიცისტი დიმიტრი ყიფიანი (1814—1887) და ბევრი სხვა. სულ შეთქმულების საქმეზე პასუხისგებაში იქნა მიცემული 145 კაცი სხვადასხვა წოდებისა და რწმენისა. „საზოგადოების“ ასეთ სხვადასხვაგვარ სოციალურ შემადგენლობას არ შეიძლებოდა კვალი არ დაეჩნია შეთქმულების საბოლოო მიზნის შემუშავებაზე, და

3. გ. თავიშვილი

შას შართლაც არ გააჩნდა ერთიანი მიზანი. მასალებიდან ჩანს, რომ წარმატების შემთხვევაში, ე. ი. თუ საქართველო განთავისუფლდებოდა რუსეთის თვითმპყრობელობისაგან, შეთქმულების ხელმძღვანელთა უმრავლესობას სურდა აღეღვინა დამოუკიდებელი საქართველოს სამეფო, მთავრობა უნდა ყოფილიყო შედგენილი ორი პალატისაგან: ზედა პალატა, ქართველი მეფის მეთაურობით და მთავარი მინისტრების შემადგენლობით, და ქვედა პალატა, რომელიც იქნებოდა შედგენილი ყველა მაზრის დეპუტატებისაგან. ამგვარად, შეთქმულების ხელმძღვანელთა უმრავლესობა ესწრაფვოდა რა დამოუკიდებელი საქართველოს სამეფოს აღდგენას, გამოხატავდა დიდ ფეოდალთა ინტერესებს და ხელახლა აყენებდა საქართველოს ირახულ-თურქულ ორიენტაციის გზაზე, ე. ი. აბრუნებდა ქვეყანას უკან XVIII საუკუნის დასასრულის მდგომარეობისაკენ და მით აფერხებდა საქართველოს სინამდვილეში ისტორიული განვითარების კანონზომიერ პროცესს.

1832 წლის შეთქმულების უპიკირესობის წარმომადგენლები კი არ ფიქრობდნენ მოეწყვიტათ ქართველი ხალხი რუსეთისაგან, საქართველოს სამეფოს აღდგენას კი შეუპოვებლად სთვლიდნენ. ისინი წარმომადგენდნენ 30-იანი წლების ქართველი საზოგადოების განათლებულ, პროგრესულ ნაწილს, კარგად იცნობდნენ დასავლეთ ევროპისა და რუსეთის მოწინავე იდეებს—თავისუფლებისა, თანასწორობისა და ეროვნულ-განმათავისუფლებელი მოძრაობის იდეებს. ბევრი მათგანი კარგად იცნობდა აგრეთვე 1825 წ. რუსი დეკაბრისტების პროგრამას, ისინი თარგმნიდნენ და არჩევდნენ მომავალი სახელმწიფოებრივი წყობილების მათ (მაგ., პესტელის) გეგმებს, აკრიტიკებდნენ დეკაბრისტების სამხედრო-საორგანიზაციო ხასიათის შეცდომებს, რომლებმაც გამოიწვია მათი დამარცხება, თარგმნიდნენ და აერთელებდნენ რილეევის წერილებსა და რევოლუციურ ლექსებს.*

„საიდუმლო საზოგადოების“ წევრმა სოლომონ რაზმაძემ გადმოთარგმნა ქართულ ენაზე სენის დეპარტამენტის პრეფექტის 1930 წლის 19 ოქტომბრის მოწოდება „თვისთა თანამოქალაქეთა მიმართ.“ ამგვარად, 1832 წლის შეთქმულების უპიკირესობა არა მარტო იცნობდა, არამედ გატაცებული იყო დეკაბრისტებისა და 1830 წლის საფრანგეთის რევოლუციის რესპუბლიკური იდეებით.

* ს. დოდაშვილმა თარგმნა რილეევის მიერ სიკვდილის უწინ ცოლისადმი მიწერილი წერილი, პოეტმა გრიგოლ ორბელიანმა კი მისი „ნალივაიკოს აღსარება“ ლექსიდან „ნალივაიკო“.

შეთქმულების უმცირესობის ასეთი განწყობილებები იცოდნენ სხვა ზელმძღვანელებმაც, კერძოდ, დიმიტრი ბატონიშვილმა, რომელიც ხშირად „ესაუბრებოდა მასთან მოსიარულეებს თავისუფლების შესახებ, უხსნიდა საფრანგეთის უფლებებს, მისი მოსახლეობის თავისუფალ ცხოვრებას, მეფის შეზღუდულ ძალა-უფლებას და იმას, თუ როგორი ხმა აქვს საფრანგეთის თითოეულ მოქალაქეს მეფეების არჩევის დროს, და, ბოლოს, რა აჯანყებებს ჰქონდა ადგილი საფრანგეთში“.*

რუსეთისა და საქართველოს მომავალი სახელმწიფოებრივი წყობილება „საიდუმლო საზოგადოების“ უმცირესობის წევრებს, მიუხედავად ერთგვარი მერყეობისა, მაინც ერთნაირად ჰქონდათ წარმოდგენილი: ისინი მხარს უჭერდნენ რესპუბლიკას. ასე, მაგალითად, ოქროპირ ბატონიშვილმა, „საზოგადოების“ ერთ-ერთ ყველაზე უფრო რადიკალურ წარმომადგენელთან, სოლომონ დოდაშვილთან, საუბრის დროს, იცოდა რა მისი დადებითი დამოკიდებულება რესპუბლიკური წყობილებისადმი, განაცხადა: „დიახ, ბატონო ქართველებო, ეცადეთ საქართველოს განთავისუფლებას, ამასთან მე მსურს საქართველოს თავისუფლება არა იმისათვის, რომ უინმე ბაგრატიონთა გვარიდან გამეფდეს აქ, არაქედ მისთვის, რომ ასაქართველო გახდეს რესპუბლიკად“.*

1832 წლის შეთქმულება მხადღებოდა 1826—27 წლებიდან. პირველად მისი შექმნის აზრი და ორგანიზაცია აღმოცენდა დეკაბრისტული მოძრაობის გავლენით, ქ. პეტერბურგს, საქართველოდან გადასახლებულ ბატონიშვილებსა და პეტერბურგში მოსწავლე ქართველ ინტელიგენტთა შორის, მაგრამ მალე შეთქმულების ცენტრი ჩამოყალიბდა თბილისში, ს. დოდაშვილის, ალ. ორბელიანის, ელიზბარ ერისთავის შემადგენლობით. შეთქმულების მომზადება და გამოსვლა იყო ორგანიზებული, გეგმიანი. „საზოგადოების“ წესდება, შიფრი („საიდუმლო ანბანი“), პაროლები, შერქმეული სახელები, პროკლამაციები, ახალი წევრების მიღება, პირველი გამოსვლის მკაფიო გეგმა და აჯანყების პირველი ღამისა და გადატრიალების გარკვეული პროგრამა, აგრეთვე კონსპირაციის სხვადასხვა ფორმა განცვიფრებს იწვევს თავისი ზედმიწევნითი მოტიქრებულობით და საზრისიანობით. შეთქმულებისა და

* „1832 წლის შეთქმულება“, გ. გოზალიშვილის რედაქციითა და წინასიტყვაობით, .62.

აჯანყებისათვის მზადება მიმდინარეობდა როგორც თბილისში, ისე აღმოსავლეთ და დასავლეთ საქართველოს ზოგიერთ რაიონში. შეთქმულების ხელმძღვანელები იყვნენ დაკავშირებული ირანთან, ოსმალეთთან და რუსეთთან წინააღმდეგ იმ დროს მეომარ კავკასიის მთიელ ტომებთან. ისინი აგრეთვე დაკავშირებული იყვნენ ირანში მყოფ ინგლისის მისიასთან,* რომელიც მხარს უჭერდა საქართველოდან გაქცეულ ემიგრანტ ალექსანდრე ბატონიშვილს. ამას გარდა, საფრანგეთის საკონსულოს მდივნის, ლეტელიეს, მეშვეობით და ფრანგი ისტორიკოსის მარი ბროსეს დახმარებით შეთქმულებმა დაამყარეს კავშირი საფრანგეთის ზოგიერთ წრეებთან. „საიდუმლო საზოგადოების“ წევრები ამზადებდნენ შეიარაღებულ ძალას მთავრობის მიმართ უკმაყოფილო გლეხთაგან საქართველოს სხვადასხვა კუთხეში. შეთქმულებმა მოახერხეს აგრეთვე თავის მხარეზე გადმორეყვანათ თბილისის სასწავლო ბატალიონი, შემდგარი რიგითი რუსი ჯარისკაცებისაგან. ქართველი არისტოკრატი ქალები კერავედნენ „რევოლუციურ ბაირალებს“ და აჯანყების დროს განზრახული ჰქონდათ ჩაეცვათ მამაკაცთა კოსტუმები და მამაკაცებთან ხელი-ხელჩაკიდებული ებრძოლნათ „მტრის“ წინააღმდეგ. ამას გარდა, 1831 წელს, პოლონეთის აჯანყების დაშარცხების შემდეგ, საქართველოში გადმოსახლებულ პოლონელ პატრიოტთაგან შეთქმულები აწკობდნენ 500-კაციან რაზმს, რომელიც უნდა მიხმარებოდა აჯანყებულ ქართველებს. 1832 წლის შეთქმულებას მხარს უჭერდნენ აგრეთვე პატიოსანი და მოწინავე რუსი მოხელეები: ანდრე მელნიკოვი (თბილისის პოლიცმეისტერი), პეტრე ზავილეისკი (თბილისის სამოქალაქო გუბერნატორი), დიმიტრი პაუშენკო (დუშეთის მაზრის ისპრაენიკი) და სხვ.

აჯანყების დასაწყისი შეთქმულების ხელმძღვანელებს უნდოდათ შეეფარდებინათ ირანთან, ოსმალეთთან და კავკასიელ მთიელებთან ომის მდგომარეობის უფრო შესაფერისი პერიოდისათვის, აგრეთვე პოლონეთის ამბებთან უფრო დაძაბული მომენტისათვის, რომელიც დასავლეთისაკენ მიიზიდავდა რუსეთის არმიის ნაწილს. მაგრამ კავკასიაში სამხედრო მოქმედებათა წარმატებამ და პოლონეთის აჯანყების ჩაქრობამ რამდენიმეჯერ გადაადებინა მათ აჯანყების ვადები.

* ინგლისის ეწინოდა რუსეთთან გაუღების სუფროების გაფართოებისა ირანსა და აღმოსავლეთზე და ამიტომ სიამოვნებით უჭერდა მხარს კავკასიიდან რუსების განდევნის იდეას.

საბოლოოდ გადატრიალება (აჯანყება) დანიშნული იყო 1832 წ. 20 დეკემბრისათვის, მაგრამ 9 დეკემბერს „საიდუმლო საზოგადოების“ წევრმა თავადმა ფალაჯანდი შვილმა გასცა შეთქმულები, რომლებიც სასწრაფოდ იქნენ დატუსაღებულნი და მიცემულნი სამხედრო სასამართლოში.

1832 წლის შეთქმულება არ იყო დამყარებული მის ამოცანათა შესაბამის რეალურ ძალაზე და, მიუხედავად ფართო გეგმებისა და კარგი ორგანიზაციისა, მას არ შეეძლო წარმატების მოპოვება. მაგრამ არ შეიძლება იმის უარყოფა, რომ 1832 წ. „საიდუმლო საზოგადოება“ წარმოდგენდა საქართველოს ნაციონალურ-განმათავისუფლებელი მოძრაობის პირველი, თავადაზნაურულ ეტაპის მსხვილ პოლიტიკურ ორგანიზაციას. ის სრულიადაც არ მოგვეგონებდა მასონურ საზოგადოებას ან კარბონარულ მოძრაობას, როგორც წერენ ზოგიერთი ისტორიკოსები. მაგრამ მას არ შეეძლო გამარჯვება, ვინაიდან მის ხელმძღვანელთა უპრაველესობის მიზანი—საქართველოს სახელმწიფოს აღდგენა—უკვე ანაქრონიზმს წარმოადგენდა, ხოლო მისი უმცირესობის იდეები—თანასწორობა და რესპუბლიკა—თუმცა არ იყო ნაადრევი XIX ს. პირველი ნახევრის საქართველოსათვის, მაგრამ მათი გახორციელებისათვის ბრძოლას რუსეთის განმათავისუფლებელ მოძრაობასთან მკიდრო პოლიტიკური კავშირის გარეშე არ შეიძლებოდა მოჰყოლოდა რაიმე რეალური შედეგი.



1832 წლის შეთქმულების აღმოჩენას და მის მოწინავე ხელმძღვანელთა დასჯას, აგრეთვე ახალგაზრდა ქართველი ინტელიგენციის წინააღმდეგ მიღებულ რეპრესიებს არ შეეძლო არ გამოეწვია გარკვეული გარდატეხა მეფის რუსეთისადმი დამოკიდებულების საკითხში.

პირველ ყოვლისა, ამ საკითხში მკვეთრად გაიმიჯნა ქართველი საზოგადოების სხვადასხვა ფენა. საქართველოს მალაღმა თავადაზნაურობამ, რომელიც თავისი შთამომავლობით ჯერ კიდევ XVIII ს. მეორე ნახევრის საქართველოს ეკუთვნოდა, დაჰკარგა ძევის აღდგენის ყოველივე იმედი, დაჰკარგა ნაციონალური პერსპექტივა. მას უკვე აღარ ჰქონდა რაიმე გმირობის უნარი და „ივერიის დამარხულ დიდებაზე“ მწარე ოცნებით შეურიგდა თავისი აღსასრულის მოახლოებას. ქართველმა საშუალო თავადაზნაურობამ, რომელიც

დარწმუნდა „რუსთა ხელმწიფის ძლიერებაში“, ხელი აიღო მის წინააღმდეგ ყოველგვარ ბრძოლაზე. ასეთი ბრძოლა მან მიიჩნია არამართო უსარგებლოდ, არამედ მავნედაც კი, თვით საქართველოს სასიცოცხლო ინტერესების თვალსაზრისით. ამიტომ მეფის ხელისუფლებისადმი წინააღმდეგობის უარყოფიდან ის გადავიდა მასთან თანამშრომლობაზე და შეურიგდა საქართველოს სუვერენულ უფლებათა უხეშად გაუქმების სინამდვილეს. მაგრამ მალე დეკლასირებულ ქართველ არისტოკრატიაში იმდენად განმტკიცდა რუსულ ბიუროკრატიაზეთან შეზრდის ტენდენციები, რომ ის აღვილად დაადგანაციონალური ნიპილიზმის და გადაგვარების გზას. პოეტმა ნიკოლოზ ბარათაშვილმა მშენიერად გადმოგვცა მისი განწყობილება:

„რის ქართველობა, რა ქართველობა,
ვითომ რას გვავენებს უცხო ტომობა?!“

ეს არისტოკრატია მზად იყო მეფის ჩინებზე და ორდენებზე გაეყიდა თავისი „მრავალტანჯული“ სამშობლო და ხშირად მისი წარმომადგენლები კიდევ ეჯიბრებოდნენ მსხვილ რუს მოხელეებს რუსეთის ტახტისადმი ერთგულებაში. ამ არისტოკრატის იდეოლოგია თავადმა გ. ბაგრატიონ-მუხრანელმა შექმდეში თეორიულადაც კი დაასაბუთა მისი ნიპილიზმი, ამტკიცებდა რა იგი „მცირერიცხოვან ტომთა ან ეროვნებათა მსხვილ ეროვნულ ერთეულებთან შერწყმის აუცილებლობას, სუსტ ეროვნებათა ინდივიდუალობის საესებით მოსპობამდე, გაბატონებული ეროვნების სასარგებლოდ“.*

შერიგებისა და თანამშრომლობის გზას დაადგა ქართველი ინტელიგენციაც, რომელიც იმ დროს ძირითადად თავადაზნაურული იყო. მისი ერთი, კონსერვატული ჯგუფი დამშვიდებულად ათავსებდა თავის სამშობლოს ღრმა სიყვარულს მეფის რუსეთის ერთგული ქვეშევრდომობის გრძობებთან. ამ ჯგუფის მთავარი წარმომადგენლები: პოეტები—ალექსანდრე ჭავჭავაძე, გოიგოლ ორბელიანი, მომავალი დრამატურგი გიორგი ერისთავი, პუბლიცისტი დიპიტრი ყიფიანი და აგრეთვე რუსეთის მეცნიერებათა აკადემიის წევრი-კორესპონდენტი, ფილოლოგი დავით ჩუბინაშვილი, ისტორიკოსი პლატონ იოსელიანი, გე-

* Г. Багратион-Мухранский, О существе национальной индивидуальности и об образовательном значении крупных народных единиц, 24—25, 1872.

ნერლები კონსტანტინე და იოსებ მამაცაშვილები ბოლომდე რჩებოდნენ საქართველოს ქვეშაირიტ პატრიოტებად და მეფის რუსეთის ერთკულ მსახურებად. ამ გზის შინაგანი წინააღმდეგობა განისაზღვრებოდა 30—40-იანი წლების ინტელიგენციის პოლიტიკური მოუპწიფებლობით, მაგრამ მან მაინც შორს მოიტოვა თავისი თავადაზნაურული წოდების ვიწრო ინტერესები და მეფის რუსეთთან კავშირში ხედავდა ქართველი ხალხის „აბალი აღორძინების“ შესაძლებლობას.

განცალკევებულად იდგა ქართველი ინტელიგენციის მეორე, უფრო მოწინავე ჯგუფი, რომელიც საქართველოს ყოფნას რუსეთის იმპერიის შემადგენლობაში სთვლიდა ისტორიულად გარდაუვალ მოვლენად, რაც აუცილებელი იყო წინათ დაქუცმაცებული საქართველოს გასაერთიანებლად, მასში მშვიდობიანობის დასამყარებლად, შრომის გასავეითარებლად და კულტურის ასამაღლებლად, რათა შექმნილიყო მომავალში მისი დანოუქიდებელი არსებობის შესაძლებლობა. ეს ჯგუფიც თანამშრომლობდა მეფის ხელისუფლებასთან, მაგრამ ექვით უყურებდა საქართველოსადმი მის „კეთილ-მზრახველ მფარველობას“. ამ ჯგუფის მთავარი წარმომადგენელთაგანი, განათლებული გენერალი ივ. აბხაზი ფიქრობდა, რომ ეს „მფარველობა“ უნდა გაგრძელებულიყო დაახლოვებით ას წელს. „საქართველოს ეკოლება მას დროსა მრავალნი მსწავლულნი კაცნი, საზოგადოება შეიცვლება“ * და სამშობლო ისევ დაადგება დამოუკიდებელი განვითარების გზას. ქართველი ინტელიგენციის ამ მოწინავე ჯგუფს 30-იან წლებში ეკუთვნოდნენ 1832 წ. შეთქმულების ხენებული მონაწილენი: ფილოსოფოსი და ლინგვისტი სოლომონ დოდაშვილი, პედაგოგი ზაალ ავთანდილაშვილი (ავთანდილოვი), პოეტი-მთარგმნელი სოლომონ რაჭმაძე, პუბლიცისტი ალ. ორბელიანი, შემდეგ კი ამავე ჯგუფს ემხრობოდნენ დიდი ქართველი პოეტი ნიკოლოზ ბარათაშვილი, პოეტები ვახტანგ ორბელიანი, მიხეილ თუმანიშვილი, ისტორიკოსი დიმიტრი ბაქრაძე. ქართველი ინტელიგენციის ამ წრეში განვითარდა ნაციონალურ-განმათავისუფლებელი ჰომოპობისა და რესპუბლიკანიზმის იდეები, რომლებმაც თავისი გამოსახულება ჰპოვეს როგორც

* გ. ორბელიანი, „მზახრობა ჩემი თბილისიდან პეტერბურგამდის“, 1831 („საუბარი ივ. აბხაზთან“) პ. ინგოროყვას პუბლიკაცია, ტ. „მნათობი“, 19.0, № 2.

ლიტერატურაში (ნ. ბარათაშვილის პოემა „ბედი ქართლსა“, 1839 წ.), ისე პოლიტიკაში (1832 წლის შეთქმულებისა და გურიის 1841 წლის აჯანყების ცალკეულ მონაწილეთა შეხედულებები).

—

ქართველი საზოგადოებრივობის გადასვლა ახალ გზებზე ერთბაშად არ მომხდარა. ის ჯერ კიდევ 30-იანი წლებიდან, ცნობილი საზღვრო მოღვაწისა და პატრიოტის ივ. აბხაზის გამოთქმით, ცხოვრობდა უსაგნოდ, დაეხეტებოდა უგზოდ, ვითარცა ბნელსა ღამესა შინა“, მაგრამ 1832 წლის შეთქმულების დამარცხების შემდეგ, როდესაც ძველი გზები საბოლოოდ იქნა უარყოფილი, ხოლო ახალი კი სავსებით ჯერ კიდევ არ იყო გარკვეული, ქართველი საზოგადოებრივობის უსაგნო ცხერება, ბნელში ხეტიალი, კიდევ უფრო გაღრმავდა და არათანაბრად გრძელდებოდა 50-იან წლებამდის. შემთხვევითი არაა, რომ უფრო გვიან, სამოციანელთა მეთაური, გამოჩენილი ქართველი მწერალი ილია ჭავჭავაძე, იმავე ტერმინებით ახასიათებდა 40-იან და ნაწილობრივ 50-იან წლებსაც საქართველოში: „და ქართველი ორმოციანისა და ორმოცდაათიანის წლებისა დარჩა უსაგნოდ, ვარჯიშობას მოკლებული, მარტო, სულით ობოლი, სასოებაშიმხდილა. როგორც ბურუსიანი, ღრუბლიანი, თბილი და მშვიდი დღე, ისე იხედებოდა მამინდელი ჩვენი ცხოვრებაც. არც წვიმა საღმე, არც ქარიშხალი; ელვას რომ ათასში ერახელ ვლირსებოდით, დიდი ღვთის წყალობა იქნებოდა... დიახ, ასეთი გახლდათ ის წარსული დრო მე-40 და 50 წელთა, დრო მიძინებისა და ჩვენის გონებრივისა და ეროვნულის მიძინარებისა, მოქანცულობისა“.*

თუმცა 40—50-იანი წლების ამ დახასიათებაში მუქი ფერები ქარბობს, მაგრამ ძირითადად ის სწორია.

30-იანი წლების დასასრულისათვის ახალ პოლიტიკურ სიტუაციაში გადასვლასთან დაკავშირებული კრიზისის გადაწყვეტამ თან გაიყოლა ქართველი საზოგადოების ძველი მოღვაწეები. უკვე აღარ არსებობდა ქართულ კულტურაზე აღზრდილი ძველი ინტელიგენცია. შეთქმულების აღმოჩენის შემდეგ ის გადასახლებული იყო რუსეთში ან საერთოდ დაქსაქსული. ახალი, რუსეთში და რუსულ კულტურაზე აღზრდილი ქართველი ინტელიგენცია კი, 40-იანი წლების

* ი. ჭავჭავაძე, VII, 6—9, 1928.

დასაწყისში ჯერ კიდევ სუსტი იყო და თვითგაწორკევის პერიოდში იმყოფებოდა. ეს ახალი ინტელიგენცია უმთავრესად შედგებოდა საქართველოს საშუალო სკოლების (თბილისის კეთილშობილთა სასწავლებლის, 1827 წლიდან—გიმნაზიის და სასულიერო სემინარიის) კურსდამთავრებულთა და იმ ქართველი სტიპენდიანტებისაგან, რომლებიც გაგზავნილი იყვნენ რუსეთის უმაღლეს სასწავლებლებში და დაბრუნდნენ სამშობლოში უმაღლესი განათლების მიღების შემდეგ. ესენი ჰყავდა მხედველობაში პოეტ ნიკო ბარათაშვილს 1842 წელს, მეფე ირაკლი II ხსოვნისადმი ნიძღვნილ ლექსში:

„ქ.მთ ვითარებით გარდახეწილთ შენთ შვილთ მიდამო
მოაქვთ მამულში განათლება და ხმა საამო“.

მაგრამ ამ ინტელიგენციის მოღვაწეობის ხასიათი იყო წმინდა მეცნიერულ-ლიტერატურული. იგივე ნ. ბარათაშვილი 1841 წ. სწერდა პოეტ გრიგოლ ორბელიანს, რომ „ლიტერატურა ჩვენი, ღვათით, დღე და დღე შოულობს ახალთა მოყვარეთა. ნრავალნი ყმაწვილნი კაცნი, მოკლილნი სამსახურითგან, მკუდროებაში და მარტოობაში შეეწევიან მამულს ენას, რაოდენიცა ძალუძთ. ესე საზოგადო სული ბუნებითის ენის ტრფიალებისა ყმაწვილთ კაცთა შორის აღმოაჩენს, რომ ქართველთ არა სძინავთ გონებით“.* 40-იანი წწ. ინტელიგენციის ერთ-ერთი წარმომადგენელი, ლერმონტოვის მეგობარი, კონსტანტინე მამაცაშვილი, თავის მოგონებებში აღასტურებს ნ. ბარათაშვილის აზრს და ამბობს, რომ „ჩვენი დროს გატარება იყო ლაპარაკი მაშინდელ ლიტერატურაზე, სწავლაზედ, სხვადასხვა გარემოებებზედ“.** იმავე წრეში წარმოიშვა აზრი საქართველოს ისტორიის შექმნისა და კერძო ოჯახებში გაფანტულ ხელნაწერების და სამშობლოს ისტორიის სხვა ძეგლების შეკრებისა, ასე რომ მეცნიერულ-ლიტერატურულ სფეროში 40-იანი წლების ქართველი ინტელიგენცია, აღზრდილი, უმთავრესად, გერცენის, ბელინსკის, ოგაროვის, გრანოვსკის, ი. ტურგენევის, პ. ანენკოვის და სხვათა მოწინავე დემოკრატიულ იდეებზე, იყო გაბედული და ინიციატური, მაგრამ იმის გამო, რომ მას ნათლად არ ჰქონდა გარკვეული თავისი ნაციონალური პერსპექტივა,—ის პრაქტიკულად ნაკლებად

* ნ. ბარათაშვილი, ლექსები, პოემა, წერილები, 81, 1939.

** გახ. „დროება“, 1881, 206.

მოქმედი იყო და სუსტ გავლენას ახდენდა საზოგადოებრივ-პოლიტიკურ ცხოვრებაზე საერთოდ.

ამ გარემოებათა გამო, XIX საუკუნის 40-იანი წლების საქართველოში მოხდა გათიშვა ხალხსა და ინტელიგენციას შორის. ამატომ ამ წლებში ქართველი საზოგადოების ცხოვრება მართლაც უდარდელად მამდინარეობდა, მართლაც შესუსტდა მისი მოქმედების ტონუსი. მას უკვე აღარ ჰყავდა თავისუფლებისა და დამოუკიდებლობისათვის მტკიცე, პოლიტიკურად მებრძოლი მეთაურები. აღარ იყვნენ სოლიდური, პოლიტიკურად მოაზროვნე ხელმძღვანელები. აღარაგინ იყო, რომ მიმართულება მიეცა ცალკეული ნიჭიერი პირების და საერთოდ საზოგადოების განვითარებისათვის. ამ აზრის დასადასტურებლად სავისებით საკმარისია სასოწარკვეთილებით აღსავსე წერილი ნიკოლოზ ბარათაშვილისა, რომელიც მან მისწერა 1843 წ. პოეტ გრ. ორბელიანს: „მე შინაგანი ხმა მიწივეს საუკეთესო ხედრისაკენ, გული მეუბნება, რომ შენ არა ხარ ახლანდელას მდგომარეობისათვის დაბადებულიო. ნუ გძინავსო. მე არა მძინავს, მაგრამ კაცი მინდა, რომ ამ პატარა ღრე-კლდეს გამიყვანოს და დავდგე გაშლილს ადგილს. ოჰ, რა თივისუფლად ამოვისუნთქავ მაშინ, რა ხელმწიფურად გადავხედავ ჩემს აპარებსა“.* მაგრამ არ იყვნენ იმ დროს ასეთ „გაშლილ ადგილას გამყვანი“ ადამიანები. იმ დროს ყველა ნიჭიერი ლიტერატორი, — მისივე სიტყვით, — მუშაობდა „მკუდროებაში და განმარტოებულად“, არ იყო ადამიანი, რომელსაც შეეძლო შემოეკრიბა ისინი და გადაეჭია ერთიან, მოქმედ ძალად.

სწორედ ეს 40-იანი წლები აღმოჩნდა რუსი წმართველებისათვის ყველაზე უფრო შესაფერის დროდ ქართული კულტურის განვითარების წასამართავად რუსულ ფორმებში.

დაიწყო საქართველოს კულტურული „დაპყრობა“ რუსეთის მეფის ხელისუფლების მიერ; ის (დაპყრობა) დაუკავშირეს თანდათანობით გაძლიერებულ რუსიფიკაციის პროცესს, რომლის უბეში და ძალდატანებითი მეთოდები საჭიროდ მიჩნიეს დროებით შეცვლილიყო სხვა უფრო მოხერხებული და მოქნილი მეთოდებით.

ამ „დაპყრობის“ დასაწყისს დაემთხვა კავკასიაში მეფისნაცვლად მ. ს. ვორონცოვის დანიშვნა (1844—1854), რომლის პარტე-

* ნ. ბარათაშვილი, ლექსები, პოემა, წერილები, 85, 1939.

რობა და ლოიალობა კარგად ნიღბავდა მის ნამდვილ განზრახვებს, საქართველოსა და მთელი კავკასიის რუსიფიკაციის საქმეში.

მეთის რუსეთთან ამიერკავკასიელ ხალხთა უფრო მკიდროდ შერწყმისა და ამით ამ ხალხთა ნაციონალურ თავისებურებათა გაუქმების დაჩქარებისათვის, ვორონცოვი მიზანშეწონილად თვლიდა მათ შორის რუსული ყოფა-ცხოვრების წესების დანერგვას ადგილობრივი ყოფა-ცხოვრების ერთგვარი გარდაქმნით ევროპული კულტურის საფუძველზე. ამასთან, მას არ შეეძლო არ გამოხმაურებოდა ხალხის მზარდ მოთხოვნილებებს კულტურის დარგში და ამის შედეგად, მის დროს, თბილისში მოეწყო მუდმივი რუსული თეატრი (1845), შეიქმნა პერიოდული პრესა (გაზ. „კავკაზი“, 1846), დაიწყო „კავკასიის კალენდრების“ გამოცემა (1846 წლიდან), დაარსდა თბილისის საჯარო ბიბლიოთეკა (1846), დაარსდა მუდმივი ქართული თეატრი (1850) და „რუსეთის გეოგრაფიული საზოგადოების კავკასიური განყოფილება“ (1850), აღდგენილ იქნა მაგნიტურა და მეტეოროლოგიური ობსერვატორია (1850), დაიწყო ქართული ყოველთვიური ჟურნალ „ცისკარი“-ს გამოცემა (1852 წლიდან). ეკონომიური ცხოვრების დარგში ვორონცოვის მიერ გატარებული იქნა რიგი ღონისძიებები ქალაქ თბილისის მოსაწყობად ევროპულ ყაიდაზე. გაფართოებულ იქნა ვაჭრობა აღმოსავლეთთან, გაიხსნა „საზოგადოებრივი მხრუნველობის პრიკაზი“ („Приказ общественного призрения“) გამსესხებელი ბანკით და შემნახველ-გამსესხებელი ხაზინით (1849), აღდგენილ იქნა „კავკასიის სასოფლო-სამეურნეო საზოგადოება“ (1850) და სხვ.; ადგილობრივი (განსაკუთრებით თბილისის) მოსახლეობისა და, პირველ რიგში, თავადაზნაურული წოდების ყოფა-ცხოვრების გარდასაქმნელად* და კარჩაკეტილობის აღმოსაფხვრელად ვორონცოვმა გაახშირა ევროპული საღამოების, ასამბლეების, ბალების, მასკარადების და კონცერტების მართვა, დააარსა კლუბები, საქველმოქმედო წრეები და საკრებულოები, ხელს უწყობდა სალონების მოწყობას,* ახშირებდა რაუტებს და ბანკეტებს და „ფინჯან ყავასა და ჩაიზე“ წვეულებებს; ფართოდ ნერგავდა ევროპულ ცეკვებს, სეირნობებს, გასართობ-თამაშობებს და კულტურ-

* 40-იანი წლების დასაწყისში უკვე არსებობდა ქართველი ინტელიგენციის საკმაოდ „გაბრწყინვალებული“ სალონი—მანანა ორბელიანისა, სადაც ქართველ კულტურულ ძალებთან ერთად იკრიბებოდნენ რუსი და ევროპელი ლიტერატორები.

რული ურთიერთობის სხვა ფორმებს; მხურვალედ ესარჩლებოდა აგრეთვე ევროპული კონსტიტუციის, გარეგნული მორთულობისა და ტუალეტის, ეტლების ევროპული ნოდების და ყოფა-ცხოვრების სხვა წესების შემოღებას.

ვორონცოვის ყველა ამ ღონისძიებას ობიექტურად არ შეეძლო სარგებლობა არ მოეტანა ხალხისათვის, თუმცა სუბიექტურად ის მათ ატარებდა როგორც უფრო მოხერხებულ საშუალებებს ნაციონალური განვითარების გზიდან ქართველი საზოგადოების აცდენისა და რუსებთან მისი უმტკივნეულო ასიმილაციის მიზნით. რუსი ისტორიკოსი ვ. ნ. ივანენკო წერდა ვორონცოვის შესახებ: „მას კარგად ესმოდა, რომ რუსეთის მთავარი ინტერესი იმ დროს მხოლოდ იმაში მდგომარეობდა, რომ ეს ახალი ქვეშევრდომები დაეკავშირებინა თავისთან დაურღვეველი კავშირით, რათა მათ დავიწყებოდათ ერთმორწმუნე და თვისტომი მთავრობები, შეყვარებოდათ რუსეთის მონარქიის კეთილგანწყობილი და მხრუნველი მთავრობა და შეეგნოთ, რომ დამორჩილებული ხალხების ბედნიერება და სიკეთე ნდგომარეობს ისევ და ისევ იმაში, რომ ხელი აიღონ უნიადაგო ოცნებაზე და თავისი დედინაცვალი შეიყვარონ მშობელ დედასავით“.* თავად ვორონცოვს შეეძლო ეს სავსებით გარკვეული, მაგრამ ლამაზი საბურავით შეფეთქილი პოლიტიკა გაესაღებინა აქ როგორც უაღრესად კეთილმეგობრული განწყობილება ამიერკავკასიის ხალხებისადმი, ხოლო მას არ შეეძლო გულახდილად არ მოეხსენებია იმპერატორისათვის თავისი ქვეშარიტი განზრახვები ადგილობრივი მოსახლეობის გარუსების შესახებ. ქართველი თეატრის გახსნასთან დაკავშირებით იმპერატორისადმი წარდგენილ 1849—50 წლებში ანგარიშში ვორონცოვი წერდა: „ასეთ შედეგს შეიძლება ექნეს ყველაზე უფრო კეთილნაყოფიერი გავლენა მეცნიერებისა და გემოვნების განვითარებაზე, — ზნე-ჩვეულებათა გაფაქიზებაზე და რუსებთან ადგილობრივ მკვიდრთა შერწყმაზე“.** ქართველი ინტელიგენციის უმრავლესობა გულუბრყვილოდ უცქეროდა ვორონცოვის მოქნილ მეთოდებს, მაგრამ ზოგიერთა კრიტიკულად განწყობილი და ცხოვრების უფრო ფხიზელი მეცვალესურე ნათლად ხედავდა მის ზრახვებს. ასე, მაგალითად, 40—50 წლების ქართველი მწერალი და პუბლიცისტი ალ. ორბელიანი,

* В. Н. Иваненко, Гражданское управление Закавказьем 34, 88.

** Акты, X, 881.

ჩამოთვლიდა რა ევრონცოვის მიერ ქართული კულტურისათვის ხელისშეწყობის ზოგიერთ ფაქტს, წერდა: „ესეები სულ მოჩვენება იყო ევრონცოვისაგან, რომ საქართველოს ხალხი გართულები იყვნენ დროებითაც ამებაში და მთავრობაზე ცუდი ფიქრი აღარავის არა ჰქონდეს“.* შემდეგ ალ. ორბელიანი სრულიად სწორად აღნიშნავს, რომ ევრონცოვს ესაქიროებოდა „გაერთო“ ქართველები იმიტომაც, რომ ჩამოეშორებინა მათი ყურადღება შამილისა და დაღისტანში წარმოებული ომებისგან.

40—50 წლებში კიდევ უფრო გაძლიერდა კავკასიაზე რუსეთის კაპიტალის შემოტევა, რაც საფუძვლიანად უთხრიდა ძირს ძველ, მამა-პაპეულ მეურნეობას საქართველოში. მეფისნაცვალთა ვორონცოვი, როგორც ამ მოძრაობის აგენტი, მრავალნაირად აჩქარებდა თავადაზნაურული ყოფა-ცხოვრების ლიკვიდაციის პროცესს. მაგრამ იმის გამო, რომ საქართველოს და მთელი ამიერკავკასიის კაპიტალიზაცია მიიშრებოდა ე. წ. პრუსიული გზით და ხელდავდა რა ევრონცოვი ქართველ თავადაზნაურობაში მეფის ხელისუფლების საიმედო დასაყრდენს, ყოველგვარად უწყობდა ხელს მის შეზრდას რუსულ ბურჟუაზიულ ურთიერთობათა ახალ სისტემასთან. სწორედ ამაში გამოიხატებოდა მისი პირფერობისა და ლოიალობის პოლიტიკა საქართველოსა და ამიერკავკასიის მოსახლეობის მაღალი ფენებისადმი.



ქართველი ხალხის ამალეღებელი ისტორიის ერთ-ერთი მნიშვნელოვანი მომენტთაგანი XIX საუკუნის პირველ ნახევარში—არის ბრძოლა თავისი კულტურისა და განათლებისათვის. კოლონიური რეჟიმის პირობებშიც კი არ სტოვებდა ის მეცნიერების, ლიტერატურისა და ხელოვნების დარგებს და შეძლებისამებრ ცდილობდა მათ განვითარებას თავის ქვეყანაში.

XVIII საუკუნის საქართველო, როგორც ცნობილია, უკვე დაადგა ევროპული სწავლა-განათლების გზას. მისი ისტორია იძლევა მთელ რიგ მნიშვნელოვან ფაქტებს ამის დასადასტურებლად. „უკანასკნელი ბაგრატილების მეფობის დროს,—წერს ფრანგი ისტორიკოსი მ. ბროსე,—ევროპის გონებრივმა მოძრაობამ ამ ქვეყნამდისაც მიაღწია“**. რუსეთთან შეერთების შემდეგ, მართალია

* საქართველოს მუზეუმი, S ფონდი, № 1662.

** М. Броссе — ЖМНП, 1839, VIII, 310.

მეფის ბიუროკრატია აფერხებდა ქართული კულტურის ევროპიზაციის პროცესს, აფერხებდა საქართველოს ურთიერთობას დასავლეთთან, უკრძალავდა ან ყოველნაირად უძნელებდა ევროპელ მეცნიერებს, ლიტერატორებს და მოგზაურებს საქართველოში შემოსვლას,* მავრამ განვითარების პროცესის ისტორიული აუცილებლობა უფრო ძლიერი აღმოჩნდა. უფრო ძლიერი აღმოჩნდა ხალხი და მისი ბრძოლა ახალი კულტურისა და განათლებისათვის.

ამ ბრძოლაში ქართველი ხალხი მარტო არ ყოფილა. მას, პირველ ყოვლისა მხარს უჭერდა მოწინავე რუსი საზოგადოება და თუ საქართველოს კულტურული განვითარებისადმი რუსეთის ცარიზმი აშკარა მტრობას იჩენდა, ცივილიზაციისა და განათლების ნაცვლად, ის აქ ნერგავდა ობსკურანტიზმსა და უეიცობას, „ავიწროებდა, ხოლო ზოგჯერ პირდაპირ აუქმებდა ადგილობრივ სკოლას, თეატრს, საგანმანათლებლო დაწესებულებებს იმ მიზნით, რომ მასები ბნელეთში დაეტოვებინა“ (ი. ს ტ ა ლ ი ნ ი, — „მარქსიზმი და ნაციონალურ-კოლონიალური საკითხი“, 83, 1934), სამაგიეროდ ამის პარალელურად მოწინავე რუსი საზოგადოების საუკეთესო, განათლებული ადამიანები აქტიურად ეხმარებოდნენ ქართველებს იმავე ევროპული კულტურისათვის ბრძოლაში. მეტი ნაწილი ამ მოწინავე რუსებისა იმყოფებოდა საქართველოში იძულებით, როგორც ვადმოსახლებულნი, და ისინი, ა. ს. პუშკინის გამოთქმით, „საქართველოს უცქეროდნენ, როგორც გაძევების ადგილს“.** მათ რიცხვში იყვნენ მომავალი დეკაბრისტები: პოეტი ვ. კ ი უ ხ ე ლ ბ ე - კ ე რ ი და ი ა კ უ ბ ო ვ ი ჩ ი; დეკაბრისტები: ა. ა. ბ ე ს ტ უ ჟ ე ვ - მ ა რ ლ ი ნ ს კ ი და მისი ძმა პ. ა. ბ ე ს ტ უ ჟ ე ვ ი, კ. მ უ ს ი ნ - პ უ შ - კ ი ნ ი, თ. ვ ი შ ნ ე ვ ს კ ი, ნ. კ ო ე ე ვ ნ ი კ ო ვ ი, მ. პ უ შ კ ი ნ ი და ნ. ო რ ჟ ი ც კ ი; ჟურნალისტები: პ. ს ე ნ კ ო ვ ს კ ი („თბილისის უწყებათა“ რუსული გამოცემის რედაქტორი, 1828—32 წწ.), გ. გ ო რ - დ ე ე ვ ი, პ. ს ტ ე პ ა ნ ო ვ ი; მათ გარდა, 20—40 წწ. სხვადასხვა დროს საქართველოში ცხოვრობდნენ დიდი რუსი მწერლები: ა. ს. გ რ ი ბ ო ე დ ო ვ ი (1822, 1825, 1827, 1828 წწ.), რომელმაც თბი-

* მაგალითად, 1834 წ. ფრანკ მეცნიერებს მ. ბ რ ო ს ე ა და ლ ე ვ ა ლ ი ა ნ ს მეფის მთავრობამ ჯერ აუკრძალა სამეცნიერო მიზნით შემოსვლა საქართველოში და სომხეთში, შემდეგ კი დაუწესა მკაცრი, საიდუპლო მეთვალყურეობა. გრაფები ბეკენდორფი და ნესელროდე აბრალდნენ მათ ჯაშუშობას (Акты, VIII, 962).

** А. П у ш к и н, Путешествие в Арзрум.

ლისში დასწერა თავისი კომედიის „ვაი ჭკუისაგან“-ის პირველი ორი აქტი, და ახლო ნათესავისა და მეგობრის ალ. ქავეკავაძის* მეშვეობით მკიდროდ იყო დაკავშირებული ქართულ კულტურულ საზოგადოებასთან; ა. ს. პუშკინი, რომელიც თუმცა ცოტახანს ცხოვრობდა საქართველოში (1829 წ.), მაგრამ ახლოს გაეცნო ქართული ლიტერატურის წარმომადგენლებს (გადათარგნა ერთი ლექსი ქართველი პოეტის დიმიტრი თუმანიშვილისა) და, ნ. ვ. გოგოლის სიტყვით, „იყო გამსჭვალული და გაქლენილი მისი (კავკასიის—გ. თ.) საუცხოო მიდამოებით, სამხრეთის ცით, მშვენნიერი საქართველოს მინდორ-ველით“,** და „მგზნებარე კოლხიდა“ დარჩა მის (პუშკინის) ერთ-ერთ საყვარელ თემად; მ. ი. ლერმონტოვი, რომელიც ლექსისათვის „პუშკინის სიკედილზე“ გადმოსახლებული იქნა საქართველოში 1838 წელს. აქ გაეცნო იგი ქართველი ინტელიგენციის მოწინავე წარმომადგენლებს, ხალხის ყოფაცხოვრებასა და ფოლკლორს, რაც ნაწილობრივ კიდევ აისახა მის შემოქმედებაში; ა. ი. ოდოევსკი, პოეტი-დეკაბრისტი, გადმოყვანილი ციმბირიდან საქართველოში 1837 წელს. აქ მან დასწერა რამდენიმე ლექსი რუსეთ-საქართველოს მეგობრობის შესახებ („Брак Грузии с русским царством“ და სხვ.); ლ. ნ. ტოლსტოიცი იყოფებოდა საქართველოში, მართალია, ერთ წელზე ნაკლები დროით (1851 წ.), მაგრამ მისმა დამკვირვებელმა თვალმა სწრაფად შეამჩნია ხალხის ხასიათი, განსაკუთრებით კავკასიელთა მღელვარების მიზეზები, რამაც მას მისცა მასალები „ჰაჯი მურატი“-სა და სხვა მოთხრობებისათვის. 30—50 წლებში საქართველოში ცხოვრობდნენ აგრეთვე სხვა რუსი მწერლები და მეცნიერებიც: პლ. ზუბოვი, ი. ზ. ხანიკოვი, ა. ნ. მურავიოვი, გ. გ. გაგარინი (მხატვარი), ი. პ. პოლონსკი, დუნკელ-ველინგი და სხვ., რომლებიც ძალიან ახლოს იღვნენ ქართულ საზოგადოებრივ-კულტურულ ცხოვრებასთან და ხელს უწყობდნენ ევროპულ საფუძველზე მის დამკვიდრებას. არ შეიძლება არ აღინიშნოს აგრეთვე საქართველოში უცხოელი მწერლებისა და მეცნიერების—ისტორიის აკადემიკოსის მარი ბროსეს, ისტორიკოს ადოლფ ბერჟეს, მწერალ ფრიდრიხ ბოდენშტედტის და აგრეთვე

* გრიბოდოვს ჰყავდა ცოლად ალ. ჰავეკავაძის ქალიშვილი—ნინო.

** Н. В. Гоголь, Несколько слов о Пушкине, Собр. соч., VI, 60, 1937.

მოკლე ხნით ალ. დიუმას (მაშა) და სხვათა ცოფნა და მოღვაწეობა, რასაც გარკვეული მნიშვნელობა ჰქონდა ევროპულ კულტურასთან ქართული საზოგადოების უფრო მეტი დაახლოებისათვის.

40—50 წლებში ქართველი ინტელიგენციის ბრძოლა განათლებისათვის აღვილდებოდა აგრეთვე მისი კულტურული ურთიერთობით სომხეთისა და აზერბაიჯანის დიდ განმანათლებლებთან. ქალაქი თბილისი იმ დროს წარმოადგენდა არა მხოლოდ საქართველოს, არამედ მთელი ამიერკავკასიის განათლების ცენტრს. აქ ცხოვრობდნენ და ლიტერატურულ მუშაობას ეწეოდნენ სომეხი მწერალი ხაჩატურ აბოვიანი (1805—1848), აზერბაიჯანელი მწერლები და მეცნიერები—მირზა-შაფი (1804—1870), აბას ბაკიხანოვი (1794—1847), აზერბაიჯანის გამოჩენილი განმანათლებელი (მწერალი და ფილოსოფოსი) მირზა ფატალი ახუნდოვი (1814—1878) და სხვ. მათ ჰქონდათ მკიდრო ურთიერთობა აღნიშნული დროის ქართველი ინტელიგენციის წარმომადგენლებთან, თანამშრომლობდნენ მათთან ლიტერატურასა და თეატრალური ხელოვნების დარგში და აწარმოებდნენ შეერთებულ ბრძოლას ამიერკავკასიის ხალხთა კულტურის განვითარებისათვის.

ქართული ცხოვრებისა და ყოფის ევროპიზაციას XIX საუკუნეში უყურებდნენ სხვადასხვაგვარად: ქართველი მოღვაწეები ესწრაფოდნენ მის ათვისებას და გატარებას უშუალოდ ნაციონალურ ფორმებში, მაგრამ მეფის რუსეთის წარმომადგენლებს (ვორონცოვი და სხვ.) საქართველოს ევროპიზაცია ესმოდათ, როგორც მისი მოსახლეობის უბრალო გარუსება ძალდატანების გზით ან მშვიდობიანი სახით. ბრძოლა ქართველი მოწინავე საზოგადოებისა მეფის ადგილობრივ ბიუროკრატიასთან ამ საკითხის ირგვლივ, დაწყებული XIX ს. პირველ წლებში, გრძელდებოდა სულ, ცარიზმის დამხობამდე და, თუ ქართველმა ხალხმა კოლონიური შევიწროების პირობებში არათუ შეინარჩუნა თავისი ნაციონალური არსებობა, არამედ დაიცვა კიდევ თავისი უფლება მაღალ კულტურასა და განათლებაზე, ეს მოხდა, ვიქოვრებთ, იმიტაც, რომ მას მხარს უჭერდნენ რუსი მეცნიერები და მწერლები, რევოლუციონერები და დემოკრატები, რომელთა წარმომადგენლებიც XIX საუკუნეში, ნებით თუ უნებლიეთ, ცოტა თუ ბევრი ხნით, ცხოვრობდნენ და მუშაობდნენ საქართველოში.

ამასთან არ შეიძლება დავივიწყოთ 50-იანი წლების რუსეთის ცივილიზატორული როლი აღმოსავლეთში. ენ გელსი აღნიშნავდა

რა, რომ „რუსეთმა შეითვისა გაცილებით მეტი ელემენტი განათლებისა და განსაკუთრებით კი—მრეწველობისა“, წერდა, რომ ის „მართლაც ასრულებს პროგრესულ როლს აღმოსავლეთის მიმართ“*... განვითარების ისტორიის კანონზომიერების მიხედვით, 40-იანი და 50-იანი წლების რუსეთს, მისი მზარდი კაპიტალიზმით და მასთან დაკავშირებული განათლებით, არ შეიძლებოდა ობიექტურად არ ეთამაშა პროგრესული როლი აღმოსავლეთის ხალხთა მიმართ, რომელთაც ჰქონდათ უფრო ჩამორჩენილი მეურნეობა და შედარებით ჩამორჩენილი კულტურა. მაგრამ სულ სხვაგვარი იყო აქ პროგრესული როლი მოწინავე რუსი ადამიანებისა, რომლებიც სუბიექტურადაც ეხმარებოდნენ აღმოსავლეთის ხალხს მოწინავე კულტურის დაუფლების საქმეში.

ყოველივე ეს აძლევდა საფუძველს ქართველ პოეტს ალ. ჭავჭავაძეს ეთქვა, რომ კავკასიაში რუსების განმტკიცებით

„გაიზნა გზა და ეშვათ ივერიელთ სასოება,
რომე მუწით შევიდეს მათ შორის განათლება“

გასული საუკუნის დასაწყისში განათლებული ქართველები ახერხებდნენ მცირედი რამ გაეკეთებიათ ქართული კულტურის განვითარების დარგში. პირველ ხანებში მათ ანგარიშს უწევდნენ ხელისუფლების წარმომადგენლები და ქართველი ხალხისადმი იმპერატორის „კეთილ“ განზრახვათა დასადასტურებლად მხარსაც კი უქერდნენ მათ ზოგიერთ კულტურულ ღონისძიებას.

პირველ ყოვლისა შეეხოთ თეატრს. თბილისში თეატრის აღდგენის პირველი ცდა ეკუთვნის 1803 წელს. საქართველოს მმართველი კოვალენსკი სწერდა ამ წელს მთავარმართველ ციციანოვს: „თბილისში თეატრის მოწყობას საფუძველი ჩაეყარა ჩემი წინადადებით, ჩვენი საერთო შეთანხმებით გრაფ მუსინ—პუშკინთან, სამხედრო გენერალიტეტთან და რუსეთის სხვა მოხელეებთან, აგრეთვე მეფის სახლთან და აქაურ პატივცემულ თავადებთან... თამაშობდნენ უმთავრესად უკვე გამოცდილი პირობი, კეთილშობილ სამოქალაქო მოხელეთაგან“*.

თეატრალური წარმოდგენები ეწყობოდა უფრო გვიანაც, მაგრამ, ამას გარდა, 1823 წ. გურიისაში ჩამოვიდა ევროპელი აკრობატ-

* К. Маркс и Фр. Энгельс, Сочинения, XXI, 211.

** Акты, I, 19.

კომედიანტების ჯგუფი, რომელმაც თავისი წარმოდგენებით, ფრანგი მოგზაურის შევ. გამბას ცნობით,* ისე მოხიბლა გურიის მთავარი მამია გურიელი (1789 — 1826), რომ უკანასკნელმა, საბოლოოდ დასტოვა იგი გურიაში, — მოუქრა რამდენიმე ჰექტარი მიწა და უბოძა 5 კომლი გლეხი**.

ქართული წყაროს მიხედვით, მამია გურიელმა „გააჩინა იქ იარმანკა, რომელზედაც შემდგომ და შემდგომ მოვიდოდნენ ხალხნი მთელის სამთავროთგან, შეხალისებულნი სხვადასხვა სანახავეებითა, რომელსაცა წარმოადგენდნენ ხოლმე მოლდავითგან ანუ ვლახითგან მოწოდებულნი ფიგლიარები და მეკომედიები“***.

20-იან წლებში საოჯახო სპექტაკლებს მართავდნენ კერძო სახლებსა და სასწავლებლებში. თბილისში ა. ს. გრიბოედოვის ყოფნის დროს განსაკუთრებით გახშირდა საოჯახო სპექტაკლები რუსულ ენაზე. 1825—27 წწ. და უფრო გვიანაც თბილისში ღვაძლენ გრიბოედოვის უკვდავ კომედიას „ვაი ჭკუისაგან“. 1832 წელს სათეატრო წარმოდგენები თბილისში გახდა ქართული პერიოდული პრესის განხილვის საგნადაც. ასე, მაგალითად, ცნობილი ქართველი მეცნიერი სოლომონ დოდაშვილი აღფრთოვანებით იხსენიებდა 1832 წლის თბილისის წარმოდგენებს მის მიერ რედაქტირებულ იმავე წლის ქართულ ჟურნალში.*** 40-იან წლებში თბილისში იდგმებოდა აგრეთვე ქართველი პოეტის ალ. ქავჭავაძის თარგმანები ფრანგი კლასიკოსებისა: რასინის („ესთერი“, „ფედრა“), კორნელის („სინა“, „ედიპი“) და ვოლტერისა („ზაირა“, „ალზირა“).

წარმოდგენები იმართებოდა იმერეთშიც: მხედველობაში გვაქვს „ქორწილი იმერეთის თავადისა“, კომედია, ქმნილი აზნაურის ოქროპირ წერეთლისაგან და წარმოდგენილი თავის საკუთარ სოფელში 1 აპრილს 1845 წელს.****

1845 წ. თბილისში გაიხსნა რუსული თეატრი სცენისმოყვარე გ. პ. იაცენკოს ხელმძღვანელობით. 1851 წლიდან რუსული თეატრი ძველი შენობიდან ახალ, სპეციალურ შენობაში (თამამშვივის

* „Voyage dans la Russie Méridionale et particulièrement dans les provinces situées au-delà du Caucase“, I, 122, 1826.

** „გურიის ამბები“, 56, 1919.

*** „სალიტერატურონი ნაწილნი ტფილისის უწყებათანი“, 1832, №2, 47

**** ექ. თაყაიშვილი, არხეოლოგიური მოგზაურობანი, 1, 291.

პასაჟში) გადავიდა, მისი ხელმძღვანელი გახდა რუსი მწერალი ვ. ა. სოლოგუბი, და შეიქმნა მუდმივი დასი.

40-იან წლების დასასრულს დაიწერა გ. ერისთავის კომედია „გაყრა“, რომელიც 1849 წ. რამდენჯერმე იქნა დადგმული მის სახლში, ს. ხიდისთავში (გორის რაიონი), და სხვა პიესები. 1850 წ. მოწინავე ადამიანების თაოსნობით თბილისში მოეწყო მუდმივი ქართული თეატრი იმავე გ. ერისთავის ხელმძღვანელობით. მალე თეატრის რეპერტუარი გამდიდრდა როგორც თვით ერისთავის, ისე სხვა ავტორთა (ზ. ანტონოვის, ჯაფარიძის, მეიფარიანის, დვანიძის და სხვ.) ახალი პიესებით.* ეს პიესები ასახავდნენ იმ დიდი კონფლიქტის სხვადასხვა მომენტს, რაც იმ დროს მწვავედ იგრძნობოდა მიმავალ ფეოდალურ-მემამულურ სამყაროსა და მომავალ ბურჟუაზიულ ურთიერთობათა შორის. გიორგი ერისთავის თეატრმა დიდი როლი ითამაშა ქართველი ხალხის ყოფაცხოვრების გარდაქმნისა და მისი საზოგადოებრივი განვითარების ახალ გზებზე განმტკიცების საქმეში.

1851 წ. თბილისში გაიხსნა იტალიური ოპერა იტალიელი მუსიკოსის ბარბიერის ხელმძღვანელობით. ადგილობრივი მოსახლეობა ალტაცებით შეხვდა ოპერას. ვაზ. „კავკაზი“ წერდა: „თბილისის საზოგადოება მთელ ზამთარს ტკებებოდა მისთვის უცხო მოვლენით—ოპერით. ადგილობრივმა მცხოვრებლებმა სწრაფად გაიგეს და დააფასეს მიმზიდველობა სიმღერისა და მუსიკისა, რომლებიც ალელვებენ, ხიბლავენ ადამიანის სმენასა და გულს“. ოპერა განსაკუთრებით იზიდავდა ახალგაზრდობას: „რამდენიმე აქაურ ბიჭს ბაგენი გაუღია, ხარბად მიუპყრია თავისი დიდი, შავი, გამომეტყველი თვალები. ყურადღებით ისმენს მუსიკასა და სიმღერას“. დასასრულს ავტორი უმატებს: „ყველაზე უფრო საინტერესო ის არის, რომ დუქნიდან რალაცეების მომტანმა ბიჭმა ფული მთხოვა არა არაყისათვის, არა ჩაისათვის... „მომეცი, ბატონო, [თეატრისათვის]“-ო**.

* 1846 წელს დაიწერა აგრეთვე ალექსანდრე (ჯამბაკურიანი) ორბელიანის პიესა „მეფე დავით აღმაშენებელი“ ისტორიული დრამა 4 მოქმედებად. მაგრამ მისი დადგმა ძნელი იყო ტექნიკურად. ამას თვით ავტორიც გრძნობდა; პიესის ბოლოს იგი წერდა: „თუ დანახონ... წარმოადგინონ, მაგრამ მე ეს უფრო წაააკითხად დავსწერე“.

** „Навказ“, 1852, №12.

ასე დაიწყო ჩამოყალიბება თბილისის თეატრალურმა ცხოვრებამ და სასცენო კულტურისადმი მოსახლეობის მზარდმა ინტერესმა ძალიან ჩქარა ჩააყენა თბილისი მოწინავე თეატრალურ ქალაქთა რიგში.

მე-19 საუკუნის პირველი ნახევრის საქართველოს კულტურული ცხოვრების ყველაზე უფრო მნიშვნელოვან მოვლენას წარმოადგენდა ქართული პერიოდული პრესის შექმნა. პერიოდულის მოთხოვნილება რომ აღრევე არსებობდა ჩვენში, ამას ადასტურებს ჯერ კიდევ 1799 წ. ქართული გაზეთის დაარსების განზრახვა, მაგრამ სწორედ ოცი წელი გახდა საჭირო მის განსახორციელებლად. პირველი ნომერი „საქართველოს გაზეთის“ სახელწოდებით გამოვიდა 1819 წ. 8 მარტს ქ. თბილისში. ის გამოდიოდა კვირაში ერთხელ. გამოცემა კი, დროის პირობების მიხედვით, ეკუთვნოდა კავკასიის ცალკე კორპუსის შტაბს და ამ გარემოებით განისაზღვრებოდა მისი კურსიც. „საქართველოს გაზეთი“ უფრო ოფიციალურ ორგანოს წარმოადგენდა, ვიდრე საზოგადოებრივი ბექდვითი სიტყვის იარაღს. მასში იბეჭდებოდა ცენტრალური და ადგილობრივი მთავრობის დადგენილებები და განკარგულებანი, მთავრობისა და კერძო განცხადებები, საზღვარგარეთული და ადგილობრივი ქრონიკა (ამბები, შემთხვევები), საინფორმაციო ცნობები და სხვა ასეთი. თუმცა „საქართველოს გაზეთის“ * განცხადებაში გაზეთის ამოცანების შესახებ ნათქვამი იყო, რომ „ქართული გაზეთის გამომცემნი მომეტებულად არ ჰრაცხავენ რათა აცნობონ საზოგადოებასა რომელიმე ცნობანი წარმატებისათვის საეროსა განათლებისათა ევროპასა შინა“ (№ 3, 1819), მაგრამ სინამდვილეში კი ასეთი ცნობები არ თავსდებოდა გაზეთის ფურცლებზე. მასში არაფერი იბეჭდებოდა საქართველოს და სხვა ქვეყნების პოლიტიკური და კულტურული ცხოვრების შესახებ. ის იყო მშრალი, უსიცოცხლო და ძალიან მცირე ტირაჟიანი. მას შეიძლება ჰქონდა განსაზღვრული მნიშვნელობა მხოლოდ მით, რომ ისტორიულად წარმოადგენდა პირველ გაზეთს საქართველოში და მთელს კავკასიაში. „ქართულმა გაზეთმა“ შესწყვიტა თავისი არსებობა 1821 წლის დამლევს.

მეორე ქართულ გაზეთად უნდა ჩითვალოს „ტფილისის უწყებანი“ რომელიც გამოდიოდა 1828 წლიდან, იმავე სახელწოდების რუსული

* 1820 წ. მეორე ნახევრიდან მას დაერქვა „ქართული გაზეთი“.

ვაზეთის პარალელურად.* „ტფილისის უწყებანი“ იყო ევროპული ტიპის გაზეთი, რომელსაც ჰქონდა გარკვეული საზოგადოებრივ-პოლიტიკური და ლიტერატურული მნიშვნელობა. მასში, გარდა მთავრობის ოფიციალური ბრძანებებისა, იბეჭდებოდა სტატიები და შენიშვნები ახალი ისტორიის, ლიტერატურის, ეკონომიური ცხოვრების, ბიბლიოგრაფიის დარგებიდან და აგრეთვე მხატვრული თხზულებები, განსაკუთრებით რუსი მწერლებისა; „ტფილისის უწყებანი“-ს რუსული გამოცემის რედაქტორი იყო პ. სენკოვსკი, ხოლო თანამშრომლები კი — ნიკ. მურავიოვი, გ. გორდეევი და სხვები. ქართულ გამოცემას ხელმძღვანელობდა სოლომონ დოდაშვილი (დოდაევი — მაგარსკი).

ქართული პერიოდული პრესის ისტორიაში განსაკუთრებული მნიშვნელობა ჰქონდა „ტფილისის უწყებანი“-ს ქართული გამოცემის ლიტერატურულ დამატებას — სახელწოდებით: „სალიტერატურონი ნაწილნი ტფილისის უწყებათანი“. ის გამოდიოდა 1832 წლიდან ორჯერ თვეში, იმავე ს. დოდაშვილის რედაქტორობით. სტრუქტურით, მოცულობით, თემატიკით და მასალის ნაირსახეობით „სალიტერატურონი ნაწილნი ტფილისის უწყებათანი“ იყო ეურნალის ტიპის გამოცემა და საქართველოს საზოგადოებრივი აზროვნების ისტორიაში მართებულად ითვლება იგი პირველ ქართულ ეურნალად.** მასში იბეჭდებოდა მოთხრობები და ლექსები, ისტორიული და ლიტერატურული სტატიები, კრიტიკული შენიშვნები და სხვ. „სალიტერატურონი ნაწილნი ტფილისის უწყებათანი“ გამოდიოდა მხოლოდ ქართულ ენაზე. მის ირგვლივ გაერთიანდნენ 30-იანი წლების თბილისის ქართველი ინტელიგენციის საუკეთესო წარმომადგენლები. პირველი ქართული ეურნალის მიზანი, როგორც წერდა მისი რედაქტორი, იყო ბრძოლა „შესაწევნელად განათლებისა, გავრცელებისათვის ბუნებითისი ენისა ჩვენისა და მიახლოებისათვის განბძნობილთა მცხოვრებთა ევროპიისათა“.** ეურნალი მოუწოდებდა ხალხს ევროპული კულტურისა და ცივილიზაციისაკენ და, რაც ერთობ მნიშვნელოვანია, მასში ფართული საბით პირველად შემოიქრა ნაციონალურ-განმათავისუფლებელი მოძრაობის იდეები და კერძოდ, იმავე ფორმით ეურნალი ეწეოდა მო-

* 1832 წ. „ტფილისის უწყებანი“ გამოდიოდა ახერბაიჯანულ ენაზეც.

** ს. ხუნდაძე, დიმიტრი ყიფიანი, 65, 1936; პ. გუგუშვილი, ქართული ეურნალისტიკა, 1, 79, 1943.

*** „სალიტ. ნაწილნი ტფილისის უწყებათანი“ 1832, № 5.

მავალი 1832 წ. შეთქმულების მიზნების პროპაგანდას. მას შეეძლო შეესრულებინა ფრიად პროგრესული როლი ქართული კულტურის ისტორიაში, მაგრამ ძალიან ჩქარა, იმავე 1832 წელს—შეთქმულების აღმოჩენასა და მისი ხელმძღვანელების, მათ რიცხვში ს. დოდა-შვილის, დაპატიმრებასთან ერთად—შეწყდა მისი გამოცემაც.

1832 წლიდან 1838 წლამდე საქართველოს არ ჰქონდა პერიოდული პრესა. მთავრობა გართული იყო შეთქმულების მონაწილეთა და სხვა მემამბოხე და „თავისუფალ მოაზროვნეთა“ ძებნით და საქართველოდან მათი გაძევებით: პირდაპირ დამნაშავეებისა—სამუდამოდ ან დროებით, ხოლო ექვმიტანილებისა—სამხედრო სამსახურში „გაწესებით“ რუსეთის ცენტრალურ გუბერნიებში.

მოსახლეობა მალე იქნა „დაწყენარებული“, მაგრამ დიდხანს არ შეიძლებოდა დარჩენა პრესის გარეშე. შინაურ ურთიერთობათა და გარეშე ამბების განვითარება დაბეჯითებით მოითხოვდა პერიოდული ორგანოს დაარსებას, და 1838 წელს ადგილობრივი მთავრობა შეუდგა ოფიციალური ყოველკვირიული გაზეთის „ამიერკავკასიის მოამბის“ („Закавказский вестник“-ის) გამოცემას, რუსეთის შიდა გუბერნიების გაზეთ „საგუბერნიო უწყებათა“ ტიპის მიხედვით. „Закавказский вестник“-ი იცვებოდა მთავრობის განკარგულებებითა და ცნობებით და ყველაზე უფრო ნაკლებად მოგვაგონებდა ლიტერატურული ცხოვრების ორგანოს. ზოგჯერ ეს გაზეთი გამოდდიოდა „არაოფიციალური ნაწილის“ დამატებით, მაგრამ მასშიც თავსდებოდა თითქმის მხოლოდ კერძო პირთა და სავაჭრო საზოგადოებათა განცხადებები და ძალიან იშვიათად — ისტორიული ხასიათის სტატიები. „Закавказский вестник“-ი და მისი „არაოფიციალური ნაწილი“ გამოდიოდა მხოლოდ რუსულ ენაზე და ვრცელდებოდა მარტოოდენ დაწესებულებებსა და სამხედრო ნაწილებში.

1939 წლიდან თბილისში იწყო გამოცემა „ქართულმა კალენდარმა“ ქართველი ისტორიკოსისა და ფილოლოგის პლატონ იოსელიანის რედაქტორობით; ქართული გაზეთი კი აღარ აღუდგენიათ, და ეს იმ დროს, როდესაც ქართულ ენასა და ასოებს მემართავდა არა მხოლოდ მთელი ქართველი მოსახლეობა, არამედ სომხებისა, ბერძნებისა და მაჰმადიანთა უმრავლესობაც კი, რომლებიც იმ დროს საქართველოში ცხოვრობდნენ.*

* თბილისის სომეხ ვაჭართა დავთრები ქართულად იწერებოდა, და ზოგჯერ ცალკე გამოცემები სომხურ ენაზე იბეჭდებოდა ქართული ასოებით, მაგ. „ლოცვა ნერსისისა—სომეხთა პატრიარქისა“ გამოიცა 1843 წ., თბილისში, სომხურ ენაზე, ქართული ტრანსკრიფციით.

საქ. მუზეუმის ფონდებში მოიპოვება აგრეთვე ლოცვანი და სხვა მასალა სომხურ და თურქულ ენებზე ქართული ანბანით (ხელნაწ. განყ. ფ. H № 160, 161 და სხვ.).

40-იან წლების დასაწყისში თბილისის ქართველი ინტელიგენციის ერთმა მოწინავე ჯგუფმა სცადა თითონ აეღო ქართული ბეკლავიტი ორგანოს გამოცემის ინიციატივა და, მართლაც, 1842—45 წლებში მან სპეციალური „გამოცხადებით“,* აცნობა ხალხს ყოველთვიური ჟურნალის „სინათლის“ გამოცემის განზრახვა. მოხაზული იყო ჟურნალის ძალზე ფართო და სერიოზული პროგრამა, სახელდობრ: ისტორია, მხატვრული ლიტერატურა და კრიტიკა, ეკონომიკა და ვაჭრობა, სამართალი, პედაგოგიკა (სწავლების მეთოდები), ხელოვნება (მუსიკა, ფერწერა, ქანდაკება), თარგმანები უცხო ენებიდან („საუკეთესო სტატიები ყველა საგნებზე“) და საერთო ცნობები ევროპის ხალხთა ხელოვნებისა და მეცნიერების სფეროდან; ამასთანავე განზრახული ჟურნალის გამომცემლები და ხელმძღვანელები (გ. ერისთავი, დავით და მიხ. მაჩაბლები, კ. და დ. მაღალაშვილები, ე. თულაშვილი, ს. ფურცელაძე, ივ. აბაშიძე, ს. ჩჩუელიშვილი, გივი ამილახვარი, ელისაბედ ჯავახიშვილი, ლ. ზედგინიძე და სხვ.) აღნიშნულ განცხადებაში მხურვალედ მოუწოდებდნენ ქართველ ხალხს აქმალეობიანთ თავისი განათლება და შეეძინათ „სასარგებლო ცოდნა“. ისინი მოაგონებდნენ ხალხს. რომ „აწინდელი საქართველო—იმერეთის ღუბერნია, ოდესმე ყვავილოვნებდა სწავლითა და ხელოვნებითა... ახლა იგი ჰსდგას კვალად მისივე განათლების ხარისხსა ზედა, ვითარცა იპოებოდა ეამთა მტერთაგან შეიწროებისასა და ვიჯრე უდარესსა-ცა, უზრუნველობისა გამო ჩვენისა. აწ სადღა არიან ჩაზრუხაძენი, შავთელნი, რუსთაველნი და პეტრიწნი, სადღა ისმის ტკილხმოვანება ბესიკისა, სად გამოიცემიან ფილოსოფიურნი და ღვთისმეტყველებითნი ტექსტნი ანტონისანი. ყოველივე დრომან მიჰფარა და სიბრძნეთა ქართველთა ვითა აჩრდილნი მათთანვე წახდნენ; დაუტყვეს მხოლოდ კვალი ჩვენისა მესხიერებისა შინა მათისა ყოფობისა“.**

შემდეგ ხსენებული ჯგუფი მოაგონებდა ყველას, რომ „განათლებულთა ქართველთაგან რომელიმე გვართა ამას წინათ დაუწყიათ ქართულსა ენასა ზედა გამოცემა ჟურნალისა (ლაპარაკია 1832 წ. ს. დოდაშვილის ჟურნალზე—გ. თ.), მაგრამ უბედურთა შემთხვევათა გამო (ლაპარაკია 1932 წ. შეთქმულების გამჟღავნებაზე—გ. თ.)

* „კვალი“, 1896, № 35; „გამოცხადება“ არაა დათარიღებული, მაგრამ შინაარსის მიხედვით შეიძლება მისი დათარიღება 1842—45 წწ.

** „კვალი“, 1896, № 35.

სასარგებლოსა და საქმებსა მალალსა განზრახვასა ამას არა ჰქონია წარმატება“. დასასრულ ინიციატორები მოუწოდებდნენ ქართველ ხალხს ხელი მოეწერათ ჟურნალ „სინათლეზე“, რომელიც, მათი სიტყვით, „არის ღონე ჩვენის განვითარებისა, გამდიდრებისა და ცხოვრებისა ჩვენისა კეთილმდგომარეობაში მოყვანისა“.*

შემთხვევით არაა ამ განცხადებაში ნაგულისხმევი სოლომონ დოდაშვილის 1832 წ. ჟურნალი („სალიტერატურონი ნაწილნი ტფილისის უწყებათანი“). ჟურნალი „სინათლე“ აპირებდა მისი გზით სიარულს, და გასაკვირი არაა, რომ მეფის ხელისუფლებამ საკმაოდ სწორად გაიგო განცხადების აზრი და ჩაშალა ამ ჟურნალის გამოცემის საქმე.

ჟურნალ „სინათლის“ გამოცემა ჩაიშალა, მაგრამ ფორმალურად მაინც რომ დაექმაცოფილებინათ ქართველი ინტელიგენციის მოთხოვნილება პერიოდიკის დარგში, 1845 წ. თბილისში მთავრობის დახმარებით დაიწყეს ყოველკვირეული ქართული გაზეთის „კავკასიის მხარეთა უწყებანი“-ს გამოცემა 40-იანი წლების ქართველ ლიტერატორთა შორის ყველაზე უკიდურესი კონსერვატორისა და კონფესიონალისტის — პლატონ იოსელიანის რედაქტორობით. ამ გაზეთში იბეჭდებოდა ძირითადად რუსული „ზაკავკასკი ვესტნიკ“-ის მასალების თარგმანები და ზოგჯერ ორიგინალური ისტორიული, ფილოლოგიური და არქეოლოგიური სტატიები და შენიშვნები, რომელნიც თვით რედაქტორის კალამს ეკუთვნოდა, მაგრამ არც ამ ახალი ქართული გაზეთის არსებობა გაგრძელებულა დიდხანს. იმავე 1846 წლის ბოლოს შესწყვიტა მან თავისი არსებობა.

1846 წელს თბილისში დაიწყო გამოსვლა ნახევრადოფიციალურმა რუსულმა გაზეთმა „Кавказ“-მა, რომელმაც იარსება 71 წელიწადი.** ის იყო ევროპული ტიპის სერიოზული საზოგადოებრივ-პოლიტიკური და მეცნიერულ-ლიტერატურული ორგანო.

ქართული გაზეთის — „კავკასიის მხარეთა უწყებანი“ — დახურვის (1846) შემდეგ, ხუთი წლის განმავლობაში საქართველოში არ იყო

* „კვალი“, 1896, № 35

** 1846—47 წ. „კავკასი“ გამოდიოდა სომხურ ენაზეც („კავკას“) კარიონიანის რედაქციით. დაბოუკიდებელმა სომხურმა გაზეთმა „არარატმა“ კი დაიწყო გაროსვლა 1850 წლიდან გ. პატკანიანის რედაქტორობით. „არარატი“ წარმოადგენდა პირველ სომხურ პერიოდულ ორგანოს მთელ კავკასიაში.

პერიოდული ორგანო ქართულ ენაზე. მოწინავე ქართველი საზოგადოების ინტერესის გაცხოველების ფაქტო პერიოდული პრესისადმი, რაც ასე ცხადად გამომეტადნდა ვრცელი ქართული ჟურნალ „სინათლის“ ორგანიზაციის ცდაში, უკვე გარკვეულ შიშს იწვევდა მთავრობის ორგანოებში და არაპირდაპირი გზით მათ უფრო ენერგიულად დაიწყეს ბრძოლა ქართული პერიოდული პრესის შექმნის წინააღმდეგ. ამით, უმთავრესად, შეიძლება აიხსნას პეტერბურგის ქართველი სტუდენტების და სხვა კულტურული ძალების ცდა 40-იანი წლების დასასრულს დაეიარსებიათ პეტერბურგში ქართული ჟურნალი „არე“, რაც აგრეთვე არ დაგვირგვინდა წარმატებით.

მხოლოდ 1852 წელს მოახერხა ქართველი მოწინავე საზოგადოებრიობის წარმომადგენელმა, ზემოხსენებულმა მწერალმა და ქართული თეატრის ხელმძღვანელმა გ. ერისთავმა ქ. თბილისში ქართული ჟურნალის „ცისკარის“ გამოცემის ნებართვის მიღება.

„ცისკარი“ გამოდიოდა 1852—53 წწ. ყოველთვიურად გ. ერისთავის რედაქტორობით. შენდევ 3 წლით შეწყდა მისი გამოცემა. 1857 წლიდან მისი რედაქტორი გახდა მწერალი ივ. კერესელიძე, რომლის ხელმძღვანელობითაც ჟურნალმა იარსება 1875 წლამდის, სხვა პერიოდულ გამოცემების პარალელურად. „ცისკარს“ არ ჰქონდა გარკვეული პროგრამა და კურსი. ის თავისუფლად ათავსებდა უკიდურეს კონაერვატულსა და რეაქციულსაც ახალ, რევოლუციურთან; ამიტომ მის ფუოკლებზე იბეჭდებოდნენ ორივე მიმდინარეობის წარმომადგენლები. მაგრამ 60-იანი წლების დასაწყისში, განსაკუთრებით ბექლავითი სიტუაციის მოწინავე რევოლუციური და ეროვნულ-განმათავისუფლებელი იდეებით გამსჭვალული ორგანოების გაჩენის შემდეგ, ჟურნალმა „ცისკარმა“ ბევრი მხრით დაჰკარგა თავისი აქტუალობა, რის შედეგადაც კიდევ უფრო შემცირდა მისი საზოგადოებრივი მნიშვნელობა.

ქართველი ხალხის განათლების ერთ-ერთ პირობას XIX საუკუნის პირველ ნახევარში წარმოადგენდა წიგნების გამომცემლობა. ამ ხნის განმავლობაში ქართული წიგნები იბეჭდებოდა თბილისში (5 სტამბაში), ქუთაისში, საჩხერეში, მოზდოკში, პეტერბურგში და მოსკოვში. აქამდე მონახულ და აღწერილ ქართულ ბეჭდვითს პროდუქციაში 1801 წლიდან 1860 წლამდე აღნიშნულია 182 სხვადასხვა სახელწოდების წიგნი, მათ შორის, მხატვრული ლიტერატურიდან—22 სახელწოდებისა, სახელმძღვანელო—13, საანბანო წიგნი—7, ენ-

ციკლოპედიური კრებული და ქრესტომათია—4, ქართული გრამატიკა—6, ისტორიიდან—14, მედიცინიდან—3, ფილოსოფიიდან—2, გეოგრაფიიდან—2, ქართული კალენდარი—4, ლექსიკონი—3. თითო სახელწოდების წიგნი ბუნებისმეტყველებიდან, ლინგვისტიკიდან, სოფლის მეურნეობიდან, კომერციიდან, კულინარიიდან და ა. შ. უფრო ბევრი წიგნია რელიგიისა და საეკლესიო ისტორიიდან, ბლომადაა აგრეთვე ოფიციალური გამოცემები; ამას გარდა, ბევრი წიგნი საქართველოზე 60-იან წლებამდე გამოიცა რუსულ ენაზე როგორც ქართველი, ისე რუსი ავტორებისა. საქართველოს შესახებ იბეჭდებოდა წიგნები უცხო ენებზეც, მაგრამ თითქმის ყველა საქართველოს გარეთ.

არ იქნება მართებული, რომ XIX ს. პირველი ნახევრის საქართველოს განათლების მდგომარეობაზე ვიმსჯელოთ მხოლოდ ბეჭდვითი სიტყვის მდგომარეობის მიხედვით. იმ დროს წიგნების ბეჭდვა ცალკე მოღვაწეთა პირადი მამაცობისა და გმირობის საქმეს წარმოადგენდა და ამიტომ ადვილი წარმოსადგენია—რა შესაძლებლობა უნდა ჰქონოდა ბეჭდვითი სიტყვას აღნიშნულ პერიოდში. შედარებით ყველაზე უფრო სრულ წარმოდგენას ქართული ინტელექტური ცხოვრებისა, ძალისა და მასშტაბის შესახებ იძლევა ქართული კულტურის მრავალი ათასეული ხელნაწერი ძველი საქართველოს, ლენინგრადის, მოსკოვის და აგრეთვე უცხოეთის მუზეუმებსა და სხვა ძეგლთსაცავებში. საუკუნეობით ელოდნენ და ახლაც ფლიან ისინი მკვლევარებსა და სტამბის დაზღვებს, რომ უფრო მეტად შეაფრქვიონ თავისი სხივები შზობლიური ძხარის სულიერი კულტურის მალლობებს.

არ შეიძლება დავივიწყოთ წიგნთსაცავ-ბიბლიოთეკების როლი ქართველი ხალხის განათლების საქმეში. XIX ს. პირველ ნახევარში კულტურის ასეთი კერები განაგრძობდნენ არსებობას უმთავრესად ეკლესიებთან, მონასტრებთან, მსხვილი თავადების სასახლეებში და დიდი სახელმწიფო მოღვაწეების სახლებში. ეკლესიებთან და მონასტრებთან იყო მოთავსებული წიგნთსაცავები, მეტწილად საეკლესიო-რელიგიური ნაწერებისა, მაგრამ კერძო პირთა ბიბლიოთეკებში იყო ათასობით სხვადასხვა წიგნი ქართულ, ფრანგულ, იტალიურ, რუსულ, ლათინურ, ბერძნულ, სპარსულ, სომხურ და სხვა ენებზე.

ახალციხეში იოანე ნათლისმცემლის ეკლესიასთან 1855 წელს კი-

დევ არსებობდა მდიდარი ბიბლიოთეკა, დატოვებული ჰ. შაკუ-ლიანის მიერ, სადაც წიგნების უმრავლესობა ლათინურ, ფრან-გულ და იტალიურ ენებზე იყო.

განსაკუთრებით განთქმული იყო სამეგრელოს მფლობელების ლე-ვანისა და დავით დადიანების წიგნთსაცავები. არ ჩამორჩებოდ-ნენ აგრეთვე თავადების გურიელის, წერეთლის, ორბე-ლიანის, ერისთავის ბიბლიოთეკები. ზოგიერთ ამ ბიბლიო-თეკაში ინახებოდა უძვირფასესი ნაბეჭდი ან ხელნაწერი წიგნები, ასე, მაგალითად, ჟურნალისტ კ. თ. ერისთავის მოწმობით, თავად ალ. წერეთლის ბიბლიოთეკაში, საჩხერეში, ინახებოდა ხელნაწერი დედანი ა. ს. გრიბოედოვის კომედიისა „ვაი-კუისაგან“.*

პროფ. ალ. ცაგარელის ცნობით, ქართული ხელნაწერი და ნაბეჭდი წიგნების ძვირფასი ბიბლიოთეკები ჰქონდათ აგრეთვე რუ-სეთში მცხოვრებ ქართველ მეცნიერებსა და განათლების მოღვა-წეებს. ასე, მაგალითად, პროფ. დ. ი. ჩუბინაშვილს (ჩუბინო-ვის) ბიბლიოთეკაში ინახებოდა 282 ხელნაწერი წიგნი სხვადასხვა სახელწოდებისა, თეიმურაზ ბატონიშვილის ბიბლიოთეკაში — 206, თავად იოანე გრუზინსკის ბიბლიოთეკაში — 394, და-ვით დადიანის ბიბლიოთეკაში — 218 (მხოლოდ ხელნაწერი-ქართული წიგნები) და სხვ. მრავალი ქართული ხელნაწერი წიგ-ნები ინახებოდა აგრეთვე საგარეო საქმეთა სამინისტროს მოსკოვის არქივში და ქ. კრაკოვის ჩარტორიესკის მუზეუმში.**

XIX ს. პირველი ნახევრის ქართული ბიბლიოთეკები დიდი პო-პულარობით სარგებლობდნენ ინტელიგენციაში. აღნიშნული დროის კერძო მიწერ-მოწერიდან ჩანს, რომ ისინი ამარაგებდნენ წიგნებით არათუ მხოლოდ ადგილობრივ მკითხველებს, არამედ ძალიან ხში-რად მათ აბონენტებს წარმოადგენდნენ შორეული რაიონებისა და ქალაქების მცხოვრებლებიც, მაგრამ აღნიშნული ბიბლიოთეკები თანდათანობით ნიავედებოდა. 1861 წ. ისტორიკოსი დ. ბაქრაძე მწუხარებით აღნიშნავდა: „ჩვენში ძველი წიგნების მემასვედი აღარ-სად არის. სხვა სულ გატანილია და დაბნეული“***

* „Кавказ“, 1857, № 83, 420: („ყველაზე უძვირფასესი საუნჯე საჩხერეში— ეს არის ა. ს. გრიბოედოვის, მისი უკვდავი კომედიის „ვაი კუისაგან“-ის ნამდ-ვილი ხელნაწერი—თავად ალ. წერეთლის ბიბლიოთეკაში“.

** А. Цагарели, Сведения, I.

*** წინასიტყვაობა ი. ბატონიშვილის წიგნისა „კალმასობა“, 1895, გვ. XIX.

რუსეთის მეფის მთავრობა ნაკლებად ზრუნავდა ხალხისათვის ბიბლიოთეკების მოწყობაზე. 1830 წ. რუსეთის შინაგან საქმეთა მინისტრმა მიანდო საქართველოს სამოქალაქო გუბერნატორს ზაფილეისკის თბილისში საჯარო ბიბლიოთეკის დაარსება,* მაგრამ ბინისა და სახსრების უქონლობის გამო ბიბლიოთეკა არ იქნა გახსნილი. ხუთი წლის შემდეგ თბილისის ინტელიგენციამ თვითონ აიღო ინიციატივა საქალაქო ბიბლიოთეკის მოწყობისა საქველმოქმედო სახსრებით, მაგრამ შემოწირულებათა თანხამ მხოლოდ 80 მანეთს მიაღწია. საქართველოს მთავარმართებელი როზენი 1835 წ. ატყობინებდა განათლების მინისტრს უვაროვს, რომ სახელმწიფოებრივი დოტაციის გარეშე შეუძლებელია დაარსდეს თბილისში საჯარო ბიბლიოთეკა, მაგრამ ასეთი დოტაცია არსად ჩანდა.

მოწინავე ქართველი ადამიანები ისევე მწვავედ განიცდიდნენ ბიბლიოთეკის უქონლობას თბილისში, როგორც სკოლების სიმცირეს. პოეტი გრიგოლ ორბელიანი, 1834 წელს, დასავლეთის ხალხთა ყოფაცხოვრებითი კულტურის გაცნობის შედეგად, წერდა, რომ ბიბლიოთეკებისა და სკოლების გარეშე ასე ადამიანურად ჩვენ ვერ ვიცხოვრებთო.**

1840 წელს პუბლიცისტმა დიმიტრი ყიფიანმა, აღნიშნული კულტურული მოთხოვნის რამდენადმე დაკმაყოფილების მიზნით, მოაწყო თბილისში, საქუთარ ბინაზე, პატარა სახალხო ბიბლიოთეკა, ხოლო, 1842 წელს, მისივე ინიციატივით თბილისის მოწინავე ინტელიგენტთა ჯგუფმა*** მოახერხა მიეღო ამიერკავკასიის მხარის მთავარმართებლის გოლოვინისაგან თბილისში კერძო საქალაქო ბიბლიოთეკის გახსნის ნებართვა. მარტო ეს ბიბლიოთეკა უწყევდა მომსახურებას თბილისის მოსახლეობას 4 წლის განმავლობაში. მხოლოდ 1846 წელს დაარსდა თბილისის „საჯარო ბიბლიოთეკა“, რომელიც ინახებოდა სახელმწიფო ბიუჯეტზე.***

* Акты, VII, 23.

** გრ. ორბელიანი, წერილები, I, 22.

*** დ. ყიფიანი, ზ. ფალავანდიშვილი, გ. ერისთავი, გრ. ორბელიანი, ნიკ. ბარათაშვილი, აღ. ჭავჭავაძე, ლ. მელიქიშვილი, მ. თუშანიშვილი, კ. მუხრანსკი, ვ. ბელიავეი, ი. ნახაროვი, დ. ჭავჭავაძე, დ. ჯორჯაძე, კ. დადიანი და სხვ., სულ 30 კაცი (დ. ყიფიანი, მემუარები, 104).

*** დაწერილებით: ნ. ლორთქიფანიძე. „კ მარქსის სახ. საქ. სახელმწ. ბიბლიოთეკა“, საჯარო ბიბლიოთეკის „შრომები“, IV, 1.

50-იანი წლების დასაწყისიდან ადვილობრივი ინტელიგენტების თაოსნობით პატარა საქალაქო ბიბლიოთეკები იხსნებოდა საქართველოს სხვა ქალაქებშიც (1852 წ. სიღნაღშიც კი მოეწყო საქალაქო ბიბლიოთეკა, რომელმაც 400 წიგნით დაიწყო თავისი არსებობაა.*

დასასრულ აღვნიშნავთ, რომ XIX ს. პირველი ნახევრის ქართული კულტურის ერთ ყველაზე უფრო დიდ ფაქტორს წარმოადგენდა მეცნიერება და მხატვრული ლიტერატურა.

XIX საუკუნის პირველი ნახევრის ქართული მეცნიერების განვითარება უმთავრესად ჰუმანიტარულ დარგებში გამოიმქლავნდა. ამ დარგებიდან კი პირველ ყოვლისა აღსანიშნავია ისტორიულ-ფილოლოგიური და ფილოსოფიური მეცნიერებანი.

საქართველოს ისტორია, ფილოლოგია და ფილოსოფია უფრო მდიდარი მემკვიდრეობითა და ტრადიციით გადმოვიდნენ მე-19 საუკუნეში, ვიდრე სხვა დარგები და ეს უპირატესობა მათ კიდევ შეინარჩუნეს ამ საუკუნის მანძილზე. უფრო მკაფიოდ განისაზღვრა ამ მეცნიერებათა შესწავლის საგანი და კვლევის მეთოდი. დაიწყო საქართველოს ისტორიის მასალების სისტემატური შეგროვება. გაფართოვდა უშუალო, პირველად წყაროებზე მუშაობა და უცხოური ლიტერატურის გამოყენების პრაქტიკა. ამით ხასიათდება მე-19 საუკუნის პირველი ნახევრის ქართული ისტორიული მეცნიერების ყველაზე უფრო თვალსაჩინო წარჩობადგენლის თეიმურაზ ბაგრატიონის (1782—1846) დიდი ნაშრომი „ისტორია დაწყებითდანივერისა, ე. ი. გიორგიისა რომელ არსს სრულიად საქართველოსა“, გამოქვეყნებული 1848 წელს, და სხვა ისტორიული ხასიათის ნარკვევები. თეიმურაზ ბაგრატიონის (ბატონიშვილის) სახელთან არის აგრეთვე დაკავშირებული ქართული საფას-საზომის მეცნიერული შესწავლის დასაწყისი, მასვე ეკუთვნის სერიოზული გამოკვლევა: „განმარტებანი ვეფხვის-ტყაოსნისა“ და სხვა ორიგინალური შრომები და თარგმანები. საქართველოს ისტორიის და ქართული ფილოლოგიის წინაშე მე-19 საუკ. პირველ ნახევარში უდიდესი დამსახურება მიუძღვის გამოჩენილ ფრანგ მეცნიერ-ორიენტალისტს მარი ბროსეს (1802—1880), რომლის 271 მეცნიერული ნაშრომიდან უმეტესობა მიძღვნილია საქართველოს ისტორიისა, ქართული ენისა და ლიტერატურის საკითხებისადმი. საქართველოს ისტორიისა და ქარ-

* „Кавказ“ 1852, № 10.

თელი ფილოლოგიის დარგში მეტად ნაყოფიერ მოღვაწეობას ეწეოდნენ აგრეთვე პლატონ იოსელიანი (1809—1875), ავტორი მრავალრიცხოვანი მეცნიერული და მეცნიერულ-პოპულარული ნაშრომებისა საქართველოს ისტორიის, ქართული არქეოლოგიის, ენისა და ლიტერატურის და კულტურის სხვა საკითხებზე, დავით ჩუბინაშვილი (1813—1891), ავტორა უდიდესი მეცნიერული ღირებულების მქონე „ქართულ-რუსულ-ფრანციული ლექსიკონისა“ (1840), „რუსულ-ქართულ ლექსიკონისა“ (1846), ორტომიანი „ქართული ქრესტომათისა“ (1846) და ქართული საისტორიო და ლიტერატურული ძეგლების შემკრები და გამომცემელი. ცალკე უნდა აღინიშნოს ქართული ნუმისმატიკის მეცნიერული შესწავლის ფუძემდებელი მიხეილ პეტრეს-ძე ბარათაშვილი (1786—1856), თავისი სერიოზული გამოკლევით („Нумизматические факты грузинского царства“), რომელიც ვრცელ რუსულ ტექსტთან ერთად გამოიცა შემოკლებული ქართული და ფრანგული რედაქციებით 1844 წ.; მან პირველად აღწერა თავისი დიდი შრომით და გატაცებით შეკრებილი ძეგლები საქართველოს ნუმისმატიკისა.

ქართულ ფილოსოფიურ მეცნიერებათაგან, რომელთაც განვითარების მაღალ საფეხურს მიაღწიეს მე-19 საუკუნის პირველ ნახევარში, აღსანიშნავია ლოგიკა და ფსიქოლოგია. პირველის მთავარი წარმომადგენელი იყო ჩვენ მიერ არა ერთაზნის ხსენებული, გამოჩენილი მეცნიერი სოლომონ დოდაშვილი (1805—1836). მან დასწერა და გამოსცა ფილოსოფიის შესავლის სახით „Логика“ („Курс философии, часть первая, 1827). ეს იყო ლოგიკის პირველი ორიგინალური წიგნი რუსულ ენაზე, რომელშიც ლოგიკის ცნებისა, მისი საგნის გარკვევისა და მოკლე ისტორიის შემდეგ, ლაკონურად არის გარჩეული გონების, აზროვნების, მსჯელობის, ცნებების, დასკვნისა და მტკიცების არსი და ძირითადი კანონები. სოლომონ დოდაშვილი არის აგრეთვე მთავარი წარმომადგენელი მე-19 საუკუნის პირველი ნახევრის ქართული პედაგოგიკისა, რასაც ჩვენ ამ წიგნში სპეციალურად ვეხებით. ფსიქოლოგიური მეცნიერების წარმომადგენელია გერასიმე ქიქოძე (1826—1896) თავისი მეტად სერიოზული ნაშრომით „Основания опытной психологии“, რომელიც გამოქვეყნდა 1858 წელს, ავტორის მაშინდელ სასულიერო წოდებაში შერქმეული—არქიმანდრიტ გაბრიელის—სახელით. ადამიანის ფსიქიურ პროცესებს გერასიმე ქიქოძე იკვლევს „ცდისეული

მეთოდისა“ და უშუალო დაკვირვებათა საფუძველზე. „ჩვენ ვცდარლობდით, წერს ავტორი, მთელი მსჯელობა სულის შესახებ დაგვეფუძნებია ისეთ ფაქტებზე და მოვლენებზე, რომლებიც სავსებით დამტკიცებულნი და გარკვეულია ფიზიოლოგიასა და ფიზიკაში და ამით თავიდან აგვეცილებია ყველა უნაყოფო თეორიები და ჰიპოტეზები“ (2). ეს ამოცანა წარმატებით გადასჭრა მან და ამით კიდევ უფრო აამაღლა თავისი დროის რუსულ-ქართული ფსიქოლოგია.

აღნიშნული პერიოდის მხატვრული ლიტერატურა წარმოდგენილია რომანტიზმით და რეალიზმით. XIX ს. პირველი ნახევრის ქართული რომანტიზმი, ნატურალური მეურნეობის კრიზისთან და ახალ საზოგადოებრივ-ეკონომიურ და კულტურულ ცხოვრებასთან დაკავშირებით, განვითარების ახალ ფაზაში შევიდა. მან საბოლოოდ დასძლია ირანული პოეზიის მოტივები, უფრო მეტად განმტკიცდა ქართულ ეროვნულ ნიადაგზე და ევროპული ლიტერატურული კულტურის სიმაღლეზე დადგა. ეს პროცესი, რომელიც დაწყებულ იქნა ჯერ კიდევ XVIII საუკუნეში, დაამთავრა გამოჩენილმა ქართველმა პოეტმა ალ. ჭავჭავაძემ (1786—1846), ხოლო ქართული რომანტიზმის განმტკიცება ნაციონალურ ლიტერატურულ საწყისებზე და მისი აყვანა უმაღლეს საფეხურზე, საზოგადოდ, დაკავშირებულია დიდი პოეტის ნ. ბარათაშვილის (1817—1845) სახელთან. ქართულ რომანტიზმს მიეკუთვნებოდნენ აგრეთვე პოეტები: გრ. ორბელიანი, (1804—1883), ვახტ. ორბელიანი (1812—1890), მიხ. თუმანიშვილი (1818—1875), დავ. მაჩაბელი (1814—1873). XIX ს. პირველი ნახევრის ქართული რომანტიზმი, გამოდიოდა რომანტიზმის, როგორც ლიტერატურული მიმდინარეობის, ზოგად სოციალურ-ეკონომიური წყაროებისა და აგრეთვე ამ პერიოდის საქართველოს ნაციონალური სპეციფიკიდან, რომელიც განპირობებული იყო მისი დამოუკიდებლობის გაუქმებით. ამიტომ, საზოგადოდ რომანტიზმის ტიპური და „მარადიული თემების“ გვერდით ქართველი რომანტიკოსების შემოქმედებაში ქარბადაა წარმოდგენილი ისტორიულ-ნაციონალური ხასიათის მოტივები, რომლებიც უძმავრესად ასახავდნენ ქართველი საზოგადოების დამოკიდებულებას საქართველოსა და რუსეთის ურთიერთობის საკითხისადმი.

XIX საუკუნის პირველი ნახევრის ადრეული ქართული რეალიზმი აღმოცენებული კაპიტალიზმის გარიჟრაჟზე, წარმოიშვა ფეოდალური წყობის წინააღმდეგ ბრძოლაში. კაპიტალის ძლევა-

მოსილი მსვლელობა, ბატონყმობის დაგმობა და კრიტიკული დასო-
კიდებულება მთელი თავადაზნაურული ყოფისადმი, ადამიანის პი-
როვნებისა და აზროვნების ფეოდალური კარჩაკეტილობისაგან
განთავისუფლების იდეა, ბრძოლა თანასწორობისათვის, და ახალხ
დროის სხვა იდეები დაედვა საფუძვლად ადრეული რეალისტების:
პოეტისა და დრამატურგის გ. ერისთავის (1813—1864), დრა-
მატურგის ზ. ანტონოვის (1820—1854), ბელეტრისტის ლ.
არდაზიანის (1818—1870), ბელეტრისტის დ. ჭონჭაძის
(1830—1860) და სხვების შემოქმედებას. რეალისტური ლიტერა-
ტურის წარმომადგენელი იყო აგრეთვე XIX საუკუნის პირველ
ნახევარში მომწიფებული ბელეტრისტი გრ. რჩეული შვილი
(1819—1877), რომელიც უმთავრესად ისტორიულ თემებზე
მუშაობდა.

ასეთია XIX საუკუნის პირველი ნახევრის საქართველოს საზო-
გადოებრივ-პოლიტიკური და კულტურული ცხოვრების პროფილი,
წარმოდგენილი როგორც საერთო ფონი იმავე პერიოდის სახალხო
განათლების ისტორიისათვის.

II. სასკოლო ქსელი

1. „განათლება“—გეჟის მოხალეთა გაგვიით

საქართველოს საზოგადოებრივ-პოლიტიკური ცხოვრების ოფიციალური „მესვეურები“ მე-19 საუკუნის პირველ ნახევარში, რასაკვირველია, არ იცნობდნენ ქართველ ხალხს საერთოდ, კერძოდ, მის განათლებას. მათ წარმოდგენა არ ჰქონდათ იმ კულტურულ ძეგლებსა და ტრადიციებზე, რომლითაც ეს ხალხი მე-19 საუკუნის მიჯნასთან მოვიდა. მეფის კოლონიზატორები ვერ არჩევდნენ ერთმანეთისაგან აღმოსავლეთის ჩამორჩენილ პროვინციებსა და, შედარებით, უფრო განათლებულ სამხრეთ-დასავლეთის მხარეებს, რომლებიც XVIII—XIX საუკუნეებში რუსეთის იმპერიაში მოექცნენ. მათ ყველგან ერთნაირად მოჰქონდათ თავი განმანათლებლებად, და იმისათვის, რომ იმპერატორის წინაშე თავი გამოეჩინათ „უძნელეს ადგილობრივ პირობებში“ მუშაობით, ყოველნაირად ცდილობდნენ დაემყარებინათ აღნიშნული მხარეების მკვიდრთა კულტურის დონე და ხშირად ადგილობრივ მცხოვრებთ ბარბაროსებად, უვიცებად და ველურებად იხსენიებდნენ. მეფის რუსეთის ხსენებული კოლონიზატორები, რომლებიც გარეგნულად სამხედრო მუნდირებით ან გენერლის აქაეზბანტებით იყვნენ მორთულნი, არსებითად წარმოდგენდნენ სამხედრო თვალსაზრისით კარკად გაწვრთნილ, მაგრამ საერთოდ ნაკლებად განათლებულ პირებს, რომლებიც არ იცნობდნენ არც რუსი ხალხის და არც არარუსი ერების კულტურას და არც პატივს ცემდნენ მას. მათ სავსებით შეეფერებოდა გამოჩენილი რუსი მწერლის სალტიკოვ-შჩედრინის „ტაშკენტელ-განმანათლებელთა“ დახასიათება: „ტაშკენტელები—კრებითი სახელია... ტაშკენტელი—განმანათლებელია: განმანათლებელი საერთოდ, განმანათლებელი ყოველ ადგილას და როგორც უნდა იყოს, და ამასთანავე განმანათლებელი, რომელსაც მეცნიერება არ აწუხებს; მაგრამ არაა ამით დარცხვენილი, ვინაიდან, მისი აზრით, მეცნიერება შექმნილია არა

განათლების გასავრცელებლად, არამედ მის შესავიწროებლად“ („Гос-
пода ташкентцы“).

ენება „განათლება“ უცნაურად ესმოდათ მეფის კოლონიზატო-
რებს. არარუს ეროვნებათა წარმომადგენლებს, უმაღლესი განათლე-
ბაც რომ ჰქონოდათ, გაუნათლებლად სთვლიდნენ. ქართველი მოსახ-
ლეობის აბსოლუტურმა უმრავლესობამ XIX ს. დასაწყისში არ იყო-
და რუსული ენა და რუსული წერა-კითხვა; ამიტომ საკვირველი არაა,
თუ რუს კოლონიზატორებს გაუნათლებლად მიაჩნდათ იგი, მიუხე-
დავად იმისა, რომ ამ მოსახლეობას უეჭველად ჰქონდა სათანადო
კულტურა, ცოტა არ ჰყავდა მაღალი განათლებით აღჭურვილი პი-
რობი, მეცნიერებისა და ლიტერატურის გამოჩენილი მოღვაწეები, და
საკმაოდ იყო მათში გავრცელებული წერა-კითხვის ცოდნა შმო-
ბლიერ ენაზე.

ასე, მაგალითად, მეფის მთავრობის ცნობილი მოხელე, ისტო-
რიკოსი ნ. დუბროვინი წერდა:

„რუსეთის ქვეშევრდომობაში საქართველოს შესვლის დროს ეს
ქვეყანა იდგა განვითარების ფრიად დაბალ საფეხურზე. იმ დროს
საქართველოს განათლება განისაზღვრებოდა წერა-კითხვის ცოდნით
თავის ბუნებრივ ენაზე... იმერეთში კიდევ უფრო უარესი
მდგომარეობა იყო. მეფე სოლომონ ბოდიშს იხდიდა, რომ ცი-
ციანოვს პასუხს ვერ აძლევდა წერილებზე იმის გამო, რომ მისი
მდივანი თბილისში წავიდა ნათესავების სანახაევად. ხოლო (მეფის)
შახლობელთა შორის კი არავინ იყო წერა-კითხვის მცოდნე“.*

არ შეიძლება ექვი შეგვეპაროს იმაში, რომ ხსენებული ისტო-
რაკოსი სხვაგვარად წარმოდგენდა XIX ს. დასაწყისი პერიოდის სა-
ქართველოს განათლების დონეს, რომ ქართველთა განათლება მა-
შინ განსაზღვრული ყოფილიყო თუნდაც მხოლოდ წერა-კითხვის
ცოდნით, მაგრამ არა ბუნებრივ, ე. ი. ქართულ, არამედ რუსულ
ენაზე. რაც შეეხება მის მსჯელობას იმერეთის განათლების შესახებ,
აღნიშნულ მიზეზთან დაკავშირებით, რომელიც სოლომონ II ართ-
შევდა საშუალებას ეპასუხა ციციანოვის წერილებზე—ეს ამტკიცებს
დუბროვინის მიერ სახელმწიფოთა პოლიტიკურ ურთიერთობაში
დიპლომატიის როლის ფრიად გულუბრყვილო გაგებას. იმერეთის
უკანასკნელი მეფის, სოლომონ მეორის, მიწერმოწერიდან საქართ-
ველოს მთავარმართველებთან და მათ შორის ციციანოვთან, ჩანს,

* Н. Дубровин — „Закавказье от 1803—1806 г.“, 448.

რომ სოლომონი განზრახ და სხვადასხვა მოგონილი საბაბით აქიანდებოდა პასუხებს მათ წერილებზე იმ მიზნით, რომ ეს პასუხები ყოველმხრივ შეეთანხმებინა საერთო მდგომარეობასთან. ამასთან, ვინც ოდნავად მაინც იცნობს სოლომონის მოღვაწეობას, მისთვის ცნობილია, რომ ის გარშემორტყმული იყო მაღალგანათლებული პიოებით, მწერლებით და მეცნიერებით, და რომ მისმა „მახლობლებმა“ იცოდნენ არა მხოლოდ ქართული ენა, არამედ სპარსული, თურქული, რუსული და ფრანგული ენებიც, ისინი განაგებდნენ ქეთაისის სტამბას და მთელი იმერეთის სამეფოს ბეჭდვითი სიტყვის წარმოებას. ამას გარდა, სოლომონს ამ შესაძლებლობათა არსებობის შემთხვევაშიც შეეძლო მდივნის დროებითი არყოფნა დაესახელებია ციციანოვისადმი პასუხის დაგვიანების მიზეზად, ვინაიდან წერა-კითხვის ყველა მცოდნეს, და ხშირად მაღალგანათლებულ ადაშიანსაც კი არ შეუძლია სახელმწიფოებრივი მნიშვნელობის დიპლომატიური წერილების შედგენა.

თუ ასე ფიქრობდა მეცნიერი, ისტორიკოსი, ადვილი წარმოასადგენია, როგორღა უცქეროდნენ ქართველი ხალხის განათლებას მეფის სწავლამოუთავებელი გენერლები და სხვა მოხელეები. მავლე I-ის სრულუღლებიანი მინისტრი, დანიშნული 1799 წ. საქართველოს მეფის კარზე, ხოლო შემდეგ, 1801 წლიდან, საქართველოს მმართველი პ. კოვალენსკი, საქართველოში თავისი მოსვლიდან ერთი წლის შემდეგ, წერდა: „შინაგან კეთილმოწყობას, მართლმსაჯულების წესს, ხალხის განათლებას... მიუხედავად ამ საგანზე ჩემი მეთვალყურეობისა, დღემდის დასაბამი არა ჰქონია“*.

XVIII საუკუნის საზოგადოებრივ-კულტურული ცხოვრების ჩვენი შიშობილიდან ძნელი არაა დავასკვნათ, რამდენად სტყუის კოვალენსკი. ისტორიკოს პლატონ იოსელიანის მოწმობით „ესრეთ კეთილად დაწესებული სამეფო, ვითარცა საქართველოსა, სარწმუნოებითა, ეკლესიებითა, მონასტრებითა, მდივანბეგებითა, სწავლითა და ხელოვნებითა, გუთნითა და ხენითა, თესვითა და მკითა, პატროსნებითა და ზრდილობით აღსავსე, ესრეთ ბრწყინვალე სამეფოსა ტახტითა და თავად-აზნაურობითა, სამღვ-

* П. Коваленский — „Записки о Грузии“, Акты, I, 123. (ეს ლეგენდა კოვალენსკის შემდეგ გაიმეორეს ბურნაშოვმა — Картина Грузии, 4—5; ლიტვინოვმა — Акты, II, —407—II); ლ. ნ. მოძალავსკიმ — Очерк истории воспит. и обучения, ч. II, 484; ვ. რომანოვსკიმ — Очерки из истории Грузии, прилож., 1.

დღელოთა წესითა და საეროსა სიმდიდრითა: თოფითა და ზარბაზნითა და ხალხის სიმხნითა და ვაჟკაცობითა ჩაბარდა სადმე დიდსა რუსეთის იმპერიასა*.

ყოველივე ამას კოვალენსკი ვერ ამჩნევდა. ის პირდაპირ სიბრმავეს იჩენდა აგრეთვე XVIII საუკუნის დასასრულის საქართველოს მართლმსაჯულების წესისადმი იმ დროს, როდესაც ხსენებული წესი სრულდებოდა მეფე ვახტანგ VI ყოველმხრივად დამუშავებული კანონთა კრებულთ, რომელიც კოდიფიციკრებული იყო XVIII საუკუნის დასაწყისში. უპასუხისმგებლოა აგრეთვე კოვალენსკის მტკიცება, თითქოს ხალხის განათლებას საქართველოში 1800 წელს დასაბამი არ ჰქონდა. ამ უტიფრული „მტკიცების“ ფასი ნათელი გახდება, თუ წარმოვიდგენთ, რომ ხსენებულ წელს აღმოსავლეთ საქართველოში, როგორც უკვე აღნიშნული იყო, არსებობდა ერთი სემინარია უმაღლესი სკოლის ტიპისა, 30-ზე მეტი სასწავლებელი და მრავალი ელემენტარული სკოლა-გკლესიებთან და მონასტრებთან. ქართული საზოგადოების განათლების ცხადი მაჩვენებელი XVIII საუკუნის მეორე ნახევარში იყო მხატვრული ლიტერატურა. აკადემიკოსი მ. ბროსე წერდა: „თუ რომელიმე ხალხის გონებრივი განათლების დონის შესახებ უნდა ვიმსჯელოთ ლიტერატურული სტატისტიკის მიხედვით, ამ შემთხვევაში არაარის-რა იმაზე ადვილი, რომ დაგაფასოთ საქართველოს გონებრივი განათლება...** რუსეთის დესპანი კაპიტანი იაზიკოვი, რომელიც XVIII ს. 70-იან წლებში საქართველოში ცხოვრობდა, თავის მოგონებებში საქართველოზე წერდა: „რაც შეეხება კეთილშობილ ქალებს ყველა წერა-კითხვის მცოდნეა. წარჩინებული ოჯახები თავიანთ ქალებს წერა-კითხვას უსათუოდ ასწავლიდნენ“*** მაგრამ კოვალენსკი ამის მსგავსს არაფერს, ხედავდა და არც ესმოდა; ან რა იყო მოსალოდნელი იმ კაცისაგან, რომელიც, როგორც აღვნიშნეთ, საქართველოს მმართველად ყოფნის დროს, მექრთამეობისა და სისხლის სამართლის სხვა ბოროტმოქმედებისათვის არათუ მხოლოდ გადაყენებულ იქნა თანამდებობიდან, არამედ დაპატიმრებული და სამართალში მიცემული იმპერატორ ალექსანდრე I პირდაპირი მითითებით.

* პლ. იოსელიანი, გიორგი მეჯამეტის ცხოვრება, 1936, 204.

** „Журнал МН Просвещения“, 1838, VIII, 809—310; იხილეთ აგრეთვე: [Е. Болховитинов]—Историческое изображение Грузии, 73—74, 1802.

*** А. Цагарели—Сведения, I, გვ. XXII.

არც ციციანოვი ჩამორჩა სხევებს, მაგრამ ის დასკინოდა უკვე თავადაზნაურობის „უვიცობას“. 1803 წელს თბილისში მთავრობის სკოლის გახსნასთან დაკავშირებით ციციანოვი სწერდა იმპერატორს:

„აქაური თავადაზნაურობის უკიდურესმა უვიცობამ, რომლის უმეტესმა ნაწილმა თავისი მშობლიური ენაც კი არ იცის წესების მიხედვით, მაიძულა მე საქმიანად შევდგომოდი საქართველოში განათლების პირველი სხივების შეტანის მოგვარებას, თუ მთელი ხალხისათვის არა, აქაური თავადაზნაურობისათვის მაინც, ისე რომ თაობა, რომელიც ამჟამად ყრმობის პასაკში იმყოფება, ეზიაროს იმ ნეტარებას, რომელსაც მას უმზადებს რუსეთის მართებლობა“*.

ციციანოვი, რომელმაც ცუდად იცოდა ქართული ენა, არ ჰქონდა წარმოდგენა მის გრამატიკულ ან სტილისტიკურ წესებზე, მაინც მსჯელობდა მათზე და სხვებს უვიცად სთვლიდა მათი უცოდინარობის გამო. ეს იმიტომ ხდებოდა, რომ, თუ რუსეთის იმპერატორს დაარწმუნებდა იგი ქართველი თავადაზნაურობის, როგორც საზოგადოების მოწინავე ფენის, „უკიდურეს უვიცობაში“, ეს განუმტკიცებდა ციციანოვს „საქართველოში განათლების პირველი სხივის“ შეტანის პიონერობის სახელს და აამაღლებდა იმ კულტურული „ნეტარების“ მნიშვნელობასაც, რომელიც მზადდებოდა პეტერბურგში რუსეთის იმპერიის „ინოროდცებისა“ და განაპირა კუთხეებისათვის.

როგორი იყო, მაინც, ნაძვლილი მიზნები რუსეთის იმპერატორისა და მის მოხელეთა ახლადშეძენილი „ქართველთა მხარის“ განათლების მიმართ? ის ჩვენი მკითხველისათვის საკმაოდ ცნობილია, მაგრამ ამ საკითხზე უკვე ნათქვამის დასადასტურებლად დავასახელებთ კიდევ იმ ფაქტს, რომ 1801 წ. 12/XI უმაღლესად დამტკიცებულ დადგენილებაში—საქართველოს შინაგანი მმართველობისა და საქართველოს თანამდებობათა შტატების ხარჯთა განრიგების ცხრილის შესახებ—არაა გათვალისწინებული არცერთი თანამდებობა განათლების დარგში და არცერთი კაპიკი ამ მიზნისათვის. საქართველოს განათლების საქმე დამყარებული იყო მთლიანად კავკასიის კორპუსის მთავარსარდლის კეთილ ნება-სურვილზე; ეს მთავარსარდალი კი „ზრუნავდა“ საქართველოს განათლებაზე მხოლოდ

* Акты, II, 136.

შემთხვევითი „აღგილობრივი შემოსავლის“ მიხედვით. მაგრამ ეს შემოსავალი იხარჯებოდა მარტოოდენ აღგილობრივი „კეთილშობილი“ წოდების წარპომადგენელთა და რუს მოხელეთა შვილების გასანათლებლად.

რაც შეეხება სახალხო სკოლებს—ასეთებს, მართალია, არ იფიქრებდა მეფის ხელისუფლება, მაგრამ მათი მოწყობისა და შენახვისათვის არც „აღგილობრივი“ შემოსავალი ემეტებოდა. ასე, მაგალითად, ალექსანდრე I, 1801 წლის 12 სექტემბრის რესკრიპტში, საქართველოს მთავარსარდლის გენ. კნორინგისადმი, წერდა:

„სამოქალაქო ნაწილში განზრახული წყობილების აღდგენასთან ერთად არანაკლებ საჭიროდ მიგვაჩნია იმავე მხარის (საქართველოს—გ. თ.) სასულიერო ნაწილიც თანაბარ წესრიგში იქნეს მოყვანილი. ამ სტატიის მოსაგვარებლად საჭირო ცნობების შეკრებისთანავე ნუ დააყოვნებთ დაწვრილებით მაცნობოთ ამის შესახებ, და ამასთანავე გაითვალისწინოთ სასულიერო სასწავლებელთა დაარსებაც; ის პატივისცემა, რომლითაც სარგებლობს ეს (სასულიერო) წოდება საქართველოში და მისი გავლენა ქუა-გონებაზე წარმოადგენს მოხერხებულ საშუალებას, რომ მისი მეშვეობით იქნეს იქ შეტანილი დაწყებითი სახალხო განათლება“.*

ამგვარად, იმპერატორი თვითონ არ ფიქრობდა საქართველოში სახალხო სკოლების დაარსებას, მაგრამ არაფერი ჰქონდა საწინააღმდეგო, თუ ასეთ სკოლებს გახსნიდა სასულიერო წოდება საკუთარი ხარჯით და მეთვალყურეობით. მიუხედავად ამისა, სინამდვილეში სასულიერო წოდებას მაინც არ ჰქონდა უფლება მთავრობის ორგანოების ნებართვის გარეშე სკოლების გახსნისა, ხოლო ასეთ ნებართვებს კი, როგორც ქვემოთ დავინახავთ, ან სრულად ვერ იღებდნენ, ანდა—ათეული წლების დაგვიანებით.

ჩვენ ვნახავთ აგრეთვე, როგორ აფერხებდა მეფის ხელისუფლება კერძო პირთა და საზოგადოებათა ინიციატივას განათლების გავრცელების საქმეში. მხოლოდ „პოლიტიკურად კეთილსაიმედო“ პირები და ასეთთაგან შემდგარი საზოგადოებანი ლეზულობდნენ სკოლების გახსნის ნებართვას და ისიც სახელმწიფოს სასტიკი კონტროლის პირობით.

* Акт: I, 434.

მიუხედავად ამისა, საზოგადოებრივი ცხოვრების განვითარება, აქედან გამომდინარე ხალხის განათლების აუცილებლობა და მოწინავე სოციალური წრეები აიძულებდნენ მთავრობას მიეღო თუნდაც პალიატიური ზომები განათლების გასაერთოებლად.

2. პირველი ნაბიჯი

რუსეთთან საქართველოს შეერთების დროისათვის (1801) რუსეთის იმპერიის სახალხო განათლებას დარგში ჯერ კიდევ მოქმედებდა 1786 წლის „სახალხო სასწავლებელთა წესდება“, რომელიც აღარ შეეფერებოდა რუსეთის სახალხო განათლების ახალ სტადიას. ამ წესდების საფუძველზე შექმნილი ზოგადი განათლების სკოლის ორი ტიპი: მცირე—ოჯაკლასიანი და მთავარი—ოთხკლასიანი სკოლები (ავსტრიის ტრივიალური და მთავარი სკოლების მიხედვით), ისე როგორც რუსეთის სახალხო განათლების მთელი სისტემა, თავისი პრინციპებით და ორგანიზაციით უკვე საგრძნობლად ჩამორჩებოდა XIX ს. დასაწყისი პერიოდის რუსეთის საგანმანათლებლო ამოცანებს. 1786 წლის წესდება, არსებითად, მიღებული იყო ფრანგული განმანათლებლობის საპირისპიროდ, მიუხედავად მისი სულის ჩამდგმელის—ეკატერინე II—ფორმალური სოლიდარობისა XVIII ს. საგანმანათლებლო ფილოსოფიის იდეებისადმი. რუსეთში ამ იდეებისა და განსაკუთრებით საფრანგეთის 1789 წლის რევოლუციის სოციალურ-პოლიტიკური იდეების თანდათანობით განვითარების საერთო ფონზე 1786 წლის წესდება გამოიყურებოდა მეტად კონსერვატულად. მასში არ იყო გათვალისწინებული სოფლის სკოლები და ამიტომ ადგილი არ ჰქონდა საყოველთაო განათლების პრინციპს, მასში არ იყო სასკოლო სისტემის თანამიმდევრობა და მთლიანობა, ის უუურადღებოდ სტოვებდა საკითხს ქალთა განათლების შესახებ და მოსწავლეთა მორალურ-აღმზრდევლობითი სისტემას სცვლიდა „ადამიანისა და მოქალაქის მოვალეობათა წიგნის“ * მშრალი დარიგებებით, როგორც ესახვედა

* წიგნი „ადამიანისა და მოქალაქის მოვალეობათა“ შესახებ მიეწერება ავსტრიელ სერბს თ. ი. იანკოვიჩ დე-მირიევიოს, რომელიც რუსეთში მოვიდა 1782 წ. ეკატერინე II მოწვევით—განათლების ახალი სისტემის შესაშუშავებლად. მისი მონაწილეობით იმავე წელს შედგენილ „რუსეთის იმპერიაში

„განათლებულა აბსოლუტიზმის“ ადაქიანის ზნეობრივ ნორმებს. გარდა ამისა, ამ წესდების მიხედვით რუსეთში შექმნილი სასწავლებლები არ ფინანსდებოდნენ სახელმწიფოებრივი ბიუჯეტიდან და არაერთხელ არ წარმოადგენდნენ სახელმწიფო სასწავლებლებს არა მარტო სამეურნეო, არამედ არც სასწავლო-აღმინისტრაციული მუშაობის მხრივ.

რუსეთთან საქართველოს შეერთებისთანავე მეფის მთავრობამ გააუქმა ქართული ნაციონალური კულტურის მთელი რიგი დაწესებულებანი. მაგრამ ამასთანავე მას საუცხოოდ ესმოდა, რომ თავის ცოტა თუ ბევრად განათლებულ მოხელეთა წოდების გარეშე, ადგილობრივ არისტოკრატიულ წრეში განსაზღვრული ბიუროკრატიული კულტურისა და განათლების დანერგვის გარეშე და, ბოლოს, რუსული ბეკდვითი სიტყვის, სკოლისა და სხვა საგანმანათლებლო დაწესებულებათა სათანადო გამოყენების გარეშე შეუძლებელი იყო შეექმნა საქართველოში მმართველობისა და ბატონობის მტკიცე საფუძველი. „მთავარ სასწავლო მართელობასთან“ მოქმედი „რუსეთის იმპერიაში სახალხო სასწავლებელთა დამაარსებელი კომისიის“ წევრი პეტრე სვიტუნოვი, 1801 წ. აუწყებდა რა საქართველოს მთავარმართებელს, გენერალ კნორინგს, „რუსეთის იმპერიაში“ და „მაშასადამე, ადგილობრივ მხარეშიც განათლების წარმატებელ“ ღონისძიებათა შესახებ, სთხოვდა მას „მიეწოდებინა ამ კომისიისათვის დაწერილებითი ცნობები ქართული სასწავლებლების მდგომარეობის შესახებ, — სად, რას და რომელი წიგნებით „ნაბეჭდით თუ ხელნაწერით“ ასწავლიან და ა. შ.“

პეტერბურგიდან ასეთი „მთავონების“ შემდეგ კნორინგმა და საქართველოს მმართველმა კოვალენსკიმ გადაწყვიტეს პრაქტიკულად განეზოციელებინათ კომისიის განზრახვა საქართველოში რუსული სკოლების დაარსების მიმართ.

პირველ ნაბიჯად ამ მიმართულებით უნდა ჩაითვალოს მთავრობის ორკლასიანი დაწყებითი სასწავლებლის დაარსება ქ. თბილისს 1802 წ. 22 სექტემბერს. ეს სკოლა იყო გან-

სახალხო სასწავლებელთა დაწესების გეგმის“ საფუძველზე აღმოცენდა 1786 წლის „რუჟეთის იმპერიის სახალხო სასწავლებელთა წესდება“.

* Акты, I, 500.

კუთვნილი ქართველ თავადაზნაურთა შვილებისათვის. მიღებულ იქნა 45 მოწაფე.*

მისი გახსნიდან რამდენიმე დღის შემდეგ საქართველოს მთავარ-მართებლის მიერ დამტკიცებულ იქნა „წესები ქ. თბილისში პირველად დაარსებულ სასწავლებლის მასწავლებელთა და მოსწავლეთათვის“. წესები შეიცავდა 4 თავს: სასწავლებლის სტრუქტურის, სასწავლო გეგმის, სასწავლო ხელსაწყოების და მასწავლებელთა, მოწაფეთა და დირექტორის მოვალეობათა შესახებ. ამ წესების თანახმად, სასწავლებელი შეესაბამებოდა 2 კლასისაგან. I კლასში გათვალისწინებული იყო რუსული და ქართული ენების და ელემენტარული არითმეტიკის სწავლება, II კლასში – რუსული და ქართული ენების (ამავე ენათა გრამატიკების), არითმეტიკის, გეომეტრიის, საღვთო სჯულის, ისტორიის (სამოქალაქო და საეკლესიო), გეოგრაფიის, „ზნეობის“ („დარიგებანი ადამიანისა და მოქალაქის მოვალეობათა შესახებ“) და ხატვის სწავლება. მეცადინეობა უნდა წარმოებულიყო ქართულ და რუსულ ენებზე.

აღნიშნულმა სასწავლებელმა ძალიან ცოტა ხანს იარსება. მისი დახურვის მიზეზი იმაში მდგომარეობდა, რომ, პირვანდელი განზრახვის წინააღმდეგ, ის გამოდგა არა რუსულ-ქართული, არამედ წინდა რუსული სასწავლებელი. მოსწავლეებს არა ესპოდათ-რა არც თავისი მასწავლებლისა, არც სკოლისა საერთოდ და იძულებული იყვნენ მალე მიეტოვებინათ იგი**.

თბილისის 1802 წლის სასწავლებელი სტრუქტურით, სასწავლო გეგმით და მართვა-გამგეობით წარმოადგენდა 1786 წ. რუსეთის იმპერიის წესდებით გათვალისწინებულ „მცირე სასწავლებელთა“ რამდენადმე შეცვლილ ტიპს, მაგრამ სოციალური დანიშნულებით ის მკვეთრად განირჩეოდა მათგან თავისი კონსერვატიზმით. განსხვავებით „მცირე სასწავლებელთაგან“, რომლებიც წარმოადგენდნენ „არაქოდებრივ, ორივე სქესისათვის მისაწვდომ და ბუნებრივ“, ე. ი.

* სასწავლებლის დირექტორად დანიშნეს ნადვორნი სოვეტნიკი კოტონევი, რუსული ენის მასწავლებლად—კანცელარიის მსახურები პლეშჩევი და პოკროვისკი, ქართული ენისა—მამა გრიგოლი; „მეცნიერებათა მასწავლებლები“ კი კნორინგმა რუსეთიდან გამოიწერა.

** ხოლო საქართველოს მმართველი კოვალენსკი იმისათვის, რომ დაემაღლა სასწავლებლის დახურვის ნამდვილი მიზეზი, არწმუნებდა ციციანოვს, რომ „მოწაფეებმა შესწავრიტეს სკოლაში სიარული აქ-ური ხალხის ველური ზნე-ჩვეულების გამო“ (Акта, II, 196).

მშობლიურ ენაზე მოწყობილ სასწავლებლებს,—1802 წლის თბილისის სასწავლებელი იყო წოდებული (განკუთვნილი მხოლოდ თავადაზნაურობისათვის), მაშასადამე, არა ყველასათვის მისაწვდომი; მასში ლეზულობდნენ მხოლოდ მამრობითი სქესის ბავშვებს, ამავე დროს ის არ იყო მშობლიური ენის სკოლა, უფრო მეტიც, მას აკისრებდნენ ქართველი ხალხის რუსიფიკაციის საქმის სამსახურს. ამას გარდა, 1802 წ. თბილისის დაწყებითი სასწავლებელი არ შედიოდა რუსეთის იმპერიის „სასწავლებელთა მთავარი მმართველობის“ სისტემაში, რომელიც 1802 წელს შეუერთდა სახალხო განათლების სამინისტროს; ის ყოველმხრივ (ადმინისტრატიულ, სამეურნეო და სასწავლო საქმეში) ექვემდებარებოდა საქართველოს მთავარმართველს, რომელიც ყოველთვის უფრო „მნიშვნელოვანი“ სამხედრო პოლიტიკური საქმეებით იყო დატვირთული და ნაკლებად დაინტერესებული სასწავლებლის ცხოვრებით.

1802 წელს დაარსებული თბილისის პირველი სასწავლებლის მოულოდნელი თვითლიკვიდაციის შემდეგ გავიდა თითქმის 2 წელი მეორე, ახალი სასწავლებლის დაარსებამდე.

3. 1804 წლის წესდება

ამ მოკლე ხნის განმავლობაში რუსეთის სახალხო განათლების ცხოვრებაში მოხდა ორი მნიშვნელოვანი მოვლენა. პირველი—რუსეთის იმპერიის სახალხო განათლების სამინისტროს შექმნა 1802 წელს, მთელი იმპერიის სახალხო განათლების საქმის მართვა-გამგეობის ცენტრალიზაციის მიზნით, და მეორე—სამინისტროს მიერ „სახალხო განათლების წინასწარი წესების“ შემუშავება 1803 წელს და ამ წესების საფუძველზე „უნივერსიტეტებისადმი დაქვემდებარებულ სასწავლებელთა წესდების“ აღმოცენება 1804 წელს.

პირველი პირველის ფეოდალურ-მონარქიული რეაქციის პერიოდში რუსული სკოლის ცხოვრებაში კიდევ უფრო გაღრმავდა 1786 წლის წესდებით ორგანიზებული სკოლის ნაკლოვანებანი. პირველი I ცდილობდა გაეღრმავებინა გათიშულობა ხალხსა და სკოლას შორის და სკოლა დაებრუნებინა რუსეთის „ძველის-ძველ თავისებურებათადმი“. ის ცდილობდა რუსი საზოგადოებრივობა და სკოლა კიდევ უფრო ჩამოშორებოდა დასავლეთ ევროპის პროგრესულ და ლიბერალურ იდეებს, და ეს გახდა მეფის წინააღმდეგ ახალგაზრდა ბურჟუაზიული ოპოზიციის აღმოცენების ერთ-ერთი მიზეზი.

ალექსანდრე I-ს ერთნაირად ეშინოდა როგორც დასავლეთიდან მოპავალი თავისუფლებისა და თანასწორობის რევოლუციური იდეებისა, ისე თავის ქვეყანაში შესაძლო „სახალხო მღელვარებისა“, რაც შეიძლება გამოეწვია ამ იდეების წინააღმდეგ მისი ბრძოლის აუცილებლობას. ამ ორივე საფრთხისაგან თავის გადარჩენის ამოცანამ აიძულა იგი ფორმალურად მხარი დაეჭირა 1789 წ. საფრანგეთის ბურჟუაზიული რევოლუციის იდეებისათვის როგორც საერთოდ, ისე კერძოდ განათლების საქმეებში, მაგრამ ფაქტიურად ყოველივე გაეკეთებია, რომ ეს იდეები ხალხამდე არ მისულიყო.

სახალხო განათლების ახალი სისტემის შემოღება გამოწვეული იყო არსებული სისტემის ზემოაღნიშნულ ძირითად ნაკლოვანებათა, თუნდაც ფორმალური გადალახვის აუცილებლობით, და რუსეთში საფრანგეთის ბურჟუაზიული რევოლუციის საგანმანათლებლო იდეების გავრცელების ფაქტით. სწორედ ამ აუცილებლობიდან გამომდინარეობდა 1804 წლის „უნივერსიტეტებისადმი დაქვემდებარებულ სასწავლებელთა წესდება“.

რუსეთის სახალხო განათლების ახალი წესდება, ითვალისწინებდა რა ქალაქისა და სოფლის მთელი მოსახლეობისათვის სასწავლებელთა სხვადასხვა ტიპს და აძლევდა რა უფლებას ყველა წოდებას მიებარებია შეიღები რომელ მათგანშიც სურდა, აღიარებდა სახალხო განათლების საყოველთაობისა და არაწოდებრივობის პრინციპს. სტოვებდა რა ძალაში 1803 წლის „წესების“ პირველ პარაგრაფს იმის შესახებ, რომ „რუსეთის იმპერიაში სახალხო განათლება წარმოადგენს განცალკევებულ სახელმწიფოებრივ ნაწილს“, 1804 წლის წესდება სახალხო განათლების სისტემას ანიჭებდა სახელმწიფოებრივ ხასიათს. ის აწესებდა დაწყებითი და საშუალო სკოლების სამ ძირითად ტიპს: სამრევლოს—ერთკლასიანებს, როგორც ქალაქისა, ისე სოფლისათვის, სამაზროს—ორკლასიანებს, სამაზრო და საგუბერნიო ქალაქებისათვის და გიმნაზიებს—ოთხკლასიანებს, საგუბერნიო ქალაქებისათვის. სასწავლებელთა ამ ტიპებს შორის სასწავლო გეგმის მიხედვით წესდებოდა მთლიანობა და თანამიმდევრობა: სამრევლო სკოლები ამზადებდნენ სამაზრო სკოლების პირველი კლასისათვის, სამაზრო სკოლები—გიმნაზიის პირველი კლასისათვის, გიმნაზიები კი -- უნივერსიტეტებისათვის; აქედან სასწავლებლის თითოეული მომდევნო ტიპი შენდებოდა წინა სკოლის ბა-

ჭაბუ, და ამგვარად, სამაზრო სწავლებლებს ამთავრებდნენ ბავშვები სწავლების მე-3წელს, ხოლო გიმნაზიებს კი—მე-7 წელს.

1804 წლის წესდება მოითხოვდა აგრეთვე სწავლების შეერთებას პრაქტიკულ მეშობასთან (§ 28) და შრომის განსაზღვრულ დარგში ელემენტარული ტექნიკური ჩვევების დანერგვას მოწაფეებში (§§ 84, 119).

ყველა ტიპის სკოლაში სწავლება იყო უფასო.

1804 წლის წესდების ჩამოთვლილმა ნიშნებმა (საყოველთაობა და არაწოდებრივობა; განათლების სახელმწიფოებრივი ხასიათი, ყველა ტიპის სკოლების ერთიანობა და თანამიმდევრობა, სწავლების დაკავშირება პრაქტიკულ მეშობასთან, უფასო სწავლება და ა. შ.) მისცა უფლება რუსეთის პედაგოგიკისა და სახალხო განათლების სისტემის ბევრ ისტორიკოსს ჩაეთვალოთ ეს წესდება ლიბერალურად.

თუ 1804 წლის წესდებებს განვიხილავთ მხოლოდ ფორმალური თვალსაზრისით, ის მართლაც მოგვეჩვენება ლიბერალურად, მაგრამ თუ წარმოვიდგენთ რუსეთის სახალხო განათლების ფაქტიურ სისტემას, რომელიც ორგანიზებული იყო ამ წესდების შემდეგ, თუ განვიხილავთ მას პრაქტიკული მხრით, ე. ი. ხალხის მიერ წესდების უფლებათა რეალური გამოყენების თვალსაზრისით, ადვილად შეიძლება დავრწმუნდეთ, რომ მისი ლიბერალობა და სიახლე არის უბრალო ფიქცია.

აღნიშნული წესდების მოქმედების მთელი პერიოდის (1804—1828) რუსული სკოლის ისტორია და სტატისტიკა სავსებით ადასტურებს ამ მოსაზრებას. ამასვე ამტკიცებს იმავე პერიოდის საქართველოს ოფიციალური სკოლის ისტორია და ხასიათი.

4. თბილისის კათოლიკობილთა სასწავლებელი

შემდეგ ოფიციალურ (მთავრობის) სასწავლებელს საქართველოში წარმოადგენდა თბილისის კათოლიკობილთა სასწავლებელი, დაარსებული 1804 წელს, საქართველოს მთავარმართებელ ციციანოვის დროს; აღექვანდრე I-ის 1803 წ. 8 აგვისტოს რესკრიპტში ციციანოვის სახელზე მას ეწოდებოდა „პირველდაწყებით

მეცნიერებათა სასწავლებელი“*, მაგრამ გახსნის შემდეგ მას დაერქვა „თბილისის კეთილშობილთა სასწავლებელი“.

აღნიშნული სასწავლებლას შესანახად, იმპერატორის თანხმობით, გადაწყვეტილი იყო წელიწადში ეხარჯათ 10.000 მან. იმ შემოსავლიდან, რომელსაც იღებდნენ საქართველოში „ხარკის სახით ქარის პროდუქტიდან შეპოტანილ აბრეშუქში“** (ამავე თანხიდან ვარაუდობდნენ ყოველწლიურად ეხარჯათ 2200 მანეთი მოსკოვის უნივერსიტეტის პანსიონში 8 ახალგაზრდა ქართველის შესანახად, როკლებიც იქ უნდა ეგზავნათ ყოველწლიურად თბილისის კეთილშობილთა სასწავლებლის დამთავრების შემდეგ).

თუმცა თბილისის კეთილშობილთა სასწავლებელი იყო დაარსებული შალაღი წოდების ბავშვებისათვის, მაგრამ პირველ ხანებში ვინაიდან არ იყო ამ სასწავლებელში სწავლის მსურველ თავადაზნაურთა საკმაო რიცხვი, იღებდნენ მოქალაქეთა და სასულიერო წოდების ბავშვებსაც. ამასთან, თბილისის კეთილშობილთა სასწავლებლებში ბავშვთა უფრო რეტი რიცხვის მიზიდვის მიზნით, მოწაფეთათვის დაწესებულ იქნა „წამახალისებელი ჯამაგირი“ („Поощрительное жалование“), თითოეულიათვის ხუთი მანეთის რაოდენობით ყოველთვიურად. „წამახალისებელ ჯამაგირს“ აძლევენ სასწავლებლის არსებობის მთელი დროის განმავლობაში (ასეთივე „ჯამაგირი“ არსებობდა პირველხანად პეტერბურგის გიმნაზიის (1725) და შემდეგ მოსკოვისა (1775) და ყაზანის (1804) გიმნაზიების მოწაფეთათვის). თბილისის კეთილშობილთა სასწავლებელი დასაწყისში იყო ორკლასიანი, და სასწავლო გეგმა ძირითადად არ განსხვავდებოდა 1802 წლის თბილისის სკოლის სასწავლო გეგმისაგან. სწავლა წარმოებდა ქართულ და რუსულ ენებზე, ე. ი. ეოთსა დამავე საგნებს ასწავლიდნენ პირველად ქართულ ენაზე (ე. წ. ქართული კლასი), შემდეგ რუსულზე (ე. წ. რუსული კლასი)***.

* Акты, II, 198; აგრეთვე. „Центр. госуд. архив древних актов“, груз. дела, 1803, № 8. 39 (მოსკოვი).

** Акты, I. 196 (ციციანოვა დააღვა ხარკად ქარბელაქნის ლეკებს, მათი დამორჩილების შემდეგ, 1100 ლიტრა (220 ფ.) აბრეშუმი ან 13 200 მ. ვერცხლით წელიწადში).

*** რუსი მოწაფეები თავისუფლდებოდნენ „ქართული კლასისაგან“, ე. ი. ქართულ ენაზე საგნების სწავლისაგან, მაგრამ ქართული ენის, როგორც საგნის სწავლა, სავალდებულო იყო მათთვისაც.

1806 წელს გადაწყვიტეს თბილისის კეთილშობილთა სასწავლებელი გიმნაზიად გადაეკეთებინათ. საქართველოს მთავარმართებელი ციციანოვი 1805 წ. 28 ნოემბერს მოასენებდა რუსეთის განათლების მინისტრს ზავადოვსკის, რომ ქართველები ჯერ არ სარგებლობენ მოსკოვის უნივერსიტეტში ბავშვების გაგზავნის უფლებითა, ვინაიდან თბილისის კეთილშობილთა სასწავლებელი არ იძლევა უნივერსიტეტში შესასვლელად საჭირო საშუალო საგიმნაზიო განათლებას; რაც შეეხება მოსკოვის უნივერსიტეტთან არსებულ გიმნაზიაში ბავშვების გაგზავნას, ამაზე ვშობლები უარს ამბობენ, ბავშვთა შვირე ასაკის გამო მათ მიერ თბილისის კეთილშობილთა სასწავლებლის დამთავრებისას. ამასთან დაკავშირებით ციციანოვი სთხოვდა ზავადოვსკის მისთვის ნება დაერთო მოსკოვის უნივერსიტეტის პანსიონში გასაგზავნ ქართველ მოსწავლეთათვის განზრახული თანხიდან 2000 მ. წელიწადში „გამოეყენებინა მასწავლებელთათვის და აქვე შეესრულებინა უკვე მთელი საგიმნაზიო სწავლა“*.

დადებითი პასუხის მოლოდინში თბილისის კეთილშობილთა სასწავლებლის სასწავლო გეგმაში 1805 წლიდან შეიტანეს ლათინური და გერმანული ენები, ოგორც გიმნაზიის სასწავლო საგნები, გათვალისწინებული 1804 წლის წესდებით**.

იმპერატორის ნებართვა მიღებულ იქნა ზავადოვსკისაგან 1806 წ., საქართველოს მთავარმმართველ გუდოვიჩის დროს, და გადაწყვეტილი იყო ამ წლიდან კეთილშობილთა სასწავლებლის პირველი ორი კლასისათვის შემდეგი კლასების თანდათანობითი მიმატებით აეყვანათ ეს სასწავლებელი გიმნაზიის სრულ კურსამდე. 1804 წლის დებულების მიხედვით, გიმნაზიები შესდგებოდა სამრევლო სასწავლებლის 1 კლასისა, სამაზროს—2 კლასისა და „საკუთრივ საგიმნაზიო“—4 კლასისაგან, ასე რომ თბილისის კეთილშობილთა სასწავლებელი შეიძლებოდა გადაკეთებულყო გიმნაზიად 5 წლის განმავლობაში, მაგრამ ამ საქმისადმი არასაკმაო ყურადღების გამო—ციციანოვის მომდევნო მთავარმართებელთა მხრივ—ეს გადაკეთება კარგახნით გადაიდო. მცირე ხნის შემდეგ თბილისის კეთილშობილთა

* АИТБ, II, 201.

** ფრანგული ენა, გათვალისწინებული იმავე წესდებით, არ იყო შემოღებული თბილისის კეთილშობილთა სასწავლებელში, ვინაიდან მის შექცეულად აქ ითვლებოდა ყველა მოსწავლისათვის სავალდებულო ქართული ენა.

სასწავლებლის ორივე კლასში შეიქმნა ორ-ორი განყოფილება სწავლების 1-წლიანი კურსით თითოეულ მათგანში. ერთ ხანს პირველი კლასი ითვლებოდა უფროს (მაღალ) კლასად, ხოლო მეორე — უმცროს (დაბალ) კლასად.

1810 წელს საქართველოს მთავარმართებელმა ტორმასოვმა სტხოვა რუსეთის განათლების მინისტრს ზავედოვსკის (შემდეგ რაზუმოვსკის) და სამხედრო მინისტრს ბარკლაი დე-ტოლის ზოგადსაგანმანათლებლო კეთილშობილთა სასწავლებლის ნაცვლად თბილისში დაეარსებიათ „კეთილშობილთა სამხედრო სასწავლებელი“, სამხედრო სასწავლებელთა 1805 წლის დებულების მიხედვით. ტორმასოვი ასაბუთებდა თავის აზრს მით, რომ „ადგილობრივ მცხოვრებთა, განსაკუთრებით თავად-აზნაურობის, ხასიათში ჩანერგილია სული და მიღრეკილება სამხედრო სამსახურისადმი“*. სამხედრო სასწავლებელს უნდა მოემზადებინა მოსწავლეები კადეტთა კორპუსში შესასვლელად. მასში იყო გათვალისწინებული 8-წლიანი სწავლის კურსი და 200-კაციანი კონტინგენტი.

ტორმასოვის თხოვნა უშედეგოდ დარჩა.

შემდეგ წელს ახალმა მთავარმართებელმა პაულუჩმა ხელახლა სტხოვა რაზუმოვსკის, დაეარსებია თბილისში სამხედრო სასწავლებელი, „როგორც ხალხის ნაციონალური ხასიათის შესაბამისი“**, მაგრამ არც მისი თხოვნა იქნა დაკმაყოფილებული.

1813 წლიდან თბილისის კეთილშობილთა სასწავლებელს მიუყენეს 1804 წლის წესდების § 52, რომლის მიხედვითაც სასწავლებლის სასწავლო გეგმაში შედიოდა „ისტორიული, მეტეოროლოგიური, ტოპოგრაფიული, სტატისტიკური ჩანაწერები (საქართველოზე), რომელშიც უნდა ყოფილიყო ცნობები მიწის მუშაობის, დათვისისა და მომკის დროის, მიწის თვისებების, მიწის მუშაობაში გამოსაყენებელი იარაღებისა და სხვა საგნების შესახებ, რომლებიც საჭიროა საერთო მეურნეობის ზუსტად გაცნობისათვის“*** ამ საგნების სწავლება, წესდების ხსენებული პუნქტის თანახმად, წარმოადგენდა სასწავლებელთა „დამატებით ვალდებულებას, რომლისთვისაც მათ ჰქონდათ უფლება განსაკუთრებული ჯილდოს მოლოდინისა“, მაგრამ ამ საგნების სწავლებისათვის არ იყო დამზადებული ხსენებული

* Акты, IV, 58.

** Акты, V, 24.

*** იქვე, 275.

„ჩანაწერები“, ე. ი. სასწავლო მასალა, და ამიტომ ეს ღონისძიება შეუსრულებელი დარჩა.

თბილისის კეთილშობილთა სასწავლებელი თავისი არსებობის დასაწყისში საკმაო ავტორიტეტით სარგებლობდა მოსახლეობაში. სასწავლო-აღმზრდელობითი მუშაობისა და პედაგოგიური პერსონალის გაუმჯობესებამ, ქართული ენის სწავლებისადმი ცოტად თუ ბევრად ღირსეულმა დამოკიდებულებამ და მისმა ნამდვილმა გამოყენებამ მეცნიერებათა სწავლების პროცესში და აგრეთვე მოსწავლეთა კარგმა წარმატებამ, ამაღლა კეთილშობილთა სასწავლებლის ავტორიტეტი. ასე, მაგალითად, სასწავლებლის გახსნიდან 2 წლის შემდეგ, 1806 წ., 60 მოწაფისაგან შემდგარი კონტინგენტი უკვე აღარ აკმაყოფილებდა სასწავლებელში შესვლის მსურველთ, და თბილისის მცხოვრებთა თხოვნით საქართველოს მთავარმართებელმა გუდოვიჩმა მისწერა საქართველოს მმართველს ლიტვინოვს გაედიდებინა კეთილშობილთა სასწავლებლის კონტინგენტი კიდევ 25 კაცით.

აღნიშნული სასწავლებლის ავტორიტეტს ქვნიდა უმთავრეს: დ სასწავლებლის დირექტორი ალ. პეტრიაშვილი, რომელიც ასრულებდა ამ თანამდებობას 1804 წლიდან 1811 წლამდე. მთელი ამ ხნის განმავლობაში მან შესძლო სასწავლო-აღმზრდელობითი რეჟიმი აეყვანა სათანადო სიმაღლეზე. მაკრამ აღნიშნული თანამდებობიდან ალ. პეტრიაშვილის განთავისუფლების (1811 წ.) შემდეგ თბილისის კეთილშობილთა სასწავლებლის ავტორიტეტი გარკვეულად შეირყა თვით „კეთილშობილთა“ თვალშიც. ამის ძირითადი მიზეზი ის იყო, რომ ქართული ენა, როგორც სწავლების ენა, ჯერ ნაწილობრივ, შემდეგ კი სრულიად იქნა გამოძევებული (ის რჩებოდა მხოლოდ სასწავლო საგნად), შემოღებულ იქნა მკაცრი დისციპლინა, პედაგოგიური პერსონალი არ შეეფერებოდა თავის დანიშნულებას: არც თავისი განათლებით და პედაგოგიური ოსტატობით, არც ზნეობრივად და, რაც მთავარია, სასწავლებელს არ მოჰქონდა მოსახლეობისათვის ნამდვილი სარგებლობა როგორც მეცნიერული ცოდნის გაფრცელებით, ისე პრაქტიკული მუშაობისათვის (სამსახურისათვის) მოსწავლეთა მომზადებით. ამის გამო, 1811 წლიდან, მთელი 10 წლის განმავლობაში, მოსწავლეები ხშირად სტოვებდნენ სასწავ-

ლებელს. ზოგჯერ განთესვის პროცენტი აღწევდა 50-ს და მეტს (მაგალითად, 1811—1815 წწ.)*.

სასწავლებელთა მთავარი მმართველობა არ მალავდა და საკმაოდ სისწორით აღნიშნავდა მოწაფეთა განთესვის მიზეზს. ასე, მაგალითად, საქართველოს მთავარმართებელი რტი შჩევი 1814 წ. სწერდა სამოქალაქო გუბერნატორს სიმონოვიჩს: „დაარწმუნეთ მასწავლებლები და თვით სასწავლებლის დირექტორის თანამდებობის ამსრულებელი ბუკრინსკი, რათა უფრო ბეჯითად ასწავლონ ბავშვებს და ყურადღება მიაქციონ მათ, ვინაიდან მთავარმა მმართველობამ შენიშნა უკვე მასწავლებლების უმოქმედობა და შეიძლება ამის გამოც ზოგიერთი მშობელი არ აგზავნიან თავის ბავშვებს სასწავლებელში, რადკანაც ვერ ხედავს მისგან რაიმე სარგებლობას: ამის დამამტკიცებელი ისაა, რომ ზოგიერთი ბავშვი, ორი წლის სწავლის შემდეგ, ვერ ახერხებს რუსულად ერთი სიტყვის თქმასაც კი“.**

ცხადი იყო, რომ სასწავლებლის საზოგადოებრივი როლის ასამაღლებლად საჭირო იყო მისი ავტორიტეტის დაცემის ხსენებული მიზეზების გადალახვა, მაგრამ სიმონოვიჩმა სხვა ვერაფერი მოიგონა, გარდა იმისა, რომ გასცა განკარგულება არ მიეღოთ მოსწავლენი სამსახურში, სანამ ისინი არ დაამთავრებდნენ კეთილშობილთა სასწავლებლის ან მისი შესაბამისი საზოგადოებრივი ან კერძო სასწავლებლის სრულ კურსს.

ჩქარა, ამის შექდეგ, თბილისის კეთილშობილთა სასწავლებლის ოთხი განყოფილება (ორ-ორი თითოეულ კლასში) გადაკეთდა ცალკე კლასებად და ამნაირად ის შეიქმნა 4-კლასიანი სასწავლებელი.

1819 წლიდან სამხედრო განათლების მიღების მსურველთათვის (სამხედრო სამსახურში ან სპეციალურ სამხედრო სასწავლებლებში შესასვლელად) თბილისის კეთილშობილთა სასწავლებლის სასწავლო გეგმაში შეტანილ იქნა: გეოდეზია, საველე ფორტიფიკაცია, სამოქალაქო არქიტექტურა, სიტუაცია, აგრეთვე თათრული (აზერბაიჯანული) ენა და ცეკვა. ამასთან დაკავშირებით იმავე წელს სასწავლებელში დაშატებით გაიხსნა V კლასი.

ამგვარად, 1820 წლისათვის თბილისის კეთილშობილთა სასწავლებელში ისწავლებოდა: საღვთო სჯული, რუსული ენა, გერმანული ენა, ლათინური ენა, ქართული ენა, თათრული (აზერბაიჯანული) ენა, არითმეტიკა, ალგებრა, გეომეტრია, საველე ფორტიფიკაცია,

* 1814—1815 წელს კეთილშობ. სასწავლებელში ირიცხებოდა 156 კაცი.

** АКТЫ, V, 276.

სიტუაცია, გეოდეზია, სამოქალაქო არქიტექტურა, საყოველთაო, რუსეთის და საქართველოს ისტორია, საყოველთაო და რუსეთის გეოგრაფია, ხაზვა, ხატვა.

1823 წ. თბილისის კეთილშობილთა სასწავლებელს მიუმატეს VI კლასი და სასწავლო გეგმითაც იგი არსებითად უკვე ძალიან მიუახლოვდა გიმნაზიას, მაგრამ ოფიციალურად ეს სახელი ჯერ კიდევ არ ეწოდებოდა. ამ სასწავლებლის გადაკეთება გიმნაზიად გამოწვეული იყო არა მხოლოდ იმით, რომ თბილისში საჭირო იყო ოფიციალური საშუალო სასწავლებელი, რომელიც იურიდიულ უფლებას მისცემდა მოსწავლეებს უმაღლეს სასწავლებელში შესასვლელად, არამედ იმითაც, რომ აქედან გამდინარე სასწავლებლის სააღმზრდელი და საგანმანათლებლო მუშაობა და მოწაფეთა წარმატება გიმნაზიის სასწავლო-პედაგოგიური პროცესის, აღმზრდელობითი რეჟიმის, მმართველობისა და კონტროლის დაწესებით*.

1828 წ. სიპიაგინი, რომელმაც განაახლა თბილისის განათლების მინისტრ შიშკოვეისადმი თბილისის კეთილშობილთა სასწავლებლის გადაკეთების შესახებ, სწერდა, რომ „ამ სასწავლებელში არ არიან წესიერი მასწავლებლები, არ არის საგნების წესიერი განაწილება და, მაშასადამე, არც წარმატებაა მოსწავლეთა მხრივ, თუმცა ისინი ბუნებით ნიჭიერი არიან და ყოველთვის ბეჯითად ჰკიდებენ ხელს მეცნიერებას“**.

ამ ნაკლოვანებათა აცურების ერთ-ერთ ძირითად პირობად ის სამართლიანად თვლიდა აღნიშნული სასწავლებლის გიმნაზიად გადაკეთებას, რაც განხორციელდა 1829 წელს.

თბილისის კეთილშობილთა სასწავლებელმა თავისი არსებობის 25 წლის მანძილზე მნიშვნელოვანი როლი შეასრულა XIX ს. ქართული კულტურის ისტორიაში. ის ამზადებდა ადმინისტრაციულ-სამოქალაქო სამსახურის მოხელეებს, 1804 წ. წესდებითა გოთვალისწინებული სამრევლო და სამაზრო სკოლების მასწავლებლებს და მთარგმნელ-თარჯიმანებს სამოსამართლო-ადმინისტრაციულ დაწესებულებათათვის***. თბილისის კეთილშობილთა სასწავლებლის მო-

* დაწერილებით თბილისის კეთილშობილთა სასწავლებლის შესახებ: ტრ. ზუნდაძე — საერთო განათლება საქართველოში XIX ს. პირველ „ნახევარში“, კრებული, „სწავლა-განათლების ისტორია საქართველოში“, 1, 74—87, 1937.

** Актъ, VII, 62.

*** XIX ს. პირველი ნახევრის განმავლობაში დიდი მოთხოვნილება იყო მთარგმნელებზე ადგილობრივი ენებიდან რუსულზე — და პირიქით, მაგ., 1812 წ. მხოლოდ საქართველოს მთავარპარტებლის კანცელარიის შტატში ირიცხებოდა

წინავე მასწავლებლები აწარმოებდნენ მეშობას ადგილობრივი ხასიათის სასწავლო წიგნების შედგენაზე (ქართული ენა, გრამატიკა, ქართული ლიტერატურის ისტორია, საქართველოს ისტორია და სხვ.). ამ სახელმძღვანელოთა ნაწილი იბეჭდებოდა ციციანოვის მიერ 1804 წელს, ამავე სასწავლებელთან მოწყობილ სტამბაში. კეთილშობილთა სასწავლებელში მიიღეს განათლება საქართველოს ისეთმა გამოჩენილმა საზოგადო მოღვაწეებმა, როგორც იყვენენ: ფილოლოგი, რუსეთის მეცნიერებათა აკადემიის წევრი-კორესპონდენტი დ. ჩუბინაშვილი, პუბლიცისტი, ლიტერატორი და პედაგოგი დიმიტრი ყიფიანი, სამხედრო მოღვაწე ლევან მელიქიშვილი, მწერალი, მთარგმნელი რუსულიდან ქართულად ი. გარსევანიშვილი, ლატერატორები კონსტანტინე მამაცაშვილი და დ. ჯორჯაძე, მწერლები ნ. ბარათაშვილი, გრ. ორბელიანი, გერისთავი, მის. თუმანიშვილი და სხვ.

თბილისის კეთილშობილთა სასწავლებლის ირგვლივ იკრებოდა იმ დროის მოწინავე ადამიანები, მის კეულეებში თარგმნიდნენ, წერდნენ, ადგენდნენ სასწავლო, დაწესებულება და საკითხავ წიგნებს, ხელნაწერ აღმანახებს და მხატვრულ ნაწარმოებთა ქრესტოშათიებს.

XIX საუკუნის დასაწყისში სხვა სკოლების გახსნის ცდაც იყო საქართველოში. თბილისის კეთილშობილთა სასწავლებელი, წარმოადგენდა რა სასწავლებელს თავადაზნაურთა და მაღალი კლასის მოხელეთათვის, სულ უფრო და უფრო მეტად ისაზღვრებოდა აღნიშნული ფუნქციის მოკახურებით. ხალხს არ ჰქონდა სახელმწიფო სკოლები, არ იყო აკრეფივ არც სასულიერო სასწავლებლები. შედარებითი მშვიდობიანობა, რომელიც დამყარდა საქართველოში XIX ს. დასაწყისში, უკვე წარმოადგენდა ერთ-ერთ მთავარ შესაძლებლობას ხალხში განათლების შესატანად. მაგრამ, ვიმეორებთ, მისთვის არ იყო სკოლები. ამასთან დაკავშირებით საგაძნობლად იზრდებოდა მოსახლეობის მოწინავე ფენებისა და; პირველ ყოვლისა, ქალაქის საზოგადოების უკმაყოფილება.

6 მთარგმნელი—ქართული, სომხური, ირანული, არაბული, თურქული ენებაათვის და ერთიც „სიტყვიერი მთარგმნელი“ ანუ თარჯიმანი (მთხოვნელებთან საუბრისათვის). АКТЫ, V, 19.

ყოველივე ეს შესამჩნევი იყო ჯერ კიდევ მთავარმართებელ პ. ციციანოვის დროს. ციციანოვი არა სთვლიდა ამ უკმაყოფილებას სასარგებლოდ საქართველოში ახალი წესრიგის განმტკიცებისათვის და 1804 წ. 31 მაისს სწერდა განათლების მინისტრ ზავადოვსკის, რომ მას განზრახული აქვს თბილისის კეთილშობილთა სასწავლებლის მოსწავლეთა კონტინგენტის გადიდება 10 კაცით „მღვდლების შვილებისაგან“, რომელთაც ჩინებულად იციან ქართული ენა და არიან არანაკლებ 15 წლის ასაკისა—იმისათვის, რომ მოკლე დროში გვყავდეს მასწავლებლები გორში და თელავში განზრახული სკოლების თავის დროზე მოსაწყობად*. კეთილშობილთა სასწავლებლის კონტინგენტი მართლაც იქნა გადიდებული, მაგრამ ამ ადგილებში სკოლები დიდხანს არ დაარსებულა. ამას გარდა, XIX ს. პირველ ათწლეულის დამლევა, საქართველოს მმართველმა ლიტვინოვმა (1806—1809) ითხოვა ნებართვა თბილისში და საქართველოს სხვა ადგილებში სახალხო სკოლების გახსნისა. მას განზრახული ჰქონდა ამ სასწავლებელთა შესანახად გამოეყენებია მარკიტანტებისაგან (ვაჭრობის უფლებისათვის) შემოსული თანხები. მაგრამ არც ეს ცდა დაითავრებულა წარმატებით: ლიტვინოვის დროს არც თბილისში, არც სხვაგან სახალხო სკოლები არ დაარსებულა.

ამგვარად, XIX ს. პირველი 15 წლის განმავლობაში აღმოსავლეთ საქართველო რჩებოდა მთავრობის მხოლოდ ერთი, თბილისის კეთილშობილთა სასწავლებლის ამარა, ხოლო იმერეთსა და მთელ დასავლეთ საქართველოს არა ჰქონია არცერთი სახელმწიფო სკოლა. ამ გარემოებამ აიძულა აღმოსავლეთ საქართველოს სამოქალაქო გენერალ-გუბერნატორი და იმერეთის მმართველი სიმონოვიჩი, 1814 წელს თავის პატაჟში მთავარმართებელ რტიშჩევისადმი, გამოეთქვა სურვილი „იმერეთში, ქ. ქუთაისში სკოლის დაარსებისა, რათა ამ სკოლაში ესწავლებინათ მეცნიერებათა პირველი საწყისები, ე. ი. ქართული და რუსული ანბანი, არითმეტიკა და საღეთო სჯული“. ამისათვის სიმონოვიჩს უნდოდა „მხოლოდ ორი მასწავლებელი, ერთი რუსულის მცოდნე ქართველი, მეორე კი რუსი“**. ქუთაისის სასწავლებლის დამთავრების შემდეგ სწავლის გაგრძელების მსურველთ, სიმონოვიჩის ვარაუდით, შეეძლოთ თბილისის კე-

* Акт., II, 199.

** Акты, V, 498.

თილმოხილთა სასწავლებელში შესვლა. არ ვიცით, მიიღო თუ არა თანხმობა პატაკის ავტორმა, მაგრამ იმ დროს ქუთაისში მთავრობას არაერთი სასწავლებელი არ გაუხსნია.

ყოველგვარი სკოლის გარეშე რჩებოდა აგრეთვე ზღვიანობა, კერძოდ, აფხაზეთი. 1810 წ. აფხაზეთის ერთი სასულიერო პირთაგანი, იოანე იოსელიანი, ამბობდა, რომ „აფხაზეთის მცხოვრებნი წერა-კითხვის უცოდინარნი და გაუნათლებლნი არიანო“*, და მოითხოვდა ლუბუნის (ლიხნის) ეკლესიასთან დაწყებითი სკოლის გახსნას პირველად 12 მოწაფით. ამ სკოლაში, მისი აზრით, აფხაზ ბავშვებს უნდა ესწავლათ რუსული და ქართული ენები, საეკლესიო კითხვა და წერა და საეკლესიო გალობა. იოსელიანის მოთხოვნას მხარი არ დაუჭირეს ცენტრში (თბილისში). მას არ მისცეს რუსული ენის მასწავლებელი, დანარჩენი საგნებისათვის კი ის თავის ხარჯზე შოულობდა მასწავლებლებს.

სკოლების გახსნის შესახებ მთელი ამ ოფიციალური მიწერ-მოწერას წარმოებას მეფის მოხელეები სთელიდნენ საკიროდ მხოლოდ იპიტომ, რომ ეჩვენებინათ ქართველი ხალხისათვის ახლადშეერთებული ქვეყნის განათლებაზე რუსეთის იმპერატორის „დაუღალავი ზრუნვა“. ფაქტიურად კი ყველა ეს განხრახვა, როგორც საზოგადოებრივ-პოლიტიკური ხასიათის ბევრი სხვა დაპირება, არ განხორციელებულა.

5. თბილისის სასულიერო სემინარია და სასულიერო სასწავლებლები

მესამე ოფიციალური სასწავლებელი XIX ს. პირველ ნახევრის საქართველოში იყო თბილისის სასულიერო სემინარია, დაარსებული 1817 წელს „სასულიერო-საეკლესიო მსახურთა შეილების სწავლებისათვის და სასულიერო სამსახურისთვის მათ მოსამზადებლად“. ამას გარდა, თბილისის სასულიერო სემინარიას ეკისრებოდა მასწავლებელთა მომზადებაც 1817 წლიდან საქართველოში გასახსნელ სამაზრო სასულიერო სასწავლებელთათვის.

სასულიერო სასწავლებლის დაარსება თბილისში დაპროექტებული იყო ჯერ კიდევ 1809 წლიდან. ასე, მაგალითად, საქართველოს

* Акты, VI, ნაწ. II, 851.

შთავარმართებელი გენ. ტორმასოვი 1809 წ. 6 ივნისს ქართველი სამღვდლოების დაქინებებითი მოთხოვნით სწერდა უწმ. სინოდის ობერ-პროკურორს გალიცინს, რომ „სასულიერო წოდების ბავშვთა სასწავლებლად ფრიად საჭიროა თბილისში სასულიერო სემინარიის დაარსება, რომ ამგვარად თავის დროზე აქ გვეყავდეს განათლებული სასულიერო წოდება და არა ისეთი, როგორც ახლაა, რომლის უდიდესი ნაწილიც უკიდურესად უცოდინარია, ბევრი მათგანი კი ძლივ-ძლივობით კითხულობს, და ამასთან ხშირია მაგალითი, რომ მღვდლებმა სრულიადაც არ იციან წერა“*. უწმინდესი სინოდი არ აჩქარებდა პასუხს და ტორმასოვმა ეს მიიღო, როგორც უარი მის მიერ ნათხოვნი სემინარიის გახსნაზე. ამიტომ 1811 წ. თავის მიმართვაში გალიცინისადმი მან ხელახლა აღძრა საკითხი საქართველოში არა სასულიერო სემინარიის, არამედ სასულიერო გიმნაზიის დაარსებისა „მღვდლებისა და დიაკვნთა შვილებისათვის“; პირველად უნდა მიეღოთ 60 კაცი**. სასულიერო გიმნაზია უნდა დაარსებულყო ისეთივე მიზნით, როგორც 1809 წ. ნათხოვნი სასულიერო სემინარია. ამასთანავე ტორმასოვს საჭიროდ მიაჩნდა საქართველოში სამაზრო სკოლების გახსნა ყველა მოქალაქეთათვის.

აწ სკოლებში ითვალისწინებდნენ ბავშვებისათვის რუსული ენის, ქართული ენის და არითმეტიკის სწავლებას***. 1811 წ. 30 ივნისს ალექსანდრე I დაამტკიცა სინოდის მოხსენება, რომელშიც ნათქვამი იყო „სასულიერო-საეკლესიო მსახურთა შვილების სწავლებისათვის და სასულიერო წოდებისათვის მათ მოსამზადებლად დაწესებულ იქნეს პირველ შემთხვევაში გიმნაზიის ნაცვლად სასულიერო-სემინარია, რაც შეეხება სამაზრო სასწავლებელს, ასეთები გაიხსნას შესაფერ ადგილებში მაშინ, როდესაც საამისოდ სემინარიაში მომზადებული იქნებიან მასწავლებლები“****. მაგრამ იპყე-

* Акты, IV, 139—140 (ჩვენ უკვე ვწერდით, რომ შუშეფის რუსეთის მოხელეები, მათ შორის გენ. ტორმასოვიც, უუკუებად სთვლიდნენ ყველა ადგილობრივ მკვიდრს, რომელთაც არ იცოდნენ რუსული ლაპარაკი, და წერა-კითხვის უცოდინარებად მიაჩნდათ ყველა, ვინც ვერ წერდა და ვერ კითხულობდა რუსულად, მიუხედავად მათი განათლების დონისა მშობლიურ ენაზე).

** Акты, IV, 163.

*** ამ სამაზრო სასწავლებლებს არ ჰქონდა არავითარი მსგავსება 1804 წლის წესდებით გათვალისწინებულ სამაზრო სასწავლებლებთან. ტორმასოვის სამაზრო სასწავლებლები უფრო ელემენტარული იყო, ვიდრე იმავე წესდებით გათვალისწინებული სამრევლო სასწავლებლები.

**** Акты, IV, 169.

რატორის სანქციის შემდეგაც საკირო გახდა ექვის წელი იმისათვის, რომ სინოდის გადაწყვეტილება სისრულეში მოსულიყო.

სასულიერო სემინარია ზეიმით გაიხსნა 1817 წლის 1 ოქტომბერს, ავლაბარში. ის მოათავსეს შენობაში, რომელიც წინათ ეკუთვნოდა საქართველოს დედოფალს (მეფე ერეკლე II მეუღლეს) და რეჯანს. ერთდროულად სემინარიასთან გაიხსნა სასულიერო სასწავლებელიც, როგორც სემინარიისათვის მოსამზადებელი საფეხური.

თბილისის სასულიერო სემინარიის გახსნის პირველ წელს მასში მიღებულ იქნა 16 კაცა (ნაწილი თბილისის კეთილშობილთა სასწავლებლიდან, ნაწილსაც შეადგენდნენ კერძო სკოლების მოსწავლენი ან ინდივიდუალური წესით აღზრდილნი), მასთან დაარსებულ სასულიერო სასწავლებელში კი—30.

თბილისის სასულიერო სემინარია სათანადო (ათწლიანი) საორგანიზაციო პერიოდის შემდეგ შესდგებოდა სამი განყოფილებისა ანუ კლასისაგან: I. უმცროსი განყოფილება (რიტორიკის, 1827 წლიდან ფილოლოგიის კლასი), II. შუა განყოფილება (ფილოსოფიის კლასი, 1823 წლიდან), III. უფროსი განყოფილება (ღვთისმეტყველების კლასი, 1827 წლიდან). სწავლების ვადა თითოეულ ამ განყოფილებაში ანუ კლასში იყო ორწლიანი; ამგვარად, მთელ სემინარიაში სწავლება გრძელდებოდა 6 წელს.

სემინარიის სასწავლო გეგმაში შედიოდა შემდეგი დისციპლინები: 1) რიტორიკის (ფილოლოგიის) კლასში: რიტორიკა, საყოველთაო (სამოქალაქო) ისტორია, საეკლესიო ისტორია, რუსეთის ისტორია, საყოველთაო გეოგრაფია და რუსეთის გეოგრაფია, გალობა, რუსული და ქართული ენები (პრაქტიკული მეცადინეობა თარგმანებზე. რუსულიდან ქართულად და პირუქუ); 2) ფილოსოფიის კლასში: ფილოსოფია, ფილოსოფიის ისტორია, საყოველთაო (სამოქალაქო) ისტორია, საეკლესიო ისტორია, გალობა, რუსული და ქართული ენები, პრაქტიკული მეცადინეობა თარგმანებზე რუსულიდან ქართულად და პირუქუ; 3) ღვთისმეტყველების კლასში: ღვთისმეტყველება, ეკლესიის ისტორია, გერმენევტიკა, ახალი აღთქმა*.

* შემდეგში სემინარიის სასწავლო გეგმა განიცდიდა ერთგვარ ცვლილებებს დისციპლინების რიცხვის გაფართოებისა ან შემცირების მხრივ კლასების მიხედვით. 1835 წლიდან შემოიღეს ბერძნული და ლათინური, შემდეგ კი ახალი უცხო ენებიც (ფრანგული, გერმანული) და ამ წლიდან თბილისის სემინარიის კურსდამთავრებულთ სტუდენტის წოდება ენიჭებოდათ.

1833 წელს თბილისის სასულიერო სემინარიასთან გაიხსნა ბურსა (რომელიც 1827 წელს იყო ნაუარაუდევი).

თბილისის სასულიერო სემინარიამ იარსება ზუსტად 100 წელიწადს (1817—1917). ამ ხნის განმავლობაში ის რამდენჯერმე იყო რეორგანიზებული დროის მოთხოვნებთან შეგუების მიზნით. რეორგანიზაცია უმთავრესად ეხებოდა მის შინაგან ცხოვრებას: აღზრდა-განათლების შინაარსს. ემსახურებოდა რა თავის მიზანს, მართლმადიდებელი ეკლესიის ერთგულ მსახურთა აღზრდას, თბილისის სასულიერო სემინარია მიისწრაფოდა: „დაემყნა აღსაზრდელთა გონებასა და გულში ქრისტიანულ საწყისთა ისეთი რტოება, რომლებიც ისტორიისა და მეცნიერების მიერ აღაარებული არიან ყველაზე უფრო ნაყოფიერად და კეთილ-სასარგებლოდ“*. ასეთ, ყველა სასულიერო სასწავლებელთათვის საერთო, პრინციპებზე შენდებოდა განათლების სისტემა თბილისის სასულიერო სემინარიაში. ბუნებრივია, რომ სემინარიის სასწავლო-აღზრდელობითი რეჟიმიც უნდა ყოველიყო მართლმადიდებელი ეკლესიის ქეშმარიტ მისიონერთა მოქმედების ამოცანების შესაბამისი, და მართლაც, სემინარიაში მთელი მისი არსებობას განმავლობაში გაბატონებული იყო სწავლების წიგნურ-სქოლასტიკური მეთოდები: დოგმატიზმი, ზეპირობა, ტექსტების უაზრო დასწავლა, მექანიკური გამეორება და მოსწავლეთა გონების დამაჩლუნგებელი სწავლების სხვა ხერხები. „პედაგოგიური სისტემის მთავარი თვისება ბურსაში (სემინარიაში—გ. თ.)—ესაა ზეპირობა, ზეპირობა საშინელი და მომაკვდინებელი. ის სკვალავდა მოსწავლის სისხლსა და ხორცს. ასოა გაპოტოვება, სიტყვის გადასმა ითვლებოდა დანაშაულად“—წერს ნ. გ. პომიალოვსკი. ასეთივე თვისება ახასიათებდა თბილისის სასულიერო სემინარიის პედაგოგიურ სისტემასაც. აქ მუდამ ბუღობდა ინტრაგა, შოვინიზმი, ლოთობა, გარყვნილობა და უზნეობის სხვა სახეები პედაგოგიურ პერსონალსა და ადმინისტრაციაში. სემინარიის ადმინისტრაცია მოითხოვდა მოწაფეთაგან ბრმა მორჩილებას, აწყობდა მათ შორის დაბეზლებას, ნერგავდა პირფერობას, მიყურებას და ადამიანის ღირსების დამამცირებელ სხვა თვისებებს. სწორედ თბილისის სასულიერო სემინარიის შესახებ ლაპარაკობდა ამხანაგი ი. ბ. სტალინი, რომ აქ აღვილი ჰქონდა... „თვალის-

* Пл. Иоселиани, Речь, произнесенная в зале Тифл. дух семинарии по случаю торжества пятидесятилетия, 21, 1867.

დევნებას, შპიონაჟი, სულში ჩაძვრომას, აბუჩად აგდებას* და მოსწავლეთა დამცირობის სხვა ფორმებს. წესრიგის დასაცავად სემინარიის ადმინისტრაცია ხშირად მიმართავდა როზგს, კარცერსა და მოსწავლეთა დასჯის სხვა სასტიკ ზომებს.

1833 წლიდან თბილისის სემინარიაში შემოიღეს ე. წ. კონდუიტის წიგნი, სადაც მოწაფეთა წარმატებისა და ყოფაქცევის ნიშნებს გარდა, შექპონდათ მათ მიერ დისციპლინის დარღვევის ყოველგვარა ფაქტი, ყოველი დანაშაული. კვირაში ერთხელ ინსპექტორი აჯამებდა ამ ფაქტებს, დანაშაულის სახეებს და ადგენდა სასჯელის ფორმას: გარიცხვა, კარცერი, როზგი, „ლინეიკა“, დაჩოქება, კუთხეში გაჩერება და სხვ.

განსაკუთრებით მკაცრად სჯიდნენ სემინარიაში ე. წ. „კრამოლური“, ე. ი. რევოლუციური ლიტერატურის კითხვისათვის. აკრძალული იყო რუსეთის მოწინავე მოაზროვნეების, რევოლუციური დემოკრატების ბელინსკის, ჩერნიშევსკის, დობროლუბოვის, პისარევის და სხვ. კითხვა. აკრძალული იყო აგრეთვე დარვინი და ბუნებისმეტყველი-მატერიალისტები.

მიუხედავად ასეთი მკაცრი რეჟიმისა, თბილისის სასულიერო სემინარია მაინც იზიდავდა მოსწავლეთა საკმაოდ დიდ კონტინგენტს. ეს გარემოება უნდა აიხსნას იმით, რომ სემინარიაში მიღება არ იყო შეზღუდული სოციალური (წოდებრივი) წარჩობით, და, რაც მთავარია, ის უფრო სოლიდურ ცოდნას იძლეოდა, ვიდრე გიმნაზია. ასე, 1850 წლისათვის თბილისის სასულიერო სემინარიის სასწავლო გეგმაში, ზემოაღნიშნული საგნების გარდა, შედიოდა როგორც საველდებულო: უმცროს განყოფილებაში (1—2 კლ.) ალგებრა, გეომეტრია, ბოტანიკა; შუა განყოფილებაში (3—4 კლ.) ფსიქოლოგია, ლოგიკა, რუსული და ქართული სამოქალაქო ისტორია, ფიზიკა, ზოოლოგია, სახალხო მედიცინა; უფროს განყოფილებაში (5—6 კლ.) არქეოლოგია, სოფლის მეურნეობა, სახალხო მედიცინა (გავრძელება), მეფუტკრეობა. ამას გარდა სემინარია აწარმოებდა მოსწავლეთა პრაქტიკულ მომზადებას პედაგოგიური მუშაობისათვის, ჰქონდა პანსიონი და საერთო საცხოვრებელი ყველა მოსწავლისათვის და სტიპენდიები სამღვდელოების შვილთათვის. უმთავრესად ეს, და არა საექლემიო სამაახურისათვის მომზადების „დაუცბრომელი“ სურვილი, იზიდავდა მოსწავლეებს სასულიერო სემინარიაში. ამ გა-

* И. Сталин, Беседа с немецким писателем Ем. Людвигом, 10, 1939.

რემოების წყალობით სემინარიაში ხშირად სწავლობდნენ მშრომელთა წრიდან გამოსული მომავალი საზოგადო მოღვაწეები: მეცნიერები, პუბლიცისტები, მწერლები, რევოლუციონერები; ასე, მაგალითად, თბილისის სემინარიაში 1871 წლამდე მიიღეს განათლება ფილოსოფოსმა და პედაგოგმა სოლომონ დოდაშვილმა, ისტორიკოსებმა პლ. იოსელიანმა, დ. ბაქრაძემ, პუბლიცისტმა ნ. ბერძენიშვილმა, ლიტერატორმა დ. ფურცელაძემ, ფიქლოვმა გერასიმე ქიქოძემ (შემდეგში ეპისკოპოსი), გამოჩენილმა პედაგოგმა ი. გოგებაშვილმა, მწერლებმა დ. კონქაძემ, ლ. არდაზიანმა, ნ. ლომოურმა და ს. მგალობლიშვილმა, ისტორიკოსებმა თედო ქორდანიამ და მ. ჯანაშვილმა, ფილოლოგიის პროფესორმა ა. ცაგარელმა, მედიცინის პროფესორმა ვ. პეტრიაშვილმა, ისტორიკოსმა ნ. ხიზანიშვილმა, პედაგოგებმა გერასიმე კალანდარაშვილმა, გ. იოსელიანმა, ნ. ცხვედაძემ, და მრ. სხვ.; თბილისის სასულიერო სემინარიაში სწავლობდნენ აგრეთვე XIX ს. მეორე ნახევრის გამოჩენილი სოციალისტები და რევოლუციონერები (XIX ს. მეორე ნახევარში თბილისის სასულიერო სემინარიის სასწავლო-აღმზრდელობითი მუშაობის ზოგიერთ მომენტს ჩვენ შემდეგ შევხებით).

მაგრამ შეეძლო თუ არა რამდენადმე მაინც ხელი შეეწყო მოწინავე ადამიანთა მომზადებისათვის სასულიერო სემინარიის აღნიშნულ რეჟიმსა და პედაგოგიკურ სისტემას? ძალიან ხშირად ეს რეჟიმი და პედაგოგიკური სისტემა იძლეოდა სრულიად საწინააღმდეგო შედეგებს. ამ დებულების ბრწყინვალე დაუასტურებას გვაძლევს ზემოხსენებული გამოჩენილი რუსი მწერალი ნ. გ. პომიანოვსკი. პირველ ყოვლისა, ამას ამტკიცებს იგი ყველაზე უფრო დოგმატიური დისციპლინის „საღვთო სჯულის“ სწავლების მაგალითზე: „რელიგია, თუმცა ის არ ისწავლება ბურსაში ცეცხლითა და მახვილით, როგორც ეს ჩვევიათ მაჰჰადის თაყვანისმკემლებს, მაგრამ მას ქადაგებენ როზგით, შიმშილით, თავიდან თმის გლეჯით, ცემით და ყურის წევით. მაგალითად, ლობოვი ბრძანებს „აიტაცონ მოწაფე ჰაერში, ცხვირის წინ დაუდვან „საღვთო სჯული“ და იმავე დროს უძახონ ველური ხმით: „ისწავლე, ახლავე ესწავლე გაკვეთილი“. ჩვენ ვფიქრობთ, რომ ბურსის უფროსები, ასეთი მოქცევით, თანდათანობით და შეუჩინველად, მაგრამ უაღრესად რადიკალურა გზით, მიმართავენ თავის მოწაფეთა მსოფლმხედველობას

სრული ათეიზმისაკენ“. ასევე ითქმის სხვა დისციპლინებზეც. სემინარიის ბურსას შეგირდი კარასი „სწავლობდა თითოეულ გაკვეთილს, როგორც თავის უბოროტეს მტერს, რომელიც შინა ნებისყოფის გარეშე დაუფლებოდა მის ტვინს, და კარასი თანდათანობით, დღივით, პოულობდა სახელმძღვანელოში უამრავ აბღაუბდას, უმსგავსოებას;“ ამან განაფითარა მასში ანალიზი და კრიტიციზმი, და შემდეგში, როდესაც მკვირცხლად უპასუხებდა გაკვეთილს, ის იმავე დროს თავისთვის ფიქრობდა: „ღმერთო, მაღალო, ე რა სისულელეს ვროშავო!“ კარასი, ხანგრძლივი პირადი გამოკვლევების შედეგად, სავსებით დარწმუნდა, რომ ბურსაკულ მეცნიერებას, სხვანაირად შესწავლილს, შეუძლია ადამიანის დაღუპვა, და მხოლოდ მისი მეთოდით გამოდგება ის მასალად, რომელზედაც, როგორც მახინჯ მოვლენაზე მუშაობის შედეგად, შეიძლება არ დაავადყოფდე ამ აბღაუბდით, განიფითარო საკუთარი სააზროვნო ნიჭი, ანალიზი, მახვილგონიერება და ცხოვრების გამოცდილებაც კი. ვერც კი ხვდებოდნენ ღვთივევადრძნობილი პედაგოგები, რომ ბევრი კარგი მოწაფე ისე ეპყრობოდა სახელმძღვანელოებს, როგორც ფსიქიატრი ეპყრობა სიგიჟის სამწუხარო მოვლენას. აი, რით აიხსნება ის უცნაური გარემოება, თუ როგორ და რა სახით გამოვიდა ბურსიდან ამდენი საქმიანი და ნიჭიერი ადამიანი, მიუხედავად იმისა, რომ ისინი ითვისებდნენ სწავლას, რომელიც სასაცილოდ იყო აგდებული ყველა განათლებულ ადამიანთა მიერ“.*

სასულიერო (და არა მხოლოდ სასულიერო) სასწავლებელთა პედაგოგიური სისტემის ასეთ შინაგან წინააღმდეგობაში ხედავს პომიალოვსკი ბურსაკის არა მხოლოდ ხსნას, არამედ მია განფითარებასაც. ის ქმნის მატერიალისტური ბუნების ადამიანებს და „როდესაც მათთვის, — განაგრძობს პომიალოვსკი, — დგება იდეების დუღილის დრო, იკრება მათ წინაშე ძირითადი საკითხები,

* Н. Помяловский, Полное собр. сочинений, II, „Очерки бурсы“, 123, 1935. დამახასიათებელია, რომ 1862 წელს თბილისის სასულიერო სემინარიის მიმართ სწორედ ასეთსავე აზრს გამოსთქვამდა მისი უკანასკნელი-სალუთისმეტყველო კლასის მოწაფე მოსე ქიქოძე: „(სემინარიის) მმართველობა, აიჟულებს რა მოსწავლეებს, სურვილის წინააღმდეგ, ეკლესიაში სიარულს და ზღუდავს რა მათ თავისუფლებას, — ამით გულს უგრილებს მათ ლოცვებისადმი“. ბურსის რეჟიმისადმი დაუმორჩილებლობის გამო, მ. ქიქოძე იმავე წელს გამორიცხეს თბილისის სას. სემინარიიდან (საქ. ცენტრ. ისტ. არქივი, თბილისის სემინარიის საქმე, 1862 წლისა, № 70—92).

რომლებიც მოითხოვენ კატეგორიულ პასუხს, იწყება რწმენათა მსხვერფვა,—ეს ადამიანები, თავისი დიალექტიკის ძალით, ცხოვრებასა და ბუნებაზე დაკვირვების წყალობით, სწყვეტენ იმ წინააღმდეგობათა და ექვეების ქსელს, რომლებმაც მოიცვეს მათი სული, იწყებენ ისეთი მწერლების კითხვას, როგორცაა, მაგალითად, ფეიერბახი, რომლის აკრძალული წიგნის რუსული თარგმანი, მიძღვნილიც კია ბურსაკებისადმი...* პირველად ამ ბურსაკებს ენა-ნებათ ის მარადისობა, რომელიც მათ, როგორც მატერიალისტებმა, უნდა უარყონ, მაგრამ შემდეგ ისინი პოულობენ თავის თავში ძალას თავის უარყოფასთან შესარიგებლად, მშვიდდებიან სულიერად და მაშინ ათვისტი ბურსაკისათვის აღარ არსებობს უკანდახევა თავის განვითარების გზაზე***.

აი, მხატვრული და ამავე დროს ღრმამეცნიერული ახსნა სკითხვისა, თუ როგორ შეიძლებოდა მომზადებულიყვნენ მოწინავე მეცნიერები, საზოგადო მოღვაწენი და რევოლუციონერები სასულიერო სასწავლებლების და, კერძოდ, თბილისის სასულიერო სემინარიის კედლებში. ამომწურავად გასცა პასუხი ამავე კითხვაზე ი. ბ. სტალინმა ლუდვიგთან საუბრის დროს: „სულ სხვა საქმეა სასულიერო სემინარია, სადაც მაშინ ვსწავლობდი. პროტესტის ნიშნად იმ დამამცირებელი რეჟიმის და იგზუიტურ მეთოდების წინააღმდეგ, რომელთაც ადგილი ჰქონდათ სემინარიაში, მე მზად ვიყავი გავმზდარიყავ და მართლაც გავხდი რევოლუციონერი, მარქსიზმის, როგორც ნამდვილად რევოლუციური მოძღვრების მომხრე“***.

ამგვარად, თბილისის სასულიერო სემინარიას, მისი შეზღუდული, კლერიკალური მიზნებისა და მის ხელმძღვანელთა სუბიექტური ზრახვების მიუხედავად, მაინც მოჰქონდა, ობიექტურად, გარკვეული სარგებლობა XIX საუკ. ქართული კულტურისა და საზოგადოებრივი ცხოვრებისათვის.

1818 წლიდან საქართველოში დაიწყეს აგრეთვე სასულიერო—სამაზრო და სამრევლო—სასწავლებლების გახსნა 1809 წლის დებულების მიხედვით. პირველი სასულიერო სასწავლებელი, როგორც ზე-

* ლაპარაკია ფეიერბახის წიგნზე—ქრისტიანობის რაობა, გ. თ.

** Н. Помяловский, II, 143, 1435.

*** И. Сталин, Беседа с немецким писателем Ем. Людвигом 9—10, 1939.

მთ იყო აღნიშნული, გაიხსნა თბილისის სასულიერო სემინარიასთან, ამ უკანასკნელის დაარსებასთან ერთად. 1818 წ. სასულიერო სასწავლებლები გაიხსნა აგრეთვე საქართველოს საპაწირო ცენტრებში (გორში, თელავში, სიღნაღში, 1821 წელს ქუთაისში,* 1829 წელს სამეგრელოსა და გურიაში და ა. შ.).

სასულიერო (სამაზრო) სასწავლებლების პარალელურად დაიწყო სამრევლო სასწავლებლების გახსნა. სამაზრო სასულიერო სასწავლებლები დასაწყისში იყო ერთკლასიანი, ორი განყოფილებით, თითოეული 1-წლიანი კურსით, სამრევლო სკოლები კი იყო 2-კლასიანი, სწავლების ორწლიანი კურსით.

სამაზრო სასულიერო და სამრევლო სასწავლებლების სასწავლო გეგმა განსაზღვრული იყო 1809 წლის ხსენებული წესდებითა. სამაზრო სასულიერო სასწავლებლებში ისწავლებოდა: 1. საღვთო სჯული, 2. არითმეტიკა, 3. რუსული ენა (გრამატიკა, თარგმანები ქართულ ენაზე და ქართულიდან რუსულზე), 4. ქართული ენა (გრამატიკა, თარგმანები რუსულ ენაზე და რუსულიდან ქართულზე). სამრევლო სასწავლებლებში სწავლობდნენ: 1-ლ კლასში: 1. რუსულ ენას (წერა-კითხვა), 2. ქართულ ენას (წერა-კითხვა) და 3. ე. წ. „საუბრებს“ (ქართულ—რუსულ ენებზე). მე-2 კლასში: 1. საღვთო სჯულს, 2. რუსულ ენას (გრამატიკას), 3. ქართულ ენას (გრამატიკას), 4. არითმეტიკას.

სამრევლო სკოლები (როგორც წესი) უნდა არსებელიყვნენ სამაზრო სასულიერო სასწავლებლებთან, როგორც მოსამზადებელი საფეხური ამ სასწავლებელთათვის, ისე როგორც სამაზრო სასწავლებლები სასულიერო სემინარიებისათვის. მაგრამ, არსებითად, სამაზრო სასულიერო და სამრევლო სასწავლებლები არ სხვედებოდნენ ერთმანეთისაგან არც სტრუქტურით, არც სწავლების ვადებით და არც სასწავლო გეგმებით. ამის გამო სინამდვილეში, ისანი ერთად და ერთსა და იმავე დროს თითქმის არ არსებობდნენ (მაგალითად, 1829 წლისათვის საქართველოში 7 სასულიერო სასწავლებლის არსებობის დროს იყო მხოლოდ ერთი სამრევლო სასწავლებელი სოფ.

* ქუთაისში სასულიერო სასწავლებლის დაარსება გადაწყვეტილი იყო უწმ. სინოდის მიერ ჯერ კიდევ 1814 წელს გორის ეპისკოპოსის დოკუმენტით: „იმერეთში სამღვდლო და საეკლესიო მსახურთა შეიღებისათვის დაარსდეს სასულიერო სასწავლებელი ქ. ქუთაისში“ (Акты, V, 409).

ონში). მაგრამ 1833 წლიდან სასულიერო სასწავლებელთა სასწავლო გეგმა გაფართოვდა. ესენი გადაიქცნენ 4-კლასიან სასწავლებლებად 4-წლიანი კურსით. სამრევლო სასწავლებლები კი 40-იან წლებამდე აღარ ვრცელდებოდნენ, ხოლო 40-იანი წლების დასაწყისიდან მათ ხსნიდნენ, უმთავრესად, სოფლებში (სამაზრო სასწავლებელთაგან დამოუკიდებლად), როგორც ელემენტარულ სასწავლებლებს 2 ან 3-წლიანი კურსით.

სასულიერო სასწავლებლები ემსახურებოდნენ უმთავრესად სასულიერო წოდების პირთა შვილებს. საქართველოს ეგზარხოსმა ფეოფილაქტემ სავალდებულოდ გაუხადა ყველა მღვდელს, რომელსაც კი ჰყავდა ბავშვები 10-დან 15 წლის ასაკისა, ეტარებინა ისინი სასულიერო სასწავლებელში.* სამაზრო სასულიერო სასწავლებლებში და სასულიერო სემინარიაში ისინი შეადგენდნენ უმრავლესობას, მაგრამ სამრევლო სკოლებში სწავლობდნენ უმთავრესად გლეხთა შვილები.

საქართველოს XIX ს. პირველი ნახევრის ზოგიერთ სამაზრო სასულიერო სასწავლებელში სასწავლო-აღმზრდელიობითი მუშაობა სათანადო სიმაღლეზე იდგა. პროვინციის სასწავლებელთაგან გამოირჩეოდა მარტვილის სკოლა. 1854 წ. მწერალი კ. ბოროზდინი კ. სენაკში შეხვედრია მენიკი დადიანის (აფხაზეთის მთავრის ყოფ. მეუღლე) ამალის ახალგაზრდებს და აღტაცებით წერდა მათზე: „ეს მშვენიერად გაწაფული, ზრდილობიანი, მოხერხებული, გრაციოზული, თითქმის ყველა რუსულის მცოდნე, უმთავრესად მარტვილის სასულიერო სასწავლებელში მოსწავლე ახალგაზრდობა, ოსტატურად ასრულებდა ყველა ცეკვებს და გუნდურ მეგრულ სიმღერებს“**.

თბილისის სასულიერო სემინარიისა და საქართველოს სასულიერო სასწავლებელთა შესანახი თანხების ასიგნობა ხდებოდა საქართველოს სასულიერო დიკასტერიის შემოსავლიდან: 5.100 მანეთის რაოდენობით—სემინარიისათვის და 4.100 მანეთის რაოდენობით—სასულიერო სასწავლებელთათვის; ფაქტიურად კი ამ ფულს გლეხებს ახდევინებდნენ ***.

* საქ. ცენტრ. არქ. საქ. ეგზარხატის საქმე, ფ. 544, ფრც. 1.

** К. Бороздин, Воспоминания, Мингрелия и Сванетия, 135.

*** Акты, V, 228 (დაწვრილებით თბილისის სასულიერო სემინარიისა და სასულიერო სასწავლებელთა შესახებ; Е(пископ) К(ирион)—Краткий очерк истории грузинской церкви, 1901, 161—182; ი. ბ ა კ უ რ ა ძ ე, „თბილისის

საქართველოს ყველა სასულიერო სასწავლებელი ექვემდებარებოდა საქართველოს ეკზარხატს და მისი მეშვეობით უწინდეს სინოდს პეტერბურგში.

6. „ურთიერთსწავლების“ სკოლა

რუსეთის მეფის ხელისუფლება, როგორც ცნობილია, ძალიან ცოტას ზრუნავდა ხალხის კეთილდღეობაზე, კერძოდ მის განათლებაზე; ძალიან ცოტას ხარჯავდა ის საერთოდ განათლებაზე და, კერძოდ, „ინოროდცების“ განათლებაზე (XIX საუკუნის 30-იან წლებამდე მეფის ხელისუფლებას არ დაუხარჯავს არცერთი კაპიკი ქართველი ხალხის განათლებაზე. თბილისის კეთილშობილთა სასწავლებელი, სასულიერო სემინარია, სასულიერო და საერო სასწავლებლები ინახებოდა მხოლოდ და მხოლოდ ადგილობრივი სახსრებით). ჩვეყანას კი სკოლები ესაჭიროებოდა და არ შეიძლებოდა ამ მხრივ არ დაექმყოფილებინათ ხალხის ელემენტარული მოთხოვნის მანც, მაგრამ ხელისუფლება ცდილობდა არაფერი დაეხარჯა ამ მოთხოვნის მანც დასაკმაყოფილებლად. და აი, 1819 წ. დაარსდა „ურთიერთსწავლების მეთოდით მომუშავე სკოლების მომწყობი საზოგადოება“, რომელსაც მიენდო თავისი ფილიალების მეშვეობით ბელისა (1753—1832) და ლანკასტერის (1778—1838) ურთიერთსწავლების მეთოდით მომუშავე სკოლების გახსნა. ეს სკოლები სწავლების პროცესში მასწავლებელთა თანაშემწეებად (მონიტორებად) თვით მოწაფეებს რყენებდნენ, და ამიტომ არ მოთხოვდნენ დიდ ხარჯებს. იაფი ჯდებოდა მათი შენახვა და რუსეთის მეფის მთავრობა ხალხისათვის მოითხოვდა სწორედ ასეთ სკოლებს, ანდა არსებულ სახალხო სკოლებში სწავლების შემოღებას ამ მეთოდით.

1819 წ. აღნიშნული საზოგადოების მინდობით გრაფი ტოლსტოი სწერდა საქართველოს მთავარმართველს ერმოლოვს დაეარსებინა ლარიბებისათვის (ე. ი. ხალხისათვის) ურთიერთსწავლების სკოლები რუსეთის სხვა გუბერნიების მსგავსად და, მართ-

სასულიერო სემინარია“, კრებულში „სწავლა-აღზრდის ისტორია საქართველოში“, I, 107—126.

ლაც, 1820 წ. მაისიდან, ასეთი სკოლა (77 მოწაფით) გაიხსნა თბილისში კავკასიის ცალკე კოროპუსის შტაბთან*.

7. კათოლიკური და სომხური სკოლები .

მართლმადიდებელი სამღვდელოების გვერდით, XIX ს. პირველ ნახევარში საგანმანათლებლო მუშაობას თავიანთ მრევლთა შორის საქართველოში აწარმოებდნენ აგრეთვე კათოლიკურ-მისიონერული სექტა და სომეხი სამღვდელოება.

კათოლიკ-მისიონერთა პროზელიტური მოღვაწეობა საქართველოში XIX ს. დასაწყისში რამდენადმე მიუზღდა. რუსეთის კონომდებლობამ გააუქმა საქართველოში ძველთაგანვე არსებული რელიგიის თავისუფლება, კერძოდ, მან აკრძალა მართლმადიდებლური სარწმუნოების შეცვლა კათოლიკურზე. მიუხედავად ამისა, აღნიშნულ დროს საქართველოში მყოფი კაპუცინები მაინც განაგრძობდნენ კათოლიციზმის პროპაგანდას საგანმანათლებლო მუშაობას სახით, ვითომდა მხოლოდ კათოლიკეთა შორის. ასეთი პროპაგანდის ერთ-ერთ საშუალებად ისინი სთვლიდნენ სკოლას.

როგორც ცნობილია, კათოლიკებს ჯერ კიდევ XVII—XVIII საუკუნეებში ჰქონდათ დაწყებითი სკოლები გორსა და ქუთაისში. კათოლიკური სკოლები განაგრძობდნენ არსებობას XIX ს. პირველ ნახევარშიც.** 1815—1817 წწ. თბილისის კათოლიკებმა ააგეს ახალი შენობა სკოლისათვის. ასწავლიდა ერთი მასწავლებელი, რომელიც ჯამაგირს ღებულობდა „ძმობის“ კუთვნილ 9 დუქანის შემოსავლიდან. ამას გარდა, ქართველი კათოლიკები XIX ს. პირველ ნახევარში განაგრძობდნენ ბავშვების გზავნას რომში (რომის კოლეგიაში) საშუალო და უმაღლესი განათლების მისაღებად. ასე, მ. თამარაშვილის ცნობით: „1834 წ. 6 სექტემბერს, უფროსმა პატრმა მიიღო მოწერილობა—ორი ქართველი ახალგაზრდა გაეგზავნა რომის კოლეგიაში სასწავლებლად“,*** რაც მის მიერ კიდევ იქნა შესრულებული.

* Акты, VI. ч. I. 137; იმავე წელს ურთიერთსწავლების სკოლა გაიხსნა ასტრახანშიც, 381 მოწაფით.

** მიქ თამარაშვილი, კათოლიკობის ისტორია საქართველოში, 1902, 502—503; აგრეთვე, „Российские владения за Кавказом“, I, 27, II, 59; Пл. Иоселиани, Описание древностей гор. Тбилиси, 236.

*** მიქ. თამარაშვილი, კათოლიკობის ისტორია საქართველოში—1902, 517.

30-იანი წლების დასასრულს კათოლიკური სკოლები არსებობდნენ ქ. ახალციხესა და მის რაიონში, მაგრამ ამ სკოლებმა, აგრეთვე სკოლებმა ქუთაისსა და გორში, მიიღეს კერძო ხასიათი და ვერ აკმაყოფილებდნენ მოსახლეობის მოთხოვნილებებს. ამით აიხსნება, რომ 1841 წ. პატრი ბონავენტური შუამდგომლობდა საქართველოს მთავარი სამმართველოს წინაშე ქ. გორში, ქ. ქუთაისში, ქ. ახალციხეში და აგრეთვე ქ. ალექსანდროპოლში კათოლიკური სასწავლებლების დაარსების შესახებ. ამ სკოლებში ქალაქ ქუთაისსა და ქალაქ გორში გათვალისწინებული იყო სწავლება რუსულ (რუსთაძვის) და ქართულ (ქართველთათვის) ენებზე, ქალაქ ახალციხესა და ქალაქ ალექსანდროპოლში კი რუსულ და სომხურ (მსურველთათვის) ენებზე*.

კათოლიკების ასეთი ზრუნვა სკოლების გახსნაზე აიხსნება არა იმდენად განათლების, რამდენადაც კათოლიკური სარწმუნოების („ფრანგობის“) გავრცელების მიზნით. ალ. ორბელიანი სამართლიანად აღნიშნავდა: „რაც აქაურს კათოლიკის პატრებს შეეხება, ამათხედ ეს უნდა ვსთქვათ, რომ ისინი იმას სცდილობდნენ, რომ ქართველები გაეთრანგებინათ და სხვა ევროპიულს კი კარგს არას უქადაგებდნენ იმათ“**.

XIX ს. პირველ ნახევარში საქართველოში გაჩნდა აგრეთვე სომეხ-გრიგორიანელთა სკოლებიც.

1801 წელს თბილისში უკვე არსებობდა ერთი სომხური სკოლა მოღონის ეკლესიასთან. სომეხთა არქიმანდრიტი გრიგოლი 1801 წელს სწერდა კნორინგს: „სამი (სომხური) ეპარქიიდან, სასულიერო წოდებისათვის მხოლოდ ერთ—ემშიაძინის ეპარქიაში არის სასწავლებელი ბავშვთათვის და ქ. თბილისში, — მოღონის ეკლესიასთან; ასწავლიან იქ ბავშვებს სომხურ და ქართულ ენებზე. თავის სწავლას ისინი ამთავრებენ გრამატიკით“*** მაგრამ 1820 წლისათვის, თურქთა სამფლობელოებიდან საქართველოში სომეხთა კოლონიზაციის შედეგად, თბილისში სომეხთა რიცხვი მნიშვნელოვნად გაიზარდა. საკირო გახდა მეორე სომხური სკოლის დაარსება, რათა რამდენადმე მაინც დაეკმაყოფილებინათ თბილისის სომხური მოსახლეობის მოთხოვნილება განათლების დარგში. თუმცა სომეხთა ბავშ-

* Акты, IX, 115.

** ალ. ორბელიანი, ნაწერ(ებ)ი, 139—140.

*** Акты, I, 539.

ვებს ლეზლობდნენ თბილისის კეთილშობილთა სასწავლებელში და მართლმადიდებელთა სასულიერო სემინარიაშიც კი, მაგრამ ეს არ იყო საკმარისი. სომეხთა არქივისკოპოსმა ნერსესმა 1823 წ. დააარსა თბილისში კერძო დაწყებითი სკოლა, მაგრამ მას არ შეეძლო გამოეშვა სათანადოდ მომზადებული კადრები სომხური ეკლესიის სამსახურისათვის. ამ გარემოებამ გამოიწვია აუცილებლობა თბილისში სომხური სასულიერო სემინარიის დაარსებისა, რომელიც აღმოცენდა 1824 წ. არქივისკოპოს ნერსესის დაწყებითი სკოლის ბაზაზე. ნერსესის სკოლის სემინარიად გადაკეთება, რაც თვით ნერსესმა მოახდინა, არ იქნა მოწონებული და დადასტურებული უმაღლესი ხელისუფლების მიერ. ამას გარდა, სტრუქტურით, მერყევი სასწავლო გეგმით, მასწავლებელთა კადრების ჩამორჩენილობით, ის არ წარმოადგენდა საშუალო სასწავლებელს და 1836 წლამდე ის ოფიციალურადაც სასულიერო სასწავლებლად იწოდებოდა. მაგრამ საქართველოს მთავარმართებელი როზენი, რომელიც დაეთანხმა სომეხთა პატრიარხ იოანესის აზრს თბილისში სომხური სემინარიის გახსნის შესახებ, 1836 წ. მიმართავდა შინაგან საქმეთა მინისტრს ბლუდოვს „თბილისში არსებული სომხური სასწავლებელი გადაეკეთებინათ სასულიერო სემინარიად“, * რაც კიდევ განხორციელდა უმაღლესი დასტურით“ იმავე წელს.

1836 წელსვე, სომხურ ფილოლოგიაში სამეცნიერო-კვლევითი მუშაობისა და საგამომცემლო საქმის კოორდინირებისათვის, როზენი „ფრიად სასარგებლოდ“ სთვლიდა თვით სომხეთში, ეჩმიადინში, „უმაღლესი სასწავლებლის გახსნას აკადემიის სახელწოდებით“, ** მაგრამ ეს აზრი მაშინ ნაადრევად იქნა ჩათვლილი. ეჩმიადინის სასულიერო აკადემია ნამდვილად გაიხსნა მხოლოდ 1874 წ. სომეხთა სამღვდლოებისა და „სრულიად სომეხთა კათოლიკოსის“ გეორგ IV თაოსნობითა და სახსრებით.

8. სახალხო განათლების მმართველობა და ხელმძღვანელობა

სახალხო განათლების ერთ-ერთ ყველაზე მოუწესრიგებელ მხარეს XIX ს. ოცდაათიან წლებამდე საქართველოში წარმოადგენდა მისი

* Акты, VIII, 302, იხ. აგრეთვე: Гакстгаузен—Закавказский край, 14—15.

** Акты, VIII, 302.

მართვა-გამგეობის და ხელმძღვანელობის სისტემა. „საქართველოს უმაღლეს მთავრობასთან“, როგორც უკვე აღვნიშნეთ, არ იყო არც სპეციალური ორგანო და არც ცალკე პირი სკოლის მართვა-გამგეობისათვის გამოყოფილი. საქართველოს მთავარმართებლები კი, რომლებიც ერთდროულად წარმოადგენდნენ კავკასიის კორპუსის მთავარსარდლებსაც, კავკასიის პერმანენტულ ომებთან დაკავშირებით, სულ ლაშქრობაში იმყოფებოდნენ და, სურვილიც რომ ჰქონოდათ, მაინც არ შეეძლოთ გაეწიათ ნორმალური ხელმძღვანელობა მათდამი მინდობილი მხარის სწავლა-განათლების საქმისათვის.

რუსეთის იმპერიაში სახალხო განათლების ადმინისტრაციული მართვის სისტემა, დაწყებული ჯერ კიდევ 1803 წლის „წინასწარი წესებით“ და ძალაში დატოვებული 1804 წლის წესდების შემდეგაც, ითვალისწინებდა რუსეთის გაყოფას ექვს სასწავლო ოლქად, ანუ „ზოლად“ (პეტერბურგის, მოსკოვის, ვილნოს, დორპატის, ხარკოვის, ყაზანის). თითოეული სასწავლო ოლქი ემორჩილებოდა მზრუნველს, რომელიც ერთდროულად იყო განათლების სამინისტროსთან არსებულ „სასწავლებელთა მთავარი მართებლობის“ წევრიც, ცხოვრობდა პეტერბურგში და იქიდან ხელმძღვანელობდა თავის სასწავლო ოლქს. ადგილებზე კი, ე. ი. სასწავლო ოლქების ცენტრებში, ამ უკანასკნელთა მართვა მინდობილი ჰქონდა უნივერსიტეტების რექტორებს.

საქართველოსა და კავკასიის სასწავლებლებზე 1803 წლის „წესებისა“ და 1804 წლის „წესდების“ კანონი ფაქტიურად არ ვრცელდებოდა, მართვა-გამგეობის დარგში კი, როგორც ნათქვამი იყო, ისინი ემორჩილებოდნენ საქართველოს მთავარმართებელს და მისი მეშვეობით რუსეთის განათლების მინისტრს ან იმპერატორს უშუალოდ. მხოლოდ 1814 წ. თბილისის კეთილშობილთა სასწავლებელი (იმ დროისათვის მთავრობის ერთადერთი სასწავლებელი) მიწერილ იქნა ყაზანის სასწავლო ოლქზე და დაქვემდებარებული ყაზანის უნივერსიტეტის რექტორისადმი. ეს იყო ფორმალური აქტი; ოლქის სიშორისა და მისი ხელმძღვანელების მხრივ თბილისის სასწავლებლისადმი ინტერესის უქონლობის გამო, ამ უკანასკნელის მართვის პრაქტიკაში არაფერი შეცვლილა. მაგრამ 1819 წ. შემდეგ, როდესაც ყაზანის სასწავლო ოლქის მზრუნველად გახდა ცნობილი რელიგიური ფანატიკოსი და მანიაკი მ. ლ. მაგნიცკი, თბილისის კეთილშობილთა სასწავლებელი არათუ სარგებლობდა მის მხრივ რაიმე ხელმძღვანელობით, არამედ აწყდებოდა აშკარა დაბრკოლებას

თავის სასწავლო და ადმინისტრაციულ-სამეურნეო განვითარების საქმეში. მაგნიტკი ზედმეტად სთვლიდა თბილისის კეთილშობილთა სასწავლებელს და ეძებდა შესაფერის მომენტს, რომ დაეხურა იგი. ამ გარემოების გამო, საქართველოს მთავარმართებელმა, გენერალმა ერმოლოვმა, 1823 წელს გამოითხოვა მეფეს ნებართვა თბილისის სასწავლებლის ყაზანის სასწავლო ოლქიდან ხარკოვის სასწავლო ოლქში გადარიცხვის შესახებ. ხარკოვის ოლქის გამგებლობაში კავკასიის ყველა სახელმწიფო სასწავლებელი იმყოფებოდა 1840 წლამდე.

სახალხო განათლების სისტემა, შემოღებული 1804 წლის წესდების მიხედვით, თანდათანობით კარგავდა „ლიბერალიზმის“ ფორმას და მალე მივიდა თავის „პროგრესულ“ იდეათა ფაქტიურ გაუქმებამდე და არა მხოლოდ პრაქტიკაში, არამედ პრინციპშიც.

ალექსანდრე I პერიოდის მეფის რუსეთს არსებითად არასოდეს არ ჰქონია იდეური ნათესაობა ბურჟუაზიულ ლიბერალიზმთან, მაგრამ 1812 წლის სამამულო ომის შემდეგ, რომელმაც გამარჯვება მოუტანა უმთავრესად ფეოდალურ რეაქციას მთელ დასავლეთ ევროპაში და საფუძველი ჩაუყარა 1815 წ. „საღვთო კავშირს“ რუსეთის, პრუსიის და ავსტრიის ნახევარფეოდალურ სახელმწიფოებს შორის—კვლავ წამოდგა ფეხზე რუსეთის თავადაზნაურობა, რომელმაც მოითხოვა არა მხოლოდ თავისი პოლიტიკური, არამედ კულტურულ-საგანმანათლებლო უფლებების გაფართოებაც. რეაქციულმა თავადაზნაურობამ მართლმადიდებელი ეკლესიის სანქციით მოითხოვა განათლების წოდებრივობა და წარუდგინა მეფეს დიდ მოთხოვნილებები მისი წოდებრივი პრივილეგიების უზრუნველსაყოფად სახალხო განათლების საქმეში.

1804 წლის წესდება უკვე სრულებით აღარ შეესაბამებოდა 1815 წ. შემდეგ დამყარებულ პოლიტიკური რეაქციის სულს. პირველ გალაშქრებამ მის წინააღმდეგ უნდა ჩაითვალოს პეტერბურგის სასწავლო ოლქის მზრუნველის ს. ს. უვაროვის პროექტი (პეტერბურგის გიმნაზიის გარდაქმნისა); ეს პროექტი, უმაღლესად დამტკიცებული 1811 წელს, მიმართული იყო სკოლების ერთიანობისა და არაწოდებრივობის პრინციპის წინააღმდეგ და გიმნაზიის სასწავლო გეგმიდან რიცხავდა საერთო განათლების ზოგიერთ საგანს, მინიმუმამდე კვეთავდა საათებს ბუნებისმეტყველებასა და ტექნოლოგიაში; სამაგიეროდ იმავე გეგმაში შექმონდა საღვთო სჯული, ბერძნული ენა და სხვა საგნები, აძლივდა გიმნაზიას კლასიკურ ხა-

ზიათს და ეკლესიას უქვემდებარებდა. რეაქციის გაძლიერებისა და სახელმწიფო ცხოვრებაზე რელიგიის გავლენის გაფართოების ყველაზე უმაღლეს მომენტს წარმოადგენდა სახალხო განათლებისა და სასულიერო პროზელიტიზმის გაერთიანება 1817 წ., რაც გამოიხატა, პრუსიის მაგალითის მიხედვით, „სასულიერო საქმეთა და სახალხო განათლების ერთიან სამინისტროს“ დაარსებაში, გამოუსწორებელი მიტროპოლის ა. ნ. გოლიცინის მეთაურობით.

ახალ სამინისტროს პირველ ნაბიჯს (1819) წარმოადგენდა უვაროვის პროექტის გავრცელება განათლების მთელ სისტემაზე. „აღამიანისა და მოქალაქის ვალდებულებათა“ წიგნის სწავლების ნაცვლად შემოღებულ იქნა „საღვთო წერილის კითხვა“.* სამაზრო სკოლებიდან გამოირიცხა „ბუნებისმეტყველებისა და ტექნოლოგიის დაწყებითი წესები“, გიმნაზიებიდან—„ფილოსოფიისა და კაზმულ სიტყვათა მეცნიერების დაწყებითი კურსი“, „პოლიტიკური ეკონომიის დაწყებითი საფუძვლები“, „სავაჭრო მეცნიერებათა საფუძვლები და ტექნოლოგიის საფუძვლები“ („ცირკულარული წინადადება გიმნაზიებში, სამაზრო და სასულიერო სასწავლებლებში სასწავლო საგნების შესახებ“, 1819 წ.). ასე საფუძვლიანად იყო შეკეცილი ის საგნები, რომლებიც ამზადებდა მოწაფეებს პრაქტიკული მუშაობისათვის. მთელი იმპერიის გიმნაზიები კეთდებოდა კლასიკურად და ყველა სასწავლებელში „ქრისტიანული სათნოება“ გახდა „ქეშმარიტი განათლების საფუძველი“.

1824 წ. სასულიერო საქმეთა და სახალხო განათლების ერთიანი სამინისტრო, რომელმაც ვერ გაამართლა ვერც მეფისა და ვერც უწმ. სინოდის იმედები, გაუქმებულ იქნა. გოლიცინი კი, რომელსაც ბრალად დაედო არამართლმადიდებლობა, — გადააყენეს. მაგრამ იმ წელსვე აღდგენილმა სახალხო განათლების სამინისტრომ ა. შიშკოვის მეთაურობით კიდევ უფრო გააძლიერა რეაქციული საწყისები სახალხო განათლების დარგში. 1824 წელს, „სასწავლებელთა მთავარმართებლობაში“ შიშკოვი აცხადებდა, რომ მკაცრიერებათა „სიკპარბე ისევე, როგორც მათი ნაკლებობა, ეწინააღმდეგება ქეშმარიტ განათლებას. მთელი ხალხისა ან მისი უთანაზომიერო რიცხვის სწავლება მოიტანდა უფრო მეტ ზიანს, ვიდრე სარგებლობას“.**

* იგივე მოხდა თბილისის კეთილშობილთა სასწავლებლებშიც.

** „Собр. распор. по министерству народного просвещения“, I.

რეაქციამ გაიმარჯვა. 1804 წლის წესდების ძირითადი პრინციპებში საესებოთ იქნა უარყოფილი. საჭირო იყო ახალი წესდება და იმავე 1824 წელს შიშკოვმა წამოაყენა თავისი „ძირითადი საწყისები“, რომლებიც მიჩნეული უნდა ყოფილიყო ახალი წესდების გამოსავალ პრინციპებად. პირველი საწყისი ამბობდა: „აღზრდა ხალხისა მთელს ჩვენს იმპერიაში, მიუხედავად სარწმუნოებათა და ენათა სხვადასხვაობისა, უნდა იყოს რუსული“, მერვეში კი ნათქვამი იყო, რომ „ხელმწიფე და მამულის სარგებლობა ახალგაზრდობის აღზრდისაგან მოითხოვს ეკლესიის ერთგულ შვილებს და ერთგულ ქვეშევრდომებს, ღმერთისა და მეფისათვის თავდადებულ აღამიანებს“.

1827 წელს შიშკოვისადმი გაგზავნილ ნიკოლოზ I რესკრიპტში სასწავლებელთა მოწყობის ახალი საფუძვლების შესახებ ნაბრძანები იყო დაეკეტათ გიმნაზიების კარები „შინაყმებისა და საბატონო გლეხებისათვის“. ამგვარად, შიშკოვის ხსენებულ სიტყვასა და „ძირითად საწყისებში“ და ნიკოლოზ I რესკრიპტში ნათლად იყო ნაჩვენები, რომ განათლების ახალი სისტემა უნდა აგებულიყო წოდებრივობის, მართლმადიდებლობისა და დიდმპყრობელობის საფუძვლებზე.

9. 1828 წლის წესდება

„უნივერსიტეტების უწყებაში მყოფ გიმნაზიებისა და სასწავლებელთა ახალი წესდება“ დამტკიცდა 1828 წელს. სასწავლებელთა ტიპები და ნომენკლატურა რჩებოდა ძველი: 1) პირველდაწყებით მეცნიერებათა ანუ სამრევლო სასწავლებლები, 2) სამაზრო სასწავლებლები, 3) გიმნაზიები.

სამრევლო სასწავლებლები იყო ერთკლასიანი; იქ ასწავლიდნენ: 1) საღვთო სჯულს, მოკლე კათეხიზისს და საღვთო ისტორიას, 2) საეკლესიო და სამოქალაქო ნაბეჭდი წიგნების კითხვას და ხელნაწერების კითხვას, 3) სუფთაწერას, 4) არითმეტიკის პირველ ოთხ მოქმედებას (§ 15). სამრევლო სასწავლებლები იხსნებოდნენ „ყველგან, სადაც კი სახსრები გამოინახებოდა,“ და წარჰოადგენდნენ სასწავლებლებს „ყველა მღვთმარეობისა და ორივე სქესის პირთათვის“.

სამაზრო სასწავლებლები იყო 3-კლასიანი; მათში ასწავლიდნენ: 1) საღვთო სჯულს, 2) რუსულ ენას, 3) არითმეტიკას, 4) გეომეტ-

რიას, 5) გეოგრაფიას, 6) რუსეთისა და საყოველთაო ისტორიას 7) სუფთაწერას, ხაზვას და ხატვას. სამაზრო სასწავლებლები იხსნებოდა სამაზრო ქალაქებში (თითო) და საგუბერნიო და სატახტო ქალაქებში (უფრო მეტი, მოთხოვნილების მიხედვით). ისინი განკუთვნილნი იყვნენ ყველა მდგომარეობის ადამიანების, მეტწილად ვაჭრების, ხელოსნების და ქალაქის სხვა მცხოვრებთა შვილებისათვის. მათში ასწავლიდნენ „მხოლოდ მამრობითი სქესის ბავშვებს“.

გიმნაზიები იყო 7-კლასიანი: მათში ასწავლიდნენ: 1) საღვთო სჯულს, 2) რუსულ ენას (გრამატიკას) და სიტყვიერებას, 3) ლოგიკას, 4) ლათინურ ენას, 5) გერმანულ ენას, 6) ფრანგულ ენას, 7) ბერძნულ ენას (მხოლოდ „უნივერსიტეტებთან არსებულ გიმნაზიაში“), 8) მათემატიკას („კონუსისებურ ნაკვეთობათა ჩართვით“), 9) გეოგრაფიას, 10) სტატისტიკას, 11) ისტორიას, 12) ფიზიკას, 13) სუფთაწერას, ხაზვას და ხატვას. გიმნაზიები არსებობდა სატახტო, საგუბერნიო და სხვა დიდ ქალაქებში. მათ ჰქონდათ ორგვარი მიზანი: ა) მოემზადებინათ უნივერსიტეტებისათვის და ბ) მიეცათ ზოგადი განათლება მათთვის, ვისაც არ ჰქონდა უნივერსიტეტში შესვლის სურვილი; მაგრამ „გიმნაზიის დაარსების უმთავრესი მიზანია თავად აზნაურთა და მოხელეთა ბავშვებისათვის რიგიანი აღზრდის საშუალებათა მიწოდება“ (§ 137).

ამგვარად, 1828 წლის წესდებას სახალხო განათლების სისტემაში შემოქმონდა წოდებრივობის პრინციპი და აუქმებდა სკოლების ერთიანობას.* ქალიშვილებს ეძლეოდათ მხოლოდ დაწყებითს, ე. ი. სამრევლო სასწავლებლებში სწავლის უფლება. სწავლების ენად იმპერიის ყველა სასწავლებელში, და მათ რიცხვში არარაჟს ხალხთა სკოლებშიც, აღიარებულ იქნა რუსული ენა. საერთოდ, 1828 წლის წესდება სავსებით შეესაბამებოდა ნიკოლოზ I პერიოდის რეაქციის პოლიტიკურ ინტერესებს.

10. 1829 წლის დებულება

XIX ს. 20-იანი წლების დასასრულისათვის ვაჭრობისა და მრეწველობის სათანადო გამოცოცხლებამ, სოციალურ ურთიერთობათა გამწვავებამ და ქართველი საზოგადოების აქტივობის გაძლიე-

* სამრევლო სასწავლებლები არ ამზადებდნენ სამაზრო სასწავლებელთათვის ისევე, როგორც უკანასკნელნი—გიმნაზიებისათვის. გიმნაზიების I—IV კლასებში შესასვლელად დაწესებული იყო მისაღები გამოცდები.

რებამ გამოიწვია სკოლების ქსელის გაფართოებისა და განათლების გარკვეული სისტემის შემუშავების აუცილებლობა.

აღმოსავლეთ საქართველოს გენერალ-გუბერნატორი ს ი პ ი ა გ ი ნ ი 1827 წ. სთხოვდა განათლების მინისტრს შ ი შ კ ო ვ ს ე შუამდგომლა იმპერატორის წინაშე თბილისში, გორში, სიღნაღში, თელავში, ქუთაისში და საქართველოსა და ამიერკავკასიის სხვა სამაზრო ცენტრებში სამაზრო (საერო) სასწავლებელთა გახსნის ნებართვის შესახებ. სკოლების რიცხვის გასაღიძვრებად, მთავრობის ღონისძიებითა გარდა, შესამჩნევად განვითარდა კერძო სკოლების გახსნის პრაქტიკაც. მაგრამ ყოველივე ეს ხდებოდა უგეგმოდ და მათი გახსნისა და შენახვის რეალური შესაძლებლობის გაუთვალისწინებლად. საჭირო იყო გეგმიანობა სახალხო განათლების ქსელის გაფართოებისა და მისი ორგანიზაციის საქმეში. ამ საჭიროებამ გამოიწვია „ამიერკავკასიის სასწავლებელთა დებულების“ შექმნა 1829 წელს.

ამიერკავკასიის სასწავლებელთა 1829 წლის დებულება * გამომდინარეობდა სრულიად რუსეთის სასწავლებელთა 1828 წლის წესდებიდან. მაგრამ მას მხედველობაში უნდა მიეღო ამიერკავკასიის ნაციონალური და გეოგრაფიული თავისებურებანი, ცალკეულ ადგილებზე სასწავლებელთა განაწილების საკითხი, ადგილობრივი სკოლების ქსელის მართვა-გამგეობის ფორმა, სასწავლებლის შტატი და ბიუჯეტი, ადგილობრივი გიმნაზიებისა და სამაზრო სასწავლებელთა სასწავლო გეგმა და სხვ. ყველა დანარჩენ შემთხვევაში ა. კ. დებულება ახალს არაფერს წარმოადგენდა სრულიად რუსეთის 1828 წლის წესდებასთან შედარებით.

ამიერკავკასიის 1829 წლის დებულება ითვალისწინებდა ერთ გიმნაზიას თბილისში და სამაზრო (საერო) სასწავლებლებს თბილისში, გორში, თელავში, სიღნაღში, დუშეთში, ახალციხეში, ქუთაისში, სამეგრელოში (სამეგრელოს მფლობელის ნებართვით,**) გურიაში და სომხეთისა და აზერბაიჯანის სამაზრო ცენტრებში (შუშა, ნუხა, შემახა, ბაქო, დერბენტი, ერევანი, ნახიჩევანი, ორდუბათი) და ამიერკავკასიის ზოგიერთ სხვა ადგილას.

* Полн. собр. зак. Рос. имп. (ПСЗРМ), IV, 571, № 3060.

** ვინაიდან სამეგრელო მაშინ ფორმალურად ჯერ კიდევ არ შედიოდა რუსეთის იმპერიაში.

II. თბილისის გიმნაზია და სამაზრო სსსპალაბლები

თბილისის გიმნაზია, რომელიც 1829 წლის დებულებით ამავე წელს უნდა გახსნილიყო, ფაქტიურად გაიხსნა 1830 წელს, საქართველოს მთავარმართებელ პასკევიჩის დროს. უფრო სწორად, თბილისის კეთილშობილთა სასწავლებელი გადაკეთდა გიმნაზიად.

თბილისის გიმნაზიის მიზანი, „დებულების“ მიხედვით, მდგომარეობდა „ქართველი [თავადაზნაურობისა და მოხელეთა ბავშვების შესაფერისად აღზრდის საშუალებათა უზრუნველყოფაში“.

გიმნაზია შედგებოდა 7 კლასისაგან. მის სასწავლო გეგმაში, 1828 წლის წესდებით გათვალისწინებულ საგნებს გარდა, შედიოდა: ქართული და თათრული (აზერბაიჯანული,—გ. თ.) ენები და რუსული სამართლისმცოდნეობა და სასამართლოს წყობილება, ხოლო ლათინური ენა რჩებოდა ფაქულტატურ საგნად. სომეხი საზოგადოების შუამდგომლობით გიმნაზიის სასწავლო გეგმაში 1831 წლიდან შემოღებულ იქნა სომხური ენაც, მხოლოდ მსურველთათვის. რუსული სამართლისმცოდნეობისა და სასამართლოს წყობილების სწავლება დაიწყეს გვიან, როგორც დამატებითი საგნებისა, რომელიც არ იყო გათვალისწინებული 1828 წ. ზოგად-საიმპერიო წესდებით. გიმნაზიაში ექვს (II—VII) კლასში რუსულ ენას ჰქონდა დათმობილი კვირაში 31¹/₂ ს., მათემატიკას—28¹/₂ ს., ქართულ ენას—18 ს., გერმანულს და ფრანგულ ენებს—16¹/₂ ს. თითოეულს, გეოგრაფიას, ისტორიას (IV კლასიდან) და საღვთო სჯულს—15 ს. თითოეულს, სუფთაწერას, ხატვას და ხაზვას—13¹/₂ ს. თითოეულს, თათრულ ენას (IV კლასიდან), ფიზიკას (VI კლასიდან) და სამართლისმცოდნეობას (VII კლასიდან)—6 ს. თითოეულს.

ენახოთ ცხრილიც*.

(ცხრილში I კლასის საგნები ნაჩვენები არ არის, ვინაიდან ამ კლასში ისწავლებოდა არა „მეცნიერებანი“ ანუ სასწავლო დისციპლინები, არამედ წერა-კითხვა, ელემენტარული ანგარიში პირველი ათეულის ფარგლებში და ლოცვები).

* ПСЭРИ, IV, 571, № 3060

სახწავლო ხაგნებისა და ხათების ცხრილი თბილისის გიმნაზიისათვის

1829 წლის დებულებით

	კვირული გაკვეთილების რიცხვი კლასების მიხედვით							სულ გაკვეთილები	სულ საათების რაოდენობა
	I	II	III	IV	V	VI	VII		
1. საღვთო სჯული	—	2	2	2	2	1	1	10	15
2. რუს. სიტყვ. და ლოგიკა	—	4	4	4	3	3	3	21	31½
3. ენა ქართული	—	2	2	2	2	2	2	12	18
4. „ თათრული	—	—	—	2	2	2	2	8	12
5. „ გერმანული	—	2	2	2	2	2	1	11	16½
6. „ ფრანგული	—	2	2	2	2	2	1	11	16½
7. მათემატიკა	—	4	4	3	3	3	2	19	29½
8. გეოგრ. და სტატისტიკა	—	2	2	2	1	1	2	10	15
9. ისტორია	—	—	—	2	2	3	3	10	15
10. ფიზიკა .	—	—	—	—	—	2	2	4	6
11. რუსეთის სამართლისმცოდნეობა და სასამართლოს წყობილება .	—	—	—	—	—	—	4	4	6
12. სუფთაწერა	—	4	4	1	—	—	—	9	13½
13. ხატვა და ხაზვა	—	2	2	2	2	1	—	9	13½
სულ გაკვეთილი საათები .	—	24	24	24	22	22	22	138	—
	—	36	36	36	33	33	33	—	207

შენიშვნა: თათრულ ენას სწავლობენ თბილისის გიმნაზიის სახანო ხარჯზე მყოფი მოწაფეები და თავის ხარჯზე მყოფი ის პანსიონერები და მოწაფეები, რომელთათვისაც გიმნაზიის უფროსი ამას საკიროდ დაინახავს (ПСЗРИ, IV, 571, № 3060).

ამგვარად, გიმნაზიის მოსწავლეთა კვირეული დატვირთვა გიმნაზიის II, III და IV კლასებში უდრიდა 36 საათს, ხოლო V, VI და VII კლასებში—33 საათს თითოეულ კლასში*.

გიმნაზიასთან არსებობდა წესდებით გათვალისწინებული პანსიონის სახელმწიფო ხარჯზე. პანსიონში პირველად ინახავდნენ 40 მოწაფეს, მათ შორის ქართველ თავადაზნაურთა შვილი იყო 30, დანარჩენი ათი კი—რუს მოხელეთა შვილები. თბილისის გიმნაზიასთან პანსიონის გახსნა ნაკარნახევი იყო არა იმდენად ქართველ თავადაზნაურთა ბავშვებისათვის მატერიალური დახმარების გაწევის მიზნით, რამდენადაც იმ განზრახვით, რომ ჩამოეშორებინათ ისინი ოჯახისა და ოჯახში¹ სალაპარაკო (მშობლიური) ენისაგან და, პანსიონის რუსულ ატმოსფეროში მუდმივი ყოფნით, მათ სავალდებულო სალაპარაკო ენად გაეხადათ რუსული ენა.

თბილისის გიმნაზიაზე პირველ ხანებში იხარჯებოდა ყოველწლიურად 5870 მან. ასიგნაციებით. ამ თანხიდან პანსიონზე იხარჯებოდა 24000 მან. მაგრამ შემდეგში, პანსიონერთა რიცხვის გადიდებასთან (ორმოციანი წლების დამლევეს მათი რიცხვი შეადგენდა 80-ს) ერთად, იზრდებოდა მისი შესანახი სახსრებიც.

გიმნაზიასთან არსებობდა ბიბლიოთეკა მოწაფეთათვის, რომელიც 1840 წელს ითვლიდა სხვადასხვა სახელწოდების 3000 წიგნზე მეტს; გიმნაზიასთან არსებობდა აგრეთვე კარგად მოწყობილი ფიზიკური კაბინეტი.

არ შეიძლება არ აღინიშნოს თბილისის გიმნაზიის მოწაფეთა კლასგარეშე მუშაობა 30-იანი წლების მანძილზე. გიმნაზიის უფროსი კლასის მოწაფეებს ჰქონდათ სამეცნიერო-ლიტერატურული წრე, რომელიც თვითგანვითარებითი ხასიათის მუშაობის პარალელურად, მასწავლებელთა ხელმძღვანელობით ეწეოდა სახელმძღვანელო წიგნების თარგმნასა და შედგენას, ხოლო 1835 წლიდან კი სცემდა ხელნაწერ ჟურნალს რუსულ ენაზე „*Цветок Тифлисской гимназии*“ („თბილისის გიმნაზიის ყვავილი“). ჟურნალში მონაწილეობდნენ გიმნაზიის შემდეგი მოწაფეები: იასე ანდრონიკაშვილი, ნიკოლოზ ბარათაშვილი, მიხეილ ბებუთაშვილი,

* ცხრილიდან ჩანს, რომ ქართულ ენას აქვს საათების მნიშვნელოვანი რიცხვი; ეს იმიტომ ხდებოდა, რომ რუსეთის ადგილობრივ ხელისუფლებას ესაჭიროებოდა რიგიანი თარგმანები რუსულიდან ამ ენაზე, რისი მიღწევაც შეუძლებელი იყო მისი შესწავლისადმი სერიოზული დამოკიდებულების გარეშე.

ბ. ბეჟანოვი, გარსევან ვარლამიშვილი, ეგორ ვილემსი, ალექსანდრე მონასტირსკი, ლევან მელიქიშვილი, ივანე ტიტკოვი, მიხ. თუმანიშვილი, მირიან ჭყონია და სხვები. ჩვენამდე მოღწეული ნომრების (1, 2, 3, 5) მიხედვით ირკვევა, რომ „ყვავილი“ თავისი დანიშნულებით და სტრუქტურით რამდენადმე წარმოადგენდა თბილისში იმ დროს საკმაოდ გავრცელებულ ო. სენკოვსკის ჟურნალის: „Библиотека для чтения“-ს მიბაძვას. ჟურნალში უნდა ყოფილიყო წარმოდგენილი 6 განყოფილება: 1) რუსული სიტყვიერება (ლექსები და პროზა), 2) უცხოეთის სიტყვიერება, 3) მეცნიერება და ხელოვნება. პირველ ნომერში გამოქვეყნებული პროგრამის მიხედვით „ყვავილს“ უნდა ჰქონოდა კიდევ სამი განყოფილება: 4) მრეწველობა და სოფლის მეურნეობა, 5) კრიტიკა, 6) ნარევი, მაგრამ ჩვენამდე მოღწეულ ნომრებში ესენი არ ჩანან.

„რუსული სიტყვიერების განყოფილების“ პროზაში მასალის უმეტესობა ეხება საქართველოს. აქ მოთავსებულია ნიკოლოზ ბარათაშვილის „წერილი სოფლიდან“, გარს. ვარლამოვის — „ფურცელი კახეთზე“, გრაფ გორსკის (მიხ. თუმანიშვილი) — „ქართლში მისვლა“, ლ. მელიქიშვილის — „წერილები საქართველოდან“, ი. ანდრონიკაშვილის — „წერილებიდან კახეთზე“ და სხვ. „უცხოეთის სიტყვიერების“ განყოფილებაშიც კარბობს ქართული ელემენტი. აქ ვხვდებით: სოლ. დოდაშვილის — „ქართული ლიტერატურის მოკლე მიმოხილვას“ და „ირაკლი II მეფობას“. ეს წერილები გადმოთარგმნილია მიხ. თუმანიშვილის მიერ ჟურნალიდან: „სალიტერ. ნაწილნი ტფილისის უწყებათანი“ (№ 1, 1832 წ.), ამავე განყოფილებაშია ნაწყვეტები „ვისრამიანიდან“ თარგმანი ნიკ. ბარათაშვილისა და მიხ. თუმანიშვილისა და სხვა მასალა.*

„თბილისის გიმნაზიის ყვავილი“ უდავოდ განიცდის „1832 წ. ქართული შეთქმულების“ მემარცხენე ფრთის გავლენას. საკმარისია აღვნიშნოთ, რომ ჟურნალი ათავსებს ამ შეთქმულების გამო რეპრესირებული სოლ. დოდაშვილის წერილებს, შეჭხარის თავისუფალ ცხოვრებას, აღვივებს სამშობლოს (საქართველოს) სიყვარულს, გლეხობის პატივისცემას. ნიკოლოზ ბარათაშვილის ლექსები „ყვავილში“

* ჟურნალის დაწვრილებით „თბილისის გიმნაზიის ყვავილის“ შესახებ იხ. მიხ. ბელთუბნელი — „სალიტერატურო-საზოგადოებრივი წარსულიდან“ (თ. მე-3. შენიშვნებით), 1938.

არა გვხვდება. მას უკვე დაწყებული ჰქონდა ლექსების წერა „ყვავილის“ პერიოდში, მაგრამ მხოლოდ ქართულად და ამასთან ის ჯერ კიდევ არ ამეღავენებდა თავის პოეტობას.

მართალია, „ყვავილის“ პირველ (სატიტულო) გვერდს აწერია: „შედგენილია საკლასო სავარჯიშოებიდან“-ო, მაგრამ ეს მხოლოდ ნაწილობრივ. ჟურნალის მასალის უდიდესი ნაწილი არ წარმოადგენს საკლასო წერითი სავარჯიშოებს. ეს წარწერა ჟურნალის განოცემის ნებართვის გასაადვილებლად იყო გაკეთებული და ერთგვარ „ვიზა“-ს წარმოადგენდა.

თბილისის გიმნაზიის მოსწავლეთა რიცხვი დასაწყისში ძალიან უმნიშვნელოდ იზრდებოდა; ასე, მაგალითად, 307 მოსწავლიდან 1831 წელს, ის ავიდა 467-მდე 1847 წელს, მაგრამ შემდეგ პირველ კლასში მისაღებთა კონტინგენტი იმდენად გაიზარდა, რომ 50 იანიწლების დასაძრულს საკირო გახდა პარალელური კლასების გახსნა.

თბილისის გიმნაზიის კურსდამთავრებულთა რიცხვიდან ყოველწლიურად სახელმწიფო ხარჯზე უნდა ეგზავნათ ათ-ათ კაცი რუსეთის კადეტთა კორპუსებში და ამიერკავკასიის სკოლებისათვის მასწავლებელთა მოსამზადებლად, ხუთ-ხუთი კაცი პეტერბურგისა და მოსკოვის უნივერსიტეტებში.* მართალია, იყო წლები, როცა მოსწავლეთა უფრო მცირე რიცხვი ან სულ არავინ გაუგზავნიათ აღნიშნულ სასწავლებლებში, მაგრამ 40-იან წლების მეორე ნახევრიდან რუსეთში, უმაღლესი განათლებისათვის, მოსწავლეთა გაცილებით მეტი რიცხვი იგზავნებოდა.

1834 წ. აკადემიკოსი კუპფერი სთხოვდა როზენს თბილისის გიმნაზიასთან მეტეოროლოგიურ და მაგნეტურ დაკვირვებათა სადგურის (სისტემის) დაარსებას და ობსერვატორიის აშენებას, რაც ჩქარა იქნა განხორციელებული.

სამაზრო (საერო) სასწავლებლების გახსნა საქართველოში დაიწყო 1830 წლიდან. ქუთაისში სამაზრო სასწავლებელი გაიხსნა 1830 წ., გორში—1830 წ., თელავში—1830 წ., სამეგრელოში (სოფ. ნოლაღევი)—1830 წ., ახალციხეში—1831 წ., სიღნაღში—1831 წ., დუშეთში—1834 წ., თბილისში—1836 წ. და ა. შ. სამაზრო სასწავლებლები განიკუთვნებოდა „ყველა მდგომარეობის ხალხისთვის“ და მიზნად ისახავდა დაწყებითი ცოდნის გავრცელებას.

* საქართველოს მთავარმმართველი პასკევიჩი ამბობდა: „ქართველი მოსწავლე ახალგაზრდობა უნდა იგზავნებოდეს რუსეთში, რათა შეიცვალოს თავისი ნაციონალური მიპარაულებაც“

პირველად ამიერკავკასიის სასწავლებლები, 1829 წლის დებულების მიხედვით, შედგებოდნენ ორი კლასისაგან და მათში სწავლების კურსი განისაზღვრებოდა 2 წლით.*

ამ სასწავლებელთა სასწავლო გეგმაში იმავე დებულების მიხედვით შედიოდა: 1. საღვთო სჯული (საღვთო ისტორია), 2. რუსული ენა, 3. ადგილობრივი ენები (ქართული—ყველა სკოლაში, სომხური და აზერბაიჯანული კი იმ ადგილთა სკოლებში, სადაც ქარბობდა სომხური ან აზერბაიჯანული მოსახლეობა), 4. არითმეტიკა (4 მოქმედება), 5. სუფთაწერა.

რუსულ ენას სამაზრო სასწავლებლებში ეთმობოდა 4 საათი თითოეულ კლასში, საღვთო სჯულს—4, არითმეტიკას—3, სუფთაწერას—3, ქართულ ენას—2, მოსწავლეთა დატვირთვა თითოეულ კლასში უდრიდა 24 საათს კვირაში.

აი ცხრილიც, ამოღებული 1829 წ. დებულებიდან (ПСЗРИ, IV, 571).

	სასწავლო საგნები	გაკვ. რიცხვი კვირაში		გაკვეთილ. რაოდენობა კვირაში	საათების რაოდენობა კვირაში
		I კლ.	II კლ.		
1.	საღვთო სჯული	4	4	8	12
2.	რუსული ენა	4	4	8	12
3.	ადგილობრივი ენა	2	2	4	6
4.	სუფთაწერა	3	3	6	9
5.	არითმეტიკის საწყისები	3	3	6	9
	სულ გაკვეთილი	16	16	32	—
	სულ საათი	24	24	—	48

მოსწავლეთა რიცხვი სამაზრო სასწავლებლებში სწრაფად იზრდებოდა. ასე, მაგალითად, თუ ზემოხსენებულ 4 ადგილის (ქუთაისი,

* 1828 წ. საერთო საიმპერიო წესდების მიხედვით, როგორც უკვე იყო აღნიშნული, „სწავლების კურსი სამაზრო სასწავლებლებში იყოფა სამ კლასად, თითოეულზე დანიშნულია თითო წელიწადი“ (§ 55). ასე რომ საქართველოსა და ამიერკავკასიის სამაზრო სასწავლებლებში სწავლების კურსი შემოკლებული იყო ერთი კლასით (წლით). მაგრამ ეს ცოტა ხნით: ამიერკავკასიის სასწავლებელთა 1835 წ. დებულებით საქართველოსა და ამიერკავკასიის სამაზრო სასწავლებელთა კურსი 3 წლით (კლასით) განისაზღვრა.

გორი, თელავი, ნაოლაღევი) სასწავლებლებში 1830 წელს შევიდა მხოლოდ 64 მოწაფე, 4 წლის შემდეგ მათში უკვე 273 მოწაფე ითვლებოდა.* იმავე (1834) წელს საქართველოს ყველა სამაზრო სასწავლებელში, დუშეთის სასწავლებლის გამოკლებით, ირიცხებოდა 444 მოწაფე (მთელ ამიერკავკასიაში კი—622**). 1837 წ. საქართველოს ზემოჩამოთვლილი 8 ადგილის სასწავლებლებში სწავლობდა 564 მოწაფე, 10 წლის შემდეგ კი—958 მოწაფე. თუმცა ხსენებული დებულების მიხედვით სამაზრო სასწავლებლებში მიღება არ იყო შეზღუდული წოდებრივობის ნიშნით, მაგრამ ფაქტიურად სამაზრო სასწავლებლებში აბსოლუტურ უმრავლესობას (64⁰/₀-ს) შეადგენდნენ თავადაზნაურობის, როგორც უფრო შეძლებული წოდების ბავშვები. 1834 წ. საქართველოს სამაზრო სასწავლებლებში 444 მოწაფიდან თავადაზნაურთა და მოხელეთა შვილი იყო 284, მოქალაქეთა და ვაქართა—153, დანარჩენთა—7; ამიერკავკასიის სხვა ადგილებში კი (შუშა, ერევანი, ბაქო, ნუხა, ელისავეტპოლი) იმავე წელს 178 მოწაფიდან აზნაურთა, ბეგთა და მოხელეთა შვილები შეადგენდნენ 40, მოქალაქეთა და ვაქართა—129, დანარჩენთა—10.

1829 წლის დებულების მიხედვით დაარსებულ ამიერკავკასიის სამაზრო სასწავლებლებში ისე დაბალი იყო სწავლების დონე, რომ მათ არ შეეძლოთ მოსწავლეთა მომზადება გიმნაზიებისათვის (თუმცა ამ დებულებით (§ 36) მათ ეს უფლება ეძლეოდათ 1828 წ. წესდებით გათვალისწინებულ რუსეთის სამაზრო სასწავლებელთაგან განსხვავებით) და არც დაბალ სამსახურებრივ თანამდებობათა დაკავებისათვის.

1829 წლიდან თბილისის გიმნაზიის და ამ წლის დებულების მიხედვით გასახსნელ სამაზრო სასწავლებელთა ყველა ხარჯი შეტანილ იქნა სახელმწიფო ბიუჯეტში. 1830 წ. თითოეულ სამაზრო სასწავლებელზე წლიურად იხარჯებოდა 3800 მან. ასიგნაციებით. ამ სასწავლებელთა ახალი შენობების ასაგებად გადაღებულ იქნა 20000 მ. თითოეულისათვის. ამიერკავკასიის ყველა სასწავლებელზე იხარჯებოდა 119700 მ. წლიურად.***

მძიმედ, ნელი ტემპით იზრდებოდა სახელმწიფო და ოფიციალურ-სასულიერო სასწავლებელთა ქსელი საქართველოში. 30-იანი წლების დასასრულისათვის ასეთ სასწავლებელთა რიცხვი 28-ს

* Акты, VIII, 97.

** იქვე.

*** Акты, VII, 63.

ძლივს აღწევდა და ეს იმ დროს, როცა ხალხის ინტერესი და მისწრაფება განათლებისაკენ სულ უფრო და უფრო იზრდებოდა. ხალხი განწირული იყო ამ მხრივ, მაგრამ თუ მან მაინც შესძლო დაეცვა თავისი უფლება განათლებაზე—ამაში პატარა როლს არ თამაშობდა ქართველი ეკლესია და ოჯახი.

12. სექსუალური-სამონასტრო და სემინარო სკოლები

XIX ს. დასაწყისში საქართველოში კვლავ აგრძელებდნენ არსებობას მთელი რიგი ძველი სკოლები ეკლესია-მონასტრებთან და კერძო ოჯახებში. საქართველოს ეკლესიის ავტოკეფალიისა და კათედრების გაუქმებით (1811) მრავალი საეკლესიო-სამონასტრო სკოლა გაუქმდა, მაგრამ დროთა ვითარებისა გამო მოთხოვნილება ელემენტარულ განათლებაზე ისე იზრდებოდა, რომ ბევრი ასეთი სკოლა კვლავ გაიხსნა 20—30-იან წლებში. განსაკუთრებით გაიზარდა ინდივიდუალური სწავლების კერძო პრაქტიკა.

იმ ცნობილი ძველი საეკლესიო-სამონასტრო სკოლებიდან, რომლებიც კვლავ აგრძელებდნენ თავის არსებობას XIX ს. პირველ ნახევარში, უნდა მოვიხსენიოთ: თბილისში — „დავით მღვდელი ჩუბინიძის“ სკოლა იოანე ნათლისმცემლის ეკლესიასთან,* რომელშიც სწავლობდა ცნობილი ისტორიკოსი პლატონ იოსელიანი** (ეს სკოლა დაიხურა 1817 წელს). აქვე იყო სკოლები სიონის, კალოუზნის, მეტეხის, ქვაშეთის, ანჩისხატის და სხვ. ეკლესიებთან; განსაკუთრებით უნდა აღინიშნოს ფერიცვალების მონასტერთან არსებული სკოლა, სადაც კარგად იყო დაყენებული რუსული ენის სწავლების საქმე 20-იან წლებში.

აღმოსავლეთ საქართველოში (თბილისის გარდა): სკოლა შუამთის მონასტერთან, რომელშიც 30-იან წლებში ასწავლიდა ცნობილი ლიტერატორი, 1832 წ. შეთქმულების მონაწილე ფილადელფოს კიკნაძე და სადაც ერთ დროს სწავლობდა პოეტი რაფიელ ერისთავი; სკოლები ნეკრესის, ახტალის, ალავერდის, იოანე ნათლისმცემლის, გარეჯის, ბოდბის (რომელიც

* იოანე ნათლისმცემლის ეკლესია იყო ახლანდელი ბარათაშვილის (ყოფ. მუხრანის) ხიდან, მარჯვენა მხარეზე (პ. კ ა რ ტ ე ლ ა შ ვ ი ლ ი — ძველი ანჩისხატის ეკლესია თბილისში, 48).

** პლ. იოსელიანი, ცხოვრება გიორგი მეცამეტისა, 261, 1936.

1833 წელს შეუერთდა თელავის სასულაერო სასწავლებელს), ნინო-წმინდის, ლარგვისის, რუისის, ურბნისის, რუსთავის, მცხეთის, ხამთავროს, სამთავისის, მეტეხის, გორის სამ ეკლესიასთან, ნიქოზის, წილკანის, მანგლისის, ხირსის, მღვიმის და სხვა ეკლესია-მონასტრებთან.

დასავლეთ საქართველოში: გელათის, ხონის (30-იანი წლებიდან—„სვიმონ კუტის სკოლად“ წოდებული), ჭყონდიდის, ბიქვინთის, მარტვილის, ნიკორწმინდის, ჯრუჭის, ხობის, ხოპის, ცაგერის, სორის (რაჭა), ცაიშის, საირჩის, ჯუმათის, შემოქმედის („ღუმბაძე ბერის სკოლა“), უდაბნოს, უბისის და სხვა ეკლესია-მონასტრებთან.

გარდა სხვადასხვა წყაროებში გაფანტული ცნობებისა, რომლებიც ადასტურებენ აღნიშნულ ეკლესია-მონასტრებთან სკოლების არსებობის ფაქტებს, აღსანიშნავია ანტონ II კათალიკოსის პასუხი საქართველოს მთავარმართებელ კნორინგისადმი: 1801 წლის თებერვალში, უკანასკნელის შეკითხვაზე, — „არის თუ არა (საქართველოს) ეპარქიაში სასწავლებლები, და თუ არის—სად, რას ასწავლიან მათში და ვინ ინახავს“, ანტონი II უპასუხებდა: „ბავშვებს ასწავლიან ქართლისა და კახეთის ყველა ეპარქიაში* წერაკითხვას და გალობას. ამ მოწაფეებს თავიანთ ოჯახებში ინახავენ“.** ეს სკოლები, როგორც ჩანს ანტონის პასუხიდან, ელემენტარული ანუ წერაკითხვის სკოლები იყვნენ, მაგრამ მათ გარდა ეპარქიის ცენტრებშია და კათედრულ ტაძრებთან არსებობდნენ საშუალო ტიპის სკოლებიც, რომლებშიც ასწავლიდნენ რიტორიკას, გრამატიკას, ფილოსოფიას, ფაზიკას, ლოგიკას, ისტორიას, ღვთისმეტყველებას. მწერალი-მემუარისტი ი. ქართველი შვილი (1772—1816) გადმოგვცემს, რომ ახტალის ეკლესიასთან არსებულ სკოლაში ეპისკოპოსი ვ. ერისთავი ასწავლიდა მას „რიტორიკას, კატელორიებს, ლოგიკას, მეტაფიზიკას.“*** წილკანის არქივისეპისკოპოსი იოანე 1800 წელს წერდა ანტონს: „მყავს ოთხი მოწაფე, რომელთაც ვასწავლი მეცნიერებათა, ახლა ისინი გადიან ლოგიკას“**** ასეთივე საშუალო

* დასავლეთი საქართველო მაშინ ჯერ კიდევ არ იყო შეერთებული რუსეთის იმპერიასთან.

** Акты, I, 529—530.

*** იოანე ქართველი შვილი, მემუარები, საქ. მეზ. ხელნაწ. ფ. A, 1196.

**** Акты, I, 533.

ტიპის სკოლა იყო ბოდბის მონასტერთანაც. „ამ უდაბნოებსა და ეკლესიებში მიიღებდა ჩენი ერი სრულს სწავლა-განათლებასა. აქ ასწავლიდნენ წერას, კითხვას, გალობას, გრამატიკას, რიტორებას, ფილოსოფიას, ღვთის მეტყველებას, სამღვთოთა წიგნთა, კატეხიზმოს, ძველთა სამეფოთა ისტორიასა და სხვა საგანთა“ (ი. მეუნარგია, ქართველი მწერლები, 1, 42).

XIX ს. პირველ ნახევარში არსებობდნენ აგრეთვე ქალთა მონასტრები კარგად მოწყობილი ქალთა სკოლებით (ბოდბის, მცხეთის, თელათის, ჯრუჭის, საჩხერის, მღვიმის და სხვ.). ამ სკოლებში წერა-კითხვის, ლოცვებისა და გალობის, ხოლო ზოგიერთ მათგანში (ბოდბე) სამეცნიერო საგნების გარდა, ასწავლიდნენ ქრ.-კერვას და სხვა საღიასახლისო საქმეებს.

გარკვეული სარგებლობა მოჰქონდათ ეკლესია-მონასტრებთან არსებულ სკოლებს ხალხის განათლებისათვის, მაგრამ მათი რიცხვი არ იყო საკმარისი; ამასთან, ეს სკოლები უმთავრესად მამრობითი სქესის ბავშვებს ემსახურებოდნენ. ამის გამო მათ პარალელურად საქართველოში XIX ს. პირველ ნახევარში არსებობდნენ ე. წ. „საშინაო სკოლები“ და ფართოდებოდა საშინაო ინდივიდუალური სწავლების პრაქტიკა. „საშინაო სკოლები“ ეწოდებოდა ბავშვთა ჯგუფური სწავლების სახლებს (სადგომებს, ბინებს). აქ ასწავლიდნენ წერა-კითხვას, ანგარიშს, ლოცვებს, ხოლო გოგონებს, ამას გარდა — ხელსაქმეს. ასწავლიდნენ მეტ შემთხვევაში „საშინაო განათლების“ მქონე ქალები, იშვიათად კი სათანადო სახელმწიფო ან სასულიერო სასწავლებელში სწავლამიღებული პირები. „საშინაო სკოლებში“ ასწავლიდნენ მამაკაცებიც, მაგრამ ყველა ესენი, გარდა მცირე გამოჩენილებისა, იყვნენ მოხუცებულნი ან ინვალიდები, მაგრამ მათ შორის ხშირად ერივნენ მცოდნე (თვითგანათლების გზით) და ხანგრძლივი პრაქტიკით პედაგოგიურად დახელოვნებული, ავტორიტეტული მასწავლებლები (იხ. აქვე, თავი — „მასწავლებლობა და პედაგოგიური წრომა“).

საშინაო სკოლებში სხვადასხვა ასაკის სოფლელი ახალგაზრდობა სწავლობდა, მაგრამ ძირითად, თუ შეიძლება ითქვას, კონტინგენტს 9—12 წლის ბავშვები წარმოადგენდნენ. მიღების (მიზარების) დრო არ იყო განსაზღვრული, მაგრამ უმთავრესად ეს ხდებოდა შემადგომის მიწურულში, სასოფლო სამუშაოების დამთავრებისას, სწავლა კი გაზაფხულის გასკლამდე გრძელდებოდა. სკოლაში ბავშვები მიდიოდნენ დილას (ზოგან — ნასადილევს) და საღი-

ლობამდის ან სამხრობაჰდის რჩებოდნენ. ჰქონდათ ერთი ან ორი დასვენება. საშინაო სკოლის სასწავლო საგნებს წარმოადგენდა ქართულ წერა-კითხვაში „გაწაფვა“ და „ციფრების დასწავლა“, ე. ი. ელემენტარული ანგარიში ასის ფარგლებში. ეს უქანასკნელი (ანგარიში) ყველა სკოლაში არ იყო. ქალთა საშინაო სკოლაში კი იგი იშვიათად ისწავლებოდა. სამაგიეროდ ხელსაქმე (ჭრა-კერვა, ქსოვა, ქარგვა) ყველა მათგანში იყო შემოღებული. არც სწავლების ხანგრძლივობა იყო რეგლამენტებული. ზოგან „ერთ-ორ წელს“ გრძელდებოდა, ე. ი. მანამ, სანამ მოწაფეები წერა-კითხვაში „თვალს გაიჭებდნენ“ და „კრფრებს“ ისწავლიდნენ, ზოგან კი (ქალთა სკოლებში) გათხოვებამდე რჩებოდნენ.

საშინაო სკოლებში ქალ-ვაჟთა ერთად სწავლება იშვიათ გამოჩნაკლისს წარმოადგენდა. ხშირად ერთს სოფელში ქალთა სკოლაც იყო და ვაჟთაც. მოწაფეთა რიცხვი თითოეულ მათგანში ჩვეულებრივად 10—20-მდე აღწევდა. მეკადნიეობის დროს ბავშვები ისხდნენ ტახტზე, მაგრამ უფრო ხშირად კი ისინი ფეხმოკეციით ისხდნენ ხის იატაკზე დაფენილ სუფთა ქილობზე ან ქეჩაზე—ნახევარწრედ. მათ წინ, შუა ლაგას, ბალიშზე ან დაბალ სკამზე იჯდა მასწავლებელი, რომელსაც გვერდზე მოკრძო წვრილი ჯოხი ედო. ეს ჯოხი ხმამალლა გუნღური კითხვის დროს თითქოს დირიჟორის ჯოხის ფუნქციას ასრულებდა (კითხვის ტაქტის ან რიტმის რეგულირებისათვის), სხვა დროს კი დაფაზე დაწერილი ასოების ან ციფრების საჩვენებლად იხმარებოდა. ბავშვების ცულქობის შემთხვევებში მასწავლებელი (ოსტატი) ახლო მსხდომთ „ხორცს უჩმეტდა“, თმას ან ყურს უწევდა, ხოლო შორს მსხდომთ კი ჯოხით აშინებდა.

„საშინაო სკოლები“ XIX ს. პირველი ნახევრის საქართველოში ბევრი იყო. ისინი არსებობდნენ თითქმის ყველა სოფელში, მღვდლის ოჯახებთან, ძალიან ხშირად გლეხთა სახლებშიც. ყოველი მათგანი ატარებდა თავისი მასწავლებლის ან იმ ოჯახის უფროსის სახელს, რომელთანაც იგი არსებობდა. „საშინაო სკოლებმა“ თავის გამოხატულება ჰპოვეს მხატვრულ ლიტერატურაშიც. ერთი საშინაო ქალთა სკოლა („ეფროსინეს სკოლა“) აწერილი აქვს მწერალ სოფრომ მგალობლიშვილს მოთხრობაში „წარსულიდან“. ამავე მოთხრობაში ნახსენებია ვაჟთა საშინაო სკოლაც— „ისიდორე გეგელაშვილის სკოლა“. ვაჟთა საშინაო სკოლის ნათელ სურათს გვიხატავს აგრეთვე ილია ჭავჭავაძე მოთხრობაში— „გლახის ნაამბობი“. დამსახურებული მასწავლებლის გიორ-

გი ნათაძის მიერ შეკრებილ მასალებში არის საკმაოდ ვრცელო ცნობები XIX ს. ორმოცდაათიანი წლების დასასრულისა და ნმ-იანი წლების დასაწყისის „საშინაო სკოლების“ შესახებ საქართველოში: მართა ნათაძის სკოლა სოფ. მერეთში, ანა ამილახვრისა — ცხინვალში, კურდღელაშვილისა — თელავში, ანა წერეთლისა — საჩხერეში, გვიტია მაქავარიანისა — ს. ჩორვალში, ფურცელაძისა — ს. ტყისთავში, მაგდა რცხილაძისა — ს. შაშინაში, სოფიო ჯანაშვილისა — ს. ბოდბეში, პეტრე ხელაშვილისა — ს. ვაქირში, ჯავახიშვილისა — ს. ხოვლეში, დიკონ მძინარიშვილისა* და მრ. სხვ.

ივ. გომელაური იხსენიებს სიმ. ბენაშვილის საშინაო სკოლას ს. ზემოშახანაში. ზ. ედილი გადმოგვცემს ცნობას საინგილოში მღვდ. ქიტიაშვილის სკოლის არსებობის შესახებ.**

კოტე დიმიტრის-ძე ყიფიანის მეუღლე, ნინო ყიფიანი (დაბადებული 1868 წელს), გვაწვდის აგრეთვე საინტერესო ცნობებს სოფ. ძვიმღეთში (გორის ყ. მაზრა) არსებული „ძალუა ერჰონისა“ (ანტონ ტატიშვილის ქვრივის) საშინაო სკოლის შესახებ.***

არაიშვიათად „საშინაო სკოლები“ არსებობდნენ თავადაზნაურთა სახლებშიც, სადაც გლეხი ბავშვების მასწავლებლებად გამოდიოდნენ თვით ოჯახის დიასახლისები—ე. მუხრანსკის ოჯახში, სოფ. მუხრანში, როსტომ წერეთლის (აკაკის მამის) ოჯახში, ს. საჩხერეში და სხვ.

ინდივიდუური საოჯახო აღზრდის პრაქტიკა გავრცელებული იყო უმთავრესად თავადაზნაურობაში. ამ წოდების ბევრი წარმომადგენელი ქირაობდა გუვერნიორებს, აღმზრდელებს, მასწავლებლებს და დიდი ხნით აძლევდა მათ საკუთარ შვილებს აღსაზრდელად. ეს პრაქტიკა XIX ს. პირველი ნახევრის საქართველოში არაფრით განირჩეოდა ასეთივე პრაქტიკისაგან იმავე პერიოდის დასავლეთ ევროპასა და რუსეთში, საჭიროა მხოლოდ აღინიშნოს, რომ მაღალი ქარაფელი არისტოკრატის შვილების აღმზრდელთა შორის ხშირად იყვნენ უცხოელები და რუსები. მათ უმთავრესად იწვევდნენ უცხოენების მასწავლებლებად, ხოლო უცხო ენების, განსაკუთრებით

* პედაგოგიკურ მეცნიერებათა ინსტიტ. არქივი, ს. 103, გვ 52—72; ამ სკოლების რეჟიმისა და სასწ. მუშაობის შესახებ იხ. აქვე: „სწავლა-აღზრდის ძველი წესები და მეთოდები“.

** ზ. ედილი; „საინგილო“, 34.

*** ნინო ყიფიანის ხელნაწერი ინახება ჩვენთან.

ფრანგულის ცოდნით, ბევრი ქართველი არისტოკრატის ოჯახი გამოირჩეოდა აღნიშნულ დროში. ცნობილია, მაგალითად, რომ სამეგრელოს მთავრის ლევ. დადიანის შვილების აღსაზრდელად 1804 წელს მოწვეულ იქნა უნგრელი მარტინი, ფილოსოფიის მცოდნე, რომელიც ერთი წლის შემდეგ, გენერალ ციციანოვის მწვევეთ, გადავიდა თბილისის კეთილშობილთა სასწავლებლის გერმანული და ლათინური ენების მასწავლებლად.*. 1854 წელს, სამეგრელოს უკანასკნელი მთავრის დაე. დადიანის შვილების აღზრდელად, ფრანგი ქალი ბერგის შეჰდეგ, მოწვეულ იქნა მწერალი კ. ბოროზდინი, რომელმაც საქართველოში 25 წლის ცხოვრების შედეგად დაგვიტოვა მშვენიერი „მოგონებანი“ სამეგრელოსა და სვანეთის შესახებ.

საშინაო ინდივიდური სწავლების გზით მიიღო დაწყებითი განათლება ბევრმა ქართველმა გამოჩენილმა მწერალმა და მეცნიერმა: გრ. ორბელიანმა, ნ. ბარათაშვილმა, გ. ერისთავმა, მიხ. თუმანიშვილმა, დიმ. ბაქრაძემ, მ. გურიელმა, აკაკი წერეთელმა, ილია ჭავჭავაძემ, ვაჟა-ფშაველამ და ბევრმა სხვამ.

13. კერძო სკოლები და პანსიონები

ზემოხსენებული საეკლესიო-სამონასტრო და საწინაო სკოლები ნუშაობდნენ არაორგანიზებულად, მტკიცე სასწავლო გეგმის გარეშე, სწავლა-აღზრდის პედაგოგიური საფუძვლების გაუთვალისწინებლად; ამასთან, საეკლესიო-სამონასტრო სკოლები, მცირეოდენის გამოკლებით, არსებობდნენ მხოლოდ სოფლად და ხალხის მოთხოვნილებებს, ცხადია, ვერ აკმაყოფილებდნენ. ამის გამო XIX ს. დასაწყისშივე საქართველოს ქალაქებსა და მსხვილ დაბებში აღმოცენება იწყეს კერძო სკოლებმა და პანსიონებმა. 1804 წლის „უნივერსიტეტებისადმი დაქვემდებარებულ სასწავლებელთა წესდების“ (§§ 141—158) თანახმად, კერძო სკოლის ან პანსიონის გახსნის ნებართვას უშუალოდ იძლეოდა სათანადო ოლქის უნივერსიტეტის რექტორი მას შემდეგ, რაც დაინტერესებული პირი წარუდგენდა მას თხოვნას სასწავლო გეგმისა და მოსაწვევი მასწავლებლების დახასიათების დართვით და ცნობას სწავლისა და პანსიონში შესანახი ქირის ნავარაუდები რაო-

* Акты, II, 201.

დენობის შესახებ. კერძო სკოლის გამხსნელ-შემნახველი ფორმალურად თავისუფალი იყო სასწავლო გეგმის საგნების შერჩევაში; მას ევალუბოდა მხოლოდ რუსული ენის აუცილებლად გათვალისწინება და სწავლების ისეთი მეთოდების შემოღება, რომლებიც „უნდა ემსგავსებოდნენ აღნიშნულ (გიმნაზიებსა, სამაზრო და სამრევლო) სასწავლებლებში შემოღებულ მეთოდებს“.

რამდენადაც რუსეთის იმპერიის სასწავლებელთა 1804 წლის წესდება ფაქტურად არ იყო გამოკენებული საქართველოში, იმდენად აქ, XIX ს. ოცდაათიან წლებამდე, კერძო სკოლები და პანსიონები იხსნებოდა აღნიშნული წესების გარეშე. უფრო მეტიც: ეს სკოლები და პანსიონები საქართველოში იხსნებოდა ხელისუფლების ადგილობრივი ორგანოების ცნობის გარეშე, ისინი არსად არ იყვნენ აღრიცხულნი და სახელმწიფო კონტროლს ხელიდან უსხლტებოდნენ. მხოლოდ 1878 წლის წესდების მიღების შედეგ შეიქმნა შესაძლებელი დაახლოებითი აღრიცხვა საქართველოს კერძო სკოლებისა. ამ წესდების მიხედვით „არავითარი კერძო სასწავლებელი არ შეიძლება გაიხსნას სასწავლებელთა მმართველობის გარეშე“ (§ 309), ხოლო არსებულ კერძო სკოლები კი აუცილებლად უნდა გაეტარებინათ რეგისტრაციაში. 1830 წელს საქართველოს მთავარმართებელმა პასკევიჩმა განკარგულება გასცა დაეხურათ ქ. ახალციხისა და მისი ოლქის ყველა კერძო სკოლა, რადგანაც ამ სკოლების უმრავლესობა ეკუთვნოდა „ნაკლებად სანდო“ სომეხ-გრიგორიანულ და კათოლიკურ სასულიერო წოდებას. მიუხედავად ამისა, ეს სკოლები ფაქტიურად მაინც აგრძელებდნენ არსებობას ინდივიდუალურ-ჯგუფური სწავლების სახით.

1834 წელს საქართველოს მთავარმართებელმა ბარონმა როზენმა უბრძანა აღმოსავლეთ საქართველოს სამოქალაქო გუბერნატორს, ახალციხის ფაშალაქის (ოლქის) უფროსს და იმერეთის მმართველს, შეეკრიბათ ცნობები კერძო სკოლებისა და მასწავლებელთა შესახებ. ამ არასრული ცნობების* მიხედვით ირკვევა, რომ 1834 წელს აღმოსავლეთ საქართველოში არსებობდა: თბილისში (გარეუბნის ჩათვლით)—18 სკოლა 305 მოწაფით, გორში—4 სკოლა 205 მოწაფით, თელავში—3 სკოლა 60 მოწაფით, დუშეთში—2 სკოლა 45 მოწაფით, სულ—24 სკოლა 510 მოწაფით; ახალციხის

* საქ. ცენტრ. არქივი, ს. № 4, სერია ბ—კერძო სკოლების შესახებ და ს. № 38, გვ. 45—46; აგრეთვე პედაგ. მეცნ. ინსტიტუტის არქ., ს. № 13.

ოლქში—24 სკოლა 413 მოწაფით; იმერეთში: ქუთაისში—7 სკოლა 154 მოწაფით, ვაკის ოლქში (ვაკე—იმერეთი)—8 სკოლა 108 მოწაფით, შორაპნის ოლქში—6 სკოლა • 152 მოწაფით (გურია-სამეგრელოს და სხვა რაიონების შესახებ ცნობები არ აღმოჩნდა). სულ იმერეთში—21 სკოლა 434 მოწაფით. ასე, მთელ საქართველოში, გურია-სამეგრელოს, სვანეთისა, აჭარისა და რაჭა-ლეჩხუმის გამოკლებით, 1834 წლისათვის იყო 72 კერძო სკოლა 1457 მოწაფით. ნაციონალური ნიშნის მიხედვით აღმოსავლეთ საქართველოში 27 სკოლიდან იყო ქართული (ქართულ ენაზე სწავლებით) 6 სკოლა, სომხური—10, შერეული—ქართულ-სომხურ-რუსული (ე. ი. ქართულ, სომხურ და რუსულ ენებზე სწავლებით)—1, ქართულ-სომხური—9 და 1 სკოლა თბილისში ლათინურ (კათოლიკე-მისიონერთა ბავშვებისათვის), ქართულ და სომხურ ენებზე სწავლებით. ახალციხის ფაშალიქში 24 სკოლიდან იყო: ქართული—6, სომხური—9, თურქული—2, სომხურ-ქართული—2, თურქულ-არაბული (ე. ი. თურქულ და არაბულ ენებზე სწავლებით)—4 და 1 სკოლა ს. აწყურში ქართველი ებრაელებისათვის ებრაული ენის (წ-კითხვის) სწავლებით. იმერეთში 21 სკოლიდან 18 იყო ქართული და 3 ებრაული (ქ. ქუთაისში, სადაც სწავლობდნენ ებრაელი ბავშვები და ასწავლიდნენ ამავე ტომის მასწავლებლები. აქ, ებრაულ სკოლებზე, ებრაულ წ-კითხვასთან ერთად ასწავლიდნენ ქართულსაც).

ამგეაჩად, 1834—1835 წლისათვის ჩვენ ვლტებულობთ საქართველოს კერძო სკოლების ასეთ ქსელს:

ადგილმდებარეობა	კერძო სკოლების რიცხვი						მოსწავლეთა რიცხვი				
	ქართულ ენაზე	სომხურ ენაზე	თურქულ ენაზე	ქართულ-სომხურ	სხვა ენებზე	სულ	ქართველი	სომეხი	ოსმალ	სხვები	სულ
აღმოსავ. საქართველო	6	10	—	9	2	27	203	390	—	17	610
ახალციხის რაიონი	6	9	4	2	3	24	125	175	93	20	413
იმერეთი	18	—	—	—	3 ებრ.	21	401	—	—	33 ებრ.	434
სულ საქართველოში (გურია-სამეგრ., აჭარის, სვანეთისა და რაჭა-ლეჩხუმის გარეშე)	30	19	4	11	8	72	729	565	93	70	1457

XIX ს. დამდეგის კერძო პანსიონებიდან აღსანიშნავია პ. ნ. ახვერდოვას ქალთა პანსიონი, რომელიც დაარსდა ქ. თბილისში 1820 წელს ქართველი არისტოკრატიისა და მაღალი წოდების სამხედრო და სამოქალაქო პირთა შვილებისათვის.*

ახვერდოვას პანსიონში ასწავლიდნენ ქართულ, რუსულ და ფრანგულ ენებს, ანგარიშს, მუსიკას, ხატვას, ხელსაქმესა და ცეკვებს.

ამ პანსიონს გარდა თბილისში XIX ს. 20-იან წლებში არსებობდა აგრეთვე 3—4 ინტელიგენტური ოჯახი, რომლებსაც სათანადო საფასურით აპყავდათ აღსაზრდელად ბავშვთა პატარა ჯგუფები. ასწავლიდნენ რუსულ და ფრანგულ ენებს და მუსიკას.

საქართველოს ახალგაზრდობა კერძო სკოლებში მიდიოდა, პირველ ყოვლისა, იმიტომ რომ ცოტა იყო, როგორც აღვნიშნეთ, სახელმწიფო და სასულიერო სასწავლებელთა რიცხვი, განსაკუთრებით სოფლად, სადაც საერო სამრევლო სკოლები სრულებით არ არსებობდა. მეორეც—იმიტომ, რომ ამ მცირერიცხოვან სახელმწიფო და სასულიერო სკოლებში სწავლება მიმდინარეობდა არა ნუმბლიურ, ე. ი. არაგასაგებ ენაზე. ამ საერთო მიზეზებს, რომლებიც ყველა ადგილობრივ ეროვნებათა მოსწავლეებს თანაბრად აიძულებდა მიემართათ კერძო სკოლებისათვის,—საქართველოში მცხოვრებ სომეხ ახალგაზრდობისათვის ემატებოდა კიდევ ერთი მიზეზი: 30-იან წლებამდის საქართველოში სომხური ენა არ იყო დაშვებული არც სასწავლო საგნად და არც სწავლების საშუალებად. არ იყო არც სომხურ-მონოფიზიტური სამრევლო სკოლები. ეჩმიაძინის ეპარქიას, სიშორის გამო, არ შეეძლო თვალყური ედევნებინა საქართველოში მოსახლე სომხების განათლებისათვის, ხოლო საქართველოს მართლმადიდებელი ეკლესია და ეპარქია არ იყვნენ დაინტერესებული მონოფიზიტური სარწმუნოების სომეხი ახალგაზრდობის აღზრდა-განათლებით. 1834 წლისათვის საქართველოში იყო მხოლოდ 3 სომხურ-გრიგორიანული სასულიერო სკოლა (2 თბილისში და 1 პროვინციაში). იმიტომ გასაგებია, რომ სომხის სავაქრო ბურჟუაზია და ხელისანთა წოდება, რომლებსაც ყველაზე მეტად სჭირდებოდათ წერა-კითხვის ცოდნა, იძულებული იყვნენ შვილები კერძო სკოლებში ეტარებინათ. აქედან—მოზრდილი რიცხვი კერძო სომხური

* პ. ნ. ახვერდოვას პანსიონში იზრდებოდნენ პოეტ ალ. ჭავჭავაძის ქალიშვილებიც.

სკოლებისა აღმოსავლეთ საქართველოში და ახალციხის ოლქში, სადაც სახლდებოდა XIX ს. დასაწყისში ოსმალეთიდან და ირანიდან გამოსული სომხობა. მაგრამ კერძო სკოლები ხშირად არსდებოდა არა იმდენად ხალხის განათლებისათვის, რამდენადაც მათ შემნახველთა მატერიალური სარგებლობისათვის.

XIX ს. 30 იან წლების დასაწყისში კერძო სკოლებისა და საშინაო აღზრდის პრაქტიკა გაფართოვდა რუსეთის შიდა გუბერნიებშიც. მრავალი მოწინავე რუსი ადამიანი იყო ჩამბმული ამ პრაქტიკაში და ჩქარა რუსეთის ცენტრალური ქალაქების მრავალი კერძო სკოლა საგრძნობ კონკურენციას უწევდა მთავრობის სკოლებს თავის ავტორიტეტიანი პედაგოგიური პერსონალით. ეს გარეგონება ახალგაზრდობის საკმაოდ სოლიდურ რიცხვს იზიდავდა კერძო სკოლებსა და პანსიონებში. ამასთან, ძალიან ხშირად, კერძო სასწავლებლებიდან ხალხში გადიოდა აღზრდის ახალი პრინციპები და ზოგჯერ რევოლუციური იდეებიც. ნიკოლოზ I პერიოდის სასწავლო უწყებამ ადვილად შეეძლო დაენახა ამაში როგორც მთავრობისა და სასულიერო სასწავლებელთა ავტორიტეტის შელახვა, ისე 1830 წ. იგლისის რევოლუციისა და პოლონეთის 1830—31 წლის მოძრაობის გამომხაურების ნიშანი და „მთავრობის საწინააღმდეგო“ განწყობილების გავრცელების საშიშროება. მაგრამ, თუ კერძო სკოლების აკრძალვა ძნელი იყო, სამაგიეროდ ძალიან ადვილი აღმოჩნდა მათზე სასტიკი სახელმწიფო კონტროლის დაწესება. 1828 წლის წესდების მიხედვით კერძო სასწავლებლები ეპორჩილებოდნენ: „სატახტო და საგუბერნიო ქალაქებში—გინნაზიების დირექტორებს უშუალოდ, ხოლო სამაზრო და სხვა ქალაქებში—მაზრის სასწავლებელთა ზედამხედველს“ (§ 311). ამავე წესდებით კერძო სკოლათა პატრონებს მიეცათ გაფრთხილება: „თვალყური ადევნონ მასწავლებელთა სწავლებასაც, და თუ აღმოჩნდა, რომ ისინი ბოროტი განზრახვით ან თუნდაც დაუდევრობით, მანვე აზრებს უნერგავენ მოწაფეებს,—პასუხს აეგებს სასწავლებლის პატრონი ისევე, როგორც მასწავლებელი“ (§ 315). მაგრამ 1831 წლიდან კერძო სასწავლებელთა მეთვალყურეობა ეკისრებოდათ აგრეთვე სამხედრო და სამოქალაქო გუბერნატორებს, რომლებსაც ევალდებოდათ კერძო სკოლების გახსნისა და შენახვის წესების დარღვევის ყველა შემთხვევა ეცნობებინათ შინაგან საქმეთა და განათლების მინისტრებისათვის „მის იმპერატორობითი უმაღლესობისათვის მოსახსენებლად“.

საქართველოს კერძო სკოლები XIX ს. 40-იან წლებამდის თანაერთაი მოუწყობლობით, მერყევი სასწავლო გვიგებით და განათლების შინაარსით ვერც კი შეეძრებოდნენ მთავრობისა და სასულიერო უწყების სასწავლებელთ, მაგრამ მრავალი მათგანი თავისი აღმზრდელობითი გავლენით ადგილობრივ ახალგაზრდობაზე, სწავლების მშობლიური ენით და ეროვნული ხასიათით უფრო მეტად იზიდავდა მოწაფეებს, ვიდრე მთავრობისა და სასულიერო უწყების სათანადო სასწავლებლები. 1832 წლის „ქართველთა შეთქმულების“ აღმოჩენის შემდეგ კერძო ქართული სკოლების ეს „ეროვნული სული“ უკვე გარკვეულად აფიქრებდა მეუის ადგილობრივ ხელისუფლებას, და 1834 წელს საქართველოს მთავარმართებელმა როზენმა, ცენტრალური მთავრობის სათანადო მითითებათა საფუძველზე, გამოსცა ბრძანება იმ კერძო სკოლების დახურვის შესახებ, რომლებსაც არა ჰქონიათ ოფიციალური ნებართვა 1828 წლის წესდებისა და კერძო სასწავლებელთა შესახებ შემდგომ განკარგულებათა მიხედვით; ხოლო ნებართვის აღება კი ძალიან რთულ პროცედურას წარმოადგენდა, რაც შოგონებული იყო მხოლოდ იმისათვის, რომ გაეძნელებინათ მისი მიღება. მართლაც, საქართველოს კერძო სკოლების მდგომარეობა შემდგომ პერიოდში მთელი სიცხადით გვაჩვენებს, როგორ მცირდებოდა ქართველ სასულიერო პირთა და ერისკაცთა კერძო სკოლები და როგორ იზრდებოდა მათ მაგივრად რუს და უცხოელთა მიერ გახსნილ კერძო სკოლათა და პანსიონების რიცხვი.

XIX ს. 40-იანი წლებიდან კერძო სკოლები და პანსიონები, რომლებიც იხსნებოდა ხელისუფლების სათანადო ნებართვით, ამიერკავკასიისა და საქართველოს ქალაქებში, იმყოფებოდა ამიერკავკასიის სამმართველო საბჭოს სასწავლო ნაწილის, ხოლო 1849 წლიდან, კავკასიის სასწავლო ოლქის ორგანიზაციის შემდეგ, ამ უკანასკნელის მეთვალყურეობის ქვეშ.

1843 წელს, ამიერკავკასიის მთავარმართებელმა ნეიდგარდტმა, ნიკოლოზ პირველის 1842 წლის 12 ნოემბრის განაწესის მიხედვით, ნება დართო უფროს მასწავლებელ რაევსკის და სამაზრო სასწავლებლის შტატის ზედამხედველის მონასტირსკის მეუღლეს გაეხსნათ თბილისში 2 პანსიონი, პირველს—გაეებისა—25 მოწაფისათვის, ამ რიცხვის 60 მდე გადიდების უფლებით და მეორეს—ქალებისა—15-დან 30-მდე მოწაფისათვის.* 1845 წლამდე გაიხსნა კი-

* Акты, IX, 615.

დევ 2 კერძო ვაჟთა პანსიონი ჰაკესი და იანიცკისა. ქ. თბილისის 4 კერძო პანსიონში 1845 წელს სწავლობდა 163 მოწაფე.* რაევსკის პანსიონი 1845 წელს შეუერთდა ჰაკეს პანსიონს, გადავიდა თბილისის გიმნაზიის სასწავლო გეგმაზე და აძლიერდა მოწაფეებს საშუალო განათლებას,** სხვა პანსიონები კი მუშაობდნენ სამაზრო სასწავლებელთა ან გიმნაზიის პირველი საპი კლასის სასწავლო გეგმით.

კერძო პანსიონების რიცხვი სწრაფად იზრდებოდა თბილისში და ყველა ისინი, მეფის მოადგილის მ. გორონცოვის თქით, „სავსენი იყვნენ მოწაფეებით“.

XIX ს. 50-იანი წლების დასაწყისიდან პანსიონების გახსნა დაიწყო საქართველოს პროვინციაშიც. ცნობილია, მაგალითად, პანსიონები ქუთაისში და გორში. ქუთაისის პანსიონი გაიხსნა „კეთილშობილთა ბავშვებისათვის“ 50-იანი წლების დამლევს, ქუთაისის გენერალ გუბერნატორ კოლუბაჯინის (1855—1857) ინიციატივით, ხოლო გორის პანსიონი კი—რუსული ენის მასწავლებელ ნიკიტინისა და ფრანგული ენის მასწავლებელ დორეს ინიციატივით.***

იზრდებოდა აგრეთვე კავკასიის სასწავლო ოლქისაღმი დაქვემდებარებული კერძო სკოლების რიცხვიც. 52-იან წლებში მარტო ქ. თბილისში გაიხსნა 7 ახალი სკოლა-პანსიონი,**** მოსწავლეთა მოზრდილი კონტინგენტი. ამ პერიოდის ქ. თბილისის კერძო სკოლებიდან გამოირჩეოდა ტერ-აკოფოვის (და მონასტირცევის) სკოლა, გახსნილი 1858 წელს, რომელიც 1865 წლიდან გადაკეთდა კერძო გიმნაზიად; კანონიჩის ვაჟთა პანსიონი (გახსნილი 1859 წელს), რომელშიც 1863 წელს სწავლობდა ალ. ყაზბეგი. უფრო მეტად გაძლიერდა მოწაფეთა რიცხვი ქალთა კერძო სკოლებსა და პანსიონებში. „ამიერკავკასიის კეთილშობილ ქალთა ინსტიტუტი, წმ. ნინოს სახელობის აღმზრდელობითი დაწესებულება და ქალთა ზოგიერთი კერძო სასწავლებელი უკვე ველარ იტევენ საზოგადოებრივი აღზრდის მიღების ყველა მსურველს“-ო, —წერდა გაზეთი

* გაზ. „Заквказский вестник“ (არაოფიც. გამოცემა), 1845, № 7, 58.

** 1848 წლიდან, 4 წლის განმავლობაში, ჰაკესა და რაევსკის პანსიონში სწავლობდა ილია კავკავაძე, ხოლო 1859—1862 წლებში კი—ალ. ყაზბეგი.

*** გორის პანსიონში 50-იანი წლების მეორე ნახევარში იზრდებოდა მწერალი დავით გიორგის-ძე ერისთავი.

**** საქ. ცენტრ. არქ. საქმე კერძო სასწავლებელთა შესახებ—№ 4.

„კავკაზ“-ი 1854 წელში (№ 69). ამ გარემოებამ მისცა საბაზი ამ ერ-
კავკასიის ქალთა ინსტიტუტის ყ. დამრიგებელს ევგენია ფავრს,
„თავის მრავალრიცხოვან ნაცნობთა თხოვნით“ გაეხსნა თბილისში
ქალთა პანსიონი 1854 წელს.* გახსნის პირველსავე წელს იქნა მი-
ღებული 47 ქალიშვილი. პირველად ფავრის პანსიონი ორწლიანი
კურსით განისაზღვრებოდა. ასწავლიდნენ საღვთო სჯულს, არით-
მეტიკას, გეოგრაფიას, ისტორიას, რუსულს, ფრანგულს, ქართულს
და სომხურ (მსურველთ) ენებს. პანსიონში შენახვის ქირა წელი-
წადში განისაზღვრებოდა 210 მანეთით. ძალაში ჩქარა ფავრის პან-
სიონის სწავლის კურსი გაგრძელებულ იქნა 4 წლამდე, შემდეგ
6-მდე, ხოლო 1875 წლიდან ის გადაკეთდა კერძო გიმნაზიად.**
ევგენია ფავრის შემდეგ პანსიონს ხელმძღვანელობდა დენისოვას
(დენისენკოა) ქალი, ხოლო 1875 წლიდან გადავიდა მარსოვების
ხელში.

ამ კერძო სკოლებსა და პანსიონებს გარდა, 50-იან წლებში თბი-
ლისში არსებობდა მუსიკალური სკოლა არტისტ ლიუდვიგ ძაი-
ნოს ხელმძღვანელობით.*** ქართველთაგან ამ სკოლაში მიაღეს მუსი-
კალური განათლება მომღერლებმა ქორიძემ (ბაი) და ბერიძემ
(ტენორი), რომელიც წარმატებით გამოდიოდა თბილისში 60-იან
წლებში.

14. ბუჩინსა და სამეგრელოს მფლობელთა სკოლები

XIX ს. 30 იან წლების საქართველოში სახელმწიფო სასულიერო
და კერძო სკოლებს გარდა, არსებობდა სამეგრელოსა და გურიის
მფლობელთა მიერ დაარსებული სასწავლებლებიც.

მამია გურიელმა (1789—1826), გურიის უკანასკნელმა მთა-
ვარმა, „რომელიც ზრუნავდა ხალხის მოქალაქეობის განათლე-
ბისათვის, ყმაწვილთა სასწავლებლად გააჩინა მან ოზურგეთში
სკოლა... ზნობათა გასანათლებლად დააწესა მან თავის სახლში
სალამოს შესაქცევი შეკრებილება ასამბლეების მსგავსად (ე. ი. ბა-

* Акты, XI, 965

** ფავრის პანსიონში იხრდებოდნენ ქართველი მწერალი ქალები ეკა-
ტერინე გაბაშვილი და ანასტასია თუმანიშვილი-წერეთლისა
(1858 წლიდან).

*** „Кавказ“, 1866, № 67; 1869, № 30.

ლისა), გამოიყვანა ევროპიდან მუსიკის მასწავლებელი, შეადგინა თავისი მუსიკა და ჩვეულებად გააჩინა ევროპიული ტანცები*.

ამგვარად, 30-იანი წლების პირველ ნახევარში გურიის მთავარი აარსებს სკოლას ქ. ოზურგეთში, ხელს უწყობს მუსიკალურ განათლებას და საერთოდ ევროპული კულტურის გავრცელებას თავის მხარეში.

ასეთივე მზრუნველობას განათლებაზე სამეგრელოში იჩენდა ამ მხარის ავტორი მმართველი ნიკო დადიანი. 1818 წ. მის მიერ სამეგრელოს მფლობელის ლ. დადიანისათვის (1732—1845) შედგენილი „დასტურლამა“-ს ერთ-ერთი პუნქტი მოიხზოვდა:

„უშჯობეს ამათდა და უპირველეს ამათსა, სახსოვრად შენასა ვინაობისა და კეთილობისათვის, და აგრეთვე საზოგადოდ მზრუნველობისათვის შეილთა მამულთა შენთასა, მოიყვანეთ ერთი სხოლასტიკოსი (ესე იგი მასწავლებელი), რომელმან იცოდეს ქართული და რუსული სამეცნიერო წერილი და დაადგინეთ სადაც ჯერ გიჩნდეს სამფლობელოსა თქვენსა თვისისა სახლით და სახმარებელითა, რათა განანათლოს ძენი შენნი და შეილნი მამულთა შენთანი და იქნეს ყოვლითურთ ბედნიერება სამფლობელოსა შინა შენსა და შენ დაუვიწყებლად გადიდებდენ და სახელი შენი დაიწეროს აღუზოცელსა ძველსა ზედა; და იქნე შენ მაჰა ძველისა კოლხიდაისა, ვითარცა რუსეთისა პირველი პეტრე ალექსის-ძე, და გეწოდოს ლეონ, განმანათლებელი და განმახლებელი კოლხიდაისა (ე. ი. მენღრელიისა)“.**

1830 წელს, გარდა 1829 წლას წესდების მიხედვით ს. ნაოლალეში გახსნილ სამაზრო სასწავლებლისა, ლევან დადიანმა გადასწყვიტა განსაკუთრებული სკოლის დაარსება სამეგრელოს წარჩინებული გვარეულებისათვის. ამავე წელს ი' სთხოვდა აღშოს. საქართველოს სამოქალაქო გუბერნატორს—ტრეკალოვს „დაენაშნა მასწავლებელი სამეგრელოს ნორჩ თავადთა და აზნაურთათვის. ეს წარმოადგენს ჩვენს საერთო სურვილს“-ო,** სწერდა ლევან დადიანი. მან გამოჰყო სპეციალური შენობა სკოლისათვის, დაუნიშნა მასწავლებელს სრული კმაყოფა და 200 მანეთი ჯამაგირი წლიურად.

* „გურიის აპბები“, გურიის უკანასკნელი მთავარი მამია გურიელი და კნინა ეკატერინე მამია გურიელის ასული ჩაჩუასი, 55.

** ნიკო დადიანი, „დასტურლამა“, 38.

*** Акты, VII, 393.

15. სასოფლო სკოლების შექმნა

ამგვარად, 40 იანი წლებისათვის მთელს დასავლეთ საქართველოში (მომავალ ქუთაისის გუბერნიაში) იყო მხოლოდ 2 სახელმწიფო (მთავრობის) სამაზრო სასწავლებელი—ქ. ქუთაისსა და ს. ნაოლაღეში, ერთი სამაზრო სასულიერო სასწავლებელი ს. მარტვილში და ორი სკოლა—გურიის მთავრისა და სამეგრელოს მფლობელისა. თუ გავიხსენებთ, რომ ეკლესია-მონასტრებთან არსებული კერძო სკოლები, ელემენტარული იყვნენ,—შევვიძლია დავრწმუნდეთ, რომ დასავლეთ საქართველოს ახალგაზრდობა მოკლებული იყო რიგიანი დაწყებითი განათლების მიღების საშუალებასაც კი.

ამიერკავკასიის სასწავლებელთა 1829 წლის „დებულება“, როგორც აღვნიშნეთ, გვერდს უვლიდა სამრევლო სკოლებს, რომლებიც გათვალისწინებული იყო რუსეთის 1828 წლის წესდებით. სამრევლო სკოლები ამ წესდების მიხედვით განკუთვნილი იყო უმთავრესად სოფლის მოსახლეობისათვის, ე. ი. ხალხის ფართო წრეებისათვის და ამიტომ მათი მიჩქმალვა ნიშნავდა სახალხო სკოლების უარყოფას, გლახთა განათლების უგულვებელყოფას. მეფის რუსეთი, 1828 წ. წესდებით, რუს ხალხს ასე თუ ისე მაინც აძლევდა განათლების ელემენტარულ საშუალებას—სამრევლო სკოლებს, მაგრამ ამიერკავკასიის ხალხებს ამ მიზერულ სიკეთესაც კი უსპობდა. მართალია, ამიერკავკასიის სამაზრო სასწავლებლები ბევრით არ განსხვავდებოდნენ 1828 წლის წესდებით გათვალისწინებულ სამრევლო სკოლებისაგან, მაგრამ ეს სასწავლებლები ამიერკავკასიის 1829 წ. დებულებით არსებობდნენ მხოლოდ სამაზრო და სხვა ქალაქებში. ისინი, ამგვარად, მომსახურებას უწყევდნენ ქალაქის მოსახლეობას, თავადაზნაურებს და მოხელეებს (ამასვე ამტკიცებს ამ სასწავლებელთა მოწაფეების ზემოაღნიშნული სოციალური შემადგენლობაც). საქართველოსა და ამიერკავკასიის სოფლის მოსახლეობა, უმთავრესად მშრომელი გლეხობა, მოკლებული იყო მთავრობის სასწავლებლებს. 1829 წ. „ამიერკავკასიის სასწავლებელთა დებულება“, ისევე როგორც შემდეგ დებულებები, ნათლად ადასტურებდა ცარიზმის პოლიტიკას „ინოროღების“ მიმართ, რომელიც „განზრახ ანვითარებდა განაპირა ქვეყნებში პატრიარქალურ-ფეოდალურ ჩაგვრას, რომ მასები მონობაში და მცონარეობაში ჰყოლოდა“ (ს ტ ა ლ ი ნ ი).

ყოველ შუამდგომლობას მოსახლეობისათვის სკოლების გახსნის შესახებ უშედეგოდ სტოვებდნენ და ეს ხდებოდა ხალხის მღელვარების ერთ-ერთ მიზეზად. ბოლოს, საქართველოს ეგზარხოსი ევგენი იძულებული იყო ამ გარეუბებისათვის მიექცია მთავრობის ყურადღება, და თავის საიდუმლო მიმართვაში ამიერკავკასიის მხარის მთავარმართებელ გოლოვინისადმი 1839 წელს, აღნიშნავდა რა, რომ ქუთაისის ერთადერთი სასწავლებელი არ არის საქარისი მთელი იმერეთისა და გურიისათვის, აუცილებლად მიაჩნდა „მთავრობას გაეხსნა სახალხო სკოლები იმერეთისა და გურიის სხვა ოლქებში“, * მაგრამ გოლოვინი არ ჩქარობდა.

საქართველოში სასკოლო ქსელის გაშლას არანაკლებ აფერხებდა თავადაზნაურობის სხვადასხვა წარმომადგენელიც. ბატონყვობის ინსტიტუტი, როგორც ცნობილია, მემამულეებს აძლევდა საკუთრების უფლებას თავიანთ ყმებზე. ეს უკანასკნელები მოკლებული იყვნენ როგორც ყველა საპოქალაქო, ისე განათლების უფლებასაც. თავის მებატონეთა ნებართვის გარეშე მათ არ შეეძლოთ მიებარებინათ შვილები როველიმე სასწავლებელში. ძალიან უხეშად სარგებლობდა ზოგიერთი თავადაზნაური თავისი უფლებით, და იმის შიშით, რომ ხელიდან არ წასვლოდა სკოლაში მიბარებული თავის ყმათა შვილები, ის ართმევდა მათ საეკლესიო და ელემენტარული სკოლებით სარგებლობის უფლებასაც კი. ასე, სოფ. თორთიზის მღვდელი ჩინჩალაძე 1818 წელს ატყობინებდა საქართველოს ეგზარხოს ფეოვულაქტეს, რომ თავადმა დიასამიძემ ნება არ დართო მას გაეგზავნა თავისი შვილი გორის სასულიერო სასწავლებელში, რადგანაც თავადი მას თავის ყმად სთვლიდა**. 1820 წელს, თელავის მაზრის აზნაურმა პ. სულხანიშვილმა თბილისის სასულიერო სემინარიის აღმინისტრაციას მოსთხოვა გამოერაცხა სემინარიიდან მოწაფე ქიტუნაშვილი (მარკოზოვი), როგორც მისი ყმა, რომელიც შეესულა ამ სასწავლებელში მისი ნებართვის გარეშე (სემინარიის აღმინისტრაციამ დაუკონფერირებლად შეასრულა პატივცემული აზნაურის მოთხოვნა). ასეთ ფაქტებს ადგილი ჰქონდა შემდეგაც. საქართველოს ზემოხსენებული ეგზარხოსი ევგენი სწერდა გოლოვინს: „გურიის არხიზანდრიტმა არსენმა 1836 წლის 23 ივლისს შემატყობინა მე, რომ გურიაში განხრახული სასულიერო სას-

* Акты, IX, 107.

** საქ. ცენტრ. არქივი, ფ. 139, ს. 201.

წავლებელი შეუძლებელია გაიხსნას იმის გამო, რომ იქაური მფლობელები არ აძლევენ ნებას ეკლესიის მსახურთ გაგზავნონ შვილები სასწავლებელში, რადგანაც ეშინიათ დაჰკარგონ მათზე თავისი მემამულეებრივი უფლება“.* 1844 წელს სოფ. ქსოვრისის მღვდელი ბუაძე სწერდა: „ჩემი ეკლესიის მრევლის ხალხი, ზოგი თავისი დაუდევრობით, ხოლო ზოგიერთი კი მემამულის ბრძანებით არ აძლევს თავის შვილებს სოფლის სასწავლებელში“**. ასე, მეფის ხელისუფლებასთან ერთად საქართველოს მემამულეებიც საგრძნობლად აფერხებდნენ ქართველი გლეხობის განათლების საქმეს.

16. ეროვნულ უმყირასოაჟო განათლების საქმე

33—40 წლებში განათლებისადმი გარკვეულ ინტერესს იჩენდნენ საქართველოში მოსახლე სხვა ეროვნებანიც. საგანგებოდ უნდა აღინიშნოს სამხრეთ-ოსები. არაერთხელ მიუმართავთ მათ საქართველოს მთავარმართებელთადმი სკოლების გახსნის შესახებ. 1834 წელს როზენი სწერდა სამხედრო მინისტრს ა. ჩერნიშევს „საკუთრივ ოსების საზოგადოებათა სურვილზე, რომ მათ ჰქონდეთ სასწავლებლები ბავშვთა გასანათლებლად“.—„მთელი საზოგადოებები უშამდგომლობდნენ,—სწერდა მათზე როზენი,—მღვდლების გაგზავნისა და სკოლების გახსნის შესახებ“*** მაგრამ სკოლებისა და მასწავლებელთა მაგიერად სამხრეთ-ოსებს მისცეს მაშინ ერთი ბოქაული და გაუხსნეს პოლიციელ ყაზახთა პოსტები.

არც შემდეგ შესუსტებულა ამიერკავკასიის პატარა ერების ლტოლვა განათლებისაკენ; ამ მხარის მმართველობის სისტემის რეორგანიზაციისათვის გამოყოფილა სახელმწიფოს საბჭოს კომისია (სენატორ განის კომისია) 1841 წელს იძულებული იყო აღენიშნა ეს ფაქტი თავის გადაწყვეტილებაში „სახალხო სკოლების შესახებ“: „ამიერკავკასიის მხარის მოსახლეთა სურვილი მიაბარონ თავიანთი შვილები სასწავლებელში იმდენად ძლიერია, რომ შორეული მთიულეებიც კი, ისეთები, როგორც არიან ქარას ლეკები და ოსები, გამუდმებით სთხოვენ ამის შესახებ მმართველობას. ვსცნობდით რა სასარგებლოდ და საჭიროდ რამდენადაც შეიძლებოდა ხელი შეგვეწყო

* Акты, IX, 105.

** საქ. ცენტრ. არქივი, ფ. 115, ფრც. 224.

*** Акты, VIII, 426—7.

განათლებისაკენ ამიერკავკასიელთა ასეთ შესანიშნავი ლტოლვისათვის, ჩვენ მივიღეთ ზომები ბავშვთა მოსათავსებლად სამრევლო სკოლებში*.* მაგრამ ამ ზომების რეალობის შესახებ ლაპარაკობს ის ფაქტი, რომ იმ დროს და 40-იან—50-იან წლების განმავლობაში არც სამხრეთ ოსეთში და არც ქარის პროვინციაში არ იყო და არც გაუხსნიათ არცერთი სამრევლო სკოლაც კი, ხოლო სხვაგან არსებულ სკოლებში ოსები და ლეკები ერთეულებსაც ძლივს წარმოადგენდნენ.

სხვა ეროვნებათა სკოლებიდან XIX ს. 30-იან წლებში აღსანიშნავია ერთი ბერძნული და ორი გერმანული სკოლა. პირველი არსებობდა ბორჩალოს დისტანციაში, ალავერდის ქარხანასთან, ბერძენი მოსახლეობის ბავშვებისათვის. ასწავლიდნენ ბერძნულ და რუსულ წერა-კითხვას და ანგარიშს. გერმანელთა სკოლები არსებობდა თბილისსა და ეკატერინოფელდში (ბორჩალოს დისტანცია) გერმანელი კოლონისტებისათვის.** ეს სკოლებიც პირველდაწყებითი საფეხურისა იყვნენ. გერმანული და რუსული ენების და ანგარიშს გარდა, აქ (მაგ., ეკატერინოფელდში) პრივატული წესით, პრაქტიკულად ასწავლიდნენ მებაღეობისა და მებოსტნეობის ელემენტებს.

17. 1835 წლის დებულება

ამიერკავკასიის სასწავლებელთა უშუალო მმართველობა 1829 წ. ადგილობრივი დებულების მიხედვით დაკისრებული ჰქონდა თბილისის გენერალ-დირექტორს, რომელიც ამავე დროს ითვლებოდა ამიერკავკასიის სასწავლებელთა დირექტორადაც. საერთო ხელმძღვანელობას კი ახორციელებდა საქართველოს მთავარმართველი, რომელიც სახალხო განათლების საკითხებზე უშუალოდ უკავშირდებოდა რუსეთის განათლების მინისტრს.

1829 წლის „ამიერკავკასიის სასწავლებელთა დებულების“ გამოყენების 5 წლის გამოცდილებამ ცხადჰყო, რომ ის არ უპასუხებდა ადგილობრივი ცხოვრების მოთხოვნილებებს. მისი ვითომდა „სპეციფიკურობა“, ამიერკავკასიის პირობებისადმი შეფარდების თვალსაზრისით, ფიქტია აღმოჩნდა; ის არ უწევდა ანგარიშს ადგილობრივი მოსახლეობის ნაციონალურ თავისებურებებს, არც ტერიტო-

* Акты, IX, 93.

** „Российские владения за Кавказом“, II, 260.

რიულ ფაქტორს სასწავლებელთა განაწილების საქმეში, არც ერთიანობასა და თანამიმდევრობას სასკოლო განათლების სისტემაში და არც მოსწავლეთა მომზადებას ადგილობრივი პრაქტიკული ცხოვრებისათვის. ამას გარდა, არ ყოფილა დაარსებული ამ დებულებით გათვალისწინებული ყველა სკოლა. სასწავლებელთა რიცხვი სრულებით არ შეეფერებოდა სწავლის მსურველთა რიცხვს. თვით ქალაქ თბილისშიც კი, 1830 წლისათვის, დაახლოებით 30.000 მცხოვრებზე იყო მხოლოდ მთავრობის ერთი სასწავლებელი—გიმნაზია, ერთი სასულიერო სემინარია, სასულიერო სასწავლებლით და ერთიც სომხურ-გრიგორიანული სასულიერო სასწავლებელი.

1832 წ. „ქართული საიდუმლო საზოგადოების“ წევრები ს. დოდაშვილი და ზ. ავთანდილაშვილი საგამომძიებლო ორგანოების დაკითხვებზე აცხადებდნენ, რომ საზოგადოების წევრთა შეხვედრებზე ისინი „ლაპარაკობდნენ საქართველოს სასწავლებელთა მცირერიცხოვანობაზე, ბიბლიოთეკისა და სტამბის მოწყობაზე, ღარიბ მოსწავლეთა დახმარებაზე, რუსეთის უნივერსიტეტებში ახალგაზრდობის გაგზავნაზე და სხვა კულტურულ საკითხებზე. მაგრამ „საიდუმლო საზოგადოების“ აღმოჩენა-ლიკვიდაციით გაქრა მისი საგანმანათლებლო პერსპექტივებიც.

მეფის მთავრობა არც 1832 წლის შემდეგ ფიქრობდა საქართველოსა და ამიერკავკასიის სახალხო განათლების სისტემის რადიკალურ გარდაქმნას, მაგრამ ზემოაღნიშნული გარემოებანი დაბეჯითებით მოითხოვდნენ მასში სათანადო ცვლილებების შეტანის აუცილებლობას და, პირველ ყოვლისა, 1829 წლის დებულების შეცვლას. საქართველოს მთავარმართებელ როზენის განკარგულებით და რუსეთის განათლების მინისტრის უეაროვის თანხმობით, 1834 წელს შეადგინეს ამიერკავკასიის სასწავლებელთა ახალი დებულება, რომელიც „უმალღესად“ იქნა დამტკიცებული 1835 წლის 12 მაისს.*

ამიერკავკასიის სასწავლებელთა ახალი, 1835 წლის, დებულება ბევრად იმეორებდა 1829 წლის დებულებას, მაგრამ ის რამდენადმე მაინც ითვალისწინებდა ადგილობრივ თავისებურებებს. პირველ ყოვლისა, 1835 წლის დებულება სპობდა გათიშვას გიმნაზიასა და სამაზრო სასწავლებელთა შორის იმით, რომ უკანასკნელთათვის ითვალისწინებდა 3 კლასს, ნაცვლად 2 კლასისა, რომელიც 1829 წლის დებულებით იყო ნაგულისხმევი. ამასთან დაკავშირებით სამაზრო

* ПСЗРИ, X, 406, № 8, 123.

სასწავლებელთა სასწავლო გეგმაში შეტანილ იქნა: 1) საღვთო სჯული, 2) რუსული ენა (გრამატიკა), 3) გეოგრაფია, 4) ისტორია, 5) არითმეტიკა, 6) დაწყებითი გეომეტრია, 7) სუფთაწერა, 8) ხატვა და ხაზვა, 9) ადგილობრივი ენები. ამით სამაზრო სასწავლებელთა კურსდამთავრებულებს უკვე რეალური საშუალება ეძლეოდათ შესულიყვნენ გიმნაზიის შესაფერის (ცოდნის მიხედვით) კლასში (ეს უფლება ფორმალურად დეკლარირებული იყო 1829 წლის დებულებითაც, მაგრამ ფაქტიურად, როგორც აღვნიშნავდით, სამაზრო სასწავლებელთა შეზღუდვა სამრევლო სკოლების სასწავლო საგნებით აუქმებდა მას).

ამასთან, 1835 წლის დებულება, გამოდიოდა რა იმ ფაქტიდან, რომ ადგილობრივი მოსახლეობის ბავშვებს სწავლის პირველ წლებში არ ესმოდათ რუსული ენა, შესაძლებლად აღიარებდა გიმნაზიის პირველ ორ კლასში გაკვეთილების ახსნა ეწარმოებიათ ადგილობრივ, მშობლიურ, ენაზე. ხოლო სამაზრო სასწავლებლებში, ამ უფლების გარდა, დებულება ნებას აძლევდა მასწავლებლებს, საჭიროების შემთხვევებში, დედა-ენისათვის მიემართათ უფროს (მე-3) კლასშიც.

აღსანიშნავია, რომ 1835 წლის დებულებით სამეგრელოსათვის ადგილობრივ (სახალხო) ენად, მართალია, ცნობილი იყო მეგრული, მაგრამ რადგანაც ამ ენაზე მწერლობა არ არსებობდა, სამეგრელოს სკოლებში შემოდიოდა ქართული ენის სწავლება.

1835 წლის დებულებით გათვალისწინებული იყო აგრეთვე ყოველწლიურად 10-მდე „კეთილზნობიანი, ნიჭიერი და სწავლაში წარჩინებული თავადაზნაურული შთამომავლობის ბავშვების“ გზავნა რუსეთის კადეტთა კორპუსებში და 5-მდე თბილისის გიმნაზიის წარჩინებულად კურსდამთავრებულ მოსწავლეთა გზავნა რუსეთის უნივერსიტეტებში.

18. ქალთა განათლება

40-იანი წლების დასაწყისში, როგორც თავიდანვე აღვნიშნეთ, საქართველოს კულტურულ „დაპყრობას“ მეფის ხელისუფლება აწარმოებდა ქართული საზოგადოებრივი ცხოვრების ყოველი დარგის გაძლიერებული რუსიფიკაციით.

ამ პოლიტიკის პრაქტიკულ გატარებას რუსეთის ბიუროკრატია აკისრებდა სკოლას, თეატრს, პრესას, ეკლესიას და სხვა საზოგა-

დობრივ დაწესებულებებს. მაგრამ 40-იანი წლების დასაწყისიდან ამ პოლიტიკას იგი აკისრებდა აგრეთვე ოჯახს, როგორც უფრო ეფექტიან საშუალებას. ამ მიზნით, პირველ ყოვლისა, უფრო ადვილი იქნებოდა თავადაზნაურთა ანუ „კეთილშობილთა“ ოჯახების გამოყენება. ილია ჭავჭავაძის თქმით, „თევზის გახრწნა თავით იწყება“, და მართლაც, მაშინდელი ქართველი ხალხის „მოთავედ“-ალიარებულ თავადაზნაურობაში ყველაზე ადრე გამოჩნდა გადაგვარების ნიშნები. ყველაზე ადრე ამ წოდებამ დაიწყო თავისი დედაენის შეცვლა რუსული ან ფრანგული ენით, ყველაზე ადრე მან დაიწყო თავისი წრის ბავშვების აღზრდა მშობლიური ენის გარეშე. მეფის ხელისუფლების ადგილობრივი წარმომადგენლები ყოველნაირად უწყობდნენ ხელს ასეთი განწყობილებების გაღრმავებას ქართველ თავადაზნაურობაში და ამ მიზნის მიღწევის ერთ-ერთ საშუალებად მათ მიაჩნდათ თავადაზნაურთა ოჯახის ქალების, მომავალი დედების, აღზრდა რუსული თვითმპყრობელური სულისკვეთებით.

მეორე მხრით, ვხედავთ საწინააღმდეგო ტენდენციას: XIX ს. 40-იანი წლებში საქართველოს კულტურულ-საგანმანათლებლო ცხოვრებაში შესამჩნევად გაიზარდა დაბალი ფენებიდან გამოსულ ქართველ ქალთა როლი. წიგნიერების არაოფიციალური გავრცელების საქმეში ისინი წარმოადგენდნენ მთავარ ძალას. ქალები კრეფდნენ ბავშვებს თავიანთ სახლებში და ასწავლიდნენ ქართულ წერა-კითხვას და ანგარიშს, ისინი აწყობდნენ „კვირადღის სკოლებს“ მოზრდილთათვის, აწყობდნენ პატარა ბიბლიოთეკებს და ხელს უწყობდნენ წიგნის გავრცელებას მოსახლეობაში. ყოველივე ეს მოითხოვდა ამ ქალთა ზოგადი და პედაგოგიური კულტურის ამაღლებას და მათ ფართოდ გამოყენებას საგანმანათლებლო მუშაობაში. ამასთან, საოჯახო აღზრდის პრაქტიკის გაუმჯობესების ამოცანები კიდევ უფრო აძლიერებდნენ ამ აუცილებლობას. მაგრამ მთავრობა არ ზრუნავდა მშრომელ ქალთა არც ზოგად განათლებაზე და არც მათ მონაზღებრაზე პედაგოგიური მოღვაწეობისათვის.

შემთხვევითი არ იყო ის გარემოება, რომ რუსეთის იმპერიის 1804-ისა და 1828 წლის წესდებებზე და ამიერკავკასიის 1829-ისა და 1835 წლის დებულებები სასწავლებელთა შესახებ არ ითვალისწინებდნენ ქალთა განათლებას: მის საქიროებასა და ორგანიზაციას. ამ ფაქტშიც ნახა თავისი მკაფიო გამოხატულება ქალთა უუფლებო მდგომარეობამ რევოლუციამდელ რუსეთში. მაგრამ სხვა იყო „კეთილშობილი“ ქალი და მისი აღზრდა-განათლება. მეფის ხელისუფ-

ალებას არ შეეძლო არ გამოეჩინა მისადმი სათანადო მზრუნველობა და ჯერ კიდევ 1764 წელს დაარსდა პეტერბურგში „კეთილშობილ ქალთა ინსტიტუტი“, რომელიც შემდეგ სმოლნის ინსტიტუტის სახელით იყო ცნობილი. XIX ს. დასაწყისიდან მსხვილ საკუბერნიო ქალაქებშიც დაარსდა კეთილშობილ ქალთა ინსტიტუტები, თუმცა საერთო სახალხო განათლების სისტემაში ისინი არ შედიოდნენ.

საკმაო მზრუნველობით ეკიდებოდა რუსეთის მთავრობა ქართველ არისტოკრატ ქალთა აღზრდის საქმესაც.

1830 წელს საქართველოს მთავარმართებელმა პასკევიჩმა „რუსეთში მცხოვრებ არისტოკრატიის მოხსენებით“ აღძრა შუამდგომლობა თბილისში „მცირეწლოვან კეთილშობილ ქალწულთათვის“ პანსიონის გახსნისა და ამ მიზნით ყოველწლიურად 2500 მანეთის გაღების შესახებ.* პანსიონი იმავე წელს იქნა გახსნილი. მოსწავლეთა კონტინგენტი განასაზღვრებოდა 30-ით. პანსიონს პირველად განაგებდა კომერსანტ კასტელას ქერიევი, რომელსაც ჰქონდა სათანადო პედაგოგიური გამოცდილება „ეკატერინეს სახელობის კეთილშობილ ქალთა ინსტიტუტში“ (პეტერბურგი) მუშაობისა. თბილისის „კეთილშობილ ქალთა პანსიონი“ არ სარგებლობდა საზოგადოების ყურადღებით.** სასწავლო აღმზრდელობითი მუშაობა ძალიან დაბალ დონეზე იდგა აქ და ვერც მოსწავლეთა საკმაო რიცხვს იზიდავდა. თავისი არსებობის 10 წლის მანძილზე მან ძალიან ცოტა გააკეთა იმისათვის, რომ ადგილობრივ ქალთა შორის ევროპული კულტურა დაენერგა და მათგან საუკეთესო დედები აღეზარდა. ამის გამო აღნიშნული პანსიონი 1840 წელს, მთავარმართებელ გოლოვინის დროს, გადაკეთებულ იქნა „ამიერკავკასიის ქალთა ინსტიტუტად“. წესდება და შტატი დამტკიცებულ იქნა „უმალლესად“ იმავე 1840 წელს, მაგრამ ხარჯთაღრიცხვა გათვალისწინებულ იქნა 1841 წელს და ინსტიტუტმა ფაქტიურად მუშაობა 1842 წლიდან დაიწყო.

ამიერკავკასიის ქალთა ინსტიტუტი (ქ. თბილისში) გათვალისწინებული იყო თავადაზნაურთა და მოხელეთა წოდების

* Акты, VII, 68—69.

** მაგალითად. 1832 წელს, საკმარისი იყო პანსიონის გამგის, კასტელას ქერიევის, გათხოვება და თბილისიდან წასვლა, რომ პანსიონი დროებით დახურულიყო. საქართველოს ახალმა მთავარმართებელმა როზენმა იმავე წელს აღადგინა იგი და გამგედ დანიშნა მორდვინოვა—დანილევჩიჩი.

80 ქალიშვილისათვის. აქედან 60 უნდა ყოფილიყო სახაზინო ხარჯზე, ხოლო 20 კი—საკუთარზე. ინსტიტუტში იყო 3 კლასი, თითოეული 2 განყოფილებით. სწავლა თითოეულ კლასში გრძელდებოდა 2 წელს. ინსტიტუტის სასწავლო გეგმაში შედიოდა: საღვთო სჯული, ისტორია, რუსული ენა და ლიტერატურა, ფრანგული ენა და ლიტერატურა, გეოგრაფია, ფიზიკა, ბუნებისმეტყველება, არითმეტიკა, ქართული ენა (მსურველთათვის), სომხური ენა (მსურველთათვის), ხატვა, ხელსაქმე, მუსიკა და ცეკვები.

ინსტიტუტი იმყოფებოდა სახელმწიფო ბიუჯეტზე; პირველ ხანად მასზე იხარჯებოდა 24.000 მანეთი წელიწადში.

ამიერკავკასიის ქალთა ინსტიტუტი იყო დახურული ტიპის სასწავლებელი, პანსიონით. ის მოწყვეტილი იყო საზოგადოებრივ ცხოვრებას და პროგრესულ იდეებს. მისი რეჟიმი გამოირჩეოდა სიმკაცრით და კარჩაკეტილობით. პედაგოგიური პერსონალი არ იღვავათავისი დანიშნულების სიმაღლეზე. ინსტიტუტში ყველაზე უფრო მნიშვნელოვნად სთვლიდნენ ესწავლებინათ ბავშვებისათვის ფრანგული ენა,* ცეკვები და „წესიერ საზოგადოებაში“ თავისდაქერის მანერები, გონებრივ განათლებას და პრაქტიკული ცხოვრებისათვის. მომზადებას კი ნაკლები ყურადღება ექცეოდა. ამით აიხსნება, რომ ამიერკავკასიის ქალთა ინსტიტუტი, რომელსაც „კეთილშობილ ქალთა ინსტიტუტი“ ეწოდებოდა, არ ამზადებდა საზოგადოების განათლებულ წევრებს და კარგ აღმზრდელებს. ისინი ძალზე მოწყვეტილი იყვნენ სამოქალაქო, საზოგადოებრივ ცხოვრებას. ქალთა აღზრდის საქმის კარგი მცოდნე რუსი მწერალი ნ. ვ. გოგოლი წერდა, რომ „კარგ აღზრდას, როგორც ცნობილია, იძენენ პანსიონებში, ხოლო პანსიონებში, როგორც ცნობილია, კეთილ-სათნოების საფუძველს წარმოადგენს სამი საგანი: ფრანგული ენა—აუცილებელი საოჯახო ცხოვრების ბედნიერებისათვის, ფორტეპიანო—მეუღლის სასიამოვნო წუთებისათვის და, ბოლოს, საკუთრივ, სამეურნეო ნაწილი: ქსოვა ქისებისა და სიურპრიზებისა“. ქართველი „პანსიონერების“ შესახებ ამ სტილით ლაპარაკობდა მწერალი გრიგოლ ორბელიანიც: 1834 წელს ერთ-ერთ წერილში ნინო ჭავჭავაძე—გრი-

* ამ ინსტიტუტის ქალთა აღზრდა-განათლების სწორედ ეს მხარე აღნიშნა. მოგზაურმა ა. ჰაკსტაუზენმა 1843 წელს: „თბილისში ამჟამად უკვე არსებობს დიდი პანსიონი, სადაც ქართველი ქალიშვილები ფრანგულად მუსაიფობენ და კითხულობენ ბალხაკის რომანებს“ („Завказский край“, I, 77).

ბოედოვისადმი, პანსიონერი ქართველი ქალიშვილების* შესახებ წერდა: „...მიუბარენ პანსიონში, სადაც ისწავლეს რამდენიმე ფრანგული სიტყვა და შესცვალეს რა ქოშები „ბაშმაკებით“, ჰგონიათ, რომ დაამთავრეს აღზრდის კურსი. ნახევრად რუსები, ნახევრად ფრანგები, ნახევრად ქართველები—ნუთუ მათ შეუძლიანთ იყვნენ კეთილი ცოლები“?*** ასე აფასებდნენ პანსიონერ ქალთა აღზრდა-განათლებას ჩვენი გამოჩენილი მწერლები და, ცხადია, არც ტყუვდებოდა მათი დაკვირვებული თვალი.

1846 წელს თბილისში მოეწყო „წმ. ნინოს სახელობის ქალთა საქველმოქმედო საზოგადოება“. მის დანიშნულებას შეადგენდა საქართველოს და ამიერკავკასიის ქალთა განათლებისათვის ხელის შეწყობა. ამ მიზნით საზოგადოება შეუდგა, პირველ ყოვლისა, ქალთა სასწავლებლების გახსნას და იმავე 1846 წელს თბილისში, ხოლო 1847 წელს ქუთაისში ზან გახსნა „წმ. ნინოს სახელობის ქალთა სასწავლებლები“, „კეთილი ცოლებისა და ოჯახის კარგი დედების მოსამზადებლად“ (წესდებიდან). ყველა ამ სასწავლებელთან არსებობდა დახურული ტიპის პანსიონი. მათ სტრუქტურაში თავდაპირველად გათვალისწინებული იყო 2 კლასი სამ-სამი განყოფილებით. თითოეულ განყოფილებაში სწავლა გრძელდებოდა ერთ წელს. ასე რომ წმ. ნინოს ქალთა სასწავლებლებში სწავლების კურსი 6-წლიანი იყო ისე, როგორც ამიერკავკასიის კეთილშობილ ქალთა ინსტიტუტში.***

წმ. ნინოს სასწავლებელთა სასწავლო გეგმებში პირველხანად შედიოდა: საღვთო სჯული, არითმეტიკა, რუსული ენა გრამატიკით, ქართული და სომხური ენები (მსურველთათვის), გეოგრაფია, ისტორია (საყოველთაო და რუსული), სუფთაწერა, გალობა, ცეკვები.

თბილისისა და ქუთაისის წმ. ნინოს ქალთა სასწავლებლების კონტინგენტი პირველხანად არ იზრდებოდა საკმაო სისწრაფით; ასე, თუ თბილისის სასწავლებელში, მისი გახსნის წელს, მიღებული იყო 30 ქალიშვილი,—ხუთი წლის შემდეგ იქ სწავლობდა 106 გოგონა. ქუთაისის სასწავლებელში დაარსების წელს, მიღებული იყო 15

* მხედველობაში ჰქონდა პ. ნ. ახვერდოვას პანსიონი.

*** გრ. ორბელიანი, „წერილები“, 1, ა. გაწერელის რედაქციით და შენიშვნებით, 34, 1936.

*** ბოლო დროს აღნიშნულ სასწავლებლებში იყო 8 კლასი, სწავლების 8-წლიანი კურსით.

მოწაფე, ხოლო მისი არსებობის ხუთი წლისთავისთვის მათი რიცხვი 32-ს აღწევდა.

წმ. ნინოს სასწავლებლებში ლებულობდნენ ყველა წოდების ქალ-წულებს, მაგრამ მას შემდეგ, რაც სწავლისა და პანსიონში ბავშვის შენახვის ქირად 50 მანეთი დააწესეს, ის გადაიქცა შეძლებულთა შეილების სასწავლებლად.

წმ. ნინოს სახელობის თბილისის საქველმოქმედო საზოგადოება არსებობდა უმთავრესად შემოწირულებებზე. ამის გამო მისი მოღვაწეობა ქალთა განათლების გავრცელების საქმეში ძალიან შეზღუდული იყო. მართალია, აღნიშნულ სასწავლებლებს გარდა, მან გახსნა კიდევ ასეთები შემახაში (1848 წელს), ერევანში, წმ. რიფსიმეს სახელობისა (1850 წელს) და თელავში (1865 წელს), მაგრამ ქალთა ახალგაზრდობის ფართო ფენების კულტურულ განვითარებაზე მეტად უზნიშვნელო გავლენას ახდენდა.

ყოველგვარი განათლების გარეშე რჩებოდა კავკასიის მუსლიმან ქალთა მოზარდი თაობანი და აგრეთვე სომეხ-ქალთა ახალგაზრდობის დიდი უმრავლესობა, რომელიც ისლამის ყოფა-ცხოვრების დიდ გავლენას განიცდიდა. აღმოსავლეთის ქალთა სოციალურ-ეკონომიური ჩაგვრა, მათი კარჩაკეტილობა და უფლებრივი დაბეჩავება, ისეთი აუცილებელი თანამგზავრებით, როგორიც იყო ჩადრი, ფარანჯა და მონობისა და უფიცობის სხვა ფორმები, ჯერ კიდევ მაგრად იყო ფეხმოკიდებული XIX ს. პირველი ნახევრის კავკასიის მუსლიმანთა ცხოვრებაში. უკეთუ მუსლიმან ქალს თავისი ქობიდანაც კი არ შეეძლო გამოსვლა სახის დაუფარავად, — გასაგებია, რომ სკოლები და სხვა საზოგადო თუ სახელმწიფო დაწესებულებები მათთვის არ არსებობდა. ამის გამო, აღნიშნულ ქალთა სასწავლებლებში მუსლიმანი ქალიშვილები იმ დროს სრულებით არ იყვნენ, მიუხედავად იმისა, რომ ორი ამ სასწავლებელთაგანი არსებობდა ქარბი მუსლიმანი მოსახლეობის ქალაქებში (შემახა, ერევანი).

19. სამხედრო სასწავლებლები

რუსეთის მეფის ხელისუფლება კავკასიაში თავისი პოლიტიკური ბატონობის განმტკიცებისათვის საჭიროდ სთვლიდა ეს ბატონობა დაემყვიდრებია სამხედრო ძალაზე და კავკასიის არმიის ოფიცერთა შემადგენლობა შეევსო ადგილობრივი კადრებით. ამის საიმედო წყაროდ მეფის ხელისუფლება სთვლიდა ქართველ თავადაზნაურო-

ბას და თავიდანვე ამ წოდებიდან იწყო მან ოფიცერთა მზადება. როგორც ვწერდით, ჯერ კიდევ 1805 წელს იყო გადაწყვეტილი თბილისის კეთილშობილთა სასწავლებლის კურსდამთავრებულთაგან ყოველწლიურად გაეგზავნათ ხოლმე რამდენიმე კაცი რუსეთის კადეტთა კორპუსებში. აღნიშნული გვქონდა აგრეთვე, რომ 1810 და 1811 წლებში, მთავარმართებელ ტორმასოვისა და პაულუჩის დროს, აღძრული იყო შუამდგომლობა საქართველოში სამხედრო სკოლის დაარსების შესახებ, მაგრამ შუამდგომლობა უშედეგოდ დარჩა.

არტილერიის ოფიცრების მოსამზადებლად 1816 წელს თბილისში არსებობდა საარტილერიო სასწავლებელი (რომელშიც, ი. მეუნარგიას ცნობით, 1817 წელს სწავლობდა პოეტი გრიგოლ ორბელიანი).*

1819 წელს თბილისის კეთილშობილთა სასწავლებელს (ესეც ზენოთა გვაქვს ნათქვამი) მიეცა სპეციალური სახედრო განხრა — მის სასწავლო გეგმაში სამხედრო საგნების შეტანით — იმ წიხნით, რომ აქ კურსდამთავრებულთ გაადვილებოდათ კადეტთა კორპუსების უფროს კლასებში სწავლის გაგრძელება.

1825 წ. საქართველოს მთავარმართებელმა ერმოლოვმა, მთავარი სამხედრო შტაბის უფროსის ბარონ ი. თ. დიბიჩის შუამდგომლობით, კვლავ გამოითხოვა იმპერატორის ნებართვა თბილისის კეთილშობილთა სასწავლებლის კურსდამთავრებულთაგან კადეტთა კორპუსებში და სამხედროთა ობლების სახლში (Военно-сиротский дом) ყოველწლიურად რამდენიმე უმაწვილის გზავნის შესახებ.

1828 წელს სამხედრო გუბერნატორი სიპიაგინი კვლავ სთხოვდა განათლების მინისტრს შიშკოვს ეშუამდგომლა იმპერატორის წინაშე თბილისში კადეტთა კორპუსის გახსნის შესახებ, მაგრამ მისი შუამდგომლობაც უშედეგოდ დარჩა.

1835 წლიდან, ამიერკავკასიის სასწავლებელთა ახალი დებულება, როგორც აღვნიშნეთ, ითვალისწინებდა თბილისის გიმნაზიიდან ყოველწლიურად ათი მოწაფის გზავნას რუსეთის კადეტთა კორპუსებში, რაც უკვე ფაქტიურად ხორციელდებოდა.

რუსეთის მეფის ხელისუფლების ცენტრალური ორგანოები ყოველთვის უარყოფდნენ საქართველოს მთავარმართებელთა შუამდგომლობას თბილისში კადეტთა კორპუსის ან ნისი ნსგავის სამხედრო სასწავლებლის დაარსების შესახებ. მიზეზი იყო არა იწინააღმდეგეთა, რომ თავიდან აეცილებინათ მათი შესანახი ხარჯები, რამდენადაც —

* ი. მეუნარგია, ქართველი მწერლები, 48-50, 1941.

ხელისუფლების პოლიტიკა: მომავალი ქართველი სამხედრო მოღვაწეები ქაზუკობაშივე მოეცილებიათ სამშობლოსა და ყოველივე ეროვნულს, რათა აღზრდილიყვნენ ისინი ცენტრალურ რუსეთში თვითმპყრობელური სულისკვეთებით. მეფის მთავრობა უმეტეს შენთხვევებში მართლაც ქმნიდა მათგან რუსეთის ტახტისადმი ერთგულ სამხედრო მოხელეებს.

რაც შეეხება დაბალ ოფიცერთა კადრების მოსანზადებელ სამხედრო სკოლებს,—ასეთების გახსნის ნებას იშვიათად, მაგრამ მაინც აძლევდნენ ხოლმე საქართველოს. ასე, მაგალითად, XIX ს. 30-იანი წლების დამდეგს საქართველოში დაიწყო ე. წ. „სამხედრო მოსწავლეთა სკოლები“ გახსნა. 1836 წელს საქართველოს მთავარმართებელმა ბარონმა როზენმა ადგილობრივ (ქართველ) თავადაზნაურთაგან დაბალი წოდების ოფიცერთა მომზადების მიზნით, „უმალღესი ნებაართვით“ თბილისში გახსნა სამხედრო სკოლა, რომელშიც სწავლობდნენ ბავშვები 8 წლიდან 15 წლის ასაკამდე. 1844 წელს „სამხედრო მოსწავლეთა სკოლა“ გაიხსნა აგრეთვე თბილისის (კავკასიის) მესანგრეთა ბატალიონთან. ამ სკოლაში ყოველწლიურად იღებდნენ 40 მოწაფეს თავადაზნაურთა წოდებიდან. სკოლაში იყო 3 კლასი: უმცროსი, საშუალო და უფროსი. უფროს კლასში ასწავლიდნენ: საღვთო სჯულს, რუსულ გრამატიკას, ისტორიას, არითმეტიკას, ალგებრას, ლონგიმეტრიას, პლანიმეტრიას, გეოგრაფიას, ფორტიფიკაციას, არტილერიას, ხატვას და ხაზვას.*

სამხედრო სკოლები („კანტონისტების სკოლები“, „პოლკის სკოლები“ და „არტილერიის სკოლები“) იხსნებოდა სხვა სამხედრო ნაწილებსა და შტაბებთანაც როგორც თბილისში, ისე ამიერკავკასიის სხვა პუნქტებში (ქუთაისი, თელავი, დუშეთი და სხვ.). ამ სკოლებს აკისრებდნენ აგრეთვე პოლიტიკურ ამოცანას—„კავკასიის მხარის გარუსებას“. და ამას არც ფარავდნენ კავკასიის სამხედრო ძალაუფლების უმაღლესი წარმომადგენელნი: „ზოგიერთ მთავარ ბინებთან (штаб-квартира) მოწყობილი იყო სკოლებიც. ამ სკოლებში სწავლობდნენ წერა-კითხვას სალდათების შვილები და ის დაბალი ჯარისკაცები, რომელნიც ემზადებოდნენ უნტერ-ოფიცრებად... განსაკუთრებით კარგად იყო დაყენებული ყარააგაჩის დრაგუნების სკოლა (ლაპარაკია XIX ს. 30-იან წლებზე.—გ. თ.), სადაც ოფიცერთა ხელძღვანელობით, რომელთა შორის ბევრი იყო განათლებული, პრო-

გრამა თანდათან ისე ფართოვდებოდა, რომ შეიცავდა ზოგიერთ სამხედრო მეცნიერებათა დარგსაც კი. სასწავლო საქმის ასეთმა დაყენებამ შემდგომ ამ სკოლას მისცა შესაძლებლობა, საგანმანათლებლო მუშაობის გარდა, სამსახური გაეწია აგრეთვე პოლიტიკური მიზნებისათვის და შეძლებისდაგვარი წვლილი შეეტანა (კავკასიის) მხარის გარუსების დიდ საქმეში.*

XIX ს. 50-იანი წლებიდან მთელი რიგი სამხედრო მოსწავლეთა სკოლები, რომლებსაც ხშირად ადგილობრივი მოსახლეობა „სალდათის სკოლებს“ უწოდებდა, გადაკეთდა ჩვეულებრივ ნორმალურ სკოლებად 3—4-წლიანი კურსით. ისინი კვლავ რჩებოდნენ სამხედრო ნაწილებთან და ინახებოდნენ სახაზინო ხარჯზე, მაგრამ ამ სკოლებში ღებულობდნენ ყველას როგორც სამხედრო, ისე საერო წოდების ყმაწვილებს. სწავლა-აღზრდის რეჟიმი კვლავ რჩებოდა ძველი, ყაზარმული, როზგითა და მოსწავლეთა რეპრესიების სხვა შკაცრი ფორმებით. მეცნიერული დისციპლინების სწავლება ამ სკოლებში არ სარგებლობდა დიდი პატივისცემით. სამაგიეროდ პრაქტიკული მეცადინეობა მებაღეობასა, მებოსტნეობასა, მეღურგლეობასა და მეჩქემეობაში კარგად იყო დაყენებული. ამ მხრივ საქართველოსა და ამიერკავკასიაში უფრო მეტად იყო ცნობილი თუქურმიშის (ახლ. წითელ-წყაროს) „სალდათის სკოლა“,** რომელიც 70-იანი წლების დასაწყისში საცხენისში იქნა გადატანილი, და აღბულახის სკოლა.

კავკასიის არმიის სამედიცინო მომსახურეობის მიზნით 1816—17 წლისათვის თბილისის ჰოსპიტალთან შეიქმნა სამხედრო-საფერშლო სასწავლებელი სამხედრო ფერშლების მოსამზადებლად. სკოლაში ღებულობდნენ 13 წლის ასაკ-გადაცილებულ ბავშვებს, რომელთაც უნდა ჰქონოდათ პირველდაწყებითი განათლება. სწავლა იყო 3-წლიანი. ასწავლიდნენ: 1) რუსულ ენას, 2) ლათინურ ენას, 3) არითმეტიკას, 4) საღეთო სჯულს, 5) ანატომიას, 6) ფარმაკოლოგიას, 7) რეცეპტურას, აგრეთვე „ავადმყოფის მოვლას“ და ჩქარი დახმარების აღმოჩენას მიმკვდარებულთა (мнимоумерший) და უეცრად ავადგამხდართათვის. 1869 წელს თბილისის სამხედრო-

* „Утверждение русского владычества на Кавказе“, под ред. Потто, III, ч. II, 590, 1904.

** თუქურმიშის „სალდათის სკოლას“ იხუენებს ი. ჭავჭავაძე თავის მოთხრობაში — „სახრჩობელაზე“ — როგორც სკოლას, სადაც ბავშვებს „სულს-ჯყროლებდნენ რუსულის ლანძღვითა და თრევითა, სულს ართმევდნენ ცუმა-ტყეპითა“.

საფერშლო სკოლამ ზეიმით აღნიშნა თავის მოსწავლეთა მე-50 გამოსვება. ამ დროის განმავლობაში მან მოამზადა 1500 ფერშალა კავკასიის არმიისათვის.*

20. პროფგაქნიკური განათლება

სახალხო მეურნეობის განვითარების ამოცანები საქართველოში იწვევდა სპეც-ტექნიკური სკოლების შექმნას სოფლისა და ქალაქის მრეწველობის ცალკე დარგებისათვის კვალიფიციური კადრების მოსამზადებლად. ამის აუცილებლობა წინათაც იგრძნობოდა. ასე, 1828 წელს აღმოსავლეთ საქართველოს გენერალ-გუბერნატორი სიპიაგინი ფინანსთა მინისტრ კანკრინის წინაშე აყენებდა საკითხს საქართველოში სოფლის მეურნეობის გაუმჯობესების მიზნით „ევროპული მიწათმოქმედების შემოღებისა“ და „სანიშნო ფერმების დაარსების“ შესახებ. მას საჭიროდ მიაჩნდა ნიჭიერ გლეხებს მებაღეობა ესწავლათ და „ამ გზით მებაღეობის მეცნიერება გაეცდნენ მათ მთელ ამ მხარეში (საქართველოში)“. ამასთან, სიპიაგინს განზრახული ჰქონდა „სახაზინო უწყების გლეხებიდან 12 ბიჭი გაეგზავნა მოსკოვის სამიწათმოქმედო სკოლაში სწავლის მისაღებად“, ხოლო ადგილობრივად ტექნიკური კადრების მზადებისათვის სიპიაგინს სურდა „თბილისში სკოლა-სახელოსნოს დაარსება, სადაც სახაზინო გლეხთა შვილებს—უფასოდ, ხოლო მემამულეთა შვილებს კი ზომიერი ფასით უნდა ესწავლათ ორი ხელობა: საზენკლო და სადურგლო“.** სიპიაგინმა ამ სკოლის წესდების პროექტიც კი შეადგინა.

კანკრინმა იმავე წელს მოიწონა სიპიაგინის განზრახვა და მიანდო მას თბილისში სახელოსნო სკოლის მოწყობის ხარჯთაღრიცხვის შედგენა, მაგრამ, როგორც ჩანს, ეს ხარჯთაღრიცხვა „ძალიან ძვირად აღმოჩნდა“ ხაზინისათვის და სიპიაგინის განზრახული სკოლა აღარ დაარსებულა.

1829 წელს საქართველოში აბრეშუმის მრეწველობის განვითარებასთან დაკავშირებით კანკრინი თავის წერილში საქართველოს მთავარმართებელ პასკევიჩისადმი საჭიროდ სთვლიდა თბილისის აბრეშუმსახვევ ქარხანასთან დაეარსებია აბრეშუმსახვევი სას-

* „Кавказ“, 1869, № 63.

** Акты, VII, 165.

წავლებელი. კანკრინი პირდებოდა მას, რომ მასწავლებლებს ამ სასწავლებლისათვის გამოუგზავნიდა იმავე წელს პეტერბურგში დაარსებული ტექნოლოგიური ინსტიტუტიდან.* მაგრამ 1834 წელს, როგორც სჩანს, ამ ინსტიტუტის კურსდამთავრებულთაგან თბილისში მასწავლებლად წამომსვლელი არავინ აღმოჩნდა, რის გამოც კანკრინი იმავე წელს სთხოვდა საქართველოს მთავარზართებელს საქართველოდან 4 ყმაწვილი გაეგზავნა აღნიშნულ ინსტიტუტში მათგან თბილისის აბრეშუმსახევეი სასწავლებლის მასწავლებლთა მოსამზადებლად.**

1841 წელს სენატორ განის კომისიამ სცნო „აუცილებლად გლახთა ბავშვებისათვის მოწყობილიყო პრაქტიკული სამიწათმოქმედო სკოლა სანიმუშო მიწათმოქმედების, მებალეობის და მესაქონლეობის ფერმით“*** ამ სკოლის შენახვა ეკისრებოდა 1832 წელს დაარსებული „სამიწადმოქმედო და მანუფაქტურული მრეწველობისა და ვაჭრობის ხელისშენწყობ საზოგადოებას“.

სახადენენ სხვა ღონისძიებებსაც სოფლის მეურნეობისა და მრეწველობისათვის კვალიფიციური მუშაკების მოსამზადებლად, გამოქონდათ დადგენილებები სპეციალური სკოლების გახსნის შესახებ, მაგრამ ამ ღონისძიებათა და გადაწყვეტილებათაგან ბევრი ან სრულებით არ ხორციელდებოდა, ანდა—ათეული წლების შემდეგ. ტექნიკურ სასწავლებლთა გახსნისა და სპეციალისტთა მომზადების საქმის მოუგვარებლობა ძალიან აფერხებდა ამიერკავკასიის სოფლის მეურნეობისა და მრეწველობის ზრდას, რასაც გადაჭრით მოითხოვდა ამ მხარეში კაპიტალისტური წარმოების განვითარების აუცილებლობა..

40-იან წლებში განსაკუთრებული სიმახვილით იგრძნობოდა მიწათმოწყობისა და სამიჯნო მეურნეობის კვალიფიციური მუშაკების საჭიროება. 1840 წლისათვის თბილისში არსებული ტოპოგრაფების სკოლა სრულებით ვერ აკმაყოფილებდა ასეთი მუშაკების მომზადების ამოცანას. ამის გამო 1846 წელს გადაწყვიტეს ცალკე კავკასიის კორპუსის ტოპოგრაფთა № 3 როტასთან**** დაარსებულიყო „კავკასიის სამიჯნო სკოლა“. დებულება ამ სკოლისა „უმალესად“ იქნა დამტკიცებული იმავე 1846 წელს,*****

* Акты. VIII, 179.

** იქვე, 195.

*** იქვე, IX, 35.

**** სამიჯნო საქმის მაშინ ხელმძღვანელობდნენ სამხედრო უწყებანი.

***** ПСЭРИ, XXI, № 20373, 1846.

მაგრამ ფაქტიურად ის გაიხსნა 1847 წლის 17 მარტს. კავკასიის სამიჯნო სკოლა ამზადებდა მომიჯნეებს და მიწისმზომელთა თანაშენწევებს. ის გათვალისწინებული იყო 50 კაცისათვის, უმთავრესად ადგილობრივი მოსახლეობიდან. ლეზულობდნენ ყმაწვილებს 12 წლიდან 16 წლის ასაკამდე. სკოლაში შესასვლელად საჭირო იყო რუსული წერა-კითხვის ცოდნა, რუსული გრამატიკის საწყისები და ქრისტიან ბავშვთათვის, დამატებით; კატეხიზისის ცოდნა. სწავლის ვადა განსაზღვრული იყო 4 წლით. სასწავლო გეგმაში (1855 წლისათვის) შედიოდა: საღვთო სჯული, რუსული სიტყვიერება, რუსეთის ისტორია, ქართული ენა, თათრული (აზერბაიჯანული) ენა, არითმეტიკა, გეომეტრია, ალგებრა, სწორხაზოვანი და სფერული ტრიგონომეტრია, ლოგარითმების თეორია, ზოგადი გეოგრაფია, მათემატიკური გეოგრაფია, გეოდეზია, სამიჯნო კანონები, კალიგრაფია, ხატვა და ხაზვა, პრაქტიკული გადაღებანი და სამიჯნო საქმე, სანტრონტო (სამხედრო) განათლება და ცეკვები.* მოწათფები ცხოვრობდნენ პანსიონში, სახელმწიფო ხარჯზე და სწავლის დამთავრების შემდეგ (მომიჯნის ან მიწისმზომლის თანაშემწის წოდებით) ვალდებული იყვნენ ემსახურათ კავკასიაში არა უმცირეს 10 წლისა.

1849 წელს თბილისის სამიჯნო სკოლის 50 მოწათფიდან ეროვნების მიხედვით იყო: რუსი—19, ქართველი—16, სომეხი—13, გერმანელი—2. სკოლის შესანახად ყოველწლიურად იხარჯებოდა 7.600 ზანეთი. 1854 წლიდან თბილისის სამიჯნო სკოლა გადავიდა კავკასიის სასწავლო ოლქის გამგებლობაში.

40-იანი წლების დამდეგიდან ამიერკავკასიის მმართველ წრეებში განსაკუთრებული ყურადღება მიიქცია კომერციულმა განათლებამ. ვაჭრობისა და სავაჭრო დაწესებულებათა ქსელის განვითარება მართლაც მოითხოვდა კომერციის მუშაკთა მომზადებას. საქართველოსა და ამიერკავკასიაში ჯერ კიდევ არ იყო მათი მამზადებელი სკოლები ან ორგანიზაციები. აუცილებელი ხდებოდა ამიერკავკასიის მკვიდრთა გზავნა რუსეთის კომერციულ სასწავლებლებში. 40-იანი წლების დასაწყისში ასეთი სასწავლებლები არსებობდა მოსკოვში, პეტერბურგში, ტაგანროგში, ოდესაში (1851 წლიდან) და სხვაგან. ყველაზე უფრო ძველი იყო მოსკოვის სასწავლებელი (1772 წლიდან), მაგრამ უფრო კარგად მოწყობილი კი—პეტერბურგისა. ამის გამო საქართველოს მმართველები ამ უკანასკნელს აძლევდნენ უპირატე-

* Акты, XI, 789.

სობას და ურჩევდნენ კომერციული განათლების მსურველ ქართველ ახალგაზრდობას პეტერბურგის სასწავლებელში მიეღო ეს განათლება. ამ მიზნით, 1841 წელს ცნობილმა მეცნიერმა და პედაგოგმა პლატონ იოსელიანმა რუსულიდან სთარგმნა და გამოსცა ქართულ და სომხურ ენებზე „მოკლე ცნობა მათთვის, რომელთაცა სურთ შეიღთა თვისთა მიცემა ს.-პეტერბურლის კომერციის ანუ სავაჭროსა სასწავლებელსა შინა“ (1841, თბილისი, გვ. 34). სატიტულო გვერდზე აწერია, რომ ეს ცნობარი გადათარგმნილია მთავრობის ბრძანებით, რაც ერთხელ კიდევ ადასტურებს ადგილობრივი ხელისუფლების დაინტერესებას სავაჭრო ურთიერთობის განვითარებით XIX საუკუნის ორმოციანი წლების საქართველოში.

21. სახალხო განათლების მმართველობის სისჯავმა 40-იან წლებში. 1848 წლის დეკრეტი

ამიერკავკასიის სამოქალაქო მმართველობის სისტემის გარდაქმნა 1840 წელს, საიმპერიო სახელმწიფო საბჭოს სპეციალური (სენატორ განის) კომისიის პროექტის მიხედვით, არ შეხებია ამ მხარის სასწავლო საქმეს.

რუსეთის განათლების სამინისტროსადმი ამიერკავკასიის სასწავლებელთა დაქვემდებარება, ხარკოვის სასწავლო ოლქის მეშვეობით, უნაყოფო გამოდგა. უფრო სწორად: ეს მეშვეობით დაქვემდებარება ზედმეტ რგოლად ითვლებოდა სამინისტროსა და აღნიშნულ სასწავლებელთა შორის და ფაქტიურად ძალიან ართულებდა უკანასკნელის მართვა-გამგეობის და ხელმძღვანელობის საქმეს. ამ გარემოების გამო, განათლების მინისტრმა ს. უეაროვმა, იმპერატორის ნებართვით, 1840 წელს გააუქმა ამიერკავკასიის სასწავლებელთა დაქვემდებარება ხარკოვის ოლქისადმი და შექმნა დამოუკიდებელი თანამდებობა „ამიერკავკასიის სასწავლებელთა ინსპექტორისა“, რომელიც უშუალოდ უკავშირდებოდა სამინისტროს საქართველოსა და ამიერკავკასიის სასწავლებელთა ყველა საქმეზე. 1842 წლიდან, იმ მიზნით, რომ მთავარ ინსპექტორს მკიდრო კონტაქტი ჰქონოდა ადგილობრივ ხელისუფლებასთან, ამ თანამდებობაზე ნიშნავდნენ ამიერკავკასიის მთავარ სამმართველოს ერთ-ერთ წევრს.*

* 1842 წელს ამიერკავკასიის სასწავლებელთა მთავარ ინსპექტორად დანიშნა ამიერკავკასიის მთავარ სამმართველოს წევრი გენერალი კოხანოვი.

1844 წლიდან, როგორც ვწერდით, საქართველოსა და მთელი კავკასიის მმართველობის სისტემა რამდენადმე შეიცვალა. ნაცვლად საქართველოს მთავარმართველისა (1838 წლიდან — ამიერკავკასიის მთავარმართველისა), რომელიც ფაქტიურად მთელ კავკასიას განაგებდა, დაინიშნა მეფის ნაცვალ კავკასიაში. მეფისნაცვალს ეძლეოდა ფართო რწმუნებანი კავკასიაში საზოგადოებრივ-პოლიტიკური, ეკონომიური და კულტურული მმართველობის ერთიანი სისტემის დამყარების საქმეში.

მეფის პირველი ნაცვალ კავკასიაში მ. ს. ვორონცოვი (1844—1854) ადგილობრივი ცხოვრების კულტურული გარდაქმნის იმ ღონისძიებათა გარდა, რომლებზეც ჩვენ ზემოთ ვილაპარაკეთ, შეუდგა სახალხო განათლების სისტემის გაუმჯობესებას თავისი პოლიტიკის შესაფერისად. პირველ ყოვლისა, მოიწადინა კავკასიაში სასწავლებელთა რიცხვის გადიდება. იმპერატორთან წარდგენილ 1845—46 წლის ანგარიშში ვორონცოვი აღნიშნავდა: „კავკასიის მხარეში ამჟამად არსებული სასწავლებლები არ არიან საკმარისი მოსახლეობის რიცხვის მიხედვით და ვერ აკმაყოფილებენ საერთო მოთხოვნილებებს“.*

მართლაც, 1845 წლის დამლევს ქ. თბილისში 40.000 მცხოვრებზე იყო 1 გიმნაზია (ვაყებისა), 2 სასულიერო სემინარია (ერთი-მართლმადიდებლური, ერთი — სომხურ-მონოფიზიტური), 1 ქალთა ინსტიტუტი, 8 დაწყებითი სკოლა (აქ არ შედის კერძო სკოლები და პანსიონები). ამ სასწავლებლებში, სომხური სემინარიის გარდა, სწავლობდა 1301 მოწაფე, აქედან 1235 მამრობითი სქესისა და 66 დედრობითი სქესისა; ნაციონალური შემადგენლობის მიხედვით: ქართველები — 625, სომხები — 497, რუსები — 143, დანარჩენები — 33; მცხოვრებთა 1 ათასზე მოდიოდა 38 მოწაფე (1:38).**

ნიკოლოზ პირველის რეაქციის პერიოდში (1825 — 1855) რუსეთის ოფიციალური სკოლა სავსებით დაუქვემდებარეს ფეოდალურ-ბურჟუაზიულ წესწყობილებისა და ეკლესიის ინტერესებს. ეს ტენდენცია, დაწყებული ალექსანდრე I მეფობის უკანასკნელ ათწლეულში, ახლა მკაფიოდ გამოიხატა ნიკოლოზ I ცნობილ სანწვეროვან ფორმულაში: თვითმპყრობელობა, მართლმადიდებლობა და ხალხურობა. განათლების მინისტრი ს. ს. უვაროვი, 1843 წელს, ამ

* Акты, X, 841.

** „Кавказ“, 1846, № 8, 32.

ფორმულას აძლევდა შემდეგნაირ განმარტებას: „...სამინისტრომ თ ვ ი თ მ პ ყ რ ო ბ ე ლ ო ბ ი ს აღიარებით მტკიცედ განიზრახა პირდაპირი გზით დაუბრუნდეს რუსულ მონარქიულ საწყისს, მთელი მისი მოცულობით, ...გამოთქმა—მ არ თ ლ მ ა დ ი დ ე ბ ლ ო ბ ა—საკმაო სიცხადით არკვევს სამინისტროს ლტოლვას ყოველივე დადებითი-სადმი ქრისტიანული რწმენის მიმართ და ყველა იმ ოცნებითი მოჩვენებების გადალაზვისაკენ, რომლებიც ძალიან ხშირად ჩრდილავენ ეკლესიის საღვთო გადმოცემებს.* ფორმულის მესამე ელემენტის—ხ ა ლ ხ უ რ ო ბ ი ს—განმარტებისათვის უფაროვი აყენებდა დებულებას: „(სახელმწიფოს) სახე შეიძლება იცვლებოდეს წლობით, მაგრამ ფაზიონომია კი არ უნდა შეიცვალოს“—და ამით, ე. ნ. მედინსკის სამართლიანი შენიშვნით, ხალხურობის პრინციპი „უფაროვს ესმოდა რუსული ნაციონალიზმისა და ბატონყმური თვითმყოფობის აზრით“.**

ამგვარად, აღნიშნული სამი პრინციპი, რომლებიც დაედვა საფუძვლად ნიკოლოზ I ეპოქის ახალთაობათა აღზრდას, განსაზღვრავდა სამინისტროს პოლიტიკას როგორც სახალხო განათლების საერთო ამოცანების, ისე სწავლა-განათლების შინაარსის მხრივ. მიუხედავად 1828 წლის კანონისა, ყველა საფეხურის სკოლების სასწავლო გეგმებში და აღნიშნულ მუშაობის პროგრამებში შექპონდათ ცვლილებები აღნიშნული სამწვეროვანი ფორმულის მიხედვით. იმ მიზნით, რომ მაქსიმალურად მოეწყვიტა რუსეთი დასავლეთის პროგრესულ-რევოლუციური იდეებისაგან, განსაკუთრებით 1830 წლის პოლონეთის ამბებისა და საფრანგეთის რევოლუციის, აგრეთვე დასავლეთი ევროპის 1848 წლის რევოლუციის პერიოდებში, ნიკოლოზ I კრძალავდა ყოველგვარ ურთიერთობას უცხოეთის მეცნიერებთან (რუსეთის მეცნიერთა გზავნას უცხოეთში და უცხოეთის მეცნიერთა გამოწვევას რუსეთში, ლიტერატურის გაცვლა-გამოცვლას უცხოელებთან და სხვ.), შემოიღო პროფესორთა ლიტოგრაფიულად დაბეჭდილი ლექციების წინასწარი ცენზურა, გააუქმა უნივერსიტეტების მმართველობის დემოკრატიული ფორმები, გააძლიერა გიმნაზიებში სწავლების კლასიკური სისტემა, აუკრძალა კერძო სკოლებისა და პანსიონების გახსნა იმ უცხოელებს, რომელთაც არ ჰქონ-

* „Десятилетие министерства народн. просвещения“, 3, 1844.

** Проф. Е. Н. Медынский, История русской педагогики“, 136, 1938.

დათ რუსეთის ქვეშევრდომობა, გააძლიერა პოლიციური რეჟიმი სა-
შუალო სასწავლებლებში და დააწესა ჟანდარმული მეთვალყურეობა
სასწავლო საქმეზე საერთოდ. გამოჩენილი რუსი პედაგოგი პ. კაპ-
ტერევი ამ უკანასკნელი ღონისძიების შესახებ წერდა: „ნიკო-
ლოზ I მეფობის დროს ცდილობდნენ, რომ სკოლა დაექვემდებარე-
ბოდათ ჟანდარმთა კორპუსის ოფიცრებისათვის, რომ ჟანდარმთა
ოფიცრებს ევლოთ გამოცდებზე... და შემჩნეულის შესახებ ეძლიათ
საიდუნლო ცნობები თავის უფროსებისათვის, რომ ადგილობრივ
სამოქალაქო ხელისუფლებას, განსაკუთრებით კი გენერალ-გუბერნა-
ტორებს, სისრულეში მოეყვანათ ხოლმე თავისი ღონისძიებები სკო-
ლებში, სასწავლო ნათავრობის მონაწილეობის გარეშე“.* ამას გარდა
განათლების სამინისტრო ფიქრობდა, რომ „თავისუფალი აზროვნებისაგან
ყმაწვილკაცობის დასაცავ საიმედო საშუალებას წარმოად-
გენს: პირველი—სადეთო სჯულის გარკვეულად სწავლება, ერთგულ
ქვეშევრდომთათვის პირდაპირ მოვალეობებზე ახლო მითითებით,
მეორე—სხვა სასწავლო საგნების სწავლების დროს არ იქნეს დაშ-
ვებული არაფერი ისეთი, რასაც შეეძლება ყმაწვილების ჯერ კი-
დეგ მოუძწიფებელ გონებაში შეარყიოს ან შეამციროს რწმენა ჩვენი
მთავრობის ძირითად დაწესებულებათა აუცილებლობისა და სარ-
გებლობისა“.**

განსაკუთრებით მკაფიო გამოხატულება ნიკოლოზის რეაქციამ
ჰპოვა სასკოლო განათლების საფუძვლად წოდებრივობის პრინციპის
ალიარებაში. ამ ღონისძიებებს, რომლებიც დაბალი წოდების ხალხს
უკრძალავდა უმაღლეს და საშუალო სასწავლებლებში შესვლას
(1828 წლის წესდება და განათლების სამინისტროს სპეციალური
განკარგულებანი), 1845 წელს დაემატა სწავლის ქირის გადიდება
უნივერსიტეტებსა და გიმნაზიებში, რაც, განათლების მინისტრის
ს. უვაროვის განცხადებით, უმთავრესად გამოწვეული იყო „განათ-
ლებისაკენ ახალგაზრდობის შესაკავებლად“. მაგრამ არც
ეს ღონისძიება აღმოჩნდა საკმარისი ნიკოლოზ I-სათვის. მას გან-
საკუთრებით აფიქრებდა დემოკრატიული ფენების მისწრაფება ცოდ-
ნისაკენ და ერთგულმა მინისტრმაც ჩქარა აცნობა იმპერატორს, რომ
„ამ საგანზე უკვე მიღებულია... გადამქრელი ღონისძიებანი, რომ-
ლებიც... გამოიღებენ... სათანადო შედეგებს“***

* П. Ф. Каптерев, История русской педагогики, 331, 1915.

** „Собр. распор. по минист. народн. просвещения“, II, 995.

*** С. Князьков и Н. Сербов, Очерк истории народ. образ.
в России до эпохи реформ Александра II, 217.

ნიკოლოზ I მეფობის პერიოდში ძალიან მტკიცედ და თანამიმდევრულად ტარდებოდა აგრეთვე რუსეთის იმპერიის არარუს ეროვნებათა სკოლების გარუსების პოლიტიკა (პოლონეთში, ბელორუსიაში, ბალტიის მხარეში, კავკასიაში და სხვ.). ყველაზე უფრო უხეშ ფორმებში ეს პოლიტიკა ტარდებოდა პოლონეთში, პოლონეთის 1830 წლის აჯანყების შემდეგ, და საქართველოში—1832 წლის შეთქმულების ლიკვიდაციის შემდეგ. პოლონეთის სკოლებში, გარდა იმისა, რომ საგნების სწავლება რუსულ ენაზე მიმდინარეობდა, 30-იან წლებში გაუქმებულ იქნა პოლონური ენის სწავლება, რაც თითქოს შეანებოხე „პოლონიზმის სულს“ ნერგავდა ახალგაზრდობაში. საქართველოში კი, სადაც სწავლება ყველა საგნისა გიმნაზიის ყველა კლასში და სამაზრო სასწავლებელთა უფროს კლასებში წარმოებდა აგრეთვე რუსულ ენაზე—გვერდი აუხვიეს და ფაქტიურად გააუქმეს ამიერკავკასიის 1835 წლის დებულების 22-ე და 53-ე პუნქტები, რომელთა მიხედვითაც გიმნაზიის პირველ 2 კლასში და სამაზრო სასწავლებლებში ნებადართული იყო ქართული ენით სარგებლობა საგნების სწავლების დროს.

მეთის ნაცვალ კავკასიაში მ. ს. ვორონცოვი ცდილობდა მიეღო შესაძლო დამოუკიდებლობა თავისი მხარის პოლიტიკურ და კულტურულ-საგანმანათლებლო გამგეობაში. ერთ-ერთ მნიშვნელოვან ღონისძიებად ამ მხრივ უნდა ჩაითვალოს მის დროს შემუშავებული ახალი „დებულება კავკასიის სასწავლო ოლქისა და მის ქვემდებარე სასწავლებელთა შესახებ“, 1848 წელს, და ამ დებულების საფუძველზე დაარსებული „კავკასიის სასწავლო ოლქი“.*

ახალი, 1848 წლის დებულება გამოიწვია ერთი მხრით—აუცილებლობამ სახალხო განათლების სისტემა შეფარდებოდა საქართველოს და მთელი კავკასიის საზოგადოებრივ-ეკონომიური ცხოვრების ახალ მოთხოვნილებებს დაბალი და საშუალო კვალიფიკაციის ტექნიკური, სასოფლო-სამეურნეო, პედაგოგიური, სამხედრო და ადმინისტრაციული კადრების მომზადებისა და აგრეთვე რუსეთის უმაღლეს სკოლებში გასაგზავნი კონტინგენტების შექმნის დარგში. მეორე მხრით, ახალი დებულების აუცილებლობა გამომდინარეობდა მთელი კავკასიის ადმინისტრაციულ-ეკონომიური და პოლიტიკური მმართვე-

* კავკასიის სასწავლო ოლქის პირველი მზრუნველი იყო გ. ნ. სემიონოვი, ხოლო 1852 წლიდან 1860 წლამდე—ბარონი ა. პ. ნიკოლაი.

ლობის ერთ სისტემაში გაერთიანების ფაქტიდან, რაც თავის მხრივ იწვევდა მთელი კავკასიის სასწავლო საქმის მმართველობის უნიფიცირებას და გაერთიანებას.

1848 წლის დებულების საფუძველზე შექმნილი კავკასიის სასწავლო ოლქი აერთიანებდა სახალხო განათლების სამინისტროს ქვემდებარე სასწავლებლებს კავკასიაში და უშუალოდ ემორჩილებოდა კავკასიის მეფისნაცვალს და განათლების მინისტრს.

კავკასიის სასწავლო ოლქი იყოფოდა 5 დირექციად: თბილისის, ქუთაისის, შემახა-დერბენტის, სტავეროპოლის და შავიზღვისპირის.

საქართველოს ტერიტორიაზე არსებული სასწავლებლები შედიოდნენ თბილისის და ქუთაისის დირექციაში. თ ბ ი ლ ის ის დ ი რ ე ქ ც ი ა შ ი შედიოდა: თბილისის გიმნაზია, თბილისის კომერციული გიმნაზია, სამაზრო სასწავლებლები: გორისა, დუშეთისა, სიღნაღისა, თელავისა, აგრეთვე ერევნისა, ელისავეტპოლისა, ნახიჩევანისა და ალექსანდროპოლისა; ქვეშეთის ორკლასიანი სამრევლო სასწავლებელი. ქუთაისის დირექციაში შედიოდა: ქუთაისის გიმნაზია, ახალციხისა და ოზურგეთის სამაზრო სასწავლებლები, ხონისა და რედუტკალეს ორკლასიანი სამრევლო სასწავლებლები.

საქართველოსა და კავკასიის სხვა სასწავლებლები რჩებოდნენ სასულიერო, სამოქალაქო და სამხედრო უწყებათა გამგებლობაში.

კავკასიის სასწავლო ოლქის მმართველობა ეკისრებოდა ოლქის მზრუნველს, რომელსაც ყავდა ერთი თანაშემწე და სახელმწიფო სასწავლებელთა ინსპექტორი. მზრუნველთან არსებობდა აგრეთვე საბჭო, სახელმძღვანელოების შემდგენი კომიტეტი და საცენზურო კომიტეტი.

1848 წლის დებულება ახლებურად განმარტავდა გიმნაზიების, სამაზრო და სამრევლო სასწავლებელთა მიზნებსა და ამოცანებს:

„კავკასიის სასწავლო ოლქის გიმნაზიებს აქვთ სამგვარი ამოცანა: 1) მომზადება ახალგაზრდობისა კავკასიის მხარეში სახელმწიფო სამსახურისათვის, 2) აღჭურვა აუცილებელი ცოდნით იმ მოწაფეებისა, რომლებიც გიმნაზიაში კურსის დამთავრების შემდეგ მოისურვებენ სწავლის გაგრძელებას უნივერსიტეტებში და 3) მიაწოდოს მათ, ვინც არ იწყებს სამსახურს, მოქავალი წოდების მიხედვით გამოსადეგი ცოდნა“.*

* „Кавказ“, 1849, № 8

„კავკასიის სასწავლო ოლქის სამაზრო სასწავლებლებს აქვთ სამ-
გვარი ამოცანა: 1) მომზადება ღარიბ აზნაურთა და მოხელეთა ბავ-
შეებისა სახელმწიფო სამსახურისათვის დაბალ სამმართველოებში
ზაერთოდ; 2) მიწოდება ქალაქისა და სხვა თავისუფალ წოდებათა
ბავშვებისათვის მათთვის აუცილებელი ცოდნის შეძენის საშუალე-
ბისა; 3) მომზადება როგორც მაღალი, ისე სხვა თავისუფალ წო-
დებათა ბავშვებისა გიმნაზიებში შესასვლელად“.

„სამრევლო სასწავლებლები შეიძლება იყოს ორგვარი: საერთო,
რომელთა მიზანსაც წარმოადგენს გავრცელება პირველდაწყებითი
ცოდნისა, რომელიც საჭიროა ყველაზე უფრო დაბალ წოდებათა
ხალხისათვის, და სპეციალური, რომლებშიც საერთო სამრევლო სკო-
ლებში სასწავლო საგნებს გარდა ისწავლება ამა თუ იმ წოდების
ხალხთათვის აუცილებელი საგნები“.*

აღნიშნულ დებულების საფუძველზე საქართველოში დამატებით
იხსნებოდა ორი გიმნაზია: ერთი (მეორე) თბილისში—„კამერციული“,
და ერთიც—ქუთაისში.

თბილისის პირველი გიმნაზია დებულებით იწოდებოდა სათავად-
აზნაუროდ, ხოლო ქუთაისისა—საგუბერნიოდ (შემდეგში თბილისის
გიმნაზიას ეწოდა—საგუბერნიო (1853 წლიდან), შემდეგ—კლასი-
კური (1864 წლიდან) და ბოლოს—თბილისის ვაჟთა პირველი გიმ-
ნაზია).

დებულება არკვევდა აგრეთვე გიმნაზიების, სამაზრო და სამრევლო
სასწავლებელთა მოსწავლეების სოციალურ შემადგენლობასაც, სა-
ხელდობრ § 50 ამბობს: „ამ სასწავლებელთა დაარსების (ლაპარა-
კია გიმნაზიაზე—გ. თ.) მიზნის თანახმად თბილისის სათავადანაუ-
რო გიმნაზიაში მიიღებიან ნხოლოდ თავადაზნაურთა, ბეგების, მე-
ლიქების, ალაღარების, მთისა და მომთაბარე ხალხის მამასახლისთა
შვილები და როგორც ადგილობრივ, ისე რუს მოხელეთა შვილები,
აგრეთვე, მართლმადიდებელი და სომხურ-გრიგორიანული სარწ-
მუნოების მღვდლებისა და დიაკვნების შვილები; თბილისის კო-
მერციულ გიმნაზიაში მიიღება სავაჭრო წოდებისა და უაზნოთა
(„რაზნოჩინცების“) შვილები, ხოლო ქუთაისის, სტავროპოლისა და
ეკატერინოდარის გიმნაზიებში—ყველა თავისუფალი წოდების პირთა
შვილები, გარდა სახაზინო, საეკლესიო და მემამულეების გლეხ-
თა შვილებისა.“**

* „К-вѣст“, 1849, № 10.

** იქვე, № 8.

სახაზინო, საეკლესიო და მემამულეთა გლეხების შვილებს არ ღებულობდნენ არც სამაზრო სასწავლებლებში. მხოლოდ სამრევლო სკოლებში შეიძლოთ მათ შესვლა, მაგრამ აქაც საჭირო იყო მთელი რიგი მატერიალური და ყოფაცხოვრებითი ხასიათის სიძნელეთა გადალახვა. რაც შეეხება გიმნაზიებთან არსებულ პანსიონებში ბავშვთა შენახვის უფლებას, საჭიროა აღინიშნოს, რომ ეს პანსიონები, დებულების (§ 75) მიხედვით, განზრახული იყო მხოლოდ თავადაზნაურთა, თავადაზნაურული წოდების მოხელეთა, მელიქთა, მაღალ სამუსლიმანო წოდებათა და მთიელ-ტომთა საპატიო პირების ბავშვებისათვის.

1848 წლის დებულება გიმნაზიების სტრუქტურას საზღვრავდა 8 კლასით: „ერთი მოსამზადებელი ანუ სამრევლო, ორი სამაზრო და ხუთი საკუთრივ გიმნაზიისა“. ამასთან, აღნიშნული დებულებით, თბილისისა და სტავროპოლის გიმნაზიებთან არსდებოდა ორ-ორი სპეციალური კლასი „უნივერსიტეტში შესასვლელად მოწაფეების მომზადებისათვის და სამაზრო სასწავლებელთა, გიმნაზიის დაბალი კლასებისა და აგრეთვე საშინაო მასწავლებელთა მოსამზადებლად“. აღნიშნულ სპეციალურ კლასებში უნდა მიეღოთ მსურველნი კავკასიის ყველა გიმნაზიიდან, ამ გიმნაზიებში სრული კურსის დამთავრების შემდეგ.

სამაზრო სასწავლებლები შედგებოდა 3 კლასისაგან: „ერთი სამრევლო ანუ მოსამზადებელი და ორი საკუთრივ სამაზრო“.

საერთო სამრევლო სასწავლებლები შედგებოდა ერთი ან ორი კლასისაგან, სახსრების მიხედვით, ხოლო სპეციალური სამრევლო სასწავლებელი იყო მხოლოდ 2-კლასიანი.

კავკასიის სახელმწიფო სასწავლებელთა ხელმძღვანელობა, 1848 წლის დებულების მიხედვით, განისაზღვრებოდა შემდეგი სახით: გიმნაზიების მმართველად უშუალოდ ითვლებოდნენ დირექტორები და ინსპექტორები. გიმნაზიის ინსპექტორების დასახმარებლად ინიშნებოდნენ შტატისა და შტატგარეშე ზედამხედველები. ამას გარდა, იმის უახლოესი მეთვალყურეობისათვის, თუ როგორ აკმაყოფილებენ გიმნაზიები მათი დაარსების ადგილობრივ მიზნებს, მათთან იმყოფება საპატიო მზრუნველი, რომელსაც ირჩევს ადგილობრივი თავადაზნაურობის კრება“.

სამაზრო სასწავლებლებს განაგებდნენ შტატის ზედამხედველები. ისინი ინიშნებოდნენ ამ თანამდებობაზე მხოლოდ იმ შემთხვევაში, თუ აღმოაჩნდებოდათ აუცილებელი ადმინისტრაციულ-პედაგოგიური

განოცდილება. ამას გარდა, სამაზრო სასწავლებლებში ნიშნავდნენ (ან ირჩევდნენ) საპატიო ზედამხედველებს იმის მეთვალყურეობისათვის, თუ როგორ აკმაყოფილებდა სასწავლებელი ადგილობრივი მოსახლეობის სასწავლო მოთხოვნილებებს.

სამრევლო სკოლები უშუალოდ ემორჩილებოდნენ მაზრის სამრევლო სასწავლებელთა შტატის ზედამხედველებს, ხოლო ადგილობრივ ხელმძღვანელობას (მეთვალყურეობას) ახორციელებდა რუსული ენის მასწავლებელი საგუბერნიო სკოლების დირექტორის დანიშვნით.

ასაკი გიმნაზიებში შესასვლელ მოსწავლეთა განსაზღვრული იყო შემდეგნაირად: „მოწაფეები, რომლებიც შედიოდნენ პირველ ან ნოსანზადებელ კლასში, უნდა ყოფილიყვნენ არა უმცირეს 8-სა და არა უმეტეს 11 წლის ასაკისა, მეორე კლასში—არა უმცირეს 9-სა და არა უმეტეს 12 წლისა, მესამეში—არა უმცირეს 10-სა და არა უმეტეს 13 წლისა, მეოთხეში—არა უმცირეს 11-სა და არა უმეტეს 14 სა, მეხუთეში—არა უმცირეს 12-სა და არა უმეტეს 15 წლისა. მე-5 კლასს ზევით გიმნაზიაში მოწაფეები არ მიიღებიან“ (§ 39). იგივე ასაკი ძირითადად განსაზღვრული იყო გიმნაზიების პანსიონებში შესაყვან ბავშვებისათვის. ასაკგადასულებს გიმნაზიაში ღებულობდნენ თავისუფალ მსმენელთა უფლებით.

1848 წლის დებულებით განსაზღვრული იყო გიმნაზიების სამაზრო და სამრევლო სასწავლებელთა ახალი სასწავლო გეგმები:

გიმნაზიების სასწავლო გეგმაში შედიოდა: 1) საღვთო სჯული, 2) რუსული გრამატიკა, რიტორიკა, პიიტკა და რუსული სიტყვიერების ისტორია, 3) არითმეტიკა, ალგებრა, ლონგიმეტრია, პლანიმეტრია და სტერეომეტრია, 4) გეოგრაფია (ზოგადი და რუსეთისა), 5) ისტორია (საერთო და რუსეთისა, კავკასიის ხალხთა ისტორიით), 6) ფიზიკა, 7) კანონმდებლობის ისტორია, სამართლისმცოდნეობა და სასამართლოს წყობილება, 8) სოფლის მეურნეობა და სამოქალაქო არქიტექტურა (აზნაურთა შვილებისა და სხვა მსურველთათვის), კომერციული არითმეტიკა, ბუხჰალტერია, კომერციული გეოგრაფია, საქონელმცოდნეობა და კომერციული უფლება (სავაჭრო წოდებათა შვილებისათვის და სხვა მსურველთათვის), 9) ადგილობრივი ენები (ქართული, თათრული (აზერბაიჯანული), სომხური—თბილისის გიმნაზიისათვის, ქართული და თათრული—ქუთაისის გიმნაზიისათვის), 10) ფრანგული ენა და სიტყვიერება, 11) ლათინური ენა, 12) სუფთაწერა, 13) ხატვა-ხაზვა.

ქართული ენა, როგორც უმრავლესობის ენა, ითვლებოდა სა-
ვალდებულოდ საქართველოს გიმნაზიების ყველა მოწაფისათვის,
თათრულ და სომხურ ენებს კი სწავლობდნენ მხოლოდ მსურველები.
ფრანგულ და ლათინურ ენებს სწავლობდნენ მხოლოდ ის მოწა-
ფეები, რომლებაც გიმნაზიის კურსის დამთავრების შემდეგ შედიოდ-
ნენ უნივერსიტეტებში.

თბილისისა და სტავროპოლის გიმნაზიების სპეციალურ კლასებში
უნდა ესწავლებინათ აგრეთვე გერმანული ენა (მათთვის, ვისაც სურდა
უნივერსიტეტის საექიმო ფაკულტეტზე შესვლა), ზოგადი პედაგო-
გიკა და დიდაქტიკა (მათთვის, ვისაც გიმნაზიის დასრულების შემ-
დეგ უნდა დაეკავებია მასწავლებლის თანამდებობა).

საქართველოს ტერიტორიაზე არსებულ სამაზრო სასწავლებელთა
სასწავლო გეგმებში შედიოდა შემდეგი საგნები: 1) საღვთო სჯული,
2) რუსული ენა და რუსული ენის გრამატიკა, 3) ქართული ენა,
4) არითმეტიკა, 5) გეოგრაფია, 6) საკანცელარიო საქმე და 7) სუფთა-
წერა.

საქართველოს ტერიტორიაზე არსებულ სამრევლო სასწავლე-
ბელთა სასწავლო გეგმაში შედიოდა: 1) საღვთო სჯული, 2) რუსული
წერა-კითხვა, 3) არითმეტიკა (ოთხი მოქმედება). ქართული ენისა
და საღვთო სჯულის სწავლა სამრევლო სკოლებში ეკისრებოდა
ადგილობრივ მღვდელს.

1843 წლის დებულება განსაზღვრავდა აგრეთვე სწავლების მე-
თოდს (დაწყებით კლასებში) სასწავლო წლის დროს, ითვალისწი-
ნებდა სახელმძღვანელოებისა და დამხმარე წიგნების შედგენის, გან-
ხილვისა და გამოცემის საქმეს, რასაც შემდგომ თავებში ვხვებით.

ამ დებულებით განსაზღვრული შტატის მიხედვით კავკასიის სას-
წავლო ოლქის სამმართველოზე წელიწადში იხარჯებოდა 13.330 მ.,
თბილისის სასწავლებელთა დირექციაზე—74.780 მ., ქუთაისის სას-
წავლებელთა დირექციაზე—31.835 მან., სულ—119.945 მანეთი
ვერცხლით.

კავკასიის სასწავლო ოლქის 1848 წლის დებულების დამტკიცე-
ლისა და შემოღების მომენტში რუსეთის იმპერიაში მოქმედებდა
1828 წლის წესდება იმ ცვლილებებით, რომელნიც მათში შექონდა
განათლების სამინისტროს ცალკეული ცირკულიარებითა და გან-
კარჯულებებით. კავკასიის სასწავლო ოლქის დებულება არსებითად
არ განსხვავდებოდა აღნიშნული წესდებიდან. ამ წესდებით გათვა-
ლისწინებული სახალხო განათლების პრინციპები და პოლიტიკური

სათუძვლებმა, აგრეთვე სასწავლო პროცესის ორგანიზაციის ფორმები, დარჩნენ, ძირითადად, კავკასიის 1848 წლის დებულებაშიც. ცვლილება შეეხო მხოლოდ სასწავლებელთა სტრუქტურას, რაც გააოწვეული იყო კავკასიის სასწავლებელთა თავისებური დანიშნულებით და ადგილობრივი პირობებით. მაგალითად, რუსეთის 1828 წლის წესდებით გათვალისწინებული გიმნაზიების ორგვარი მიზნის მაგვირად, 1848 წლის კავკასიის დებულება ლაპარაკობს სამგვარი მიზნის შესახებ. მესამე მიზანი (კავკასიის გიმნაზიებისა) წარმოადგენდა: „ახალგაზრდობის მომზადება სახელმწიფო სამსახურისათვის კავკასიისა და ამიერკავკასიის მხარეში“. აქედან—ცვლილებაც გიმნაზიების სასწავლო გეგმებსა და სტრუქტურაში: ნაცვლად გიმნაზიის 7 კლასისა (1828 წლის წესდების მიხედვით) 1848 წლის დებულება კავკასიის გიმნაზიებში აწესებდა 8 კლასს, ხოლო ამ გიმნაზიების სასწავლო გეგმებში, სწავლების ადგილობრივ ამოცანებთან დაკავშირებით, შედიოდა ისეთი სავნები, როგორც იყვნენ: კავკასიის ხალხთა ისტორია, კანონმდებლობის ისტორია, სამართლისმცოდნეობა და სასამართლოს წყობილება, სოფლის მეურნეობა და სამოქალაქო არქიტექტურა, კომერციული არითმეტიკა, ბუხჰალტერია, კომერციული გეოგრაფია, საქონელმცოდნეობა და კომერციული სამართალი და აგრეთვე ადგილობრივი ენები. ამგვარად, კავკასიის გიმნაზიების მესამე მიზანი უნდა ყოფილიყო პრაქტიკული მუშაკების მომზადება იუსტიციის ორგანოებში, სასოფლო-სამეურნეო და სამრეწველო საწარმოებში სამსახურისათვის და აგრეთვე სხვადასხვა დაწესებულებათა კანცელარიებში მთარგმნელთა, ბუხჰალტერთა, მოანგარიშეთა და სხვა პროფესიებისათვის.

სამაზრო სასწავლებლებს კავკასიის სასწავლო ოლქის 1848 წლის დებულებით უფრო ცხადი და გარკვეული დანიშნულება ჰქონდათ, ვიდრე 1828 წლის წესდებით. დაბალ თანამდებობათათვის პრაქტიკულ მუშაკთა მომზადების გარდა, კავკასიის სამაზრო სასწავლებლები ამზადებდნენ აგრეთვე მოსწაღეებს გიმნაზიებში შესასვლელად, რაც აღნიშნულ წესდებაში არ არის გათვალისწინებული. კავკასიის სამაზრო სასწავლებელთა სასწავლო გეგმაში შეტანილია აგრეთვე „საკანცელარიო საქმე“, განსხვავებით რუსეთის სამაზრო სასწავლებელთაგან.

ამგვარად, კავკასიის სასწავლო ოლქის 1848 წლის დებულება იცავდა სასწავლებელთა ერთიანობისა და თანამიმდევრობის პრინციპს; ზოგადსაგანმანათლებლო მიზნებს გარდა, სასწავლებლებს

აკისრებდა მოსწავლეთა მომზადებას პრაქტიკული მუშაობისათვის. მაგრამ ამ გარემოებაში არ შეიძლება დაეინახოთ ნიკოლოზ I რაიმე ანნისტია კავკასიის ხალხისადმი ან ეორონცოვის „ლიბერალიზმი და ლოიალობა“. ყოველივე ეს, უპირველეს ყოვლისა, კეთდებოდა თვით ხელისუფლების ინტერესებით. კავკასიის მართვა-გამგეობის სამეურნეო-ადმინისტრაციული, საგანმანათლებლო და სასამართლო აპარატის გაფართოება და განმტკიცება მოითხოვდა ადგილობრივ მოსამსახურეთა მრავალრიცხოვანი, საიმედო კადრების მომზადებასა და გამოყენებას. ეს კადრები უნდა ყოფილიყო თავადაზნაურთა და სხვა პრივილეგიურულ წოდებათაგან. კავკასიის სასწავლო ოლქის სამაზრო სასწავლებლები, როგორც აღნიშნულთ, ისევე წოდებრივი ხასიათისა იყვნენ, როგორც გიმნაზიები, და ამიტომ მათ შორის ერთიანობისა და თანამიმდევრობის პრინციპის განხორციელება უზრუნველყოფდა აღნიშნულ წოდებათა და კავკასიაში გადმოსახლებულ ბიუროკრატიის შეილთათვის დაუბრკოლებლივ გადასვლას სამაზრო სასწავლებლებიდან გიმნაზიებში და აქედან უნივერსიტეტებში, რომ სწორედ მათგან მიეღოთ აღნიშნული კადრები.

1848 წლის დებულება, სახალხო განათლების სისტემაში. წოდებრივობის პრინციპის გატარებით, კავკასიის სკოლების მაგალითზე ადასტურებდა იმ ფაქტს, რომ მეფის ხელისუფლება საზოგადოების გაბატონებულ ფენებს აძლევდა ყველა უფლებას საშუალო და უმაღლეს განათლებაზე და უქმნიდა მათ ყოველნაირ პრივილეგიებს ამ უფლების უზრუნველსაყოფად სინამდვილეში; ხოლო გლებთა მასები მოკლებული იყვნენ ამ სიკეთეს: მეფის მთავრობას საზიანოდ მიაჩნდა მათი ასე თუ ისე სერიოზული განათლება და ყოველნაირად უძნელებდა მათ არა მარტო უმაღლეს და საშუალო სკოლებში სწავლას, არამედ ისეთი ტიპის დაწყებით სკოლებშიც კი, როგორიც იყო ორკლასიანი სამაზრო სასწავლებლები.

22. სასწავლო დრო. პაპაშივი. სნალის ქირა. აგასჯაში

ინტერესს არ იქნება მოკლებული საკითხი სასწავლო წლის, სასწავლო დღის, ვაკაციების, გამოცდებისა და სწავლის ქირის შესახებ XIX ს. პირველი ნახევრის სკოლებში.

საქართველოსა და ამიერკავკასიის სასწავლებლებში XIX ს. პირველ ნახევარში სასწავლო წლისათვის ერთიანი, მტკიცე ვადები

არ არსებობდა. სრულიადრუსეთის სასწავლებელთა 1804 წლის წესდება სასწავლო წლის ვადად გიმნაზიებისათვის ადგენდა პერიოდს I აგვისტოდან I ივლისამდე, ვაკაციის დროდ კი აწესებდა მხოლოდ ერთ თვეს—ივლისს. ასევე სამაზრო სასწავლებლებშიც. რაც შეეხება სამრევლო (სახელმწიფო) სასწავლებლებს, რომლებიც უმეტესად სოფლად არსებობდნენ, აქ სწავლა გრძელდებოდა 6 ან 7 თვეს წელიწადში (ოქტომბრიდან აპრილამდე), რომ დანარჩენი დრო მოწაფეებს სასოფლო მუშაობაში გაეტარებინათ.

სასოფლო სკოლებში, 1828 წლის წესდებით, სწავლა გრძელდებოდა წელიწადში 4—5 თვეს. „იწყება სასოფლო სამუშაოებრს დასრულებისას და გრძელდება ამ სამუშაოების დაწყებამდე“. ზუსტ დროს კი საამისოდ ადგენდა გუბერნიის სასწავლებელთა დირექტორი.

1828 წლის წესდების მიხედვით, ვაკაციის ერთი დრო (ივლისი), იმპერიის ყველა ზონისათვის სავალდებულო აღარ არის. კლიმატური პირობების (სარტყელის) მიხედვით, არდადეგების დროს საზღვრავდა უნივერსიტეტის რექტორი მის ქვემდებარე სასწავლებელთათვის.

ამასთან დაკავშირებით, ამიერკავკასიის სასწავლებელთა 1829 წლის დებულება ამიერკავკასიის სახელმწიფო სასწავლებელთათვის ვაკაციების დროდ აწესებს ორ თვეს: ივლისსა და აგვისტოს, ხოლო კავკასიის სასწავლო ოლქის 1848 წ. დებულებით კი—კავკასიის ოლქის გიმნაზიებსა და სამაზრო სანჩევლო სასწავლებლებში სასწავლო წელი იწყებოდა 1-ლ იანვარს; წლიური, გადასაყვანი და გამოსაშვები გამოცდები ტარდებოდა 15 ნოემბრიდან 25 დეკემბრამდე, საზაფხულო არდადეგების დრო კი რჩებოდა ძველი (ივლისი, აგვისტო).

მიღება წარმოებდა წელიწადში ერთხელ—სასწავლო წლის დაწყებისას; სხვა დროსაც შეიძლებოდა მიღება სხვადასხვა კლასში, მაგრამ სასწავლო წლის დაწყებიდან გავლილი მასალის ჩაბარების შემთხვევაში.

სასულიერო სასწავლებლებში, მაგალითად, თბილისის სასულიერო სემინარიაში, სასწავლო წელი იწყებოდა 1 სექტემბერს. ვაკაციის დროთ დაწესებული იყო ორ თვე—ივლისი და აგვისტო. ამას გარდა მოწაფეები ისვენებდნენ ორ-ორი კვირით ზამთარსა და გაზაფხულზე.

მეცადინეობა ყველა სასწავლებელში წარმოებდა ყოველდღე, გარდა კვირა-უქმე დღეებისა. უმეტეს შემთხვევებში მეცადინეობა ნიმდინარეობდა დილით და ნაშუადღევს (ნასადილევს) თანაბარი

დროის განმავლობაში. შაბათობით და სხვა უქმე დღეების წინ ნაშუადღევს მეცადინეობა არ წარმოებდა.

გაკვეთილი გიმნაზიებსა და სამაზრო სასწავლებლებში გრძელდებოდა 1 ს. და 30 წუთს (1828 წლის წესდებით). სამრევლო და სასოფლო სკოლებში კი—თითო საათს. როგორც წესი, დღეში იყო ოთხი გაკვეთილი: ორი დილით და ორი ნაშუადღევს. ასე—ყველა სასწავლებელში და ყველა კლასში, გარდა პირველი კლასებისა, რომლებშიც ნაშუადღევს მეცადინეობა არ წარმოებდა.

სასწავლო წლის განმავლობაში ტარდებოდა „დახურული“ და „აჯარო გამოცდები. დახურული ეწოდებოდა ისეთ გამოცდებს, რომელიც წარმოებდა საგაზაფხულო არდადეგების წინ და აწარმოებდნენ თვით სკოლის მასწავლებლები და ადმინისტრაცია უცხო პირების დაუსწრებლად. საჯარო გამოცდები წარმოებდა სასწავლო წლის დამლევს კლასიდან კლასში გადაყვანისა და სასწავლებლის დამთავრების დროს. მას ჰქონდა საზეიმო ხასიათი—ესწრებოდნენ მთავრობის ორგანოებისა და საზოგადოების წარმომადგენელი.

სასწავლო წელი მთავრდებოდა სათანადო აქტით (საზეიმო სხდომით). აქტებზე ისმენდნენ სასწავლებლის უფროსის ანგარიშს განვლილი წლის მუშაობის შესახებ, მასწავლებელთა მოხსენება-რეფერატებს, მოწაფეთა დახასიათებებს და მათი თვითშემოქმედების ნიმუშებს. ცხადდებოდა შემდეგ კლასში გადასულ (ან კურსდამთავრებულ) მოწაფეთა სია, აჯილდოვებდნენ საუკეთესო მოწაფეებს და კურსდამთავრებულთ ურიგებდნენ ატესტატებს.

ატესტატები იყო სამგვარი: ბ რ წ ყ ი ნ ვ ა ლ ე წ ა რ მ ა ტ ე ბ ი ს ა (ეძლეოდა მოწაფეებს, რომლებმაც გამოსაშვები გამოცდების დროს მიიღეს ყველა საგანში ნიშანი 5), მოწონებული წარმატებისა (რომლებმაც ყველა საგანში მიიღეს ნიშანი არა ნაკლებ 4-ისა) და საკმაო წარმატებისა (ანუ ჩვეულებრივი, ეძლეოდა მოწაფეებს, რომლებმაც მიიღეს ნიშანი არა ნაკლებ 3-ისა).

ბ რ წ ყ ი ნ ვ ა ლ ე წ ა რ მ ა ტ ე ბ ი ს ა ატესტატით კურსდამთავრებული მაღალი და საშუალო წოდების პირნი სამსახურში შესვლისთანავე ღებულობდნენ მე-14 კლასის სახელმწიფო მოხელეთა ხარისხს. ხოლო მოწონებული ატესტატით კურსდამთავრებულნი, ასეთ ხარისხს ღებულობდნენ ერთი წლის „გულმოდგინე სამსახურის“ შემდეგ.

სამაზრო სკოლების წარმატებულად კურსდამთავრებულ დამალი წოდების პირებსაც ეძლეოდათ ერთი უპირატესობა, მაგრამ უპირატესობა—განსაკუთრებული: 1848 წლის დებულებით ისინი

თავისუფლდებოდნენ... ჯოხით დასჯისაგან (ანუ როზგისაგან), მაგრამ არა ყველანი, არამედ მხოლოდ სავაქრო წოდების პირები (§ 105).

სწავლის ქირა თავიდანვე არ ყოფილა ამიერკავკასიაში; 1829 წლიდან შეწყდა წამახალისებელი „ჯამაგირის“ (სტიპენდიების) გაცემა თბილისის კეთილშობილთა სასწავლებლის მოწაფეთათვის. მაგრამ სწავლის ქირა მაშინვე არ ყოფილა შემოღებული. სწავლა ყველა სასწავლებელში, გარდა პანსიონებისა, უფასო იყო. მაგრამ 40-იან წლებში, როდესაც მოსწავლეთა რიცხვი საგრძნობლად გაიზარდა, ხოლო მთავრობა კი აღარ იყო დაინტერესებული მისი შემდგომი ზრდით, შემოდის სწავლის ქირა, როგორც სწავლის გავრცელების შემფერხებელი საშუალებათაგანი. 1845 წელს რუსეთის განათლების მინისტრის გრაფ უვაროვის მოხსენებაზე სწავლის ქირის გადიდების შესახებ იმპერატორმა ნიკოლოზ I დაწერა: „Сообразитъ-нет ли способов затруднить доступ в гимназию для разночинцев“ („მოიფიქრეთ, არის თუ არა საშუალებები გიმნაზიებში უაზნოთა შესვლის გასაძნელებლად“).* ერთ-ერთ ასეთ საშუალებად გამონახულ იქნა სწავლის ქირის გადიდება რუსეთის იმ გიმნაზიებში, რომლებშიც ის აღრე იყო შემოღებული, და ახლად შემოღება— ყველა დანარჩენებში.

1846 წლიდან სწავლის ქირა შემოდის საქართველოს გიმნაზიებშიც. ამ წელს იგი განისაზღვრებოდა 3 ვერცხლის მანეთით. წლიურად. 1848 წ. დებულებამ დააკანონა ეს ოდენობა მხოლოდ გიმნაზიის თავისუფალ მსმენელთათვის. მაგრამ სიღარიბის მოწმობის წარდგენის შემთხვევაში ქირის გადახდისაგან ესენიც თავისუფლდებოდნენ. სამაზრო და სამრევლო სკოლებში რჩებოდა უფასო სწავლა. 1857 წლიდან სწავლის ქირა გიმნაზიებში გადიდებულ იქნა 5 მანეთამდე წელიწადში და ხდებოდა ყველა მოწაფეს. 1864 წელს ქირა აყვანილ იქნა 10 მანეთამდე წელიწადში, ხოლო 1867 წლიდან დაწესებულ იქნა 15 მანეთი 1—4 კლასებში და 20 მან. დანარჩენებში.

პანსიონებში ბავშვების შესანახი ქირა 1848 წლის დებულებით განისაზღვრებოდა: თბილისის გიმნაზიასთან არსებულ პანსიონში— 200 ვერცხლს მანეთით, ხოლო ქუთაისისა და სტავროპოლის გიმნაზიებთან არსებულ პანსიონებში—160 მანეთით წელიწადში.

* Собр. постановл. по минист. просвещ., I, ч. 2.

XIX ს. 40-იანი წლების მეორე ნახევრიდან საქართველოს საზოგადოებრივ-კულტურული ცხოვრების გამოცოცხლებამ გამოიწვია სასკოლო ქსელის შემდგომი ზრდა. გარდა „წმ. ნინოს სახელობის ქალთა საქველმოქმედო საზოგადოების“, სამხედრო მოსწავლეთა და სპეტ. ტექნიკური სასწავლებლებისა, რომლებზეც უკვე ვწერდით, ამ პერიოდისათვის აღსანიშნავია სკოლების გახსნა საქართველოს განაპირა ადგილებში და ამიერკავკასიის მუსლიმანი მოსახლეობისათვის.

1846 წელს ვორონცოვისა და უწმ. სინოდის შეთანხმებით, აფხაზეთში (ბიჭვინთაში) აფხაზეთის არქიმანდრიტთან მოეწყო სასულიერო სასწავლებელი „აფხაზთა ბავშვების გასანათლებლად“.*

1847—48 წწ., მთიელ ქართველთა თხოვნით, ვორონცოვმა „გაცა განკარგულება თიანეთში დაეარსებინათ საერთო სკოლა თუშეთში-ხევსურთათვის“.** მაგრამ, რადგანაც სკოლის შენობა არ იყო, თვით ადგილობრივმა მოსახლეობამ ააშენა იგი 2—3 წლის განმავლობაში და სკოლამ ფაქტიურად არსებობა დაიწყო 1852 წლიდან, ორწლიანი კურსით. თიანეთის სკოლასთან დააარსდა პანსიონი გლეხთა ბავშვებისთვის. სკოლის გახსნის პირველ წელს მასში სწავლობდა 35 ბავშვი. ხაზინა თიანეთის სკოლაზე ხარჯავდა 1250 მანეთს წელიწადში.

ადგილობრივი მუსლიმანი მოსახლეობის განათლების მოთხოვნილებათა დასაკმაყოფილებლად ქ. თბილისში 1847—48 წლებში დააარსდა ორი სკოლა: ერთი აღის მოძღვრების მიხედვით (1847 წ.) და მეორე ომარის მოძღვრების მიხედვით (1848 წ.). მაგრამ ეს ძალიან ცოტა იყო. აზერბაიჯანის ძირეულ მოსახლეობას სახელმწიფო სკოლა არ გააჩნდა. ამ გარემოების გამო 1850 წელს ვორონცოვმა გამოითხოვა იმპერატორის ნებართვა ამიერკავკასიაში კიდევ 8 მუსლიმანური სკოლის გახსნისა. აქედან სამი სკოლა დააარსდა სუნიტები სათვის (თბილისსა, შემახასა და დერბენტში) და 5 — შიიტებისათვის (თბილისსა, განჯასა, შუშასა, შემახასა და ბაქოში). ყველა ეს სკოლა იმავე 1850 წელს გაიხსნა. ესენი იყვნენ დაწყებითი ტიპის სკოლები და არსებობდნენ სახელმწიფო ხარჯზე. სწავლება მიმდინარეობდა მშობლიურ (აზერბაიჯანულ) ენაზე.

* Акты, X, 226 — 227.

** იქვე, 856.

ამიერკავკასიის მუსლიმანური სკოლები სარგებლობდნენ აზერბაიჯანში საკმაო ავტორიტეტით. მათი გახსნის წელს (1-50) ამ სკოლებში (თბილისის ორი სკოლის გამოკლებით) სწავლობდა 586 მოსწავლე, შემდეგში კი ეს სკოლები ველარ იტყეოდნენ ყველა მსურველს. მაგრამ ხანმოკლე იყო მათი არსებობა. მთავრობამ არ გაუწია ანგარიში ამიერკავკასიის მუსლიმანი ხალხის ინტერესებს და 1861 წელს კავკასიის მეფისნაცვალმა ბარიატინსკიმ საჭიროდ დაინახა „მეფისნაცვლის თანხები გაენთავსუფლებიათ ამ სკოლების ხარჯებისაგან“, ვინაიდან მუსლიმანები ვითომც ამ დროისათვის „არამც თუ გაურბოდნენ რუსულ სკოლებს, არამედ დიდი სიხარულით აძლევდნენ ბავშვებს ამ სკოლებში“.* ამის გამო მთავრობის ხარჯზე მოკლე ამიერკავკასიის მუსლიმანური სკოლები 1861 წელს ყველგან დაიხურა. მაგრამ ელემენტარულ მუსლიმანური სკოლები მეჩითებთან კვლავ არსებობდნენ და მრავალრიცხოვნადაც. თუ 1850 წელს კავკასიაში იყო დაახლოებით 700 მეჩითი სკოლებითურთ, 1861 წლისათვის მათი რიცხვი ბევრად არ შემცირებულა. რაც შეეხება დაღისტნის მუსლიმანურ სკოლებს—სოფლებში: აკუშა, ცუდახარ, ყუნზახ, ყუმუხ, ახტი და სხვ.—ისინი ძველებურადვე გამოიჩინოდნენ კარგად მოწყობილი სკოლებით, სადაც ბავშვები სწავლობდნენ არაბულ წერა-კითხვას ყურანისა და სხვა მუსლიმანური წიგნების საკითხავად.

—

არ შეიძლება გვერდი აუხვიოთ ქართველი სასულიერო წოდებების როლს XIX ს. 40-იანი წლების სახალხო განათლების საქმეში.

30-იანი წლების დასასრულს უწმინდესი სინოდის 1836 წ. 29/X მითითებით და საქართველოს ეგზარხატის წინადადებით, საქართველოს ეკლესია-მონასტრებთან დაიწყეს ერთკლასიანი სამრევლო სკოლების გახსნა. საარქივო მასალების მიხედვით, 5 წლის განმავლობაში (1841 — 1845 წწ.) მარტო აღმოსავლეთ საქართველოში (ქართლ-კახეთში) გაიხსნა 55 სასოფლო სამრევლო სკოლა 56 მასწავლებლით და 558 მოწაფით.** დასავლეთ საქართველოში ამ პერიოდის სამრევლო სკოლების რიცხვის შესახებ ზუსტი ცნობები არა

* Акты, XII, 192.

** ც. არქ. საქ. ეგზარხატის კანტ. საქმე, ფ. 139, № 11838, ფრც. 2—3 და შემდ.

გვაქვს, მავრამ რამდენადაც ასეთი სკოლების გახსნა, აღნიშნული მითითების მიხედვით, აქაც საეკლესიო იყო სოფლის საშტატო ეკლესიების მღვდლებისათვის, უნდა ვიფიქროთ, რომ მათი რიცხვი აქ ნაკლები არ იქნებოდა, ვიდრე აღმოსავლეთ საქართველოში. განსაკუთრებით გამოირჩეოდნენ სამრევლო სკოლები ჯუმათში, შემოქმედში, ხონში, გელათში, ონში, ჭყონდიდში, ხობში, მარტვილში, ცაგერში, ცაიში, ბიჭვინთაში.

40-იანი წლების საეკლესიო-სამრევლო სკოლები ელემენტარული ტიპისა იყვნენ. სწავლა 2—3 წელს გრძელდებოდა; ასწავლიდნენ: საღვთო სჯულს, ქართულ წერა-კითხვას, სუფთაწერას, ხოლო ზოგჯერ სკოლაში რუსულ წერა-კითხვასაც.* სასოფლო სამრევლო სკოლებში ლეზლობდნენ ყველა წოდების ბავშვებს. სწავლება საგნებისა ყველგან ქართულად წარმოებდა. სასწავლო და ადმინისტრაციულ დარგში აღნიშნული სკოლები საქართველოს ეგზარხოსს ემორჩილებოდნენ.

ხსენებული ტიპის სასოფლო სამრევლო სკოლების რიცხვი 70-იან წლებამდე უმნიშვნელო ზრდას განიცდიდა (მღვდლებს ამ სკოლებში მასწავლებლობისათვის დამატებითი ჯამაგირი არ ეძლეოდათ და არ იყვნენ დაინტერესებული მათი არსებობით), 70-იანი წლებიდან, სოფლად სახელმწიფო სკოლების თანდათანობითი გავრავლების გამო, მათი რიცხვი მცირდებოდა, ხოლო 80-იანი წლებიდან ისინი შეიცვალენ ახალი ტიპის საეკლესიო-სამრევლო სკოლებით.

—

როგორც ნათქვამი იყო, კავკასიის სასწავლო ოლქის 1848 წლის დებულება დამატებით ითვალისწინებდა: კომერციულ გიმნაზიას თბილისში და სამრევლო (საერო) სკოლებს: ქვეშეთში მთიელ მცხოვრებთათვის; ონში (პანსიონით) რაქა-ლეჩხუმის და სვანეთის მცხოვრებთათვის ყულევში (რედუტკალე) ადგილობრივი ბერძენი მოსახლეობისათვის.

50-იანი წწ. დასაწყისში ეს სასწავლებლები მართლაც დაარსდნენ. თბილისის კომერციული გიმნაზია განკუთვნილი იყო ახ.ლ-

* ც. არქ. საქ. ეგზარხატის კანც. საქმე, ფ. 139. № 10015, ფრც 2—7, 8—10, 13—15, 22—23.

გაზრდობის მოსამზადებლად სავაქრო-სამრეწველო მოღვაწეობისათვის და კომერციულ ცოდნათა გავრცელებისათვის.*

1850 წელს თბილისში გერმანულ-ხელოსანთათვის გაიხსნა სამრეწველო სასწავლებელი.** იმავე წელს ვორონკოვის განზრახული ჰქონდა გაეხსნა თბილისში კადეტთა კორპუსი, მაგრამ ეს განზრახვა ჰეტერბურგის ოფიციალურ (სახელმწიფო) წრეებში მიჩნეულ იქნა ჯერ კიდევ ნადრევიად.

1851 წლისთვის საქართველოში განათლებეს სამინისტროს უწყების ხაზით არსებობდა:

3 გიმნაზია—787 მოსწავლით,

6 სამაზრო სასწავლებელი—433 მოსწავლით,

6 სამრეწველო (საერო) სასწავლებელი—218 მოსწავლით,

5 დამოუკიდებელი პანსიონი—68 მოსწავლით (3 ვაჟთა, 2 ქალთა).

ამგვარად, სულ სახელმწიფო სასწავლებლების რიცხვი უდრიდა 20 ს—1506 მოსწავლით.*** ამას გარდა, იყო კიდევ 16 სასულიერო სასწავლებელი (მათ შორის 2 სასულიერო სემინარია) 860 მოსწავლით; ეკლესია-მონასტრებთან არსებულ და კერძო სკოლების რიცხვი, არასრული ცნობებით, უდრიდა 83-ს 2300 მოსწავლით; პოლკებთან არსებული სკოლების (სამხედრო მოსწავლეთა სკოლების) რიცხვი უდრიდა 16-ს 620 მოსწავლით. ქალთა სასწავლებელთა რიცხვი უდრიდა 3-ს (თბილისის კეთილშობილ ქალთა ინსტიტუტი, თბილისის და ქუთაისის წმ. ნინოს სასწავლებლები) 218 მოსწავლით; იყო აგრეთვე ერთი სამიჯნო სკოლა 50 მოსწავლით.

ამგვარად, 1850 წელს მთელ საქართველოში სულ იყო 139 დაწყებითი და საშუალო სასწავლებელი 5554 მოსწავლით.

იმავე დროისათვის (უფრო ზუსტად 1851 წლისათვის) კავკასიის სასწავლო ოლქის ყველა სასწავლებელში (5 გიმნაზია, 20 სამაზრო და საოლქო სასწავლებელი, 315 სამრეწველო და სხვა დაწყებითი სკოლები) სწავლობდა სულ 8413 მოსწავლე, მათგან 8117 ვაჟი და 295 ქალი.**** ამას გარდა, კავკასიაში იყო აგრეთვე, მიახლოებით,

* ასეთი სასწავლებლის საპირობა წინათაც იყო. ასე, ვორონკოვი 1845—46 წწ. თავის ანგარიშში წერდა: „სასარგებლო იქნებოდა თბილისში კომერციული სასწავლებლის გახსნა“ (Акты, X 842).

** Акты, X, 897.

*** „Кавказский календарь“ на 1851 г., 59.

**** Акты, X, 897.

30 სკოლა პოლკებთან 1040 მოსწავლით, 5 ქალთა სასწავლებელი 3 ა 0 მოწაფით, ერთი სამაჯნო სკოლა 50 მოწაფით და 3 სასულიერო სემინარია 420 მოწაფით. სულ კავკასიაში იყო 419 სკოლა 10.273 მოწაფით.

—

კავკასიის სასწავლო ოლქის 1848 წლის დებულებას ჰქონდა სამი წლის საცდელი ვადა. ის ძირითადად უპასუხებდა დროის მოთხოვნილებებს და ამიტომ 1853 წელს საბოლოოდ დამტკიცდა იგი უწინშენელო ცვლილებებით: 1) ხუთი დირექციის მაგივრად, სასწავლო ოლქი გაიყო 4 დირექციად: თბილისის, ქუთაისის, სტავროპოლისა და შავი ლივსპირის. შემახისა და დერბენტის გუბერნიების სასწავლებლები შევიდნენ თბილისის დირექციის შედგენილობაში, ხოლო ერევნის გუბერნიის სასწავლებლები—ქუთაისის დირექციის შედგენილობაში; 2) თბილისის გიმნაზიას—სათავადაზნაურის ნაცვლად ეწოდა საგუბერნიო. თბილისის კომერციული გიმნაზია შეუერთდა თბილისის საგუბერნიო გიმნაზიას და მის მაგივრად დაარსდა კომერციული სასწავლებელი; სამაზრო სასწავლებლებს ახალი დებულება დამატებით უსახავდა პედაგოგიურ მიზანს: „ყველა თავისუფალი მდგომარეობის პირთა მომზადება პირველდაწყებით სასწავლებელთა და კერძო სკოლების მასწავლებელთა თანამდებობის დასაქვრად“ (§ 79). ამას გარდა 1853 წლის დებულებით, ადგილობრივ ენათაგან სავალდებულო იყო: თბილისის გიმნაზიაში—ქართული და თათრული (აზერბაიჯანული) პირველი ორი კლასის ყველა მოსწავლისათვის, ხოლო მაღალ კლასებში ერთე მათგანი, მოწაფეების არჩევით... ქუთაისის გიმნაზიაში—ქართული ყველა მოწაფეთათვის და თურქული—სახაზინო ხარჯზე მყოფ მოწაფეთათვის. სომხური ენა კი „ყველა იმ გიმნაზიაში, სადაც კი იგი ისწავლება, სავალდებულოა მხოლოდ სომხებისათვის“ (§ 41).

კავკასიის სასწავლო ოლქის 1853 წლის დებულება სცვლიდა გიმნაზიების სტრუქტურასაც: ნაცვლად 8 კლასისა, რაც გათვალისწინებული იყო 1848 წლის დებულებით და ეწინააღმდეგებოდა იმ დროს რუსეთის იმპერიაში მოქმედ 1828 წლის წესდებას, 1853 წლის დებულებამ აღადგინა 7-კლასიანი გიმნაზია აღნიშნული წესდების შესაფერისად.

კავკასიის სასწავლო ოლქის 1853 წლის დებულების დამტკიცებასა და გამოყენებასთან დაკავშირებით, უფრო მკაფიოდ იქნა გამოაშკარავებული ხაქართველოსა და ამიერკავკასიაში სახალხო გა-

ნათლების ახალი ორგანიზაციის პოლიტიკური ამოცანა: მაქსიმალური დაახლოება რუსეთის საერთო სახალხო განათლების სისტემასთან. კავკასიის საზოგადოებრივ-კულტურულ ცხოვრების „დაახლოება“ რუსეთის საზოგადოებრივ-კულტურულ ცხოვრებასთან, რომელიც გაცილებით ადრე იყო დაწყებული, როგორც ვიცით, ძალიან დაჩქარა ვორონცოვმა, ხოლო განათლების სისტემის მხრივ ეს ტენდენცია გამოხატა კავკასიის სასწავლო ოლქის მზარუნველმა ბარონ ნიკოლაიმ 1851 წელს, ახალი დებულების პროექტის შედგენისას. მისი აზრით, დებულებას უნდა ჰქონოდა მუდმივი საერთო კანონის ხასიათი, მიუხედავად ადგილობრივ თავისებურებათა და სასწავლებელთა ქსელში, ტიპებში და სტრუქტურაში შესაძლო ცვლილებებისა. 1853 წლის 29 ოქტომბერს, ახალი დებულების „უმალლესად“ დამტკიცებისას, მმართველი სენატის მიმართ იმპერატორის ბრძანებაში („უკაზ“) კატეგორიულად იყო ნათქვამი: „კავკასიის ოლქის სასწავლებელთა წყობილება და უახლოვდეს იმ წყობილებას, რომელიც შემოღებულია შიდა გუბერნიების სათანადო სასწავლებელთათვის და, ამგვარად, კავკასიაში და კავკასიის იქით თანდათანობით იქნეს შემოღებული სახალხო განათლების იგივე სისტემა, რომელიც არსებობს სახელმწიფოს სხვა ნაწილებში“. ამით კავკასიის სასწავლო ოლქს ეძლეოდა სრულიად გარკვეული პოლიტიკური დირექტივა: დამთავრებულიყო მისი დამოუკიდებლობა, თუნდაც ფორმალური, და წინანდელი ამოცანა—ადგილობრივი ცხოვრების პირობებთან შეწყობა-შეგუებისა—უნდა შეცვლილიყო რუსეთის იმპერიის ცხოვრებასთან შეწყობის ამოცანით. კავკასიაში რუსული სახალხო განათლების სისტემის თანდათანობითი შემოღება, რომელიც ფაქტიურად ადრევე იყო აგრეთვე დაწყებული, 1853 წლის ხსენებული ბრძანებით, კანონად იქცა. ძაგრამ, მიუხედავად ამისა, ადგილობრივი გარემოებანი და თავისებურებანი კანონზე უფრო ძლიერი აღმოჩნდნენ და ამ „შემოღებას“ ზუსტად 20 წელი დასჭირდა.

50-იანი წლების მეორე ნახევრის განმავლობაში საქართველოსა და მთელი კავკასიის დაწყებითი და საშუალო განათლების ქსელში არაფერი მნიშვნელოვანი ცვლილება მომხდარა. 1853 წლის დებულების დამტკიცების შემდეგ ადგილობრივი ხელისუფლება ზრუნავდა უფრო მეტად იმაზე, რომ რუსული განათლების სისტემა დაენერგა საქართველოში, ვიდრე გაეფართოებინა სასწავლებელთა ქსელი ან

გაეუმჯობესებინა სასწავლო-აღმზრდელი მუშაობა სკოლებში-მეორე მხრით, აღსანიშნავია, რომ მ. ს. ვორონცოვის მიერ კავკასიის მეფისნაცვლის პოსტის დატოვებამ 1854 წელს, უარყოფითი გავლენა მოახდინა განათლების ქსელის გაფართოებაზე. მისი ერთ-ერთი უკანასკნელი ღონისძიება საქართველოს სკოლათა ქსელის გაფართოების დარგში იყო გადაწყვეტილება თბილისში საარქიტექტორო სასწავლებლის დაარსებისა 1853 წელს, მაგრამ დასტოვ-რა მან თავისი თანამდებობა, ეს სასწავლებელი ალარ გაუხსნიათ, ვითომდა ბინის უქონლობის გამო.

1855 წლისათვის საქართველოში იყო 36 ოფიციალური, კავკასიის სასწავლო ოლქის ქვემდებარე, სასწავლებელი (აქედან 2 გიმნაზია, 10 სამაზრო სასწავლებელი, ერთი ოთხკლასიანი სასწავლებელი, 7 სამრევლო (საერო) სკოლა, 12 კერძო სკოლა და 4 პანსიონი) — 2032 მოწაფით.

ღირეკციების მიხედვით:*

ღირეკცია	გიმნაზიები		სამაზრო სასწავლებ.		ღანყებითი სკოლები		კერძო სკოლები		ს უ ლ	
	რიცხვი	მოწაფეთა რიცხვი	რიცხვი	მოწაფეთა რიცხვი	რიცხვი	მოწაფეთა რიცხვი	რიცხვი	მოწაფეთა რიცხვი	სკოლების რიცხვი	მოწაფეთა რიცხვი
თბილისის	1	337	10	953	5	264	12	367	28	1921
ქუთაისის	1	174	4	419	6	183	—	—	11	731
ს უ ლ	2	511	14	1372	11	402	12	367	39	2652

აღნიშნულს გარდა საქართველოში იმავე (1855) წლისათვის იყო: 3 ქალთა სასწავლებელი 268 მოწაფით, 17 სასულიერო სასწავლებელი (მათ შორის 2 სემინარია, 6 სამაზრო სასულიერო სასწავლებელი).

* Л. Н. Модзалевский, Очерк истории воспитания и обучения. ч. II, приложение, 513—514, 1899.

თბილისისა და ქუთაისის ღირეკციებში იყო ცოტა უფრო მეტი სკოლა და მოწაფეთა რაოდენობა, ვიდრე საქართველოში, ვინაიდან, როგორც უკვე აღვნიშნეთ, ამ ღირეკციებში უფრო მეტი ტერიტორია და მოსახლეობა შედიოდა, ვიდრე იყო საქართველოს ტერიტორია და მოსახლეობა.

ბელი, 9 სამრევლო სკოლა) — 980 მოწაფით,* ეკლესიებთან და მონასტრებთან არსებული სკოლების რიცხვი (დაუზუსტებელი ცნობით) უდრიდა 72, მოწაფეთა რიცხვი კი — 2016, ორი მუსლიმანური სკოლა (ერთი შიიტების, ერთი სუნიტების) — 47 მოწაფით, 16 სამხედრო (პოლკებთან არსებული) მოსწავლეთა სკოლა — 630 მოწაფით და 1 სამიჯნო სკოლა—50 მოწაფით.

სულ, საქართველოში 1855 წლისათვის იყო 147 სასწავლებელი 6023 მოწაფით.

ვორონცოვის შემდგომი მეფისნაცვლები კავკასიაში, მურავიოვი და ბარიატინსკი, მხოლოდ სამხედრო-პოლიტიკური საქმეებით იყვნენ გატაცებული: პირველი — რუსეთ-ოსმალეთის (ყირიმის) ომით 1853-1856 წწ., მეორე კი კავკასიის მთიელი მოსახლეობის საბოლოოდ განადგურება - დამორჩილებით, იმ მოსახლეობისა, რომელიც ჯერ კიდევ 20-იანი წლებიდან იბრძოდა რუსეთის მეფის კოლონიური პოლიტიკის წინააღმდეგ. ამიტომ ხსენებული მეფისნაცვლები ძალიან მცირე დროს ანდომებდნენ სახალხო განათლებას.

ყირიმის ომმა გამოაშკარავა ბატონყმური რუსეთის ლპობა და უილაჯობა“ (ლენინი); მან გამოაშკარავა მაშინდელი რუსეთის არა მარტო ტექნიკურ-ეკონომიური ჩამორჩენილობა, არამედ კულტურულიც. თუმცა ნ. ვ. გოგოლი ჯერ კიდევ 1845 წელს წერდა, რომ „რუსეთის შიგნით ათი წლის განმავლობაში იმდენი ამბავი ზდებდა, რამდენიც სხვა სახელმწიფოებში არ მოხდება ნახევარ საუკუნეშიც კი“,** მაგრამ ეს ტემპი მაინც არ იყო საკმარისი, რომ შეძლებულიყო მისი (რუსეთის) ჩქარა გამოყვანა ნახევარაღ-პატრიარქალური მდგომარეობიდან. განსაკუთრებით ჩამორჩენილი იყო იგი სახალხო განათლების დარგში. ასე, მაგალითად, 1855 წელს რუსეთში სწავლობდა: უმაღლეს სკოლებში—4.025 კაცი, ვიმნაზიებში—17.817 და დაწყებით სკოლებში—94.298, სულ მთელი იმპერიის ყველა სასწავლებელში—116.140 მოსწავლე.***

50-იანი წლების მეორე ნახევარში რუსეთის მოსწავლეების საერთო რიცხვი, ყირიმის კამპანიის შედეგებთან დაკავშირებით, არ

* Кавказский календарь на 1855 г., 540—1.

** Н. В. Гоголь, Собр. соч., VI, 328, 1937.

*** С. Князьков и Н. Сербов, 1, 222—223.

გაზრდილა. არ გაზრდილა მოსწავლეთა რიცხვი არც საქართველოში-ერთადერთ, ასე თუ ისე, მნიშვნელოვან მოვლენად ამ პერიოდის საქართველოს სახალხო განათლების დარგში უნდა ჩაითვალოს საბალოსნო სკოლების დაარსება; მაგრამ ესეც მხოლოდ ფორმალურ აქტს წარმოადგენდა.

—

თბილისში 1833 წლიდან და ქუთაისში 1852 წლიდან არსებული მებაღეობის საცდელი ფერმები დაარსებიდანვე ისახავდნენ მიზნად „თეორიული და პრაქტიკული ცოდნით აღჭურვილი“ მებაღეების მომზადებას და ამ მიზნით ამ ფერმებთან თავიდანვე არსებობდა საბალოსნო სასწავლებლები. მაგრამ 50-იანი წლებიდან, სოფლის მეურნეობის, კერძოდ, მებაღეობის განვითარებამ და „კავკასიის სასოფლო სამეურნეო საზოგადოების“ მოღვაწეობის გაფართოებამ გააძლიერა კულტურულ მებაღე-სპეციალისტების საჭიროება. ამის გამო თბილისისა და ქუთაისის ფერმებს მისცეს მხოლოდ სასწავლო დანიშნულება და 1855 წელს უწოდეს მათ „საბალოსნო სასწავლებლები“.* 1857 წელს ეს დაადასტურა უმაღლესმა მთავრობამ, ხოლო ერთი წლის შემდეგ კავკასიის მეფისნაცვალმა ბარიატინკიმ დაამტკიცა „თბილისის სახაზინო საბალოსნო სასწავლებლის“ წესდება, რომელიც შეუფარდეს ქუთაისის სასწავლებელსაც. ამ წესდების მიხედვით, ხსენებულ სასწავლებლებს „მიზნად ჰქონდათ მხარეში გაუმჯობესებული მებაღეობისა და მებოსტნეობის გავრცელება სასწავლებელთან სანიმუშო ბალის გაკეთებით და გამოცდილი მებაღეების მომზადებით, უპირატესად ადგილობრივთაგან“.**

საქართველოს საბალოსნო სასწავლებლებში ლეზულობდნენ ახალგაზრდა ვაჟებს 14-დან 17 წლის ასაკამდე. სასწავლებელთა სტრუქტურაში გათვალისწინებული იყო 2 ორ-ორწლიანი კურსი და, მაშასადამე, სწავლა გრძელდება 4 წელიწადს. სწავლის პროცესში უპირატესობა ეძლეოდა პრაქტიკულ მეცადინეობას. სასწავლო გეგმაში თავდაპირველად შედიოდა: ზოგადი განათლების საგნებიდან: რუსული ენა და არითმეტიკა, ხოლო სპეციალური საგნებიდან: მებაღეობა, მეღვინეობა და მებოსტნეობა. პრაქტიკული მეცადინეობა იწყებოდა პირველი კურსიდანვე.

* Акты, XI, 775, ქუთაისის საბალოსნო სასწავლებლის მოწყობაში აქტიურ მონაწილეობას იღებდა აკადემიკოს ნიკო მარის მამა, იაკობ მარი.

** Акты, XII, 123—124.

✓ თბილისისა და ქუთაისის საბაღოსნო სასწავლებელთა პარალელურად თბილისის ბოტანიკურ ბაღთან აგრძელებდა არსებობას სპეციალური სასწავლებელი, რომელიც ამზადებდა მებაღეებს საქალაქო პარკებისათვის.

საბაღოსნო სასწავლებელთა კონტინგენტი პირველად ძალიან მცირე იყო (მაგალითად, თბილისის სასწავლებლის კონტინგენტი 1855—57 წლებში განსაზღვრული იყო 15 კაცით, აქედან 10—სახაზინო და 5—საკუთარ ხარჯზე). საბაღოსნო სასწავლებლის კურსის დამთავრების შემდეგ, სახელმწიფო ხარჯზე მოსწავლენი ვალდებული იყვნენ 10 წლის განმავლობაში დარჩენილიყვნენ კავკასიის ხელისუფლების განკარგულებაში ადგილობრივ სამსახურში მათი გამოყენების მიზნით.

სამივე ზემოხსენებულ საბაღოსნო სასწავლებლებზე მთავრობა ხარჯავდა 7.761 მანეთს წელიწადში. აქედან თბილისის სასწავლებელზე—3.261 მანეთს და თბილისის ბოტანიკურ ბაღთან არსებულ სასწავლებელზე—2000 მანეთს.*

მთავრობის სკოლათა ქსელს 50-იანი წლების მეორე ნახევარში მიემართა ორი დაწყებითი (სამაზრო სკოლის) ტიპის სასწავლებელი: ფოთში და სოხუმში და ერთი ელემენტარული სკოლა სოფ. სვირში 1856 წელს. ეს უკანასკნელი გახსნა კერძო სკოლის სახით ყოფ. მღვდელმა სიმონ მიქაძემ (ზიქიყვმა), მაგრამ შემდეგ წელში სვირის სკოლა კავკასიის სასწავლო ოლქის უწყებაში გადავიდა.**

ცალკე უნდა აღინიშნოს ქუთაისის პირველ დაწყებითი სასწავლებელი. ის გაიხსნა 1858 წლის 15 ოქტომბერს, შედგებოდა 3 განყოფილებისაგან და ინახებოდა ხაზინის ანუ სასწავლო ოლქის ხარჯზე. ღებულობდნენ ყველა წოდების ბავშვებს. 1859 წლის 1 იანვარს 40 მოწაფიდან ნახევარზე მეტს შეადგენდა გლეხებისა და ქალაქის წვრილ მოხელეთა შვილები. 1867 წელს ქუთაისის პირველდაწყებითი სასწავლებელი გადაკეთდა ორ-კლასიან სკოლად. სწავლება წარმოებდა, დაახლოებით, სამაზრო სასწავლებელთა სასწავლო გეგმის მიხედვით, და ზოგადგანათლებლითი დისციპლინების სწავლების პარალელურად ამ სკოლაში ასწავლიდნენ აგრეთვე საღებავლო და სახარატო ხელობას, გიმნასტიკას, მუსიკას და ვალობას.*** ქუთაისის დაწყებითი სკოლის ადმინისტრაციულ-

* Акты, XI, 778.

** იქვე, XI, 746-7.

*** საქ. ც. ი. არქ., ფ. 107, საქმე 13223, ფრც. 178—180.

პედაგოგიური პერსონალიდან გამოირჩეოდა მასწავლებელი ა. მ რ ე ვ -
ლი შ ვ ი ლ ი, რომელსაც 1858 წლიდან 20 წელზე მეტხანს ეჭირა
სკოლის ზედამხედველის თანამდებობა და გატაცებით უწყობდა
ხელს სწავლების ახალი მეთოდების შემოღებას, თვალსაჩინოების
პრინციპის გამოყენებას, აღმზრდელობითი მუშაობის გაუმჯობესებას
და აგრეთვე სკოლისგარეშე კითხვის ორგანიზაციისა და მოსწავ-
ლეთა ფიზიკური შრომის რაციონალიზაციის საქმეს.* ქუთაისის
დაწყებითი სკოლის მოწაფეთა რიცხვი ძალიან სწრაფად იზრდებო-
და. ასე, თუ 1859 წლის იანვრისათვის აქ 40 ბავშვი სწავლობდა,
ერთი წლის შემდეგ ეს რიცხვი 102-მდე ავიდა, ხოლო 1861 წელს
მან 194 მიაღწია.**

(1872 წლის დებულების საფუძველზე ქუთაისის დაწყ. სასწავ-
ლებელი გადაიქცა 3-კლასიან სასწავლებლად ორი მოსამზადებელი
განყოფილებით, ხოლო 1882 წელს ის გადაკეთდა სამოქალაქო სას-
წავლებლად).

—

ინტერესს არ არის მოკლებული ერთი უშედეგო პროექტირება
ქალთა განათლების დარგში, რომელსაც ადგილი ჰქონდა XIX ს.
50-იანი წლების მეორე ნახევარში.

რუსეთის განათლების სამინისტრო ბოლოს მიხვდა, რომ „დღე-
ვანდლანდე მიღებული ღონისძიებანი დედრობითი სქესის ბავშვთა
გასანათლებლად სავსებით ვერ აკმაყოფილებდნენ ჩვენი დროის
მოთხოვნილებებს“ და, ხელმწიფის 1856 წლის 5 მარტის ბრძანებით,
ის „შეუდგა მზადებას პირველ ხანად საგუბერნიო ქალაქებში ქალ-
თა სკოლების მოსაწყობად გიმნაზიებთან მიახლოებული სწავლების
კურსის მიხედვით“. ამასთან დაკავშირებით განათლების მინისტრი
ა. ნ ო რ ო ვ ი იმავე წლის 28 მარტის სპეციალური ცირკულიარით
სთხოვდა იმპერიის სასწავლო ოლქების მზრუნველებს შეეტყობინე-
ბიათ მათი ოლქის რომელ ქალაქებშია „უფრო დაეინებით“ საკირო
ქალთა სკოლების დაარსება, რა თანხა სჭირდება ამას, რა საგნები
უნდა ასწავლონ ამ სკოლებში და როგორი უნდა იყოს მათი მმართველობა.

* 60-იანი წლების დასაწყისში ქუთაისის დაწყ. სასწავლებელში ანუ „მრევ-
ლოვის სკოლაში“—როგორც მაშინ უწოდებდნენ—სწავლობდა ქართველი მწე-
რალი დავ. კ ლ დ ი ა შ ვ ი ლ ი.

** საქ. ც. ი. არქ., ფ. 107, საქმე 13223, ფრტ. 178—180.

კავკასიის სასწავლო ოლქის მზრუნველი ა. ნიკოლაი აღნიშნული ცირკულიარის მიღებისთანავე შეეკითხა ამ საგანზე ამიერკავკასიის გუბერნატორებს და თბილისისა და ქუთაისის სახალხო სკოლების დირექტორებს,* რომელთაგანაც მიიღო ადგილობრივ ქალთა განათლებისადმი მათი დამოკიდებულების მეტად დამახასიათებელი ცნობები.

ქუთაისის გუბერნატორი კოლუბაკინი თავის პასუხში (1856 წ. 10 მარტს) არ სცნობდა აუცილებლად ქალთა ახალი სკოლების დაარსებას ქ. ქუთაისში და აგრეთვე ქ. ახალციხეში, რომელიც მაშინ ქუთაისის გუბერნიაში შედიოდა. მისი აზრით, აღნიშნული ქალაქების შეძლებული კლასების ქალიშვილებს შეეძლოთ ესწავლათ ქ. ქუთაისის წმ. ნინოს სახელობის ქალთა სასწავლებელში, ზოლო ხელმოკლეთა ქალიშვილებისათვის შესაძლოდ მიაჩნდა განსაკუთრებული განყოფილების გახსნა იმავე სასწავლებელთან. „საშუალო ან მხოლოდ საბეგრო და საეპქრო წოდების“ ქალთა სასწავლებლების შესახებ კოლუბაკინი წერდა: „ასეთი სასწავლებლები დაუშვებელი იქნებიან გარკვეულ დრომდე, ვინაიდან ქალიშვილებს აძლევენ ისეთ განვითარებასა და მიმართულებას, როგორც ეწინააღმდეგება საშუალო კლასის საოჯახო ცხოვრების პირობებსა და რელიგიურ წარმოდგენებს.“** ასეთივე აზრის იყო ქუთაისის გუბერნიის სახალხო სკოლების დირექტორი პესოჩინსკიც.

ერევნის გუბერნატორი, ერევნის გუბერნიისა და ნახიჩევანის მხარის (ერევანი, ნახიჩევანი, ორდუბათი, ალექსანდროპოლი) სამაზრო სკოლების ზედამხედველთა ცნობების საფუძველზე, სწერდა: „მე შივედი იმ დასკვნამდე, რომ ერევნის გუბერნიის არა მარტო მუსლიმანები, არამედ სომხებიც არ გაგზავნიან თავიანთ ქალიშვილებს სკოლებში, რომ ამხანად საკმარისია არსებული წმ. რიფსიმეს ქალთა სასწავლებელი“***

დერბენტის გუბერნატორი კავკასიის სასწავლო ოლქის მზრუნველს უპასუხებდა: „საზოგადო განათლება ჯერ კიდევ არ ესმით აქაურ მუსლიმანებს, რომლებიც შეადგენენ აქაური ქალაქების (დერბენტი, ყუბა) მთავარ მოსახლეობას“.

შემახის გუბერნატორი ატყობინებდა, რომ მისი გუბერნიის ქალაქები (შემახა, შუშა, ნუხა, ბაქო, ლენქორანი, სალიანი) „ძლიერ

* საქ. ც. ი. არქ., ფ. 107, საქმე 426, ფრც. 2—8.

** იქვე, ფრც. 8—9, 13—14, 85.

*** იქვე.

ფარავენ ადგილობრივი პოლიციების შესანახ და სხვა აუცილებელ მოთხოვნილებათა ხარჯებს და სასწავლებელთა შესანახად არაფრის გამოყოფა შეუძლიანთ, მაღალ წოდებათაგან დახმარების მიღება კი უფრო ნაკლებად არის მოსალოდნელი.* ხოლო დირექტორი თბილისის დირექციისა, რომელიც თბილისის გუბერნიის სკოლებს გარდა აერთიანებდა აგრეთვე შემახისა და დერბენტის გუბერნიების სკოლებსაც, სამაზრო სკოლების ზედამხედველთა ცნობების საფუძველზე, ადასტურებდა რა დერბენტისა და შემახის გუბერნატორების ცნობას, სწერდა, რომ: ნუხასა, შუშასა, ბაქოსა და დერბენტში „ამჟამად ქალთა სასწავლებლების დაარსება — უნაყოფოა. მოსახლეობა ამ ქალაქებში უმთავრესად მუსლიმანურია. ხოლო საპატრიო და გავლენიანი მუსლიმანები, რომლებსაც ვუსვამდით საკითხს მათ ქალიშვილთათვის სასწავლებლის დაარსების შესახებ, ყველგან გვეხმაურებოდნენ, რომ ქალიშვილების მიზარება საზოგადო დაწესებულებებში სრულიად ეწინააღმდეგება მათ ძირეულ ჩვეულებებს. ასევე გვიპასუხებდნენ სომხებიც, რომლებმაც თავის ცხოვრებაში, განსაკუთრებით კი ქალების ჩაკეტვაში, სავსებით შეითვისეს მუსლიმანთა ჩვეულებები“.

ამიერკავკასიის გუბერნატორებისა და დირექციების დირექტორთა ღირსსახსოვარ მსჯელობაში ამიერკავკასიის ქალთა განათლების შესახებ, გამოირჩეოდა თბილისის ქალაქის თავისა და თბილისის გუბერნიის სამაზრო სასწავლებელთა ზედამხედველების საწინააღმდეგო აზრი აღნიშნულ საკითხზე.

თბილისის ქალაქის თავი აღნიშნავედა თბილისში ქალთა განათლების კიდევ უფრო გაფართოების აუცილებლობას. მისი სამართლიანი აზრით, კეთილშობილ ქალთა ინსტიტუტი და წმ. ნინოს სასწავლებელი მოსწავლეთა მცირე რაოდენობით იყვნენ შემოფარგლული და სრულებით ვერ აკმაყოფილებდნენ მრავალრიცხოვანი ქალაქის მოთხოვნილებებს ქალთა განათლების საქმეში. ქალაქის თავი მოითხოვდა დახურული ტიპის ქალთა ერთი სასწავლებლის დაარსებას პანსიონით ანდა წმ. ნინოს სასწავლებლის გაფართოებას ვაქართა და საშუალო წოდების ქალთათვის (მაღალი წოდების ქალთათვის, როგორც ვიცით, 1841 წლიდან არსებობდა კეთილშობილ ქალთა სასწავლებელი), ხოლო ქალაქის მოხელეთა და, საერთოდ,

* საქ. ც. ი. არქ., ფ. 107, საქმე 426, ფრც. 8—9, 13—14, 85.

ხელმოკლე წოდების ქალთათვის ის მოითხოვდა დაწყებითი ტიპის ქალთა სამი ღია სკოლის დაარსებას (აელაბარში, კუკიაში და ვანქის-საყდართან). კონტინგენტს თითოეული სკოლისათვის ის საზღვრავდა 50 მოწაფით. ეს სკოლები უნდა ყოფილიყო ელემენტარული სწავლების 2—3-წლიანი კურსით, და წერა-კითხვის (მშობლიურ და რუსულ ენებზე), ანგარიშისა და საღვთო სჯულის გარდა, იქ უნდა ესწავლებინათ ხელსაქმე (ქრა-კერვა) და საოჯახო მეურნეობა. ახალი სკოლები უნდა ყოფილიყვნენ სახაზინო ხარჯზე; ხოლო დახურულ, პანსიონიან სასწავლებელში წესდებოდა სწავლისა და პანსიონში შესანახი ქირა 40 მანეთის რაოდენობით წელიწადში.

სიხარულით შეხვდნენ ქალთა სასწავლებელთა დაარსების განზრახვას თბილისის გუბერნიის ქალაქ სიღნაღისა და ქ. გორის მცხოვრებნი, როგორც ეს ჩანს სიღნაღისა და გორის სამაზრო სასწავლებელთა ზედამხედველობის ცნობით. პირველი წერდა, რომ სიღნაღი „დიდი აღტაცებით“ შეხვდა აღნიშნულ განზრახვას და „დაგვიპირდა ყოველნაირ დახმარებას მის განსახორციელებლად“, ხოლო მეორე, თავის რაპორტში ამბობდა, რომ ქ. გორის მცხოვრებნი „ცხოველი მადლობით შეხვდნენ ამ განზრახვას და განაცხადეს, რომ ამ კეთილი ამოცანის შესრულებისათვის ისინი ყოველთვის გაიღებენ ნებაყოფლობით შესაწირავებს... მათ უნდათ ჰქონდესთ იმ სახის სკოლა, როგორიცაა თბილისის წმ. ნინოს სასწავლებელი“.*

თელავის მაზრის სკოლების ზედამხედველი თუმცა იტყობინებოდა, რომ „თავიანთ ქალიშვილთათვის განათლების მიცემის მსურველნი ძალიან ცოტანი არიან“, მაგრამ მაინც საჭიროდ სცნობდა გაეხსნათ თელავში ერთი პირველდაწყებითი (ერთკლასიანი) სასწავლებელი.

ზემოაღნიშნულ ცნობათაგან ძნელი არ არის დავასკვნათ, რამდენად გადაუდებელ საჭიროებას წარმოადგენდა აზიერკავკასიაში ქალთა განათლების ქსელის გაშლა და, პირველ ყოვლისა, ჰარბი მუსლიმანი მოსახლეობის იმ ქალაქებში, რომლებიც უარს აცხადებდნენ ასეთ განათლებაზე ჩამორჩენილობისა და მატერიალური სიღვიწროვის გამო. მაგრამ კავკასიის სასწავლო ოლქის მზრუნველის საბჭომ სხვანაირად გაიგო და მზრუნველი სიამოვნებით დაეთანხმა გუბერნატორებისა და სასწავლებელთა დირექციების დირექტორების „დასაბუთე-

* საქ. ც. ი. არქ., ფ. 107, საქმე 426, ფრც. 114—122.

ბულ“ აზრს აღნიშნულ ქალაქებში ქალთა სასწავლებლების გახსნის მიზანშეუწონლობის შესახებ. თბილისის მიმართ კი მზრუნველი აღნიშნავდა, რომ აქ უკვე არსებობს შესაფერისი დახურული სასწავლებელი (კეთილშობილ ქალთა ინსტიტუტი, წმ. ნინოს სასწავლებელი, პანსიონები) მაღალი და საშუალო წოდების ქალთათვის და ამის გამო „აღარ მიიჩნია საჭიროდ საზოგადო აღზრდის ახალი სახის შექმნა“, ხოლო, ქალაქის ღარიბ ქალთა ახალგაზრდობისათვის მზრუნველმა ვერაფერი ნახა იმაზე უკეთესი, რომ „მიენდო ყოველი ეკლესიის მღვდლისათვის გაეხსნა პატარა სკოლა თავის მრევლის ბავშვებისათვის“.* ქალაქ გორში მზრუნველმა საკმარისად მიიჩნია „პირველდაწყებითი (ქალთა) სკოლის დაარსება ქალაქის შემოსავლის ანგარიშზე“. მაგრამ სხვა ქალაქებში კი ასეთი ელემენტარული ქალთა სკოლების დაარსებაც კი „ნაადრევად“ მიიჩნია მისმა მაღალკეთილშობილებამ.

რუსეთის განათლების სამინისტრო არაფრად შეწუხებულა კავკასიის ხელისუფალთა უდიერი დამოკიდებულებით ადგილობრივი მოსახლეობის ქალთა განათლებისადმი. მან ყველაფერი მოუწონა კავკასიის სასწავლო ოლქის მზრუნველს, გარდა ერთისა: არ მიიჩნია საჭიროდ დაარსებულიყო თუნდაც პირველდაწყებითი ქალთა სკოლა ქ. გორში და ასეთივე ელემენტარული სკოლები თბილისის ეკლესიებთან.

ასე უშედეგოდ ჩაიარა ამიერკავკასიაში ქალთა სასწავლებლების მეტისმეტად გახშიანებულმა პროექტირებამ 1856 წელს.

(საჭიროა გავიანსნოთ აგრეთვე უშედეგო პროექტირება თბილისის უმაღლესი სასწავლებლისა 1857 წელს, მაგრამ ამის შესახებ იხილეთ აქვე ცალკე თავი: „ბრძოლა უმაღლესი განათლებისათვის საქართველოში XIX ს. პირველ ნახევარში“).

XIX საუკუნის პირველი ნახევრის საქართველოს სასკოლო ქსელის მიმოხილვის დასასრულს, სკოლებისა და მოსწავლეთა რაოდენობის მთლიანი სურათისათვის, ზედმეტი არ იქნება წარმოვადგინოთ? სათანადო ცხრილი, შედგენილი სხვადასხვა საბუთისა და წყაროს მიხედვით.

* საქ. ც. ი. არქ., ფ. 107, საქმე 426, ფრც. 150.

1860 წლისათვის საქართველოს სახალხო განათლება ციფრებში გამოიხატებოდა შემდეგნაირად:

№ №	სასწავლებელთა დასახელება	თბილისის გუბ.*		ქუთაისის გუბ.		მთელ საქართ- ვალოში	
		სასწ-თა რიცხვი	მოსწ-თა რიცხვი	სასწ-თა რიცხვი	მოსწ-თა რიცხვი	სასწ-თა რიცხვი	მოსწ-თა რიცხვი
1.	გიმნაზია (ვაჟთა)	1	420	1	380	2	800
2.	სამაზრო სასწავლებელი	6	624	3	412	9	1036
3.	სასულიერო სასწავლებელი .	7	552	8	420	15	772
4.	კომერციული სასწავლებელი	1	86	—	—	1	86
5.	სასულიერო სემინარია .	2	(133 (მართლმ.) 175 (სომხ.))	—	—	2	308
6.	კეთილშობილ ქალთა ინსტიტუტი	1	100	—	—	1	100
7.	წმ. ნინოს სასწავლებელი	1	120	1	70	2	190
8.	სამიჯნო სასწავლებელი	1	50	—	—	1	50
9.	საბაღოსნო სასწავლებელი	2	45	1	25	3	70
10.	დაწყებითი სასწავლებელი	5	486	7	918	12	1404
11.	სკოლები პოლკებთან	8	360	6	295	14	655
12.	სკოლები ეკლესია-მონასტრებთან	43	1060	25	790	68	1850
13.	მუსლიმანური სკოლა	2	78	—	—	2	78
14.	კერძო სკოლა	9	288	4	163	13	451
ს უ ლ .		89	4399	56	3451	145	7850

საქართველოს მოსწავლეთა რიცხვი ეფარდებოდა მოსახლეობის რიცხვს შემდეგნაირად:

* არაქართული მაზრების გამოკლებით.

გუბერნიები	მოსახ- ლეობის რიცხვი*	მოწა- ფეთა რიცხვი	ერთ ათას- ზე სწავ- ლობდა	შეფარ- დება
თბილისის	502.339	4399	8,8	1:114
ქუთაისის	431 418	3451	8	1:125
მთელ საქართველოში	933.757	7850	8,4	1:119

მოყვანილი ციფრები, პირველ ყოვლისა, ლაპარაკობენ, რომ სახელმწიფო სასწავლებელთა რიცხვი ძალიან ცოტაა. ამ სკოლებში სწავლობს დაახლოებით 50% მთელ მოსწავლეთა და უმთავრესად მაღალი წოდების მოსახლეობიდან. თუ მივიღებთ მხედველობაში, რომ სახელმწიფო და კავკასიის ოლქისადმი დაქვემდებარებული სკოლები უპირატესად არსდებოდა ქალაქებში და ქალაქის ტიპის დასახელებულ პუნქტებში — ნათელი გახდება, რომ სოფლის მოსახლეობის უდიდესი მასები მთავრობის სკოლების უქონლობის გამო (რასაც თვითონ მეფისნაცვალის კი არ ფარავდა), იძულებული იყვნენ მიემართათ კერძო და ეკლესია-მონასტერთან და მეჩითებთან არსებული სკოლებისათვის. ამით აიხსნება ასეთ სკოლათა შედარებით დიდი რიცხვი საქართველოში, სომხეთში და აზერბაიჯანში, ხოლო ჩრდილოეთ კავკასიაში (სტავროპოლის გუბერნია და ყუბანი) ამ სკოლების მაგიერობას რამდენადმე ასრულებდა სამხედრო მოსწავლეთა და პოლკებთან არსებული სკოლები. 50-იანი წლებიდან სახელმწიფო და კერძო სკოლების რიცხვის შემდგომ ზრდასთან დაკავშირებით ეკლესია-მონასტრებთან არსებული სკოლების რიცხვი თანდათან კლებულობს, თუმცა სწავლების მშობლიური ენა კვლავ რჩებოდა ამ სკოლებში მოსწავლეთა მიზიდვის მნიშვნელოვან ფაქტორად.

ციფრები გვიჩვენებენ აგრეთვე საქართველოში განათლების გავრცელების მასშტაბს. მოსწავლეთა რიცხვის შეფარდება მოსახლეობის რიცხვთან (მე-19 საუკუნის 50-იანი წწ. დასასრულისათვის) გვიჩვენებს, რომ თუ წინათ საქართველოში პირველი ადგილი ეკიზა თბილისის გუბერნიას, 60-იანი წლებიდან ქუთაისის გუბერნიის ჩა-

* 1859 წლისათვის (АКТЫ, XII, 1321).

ზორჩენას თბილისის გუბერნიიდან აღგილი აღარა აქვს, ხოლო 60-იან წლების შემდეგ, როგორც ვნახავთ, მდგომარეობა კიდევ იცვლება.

მოყვანილი ნომენკლატურა საქართველოს სკოლის ტიპებისანათლად გვაჩვენებს, რომ მე-19 საუკუნის პირველ ნახევარში საქართველოში (და მთელ კავკასიაში) სრულებით არ არსებობს სპეციალური პედაგოგიური სასწავლებლები მასწავლებელთა მოსამზადებლად.

ამავე ნომენკლატურიდან ჩანს, რომ საქართველოში მე-19 საუკუნის პირველ ნახევარში ძალიან სუსტადაა განვითარებული სპეცტექნიკური განათლება. 1860 წლისათვის სახელმწიფო და კავკასიის სასწავლო ოლქის ქვემდებარე სასწავლებელთა მთელი რიცხვიდან აქ იყო მხოლოდ 4 სპეციალური სკოლა (1 სამიჯნო და 3 საბალოსნო) 120 მოწაფით.

ამგვარად, საქართველოს სასკოლო ქსელი მე-19 საუკუნის 60-იან წლებამდის სრულებით არ უპასუხებდა სპეციალური პედაგოგიური განათლების მქონე მასწავლებელთა კადრების მომზადების ინტერესებს და მხოლოდ უმნიშვნელოდ ითვალისწინებდა ქალაქის მრეწველობისა და სოფლის მეურნეობისათვის კვალიფიციური სპეციალისტების მომზადების ამოცანებს.

III. მასწავლებლობა და პედაგოგიური შრომა

XIX საუკუნის პირველ ნახევარში ძალზე მცირე იყო, როგორც ვხედავთ, საქართველოს სკოლების რიცხვი, მაგრამ არც ისინი იყვნენ უზრუნველყოფილი პედაგოგიური პერსონალით. ჩვენ არ ვლაპარაკობთ პროფესიული განათლების პედაგოგებზე (XIX საუკუნის სამოციან წლებამდის საქართველოში, როგორც აღვნიშნეთ, არ ყოფილა არცერთი სპეციალური პედაგოგიური სასწავლებელი და, რასაკვირველია, პროფესიული განათლების პედაგოგების მომზადება არც შეიძლებოდა), მხედველობაში გვაქვს სათანადო ზოგადი განათლების პედაგოგები ელემენტარული მეთოდოლოგიური მომზადებით. ასეთებიც კი იშვიათად მოიპოვებოდნენ. საქართველოს სახელმწიფო, სასულიერო და კერძო სკოლებში ბევრ შემთხვევაში ასწავლიდა სრულიად შეუფერებელი ხალხი: კანცელარიის მოხელენი, დიაკვნები, დემობილიზებული სალდათები და ურიადანიკები, წერაკითხვის ოდნავ მცოდნე დედაკაცები, კუტი, დავრდომილი და სხვა დასახიჩრებული ადამიანები, რომლებიც აღარავითარი მუშაობისათვის არ ვარგოდნენ, გარდა „პედაგოგიური“ მოღვაწეობისა.

I. ძველი მსგავსები

ბედნიერ გამონაკლისს წარმოადგენდნენ XVIII ს. მიწურულში თბილისის, თელავის და რუსეთის სასულიერო სემინარიებში ნასწავლი ან შესაფერისი კერძო განათლების გზით მომზადებული მასწავლებლები, რომლებიც XIX საუკუნის პირველ მეოთხედში კვლავ წარმატებით აგრძელებდნენ პედაგოგიურ მუშაობას თბილისის კეთილშობილთა სასწავლებელში, შემდეგ გიმნაზიაში ან სხვა სკოლებში. ამ მასწავლებელთა ჯგუფიდან შეიძლება გავიხსენოთ:

იოანე მღვდელი — კალოუბნის ეკლესიასთან არსებული სკოლის მასწავლებელი (XVIII ს. მიწურულიდან), რომელთანაც სწავ-

ლობდა, სხვათა შორის, ცნობილი მემუარისტი და პედაგოგი იოანე ქართველიშვილი. უკანასკნელის გადმოცემით, იოანე მღვდელი იყო მეტად განათლებული პირი, წარჩინებული მასწავლებელი და გულისხმიერი აღმზრდელი.

იოანე წილქელი—არქიეპისკოპოსი, წილქანის ეკლესიასთან არსებული საშუალო ტიპის სკოლის მასწავლებელი. 1800 წლის 1 მარტისთვის მას ჰყავდა 4 მოწაფე, „რომლებსაც ასწავლიდა მეცნიერებათა“, მათ შორის ლოგიკას.*

ვარლამ ერისთავი—ახტალის ეპისკოპოსი (შემდეგ საქართველოს ეგზარხოსი), ახტალის ეკლესიასთან არსებული საშუალო ტიპის სკოლის მასწავლებელი. მან ასწავლა იოანე ქართველიშვილს „რიტორიკა, კათილორია, ლოლიკა, მეტაფიზიკა“.

იოანე ოსეის შვილი (მიქაძე)—ფიზიკისა და საღვთო წიგნების მასწავლებელი.

იოანე ქართველი შვილი—იულონ ბატონიშვილის ძეთა მასწავლებელი, შემდეგ, 1804 წლიდან, თბილისის კეთილშობილთა სასწავლებლის ქართული ენის მასწავლებელი. 1806 წ. ამ სასწავლებელში „გულმოდგინე, დაუცხრომელი მუშაობისათვის“ რუსეთის იმპერატორმა ალექსანდრე I, იოანე ქართველიშვილი დააჯილდოვა ოქროს ჯვრით. იოანეს ძვირფასი პედაგოგიური იდეები გაბნეულია მის „მემუარებში“, რომელიც ჯერ კიდევ არაა გამოცემული.

ნეოფიტე მღვდელ-მონაზონი—თბილისის კეთილშობილთა სასწავლებლის ქართული ენის მასწავლებელი 1804 წლიდან. ანტონ კათოლიკოსმა, საქართველოს მთავარმართებლის პ. ციციანოვის თხოვნით, ნოეფიტე გაათავისუფლა იოანე ქართველიშვილთან ერთად, ყოველგვარი საეკლესიო სამსახურისაგან (მასწავლებლად დანიშნვის გამო).

ალექსი პეტრიაშვილი—თბილისის კეთილშობილთა სასწავლებლის დირექტორი 1804 წლიდან 1810 წლამდის. ალექსი პეტრიაშვილი იყო წარჩინებული პედაგოგი და საზოგადო მოღვაწე. მან 1796 წელს დაასრულა ასტრახანის სასულიერო სემინარია და შემდეგ, 2 წლის განმავლობაში, მსახურობდა მღვდლად კიზლიარში (ჩრდ. კავკასია). 1798 წლიდან მუშაობდა იქვე, რუსი ჯარის პოლკში, იმავე თანამდებობაზე. 1803 წ. სინოდმა გაათავისუფლა იგი ბერად შესადგომად, მაგრამ იმავე წელს საქართველოს მთავარმართებელმა გენე-

* Акты, 1, 533.

რალმა პ. ციციანოვმა წამოიყვანა თბილისში თავის კანცელარის მთარგმნელის თანამდებობაზე.

1804 წელს ალ. პეტრიაშვილი დაინიშნა თბილისის კეთილშობილთა სასწავლებლის დირექტორად. კარგი ადმინისტრატორისა და მასწავლებლის სახელი ჰქონდა მას მოპოვებული. პეტრიაშვილმა, მართლაც, მშვენიერად ააწყო სასწავლებლის მუშაობა. ასწია მოსახლეობის თვალში სასწავლებლის ავტორიტეტი, გაზარდა მოწაფეთა კონტინგენტი, მოაწყო სტამბა სასწავლებელთან, შეადგინა ქართული ენისა და ლიტერატურის ქრესტომათია, იოანე ქართველიშვილთან ერთად სთარგმნიდა რუსული ენიდან სახელმძღვანელოებს და ხელმძღვანელობდა მათ ბეჭდვას სასწავლებლის სტამბაში. 1806 წელს მთავარმართებლის პ. ციციანოვის შუამავლობით სთხოვა მეფეს თავის თანამდებობიდან განთავისუფლება, ბერად აღკვეცის მიზნით. მაგრამ ალექსანდრე I, მიიღო რა ციციანოვისაგან საუცხოო დახასიათება პეტრიაშვილისა, როგორც დირექტორისა და მასწავლებლისა, არ გაათავისუფლა იგი. სამაგიეროდ, იმპერატორმა პეტრიაშვილი დააჯილდოვა წმ. ანას II ხარისხის ორდენით და პირადად მის სახელზე მოცემულ რესკრიპტში სწერდა: „მე მსურს და მესიამოვნება, რომ თქვენ განაგრძოთ თქვენი მუშაობა სასწავლებლის მმართველად, ჩასში მოსწავლეთა განათლებისათვის“.* 1810 წელს პეტრიაშვილმა კვლავ აღძრა შუამდგომლობა მეფის წინაშე დირექტორის თანამდებობიდან განთავისუფლების შესახებ. შუამდგომლობა დაკმაყოფილებულ იქნა, ვინაიდან მას მხარი დაუჭირა მთავარმართებელმა ტორმასოვმა. უკანასკნელს განზრახვა ჰქონდა თბილისის კეთილშობილთა სასწავლებელი სამხედრო სასწავლებლად გადაიკეთებ-ნა და მის სათავეში სასულიერო პირის გაჩერება აღარ შეიძლებოდა. განთავისუფლებისას პეტრიაშვილმა მიიღო ფულადი ჯილდო 2000 მანეთის რაოდენობით.

ფილადელფოს (ნიკიფორე, ნიკოლოზ) კიკნაძე—ბერი, ცნობილი ნწიგნობარი, 1832 წლის შეთქმულების მონაწილე, მთელ რიგ საზოგადო და საეკლესიო მოღვაწეთა აღმზრდელ-მასწავლებელი, უკანასკნელად შუამთის მონასტერთან არსებული სკოლის მასწავლებელი. ზ. კიკნაძე გადმოგვცემს მისი მოწაფისა და შემდეგ მეგობრის მღვდელ-მონაზონ გენადის ნაამბობს: „მართლაც შესანიშნავი კაცი იყო (ფილადელფოსი), ბერების მოყვარე, გლეხკა-

ცების ძმა და ყველას ამხანაგი. შუამთას ჰქონდა სასწავლებელი და უფასოდ ასწავლიდა თავადაზნაურის, თელავის მოქალაქეებისა და გლეხთა შვილებს. ჩვენ ბერებსაც ბევრ რაჟეს გვასწავლიდა“.*

დავით ჩუბინიძე—მღვდელი. თბილისის ნათლისმცემლის ეკლესიასთან არსებული სკოლის მასწავლებელი. პლატონ იოსელიანი მის შესახებ წერს: „დავით მღვდელი ჩუბინიძე, ნათლისმცემლის ეკლესიისა აწ დაქვეულისა და იესე დეკანოზი, შვილი მისი ამას აქენდა მუნ სასწავლებელი, სადაცა მეცა ვსწავლობდი ქართულისა კითხვასა და წერასა“.**

გიორგი თუმანიშვილი—მწიგნობარი (სასკოლო სახელმძღვანელო კრებულის „მრავალყვავილოვანის“ შემდგენელი), მასწავლებელი. პლ. იოსელიანის გადმოცემით, გიორგი თუმანიშვილი იყო „ძე ეგნატე მდივნისა, მოყვარე მწიგნობრისა და მწერლობისა“ (იქვე, 264).

იოანე ხელაშვილი—თბილისის კეთილშობილთა სასწავლებლის ღრმად განათლებული და იშვიათი პედაგოგი 1816 წლამდის, სოლ. დოდაშვილის და გრ. ორბელიანის მასწავლებელი.

ზაქარია სიღამონიძე (დეკანოზი)—თბილისის კეთილშობილთა სასწავლებლის ქართული ენის მასწავლებელი 1804—1814 წლებში, ხოლო 1818—1819 წლებში კი თელავის სასულიერო სასწავლებლის ზედამხედველი.

იესე ჩუბინაშვილი (დეკანოზი, ცნობილი ფილოლოგის დავით ჩუბინაშვილის მამა)—თბილისის სასულიერო სემინარიის ქართული ენის მასწავლებელი 1818 წლიდან.

ივანე იალღუზიძე—ცნობილი მწერალი, „აღლღუზიანის“ ავტორი; თბილისის სასულიერო სემინარიის დაბალი კლასის ქართული ენის მასწავლებელი 1818—1822 წლებში.

იესე გარსევანიშვილი—გორის სასულიერო სასწავლებლის მასწავლებელი და ზედამხედველის მოადგილე*** — 20-იან წლებში.

* ზ კიკინაძე, ფარული საზოგადოება და ფილად. კიკნაძე, 15.

** პლ. იოსელიანი, ცხოვრება... 261, 1936.

*** იესე გარსევანიშვილმა 30-იან წლებში რუსულიდან სთარგმნა. ვოლტერის—„ლიუდოვიკ XIV მეფობა“, 1831 წ.; პლუტარქი („ცხოვრება-აღწერა ითი დიდებულთა მამაკაცთა“); ჰომეროსი („ილიადა“), 1836; ფენელონი („მიმოსვლელობანი ტელემაქოსისაჲნი“, — „послужения“ უთარგმნია შეცდომით, როგორც „მიმოსვლელობანი“); მიღტონი—„ისტორია“, 1833; ჰეროდოტე—„ისტორია“ I და II, 1836.

ეფრემ ალექსიშვილი (ალექსი-მესხიშვილი) — თბილისის კეთილშობილთა სასწავლებლის ქართული ენისა და საღვთო სჯულის მასწავლებელი 1816 წლიდან 1830 წლამდის, ხოლო მანამდე კი ანჩისხატის ეკლესიასთან არსებული სკოლის მასწავლებელი. მისგან ისწავლა ქართული წერა-კითხვა პოეტმა გრიგოლ ორბელიანმაც.

მე-19 საუკუნის პირველ ნახევარში სხვადასხვა დროს პედაგოგიურ ასპარეზზე მოღვაწეობდნენ აგრეთვე ისეთი გამოჩენილი მწერლები და მეცნიერები, როგორც იყვნენ: დავ. ჩუბინაშვილი, პლატონ იოსელიანი, სოლ. დოდაშვილი, ალექსანდრე ჩიქოვანი (პოეტი, 1828—30 წლებში ასწავლიდა ქართულ ენას კეთილშობილთა სასწავლებლებში), დიმ. ყიფიანი, დან. კონქაძე და თბილისის კეთილშობილთა სასწავლებლის, გიმნაზიისა და თბილისის სასულიერო სემინარიის კურსდამთავრებული, მოწინავე პედაგოგები.

აღნიშნულ პირების გარდა, XIX ს. პირველ ნახევარში საქართველოს სკოლებში სხვებიც იყვნენ ასევე მოწინავე და განათლებული პედაგოგები. ჩვენ ვიცით ნიკ. ბარათაშვილის, დიმ. ბაქრაძის, რაფერისთავის, ალ. ორბელიანის, გ. ერისთავის, კ. მამაცაშვილის და სხვ. საზოგადო მოღვაწეთა ბიოგრაფიებიდან, რომ მათ კარგად განათლებული და საყვარელი მასწავლებლები ჰყავდათ, მაგრამ ამ ჩვენმა მეცნიერებმა და მწერლებმა არაფერი შემოგვინახეს მათ შესახებ, — ვინაობაც კი არა. სამაგიეროდ, ილია ჭავჭავაძე, აკაკი წერეთელი, გიორგი წერეთელი, სოფრ. მგალობლიშვილი და სხვა მწერლები თავის ნაწერებში გვაწვდიან ძვირფას ცნობებს პირადად თავიანთი და, საერთოდ, მათი პერიოდის მასწავლებელთა და სკოლების შესახებ.

2. ოფიშიალური ნოღაჲის მასწავლებელი

სხვაგვარი იყო მდგომარეობა XIX ს. პირველი ნახევრის საქართველოს სახელმწიფო სკოლების მასწავლებელთა მიმართ. ამ სკოლებშიც მოინახებოდა საერთოდ განათლებული და გამოცდილი პედაგოგები, მაგრამ სპეციალური პედაგოგიური განათლების მქონე მასწავლებლებზე ზედმეტია ლაპარაკი.

1802 წელს საქართველოს მთავარმართებელმა კნორინგმა თბილისის კეთილშობილთათვის დაარსებულ „პირველდაწყებით სასწავლებელში“. რუსული ენის მასწავლებლებად დანიშნა თავისი კანცელარიის მოხელეები პლეშჩევი და პოკროვსკი, რომლებიც ვითომდა „ნასწავლ“ ხალხად ითვლებოდნენ, მაგრამ არსებითად წათი ცოდნა საკანცელარიო სამსახურის მასშტაბით განისაზღვრებოდა. პედაგოგიური მუშაობის მათ არაფერი გაეგებოდათ. მათ დააფრთხეს მოწაფეები თავისი უდიერი ქცევით და ლოთობით. 1803 წელს, იენისში, მთავარმართებელმა პ. ციციანოვმა ხელახლად დასაარსებელი სასწავლებლისათვის რუსეთის განათლების მინისტრს, ზავადოვსკის, სთხოვა გამოეგზავნა თბილისში რუსული ენისა და სხვა დისციპლინების მასწავლებლები. ზავადოვსკიმ დაუყოვნებლივ შეასრულა ციციანოვის თხოვნა, მაგრამ მის მიერ გამოგზავნილი მასწავლებლები ს. გულიაევი და პ. მალცევი ძალიან შორს იდგნენ თავისი დანიშნულებიდან. პირველი მათგანი ჩქარა უკანვე გაისტუმრა ციციანოვმა, როგორც გაუნათლებელი და უზნეო (მის მამიერად დაინიშნა სტუდენტი ბუკრინსკი), ხოლო პ. მალცევი და შემდეგ მოწვეულმა მასწავლებელმა ლუბკინმა თავი ისახელეს საარაკო ლოთობით. საქართველოს მმართველი ახვერდოვი მათ შესახებ 1810 წ. სწერდა საქართველოს მთავარმართებელს—ტორმასოვს, რომ „მასწავლებლები—მალცევი და ლუბკინი ვარჯიშობენ რა ლოთობაში, ჩადიან სხვადასხვა უკადრის საქციელს ღამით, ხმაურობენ, არახუნებენ, აწუხებენ თეზობლებს, ხოლო უწმაწური სიტყვებით შეურაცხყოფას აყენებენ მათ... ასეთი ლოთობისაგან ავად გახდნენ და, თუ არ შევაწყვეტიწეთ და არ ვუმკურნალეთ, შეიძლება დაიხოცონ“.*

ეს პირები იყვნენ იმ სკოლის მასწავლებლები, რომელიც ჯერ კიდევ ხელმძღვანელობდა თავისი წინამორბედის—1802 წელს დაარსებულ პირველდაწყებითი სასწავლებლის „წესებით“. ამ წესებში კი რამდენადმე მაინც გარკვეული იყო მასწავლებლის ზნეობრივი მოვალეობა: „წოდება მასწავლებლისა არის თანამდებობა ჩინებული და საყურადღებო, ვინაიდან იგი ამზადებს საზოგადოების სასარგებლო წევრებს... მასწავლებლებს მოეთხოვებათ აგრეთვე, რომ ისინი საკუთარი ყოფაქცევით და მოქმედებით მაგალითს აძლევდნენ თავის მოწაფეებს კეთილსინდისიერებაში, აღერსიანობაში, ზრდი-

* Акты, IV, 59.

ლობაში, კაცთმოყვარეობაში და მუყაითობაში. უნდა მოარიდონ მათ სიტყვით და საქმით ყოველგვარი მაცდუნებელი, უკადრისი და უმართებულო“.*

როგორც ვხედავთ, აღნიშნული წესდება მართლა ჩინებულად არაკვევს მასწავლებლის ზნეობრივ მოვალეობას, მაგრამ მისი ასრულება თითქოს არავის მოეთხოვებოდა. ყოველ შემთხვევაში XIX ს. პირველ ნახევარში საქართველოს სახელმწიფო და სასულიერო სასწავლებლებში იშვიათად მოიპოვებოდნენ თავისი ყოფაქცევითა და მოქმედებით სამაგალითო მასწავლებელნი.

1828 წ. იმავე კეთილშობილთა სასწავლებლის შესახებ გენ. სიპიაგინი სწერდა განათლების მინისტრს აღმირალ შიშკოვს: „თბილისის კეთილშობილთა სასწავლებელი თავისი თანამედროვე მდგომარეობით არ შეეფერება მთავრობის მოლოდინს... ამ სასწავლებელში არ არიან არც რიგიანი მასწავლებლები, არც საგნების მართებული განაწილება“...**

არც ამის მომდევნო პერიოდში შეცვლილა მდგომარეობა. უეიცი, ზნედაცემული და ინტრიგანი მასწავლებლები გამოირჩეოდნენ ბავშვების შეუბრალებლად ცემით და გაროზგვით. 30—40 წლების თბილისის ვაჟთა გიმნაზია, სასულიერო სემინარია და სამაზრო-სასულიერო და სამოქალაქო სასწავლებლები ასეთი ფაქტების მრავალ მაგალითს იძლევიან.

დომიტრი ყიფიანი (1814—1887) თავის მემუარებში XIX ს. 20—30-იანი წლების სკოლების შესახებ აღნიშნავს: „როგორც სასულიერო სემინარიაში, აგრეთვე კეთილშობილთა სასწავლებელშიაც ერთს აღდგენ... რაიმე დანაშაულისათვის ხელის გულზე სახაზავით ცემას“...***

ხელის გულზე სახაზავით ცემას ემატებოდა ყურებისა და თმების მოწევა, დაჩოქება და შემდეგ როზგიც.

ილია ჭავჭავაძე 40-იანი წლების სასკოლო რეჟიმის დასახასიათებლად თავის ნარკვევში „კაკო“ (რომელიც „გლახის ნაამბობის“, „კაცია ადამიანისა“ და „კაკო ყაჩაღის“ ერთ ერთ მთლიან ვარიანტს წარმოადგენდა) 1857 წ. მოგვითხრობს შემდეგს:

* Акты, I, 511.

** იქვე, VII, 62.

*** დიმ. ყიფიანი, მემუარები, 3, 1930.

„მივარდა კოლას გახარებული ოსტატი, რო მიეცა შემთხვევა ვისმეს ცემისა.—გამოშალე ხელი,—დაუყვირა წარბ-შეკრულმა ოსტატმა. კოლამ ხელი არ გაუშალა.—ძაღლო, არ გესმის, გამოშალე მეთქი,—შეჰყვირა უფრო მრისხანეთ... და გადააწნა ერთი ათიოდე სახაზე ბეჭებზედ საწყალ კოლას, რომელსაც დანაშაული არა ჰქონდა რა. მერე გამოათრია სკამიდან, თმებით წამოითრია და დაახალა ფიცრის იატაკზედ, მუხლებზედ.—მე შენ გასწავლი, როგორ უნდა იქცეოდე, ჯერ პატარა დამაცა!—უთხრა ღორბლიანმა ოსტატმა და ერთიც წაუთავა ლაწანი ყბაში“.*

XIX ს. 40—50-იან წლებში რუსეთის იმპერიის სკოლებში გამეფებული იყო როზგი და „ლინიეკა“. 1828 წლის წესდებით (§ 205) ოფიციალურად იყო იგი დაშვებული, მოწაუვთა სათანადო სასჯელის ფორმად. აკაკი გადმოგვცემს, რომ მისი ბავშვობის პერიოდში 50-იანი წლების დასაწყისს ქუთაისის გიმნაზიაში „სტოროჟებს“ ყოველდღე თითო ურემი როზგი მოჰქონდათ. „დღე არ იქნებოდა,—იგონებს აკაკი,—რომ ყმაწვილების წივილ-კივილით იქაურობა არ ყოფილიყო გაყრუებული“. იყო შემთხვევები, როდესაც ამ გიმნაზიაში ზოგიერთ მოწაფეს დღეში ოჯახურ და ხუთჯერ როზგავდნენ. აკაკისავე თქმით, მოწაფე კრიჟანოვსკი ერთ დღეს ოთხჯერ გაროზგეს და როცა იმავე დღეს მეხუთედ მოუნდომეს გაროზგვა, მან თვითმკვლელობა არჩია, გიმნაზიიდან გაიქცა და რიონში გადახტა თავის დასახრჩობად. მოწაფე ქაქიაშვილს „ერთხელ გამხეცებულმა ზედამხედველმა შუამდე აახლიჩა ყური, გაუსივდა და რამდენიმე დღის განმავლობაში ისევ დაუწყო შეხორცება. მაგრამ ვინ აცალა შეხორცება. სტაცებდნენ ხელს და ხელახლა აგლეჯდნენ“. „ბავშვი იძულებული გახადეს გასულიყო სასწავლებლიდან“.

ძალიან ხშირად მოწაფეთა დასჯის ერთ-ერთ ფორმად იყენებდნენ მათ დაჩოქებას ორივე მუხლით. „დანაშაულის“ მიხედვით ეს სასჯელი იყო სხვადასხვა ხანგრძლივობისა. ზოგჯერ ორ-სამ საათს ხან კი გაკვეთილის მთელი დროის განმავლობაში გრძელდებოდა იგი. დაჩოქილ ბავშვს სასკოლო ცხოვრების გარეშე არ სტოვებდნენ: გამოკითხავდნენ, ეკითხებოდნენ, აწვრინებდნენ კიდევ. ზოგჯერ ბავშვები ისე ეჩვეოდნენ დაჩოქილ მდგომარეობაში გაკვეთილის თხრობას, რომ ნორმალური სახით, ერთ ხანს, ველარც კი ახერხებდნენ მას (იხ. აკაკი წერეთლის „ჩემი თავკადასავალი“).

* ილია ქავკავაძე, პედაგოგიური თხზულებანი, 416, 1938 წ.

როზგთან ერთად იყენებდნენ აგრეთვე „ლინეიკას“—სახაზავს. ამ „საბრძოლო“ იარაღითაც ასახიჩრებდნენ ბავშვებს, უწყლულებდნენ მათ ხელის გულს, ლოყებს, თავს, ბეჭებს. თვით ჩვენ მწერალსაც არ ასცდა „ლინეიკის“ სუსხი. ერთ დღეს მას შეიღჯერ დაჭკრეს სახაზავი ხელის გულზე. „ეს დღე იყო და მას აქეთ ველარ გამოვბრუნდი,—წერს აკაკი,—არ იქნა, ველარ გადავიგდე გულზე ეს შემთხვევა. წერაში ხელი გამიფუჭდა და დღესაც კიდევ გაურკვეველად ვწერ“ („ჩემი თავგადასავალი“).

გინნაზიისა და სხვა საშუალო სკოლის მასწავლებლები ხშირად უფროს მოწაფეებსაც იყენებდნენ თავის „ბრძოლაში“ დისციპლინის და წესრიგისათვის. გიორგი წერეთლის ცნობით, ქუთაისის გიმნაზიაში ყავდათ „დაყენებული“ „სტარშები“—უფროსი კლასების მოწაფეთაგან. „სტარშებს“ ევალებოდა მოწაფეთა გამოკითხვა და არადამაკმაყოფილებელი პასუხების შემთხვევაში—მათი ცემა წნელით ან „ლინეიკით“.

„ხელი გამოშალე, შეპყვირა „სტარშმა“. დიტომ ამ სიტყვაზე, რაც შეეძლო ისე დაიყვირა. ამ ხმამ „უჩიტელი“ გააოცა; იმას ეგონა ხარი წაუქცევიათ და ყელსა სჭრიანო. მოვარდა უცბად პირველ „ტაბლიცასთან“ და აჩქარებით დაიწყოკითხვა: „Что такое, что с ним? —Его не знает... не хочет бить (ვითომ: მან არ იცის და არც უნდა რომ ვცემო).—Ах, ты каналья, как ты смеешь реветь! —დაუყვირა „უჩიტელმა“ დიტოს.

—Дай руку,—შეპყვირა უჩიტელმა.

გამოაშლევინეს აღრიალებულ დიტოს ხელი და ხუთჯერ ისეთი უშიშვლეს ხელის გულზე, რომ ყმაწვილს უნებურად ხელები დაეკრუნჩხა. დიტომ გააბა საშინელი ყვირილი. რომ მთელი კლასის ყურადღება არ მიექცია ამ საგანზე, უჩიტელმა გაგზავნა ის „სტოროვის“ ოთახში და დაუკეტა კარები“ („ჩვენი ცხოვრების ყვაველი“).

ამ „უფროს მოწაფეებს“ ავალებდნენ აგრეთვე თავიანთ სასწავლებელთა მოწაფეებზე მეთვალყურეობას სკოლის გარეთ, უბნების მიხედვით; მათ ფუნქციას შეადგენდა თავიანთი საცხოვრებელი უბნების მოწაფეთა საშინაო ცხოვრებისა და ქუჩაში მათი ყოფაქცევის შესახებ სათანადო ცნობების შეგროვება და წარდგენა კლასის დამრიგებლისა ან ინსპექტორისათვის. ეს უკანასკნელნი „უფროს“ მოწაფეთა მიერ წარმოდგენილი ცნობებიდან დანაშაულებრივი ხასიათის ფაქტებს აღნუსხავდნენ თითოეულ მოწაფეზე არსებულ „კონდუიტის“ წიგნში და მიუსჯიდნენ სათანადო სასჯელს.

აკაკი გვაძლევს ძველ მასწავლებელთა მთელ გალერეიას. თქვენ აქ ნახავთ განათლების ნოხელეს, რომელიც მხოლოდ ბავშვების ცემა-გვემით არის დაინტერესებული და მოუთმენლად ეძებს რაიმე მიზეზს, რომ სცემოს მოწაფეებს დაუსრულებლად, რომელიც მოხარულია ერთსა და იმავე დროს ორი ბავშვი გაროზგოს „ერთი იმიტომ, რომ თმა წამოგზდიაო და მეორეც იმიტომ, რომ მეტად ძირში მოგიჭრიაო“.

აქ არის მასწავლებელი, რომელსაც ნამდვილ სწავლად მხოლოდ ის მიაჩნია, რომ ბავშვი თუთიყუშით იმეორებდეს წიგნის ტექსტს, არაფერი ესმოდეს კი ამ ტექსტისა, მოკლებული იყოს დაკვირვების უნარს, აზრის გამოთქმის საშუალებას, საკუთარ მსჯელობას.

აქვე ვხვდებით მასწავლებელს, რომელიც შემთხვევით მოხვედრილა პედაგოგის თანამდებობაზე, სძულს ეს პროფესია, სახე მუდამ ჩამოტირის, დაღუშულია და საშინლად ეჯავრება მხიარული და მომღიმარი ბავშვი; ეშინია ახალი სიტყვის, გაურბის პოლიტიკას და გერცენის მარტო სახელის გაგონებაზეც კი ისტერიულად ყვირის: „აქ არ ვყოფილვარ, არა გამიგონია რა, არცა გითქვამს რაო“ და სხვ.

ამ გალერეიას ამკობს აგრეთვე უწყინარი, თვინიერი, კეთილი, მაგრამ ლოთი მასწავლებელი, რომელიც არც თავისი საგნებით არის დაინტერესებული, არც მოწაფეთა წარმატებით, რომელსაც მუდამ „ისე გაქვინთილი ჰქონდა გვამი არაყით, რომ ხანდინხან რომ კიდევ არ დაელია, ისე თავისთავად მოუვიდოდა სიმთვრალე. ერთხელ მოუარა გაკვეთილების დროს და მოწაფეს, რომელიც დაფასთან იდგა და გეომეტრიულ სახეებსა ხატავდა, მიაყვირა: აბა ჩამოუარე ლექურიო და ტაშის კვრა დაიწყო“ („ჩემი თავგადასავალი“).

ძველი სკოლის წთელი მმართველობა: დირექტორი, ინსპექტორი, ზედამხედველი, მასწავლებელთა დიდი ნაწილი და „სტოროჟებიც“ კი, — ერთგულად ემსახურებოდა მეფის საგანმანათლებლო პოლიტიკას, ახშობდა ახალგაზრდობაში თავისუფალი აზროვნების შესაძლებლობას, ბორკავდა მის ინიციატივასა და თვითმოქმედებას, უკლავდა მას ხალისს და შრომის სურვილს.

ჯოველივე ასეთ სიველურეს სჩადიოდნენ ოფიციალურ მუნდირში გამოწყობილი მასწავლებლები, ისინი, ვინც მოწოდებული იყვნენ აღეზარდათ ბავშვები „მაღალი სულით, მახვილი გონებით და სპეციაკი ზნეობით“.

ასეთი „მასწავლებლები“ არც არაფერს აძლევდნენ მოწაფეებსა და არც არაფერს სთხოვდნენ მათ, გარდა ერთისა—უსიტყვო მორჩილებას. მხოლოდ ამაში ხედავდნენ ისინი თავის დანიშნულებას და მსჯელობდნენ ისე, როგორც ნ. ვ. გოგოლის ცნობილი ჩიჩიკოვის მასწავლებელი: „ნიკი და უნარი? ეს სისულელეა. მე ვუყურებ მხოლოდ ყოფაქცევას. სრულ ბალს (მაღალ ნიშანს) დაეუწერ მას, ვინც ანა-ბანა არ იცის, მაგრამ სანაქებოდ უჭირავს თავი, ხოლო ვისშიაც მე ვხედავ ბოროტ სულსა და დამცინაობას, თუნდა სოლონსაც სჯობდეს, მაინც ნულს დაეუწერ“.

უეპველია, ხსენებულ პერიოდში მოიპოვებოდნენ თავისი მოწოდების სიმალეზე რამდენადმე მაინც მდგარი ოფიციალური სკოლის მასწავლებლები; ისეთნი, როგორიც იყო, თუნდაც, იმავე დღე. ყიფიანის ერთ-ერთი მასწავლებელი, გვარად მანასეინი, რომლის დროსაც დიმიტრის თქმით: „ყურების ან თმების აწევა, სახაზავით ცემა, დაჩოქება ან სხეულის სხვაგვარი სასჯელი... გულში გასაღებადაც კი შეუძლებელი იყო“ („მემუარები“, 8), ნიკ. დენეტიევი, თბილისის გიმნაზიის რუსული ენისა და ლიტერატურის მასწავლებელი 30-იან წლებში, აგრეთვე აკაკი წერეთლის ერთ-ერთი მასწავლებელი, გვარად ტროე, გიორგი წერეთლის ერთ-ერთი მასწავლებელი გვარად უმანსკი და სხვები, მაგრამ, როგორც აღვნიშნეთ, ასეთი მასწავლებლები იშვიათად მოიძებნებოდნენ.

3. ხალხური წოდების მასწავლებელი

ძველ სახალხო სკოლებში, რომლებიც ხალხური აღზრდა-განათლების წესებითა და მეთოდებით მოქმედებდნენ, XIX ს. პირველ ნახევარში ბევრი ფიზიკურად მახინჯი და სრულიად საპყარი მასწავლებელი მუშაობდა, მაგრამ თავისი ცოდნით და პედაგოგიური საქმის სიყვარულით საყოველთაო სიმპათია და პატივისცემა ჰქონდათ დამსახურებულნი. ასე, მაგალითად, გასული საუკუნის 30-იანი წლებიდან ხონის წმ. გიორგის ეკლესიასთან არსებულ უძველეს სკოლაში მასწავლებლობდა ვაკე-იმერეთში კარგად ცნობილი სვიმონ-კუტი ფირცხალავა. ამ სვიმონ კუტს „ორი ქვედა კიდური არ ჰქონდა განვითარებული, მარტო ნიშნები ღა აჩნდა, არც ხელებით ყოფილა სალი: მარჯვენაზე სამი თითი ჰქონდა, მარცხენაზე

—ორი, მოკლედ, საპყარი იყო.* მიუხედავად ამისა, ის განათლებული, ნაკითხი კაცი იყო; ჰქონდა შემუშავებული სწავლების საკუთარი მეთოდები და საკმაო ეფექტიან პედაგოგიურ მუშაობას ეწეოდა. სასტიკი იყო, მაგრამ სამართლიანი. ამის გამო ყველა პატივისცემით ეპყრობოდა, აფასებდა, მიმართავდა, რჩევა-დარიგებას სთხოვდა.

ძველი სახალხო და კერძო სკოლის განათლებული მასწავლებლის ერთ-ერთ ტიპურ მაგალითს წარმოადგენდა 50-იან წლებში სამეგრელოში პოპულარული მასწავლებელი ბერუკა ჯიუქია. ეს იყო „ადამიანი კალარაშერეული, მეტად საზრისიანი და გამომეტყველი სახით. ზეპირად იცოდა მან საღვთო წერილი, საეკლესიო წიგნები, ვეფხისტყაოსანი და ჩახრუხადის თხზულება. კითხულობდა ვახუშტსა და ვახტანგს და ხელნაწერ თარგმანებში ჰეროდოტესა და არისტოტელს.** მართალია, ეს ბერუკა ძველი, დახვეწებული მეთოდით ასწავლიდა ბავშვებს წერა-კითხვას, მაგრამ ეს უფრო მის სპეციალურ-პედაგოგიური განათლების უქონლობაზე ლაპარაკობს, ვიდრე ზოგადი განვითარების სისუსტეზე.

XIX ს. პირველი ნახევრის ქალთა საშინაო სკოლების მასწავლებელთა შესახებ სათანადო წარმოდგენას გვაძლევს სოფრომ მგალობლის შვილის მოთხრობის—„წარსულიდან“—ერთ-ერთი მოქმედი პირი ეფროსინე.

„ეფროსინეს ჰყავდა ექვსი-შვიდი შვირდი, სოფლის გოგობიჯ ზოგი მოჰყავდა თერთმეტ-თორმეტი წლისა, ათის წლისაზე ჰატარას არასოდეს არ მიიღებდა ხოლცი... „საკითხავად ეფროსინეს ბევრი ძველი ხელთნაწერი წიგნები ჰქონდა: მზითეფში მოყოლილი „ვეფხისტყაოსანი“, „დავითიანი“, „სიბრძნე-სიცრუის“ არაკები-ამას გარდა საეკლესიო წიგნები ხომ სულყველა ჰქონდა“***

„ეფროსინე მშვენიერი მკითხველი იყო „ვეფხისტყაოსნისა“—თითქმის ზეპირად იცოდა „ვეფხისტყაოსანი“ და „დავითიანი“, კითხულობდა მშვენიერად, ხმაგაბმით, თითქოს საგალობელს რამეს ამბობსო“. ეფროსინეს უჯვარდა შეგირდებისათვის „ხორცის მოჩქმეტა“, არც ლანძღვას ერიდებოდა, მაგრამ უყვარდათ იგი ბავშვებდა და მათ მშობლებსაც.

* პროფ. ვ. ბერიძე—სვიმონ კუტიფირცხალავა, კრებული „სწავლა-აღზრდის ისტორია საქართველოში“, 1937, 144.

** „Кавказ“, 1864, № 14.

*** „მოამბე“, 1899, № 3, 134—135.

4. მოხეტიალე მასწავლებლები

XIX ს. ორმოცდაათიან წლებში საქართველოში, განსაკუთრებით აღმოსავლეთ და ზღვისპირის საქართველოში, გავრცელდა აგრეთვე ე. წ. მოხეტიალე მასწავლებელთა პრაქტიკა. პატარა სოფლები და ახალშენები მოკლებული იყვნენ საშუალებას საკუთარი სკოლა მოეწყოთ მაშინ, როცა სწავლის სურვილი დიდი ჰქონდათ. და აი, ასეთ ადგილებში ფეხი მოიკიდა „მოხეტიალე მასწავლებლობამ“. ასეთ მასწავლებლობას, შეიძლება ითქვას ყოველგვარი გამოწვევის გარეშე, ეწეოდნენ ნახევრად უფიცი ყოფილი სალდაუები, ურიადნიკები, სამოქალაქო უწყების დაბალი რანგის ყოფ. მოხელეები, რომლებიც აღარ ვარგოდნენ თავისი სამსახურისათვის, და სხვა ასეთები. აღსანიშნავია, რომ მოხეტიალე მასწავლებელთა პრაქტიკას ადგილი ჰქონდა როგორც დასავლეთ ევროპაში (scholares vagantes), ისე რუსეთში („мастера грамоты“), უკრაინაში („дьяки мандрованные“) და სხვაგან. მშობლები ქირობდნენ მოხეტიალე მასწავლებლებს დროებით, 2—3 თვით აძლევდნენ სახლში ბინას, ქირას და ინახავდნენ ამ ხნის განმავლობაში. თუ ეს დრო საკმარისი არ აღმოჩნდებოდა, რომ ყმაწვილს წერა-კითხვა და ელემენტარული ანგარიში ესწავლა, მათ ვადას კიდევ უკრძელებდნენ. მაგრამ, თუ არც ეს ღონისძიება სჭრიდა, ე. ი. ყმაწვილი ვერაფერს სწავლობდა, მაშინ მოხეტიალე მასწავლებელი ამბობდა, რომ „ამ ყმაწვილისათვის ღმერთს ნიჭი არ მიუცია და მე რას გავხდებიო“. ამით სტოვებდა ის ერთ სოფელს ან ოჯახს, რომ მეორე სოფელში ან ოჯახში ისეთივე „წარმატებით“ გაეგრძელებინა თავისი „პედაგოგიური“ მოღვაწეობა.

5. ქერძო მასწავლებელ-აღმზრდელნი

არც ქერძო მასწავლებლები და გუვერნიორები იღვნენ თავისი დანიშნულების სიმალეზე. XIX ს. პირველ ნახევარში ქართველ არისტოკრატთა და მეშინათა ოჯახებში მრავლად მოიპოვებოდნენ უცხოელი (განსაკუთრებით ფრანგები) და რუსი აღმზრდელ-მასწავლებლები, რომელთაც არც მეცნიერება იცოდნენ და არც პედაგოგიური დახელოვნება გააჩნდათ. ამ მხრივ რუსეთში იყო განსაკუთრებული მდგომარეობა. XIX ს. პირველ ნახევარში ფრანგულის არცოდნა რუსეთის დიდ ქალაქებში—ჩამორჩენილობას მოასწავებდა.

„რუს აზნაურთა ოჯახებში არასდროს არ ყოფილა იმდენი ფრანგი დამრიგებელ-გუვერნიორი, როგორც ალექსანდრე პირველის მეფობის პერიოდში:—„დაწყებული ნამდვილი დიდგვაროვანი ემიგრანტებიდან და აგრეთვე ცრუმოსახელე მარკიზებისა და აზნაურებიდან, რომლებიც თავის რჩენისათვის იწყებდნენ ენების მასწავლებლობას, და გათავებული ნაპოლეონის არმიის მედოლეებით, რომლებიც ტყვედ იყვნენ დარჩენილი რუსეთში და ასწავლიდნენ ფრანგულ ენას, ცეკვებსა და კარგ მანერებს“.* მათი მოდგმისა და ყაიდის იყო აგრეთვე ა. პუშკინის გრინიოვის მასწავლებელი ბეპრე: „თავის სამშობლოში ის იყო პარიკმახერი, პრუსიაში—სალდათი, შემდეგ მოვიდა რუსეთში pour être outchitel (რომ გამხდარიყო მასწავლებელი), თუმცა კარგად არ ესმოდა ამ სიტყვის მნიშვნელობა“ და მრავალი სხვა უცხოელი თუ ადგილობრივი აღმზრდელ-მასწავლებელი, რომლებიც საკმაოდ არიან ცნობილი რუსულ და ქართულ მხატვრულ და სამეცნიერო ლიტერატურაში. მეცნიერებას რომ ვერ ასწავლიდნენ ასეთი დამრიგებელ-გუვერნიორები—ცხადია, მაგრამ იქნებ აღმზრდელებად და ზნეობის მასწავლებლებად მაინც ვარგოდნენ? გამონაკლისები აქაც ერივნენ, მაგრამ, როგორც წესი, არც საამისოდ იყვნენ ისინი მოწოდებული. უმართებულოდ დავიწყებული, მაგრამ ნიჭიერი და მახვილი თვალის პატრონი რუსი პედაგოგი ა. პროკოპოვიჩ-ანტონსკი, 1823 წელს სავსებით სამართლიანად წერდა მათ შესახებ: „მრავალი მამა ახვევს თავის შვილს მასწავლებელთა გროვას, რომ მათ სხვადასხვა ენები ასწავლონ და გონება გაუმახვილონ, მაგრამ მათში არ არის არცერთი, რომელიც შესძლებდა ესწავლებინა მისთვის პირველი და მნიშვნელოვანი მეცნიერება—იყოს კეთილი, პატიოსანი, გულშემატყვიარი,—იყოს ადამიანი“.**

ასეთები იყვნენ კერძო მასწავლებლები რუსეთში, ასეთები იყვნენ ისინი საქართველოშიც, და, ცხადია, ამგვარივე ხასიათის უნდაყოფილიყო მათი „პედაგოგიური“ საქმიანობის საფუძველზე აგებული საშინაო აღზრდა-განათლებაც თავადაზნაურთა და მეწიანურ ოჯახებში. რუსეთის დიდი მწერალი ალ. პუშკინი სწორედ ასეთი საოჯახო აღზრდის პრაქტიკიდან გამოდიოდა, როდესაც გადაჭრით

* „История XIX века“, под ред. Левисса Рамбо, II, 148.

** „Собрание образцовых русских сочинений и переводов в прозе“, изд. второе, ч. I, 59, 1823, СПб.

ილაშქრებდა მის წინააღმდეგ. 1826 წელს, იმპერატორისადმი წარდგენილ წერილში „О народном воспитании“ პუშკინი აღნიშნავდა: „საოჯახო აღზრდა რუსეთში არის ძალიან ნაკლოვანი, მეტად უზნეო. ბავშვი გარემოცულია მხოლოდ მონებით. ხედავს საზოგადოებრივ მათემატიკას, თვითნებობს ან მონობს, არ იძენს რაიმე წარმოდგენას სამართლიანობაზე, ადამიანთა ურთიერთდამოკიდებულებაზე, ნამდვილ პატიოსნებაზე. მისი აღზრდა იფარგლება მხოლოდ იმით ან სამი უცხო ენით და ყველა მეცნიერებათა საწყისებით, რომელთაც ასწავლის რომელიმე დაქირავებული მასწავლებელი. აღზრდა კერძო პანსიონებში ცოტათი უკეთესი. აქაც და იქაც იგი თავდება მოსწავლის 16 წლის ასაკში. მერყეობა ამაოა: რაც უნდა მოხდეს, აუცილებელია კერძო აღზრდის ჩახშობა... ანდა, ყოველ შემთხვევაში, კერძო აღზრდის ძალზე გაძნელებით, მთავრობა ადვილად შესძლებს საზოგადოებრივ აღზრდის გაუმჯობესებას შეუდგეს“.*

პუშკინს არ მოსწონდა თავისი დროის საოჯახო აღზრდა, რადგანაც ვერ ხედავდა მას საიმედო ხელმძღვანელთა და შესაფერის აღმზრდელ-მასწავლებელთა ხელში. ის მოითხოვდა საზოგადოებრივ აღზრდის გაუმჯობესებას და ამ გაუმჯობესებულ კანონმდებლობაში აღზრდის სისტემაში ყველა ფსაკის ბავშვთა აღზრდის მთელი საქმის გადატანას.

6. მასწავლებელთა მოვალეობანი

როგორ იყო განსაზღვრული მასწავლებელთა მოვალეობანი სკოლების ოფიციალურ წესდებათა მიხედვით? XIX ს. სამოციან წლებამდის რუსეთში, როგორც ვიცით, გამოიკა 1804 წლის და 1828 წლის წესდებანი. ამ წესდებებში, რომლებიც უმთავრესად სახალხო განათლების სისტემის ორგანიზაციას, სკოლების სტრუქტურას, ტიპებს, საფეხურებს, სასწავლო გეგმებსა და მმართველობის ორგანიზაციას ეხებოდა, მცირეოდენი ადგილი აქვთ დათმობილი მასწავლებელთა უფლება-მოვალეობის, მათი მომზადებისა და სასწავლო მეთოდოლოგიური საკითხებს.

XIX ს. პირველ ნახევარში ამ საკითხებზე რუსეთსა და საქართველოში ძალიან ცოტა რამ იწერებოდა. პეტერბურგის „მთავარი

* А. С. Пушкин, Сочинения: дневник, записки, исторические статьи и разные заметки, изд. 3-ье, 191-3, 1887.

პედაგოგიური ინსტიტუტი“ და მოსკოვის, ყაზანის და ხარკოვის უნივერსიტეტები არ იყვნენ დაინტერესებული თეორიულ-პედაგოგიური და დიდაქტიკურ-მეთოდური პრობლემებით. კიდევ უფრო მიუტოვებელ უყურადღებობას იჩენდნენ ამ პრობლემებისადმი ხსენებული ინსტიტუტების დახურვის შემდეგ რუსეთის უნივერსიტეტებთან დაარსებული პედაგოგიური კურსები (საშუალო სკოლების მასწავლებელთა მოსამზადებლად). კონსტანტინე უშინსკიძე, სამწუხაროდ, არც პედაგოგიურ ლიტერატურაში აშუქებდნენ ამ პრობლემებს ჯეროვანი სიღრმითა და სერიოზულობით. განა დამახასიათებელი არ არის რუსეთის XIX ს. პირველი ნახევრის პედაგოგიკისათვის ის ფაქტი, რომ სამოციან წლებამდის ყველაზე საუკეთესო დიდაქტიკურ წიგნად რჩებოდა ეკატერინე II დროს, 1783 წელში, იანკოვიჩის მიერ დასავლეთის ლიტერატურიდან გადმოკეთებული „სახელმძღვანელო სახალხო სკოლების პირველი და მეორე კლასის მასწავლებლებს“?

მართალია, ეს სახელმძღვანელო პირველი დიდაქტიკური ნარკვევია რუსულ პედაგოგიურ ლიტერატურაში, მართალია, მასში ბევრი მეტად საინტერესო „დარიგება“ და სახელმძღვანელო აზრია გამოთქმული სწავლების თეორიისა და მეთოდის საკითხებზე, მაგრამ მისი კვლავ რეკომენდაცია XIX ს. 40-იან წლებში, როგორც სახელმძღვანელოსი—ლაპარაკობს პედაგოგიური განათლების ჩამორჩენილობაზე აღნიშნულ პერიოდში.

ამ ნაკლს, როგორც ჩანს, გრძნობდნენ XIX ს. პირველი ნახევრის რუსეთის განათლების ხელმძღვანელი წრეები და მისი რამდენადმე მაინც გამოსწორების ცდას წარმოადგენდა ზემოაღნიშნულ წესდებათა სათანადო მუხლებში გადმოცემული დიდაქტიკური მოსაზრებანი.

ასე, 1804 წლის წესდების IV თავი („გინნაზიის მასწავლებელთა მოვალეობანი, საერთო ყველა მასწავლებელთათვის“), მასწავლებლის საორგანიზაციო და შინაგანაწესის ხასიათის მოვალეობათა გარდა, მიუთითებს მასწავლებლებს: მოწაფეთა უყურადღებო კონცენტრაციის აუცილებლობაზე გაკვეთილის დროს, ახალი მასალის სიცხადითა და სისწორით გადაცემისა და მცირეწლოვანთათვის სწავლების პროცესის გამარტივებისა და გაადვილების საჭიროებაზე. ამ თავის ერთი მუხლი (41) მოუწოდებს მასწავლებლებს: „მიაჩვიონ ბავშვები შრომისმოყვარეობას, აღძრან მათში ხალისი და მისწრაფება მეცნიერებისადმი, რომელიც სასწავლებლიდან გასვლის

შემდეგ აიძულებდა მათ ეზრუნათ შემდგომ თვითგანვითარებაზე (სრულყოფაზე)“. წესდება ავალებს მასწავლებლებს: იზრუნონ მოწაფეთა არა მარტო გონებრივ, არამედ ზნეობრივ განვითარებაზეც (ზრდილობა, პატიოსნება, კეთილშობილება, სიმართლე, უფროსების და ურთიერთის პატივისცემა და სხვ.), „უყვარდნო ბავშვები და ეპყრობოდნენ მათ, როგორც მშობლები თავის შვილებს, მაგრამ არ დაივიწყონ, რომ ისინი უნდა ფლობდნენ ბავშვებს, ხელმძღვანელობდნენ მათ, აიძულებდნენ იყონ გამგონი და იმორჩილებდნენ მათ“. წესდება მოითხოვს, რომ მასწავლებლებმა „პირველ კოვლისა კარგად გაიგონ ბავშვის ხასიათი და თვისებები, რომ უკეთ მართავდნენ მას“ (44). ამას გარდა, 1804 წლის წესდება გარკვეულად მოითხოვს მასწავლებელთაგან, რომ ყოველი მათგანი „პედაგოგიურ თათბირებზე“ აცნობდეს კრებას „მოწაფეთა მეცადინეობისა და წარპატებების შესახებ, და გამოთქვამდეს თავის აზრებს: როგორ ვაქციოთ სწავლება უფრო საინტერესო და როგორ გავაუმჯობესოთ სწავლების წესები“ (49).

1828 წლის წესდებაში, მთელ რიგ დიდაქტიურ მითითებათა შორის, დაწყებითი (სამრევლო) სკოლების მასწავლებელთათვის რეკომენდებულია ორი მეთოდი—ჩვეულებრივი და ლანკასტერის. რას გულისხმობდნენ ჩვეულებრივ მეთოდად—ეს წესდებაში არ არის გარკვეული, ხოლო ლანკასტერის მეთოდის შესახებ კი ქვემოთ გვექნება საუბარი (თავი VI). აქ შეიძლება აღვნიშნოთ, რომ ეს მეთოდი იყო უფრო ადვილი (მასწავლებელთათვის), და მრავალრიცხოვან კლასებში გამოსადეგი. ამიტომ იყო, რომ წესდება სწორედ ამ მეთოდის გამოყენებას მოითხოვდა დაწყებითი სკოლების მასწავლებელთაგან იმ სახით, როგორც ის მის ავტორებს ე. ბელსა (1739.—1832) და ე. ლანკასტერს (1778—1836) ჰქონდათ შემუშავებული. აღსანიშნავია, რომ ეს წესდება ურჩევს მასწავლებლებს გამოიყენონ ეკატერინე II დროის შედგენილი, ზემოაღნიშნული „სახელმძღვანელო—მასწავლებელთათვის“, განსაკუთრებით ურჩევს იმ მასწავლებელთ, რომელნიც ურთიერთსწავლების ანუ ლანკასტერის მეთოდით მუშაობდნენ. წესდებაში ამას გარდა აღნიშნულია: „მასწავლებელს ყოველთვის უნდა ჰქონდეს მხედველობაში მოსწავლეთა როგორც ასაკი, ისე შეგნების საფეხური (დონე), ხსნიდეს მარტივად და ყველასათვის გასაგებად და, უნდა აქცევდეს რა მეტ ყურადღებას მცირე წარმატების მქონე მოწაფეებს, არ უნდა ივიწყებდეს ამავე დროს ბევრით მოწაფეებს

სხვათა წააქეზებლად“ (29). ამასთან, წესდება ავალებს მასწავლებლებს მიაჩვიონ მოწაფეები დამოუკიდებელ მუშაობას, მსჯელობას, „საკუთარი ჰკუა-გონებით მოქმედებას“ და სასტიკად უკრძალავს „გაკვეთილების უბრალო კარნახს, რომელიც ემსახურება ზეპირად მექანიკურ დასწავლას“ (160).

ამიერკავკასიისა და კავკასიის სასწავლებელთა დებულებები 1829 და 1835 წლებისა „ამიერკავკასიის სასწავლებელთა შესახებ“ და 1848 და 1853 წლებისა „კავკასიის სამოსწავლო ოლქისა და მის უწყებებში შემავალ სასწავლებელთა შესახებ“,—ახალს არაფერს შეიცავენ აღნიშნულ საკითხებზე. მაგალითად, დაწყებით სკოლებში სწავლების მეთოდის შესახებ 1829 და 1835 წწ. დებულებები, იმეორებენ რა 1828 წლის საიმპერიო წესდებას, მოითხოვენ ურთიერთ-სწავლების ანუ ლანკასტერის მეთოდს, ხოლო 1848 წლის წესდება კი მოითხოვს მის გამოყენებას ადგილობრივი ენების შესწავლის დროსაც: „სამაზრო სასწავლებლის პირველსა თუ მონამზადებელ კლასებში სწავლება უმთავრესად ლანკასტერის მეთოდით უნდა წარმოებდეს და კავკასიის სამოსწავლო ოლქის სკოლების ხელმძღვანელებს ევალებათ განსაკუთრებით იზრუნონ ამ მეთოდის გამოყენებისათვის ადგილობრივი ენების შესასწავლად“ (18). იგივე მეთოდი არის მითითებული სემრეელო სასწავლებელთა მიმართაც (§ 120).

ამგვარად, ზემოაღნიშნულ წესდებასა და დებულებებში უცვლელად ვხედავთ სათანადო პედაგოგიურ-დიდაქტიკურ მითითებებს მასწავლებელთათვის, ბევრ მათგანს საერთოდ დიდი მნიშვნელობა ექნებოდა პედაგოგიური პროცესის რაციონალიზაციისათვის, მაგრამ მთავრობა ამ დოკუმენტებში მხოლოდ მიუთითებდა მასწავლებლებს მათ დანიშნულებას; არსებითად კი ნაკლებად ზრუნავდა იმისათვის, რომ მათ პრაქტიკულად მიეღწიათ ამ დანიშნულებისათვის.

7. მასწავლებელთა მომზადება-ღანიშნის წესი

აღნიშნული პერიოდის საქართველოს სახელმწიფო სკოლების, უმთავრესად საშუალო სკოლების, ძირითადი საგნების მასწავლებლები რუსეთიდან იგზავნებოდნენ. მაგრამ განათლებულ მასწავლებელთაგან ცოტანი იყვნენ აქ წამოსვლის მსურველნი. ამიერკავკასიის გიმნაზიებისა და სამაზრო სკოლების მასწავლებლებს ისეთივე უფლებები და უპირატესობანი ჰქონდათ, როგორც რუსეთის გიმ-

წაზიებისა და სამაზრო სკოლების მასწავლებლებს, მაგრამ ეს არ იყო საკმარისი იმისათვის, რომ რუსეთიდან საქართველოში წამოსულიყვნენ მასწავლებლობის საძებრად. XIX ს. 20-იან წლებში ამიერკავკასიის სახაზინო სკოლებში მასწავლებლის თანამდებობაზე იწვევდნენ უკვე რუსეთის სასულიერო სასწავლებელთა და სამხედროთა-ობლების თავშესაფარში აღზრდილ პირებს, მაგრამ არც ასეთები მოისწრაფვოდნენ ამიერკავკასიისაკენ. ამან აიძულა საქართველოს მთავარმართებელი ა. ე რ მ ო ლ ო ვ ი მოეთხოვა უმაღლესი მთავრობისაგან რუსეთიდან საქართველოში სამასწავლებლოდ წამომსვლელთათვის მიეცათ XIV კლასის მოხელის ხარისხი, ერთდროული დახმარება 200—300 მანეთამდე ასიგნაციებით, გზის ფული, ბინა და გადიდებული ჯამაგირი. მაგრამ არც ეს ღონისძიება იყო გადამწყვეტი. რუსეთში მომზადებული მასწავლებლები თვითონ რუსეთის სკოლებს არ ჰყოფნიდა, ისე მცირე იყო მათი რიცხვი. მიუხედავად ამისა, ადგილობრივად (საქართველოში) მასწავლებელთა მოსამზადებელი დაწესებულების შექმნაზე არავინ ზრუნავდა. 1829 წლის დებულება „ამიერკავკასიის სასწავლებელთა შესახებ“ აღნიშნავს, რომ „თბილისის გიმნაზიის მასწავლებლები იგზავნება სახალხო განათლების მინისტრის განკარგულებით უნივერსიტეტისა და მთავარი პედაგოგიური ინსტიტუტის კურსდამთავრებულთა შემადგენლობიდან“.* რაც შეეხებოდა ქართული და თათრული (აზერბაიჯანული) ენების მასწავლებლებს—მათ ირჩევდა გიმნაზიის საბჭო და ამტკიცებდა ადგილობრივ სასწავლებელთა უფროსი. არა მარტო გიმნაზიების, არამედ სამაზრო სასწავლებელთა მასწავლებლების დანიშვნაც კი ამავე წესით ხდებოდა (§ 31) იმ განსხვავებით, რომ თუ გიმნაზიის მასწავლებლებად აუცილებელი იყო რუსეთის რომელიმე უნივერსიტეტისა ან პეტერბურგის მთავარი პედაგოგიური ინსტიტუტის კურსდამთავრებულთა გამოგზავნა მინისტრის მიერ,—სამაზრო სასწავლებელთათვის ეს აუცილებლობა უპირატესობით ანუ სასურველობით იყო შეცვლილი.

მიუხედავად ამისა, ფაქტიურად კავკასიის გიმნაზიებში ნეტად მცირერიცხოვანი იყო უნივერსიტეტებისა და პეტერბურგის მთავარი პედაგოგიური ინსტიტუტის კურსდამთავრებული მასწავლებლობა, ზოლო სამაზრო სასწავლებლებში კი ასეთები სრულებით არ მოიპოვებოდნენ. ამიტომ იყო, რომ 1835 წლის დებულებით გიმნაზიე-

* ПСЗ Российской имп., 1829, IV, 571, № 3060; п. 3.

ზის მასწავლებლებად უნივერსიტეტებისა და ხსენებული ინსტიტუტის კურსდამთავრებულთა დანიშვნა მიჩნეულია უკვე არა აუცილებელ, არამედ უპირატეს (§ 16) საქმედ, ხოლო სამაზრო სასწავლებელთათვის ასეთი მასწავლებლების მოწვევა უკვე აღარ არის გათვალისწინებული, როგორც განუხორციელებელი სურვილი.

1848 წლიდან, კავკასიის სასწავლო ოლქის შექმნის გამო სახელმწიფო სკოლების მასწავლებელთა მოწვევა ოლქის მზრუნველის ხელში გადავიდა.

XIX ს. პირველ ნახევარში, როგორც ვწერდით, საქართველოში არ ყოფილა არცერთი სპეციალური პედაგოგიური სასწავლებელი დაწყებითი და საშუალო სკოლების მასწავლებელთა მოსამზადებლად. ხოლო იმ სასწავლებელთაგან, რომლებიც თავის ძირითადი მიზნის პარალელურად, მაგრამ არაპირდაპირი გზით, ამზადებდნენ დაწყებითი სკოლის მასწავლებლებს, შეიძლება მოვიხსენიოთ თბილისის სასულიერო სემინარია და თბილისის გიმნაზია.

თბილისის სემინარიაში 50-იან წლებამდის სპეციალურ პედაგოგიურ დისციპლინებს არ ასწავლიდნენ და, მაშასადამე, მას არ შეეძლო პედაგოგიკური განათლების მქონე კადრების მომზადება, მაგრამ რამდენადაც იმ სასწავლებელში კურსდამთავრებულნი, თავისი სპეციალური პროფესიის (მღვდლობის) პარალელურად, ძალიან ხშირად ასრულებდნენ სასულიერო სასწავლებელთა და ეკლესია-მონასტრებთან არსებული სკოლების მასწავლებლობას, — იმდენად მხოლოდ, შეგვიძლია ვილაპარაკოთ თბილისის სემინარიაზე, როგორც დაწყებითი სკოლის მასწავლებელთა მოსამზადებელ დაწესებულებაზე XIX ს. პირველ ნახევარში.

ასევე უნდა ითქვას თბილისის გიმნაზიის შესახებაც. გიმნაზიის კურსდამთავრებულ ახალგაზრდებსაც უხდებოდათ დაწყებით (სამაზრო სასწავლებლებსა და გიმნაზიის პირველ კლასში) მასწავლებლობა. არც მათ გააჩნდათ რაიმე სპეციალური პედაგოგიური განათლება. მართალია, 1848 წლის დებულებით, თბილისის და სტავროპოლის გიმნაზიებთან გათვალისწინებული იყო საპედაგოგიო კლასი, ორი განყოფილებით, გიმნაზიის კურსდამთავრებულთა მოსამზადებლად გიმნაზიის დაბალი კლასებისა და სამაზრო სკოლების მასწავლებლობისა და შინამასწავლებლობისათვის (§ 57), მაგრამ თბილისის გიმნაზიასთან ასეთი კლასი ფაქტიურად არ გახსნილა.*

* საქ. ც. არქ., ფ. 423, ს. 270, 63.

სტავროპოლის სპეციალური საპედაგოგიო კლასის პირველ განყოფილებაში ასწავლიდნენ იმ საგნების გაფართოებულ კურსს, რომლებიც მათ უნდა ესწავლებინათ, ასწავლიდნენ აგრეთვე პედაგოგიკასა და დიდაქტიკას (დიდაქტიკაში გულისხმობდნენ კერძო მეთოდებს). მეორე განყოფილებაში საპედაგოგიო კლასის მსმენელები ეწეოდნენ პრაქტიკულ-მეთოდურ მუშაობას: აძლევდნენ პრაქტიკულ (სავარჯიშო) გაკვეთილებს გიმნაზიის დაბალ კლასებში.

საქართველოსა და კავკასიის საშუალო სკოლებისათვის მასწავლებელთა მცირეოდენ რიცხვს ამზადებდნენ აგრეთვე რუსეთის უნივერსიტეტებსა და პეტერბურგის მთავარ პედაგოგიურ ინსტიტუტში. როგორც ვიცით, ჯერ კიდევ 1835 წლის დებულება ითვალისწინებდა თბილისის გიმნაზიის კურსდამთავრებულთაგან ყოველწლიურად ხუთიოდე ახალგაზრდა სტიპენდიანტის გზავნას მოსკოვსა და პეტერბურგის უნივერსიტეტებში (§ 80), მაგრამ 40-იანი წლების მეორე ნახევრიდან ეს პრაქტიკა უფრო გაფართოვდა, სტიპენდიანტთა რიცხვი გაიზარდა. 1849 წლის დებულებით „რუსეთის უმაღლეს და სპეციალურ სასწავლებლებში კავკასიის და ამიერკავკასიის მკვიდრთა აღზრდის შესახებ“ — პეტერბურგის მთავარ პედაგოგიურ ინსტიტუტში კავკასიელ სტიპენდიანტთათვის გათვალისწინებული იყო 10 ადგილი, აქედან 5 ადგილობრივთათვის და 5 კავკასიაში მცხოვრებ რუსთათვის; ამას გარდა, პეტერბურგისა და მოსკოვის უნივერსიტეტებში კავკასიელთათვის გათვალისწინებული იყო 40 ადგილი (გარდა საექიმო ფაკულტეტისა) და მოსკოვის ლაზარევის სახელობის აღმოსავლეთ ენათა ინსტიტუტში 20 ადგილი. ამ ადგილთა უმრავლესობას მომავალი პედაგოგები იჭერდნენ.

მთელი ნახევარი საუკუნის განმავლობაში საქართველოს ძალიან მცირერიცხოვანი სასწავლებლებიც კი მძაფრად განიცდიდნენ მასწავლებელთა ნაკლებობას. ზემოხსენებული დებულებებით გათვალისწინებული ზოგიერთი სკოლა, როგორც აღენიშნეთ, არ იხსნებოდა ან ძალიან გვიან, და ეს, პირველ ყოვლისა, ხდებოდა მასწავლებელთა უყოლობის გამო (შენობის უქონლობაც უშლიდა მას ხელს, მაგრამ მთავარ მიზეზს პირველი წარმოადგენდა). ამას გარდა, არსებულ სასწავლებლებში მთელი რიგი საგნებისა არ ისწავლებოდა იმავე მიზეზის გამო. იყო შემთხვევებიც, როცა ამა თუ იმ საშუალო სასწავლებლის უფროსი კლასის მოწაფეები ასრულებდნენ მასწავლებლის მო-

ვალეობას იმავე სასწავლებლის უმცროს კლასებში.* არც სასოფლო სამრეელო სკოლები იყვნენ უზრუნველყოფილი მასწავლებლებით. აქ ზშირად ასწავლიდნენ უცენზო, საშინაო განათლების მქონე პირები, მაგრამ იმდენად დიდი იყო მოთხოვნილება მასწავლებლებზე, რომ მხოლოდ წერა-კითხვის მცოდნე პირებიც კი გამოსადეგად გრძნობდნენ თავს პედაგოგიურ ასპარეზზე.**

8. მასწავლებელთა უფლებრივ-მაგარიული პირობები

ამიერკავკასიის მასწავლებელთა და სასწავლებელთა ხარჯთაღრიცხვის მტკიცე ცხრილი პირველად განისაზღვრა ამიერკავკასიის სასწავლებელთა 1829 წლის შტატით, რომელიც დამტკიცებულ იქნა ამავე წლის დებულების მიღებასთან დაკავშირებით. მაგრამ, სანამ ამ შტატს შეეცხებოდეთ, საკიროა აღენიშნოთ, რომ ამიერკავკასიის 1829—1835 წლებისა და კავკასიის სასწავლო ოლქის 1848 წლის დებულებათა მიხედვით, ამიერკავკასიის სახელმწიფო სასწავლებელთა მასწავლებლები იყოფოდნენ უფროს და უმცროს მასწავლებლებად. უფროს მასწავლებლებად ითვლებოდნენ ძირითად „მეცნიერებათა“, რუსული ენისა და სიტყვიერების და ლათინური ენის მასწავლებლები.***

გეოგრაფიის, რუსული გრამატიკის,*** ქართული, გერმანული, ფრანგული და თათრული (აზერბაიჯანული) ენების, ხატვა-ხაზვის და სუფთაწერის მასწავლებლები კი, მანასადამე, უმცროს მასწავლებელთა რანგს ეკუთვნოდნენ. მაგრამ, შემდეგ პერიოდში, განათ-

* მაგალითად, 1823 წელს თბილისის კეთილშობილთა სასწავლებლის უფროსი კლასის მოწაფე ლამპარაშვილი (გამბაროვი) დაინიშნა ამავე სასწავლებლის პირველი კლასის ქართული და რუსული ენების მასწავლებლად (Акты, V, 1:39).

** 1852 წელს სახელმწიფო ყმა, სოფ. ორტაგიდან, თამა ჩოჩიშვილი. რომელმაც მხედრული წერა-კითხვა შინ ისწავლა, სთხოვდა საქ. ეგზარხოსს მიეცა მისთვის უფლება ხელმეორედ გაეხსნა სკოლა სოფ. როკანი, თს-თში (Л. А. 9. Гр. 3. 3. 3., ф. 1:39, № 16108, 1—2).

*** თბილისის გიანაზიის სპეციალური კლასების ფრანგული, ქართული და თათრული (აზერბაიჯ.) ენების მასწავლებლებიც უფროს მასწავლებლებად ითვლებოდნენ.

**** რუსულ გრამატიკას, 1829 წლის დებულების მიხედვით, ცალკე საგნად სთვლიდნენ და რუსული ენისა და სიტყვიერებისაგან გამოყოფილად ასწავლიდნენ მაგრამ ასეთი მდგომარეობა ღიღხანს არ გაგრძელებულა.

ლების ცენზის მიხედვით, მათ შორისაც იყო განსხვავება ხელფასის ოდენობის მხრივ.

უმცროს მასწავლებლებად ითვლებოდნენ აგრეთვე ე. წ. მეორე ანუ სათადარიგო მასწავლებლები.

ეს გარემოება თავის გამოხატულებას, ცხადია, ნახულობდა ხელფასის ცხრილში, საშტატო განრიგებაში.

გადავხედოთ ჯერ 1829 წლის შტატს:

„ამიერკავკასიის სასწავლებელთა შტატი“.*
1829 წლის 2 აგვისტო

სად, სახელდობრ	გასავლის მუხლები	მანეთები (ასიგნაციებით)	
		ერთს	სულ
გიმნაზია ტფილისში	დირექტორს . . .	3.500	3.500
	ინსპექტორს . . .	3.000	3.000
	ოთხ უფროს მასწავლებელს . . .	2.500	10,000
	საღვთო სჯულის მასწავლებელს . . .	1.400	1.400
	უმცროს მასწავლებლებს, სახელდობრ:		
	1. რუსული გრამატიკის და გეოგრაფიის, . . .		
	2. ქართულის, 3. გერმანულის, 4. ფრანგული ენების . . .	1.600	6.400
	5. თათრული ენის მასწავლებელს . . .	1.100	1.100
	ხატვის, ხაზვის და სუფთაწერის მასწავლებელს . . .	1.100	1.100
	პირველი ანუ მოსამზადებელი ჯგუფის მასწავლებელს . . .	1.400	1.400
	კანცელარიის მოსამსახურეებს:		
	ერთს, უფროსი თანრიგისას . . .	800	800
	მეორეს, უმცროსი თანრიგისას . . .	300	300

* ПСЗРИ, IV, № 3060, 571, 1829.

სად, სახელ- დობრ	გასაელის მუხლები	მანეთები (ასიგნაციებით)	
		ერთს	სულ
მასთან პანსიონი	მასვე ულუფის და ტანთსაცმლის .	—	100
	ბიბლიოთეკისა და ხელსაწყოსათვის . .	—	1.000
	მოწაფეებს საჩუქრად .	—	150
	სამგზავრო, სასწავლებელთა დასათვა- ლიერებლად .	—	1.200
	საქანცელარიო, ნივთებისათვის .	—	250
	სახლის, დაბალ მოსამსახურეთა და სხვა ხარჯებისათვის	—	3.000
			34.700
	40 სახანონო ხარჯზე მყოფ მოწაფეთა- თვის .	450	18.
	სამ ზედამხედველს .	1.000	3.000
	სახლის, მოსამსახურეთა და სხვა ხარ- ჯებისათვის		3000
		21.000	
სამხრო სას- წავლებლები, ჟველგან ამიერკავკა- სიაში	სულ ტფილისის გიმნაზიაზე, პანსიონით		58.700
	გარეშე ამისა ტფილისის კეთილშო- ბილთა სასწავლებლის გიმნაზიად გადა- საკეთებლად .		3.000
	პირველი და მეორე კლასის მასწავლებლებს	1.000	2.000
	მათგანში ერთ-ერთს, ზედამხედველის მოვალეობის ამსრულებელს, დამატებით	—	250
	საღვთო სჯულისა და ამავე დროს ად- გილობრივი ენის მასწავლებელს .	600	600
	მოწაფეებს საჩუქრისათვის . .	—	50

სად, სახელ- დობრ	გასავლის მუხლები	მ.ნეთები (ასიგნაციებით)	
		ერთს	სულ
	ბიბლიოთეკისა და სასწავლო ნივთები- სათვის .	—	150
	ბინის კირა, მოსამსახურე და სხვა ხარ- ჯები .	—	7:0
	სულ ერთ სასწავლებელზე .		3.800
	ყველა 20 სასწავლებელზე .		76.000
	ამოიგად გიმნაზიაზე პანსიონით და სასწავლებლებზე ყოველწლიუ- რად .		134.700
	და ერთდროულად .		3.000

ხელფასებს გარდა, რუსეთის 1828 წლის დებულებით, გიმნაზიების დირექტორები, ინსპექტორები, მასწავლებლები და პანსიონების ზედამხედველნი, აგრეთვე სამაზრო სასწავლებელთა შტატის ზედამხედველნი და მასწავლებლები 20 წლის სამსახურის შემდეგ დებულობდნენ პენსიას ხელფასის ნახევრის ოდენობით, ხოლო 25 წლის საქსახურის შემდეგ—ხელფასის წთელი ოდენობით (§ 295). უკეთუ 25 წელზე მეტს იქსახურებდნენ—პენსიაც, სათანადოდ, ემატებოდათ (§ 296). აღნიშნული თანამდებობის პირთა სიკვდილის შემთხვევებში უფლება დახმარების და პენსიის მიღებისა რჩებოდათ მათ ქვრივებს: ქვრივებს, რომელთა ქპრები კვდებოდნენ სამსახურში 20 წლის შესრულებამდე, ეძლეოდა ერთდროული დახმარება ქმრის წლიური ჯამაგირის ოდენობით, ხოლო ქვრივებს, რომელთა ქმრებიც კვდებოდნენ სამსახურში 20 წელსა და მეტ ხანს ყოფნის შემდეგ, ეძლეოდათ მათი ქმრებისათვის განკუთვნილი პენსია (§ 298).

როგორც აღნიშნეთ, საქართველოსა და ამიერკავკასიის სახაზინო სკოლების მასწავლებლები სარგებლობდნენ იმავე უფლებებით, როგორც რუსეთის სახელმწიფო სკოლების მასწავლებლები, მაგრამ ამიერკავკასიის სასწავლებელთა 1829 წლის დებულებით, გარდა ამისა საქართველოში და სომხეთის ოლქის სასწავლო უწყებაში დანიშნულ მოხელეებს მინიჭებული ჰქონდათ ჩინის მიღებაში იგივე უპირატე-

სობა, როგორც საერთოდ იქ გაწესებულ სამოქალაქო სამსახურის მოხელეებს; მასწავლებლებს, რომლებიც იმსახურებენ ამ მხარეში არა ნაკლებ ექვსი წლისა, პენსიის მისაღებად სასწავლო დარგში განკუთვნილი ვადა უმცირდებოდათ ხუთი წლით როგორც მათ, ისე მათი ოჯახის წევრებს (§ 46).

ამასთან, საქართველოში და სომხეთის ოლქში რუსეთიდან გამოწესებულ მასწავლებლებს, სამგზავრო ფულის გარდა, ეძლეოდათ ერთი თვის ხელფასი აუნაზღაურებლად (§ 47).

სახელმწიფო სასწავლებელთა მასწავლებლები სარგებლობდნენ აგრეთვე სახელმწიფო მოხელეთათვის განკუთვნილი ხარისხებით.

გიმნაზიის დირექტორს ენიჭებოდა VII, ხოლო ინსპექტორს VIII კლასის სახელმწიფო მოხელის ხარისხი. გიმნაზიის უფროს მასწავლებლებს ენიჭებოდათ IX კლასის ხარისხი, უმცროსებს X-სა, ხოლო ხატვა-ხაზვის მასწავლებლებს კი—XII კლასისა.

სამაზრო სასწავლებელთა მასწავლებლებს ენიჭებოდათ XII კლასის ხარისხი, გარდა ხატვის მასწავლებლებისა, რომლებიც XIV კლასის მოხელეებს წარმოადგენდნენ.

საერო (სახელმწიფო) სანრველო სასწავლებელთა მასწავლებლები სარგებლობდნენ XIV კლასის მოხელეთა (ჩინოვნიკთა) ხარისხით, სანამ სამსახურში იმყოფებოდნენ, ხოლო 12 წლის „გულმოდგინე და წესიერი სანსახურის“ შენდევ ეს ხარისხი რჩებოდათ სასწავლებლიდან განთავისუფლების შემდეგაც (§ 35).

უკეთუ დირექტორს ან მასწავლებლებს სასწავლებელში დანიშვნამდე უფრო მაღალი კლასის ხარისხი ჰქონდა—ეს ხარისხი მას რჩებოდა სასწავლებელში სამსახურის დროსაც.

1829 წელს დაწესებული ხელფასები დიდხანს არ შეცვლილა. მაგრამ 1840—1843 წლებში მოიხდარმა ფულის რეფორმამ და აგრეთვე იმ გარემოებამ, რომ ამიერკავკასიის ყველა ადგილას, ცხოვრების პირობების სხვადასხვაობის გამო, ერთნაირი ოდენობის ხელფასის არსებობა არ მიიზინეს მიზანშეწონილად—1848 წელს, ახალ დებულებასთან დაკავშირებით, დამტკიცებულ იქნა ახალი შტატი და გიმნაზიის მასწავლებელთათვის ხელფასებიც დიდფერენცირებულ იქნა საცხოვრებელი (სანსახურის) ადგილის მიხედვით.

კავკასიის სასწავლო ოლქის 1849 წლის 18 დეკემბერს დამტკიცებული შტატი ითვალისწინებდა წლიურად (ვერცხლის მანეთებით):

თანამდებობა	ადგილი	ხელ- ფასი	ხარჯე- ბის	ბინის	სულ
გიმნაზიის დირექტორი	თბილისის	1200	360	360	1920 მან.
	ქუთაისის	1000	300	300	1600 „
გიმნაზიის ინსპექტორი	თბილისის	900	350	სახ.ბ. ბინა	1250 „
	ქუთაისის	900	250	სახ.ბ. ბინა	1150 „
საღვთო სჯულის მასწავლებელი (უფროსი, მართლმ. სარწმ.)	თბილისის გიმნაზიაში	800	—	240	1040 „
	ქუთაისის გიმნაზიაში	500	—	150	650 „
უფროსი მასწავლებლები მეცნიე- რებათა	თბილისის გიმნაზიაში	800	—	240	1040 „
	ქუთაისის გიმნაზიაში	700	—	210	910 „
უფროსი მასწავლებლები ენებისა	თბილისის გიმნაზიაში	700	—	210	910 „
	ქუთაისის გიმნაზიაში	500	—	150	650 „
უმცროსი მასწავლებლები მეც- ნიერებათა	თბილისის გიმნაზიაში	600	—	180	780 „
	ქუთაისის გიმნაზიაში	500	—	150	650 „
უმცროსი მასწავლებლები—ენე- ბის, ხატვა-ხაზვისა და სამოქ. არქიტექტ.	თბილისის გიმნაზიაში	500	—	150	650 „
	ქუთაისის გიმნაზიაში	400	—	120	520 „

სამაზრო სასწავლებელთა მასწავლებლებს:

თანამდებობა	ადგილი	ხელფა- სი	ბინის	სულ
ხედამხედველი	ყველგან	700 მან.	სახაზინო ბინა	700 მან.
მასწავლებლები: რუსული ენის, არითმეტიკის, გეოგრაფიის, სა- კანც. საქმის და სუფთაწერის	ყველგან	400	სახაზინო ბინა ან 120 მან.	400 120
მასწავლებლები საღვთო სჯული- სა და ქართული ენისა .	ყველგან	200	—	200

სამრევლო სკოლის მასწავლებლებს ეძლეოდათ 200 მანეთიდან 250 მანეთამდე წელიწადში, მათი სამსახურის ადგილის მიხედვით.

1848 წლის დებულებით კავკასიის ოლქის სამმართველოს და თბილისისა და ქუთაისის დირექციების მთელი შტატი შედგებოდა 158 კაცისაგან. აქედან ადმინისტრაციულ-ტექნიკური პერსონალი შეადგენდა 30, დანარჩენი (128) კი პედაგოგიურ პერსონალს. ცალკე ერთეულების მიხედვით:

დაწესებულება	ადმინისტ. ტექნ. პერ.	პედაგ. პერსონ.	სულ
ოლქის სამმართველო	15 კაცი	—	15 კაცი
თბილისის დირექცია	8	92	100
ქუთაისის დირექცია .	7	36	43

პედაგოგიურ პერსონალში ნაგულისხმევია აგრეთვე გიმნაზიების ინსპექტორები და სამაზრო სასწავლებელთა ზედამხედველები, რომლებიც პედაგოგიურ მუშაობას ეწეოდნენ.

როგორი იყო კავკასიის სასწავლო ოჯახის შტატისა და მასწავლებლთა ხელფასის ზრდა 20 წლის განმავლობაში, 1929 წლის დებულებას მიღებიდან 1848 წლის დებულების დამტკიცებამდე?

1829 წლის დებულებით ამიერკავკასიის სასწავლებელთა შტატი განისაზღვრებოდა 90 კაცით. აქედან 3 შეადგენდა ადმ. ტექნ.: პერსონალს (ერთი ამიერკავკ. სასწავლებელთა დირექტორი, რომელიც ამავე დროს იყო თბილისის გიმნაზიის დირექტორიც, და 2—კანცელარიის მოხელე), დანარჩენი 87 კი პედაგოგიურ პერსონალს წარმოადგენდა (მათ შორის 4 ზედამხედველი თბილისის გიმნაზიის პანსიონისა). ამგვარად, ამ ციფრების შედარება 1848 წლის თბილისისა და ქუთაისის დირექციის ანუ მთელი ამიერკავკასიის სასწავლებლების შტატის ციფრებთან გვაძლევს:

წლები	ადმინ.-ტექნ. პერსონალი		სულ	შტატის შემადგენელი		
	უძრიდა	პედაგ. პერსონალი უძრიდა		ადმინ.-ტექნ. პერსონ.	პედაგოგ. პერსონალისა	სულ
1829 წელს	3	87	90	3	41	53
1849 წელს	15	128	143	12	41	53

მოყვანილი ციფრებიდან საშუალება გვაქვს გამოვყოთ საკუთრივ საქართველოს ტერიტორიაზე მომუშავე პედაგოგიური პერსონალის ზრდის მაჩვენებელი ციფრებიც.

ზემოხსენებულ დებულებათაგან ვიციტ, სად რა ტიპის და რამდენი სკოლა იყო გახსნილი ამიერკავკასიის ტერიტორიაზე, რამდენი მასწავლებელი ჰყავდა თითოეულ ამ სკოლას. საქართველოს ტერიტორიაზე არსებულ ოფიციალურ, ე. ი. სახაზინო (გიმნაზია, საშაზრო) სკოლებში 1835 წლის დებულების მიხედვით ირიცხებოდა 56 მასწავლებელი (მათ შორის 4 ზედამხედველი თბილისის გიმნაზიის პანსიონისა), ხოლო 1848 წლის დებულებით საქართველოს ტერიტორიაზე არსებულ სახაზინო სასწავლებელთა (გიმნაზიები, საშაზრო და საერო-სამრევლო სკოლები) შტატში გათვალისწინებულია 104 მასწავლებელი (მათ შორის 4 ზედამხედველი თბილისისა და 3 ქუთაისის გიმნაზიასთან არსებულ პანსიონებისა).

ერთი შეხედვით თვალსაჩინოა განსხვავება. მაგრამ თუ მივიღებთ მხედველობაში, რომ 1849 წლიდან საქართველოს პედაგოგიური პერსონალის გადიდება 48 კაცით გამოიწვია უმთავრესად ორმა

ახალმა საშუალო სასწავლებელმა: თბილისის კომერციული გიმნაზიისა და ქუთაისის გიმნაზიის დაარსებამ (20-მდე ერთეული) და თბილისის გიმნაზიის შტატის გადიდებამ, პარალელური განყოფილებების გახსნის გამო (10—12 ერთეულით), ნათელი გახდება, რამდენად უმეტესად რიცხვით (15—16) არის გადიდებული 20 წლის მანძილზე საქართველოს სახელმწიფო—საერო, სამაზრო და სამრევლო სკოლების მასწავლებელთა რიცხვი, იმ სკოლებისა, რომლებიც უფრო ახლოს იყვნენ ხალხთან, ვიდრე გიმნაზიები.

აღნიშნული 20 წელი (1829—1849) არის საქართველოს ახალი ისტორიის ერთ-ერთი მეტად რთული პერიოდი საზოგადოებრივ-კულტურულ ცხოვრებაში მომხდარი დიდი გარდატეხით, რომელზეც ჩვენ უკვე გვქონდა ლაპარაკი. დიდი იყო ამ პერიოდში ხალხის ლტოლვა განათლებისაკენ და ამ დროს ასეთი უმნიშვნელო გადიდება პედაგოგიური პერსონალისა, რაც ამავე პერიოდის ოფიციალური სკოლების ქსელის ასევე უმნიშვნელო ზრდის მაჩვენებელია, ერთხელ კიდევ ცხად ჰყოფს მეფის მთავრობის პოლიტიკას საერთოდ და განსაკუთრებით კი „ინოვაციების“ განათლების მიმართ.

უმნიშვნელოდ გაიზარდა აღნიშნულ პერიოდში მასწავლებელთა ხელფასიც. 1829 წლის შტატით ხელფასი გათვალისწინებული იყო ასიგნაციებით. ხოლო 1 მანეთი ასიგნაციით დაახლოებით უდრიდა 30 კაპიკს ვერცხლით.* ეს უნდა გვქონდეს მხედველობაში ქვემოთ ციფრების შედარებისას:

თ ა ნ ა მ დ ე ბ ა	წლიური ხელფასი 1829 წელს		წლიური ხელფასი 1849 წელს	
	ასიგნაციებით	პარიტეტი ვერცხ. მანეთებში	თბილისში	ქუთაისში
გიმნაზიის დირექტორს	ხ500 რ.	1050 მ.	1920 მ.	1600 მ.
გიმნაზიის უფროს მასწავლებლებს	2500 მ.	750 მ.	1040 მ.	910 მ.
გიმნაზიის უმცროს მასწავლებლებს	1600 მ.	480 მ.	780 მ.	650 მ.
სამაზრო სასწავლებელთა ძირითად მასწავლებლებს	1000 მ.	300 მ.	520 მ.	ყველგან
სამაზრო სასწავლებელთა ქ. ენისა და სხვა ადგილობრივ ენების მასწავლებლებს	600 მ.	180 მ.	200 მ.	ყველგან

* 1840—43 წლის ფულის რეფორმით 1 საკრედიტო მანეთი ღირდა 3 1/2 მანეთი ასიგნაციით.

როგორც ვხედავთ, ყველაზე მცირე მომატება ხელსაწყოების საშუალო სასწავლებელთა ქართული და სხვა ადგილობრივი ენების მასწავლებლებს, რომლებიც ძალიან ხშირად საღვთო სჯულსაც ასწავლიდნენ, როგორც სასულიერო პირები. ამით ხელისუფლებას სურდა დაეცა საქართველოს სკოლებში მშობლიური ენის ავტორიტეტი მორალურად და მოესპო მისი სწავლების ინტერესი მატერიალურად.

სასულიერო სასწავლებელთა ხელმძღვანელებსა და მასწავლებლებს ხელფასი უფრო მცირე ოდენობისა ჰქონდათ, ვიდრე სახელმწიფო სასწავლებელთა ხელმძღვანელებსა და მასწავლებლებს. განსხვავება შესატყვის სახელმწიფო და სასულიერო სასწავლებელთა (გიმნაზია—სასულიერო სემინარია, სამაზრო საერო სასწავლებელი—სამაზრო სასულიერო სასწავლებელი) მასწავლებლების ხელფასს შორის უდრიდა 10-დან—20%-მდე. პენსიებისა და შეღავათების მხრივაც იზაგრებოდნენ სასულიერო სასწავლებელთა მასწავლებლები. ასე, მაგალითად, თბილისის სემინარიის მასწავლებლები 1824 წლამდე არ სარგებლობდნენ რუსეთიდან საქართველოს სამოქალაქო სამსახურში გამოწვევებულ მოხელეთათვის განკუთვნილი შეღავათებით (1803 წ. 19 დეკემბრის კანონი): არც ჩინისა და პენსიის მიღების უფლებით, არც საგზაო ხარჯებით და არც ერთდროული დახმარებით. სასულიერო სასწავლებელთა ქართველი მასწავლებლები არც აღნიშნული წლის შემდეგ გაუთანასწორობიან სახელმწიფო სასწავლებელთა მასწავლებლებისათვის. მათ არ ეძლეოდათ ერთდროული დახმარება, ხოლო ჩინზე და პენსიაზე წარდგენის ვადები ნახევარჯერ აღემატებოდა რუს მასწავლებელთათვის დაწესებულ ვადებს.



სულ სხვაგვარი და თავისებური იყო კერძო, საშინაო და საეკლესიო სკოლების მასწავლებელთა შრომის ანაზღაურება. კერძო სკოლების და პანსიონების მასწავლებლები სპეციალური შეთანხმებით ან ხელშეკრულებით იყენენ დამოკიდებული სკოლის (პანსიონის) შემნახველ-პატრონებთან, რომლებიც, როგორც წესი, უფრო ნაკლებ ხელფასს აძლევდნენ მათ, ვიდრე ეძლეოდა სახელმწიფო ან სასულიერო სასწავლებელთა მასწავლებლებს. პენსიები და სხვა შეღავათები მათთვის არ არსებობდა.

საშინაო და საეკლესიო სკოლების მასწავლებელთა შრომის ანაზღაურება წარმოებდა თვით მოსწავლეთა მიერ ნატურით. ეს

წესი ძველთაგან მოდიოდა. მაგალითად, ვახტანგის კანონები აწესებენ სათანადო ნატურალურ გამოსაღებს მასწავლებელთა სასარგებლოდ, მაგრამ მხოლოდ შეძლებულ მოწაფეთაგან. XIX საუკუნის პირველ ნახევარში იგივე წესი არსებობს, მაგრამ არა როგორც იურიდიული ნორმა, არამედ როგორც მორალური, ხალხური წესი.

ერთ ასეთ ტიპურ მაგალითს XIX ს. 40—50-წლებიდან ეხება ამავე პერიოდის საზოგადო მოღვაწე, ლიტერატორი, შემდეგ გაზ. „კავკაზ“-ის რედაქტორი ნ. ბერძენიშვილი (ბერძენოვი).

„წერა-კითხვის უეჭველად შესწავლის მხურვალე სურვილის მქონე პირები... მიებარებოდნენ ხოლმე—ვინმე დიაკონს, რომელიც იწყებდა იმით, რომ აძლევდა მათ ხელში რუხი, სქელი ქალაღის ნაგლეჯს, რომელზეც ავად თუ კარგად ეწერა ანბანი (ბეჭდური ხომ ხსენებაშიც კი არ იყო),* ე. ი. ქართული ალფაბეტის 37 ასო, ხოლო მას უშუალოდ მისდევდა შემდეგი ორიგინალური შინაარსის ლოცვა: „ქრისტე მაცხოვარო, წარმართე სწავლა ამა-და-ამის საკეთილდღეოდ, რომ გაქებდეს და გადიდებდეს შენ და გემსახურებოდეს შენ. მიეცი მას შენი შიში და გაუხსენი მესხიერება, რომ წერა-კითხვა ისწავლოს და შემდეგ არ დაივიწყოს თავისი დამრიგებელი და ყოველ შაბათს ცხადდებოდეს მასთან ძღვენით—ამინ“.

რაში გამოიხატებოდა ეს ძღვენი და კმაყოფილდებოდა თუ არა ამით მასწავლებელი? ნ. ბერძენიშვილი აგრძელებს:

„გარდა ყოველკვირეული ძღვენისა, რომელიც შედგებოდა პურისა, ყველისა და მწვანისაგან, მოწაფის შეძლების მიხედვით, უკანასკნელი ცხადდებოდა მასწავლებელთან ახალ წელს და აღდგომას კიდევ უფრო განსაკუთრებული მისალოციით, რასაც ერთვოდა ორაბაზიანებით მორკობილი ვაშლი, ცხვარი და ღიპიანი დოქით ღვინო.

ასეთი მძიმე გარემოებით იყო განაპირობებული უბრალო ხალხის განათლება ჩვენ დრომდე, გარდა მეტად იშვიათი გამონაკლისისა“.**

* ავტორი სტდება. ბეჭდური ქართული ანბანი საქართველოში XVIII ს. დასაწყისიდან იხმარება. თუმცა მის პარალელურად ხელწერაილი ანბანიც ვრცელდებოდა—გ. თ.

** „Кавказ“, 1862, № 53.

როგორ და რა მეთოდით ასწავლიდნენ ეს მთავარ-დიაკონები— ამას სხვა ალაგას ვეხებით. მხოლოდ ეს კი უნდა აღვნიშნოთ, რომ ყველა ასეთი მასწავლებელი ცდილობდა ბავშვს ისე გაეტეხა თვალი კითხვაში, რომ ზემომოყვანილი ლოცვის უკანასკნელი წინადადება მაინც გარკვეულად წაეკითხა და არ დავიწყებოდა.

არსებითად ასეთივე იყო ქალთა საშინაო სკოლის მასწავლებელთა შრომის ანაზღაურებაც, მაგრამ არა ყოველთვის და ყველგან.

უფრო ხშირად კი საშინაო სკოლის „კურსდამთავრებულ“ ქალთათვის დაწესებული იყო საოსტატო ფული, რასაც მხოლოდ გათხოვებისას უხდიდა მისი საქმრო საცოლეს ოსტატს.

სოფრომ მგალობლიშვილის ხსენებული მოთხრობის („წარსულიდან“) ერთ პერსონაჟს, ეფროსინეს, „წესად დადგენილი ჰქონდა, რომ იმ ქალიშვილს, რომელსაც იმასთან ჰქონდა სწავლა გათავებული, უიმისოდ ვერ გაათხოვებდნენ; ჯერ იმისათვის უნდა ნიეტანათ საოსტატო და შემდეგ დალოცავდა და ჯვარს დასწერდნენ: გლებკაცობა. განსაკუთრებით შეძლებული გლებკაცობა ეტანებოდა ამისთანა ნასწავლ-ქალიშვილებსა, რომლებსაც ამასთან მზითევი უთუოდ ქარგა უნდა გაჰყოლოდათ. ქორწინების წლოვანებამდის სწავლობდნენ ეფროსინესთან გოგოები; სწავლაში არას აძლევდნენ. მხოლოდ ძღვენს მიართმევდნენ ხოლმე შობა-ახალწელიწადს და ნათლილება-აღდგომასა; ამას გარდა, რაც კი რამ გაუჩნდებოდათ სახლში შეგირდების მშობლებს: ახალი ლობიო, ახალი კიტრი, ვარიები, კარაქი, თაფლის პურები, არ მოაკლებდნენ ხოლმე ეფროსინესა. ეს იყო მაგისი სასყიდელი სწავლებისათვის“.*

XIX საუკუნის პირველი ნახევრის საქართველოს სახელმწიფო და სასულიერო მასწავლებელთა მასწავლებლობის უმრავლესობა ზოგადი და პედაგოგიური განათლებით არ შეეფარდებოდა თავის მაღალ დანიშნულებას. მისი ჩამორჩენილობა ხელს უწყობდა საქართველოს სკოლებში სწავლების დოგმატური მეთოდების და მკაცრი, პოლიციური, მოსწავლეთა ადამიანური ღირსების დამამკირებელი რეჟიმის ბატონობას მთელი ნახევარი საუკუნის განმავლობაში.

მოწინავე მასწავლებელთა ცალკეული ცდები აღზრდა-განათლების ახალი მეთოდების შემოღებისა და აღზრდის ახალი ფორმების

* „მოამბე“, 1899, № 8, 138.

გამოყენებისა ჰყვისე იკვეთებოდა სასწავლო-ადმინისტრაციული ორგანოების უხეში ჩარევით; მასწავლებელთაგან შოითხოვდნენ უსიტყვოდ ეხელმძღვანელათ და გაეტარებიათ პრაქტიკაში კავკასიის სასწავლო ოლქის ნზრუნველის და მისი ხელქვეითი ორგანოებისა და პირების ინსტრუქციები და განკარგულებანი სასწავლო რეჟიმისა და მეთოდების შესახებ. მოწინავე მასწავლებელთა ყოველი ინიციატივა და თაოსნობა სასწავლო-აღმზრდელობითი პროცესის რაციონალიზაციის და თავიანთი გამოცდილების განზოგადოების საქმეში ითვლებოდა ანტისახელმწიფოებრივი ხასიათის აქტად და იღვენებოდა ისე, როგორც ყოველი ახალი და გაბედული ნაბიჯი ნიკოლოზ პირველის სუსხიანი რეაქციისა და, საერთოდ, რევოლუციამდელ პერიოდში.

მასწავლებელთა უფლებრივ-მატერიალური და მორალური ზღვარეობა XIX ს. პირველ ნახევარში იყო ისევე შეზღუდული და სავალალო, როგორც შემდეგ, როდესაც ყველასათვის აშკარა გახდა მეფის „მთავრობის უაღრესად დაუდევარი, უაღრესად ურცხვი და უაღრესად საზიზღარი თვითნებობა მასწავლებლებთან დამოკიდებულებაში“ (ლენინი).

IV. ხალხური სწავლა-აღზრდის ძველი წესები

მეცხრამეტე საუკუნის პირველი ნახევრის მთელს მანძილზე კვლავ მიმართავდნენ ჩვენში ბავშვთა აღზრდის ძველ, ხალხურ წესებს, კვლავ ძალაში რჩებოდა ძველი ტრადიცია-ჩვეულებანი სწავლა-აღზრდის დარგში. ეს წესები და ტრადიცია-ჩვეულებები პირვანდელ სახეს აღარ ატარებდნენ. მხოლოდ შორეული და ახლო გადმონაშთების სახით ვხვდებით მათ აღნიშნულ პერიოდში და აქ იმდენად ვლაპარაკობთ მათზე, რამდენადაც ისინი ამ პერიოდის ხალხურ პედაგოგიკასაც ახასიათებდნენ როგორც ფიზიკური და ზნეობრივი აღზრდის, ისე წერა-კითხვის სწავლების მხრივ.

I. ფიზიკური აღზრდის წესები

ქართველი ბავშვის ფიზიკური აღზრდის დარგში მე-19 ს. პირველი ნახევრის მანძილზე ახალი არსებითად არაფერი გვხვდება. საერთოდ ცნობილია, რომ ფიზიკური აღზრდის ფორმები ძალიან კონსერვატულია. ძველი ეპოქის სპარტანული აღზრდა, არსებითად ვერ შესცვალა შუასაუკუნეების რაინდულმა აღზრდამ და ახალ საუკუნეებშიც კვლავ მოწოდების საქმედ რჩებოდა. ხოლო ძველი რომაელი ნწერლის, იუვენალის ლოზუნგი: „*Ut sit mens sana in corpore sano*“ (ჯანსაღი სული უნდა იყოს ჯანსაღ სხეულში),* ახლაც საბრძოლო მოწოდებაა ახალგაზრდობის ფიზიკური აღზრდის საქმეში.

ფიზიკური აღზრდა ყველასათვის და ყველგან დაკავშირებული იყო შრომის პროცესთან და სამხედრო მომზადებასთან; ძირითადი გარდატეხა შრომის პროცესში და სამხედრო მომზადებებში ტექნი-

* და არა უოცონ ლოკის მიერ შემოკლებული „*mens sana in corpore sano*“ (ჯანსაღი სული უნდა იყოს ჯანსაღ სხეულში), ან ახლანდელი: „ჯანსაღ სხეულში—ჯანსაღი სული“.

კაში მოახდინა კაპიტალისტური წარმოების წესის გამარჯვებამ და ღწორედ აქედან იწყება ფიზიკური აღზრდის ფორმების არსებითად გარდაქმნა ახალი საწარმოო იარაღების კეთება-გამოყენებისა და სამხედრო ტექნიკის მოთხოვნილებათა შესაბამისად.

მე-19 ს. პირველი ნახევრის საქართველოში ბავშვთა ფიზიკური აღზრდის ძირითადი გარდაქმნისათვის ჯერ კიდევ არ იყო შექმნილი ახალი ტექნიკური საფუძველი. ამიტომ იგი არსებითად ისევ ძველ ფორმებში ვითარდებოდა აღნიშნული პერიოდის მანძილზე.

გავიხსენოთ თუნდაც რამდენიმე რიტუალი, დაკავშირებული ბავშვის დაბადების მომენტთან:

მოსარჩენ ქალს ყოველგვარ შრომას არიდებდნენ, ცდილობდნენ კარგი მშობიარობა ჰქონოდა, საღი ბავშვი დაებადა. მთელი ოჯახი სიხარულით ელოდა ამ დღეს.

ბავშვის დაბადებას მამაკაცები, ცხადია, არ ესწრებოდნენ, არც ბავშვის მამა. ის გარეთ ან სხვა ოთახში იყო — მეუღლის მორჩენისა და შვილის შეძენის მოლოდინში. მან იცოდა, რომ მიახარებდნენ ბავშვის დაბადებას და სამახარობლოც მზად ჰქონდა.

ფშავ-ხევსურეთში, საინგილოში, თუშეთსა და მთიულეთში თემური წყობილების მახინჯი ნაშთი და ჩამორჩენილობა ჯერ კიდევ ასე ძლიერი იყო აღნიშნულ პერიოდში (მე-19 ს. პირველ ნახევარში), რომ მშობიარე ქალი უწმინდურად ითვლებოდა და სახლიდან დაცილებულ ბოსელში ან უბრალო ფანჩატურში — „მშობიარის ქოხში“ — უნდა მოელოვინებია სრულებით მარტოდ-მარტო. ის აქ, ბოსელში, რჩებოდა არა ნაკლებ ორი კვირისა, ყველასაგან მიტოვებული; მხოლოდ საქმელ-სასმელი მიჰქონდა მოხუც ქალს დღეში ერთხელ, მაგრამ ახლოს არც ის ეკარებოდა: ბოსლის ბანის სანათურიდან აწვდიდა და მცირევე შინ ბრუნდებოდა. საქართველოს სხვა კუთხეებში მაგავე მოვლენას ადგილი არ ჰქონია. პირიქით, იქ დიდ მზრუნველობას იჩენდნენ მელოვინე ქალისადმი: უწყობდნენ ლოვინა, იბარებდნენ ბებია-ქალა, უთბობდნენ წყალს და მოლოვინების შემდეგ არა ნაკლებ ორი კვირისა ლოვინიდან არ აყენებდნენ; უვლიდნენ, ყოველივე საოჯახო საქმეს მეზობლები და ნათესავები უკეთებდნენ.

როგორც მრავალ სხვა ქვეყანაში, ისე საქართველოშიც, ვაჟის დაბადება უფრო მეტ სიხარულს იწვევდა, ვიდრე ქალისა. ვაჟის დაბადებისას მისი ამყვანი ბებია იტყოდა: „იხარე ჰერო, მოკვდი

მტერო“, ხოლო ოჯახის მამა თოფს დასცლიდა, რომ სოფლისთვის ახალი მეომრის შემატება ეხარებინა და თან მავნე სულები დაეფრთხო, შემდეგ ღვინოს გადაავლებდნენ მას, რომ მაგარი ჯანისა გამზღარიყო; თუ გოგო დაიბადებოდა — მეორეზე ვაჟი შეგძენოდეთო, ანდა: ეს ერთი გოგო, დანარჩენი ვაჟებიო, იტყოდა ბებია-ქალი. ახალშობილს ყველას არ აჩვენებდნენ: თვალი არ ეცეს, არ დაინამსოსო, შემდეგ კი ბავშვის ხოჭვიზე და აკვანზე ჰკიდებდნენ. ან თავკევე ამოუღებდნენ ნახშირს, მძივს, ღორის ღინჯს, ჯორის ძუას, ჯვარს, ალვის ხის ტოტის ნაჭერს და სხვა ამულეტებს, თილისმებს, რომ ბავშვს ავი თვალი არა სცემოდა, ფათერაჟი ასცილებოდა. ახალშობილის მამა, ბავშვის დაბადების გამო, მიმლოცველებს უმართავდა ღვინოს, რომელსაც „ძეობა“ ეწოდებოდა.*

ბავშვის მომავალი სოციალური დანიშნულება განსაზღვრავდა მისი აღზრდის შინაარსს. ქართველი ხალხის აბსოლუტური უმრავლესობის, დაბალი და საშუალო ფენების ახალგაზრდობა ემზადებოდა გარკვეულ სამეურნეო ფუნქციის შესასრულებლად, და ეს, პირველ ყოვლისა, ჯანსაღი, მაგარი, ამტანი და მალხაზი თაობის აღზრდას მოითხოვდა. ამიტომ თავიდანვე აჩვენებდნენ ბავშვებს სიცივეს, ავდარს, ფენშიშველ სიარულს, სირბილს, ცხენოსნობას, ცურვას, იარაღის ხმარებას, ფარიკაობას, ნიშანში სროლას. ასე, ზრდიდნენ გასული საუკუნის 40-იან წლებში გლეხობაში გაბარებულ აკაკი წერეთელსაც სხვა ბავშვებთან ერთად:

„საზოგადოდ უნდა ვსთქვათ, რომ სპარტანულად გვზრდიდნენ. არ გვარიდებდნენ არც სიცივეს, არც დარს და არც ავდარს. დილილობით ცვრიან ველზე ფენშიშველას უნდა გვერბინა. პირველი თოვლი რომ მოვიდოდა, ფიფქზე რამდენჯერმე უნდა გაგვერბინ-გამოგვერბინა; დასოვლებული და სიცივისაგან დაქარხლებული ფეხები ცეცხლზე უნდა შეგვეწრო... ახალ გაზაფხულზე რომ წვიმა მოვიდოდა, ჩვენ სახლის ღარს თავს უშვერდით, რომ ოქროს ხუჭუჭი ამოგსვლოდა“ („ჩემი თავგადასავალი“).

ამგვარ ფიზიკურ აღზრდას, რასაკვირველია, წინასწარ მოფიქრებული სისტემის სახე არა ჰქონია, მაგრამ რაოდენ სტი-

* ს. მაკალათია, მთის რაქა, 52, 1930; ვ. ბარდაველიძე-ლომია. „ბავშვის დაბადებასთან დაკავშირებული რიტუალი მთიან ქართლში“, საქ. ზღუ. მოამბე, IV, 1928; გ. გ. თედორაძე, ხუთი წელი ფშავ-ხევსურეთში, 11, 37—38, 1937, ხ. ედილი, საინგილო, 109, 1947.

ქიურიც არ უნდა ყოფილიყო იგი, აღნიშნულ ელემენტებს მაინც ყველგან, საქართველოს ყველა კუთხეში, შეიცავდა.

ფიზიკური აღზრდის მხრივ ქართველ და მის მეზობელ მთის ხალხთა შორის ყოფილა ნაწილობრივი მსგავსება. ფრანგი მოგზაური ფრედერიკ დიუბუა დე მონპერე, რომელიც საქართველოში იყო 1833 წელს, თავის „მოგზაურობაში“ აღნიშნავს, რომ „აფხაზებს, ნაწილობრივ ქართველებსაც, ისეთივე აღზრდის სისტემა აქვთ, როგორც ჩერქეზებს, ხოლო ეს უკანასკნელნი კი ბავშვებს (ვაჟებს) წრთენიან ყოველგვარ ფიზიკურ ვარჯიშობებში, ცხენოსნობაში და აგრეთვე ასწავლიან სათანადო ხერხის გამოყენებას სახიფათო ლაშქრობისას“.* ასეთივე იყო, დაახლოებით, ვაჟთა ფიზიკური აღზრდა კავკასიის სხვა ხალხთა შორის.**

ქალთა ფიზიკური აღზრდის დარგში, გარემოსაღმი შეგუების თვალსაზრისით, აღსანიშნავია ზრუნვა ქალიშვილის ტანის კულტურაზე. ცდილობდნენ ქალი ყოფილიყო ლამაზი, სუფთა, ნაზი; ჰქონოდა მას მაღალი ტანი, ვიწრო წელი, ვიწრო პირი, ვიწრო ფეხისგული, მკვრივი კუნთები, გრძელი ნაწნავი, თეთრი და მწყობრი კბილები, პატარა ცხვირი და ყური. დიუბუა მონპერე დასახელებულ წიგნში ამბობს: „ჩერქეზთა ქალებს შეუძლიანთ თავისი სილამაზით შეედარონ ქართველ ქალებს და კაცმა არ იცის რომელ მათგანს დაუთმოს პირველობა“.* ** და ეს სილამაზე ქართველი და ჩერქეზი ქალებისა იყო არა მარტო ბუნების მოწყობი, არამედ გარკვეული სოციალური ზრუნვით შენაძენი თვსებაც. მაგრამ ქართველი ქალის გარეგნობაზე ზრუნვა სრულებით არ იყო დაკავშირებული მისი სხეულის გვემასთან, რასაც ადგილი ჰქონდა კავკასიის მუსლიმან და იმავე ჩერქეზ ხალხთა შორის. მაგალითად, შორა ბექმუზინი გადმოგვცემს, რომ ადიღეს (ჩერქეზთა—გ. თ.) „ქალიშვილებს შვიდი წლის ასაკიდან შეუკრავდნენ წელს ტარსიკონით (цапьян), რომ უფრო მოყვანილი გამო-

* * Fr. Dubois De Montpereux, Voyage autour du Caucase, I, 115, 1839

** Надежда, Природа и люди на Кавказе и за Кавказом, 141; Шора Бекмузим-Ногмои, История адыгейского народа КК на 1862 г., 85.

*** „Voyage...“, 121.

სულიყენენ... ხოლო როცა მათ გაათხოვებდნენ, ნეტე თავს საცო-
ლეს დანით გაუქრიდა ზონარს, რომლითაც გაკერილი იყო ეს
ტარსიკონი, მაგრამ ისე ფრთხილად, რომ არ გაეჭრა არც ხორცი
და არც ტარსიკონი. ხოლო თუ ის დააზ-^{აზიზი} ან ეროს, ან მეო-
რეს — ჩათვლებოდა დიდ სირცხვილად. ახალგაზრდა ქალი ამ
კორსეტის მოხსნისთანავე იწყებდა შეესებას ისეთი სისწრაფით,
რომ რამდენიმე დღეში მკერდი შესამჩნევად უსრულდებოდა...
წელის შეკვრა ვნებს ჯანმრთელობას, მისგან ბევრს ჰლექი ემარ-
თებოა“, — ასრულებს ბ ე ქ მ უ ზ ი ნ ი.* მართლაც ადვილად წარ-
მოსადგენია 7 წლის ასაკიდან გათხოვებამდე წელშეკრულ გოგონას
ფიზიკური მდგომარეობა, და ასე, ამ ველურ ჩვეულებას ეწირებო-
და ადამიანის ჯანმრთელობა მთელ რიგ მთიელ მუსლიმანთა ზო-
რის, მე-19 საუკუნის 60-იან წლებამდის.

2. ქალთა აღზრდის შინაარსი და ყოფიანების წესები

ქალთა ფიზიკური აღზრდის აღნიშნული წესები მათი აღზრ-
დის გარეგან მხარეს შეეხებოდა, ხოლო მათი მომავალი სოციალუ-
რი დანიშნულება, საოჯახო მეურნეობა, დიასახლისობა განსაზღვ-
რავდა მათი აღზრდის შინაარსს.

მომავალი საოჯახო მეურნეობის ამოცანებთან დაკავშირებით
საქართველოში, როგორც ყველგან, ნორჩი ასაკიდანვე ასწავლი-
დნენ გოგონებს ხელსაქმეს: ჭრა-კერვას, ქსოვას, ოქრომკედს,
სახეების ამოკერვას, საღებავების კეთებას, ჰილობის კეთებას,
ბოსტნის მოვლას, წამლების მომზადებას და სხვ.

ხელსაქმის სწავლა საქართველოში, რასაკვირველია, მარტო
ოჯახით არ ამოიწურებოდა. ხელსაქმეს ასწავლიდნენ საშინაო
სკოლებში, ინდივიდუალური სწავლების დროს და აგრეთვე ქალ-
თა ოფიციალურ სასწავლებლებში. ქალთა და ვაჟთა საშინაო
სკოლებში სწავლების წესები და მეთოდები არსებითად ერთნაირი
იყო, განსხვავება მხოლოდ სწავლების შინაარსსა და მოცულობას
ეხებოდა. იმ დროს, როცა ვაჟთა საშინაო სკოლებში, ან ინდივი-
დური წესით მათი სწავლების დროს მარტო წერა-კითხვის,
ლოცვებისა და ელემენტარული ანგარიშის („ციფრების“) სწავლით

* „История адыгейского народа“, КК № 1662 г., 35.

იფარგლებოდნენ, — ქალთა საშინაო სკოლებში ან ინდივიდუ-
 რი წესით მათი სწავლების დროს ამ „თეორიულ“ საგნებს გარ-
 და, როგორც აღვნიშნეთ, ასწავლიდნენ ხელსაქმეს, დიასახლისო-
 ბას, პირადი ტულეტის წესებს, ყოფაქცევის ნორმებს. რაც შე-
 ეხება ცოდნას — ქალებს უფრო მეტს ასწავლიდნენ. ისინი, ჯერ
 ერთი, ვაჟებზე მეტ ხანს რჩებოდნენ საშინაო სკოლებში თუ კერ-
 ძო ოსტატის ხელში და მეორეც — სწავლის დროს უფრო ნაკლე-
 ბად იყვნენ დატვირთული საოჯახო-სამეურნეო საქმეებით და მეტ
 დროს ანდომებდნენ სწავლის საქმეს. აქედან გასაგებია, რომ ხალ-
 ხური სწავლა-აღზრდის სისტემაში ქალები უფრო მეტ ცოდნას
 იძენდნენ, როგორც წესი, ვიდრე ვაჟები. მამია გურიელის
 (გურიის უკანასკნელი მთავრის, 1789 — 1826) ასულის ეკატერინეს
 აღზრდის შესახებ დარჩენილია ასეთი ცნობა:

„აღზრდა მისი იყო ამგვარი, ვითარსაცა მიიღებენ ანუ მიიღებდნენ ოდესმე
 საზოგადოდ ყოველნი ქალნი თავადთა და კეთილშობილთანი ყოველთა კაცკა-
 სიის აქეთ მღებარეთა საქრისტიანოთა თემა შა სარწმუნოება იყო ქვა ზღუდ-
 ვილი, რომელსა ზედაცა უნდა დაუქმნებულეყვნენ და განშლილეყვნენ ყო-
 ველნი ცნობანი და გრძნობანი კეთილშობილის ქალისანი; და ფდ ხშირად მოხ-
 დებოდა რომელ, მომამორებელნი მისნი რომელთამე კანონთაგან, სხვათა კანონ-
 თა განაძლოვებდნენ მას შორის კერპობის ხარისხადღე. რაჟამს ოდენ წარმოს-
 დგებოდა პირველ ონისძიება სწავლების დაწყებინებისა, მამინე მოაყოლებ-
 დნენ დაეითნს, ზღ* დაუჯდომელს, სამოციქულოს, სახარებას, დაბადებას და
 სხვათა საღმრთოთა წიგნებთა, რომელთაც ქალნი კეთილშობილნი სწავლობდნენ
 აქამოდღე, რომელ ხშირად გაუძნელდებოდათ ბასი მათთანა თვითმის ღტღელ-
 თაცა კარგად მეოდნეთა: ხოლო საეროსა აღზრდასა მათსა დააბოლოვებდნენ
 ხელთსაქმენი: გაწყობა: ლება მოკითხვის წიგნისა ნათესავთა და მოკეთილეთა
 მიმართ; მოთხრობითი აღწერა მამიას ანუ ნათესავისა ვისიჲე მოქმედებათა;
 კითხვაი საგმირთა პოემათა და სხვათა ამ გვართა თხულებათა, რომელნიცა
 აღაშალებდნენ გრძნობათა მათთა ყოვლითა კეთილობითა და წარმართაჲ
 შინაურთა საქმეთა სასიამოვნოდ მამის ანუ ქრმისათვის. ერთის სიტყვით,
 წიგნობრივი აღზრდა ქალთა მრავლით აღემატებოდა
 აღზრდასა კაცთასა,** რომელნიცა მიმოიქცეოდნენ უმეტესად საქმეთა
 შა სიმარდისა და მხნობისათა. აქა იგულ-ხმების რომელ, ფდ სხვა-და-სხვა
 გვარი იყვნენ ხარისხნი საღამდინაც მიაწეოდნენ ქალნი ამ გვარის აღზრდილო-
 ბითა: გარნა უჭველარს ესე, რომელ ყოველთა ხარისხთა ზა და მით უძლიე-
 რესად რაოდენ უმაღლეს იქმნებოდა ხარისხი ესე, შთაენერგებოდათ მათ გრძნო-
 ბი დაურღვეველისა ერთგულებისა მამა-პაპათა სარწმუნოებისადმი და განუსა-
 ზღვრებული ყოვლისა მის სიძლილი რაიცა ეწინააღმდეგებოდა ქრისტიანობასა.

* შედგომად — გ. თ.

** ხაზი ჩენია — გ. თ.

სხვა სარწმუნოების ქმრის შერთვაი, უმეტესადღა გამოცვლაი თვით სარწმუნოებისა, მიანდათ ამ გვარად აღზრდილთა ქალთა ესრედ ძლიერ უბედურებად, რომელ ვონება მათი ვერღა გამოიხატედა უდიდესსა. ძლიერსა გრძნობასა ამას გამოსწოდნენ იგინი მშობლისა ძუძუთაგან, შეითვისებდნენ პირველის მხსნეარების გახსნისთანავე და გულში შთაიბეჭდოდნენ პირველთათანავე შეშეცნებათა. უქველარს ესეცა რომელ ქალნი უდიდესთა გვართანი აღიზრდებოდნენ ამ კანონებით უმტკიცესად და ესრეთ იყო აღზრდილი ეკატერინე გურიელი ვა ქალო საქრისტიანოს თემის მფლობელისა“.*

მართალია, აქ აღწერილია მთავრის ასულის სწავლა-აღზრდის წესი, მაგრამ დამახასიათებელია იგი არა მარტო მსხვილი თავადაზნაურობისათვის, არამედ არსებითად საშუალო და დაბალი ფენებისათვისაც. ამ წესით მთავარი ყურადღება ექცევა ქალთა აღზრდას მტკიცე ქრისტიანული სარწმუნოებისა, დროის შესაფერისი წიგნურობისა და მაღალი კეთილშობილი ზნეობის საფუძველზე. ამ უკანასკნელ გარემოებას განსაკუთრებით აღნიშნავს მე-19 ს. 50—60-იანი წლების პუბლიცისტი და მწერალი ალ. ორბელიანი (1801—1869). ის წერს:

„მე ძველი დედა-კაცების ხელში ვარ დაბადებული, იმათ ხელში გაზრდილი და მინამ ორმოცდათხის წლისა შევსრულდებოდი, სულ იმათთან ვიყავი, თუ ოდესმე გარემოება არ განმამორებდა. მაშ, მგონია ამდონი დრო ჩემთვის საკმაოა, რომ მე ისინი ძალიან კარგად მეცნა, მით უმეტესად, რომ იმათ ყოფაცხოვრებას ვიკვლევდი და ვსწავლობდი, ამიტომ რომ დიდად მომწონდა. იმ ჩვენს დედა-კაცებს ჯერ ყმაწვილობაში საღმრთო წერილს ასწავლიდნენ, შემდეგ ქცევას, მიმოხერას, თავის უმანკოების სიწრფელის სიმართლითა, თან ცდილობდნენ ყოველი წმინდა და პატიოსანი ხასიათი ჩაეწვეათათ, თავის მოთმინებით, იმათ ბუნებაში; და ბოლოს, როდესაც დრო მოვიდოდა, გაათხოვებდნენ, — და ეს ხასიათები ქალს განძად და საუნჯედ გაჰყვებოდა თავის ქმრისა და იმის სახლის გასაბედნიერებლად. მე თამამად ვიტყვი, რომ ჩემი გული იმათთან ყოფნით ყოვლის კეთილის მადლით განათლებული იყო ხოლმე. რა არა ჰქონდათ იმათ კარგი თვისებანი. დარბაისლური, მართებული ლაპარაკი თუ ზრდილობიანი გახუმრებით მხიარულება. მე ჩემს დღეში არ მახსოვს, რომ იმათ ერთი ბეწვა წინააღმდეგობა და მაღალი სიტყვა ეთქვათ ერთმანეთისათვის რამა. ყოველთვის მშვიდობიანად და გონივრულად ლაპარაკობდნენ და მშვიდობიანად თავის აზრებს უმტკიცებდნენ ერთმანეთს, და ამასთან ყოველი იმათი ლაპარაკი კარგ საგნებზედ იყო: მიწის მოსავალზე, თუ ვენახებზედ, სახლის მეურნეობაზედ თუ საქვეყნოზედ და სხვანი, ასე, რომ იმათში თავის დღეში ჰქონი არ ითქმოდა, თორემ ტყუილი და სიცრუე როგორ შეიძლებოდა, ის მართებული გეგმები ქაღალდაც ითამაშებდნენ, ნარდაც და ჰადრაცაც, მაგრამ ყველას

* „გურიის ამბები“, 62—64

თავი დროზედ. კიდევ იგალობდნენ და სოფლურ სიმღერასაც იმღერებდნენ, ასე, რომ ზოგს თვალეში ცრემლები მოუვიდოდათ იმათ მშვენიერს გალობაზე და სიმღერაზედ“.*

ქართველი ქალების, შედარებით, თავისუფალი ურთიერთობა მამაკაცებთან შრომაში და ყოფაცხოვრებაში, უეჭველად მოქმედებდა ქალ-ვაჟთა ერთად აღზრდის საოჯახო ფორმებზე. მშობლების დამოკიდებულება შვილებთან ერთგვარი იყო, ერთნაირად ზრუნავდნენ მათზე, ერთნაირი ინტერესით ეკიდებოდნენ მათ მომზადებას მომავალი საზოგადოებრივი ფუნქციებისათვის.

ქალის, შედარებით, თავისუფალი მოქმედების უფლებას საქართველოში სათანადო გავლენას ახდენდა მათთან ახლო ურთიერთობაში მყოფ სხვა ერებზეც, მაგალითად, ჩერქეზ ხალხზე. ჩერქეზები მე-6 საუკუნიდან მე-17 საუკუნემდე ქრისტიანები იყვნენ და ეს უაღვილებდა მათ ყოფაცხოვრებითა ურთიერთობას ქართველებთან. მე-17 საუკუნიდან ისლამმა გამოდევნა იქედან ქრისტიანობა, მაგრამ ყოფაცხოვრების გარდაქმნა ისლამის საფუძველზე ბოლომდე ვერ შესძლო. ვერც ქალის დაბეჩავება, ვერც ჩადრში გახვევა და შინ ჩაკეტვა. „ახლაგაზრდა ქალიშვილები, — წერს დიუბუა ჩერქეზთა შესახებ, — თავის ატალიყებთან (აღმზრდელებთან—გ. თ.) ცხოვრების დროს სწავლობენ სირმის ქსოვას, ტანისამოსის კერვას, კალათების წვნას, ჩალის ჭილობის კეთებას და სხვა — ადვილ და სასიამოვნო საქალო საქმეებს. ისინი არ იმყოფებიან კარჩაკეტილ მდგომარეობაში აღმოსავლეთის ქალების მსგავსად, პირიქით, ყმაწვილებთან ერთად მონაწილეობას ღებულობენ ერთნაირ გასართობებში. მათ არ ემჩნევათ არც სიმზდალე, არც მორცხვობა; როცა მათ მშობლებს გარეშე პირი ესტუმრება, ისინი მას ემსახურებიან“.**

აქ უმთავრესად ლაპარაკია მე-19 ს. დასაწყისი პერიოდის ქალთა ზნეობრივი აღზრდის შესახებ, მაგრამ არა ნაკლებ იქცევა ყურადღებას ამავე პერიოდის ქალთა გონებრივი აღზრდაც. როგორც ძველად, ისე მე-19 ს. პირველ ნახევარში წერა-კითხვის მასობრივი გავრცელების მთავარ ძალას საქართველოში ქალი წარმოადგენდა. გავიხსენოთ არქანჯელო ლამბერტი, რომელიც 1633 წელს შემოვიდა ჩვენში და ოცი წელი დაჰყო. ის ამ-

* აღ. ორბელიანი, ნაწერი, 150—151.

** Voyage..., 121.

ბობდა: „ქართული წერა-კითხვა დღეს სულ მოსპობილი იქნებოდა აქ, რომ ქალებს არ შეეწინააღმდეგებოდათ იგი. ისე რომ, თუ ვისმე უნდა კითხვა შეისწავლოს უნდა რომელსამე ქალს მიეზაროს სასწავლებლად“.* ამასვე ამბობდა, თუ გავიხსენებთ, რუსეთის ელჩი, კაპიტანი ი ა ზ ი კ ვ ი, რომელიც მე-18 საუკ. 70-იან წლებში იმყოფებოდა ჩვენში; ** ასევე იყო შემდეგაც. მე-19 ს. პირველ ნახევარში, რუსეთის მეფის კოლონიური რეჟიმისა და ბატონყმობის ახალი, უფრო მკაცრი ფორმების დამყარებამ, შეზღუდა ჩვენში ქართველ ქალთა პირადი და საზოგადოებრივი ინიციატივა წერა-კითხვის გავრცელების საქმეში, მაგრამ მათ ისევ ჰქონდათ შენარჩუნებული ცხოველი სიყვარული ქართული წიგნებისა, მათ მზითევს ძველებურად ამკობდა ხელნაწერი თუ ბეჭდვური „ვეფხისტყაოსანი“; *** შესაძლებლობის მიხედვით ისინი კვლავ ეწეოდნენ მასწავლებლობას, არ ივიწყებდნენ დედაენისა და ცოდნის სიყვარულს.

3. ბაბარეზა-მამიძე

მე-19 ს. პირველ ნახევარში საკმაოდ გავრცელებული იყო ჩვენში აგრეთვე გ ა ბ ა რ ე ბ ა - ძ ი ძ ა ო ბ ა. ეს ჩვეულება ცხელთაგან მომდინარეობდა. პირველ წიგნში მოკლედ ვეხებით ჩვენ ამ ჩვეულებას, როგორც გლეხკაცობისა და თავადაზნაურობის სოციალური ურთიერთობის გარკვეულ ფორმას. აქ მხოლოდ იმის აღნიშვნა გვინდა, რომ ეს ჩვეულება აღნიშნულ პერიოდშიც არსებობს და ჩვენი მოწინავე ადამიანები დიდი მნიშვნელობის საზოგადოებრივ მოვლენად აღიარებენ მას.

* არქ. ლ ა მ ბ ე რ ტ ი, სამეგრელოს აღწერა, 174.

** А. Цагарел, и Сведения о груз. письм., I, гл. XXIII.

*** ა კ ა კ ი წ ი რ ს: „ის ქორწილი საქებრად არ ჩაითვლებოდა და ის მზითველი მზითვად არ იხსენიებოდა, თუ რომ მზითვის სიაში პირველად „ვეფხისტყაოსანი“ არ იქნებოდა მოხსენიებული... ერთ თავადს გაუთხოვებია ქალი, მზითველი გაუტანებია „ვეფხისტყაოსანი“, მაგრამ სიძეს უკანვე დაუბრუნებია მისთვის. ამ შემთხვევას ისე გაუკვირებია სიმაძრე, რომ საარაკოდ დაუწერია ქვანეთს ამბავი ამგვარად:

„ქალი მყვანდა ვდეუს ზრდილი, ოქრო ხეჭუჭ თმოსანი,

გვათხოვე, მითკად მივეც ჩემი „ვეფხისტყაოსანი“,

მაგრამ ისევ დაიბრუნა, თურმე იყო სვანოსანი“ და სხვ.

სვანოსანიო, ესე იგი უმეყარი, უსწავლელი, გაუგებარი სენივითო“ („სამი ლექცია „ვეფხისტყაოსანზე“).

აღ. ორბელიანი აღნიშნავს, რომ დიდკაცებისა და ვლუხების შვილებს „ერთად“, განუყრელად აღზრდა „ახლოვებდა მათ და კეთილ განწყობილებას ქმნიდა მათ შორის.“ მაგრამ ჩვენი ავტორი აპარებებს, როცა დაბალ და მაღალ წოდებათა შვილების ერთად აღზრდის ფაქტში „კარგი და კეთილი თანაწარობის“ ნიშანს ხედავს.*

გაბარება-ძიძაობას, როგორც საზოგადო მოვლენას და ჩვენს ისტორიულ ჩვეულებას, მეტად სასარგებლო საქმედ თვლიდა აგრეთვე აკაკი წერეთელიც. თავადაზნაურობის მიერ თავისი შვილების გაბარებას გლეხობაში გასაზრდელად, აკაკის აზრით, შემდეგი მიზეზი და საფუძველი ჰქონდა:

„ეს გაზრდილ-გამზრდელითა აკავშირებდა ერთმანეთთან სხედასხვა წოდებას, გარდა ნათელ-მირონობის: თითქმის სისხლხორცობა არ მიაჩნდათ ისე მტკიცე კავშირად, როგორც გამზრდელ-გაზრდილობა“ („ჩემი თავგადასავალი“).

აკაკის ამ მოსაზრებაში უეჭველად არის სათანადო სიმართლე. თუ იმის თქმა არ შეიძლება, რომ ძიძაობის გამო „ამ უკანასკნელ“ (მე-19—გ. თ.) საუკუნემდე ჩვენს ქვეყანაში უფრო კაცური და კეთილი განწყობილება იყო მაღალ და დაბალ წოდებას შუა, ვიდრე სხვა ქვეყნებში“ (იქვე), იმის უარყოფა მაინც არ შეიძლება, რომ ძიძაობისა და ბავშვთა გაბარების წესის გამო მაღალი წოდების ბავშვები ახლოს ეცნობოდნენ ცხოვრებას, ხალხს, გლეხთა შრომასა და ყოფის პირობებს, რაც მათ მომავალ მოქალაქეობრივ ფორმირებაზე უეჭველად დადებით გავლენას ახდენდა. თვითონ აკაკი წერეთელი გულწრფელად აღიარებდა:

„თუ კი რამ დარჩა ჩემში კარგი და კეთილი, უფრო იმის წყალობით, რომ მე სოფელში ვიყავი გაბარებულნი და გლეხების შვილებთან ერთად ვიზრდებოდი“ (იქვე).

აკაკი წერეთლის კარგი და კეთილი ბევრით იყო დამოკიდებული მის აღმზრდელ-ძიძაზე. ამ კეთილშობილი გლეხი-მანდილოსნის ხელში დაიწყო ზრდა „ყელზე ღინჭილა-შებმულმა, ხითხითა ბიჭმა“, მომავალმა დიდმა პოეტმა.

* აღ. ორბელიანი, ნაწერი, 234—235.

გაბარებას მე-19 ს. პირველ ნახევარში აღვილი ჰქონდა აგრეთვე აფხაზ, ჩერქეზ და სხვა ხალხშიც.

ფრ. დიუბუა დემონსტრაციულ წიგნში ეხება რა მე-19 ს. 30-იანი წლების ჩერქეზთა აღზრდის ზოგიერთ საკითხს, წერს:

„თავადებს ჩვეულებად აქვთ თავისი შვილები მცირე ასაკიდან თავის ვასალებს მიაბარონ. ვასალს მიჰყავს თავადის შვილი, წრთენის მას ყოველ ფიზიკურ ვარჯიშობებში, ცხენოსნობაში და აგრეთვე ასწავლის მას სათანადო ხერხის გამოყენებას სახიფათო ლაშქრობისას... ასეთივე აღზრდის სისტემა აქვთ აფხაზებს, ნაწილობრივ ქართველებსაც (ხაზი ჩვენი, გ. თ.). მშობლები არაფერს აძლევენ აღმზრდელს ანუ თურქულად „ატალიკს“, არც მის შრომაში და არც ბავშვის შენახვაში... ატალიკი ასწავლის ყმაწვილს აგრეთვე მკერამიკურების დიდ ხელოვნებას და მსჯელობას იმისათვის, რომ იგი შემდეგში ბრწყინავდეს ერთგვარად იმპროვიზებულ სემებზე, რომლებზეც ირჩევა ხალხის ინტერესებთან დაკავშირებული ყველა საქმე“.

„ატალიკი“ ხშირად ზრუნავს თავისი აღზრდილის დაქორწინებაზეც; როცა კი იპოვნის ყმაწვილი თავის შესაფერის ქალწულს, იტაცებს მას თავისი მეგობრების დახმარებით და შემდეგ მათთან ერთად ქალიშვილის მშობლებს უხდის ყალბს ანუ ქალიშვილის გამოსაყიდ თანხას. ეს ყალიბი განიანაზღვრება ურთიერთ შეთანხმებით და შესდგება თოფებისა, ხმლებისა, ხარებისა, ცხენებისა და სხვა ამგვარისაგან. მაგრამ თავისი აღზრდილის შეუფერებელი დაქორწინებისათვის ატალიკი თავისი სიცოცხლით აგებს პასუხს...

ჩვეულებრივად მამა ხვდება თავის შვილს მხოლოდ უკანასკნელის დაქორწინების შემდეგ, როდესაც ის თავის მამის სახლში ბრუნდება (ატალიკიდან, გ. თ.). მისი დაბრუნების აღსანიშნავად იმართება დიდი ზეიმი, რომელზეც ყველა ნათესავს იწვევენ. ზეიმის შემდეგ ატალიკი ბრუნდება შინ საჩუქრებით დატირთული. ამიერიდან იგი თავისი აღზრდილის ოჯახში სარგებლობს ნათესავის უფლებით და არც არაფერს შეუძლია მისი დარღვევა. უკეთუ ატალიკი გლეხია, მას აზნაურობას ანიჭებენ. აღზრდილს რჩება ურყევი სიყვარული თავისი ატალიკისა და ეს ადვილი გასაგებია, თუ მივიღებთ მხედველობაში იმ უცხოობის, რომელიც უნდა არსებობდეს მამასა და შვილს შორის, რადგანაც მათ ასე გვიან გაიციენს ერთმანეთი...“

ჩერქეზული გაბარების აქ გადმოცემულ წესს ძალიან შორეული მსგავსება აქვს გაბარების ქართულ წესთან. პირველ ყოვლისა, ქართველ გაბარებულ ბავშვს აღმზრდელის ოჯახში მხოლოდ სასკოლო ასაკამდე, ე. ი. 7—8 წლამდე სტოვებდნენ თავისი მშობლები. აქედან, აღმზრდელს არ შეეძლო ეზრუნა აღსაზრდელის

* Fr D. De Montpereux, Voyage autour du Caucase, I, 1:5—117, 1839.

გაწერთნისათვის ცხენოსნობაში და არც მის დაქორწინებაზე. არც იმის შემთხვევები ვიცი, რომ გლეხი აღმზრდელისათვის აზნაურის წოდება მიენიჭებოთ (ამის უფლება ქართველ თავადებს არა ჰქონიათ).

რაც შეეხება ბავშვებისათვის მკვერმეტყველების სწავლებას, ამას ადგილი ჰქონდა ფშავ-ხევსურეთშიც. მრავალი გადმოცემით და მოგზაურთა ცნობებით დასტურდება, რომ ხევსურეთში XIX ს. პირველ ნახევარში კვლავ არსებობენ „ზეპირი სკოლები“ ახალგაზრდობისათვის მკვერმეტყველების სასწავლებლად და „მელექსეობაში“ სავარჯიშოდ.

სხვაგვარია გაბარება - გაძიების ფორმა და წესები აფხაზეთში. ის არსებითად არ განსხვავდება ქართულ გაძიების ფორმასწავლებლსაგან. ნიკო ჯანაშია თავის ეთნოგრაფიულ წერილებში აფხაზთა შესახებ, აღნიშნავს:

„აქ ძალიან გავრცელებულია ბავშვების გაძიებება. კეთილშობილ ქალისათვის სიკვდილია, რომ მან შინ თავისი შვილი თავისი ძუძუთი გაზარდოს. რაც უნდა ღარიბი იყოს, მაინც უნდა ბალანა გააძიძაოს. შეძლებულ და გავლენიან კეთილშობილის შვილს აქ იტაცებენ ხოლმე გასაზრდელად. ძიძობას რაიმე მატერიალური სარგებლობისათვის არა ჰკისრულობენ აქაურნი მკვიდრნი, პირიქით, მამამძუძე წაგებაშია. აქ მხოლოდ იმიტომ ზრდიან სხვის შვილებს, რომ თავის ოჯახი დაუნათესაონ იმ ოჯახს, ვის შვილსაც ზრდიან; არამც თუ ოჯახი, მთელი გვარი ენათესევენათ. სასყიდლისათვის რაც უნდა ღარიბი იყოს აფხაზის ქალი, მაინც არ გაგზირდით ბალანას; ეს მოჯამაგირეობად მიაჩნიათ, და, საზოგადოდ, მოჯამაგირეობა აფხაზისათვის სამარცხვინოა. როცა ბალანა მოჰყავს ძიძას, მაშინ იციან ცოტა რამ საჩუქრები ძიძისათვის. ბალანა რომ წამოიზრდება, დიდის ამბით და საჩუქრებით მოჰყავთ მამისას. ამ ბალანას წაყვანას აქ ჰქვიან „ცალრა-გარა“. აი, მაშინ ვალდებულია ბალანას პატრონი დაასაჩუქროს მამამძუძე (აბაძძე) და დედამძუძე (ანაძძე) და აგრეთვე მათი მხლებელნი. მთელი გამზრდელობის გვარი ჰფიცულობს გაზრდილის სახელს; ეს მათი წმინდათა-წმინდაა.“*

* ნიკო ჯანაშია. აფხაზები. ზოგი რამ ჩვეულება ბავშვების დაბადების და აღზრდის დროს, „მოამბე, 1897, № II, გვ. 44.

იხ: აგრეთვე Н. Державин, Ахазия в этнографическом отношении, СМОМПК, XXXVII, გ-ნ. I, 26.

ამგვარად, აფხაზები, რომლებიც ისტორიულად იყვნენ დაკავშირებული ქართველ ხალხთან მტკიცე საზოგადოებრივ-პოლიტიკური და კულტურული ურთიერთობით, ახლო იყვნენ მათთან ყოფა-ცხოვრების მიხედვითაც. განსაკუთრებით აღსანიშნავია ამ ტრადიციის მორალური მნიშვნელობა (აღმზრდელისა და აღსაზრდელის ოჯახთა ფსიქოლოგიური დაახლოება), რომლის მიხედვითაც აფასებდნენ მას როგორც სხვაგან, ისე საქართველოშიც.

თავდაზნაურთა ბავშვების გაზარება გლეხობაში გასაზრდელად, როგორც გარკვეული სოციალური ურთიერთობის ფორმა ამ წოდებათა შორის, დაკავშირებული იყო ბატონ-ყმობის ინსტიტუტთან, და უკანასკნელის გადაეარდნასთან — პირველიც გაუქმდა.

4. დანიშნვის წესი

კიდევ ერთი შორეული გადმონაშთის— „ბ ა ვ შ ვ თ ა და წ ი ნ დ ვ ი ს“ წესის შესახებ. დაწინდვა ეწოდებოდა ჩვილი ბავშვობის, ანუ აკვნის პერიოდშივე ქალთა თუ ვაჟთა დანიშვნას სარძლოდ თუ ჭასიძოდ. როდესაც ორი ნაცნობი, მაგრამ არა ნათესავი ოჯახი ერთმანეთთან დაახლოება-დანათესავეებას ისურვებდა, ერთი მათგანი, თუ მას პატარა გოგონა ჰყავდა, დაანიშვნიებდა მეორე ოჯახის პატარა ბიჭის მშობელს სარძლოდ ან პირუკუ (მეორე ოჯახის პატარა ვაჟის მშობელი დაანიშვნიებდა მას პირველის პატარა გოგონას მშობლებს სასიძოდ). არა იშვიათად ბავშვების დანიშვნა ხდებოდა იმ დროს, როცა ისინი ჯერ კიდევ დაბადებული არ იყვნენ, ე. ი. თუ ერთ ოჯახს ქალი ეყოლებოდა, უნდა გაჰყოლოდა ცოლად მეორე ოჯახის ვაჟს, თუ ასეთი მიეცემოდა ამ მეორე ოჯახს, ანდა პირუკუ — მეორის ქალი პირველის ვაჟს. ეს შეთანხმება დარღვეულად ითვლებოდა მხოლოდ იმ შემთხვევაში, თუ ორივე ოჯახს ერთი და იმავე სქესის ბავშვები მიეცემოდა.

ძველად, მე-12 საუკუნემდე, როგორც უკვე გვაქვს აღნიშნული ამ ნაშრომის პირველ წიგნში, ჩვილ ბავშვთა „გვირგვინის კურთხევის“ წესიც არსებობდა ჩვენში, მაგრამ რუის-ურბნისის 1:03 წლის კრების „ძეგლის წერამ“ (მუხ. „ლ“) აკრძალა იგი, როგორც პრიმიტიული და საზიანო წესი და ნებადართულად დასტოვა მხოლოდ „დაწინდვა“ და ისიც „უკეთეს საჭიროდ რადმე იყოს“.

ბავშვთა „დაწინდვის“ წესი მე-19 ს. პირველი ნახევრის საქართველოში აღარ არსებობდა. დარჩენილი იყო მხოლოდ მისი გაღმონაშთი და ისიც მთის უბნებში: მთის რაჭაში, ქვემო სვანეთში, საინგილოში, მთიულეთში; დაბადებამდე ბავშვების დანიშვნა აღარც ამ რაიონებში არსებობდა, ხოლო აკვანში დანიშვნა კი წარმოებდა ძველებური წესის ცოტაოდენი ცვლილებით.

5. სწავლის წყაროები

ქართულ ხალხურ მეტყველებაში ხშირად გვხვდება ისეთი გამოთქმები ლექსად და პროზად, რომლებიც წერა-კითხვის არმცოდნე კაცს ნაღვლიან ბედს გვაძენობენ. ქართველი ადამიანი, პირველ ყოვლისა, ღრმად განცდის თავისი შვილის უსწავლელობას:

„უსწავლი შვილის დედასა
რა მოაშორებს სევდასა“.

არანაკლებად განიცდიდა იგი საკუთარ უწიგნურობასაც:

„მე ერთი საწყალი, უსწავლელი კაცი ვარ“;

„უსწავლელი კაცი ბრმა არის“;

„უწიგნო კაცს რა ჰქუა მოეთხოვება“;

„ეჰ, ასეთია უწიგნოს ბელი“,

და მრავალი სხვა, თავისი უსწავლელობის მომჩივანი, სევდიანი სიტყვები.

რამდენადაც ასე მწარედ გრძნობდა ადამიანი თავის უსწავლელობას, იმდენად ძლიერი იყო მისი მისწრაფება განათლებისაკენ. მართალია, უმეტეს შემთხვევაში ეს მისწრაფება განუხორციელებელი რჩებოდა, მაგრამ მუდამ კვებავდა მას იგი სწავლის ჩაუქრობელი სურვილით და აცოცხლებდა ამ სურვილს თაობიდან თაობამდე. მე-19 ს. პირველ ნახევარში კვლავ დიდი პატივისცემით ეპყრობოდნენ ჩვენში ზეპირი ანუ „უწიგნო“ სკოლების მასწავლებლებს, კვლავ დიდი პოპულარობით სარგებლობდნენ ხალხური სიტყვიერების მცოდნე პირები, ხოლო „ვეფხისტყაოსნის“ ზეპირად დასწავლაში ხომ ნამდვილი შეჯიბრი იმართებოდა. „მისი წყალობით წერა-კითხვა და მწიგნობრობის ხალისი თანდათან მტკიცდებოდა ხალხში“-ო, წერს აკაკი წერეთელი თავის

„თავდასავალში“, და მართლაც, ის წარმოადგენდა ყველაზე უძლიერეს კულტურულ სტიმულს ქართული წერა-კითხვისა და წიგნიერების გავრცელების საქმეში.

სკოლა, როგორც კოლექტიური სწავლა-განათლების დაწესებულება და გამოცდილი მასწავლებლის სამოღვაწეო ასპარეზი, განსაკუთრებულ ინტერესს იწვევდა სწავლის მსურველთა შორის. მე-19 ს. პირველ ნახევარში ხალხს უკვე კარგად ესმოდა სკოლის უპირატესობა ინდივიდუური, საოჯახო სწავლისა და სწავლების პრაქტიკასთან შედარებით, ამიტომ ბავშვის მიბარება სკოლაში სასახელო საქმედ მიაჩნდათ. სკოლაში მიბარებული შვილების დედ-მამას ამაყად ეჭირა თავი და ხალხიც დამსახურებულად უთვლიდა ამ სიამაყეს.

ბავშვის გაგზავნა სკოლაში დიდი მოვლენა იყო ქართველი ოჯახის ცხოვრებაში. ამისათვის ადრიდანვე ემზადებოდნენ: უკერავდნენ ბავშვს ახალ ტანსაცმელს და ჩანთას, იძენდნენ მისთვის საწავლო ნივთებს, ხოლო სკოლაში გაგზავნის დღე ხომ ერთგვარ დღესასწაულს წარმოადგენდა. სასკოლოდ „გამოწყობილ“ ყმაწვილს მთელი ოჯახი აცილებდა სახლის ეზოდან. მაგრამ სანამ მამა მისი ან ოჯახის უფროსი მას სკოლაში მისაბარებლად წაიყვანდა, — ბებია, დედა ან გამდელი მიიყვანდა მას მახლობელ მდინარესთან ან წყაროს წყალთან, ფეხსაცმელებს გაახდევინებდა, ხელში რაიმე წიგნს ან ნაბეჭდ (ნაწერ) ქაღალდს მისცემდა, ორივე ფეხით ჩააყენებდა წყალში და იტყოდა: „ასე წყალივით კითხვა ისწავლეო“ (ე. ი. შეუჩერებლად, რაკ-რაკით, თავისუფლად). ამ წესით დააწყებინეს სწავლა ეგნატე ნ ი ნ ო შ ვ ი ლ ს ა ც.

ხალხური განათლების წესებმა თავისი გამოხატულება ჰპოვეს აგრეთვე საშინაო სკოლების სასწავლო მუშაობაშიც. ჩვენ უკვე გარკვეული გვაქვს ამ სკოლების ორგანიზაციული მხარე და მათი დანიშნულების საკითხი, ვილაპარაკეთ მათ ოსტატ-მასწავლებელთა მომზადებისა და მუშაობის ფორმების შესახებაც. სურათის სისრულისათვის საჭირო იქნება აგრეთვე მოკლედ აღვნიშნოთ: როგორი იყო მეცადინეობის საერთო რეჟიმი და სწავლების ფორმა* საქართველოს საშინაო სკოლებში მე-19 ს. პირველი ნახევრის მანძილზე?

* სწავლების მეთოდების შესახებ იხ. მომდევნო, VI თავი.

სასწავლო მეშაობის ზუსტი, საერთო წესები არ შეიძლებოდა ყოფილყო საშინაო სკოლებში, მაგრამ ზოგად-ტოპური მოვლენები აქ გარკვეულად მოჩანს. მეცადინეობის ფორმას საშინაო სკოლაში შეიძლება მხოლოდ პირობით ვუწოდოთ გაკვეთილი; მას ზოგან ალოს უწოდებდნენ, ზოგან უამს, ზოგან კი განარკვეს, ან გასაკვეთს. დღეში ჰქონდათ ორი-სამი გაკვეთილი. ერთი გაკვეთილი მთავრდებოდა მაშინ, როცა ამ გაკვეთილზე წარმოებული მეცადინეობით დაიღლებოდნენ, ე. ი. თუ გაკვეთილზე კითხვა წარმოებდა (კითხვის გაკვეთილი), ეს გაკვეთილი ანუ ალო მთავრდებოდა მაშინ, როცა მოწაფეები კითხვით დაიღლებოდნენ. ასევე წერის და ანგარიშის გაკვეთილებზე. დაღლილობის ფაქტა აღნიშნავდა ოსტატი.

გაკვეთილზე ხშირად, განსაკუთრებით კითხვისა და ანგარიშის დროს, საშინელი ხმაურობა იდგა. კითხვის გაკვეთილზე ხმაურობას იწვევდა ის გარემოება, რომ ბავშვები სულ სხვადასხვა ტექსტს კითხულობდნენ (ერთნაირი საკითხავი მასალის უკმარობის გამო) და თანაც ხმამალლა. მგალითად, სოფრომ მგალობლი შვილის „ეფროსინეს სკოლაში“ კითხვის დროს ისმობდა: „ნახეს ერთი მოყმე ვინმე“ (შოთა), „ისმინე სწავლის მძებნელო“ (გურამიშვილი), „კუ და მორიელი დამძობილდნენ“ (საბა), „ჩემო შაქარზე უტკბილესო შვილო ეფროსინე“ (მოკითხვის წერილი) და ნაწყვეტები „დავითნიანიდან“. ასე, 15—20 მოწაფე და ამდენივე სხვადასხვანაირი ტექსტის ხმამალლა კითხვა!

„სწავლების დროს იდგა ერთი გნიასი — წერს სოფრომი — ყველა თავისთვის სწავლობდა, ხმამალლა ამბობდა ასოების სახელებსა: ანუ, ბანუ, განუ... ოსტატს, ასე უწოდებდნენ მასწავლებელს, ისე გამახვილებული ჰქონდა ყურთა სმენა, რომ ხმით ყველას იცნობდა, განსაკუთრებით ოსტატი ქალები; თვითონ გაკვეთილის დროს ქარგვას ჩაუჯდებოდა, თავსაკრავს ჰკერავდა ან ჩიხტიკოპს აკეთებდა, ან კიდევ ჰქსოვდა რასმესა, მაგრამ თუ შეეშლებოდა ვისმეს ამ არეულ-დაარეულ ხმაურობის დროს, თავაუღებლივ თავის საკუთარ სამუშაოდან, დაუძახებდა: კაკატო შეგეშალა, ბანის შემდეგ დონი კი არა, განია. ახლა სხვას გაუსწორებდა, ახლა სხვასა. შეგირდები ტახტზე ისხდნენ მოკეცილები. ნაბარათევის ნაფხრეწი მუხლზე ედოთ და საჩვენებელი თითით ასდევ-ჩასდევდნენ ასოებს. როცა კითხვა გათავდებოდა, ხელსაქმეს ასწავლიდა:

ჯერ წინდა-პაიჭის ქსოვას, შემდეგ ჩიხტი-კობის გამოჭრა-გამოწყობას, მერე ოქრომკედით ანუ აბრეშუმის ძაფის ქარგვასა, თავსაყრავების კერვასა, სხვადასხვა სახეების გამოყვანასა, შემდეგ ჭრა-კერვასა. ამით თავდებოდა სწავლება.* გაკვეთილების ანუ „სწავლის“ დასასრულს უფროსი მოწაფე ან მთელი გუნდი ერთად კითხულობდა „ლოცვას შემდგომად სწავლისა“: „გმადლობთ შენ, შემოქმედო, რამეთუ ღირს გვყავ ჩვენ მადლსა შენსა ყურადღებისათვის სწავლისა. აკურთხენ ჩვენნი მთავარნი, მშობელნი და მასწავლებელნი, მიმყვანელნი ჩვენდა ცნობად კეთილისა და მრგვეც ჩვენ ძალი და სიმხნე, რათა ახლად შევუდგეთ სწავლასა ამას. ამინ“.

საშინაო დავალებებს, როგორც წესი, არ აძლევდნენ. შინ დაბრუნებისას, ბავშუს ბევრი საოჯახო საქმე ელოდა, მაგრამ სწავლის დროც რომ ეშოვა. საკუთარი სასწავლო ნივთები, პირველ ყოვლისა კი წიგნები, არა ჰქონდა, რომ დამოუკიდებლად ემაცადინა. საშინაო დავალებათა პრაქტიკა შემოვიდა სახელმძღვანელო წიგნების გავრცელების შემდეგ სამოციანი წლებიდან და ისიც ოფიციალური სკოლების მიბაძვით.

ასევე, ოფიციალური სკოლების მიბაძვით, შემოდის საშინაო სკოლებში გამოცდებიც. გამოცდები იმართებოდა წელიწადში ერთხელ — ზაფხულის დამდეგს, მხოლოდ იმ მოწაფეთათვის, რომლებიც ამთავრებდნენ საშინაო სკოლას. ესწრებოდნენ მშობლები, სოფლის უფრო წარჩინებული თავადი ან აზნაური, მღვდელი, მამასახლისი. ბავშვები ამ დღეს ჩვეულებრივზე უკეთ ჩაცმულნი შოდრიდნენ სკოლაში. „სასკოლო“ შენობა და ეზოც ახლად დასუფთავებული ხვდებოდა სტუმრებს. საგამოცდო გამოკითხვას, როგორც წესი, აწარმოებდა მღვდელი, მისი არყოფნის შემთხვევაში — თვითონ ოსტატი. ბავშვები შიშსა გრძნობდნენ გამოცდების წინ და ყველა მათგანი კენჭებს ილაგებდა უბეში, რომ ვითომ გული ქვასავით მაგარი ჰქონოდა. ჰკითხავდნენ გავლილ მასალას. აკითხებდნენ, აწერინებდნენ, ჰკითხავდნენ ანგარიშს, ლოცვებს („სალეთო წერილს“). განსაკუთრებით სასიამოვნო შთაბეჭდილებას სტუმრებზე სტოვებდა მოწაფეთა მიერ ლექსების ზეპირად კითხვა საერთოდ, კერძოდ კი — „ვეფხისტყაოსნიდან“ და „გურამიანიდან“.

* ს. მგალობლიშვილი, მოგონებანი, 34, 1938.

დასასრულ, სტუმრები, მაღლობას უხდიდნენ ოსტატს და ეს უკანასკნელიც საკადრისი სადილით უმასპინძლებოდა მათ.

ამ გამოცდებს არავითარი სავალდებულო ხასიათი არა ჰქონია. ისინი უფრო მეტად ოსტატების ინიციატივით იმართებოდნენ, რომ „სახელი გაეთქვათ“, ხალხის ყურადღება დაემსახურებინათ და მოსწავლეთა მეტი რიცხვი მოეზიდნათ.

გამოცდების შემდეგ საშინაო სკოლების მოწაფეებს ითხოვდნენ ორი თვით საზაფხულო არდადეგებზე, რასაც ქართლში საორთვეოს უწოდებდნენ.

მოსწავლე ბავშვებს მზრუნველობით და გულისხმიერებით ეკიდებოდნენ ოჯახში. შეძლებისამებრ უწყობდნენ მათ ხელს სასკოლო მეცადინეობასა, მაგრამ სიღარიბე და ხელმოკლეობა მოსახლეობის უმრავლესობისა, განსაკუთრებით გლეხობისა, ძალიან ზღუდავდა ბავშვთა სწავლა-განათლების ბევრ კეთილ სურვილს და ამოცანას. ფეხშიშველი და ტანთჩაუტმელი ბავშვები ხშირად აცდენდნენ მეცადინეობას, სკოლაში ვერ დაიარებოდნენ მთელი ზამთრის განმავლობაში. ოდნავ შეძლებული ქართველი ოჯახი კი არაფერს იშურებდა შვილის სასწავლად. ალ. ორბელიანი გადმოგვცემს:

„(დედამ) თავის შვიდი წლის ვაჟი გააღვიძა (გვერდით ცალკე ქვეშაგებში უწვა), და უთხრა: „აღე შვილო, ილოცე, ჩაი დალიე და მერე შენს ოსტატთან წადი ჰასწავლებლად“. ფხიზელი, მორჩილი შვილი, ჩქარა წამოდგა, გამდელმა ჯერ პირი დააბანინა, მასუკან ტანისამოსი ჩააცვა და შემდეგ ალოცეს... დედამ ყმაწვილს პატარა მოთეთრო პურის ყუა წინ დაუდგა და ჭიჭით ჩაი წინ დაუდგა. ჩაი რომ გაათავეს, ყმაწვილის ლალას მოუწოდეს, და ყმაწვილის მამამ უთხრა:

„ეს შენი გაზრდილი ჩემს დედიდაშვილს, ამის ოსტატს ბერს იოსტ...თან მიიყვანე, ჩემს მაგიერ უთხარ, ამას რომ პირველი კანონი დავითნი გაუთავებია, დიდად ვმადლობთ იმასაც და იმის შეგირდსაც — ამას. ესეც მოახსენე ჩემს მაგიერ, დღეს სადილად ჩვენთან მობრძანდნენ ამ თავის შაგირდით“. ამასთან იმ ყმაწვილს რამდენიმე დარიგება მისცეს, ლოყაზედ კოცნით გაისტუმრეს და ყმაწვილიც სიამოვნებით წავიდა“.*

* ალ. ორბელიანი, „ჩვენი ძველი სახეულობანი“, იბ. მისი ნაწერ[ებ]ი, 142—143.

ეს ოჯახი, რასაკვირველია, გამონაკლისია. უმრავლესობის ბავშვებს კი არ გააჩნდათ არც გამღელი, არც ლალა, და საშინელი სიღატაკისა და ხშირად ობლობის პირობებში უხდებოდათ „წიგნის სწავლა“.

6. ზნეობრივი აღზრდა

საშინაო სკოლებსა, ოჯახებსა და ინდივიდუარი წესით სწავლების პრაქტიკაში სათანადო ყურადღება ექცეოდა აგრეთვე ბავშვთა ზნეობრივ აღზრდასაც. წერა-კითხვის, ლოცვებისა და ელემენტარული არითმეტიკის სწავლების დროს ბავშვებს აცნობდნენ ყოფა-ცხოვრების წესებს, ხალხური ზნეობის ნორმებს. ზრდილობა, სიმართლე, პატიოსნება, მორიდება, პირდაპირობა, თავდაბლობა, სხვაზე მზრუნველობა, უფროსების პატივისცემა, გამგონეობა, თავის დაჭერა სტუმრებთან და ხალხში, შეხვედრა, მისალმება და გამოსალმება, საუბრის წესი (მოსაუბრის მოსმენა და ზრდილობიანი პასუხი), დავალების დროულად შესრულება, დისციპლინა და ხალხური მორალის სხვა ნორმები ოსტატ-მოსწავლეთა საუბრის მუდმივ საგანს წარმოადგენდა. ამასთან ოსტატები ხშირად, მაგალითისათვის, მიუთითებდნენ მოწაფეებს მათთვის მახლობელ პირზე, რომელიც ცნობილი იყო თავის მაღალი ზნეობით და მისაბაძი თვისებებით.

დამსახურებული პედაგოგი გიორგი ნათაძე თავის მოგონებაში მისი დედის მართა ნათაძის საშინაო სკოლის მოსწავლეთა შესახებ, ამბობს: „როცა დაიღლებოდნენ კითხვით და წერით, ცოტას შეასვენებდა, მერე ატარებდა, სიარულს ასწავლიდა, რომ ტლანქად არ ებიჯებინათ და სიარულში სინაზე და სინარნარე ჰქონოდათ, მერე ასწავლიდა უფროსებთან სიტყვა-პასუხს, ზრდილობიან ლაპარაკს: მობრძანდი, დაბრძანდი, მიირთვი, ბრძანე, მადლობას მოგახსენებთ... სახლში წასვლის წინ აალაგებდნენ ყველაფერს, სახლს დაგვიდნენ, წყალს მოიტანდნენ; შინ წასვლისას: მშვიდობით ბრძანდებოდეს ოსტატ“.* ასე იყო სხვა საშინაო სკოლებშიც, მაგრამ ზნეობრივი აღზრდის საქმეში მთავარ ძალას მაინც ოჯახი წარმოადგენდა. მშობლების მაგალითი იყო პირველი გაკვეთილი შვილებისათვის. ქართული ოჯახი გამოირჩეოდა თავისი

* პედაგოგიკურ მეცნიერებათა ინსტიტუტის არქივი, ს. 103 (92), გვ. 53.

ზნეობრივი წესებით. ის იყო პირველი სკოლა ზნეობრივი აღზრდისა. მშობლების დამოკიდებულება შვილებისადმი ასწავლიდა უკანასკნელთ დამოკიდებულებას ხალხთან, უფროსებთან, ადამიანის ღირსებათა დაცვას, პიროვნების პატივისცემას. ვაჟა ფშაველა წერს:

„ხევსური თავის შვილს სიყრმიდანვე სითამამეს, სიამაყეს აჩვენეს; მამა თავის დღეში პატარა შვილს ხელს არ დააკარებს, არა სცემს; გაუბამს საუბარს, როგორც დიდ კაცს, მოისმენს იმისაგანაც პასუხს და მსჯელობას, როგორც დარბაისელი, გამოცდილი კაცისაგან. როდესაც ბაღი სახლში შედის, იქ, თუნდ ორმოცი დროული მოხუცებული კაციც იყოს, ყველანი მაშინვე ფეხზე აუდგებიან და მიესალმებიან: მოხვედი (სახელი) მშვიდობითა!“^{*} ასეთსავე მზრუნველობას იჩენდნენ მშობლები შვილებზე სვანეთში და მთიან საქართველს ზოგიერთ სხვა უბანში.^{**}

აღ. ო რ ბ ე ლ ი ა ნ ი ა გვიწერს თავის ზნეობრივ აღზრდას:

„ჩემ ყმაწვილობიდან ვიდრე სამხედრო სამსახურში შევიდოდი, ჩემი დედამა (მაგრამ ათის წლისას მე მამა აღარ მყვანდა) ასე უმანკოთ და წმინდათ მზრდიდნენ, რომ არც ყურით ცუდი რამ უნდა გამეგონა არც თვალით ცუდი მენახა რამე. თვითონ ხომ, რასაკვირველია, ასე მიფრთხილდებოდნენ, მაგრამ მოხუცებული გამდელიც მოჩენილი იყო ამისთვისა, ხნიანი კაცი ლალათ და ერთი კიდევ პატარა მოახლე, რომელიცა თუ წავიდოდი სადმე ანუ გამგზავნიდნენ, ის ხნიანი ჩემი ლალა გამომყვებოდა და ერთი კიდევ სხვა მოსამსახურე, რომლებიცა ყოველს ცუდსა მარიდებდნენ თვალით, ყურით. ასე მიფრთხილდებოდნენ და შინ უფრო გამდელ-მოახლე ყურს მიგდებდნენ, ეს არის ჩვენი ძველი გაზრდილობა ჩვენი საუკეთესო სახლისშვილებისა“.^{***}

ეს იყო ერთ-ერთი დამახასიათებელი ნიშანი თავადაზნაურთა შვილების ზნეობრივი აღზრდისა, მაგრამ, ამასთან, აღ. ორბელიანი გადმოგვცემს:

* ვაჟა-ფშაველა, ეთნოგრაფიული წერილები, 119, 1937.

** მთიან ადგილებში სახლის ბქესვე გადმობიჯებული ადამიანი მუდამ საფრთხეში იმყოფებოდა: მტერი ან მხეცი არ დასცემოდა, ან არსად გადაჩხილიყო, ამიტომ მის შინ დაბრუნებას ეგებებოდნენ სასიხარულო შეძახილით: მოხვედი (ან მოსულხარი) მშვიდობითა.

*** აღ. ო რ ბ ე ლ ი ა ნ ი, ჩემი შეცთომილება, საქ. მუხ. წ.-კ. ს. ფ., 1659.

„სიცელქეს და თამაშობას კი არ მიშლიდნენ ჩემს ტოლ-
ყმაწვილებთან და კრივეშიც წამიყვანდნენ ხოლმე უფრო ამისა-
თვის, რომ ვაჟკაცობის გული მიეცესო. ცხენითაც ხშირად მატა-
რებდნენ. იმავე ყმაწვილობითვე ასე კარგათ ვიჯექი ცხენზე და ასე
კარგათ ვხმარობდი, როგორც კარგი მხედარი. სროლასაც მასწავ-
ლიდნენ ნიშანზე და ძალიან კარგათაც ვესროდი. არამც თუ ჩვენი
საუკეთესო სახლის შვილები, ასე იზრდებოდნენ გლეხ-
კაცები ისაც, ასე, რომ მთელი საქართველო შემოეარათ ერთს
„შეგარცხინას“ ვერ გაიგონებდნენ, არამც თუ ლანძღვა ან გინება
გაეგონათ ერთმანეთში“. ასეთივე გაზვიადებით გვიხატავს ავტორი
ძველ ზრდილობასაც: უწინ სად გაიგონებოდა უშვერი სიტ-
ყვა საქართველოში, სადაც წმინდა სახარების ზნეობისა ქცევა იყო
ხოლმე უწინ ჩვენში და მიზღვენიდნენ სამღთო წერილისა და და-
რიგებას ყოველის თავის სიმართლითა“.*

ასე სწავლობდა ბავშვი ზრდილობასა და ყოფა-ცხოვრების
პოზიტიურ ნორმებს. მაგრამ ყველა ოჯახი ხომ არ იდგა ამ ნორ-
მების სიმაღლეზე. ის, რაც აკლდა ოჯახს, მოიპოვებოდა წიგნებში,
ზღაპრებში, იგავ-არაკებში, ზმებში და ანდაზებში. მთელი რიგი
ოჯახებისა მე-19 ს. პირველ ნახევარში წარმოადგენდა „ზეპირ
სკოლებს“, ფანათლებისა და ზნეობრივი აღზრდის უშრეტ წყა-
როს. ერთი ასეთი ოჯახი — სკოლა აღწერილი აქვს სოფრომ
მგალობლიშვილს:

„საღამოს ეამზე, როდესაც ჰრაკს ან ჰონის სანთელს აან-
თებდნენ, მთელი სახლობა შეიყრებოდა ხოლმე დარბაზში;
სახლის უფროსი ედიშერი, დიდი მოყვარული მწიგნობრობისა,
აკითხებდა ხოლმე თავის რძალს ეფროსინეს „ვეფხისტყაოსანს“
ან „დავითიანს“, თავის შვილს ისიდორეს კი უფრო „სიბრძნე-სი-
ცრუის“ არაკებსა და სამღთო წიგნებსა. ხშირად სოფლიდან მოგ-
როვდებოდნენ ხოლმე ქალებიც და კაცებიც და ყურს უგდებდნენ
კითხვასა...

— ჩემო რძალო, აბა ის მითხარი, „დავითიანში“ რომ არის
ქალი და ყრმა, როგორები უნდა იყვნენ?

* აღ. ო რ ბ ე ლ ი ა ნ ი, ჩემი შეცთომილება, საქ. მუხ. წ-კ. ს. ფ., 1659.

— „უნდა ქალმან და ყმაწვილმან დახუროს ბაგე კბილისა, ფეხი არ ახსნას საბლითა და ენა შებორკილისა; არ მისცეს ნება შეძკრისა წარბს, წამწამს, თვალის კილოსა, და არც ვინ თვით სხვა გაკილოს, არც სხვისგან გაიკილოსა“.

— ჰე; ჰეი! მე და ჩემმა ღმერთმა, ქალი სწორე მაგითანა უნდა, დალოცვილს რა ნაირ მოუწყვია და! იტყოდნენ ხოლმე გაოცებული გლეხები. ასე მიდიოდა დღე და ღამე ედიშერის სახლში დრო და იწვრთნებოდა მაშინდელი ახალგაზრდობა“ („წარსულიდან“).

სოფრომ მგალობლიშვილი, როგორც რეალისტი მწერალი, ტიპურ გარემოებას აგვიწერს. ასე იყო ბევრგან, საქართველოს მრავალ კუთხეში; ასეთ ოჯახებში იწვრთნებოდა ჩვენი ახალგაზრდობა გონებრივად, იზრდებოდა ზნეობრივად, და ასე ყოველთვის, განსაკუთრებით კი. სკოლების სიმციროს დროს.

ბავშვის მორალური იერის გამომუშავებაზე მოქმედებდა არა მარტო წიგნსა და ზღაპრებში გადმოცემული ამბები, არა მარტო იგავ-არაკებით, ზმებით და ანდაზებით გამოხატული ზნეობრივი პრინციპები, არამედ თვით აღმზრდელის პიროვნება. საშინაო სკოლის და ინდივიდუალური წესით მომეცადინე ოსტატი, როგორც წინა თავშიც გვქონდა აღნიშნული, თავისი „პროფესიული“ შემოსავლით არ იყო დაინტერესებული. ოსტატი უმეტეს შემთხვევაში თავის სამასწავლებლო მოღვაწეობას უთავსებდა სხვა რაიმე საოჯახო-სამეურნეო ან საკულტო (მღვდელ-დიაკვნები) საქმეს და თავის საარსებო წყაროდ ეს საქმე მიაჩნდა. მასწავლებლობას იგი, მცირედენ გამონაკლისს გარდა, საქველმოქმედო მოღვაწეობად სთვლიდა, „საქვეყნო“ ან „სულის საქმედ“ აღიარებდა; ერთი სიტყვით, მორალურ მოვალეობად მიიჩნევდა. ამიტომ ის განსაკუთრებული სიმახვილით განიცდიდა თავის მოღვაწეობაში როგორც წარმატებას, ისე მარცხს. დიდი იყო ოსტატის სიხარული მისი მოწაფის (შეგირდის) მიერ „სწავლის“ დასრულებისა და დამოუკიდებლად „საქმეზე“ გასვლის დროს. ნამოწაფარის ქორწილში ოსტატი ყველაზე მეტ პატივისცემაში იყო. მათ შორის მტკაცუნ, ნათესაური კავშირი იბმებოდა.

ჩვენ ერთხელ გვქონდა შემთხვევა აღგვენიშნა,* რომ ქართულ მხატვრულ ლიტერატურაში ხალხის წრიდან გამოსული აღმზრდელის განსაკუთრებული პასუხისმგებლობის მაგალითი მისი აღზრდილის მიმართ, გადმოცემულია აკაკის პოემა „გამზრდელში“. ეს პოემა ხალხური წარმომობისაა, მაგრამ რადგანაც მისი ხალხური ვარიანტი ჯერ ზუსტად არ არის დადგენილი, ვსარგებლობთ აკაკის ტექსტით: საფარ-ბეგმა თავის აფხაზ მეგობართან სტუმრობის დროს დაარღვია მეგობრობის წმინდა გრძნობა და მისი მეუღლის, ნაზიბროლას, სარეცელი შებღალა. აფხაზი არა ჰკლავს საფარს, როგორც თავის დედის რძით გაზრდილ მეგობარს, ხოლო ავალებს:

„წადი ნახე ის მოძღვარი, ვინც შვილივით გამოგზარდა,
და უამბე შენი პირით, რაც სირცხვილი დაგემართა“.

საფარ-ბეგი მიდის ყაბარდოში და, შეურაცხყოფილი აფხაზი ამხანაგის დავალებისამებრ, ყველაფერს უამბობს თავის აღმზრდელსა და მასწავლებელს ჰაჯი-უსუბს, რომელიც „ცნობილია მხოლოდ ჰკუით და გონებით“. ჰაჯი-უსუბი ამ ამბის საპასუხოდ ფეხზე აყენებს დამბაჩას. საფარი ფიქრობს, რომ მასწავლებელი ჰკლავს მას — უღირსს მოწაფეს, და მკერდს უშეერს ტყვიას.

„მაგრამ უსუბ ეუბნება: „შემ სიკვდილის რა ღირსი ხარ!
სასიკვდილო მე ვარ მხოლოდ, რომ კაცად ვერ გამიზრდინხარ!
წარმოსთქვა და საფეთქელში მიიქედა ცხელი ტყვია!...
ჩაიკეცა სულთმაბრძოლი, წამლის კვამლში გაეხვია“.

ისტორიამ თითქმის არც იცის აღმზრდელის დანიშნულების ასე მკვეთრად განცდის ფაქტი. აკაკის მარტივი სტილით გადმოცემულ ამ დიდ ადამიანურ ტრაგედიას მაღალი მორალის ბეჭედი აზის. ცივია ეს მორალი, მაგრამ მეტად მახვილი და ბასრი. ჰკუით და გონებით ცნობილი აღმზრდელი თავის საზოგადოებრივ შრომას შესცქერის, როგორც საკუთარ სიცოცხლეს. მან ნახა თავისი შრომის უქმი ნაყოფი და სიცოცხლეც გაიუქმა.

* აკაკი წერეთელი და სახალხო განათლება“, თბილ. უნ-ტის საიუბილეო კრებ. „აკაკი წერეთელი“, 150, 1940.

მეტად უღმობელია ეს განაჩენი საკუთარი თავის მიმართ, მაგრამ, სამაგიეროდ, ეს არის აღმზრდელის სიბრძნე, მისი პასუხისმგებლობის ღიდი მწვერვალი.

7. ფიზიკური დასჯის საკითხი

საქართველოს ხალხური სწავლა-აღზრდის პროცესში, ბავშვთა ზნეობრივი განვითარებისადმი მშობელთა და მასწავლებელთა (ოსტატთა) დამოკიდებულების მიმოხილვისას, თვალში გვეცემა ერთი, ქართული ხალხური (საოჯახო) განათლებისათვის მეტად დამახასიათებელი, გარემოება: ბავშვის უ ხ ე შ ი ფ ი ზ ი კ უ რ ი და ს ჯ ი ს, როგორც გამასწორებელი ღონისძიების, უ ა რ ყ ო ფ ა.

მე-19 ს. დასაწყისამდე ჩვენ არ მოგვეპოვება რაიმე ცნობა იმის შესახებ, რომ საქართველოს საშინაო სწავლა-აღზრდის დროს ადგილი ჰქონოდა მოწათის უხეშ ფიზიკურ დასჯას, როგორც მის გამასწორებელ ღონისძიებას. იეზუიტური და რუსული „დომოსტროის“ ფიზიკური დასჯის სისტემა ჩვენმა საოჯახო აღზრდამ ძველად, მე-19 ს. დამდეგამდე, არ იცოდა. ასევე როზგიც. საქართველოში ის შემოდის მე-19 ს. დასაწყისიდან, მაგრამ არაოფიციალურ, ე. ი. საშინაო და ეკლესია-მონასტრებთან არსებულ სკოლებში მაინც არ იყო მისი კაქანება.

ჩვენი საშინაო სწავლა-აღზრდის პროცესში ცელქობისა, გაუგონრობისა და უყურადღებობისათვის იცოდნენ „ხორცის მოჩმეტა“ და „თმის მოწევა“ გოგონებისათვის, „წკებლა“, დაჩოქება და „ყურის აწევა“ ვაჟებისათვის. ამას გარდა, ცელქობისათვის ზშირად გაიყვანდნენ ბავშვს და ძაფით ბალახზე მიიბამდნენ, რომ არ განძრეულიყო და ძაფი არ გაეწყვიტა ან ბალახი არ მოეგლიჯა, თორემ უფრო მკაცრი სასჯელი (წკებლა) ელოდა.

აქ შეიძლება გავიხსენოთ ერთი ანდაზა:

„შვილი გაზარდე მტრულადა
მოყერულად გამოგადგება“.

ჯერ ერთი—ეს ანდაზა სრულებით არ არის პოპულარული საქართველოში, და მეორეც—ის ტიპურ გაჩემობას არ გამოხატავს. სიტყვა „მტრულად“, ცხადია, არ უნდა გავიგოთ პირდაპირი მნიშვნელობით, მაგრამ რაგინდ რბილი, ნართაული აზრითაც არ უნ-

და გავიგოთ, იგი მაინც არ შეეფერება ქართული ოჯახისა და ქართველი მშობლის დამოკიდებულებას შვილებისა და საერთოდ ახალგაზრდობისადმი. მტრულად ან ცემა-ტყეპის შიშით აღზრდილი შვილისაგან მოყვრობას არავინ ელოდა ჩვენში, — ის კი ყველამ იცოდა, რომ ამგვარად აღზრდილი ბავშვები მხდალი, დონდლო და მონური სულის პატრონები გამოდიოდნენ.

V. სწავლების მეთოდები და უოკაბები

XIX საუკუნის პირველი ნახევრის პედაგოგიური კულტურის დაბალმა დონემ თავისი ყველაზე უფრო მკაფიო გამოხატულება პპოვა სწავლების მეთოდებსა და ფორმებში. ზოგადი დიდაქტიკისა და კერძო მეთოდოლოგიების სიღარიბე, პირველ ყოვლისა, ემჩნევა სწავლების ხერხებსა და სახელმძღვანელოებს.

I. კითხვის მეთოდოლოგია: ანბანის გახსნა, ანბანთქაზანი, დამაკრძალი, ამოსაღები

წიგნიერების დასაწყისს და გადამწყვეტ საფეხურს ძველად კითხვა წარმოადგენდა.

ქართული ანბანის შესწავლას საქართველოს სკოლებში დაკერძოდ (ხალხური სწავლების მეთოდებით) მომუშავე მასწავლებელთა პრაქტიკაში — კითხვით იწყებდნენ: ჯერ ანბანის ყველა ასოს ეცნობოდნენ რიგის მიხედვით და შემდეგ იწყებდნენ მათ წერას იმავე თანამიმდევრობით.

ასოების მოხაზულობას პირველად, ცხადია, აცნობდა მასწავლებელი. ის იწყებდა იმით, რომ აჩვენებდა ბავშვებს მუყაოზე ან ფიცრის ნაჭრებზე (ფირფიტებზე) გამოყვანილ ახალ ასოს ან დაუწერდა ამ ასოს დაფაზე და ეტყოდა მის სახელს. 2—3 მოწაფე გაიმეორებდა ცალ-ცალკე და შემდეგ ყველა ერთად ხმამაღლა შემდეგ მასწავლებელი ავალებდა მოწაფეებს მოეძებნათ ეს ახალდაცნობილი ასო მოზრდილ მუყაოზე ალფაბეტური წესით დაწერილ სრულ ანბანში, რომელიც ყოველი მათგანის წინ იდგა ან, უკიდურეს შემთხვევაში, კედელზე იყო გაკრული. მაგრამ მასწავლებელი ამით არ ამთავრებდა ახალი ასოს გაცნობას. ის, როცა შეამოწმებდა, რომ მოწაფეებმა ახალი ასო სწორად მიაგნეს ანბანში, წინადადებას აძლევდა ყველა მათგანს იგივე ასო და მისთანა ასოები ეძებნა მათთვის განკუთვნილ საკითხავ მასალაში ან სა-

ტელმძღვანელო წიგნების შემთხვევით გადაშლილ გვერდზე. საბოლოოდ, იმავე ასოს, მასწავლებელი მოაძებნიებდა ყველა მოწაფეს მათ წინ დაწყობილ მუყაოს ან ხის პატარა ფირფიტებზე დაწერილ მრავალ სხვადასხვა ასოში. ამით თავდებოდა ასოს გაცნობა და მასწავლებელი გადადიოდა შემდგომ ახალ ასოზე იმავე წესით, და ასე ბოლომდე, ე. ი. უკანასკნელ ასომდის.

ეს იყო ანბანის სახის, ანუ მოხაზულობის გაცნობა, მაგრამ მისი „დასწავლისათვის“ საჭირო იყო ასოების თანამიმდევრულად, ე. ი. „ჩათვლით“ ანუ „რიგზე“ დაზეპირება. მთელი ეს პროცესი მოწაფეთა მექანიკურ მეხსიერებაზე იყო დაფუძნებული. მასწავლებელი წარმოსთქვამდა ასოების სახელებს, მაგრამ არა იმ წმინდა, გამხოლოებული ბგერით, როგორითაც ის მთლიან სიტყვაში გამოითქმის, არამედ — სხვა ბგერის ან ბგერების თანხლებით, მაგალითად: ა-ს მაგივრად—ან (ი), ლ-ს მაგივრად—ლას (ი), პ-ს მაგივრად—პ არ (ი), ჰ-ს მაგივრად—ჰ ა ე და სხვ. მოწაფეებიც ამავე გამოთქმით იმეორებდნენ და სწავლობდნენ მთელ ანბანს. ან, ბან, გან, დონ, ენ, ვინ და ასე — ბოლომდის. დამახსოვრების თვალსაზრისით მასწავლებელი ჯგუფ-ჯგუფად აწოდებდა ბგერებს; თითოეულ ჯგუფში შედიოდა 4 ან 5 ბგერა. პირველი 4-5 ბგერა შეადგენდა პირველ დამახსოვრებელ ჯგუფს, მეორე 4 — 5 ბგერა — მეორე ჯგუფს და ასე შემდეგ. მოწაფეები ცალკე ჯგუფებს ადვილად იმახსოვრებდნენ, მაგრამ მათი შეერთება და მთელი ანბანის ალფაბეტური თანამიმდევრობით გაზეპირება უძნელდებოდათ.

1867 წელს „დროებაში“ მ. ბ ე თ ა ნ ი შ ვ ი ლ ი თავისი სიყმაწვილის ანუ 30-იანი წლების პერიოდში ქართული წერა-კითხვის სწავლების შესახებ ამბობს:

„ექვსი წლისა ვიყავი, როდესაც ჩემმა მშობლებმა მიმაბარეს ერთ მღვდელს. მე დილით წავიდოდი მღვდელთან და საღამოს შოვდიოდი ხოლმე სახლში. მღვდელმა პატარა ქალაქზე დაწერა „ა“-ნ „ბ“-ანი, გადააკრა პატარა ფიცარზედ, მამცა ხელში გადაკრული ფიცარზე ანბანი, მაჩვენა პირველი ასო „ა“ და მითხრა, რომ „დღეს საღამომდის მარტო ეს ასო გაიზეპირეო“. მეც მიხაროდა ადვილი დასასწავლი არის მეტქი და მთელს დღეს ერთ ასოს ეზეპირობდი. საღამოზე მღვდელმა მათქმევინა ზეპირად ასო „ა“, მეც იმწამსვე წამოვიძახე. გახარებულმა მღვდელმა გამიშვა სახლ-

ში და თანაც დაუმატა: „ამალამ ლოგინშიც რომ დაწვე, ნასწავლო ასო მაინც იზეპირეო, თორემ დაგავიწყდებაო“. და ასე შემდეგშიც: „ისევ ის ზეპირობა, თავის მტვრევა და სხვა არაფერი. განვლო თრმა თვემ და მე ჯერ ანბანი ვერ დავისწავლე“. ბეთანიშვილი დაასკვნის, რომ „უწინ საქართველოში ყველგან (ამ) ერთს მეთოდზე ასწავლიდნენ ანა-ბანას“.*

დიდხანს ავარჯიშებდნენ ბავშვებს ანბანის გაზეპირებაში; ბევრს საშუალებას მიმართავდნენ ამ მიზნით; ერთ-ერთ საშუალებას ისევ გალექსილ „ანბანთ-ქებანი“ წარმოადგენდნენ. მე-19 ს. პირველ ნახევარში კვლავ ვრცელდებოდა ჩვენში ბესიკის „ანბანთ-ქება: „ალალებს ბაგებს გულთ დასადაგებს“, გ უ რ ა მ ი შ ვ ი ლ ი ს დასხვა, ხშირად უავტორო, ანბანთ-ქებანი, რომელნიც შემდეგ, უკვე მეორე ნახევარში, აკაკის „ქართული ან-ბანი“-თ შეიცვალა. მაგრამ ეს გალექსილი „ანბანთ-ქებანი“, ჯერ ერთი, ყველა მასწავლებელმა არ იცოდა, მეორე, რაც მთავარია, თვით მოწაფეებმა ჯერ კითხვა არ იცოდნენ (მხოლოდ ასოებს იზეპირებდნენ), ხოლო მასწავლებლისაგან რამდენჯერმე წაკითხულ ლექსს ზეპირად ბოლომდე ვერა სწავლობდნენ, დასწავლილ ნაწილს კი ჩქარა ივიწყებდნენ. მეორე უფრო გავრცელებულ და უფრო ეფექტიან საშუალებას ანბანის გასაზეპირებლად წარმოადგენდნენ მუყაოზე ან პატარა („ტკაველიან“) ქალღვრისაგან ფიცრებზე რიგით დაწერილი ანუ როგორც ამბობდნენ, „გამოყვანილი“ მთელი ქართული ანბანები. მუყაოს ან ფიცრის თითო ასეთი ნაჭერი ყველა მოსწავლეს ეძლეოდა, რომ ყველგან, სკოლაში თუ შინ, ესწავლათ „მუეუპოვრად“ და „მიჯინებულად“. და ბოლოს ბავშვის ნაკლებად დატვირთულ მეხსიერებას მაინც შეჰყავდა მის ცნობიერებაში ქართული ანბანის თუ ყველა ასო არა—პირველი ნაწილი მაინც, და ამით მთელი ანბანის დასწავლას და მთავრებულად სთვლიდნენ. მაგრამ უმეტეს შემთხვევაში ეს იყო გულუბრყვილო ვარაუდი. რამდენადაც მოწაფეები ასო-ბგერებს სწავლობდნენ მხოლოდ მხედველობითი და სმენითი მეხსიერებით, მაგრამ მარცვალ-სიტყვის ანუ კითხვისა და მოტორული პროცესის ანუ წერის გარეშე, იმდენად ეს სწავლა მექანიკური წრთვნის შედეგი იყო. ამიტომ მათ ადვილად ეშლებოდათ ანბანის თანამიმდევ-

* „დროება“, 1867, № 27.

რობა, განსაკუთრებით შუალედის შემდეგ, ხოლო თავისი რიგიდან ამოვარდნილი ასო-ბგერის გრაფიკული სახე ავიწყლებოდათ.

ანბანის „დასწავლას“ მოსდევდა მარცვლების „დასწავლა“. არც ეს იყო ადვილი პროცესი. მისი არსი მდგომარეობდა იმაში, რომ ქართული ანბანის ყოველი თანხმოვანი სათითაოდ უნდა შეერთებოდა ყოველ ხმოვანს და ისე გამოთქმულიყო. მაგალითად: ასო „ბ“ ხუთივე ხმოვანს (ა, ი, ე, ო, უ-ს) და გამოითქმოდა ასე:

ბ-ან და ა-ნ	=	ბა	გ-ან და ა-ნ	=	გა
ბ-ან და ი-ნ		ბი	გ-ან და ი-ნ	„	გი
ბ-ან და ე-ნ	„	ბე	გ-ან და ე-ნ	„	გე
ბ-ან და ო-ნ	„	ბო	გ-ან და ო-ნ	„	გო
ბ-ან და უ-ნ	„	ბუ	გ-ან და უ-ნ	„	გუ

და ასე შემდეგ, დასრულებამდის. ყველა თანხმოვანისაგან ხმოვანთან შეერთებით სდგებოდა ხუთ-ხუთი მარცვალი და, მაშასადამე, ქართული ანბანის 29 თანხმოვანიდან (ძველი ორთოგრაფიით) სდგებოდა 145 მარცვალი, რომელიც ზეპირად უნდა დაესწავლათ მოწაფეებს. დასწავლა ხდებოდა ჯგუფ-ჯგუფად: ჯერ სწავლობდნენ ერთი თანხმოვნის 5 მარცვალს (ბა, ბე, ბი, ბო, ბუ), შემდეგ მეორისას (გა, გე, გი, გო, გუ) და ასე გრძელდებოდა ბოლომდის ბავშვთა გულისშემლონებელი და მომქანცველი პროცედურა, რომელსაც არ ავიტარი მეცნიერული და მეთოდური ღირებულება არა ჰქონია და მხოლოდ ძველი ტრადიციით აგრძელებდა თავის არსებობას XIX ს. პირველ ნახევარში (ამ პროცედურის წარმოშობისა და გამოყენების ცდების შესახებ ჩვენ გვაქვს ლაპარაკი სულხან-საბა ორბელიანისა და სხვების ანბანთა გარჩევისას, ჩვენი ნაშრომის პირველ წიგნში).

ანბანისა და მარცვალთა თანმიმდევრობის დაზეპირება-დასწავლა ძნელი იყო, მაგრამ ის გაცილებით ნაკლებ სიძნელეს წარმოადგენდა მოწაფეთათვის, ვიდრე კითხვის პროცესზე გადასვლა. ასო-ბგერებიდან სიტყვის შედგენა ანუ ე. წ. ამოსადები, პირდაპირ ტანჯვას წარმოადგენდა მათთვის. სიძნელე, პირველ ყოვლისა, იმაში მდგომარეობდა, რომ ანბანის ასო-ბგერები მარცვალ-სიტყვაში და ცალკე ერთნაირად არ გამოითქმოდნენ. მაგალითად, როგორც აღვნიშნეთ, ასო-ბგერა ა მარცვალში, ისე როგორც სიტყვა-წინადადებაში, გამოითქმოდა როგორც ა, ხოლო

ცალკე—როგორც ა-ნი, ასო-ბგერა ლ მარცვალში (სიტყვაში, წინადადებაში) გამოითქმოდნა როგორც ლ, ცალკე როგორც ლ-ასი და ასე ყველა სხვა ასო-ბგერა. ამგვარად, ანბანში ასო-ბგერის სახელწოდებისა და სიტყვაში მისი გამოთქმის სხვადასხვაობა უძნელებდა ბავშვს მიხვედრილიყო, რომ აქ ორივე შემთხვევაში ერთსა და იგივე ასო-ბგერასთან ჰქონდა საქმე. ძნელი იყო მისთვის მიხვედრილიყო, რომ მარცვალი ბა შედგებოდა ბან-ისა და ან-ისაგან, რადგანაც ამ ორი ასო-ბგერის შეერთება მისი ცნობიერებაში ქმნიდა ბანან-ს და არა ბა-ს. სიტყვა თოხი ასო-ბგერებისაგან ბავშვს უნდა ამოეკითხა ანუ ამოელო ჯერ მარცვლებად თო და ხი, შემდეგ კი ერთ მთლიან სიტყვად—თოხი, მაგრამ ეს მარცვლები და სიტყვა შემდეგნაირად დგებოდა: თ-ან და ო-ნ—თო, ხ-ან და ი-ნ—ხი, თო და ხი—თოხა; ასევე სიტყვა მუხა: მ-ან და უ-ნ—მუ, ხ-ან და ა-ნ—ხა, მუ და ხა—მუხა. სიტყვის გამოყვანა შეიძლებოდა დაუმარცვლავადაც, მაგალითად, მ-ან, უ-ნ, ხ-ან, ა-ნ—მუხა და სხვ. ამ პროცესს ეწოდებოდა ამოსალე ბ ი, ე. ი. ასო-ბგერებიდან მარცვალ-სიტყვის შედგენა ანუ ამოლება.

ამოსალეებზე გადადიოდნენ რამდენიმე ასოს გაცნობისთანავე, მაგრამ, როგორც წესი, მასზე გადადიოდნენ მთელი ანბანის შესწავლის შემდეგ. აკაკი წერეთელი „თავგადასავალში“ წერს „მოკლე ხანში ანბანი ცვისწავლე და ამოსალე ბ ი ც და ვ ი წ ყ ე ო“. ამავე საკითხზე აკაკი თავის „ანბანში“ გვაწვდის აგრეთვე ასეთ ცნობას:

„ხვალ ამოსალეებს დაიწყებ,
 რადგან გემატა დღეს ჯანი
 მთლად „ანა-ბანის“ დასწავლით,
 მაგრამ ჯერ დაგერჩა ეს „ჯ-ანი“.

ჯ-ანით თითქმის მთავრდებოდა ქართული ანბანი და, ამგვარად, აკაკის ამ ლექსითაც ვრწმუნდებით, რომ ამოსალეებს, მცირე გამოწაკლისის გარდა, იწყებდნენ ყველა ასოს შესწავლადამახსოვრების შემდეგ.

დამსახურებული პედაგოგი ლადო ბ ზ ვ ა ნ ე ლ ი, რომელსაც ამოსალეებით უსწავლია ქართული კითხვა, ამბობს:

„ძირითადი ნაკლი ამ მეთოდისა (ლაპარაკია ამოსალეებზე, გ. თ.) იყო ის, რომ ბავშვი, თუმცა რიგზე გაიზეპირებდა მთელ ან-

ბანს ჩათვლით, მაგრამ ცალცალკე დანაწილებით გამოკითხვის დროს, ასობს ველარ სცნობდა, ამიტომ რიგზე გაზეპირების შემდეგ კიდევ დიდხანს უნდა ევარჯიშებინათ ბავშვები გამოყოფილი ასობის სახელების შესასწავლად. ანბანის კარგად ცოდნა მას არ უადვილებდა მარცვლების შეერთებას, დასწავლა-ამოკითხვას. არ ექცეოდა ყურადღება იმ გარემოებას, რომ ერთი ასოს გამოსახულება უფრო მარტივი იყო, მეორისა კი უფრო რთული და ძნელი დასამახსოვრებელი; თვით პროცესი ხმების შეერთებისა მოსწავლეთათვის გაუგებარი იყო. მოსწავლეებს არ ესმოდათ თანი და ინი როგორ გახდა „თი“, სანი და ონი — „სო“ და „სწე“.

ეს მეთოდი დიდ ტანჯვა-წვალებას განაცდევინებდა ბავშვებს. ბევრი ცრემლი უღვრიათ მათ ამ წესის საშუალებით კითხვის დასწავლის დროს. ხშირად მასწავლებელი, მოთმინებიდან გამოსული, ლანძღვა-გინებით და ცემა-ტყეპით უმასპინძლებოდა მოსწავლეს. მე თვითონ მინახავს წერა-კითხვის სკოლებში ძველად ბავშვის წიგნის ის გვერდი, რომელზედაც ანბანი იყო დასტამბული, სისხლის წვეთებით იყო დასერილი იმიტომ, რომ გაჯავრებულ მასწავლებელს, რომელსაც ვერ გაურკვევია ამოსაღები მაგიდასთან მჯდომარე ბავშვისათვის, ჩაუკრავს მისთვის თავში, ამ უკანასკნელს კი ცხვირი დაუკრავს მაგიდაზე და სისხლი წაეარდნია. აი, ეს არის ნივთიერი დამამტკიცებელი საბუთი იმისა, თუ ამ მეთოდით, როგორ უჭირდათ ბავშვებს ხმის ამოღება და ამოსაღება-ამოკითხვის შეთვისება.*

ამოსაღებს მიმართავდნენ 70-იან წლებამდის როგორც საშინაო, ისე მთელ რიგ ოფიციალურ სკოლებშიც.

ამოსაღებისა და მისი სიძნელების მომსწრე ხალხი სულ უკანასკნელ დრომდე კიდევ გვხვდებოდნენ საქართველოს სხვადასხვა კუთხეში. მაგალითად, პროფ. ი. ცინცაძე გადმოგვცემს:

„1926 წელს გურიაში ჩემი პაპის უმცროსმა ძმამ ნიკოლოზ ცინცაძემ ჩემთან საუბარში მოიგონა „უდაბნოში“** სწავლის სიძნელე საერთოდ და გაკვირვება გამოთქვა, თუ როგორ უძლებენ ახლანდელი ახალგაზრდები 10—15 წლის განმავლობაში დაუსრუ-

* ხელნაწერი; ინახება ჩვენთან, გ. თ.

** „უდაბნო“, მონასტერი გურიაში, ამჟამად ჩუხატაურის რაიონში, რომელთანაც არსებობდა დაწყებითი სასწავლებელი, გ. თ.

ლებლავე სწავლასო, და ისიც სხვადასხვა საგნებისო. ჩემს შეკითხვაზე თუ მათ რა უძნელდებოდათ „უღაბნოში“ მეცადინეობის დროს, მიპასუხა: „ყველაზე ძნელი ანბანის სწავლის დროს „ამოლება“ იყო. მე ვთხოვე განემარტა რას ნიშნავდა „ამოლება“, რადგანაც ასეთი ტერმინი მე პირველად გავიგონე. ჩემმა მოსაუბრემ ასე განმხიბარტა: ანბანს ხომ ჯერ ზეპირად ვსწავლობდით, ან, ბან, თან, ინ, ვინ, მაგრამ როდესაც სიტყვა დაიწერებოდა, მაგალითად, „კაცი“ ჩვენ ასე წავიკითხავდით: კან, ან, ცან, ინ, ამის შემდეგ უნდა ამოგველო ძირითადი და სიტყვა (კაცი) გამოგვეყვანათ, ამას ეწოდებოდა ამოლება“-ო.*



დიდი დრო სჭირდებოდა ამოსაღებში დახელოვნებას. ხშირად ერთი წელიც კი, და მთელი ამ დროის განმავლობაში ბავშვებს ვერავითარი აზრი ვერ გამოჰქონდათ კითხვიდან. იმეორებდნენ ტექსტებს, იმეორებდნენ დაუსრულებლად, ზეპირადაც სწავლობდნენ, მაგრამ რას? — არ იცოდნენ. არცოდნის მიზეზად სთვლიდნენ კითხვაში ნაკლებ ვარჯიშს და კვლავ განმეორებას ავალებდნენ მოწაფეებს. საკითხავი მასალის მიცემის დროს თვითონ მასწავლებლები უნიშნავდნენ მოწაფეებს რამდენჯერ უნდა წაეკითხათ მათ ეს მასალა. და რომ ბავშვებს კითხვის პროცესში არ დაეიწყებოდათ ან არ შეშლოდათ განმეორების სათვალავო—იყენებდნენ მისი აღრიცხვისათვის სხვადასხვა საშუალებას. დავასახელებთ სამს: სკენილი, ჩხირები, წერტილები.

ს კ ვ ნ ი ლ ი — წარმოადგენდა მსხვილ ძაფს, რომელსაც ჰქონდა სიგრძე არა უმეტეს ერთი მეტრისა. ეს ძაფი (წვრილი ბაწარი, იმერეთში — თოკი) გასკენილი იყო რამდენიმე ალაგას, მაგრამ არა უმცირეს ათისა. ძაფი ბავშვს ეჭირა ხელში მურგვად დახვეული და რამდენჯერაც წაეკითხავდა დანიშნულ ტექსტს, იმდენჯერ მურგვიდან გამოჰყოფდა თითო ნასკვს და ჩაუშვებდა ძირს. როცა ამ, ძირსჩაშვებულს, ე. ი. მურგვიდან გამოყოფილი ნასკვების რიცხვი მიაღწევდა განმეორების რიცხვს—მოწაფე კითხვას შეწყვეტდა. ასე იქცეოდა ყველა, მიუხედავად ასაკისა, მეზაიერების მდგომარეობისა, ტექსტის სიძნელე-სიადვილისა.

* ხელნაწერი; იხაზება ჩვენთან, გ. თ.

აკაკი წერეთელი „ბაში-აჩუკში“ გვაწვდის გარკვეულ ცნობას სკენილის შესახებ. „ზაალის მეუღლეს მუხლებზე გადაეშალა დავითნი და „ჭირის კანონს“ კითხულობდა, სკენილი ეჭირა ხელში და რამდენჯერაც კი გაათავებდა იმ ერთსადამიამვე ფსალმუნს, დაიწერდა პირჯვარს, ჩააგდებდა სკენილს და მიუბრუნდებოდა ისევ თავიდან... უნდა ორმოცჯერ წაეკითხა“. იქვე, მოთხრობის დასაწყისში (სქოლიოში) აკაკი გვაძლევს სკენილის განმარტებას: „ძველად, კითხვის დროს. მოწაფეებს ეჭირათ ხელში წვრილი ბაწარი ანუ მსხვილი ძაფი, ათგან გამოსკენილი. რამდენჯერაც წაიკითხავდნენ, იმდენ ნასკვს ჩააგდებდნენ კრიალოსანივით. ათს რომ გაათავებდნენ, თუ კიდევ საჭირო იქნებოდა, თავიდან დაიწყებდნენ, აი, ამ ძაფს ანუ ბაწარს ერქვა სკენილი“.

ჩხირები ანუ ჯოხები, კითხვის აღრიცხვის მეტად მარტივ ხერხს წარმოადგენდა. თითოეულ მოწაფეს წინასწარ, კითხვის ე. ი. ამოსაღების დაწყებამდე ჰქონდა იგი დამზადებული—50 ცალამდე. კითხვის დაწყების დროს ჩხირების მთელი კონა ედო ან მარცხნივ, ან მარჯვნივ. ყოველი წაკითხვისთანავე ამოიღებდა კონიდან ერთ ჩხირს და მოწინააღმდეგე მხარეს გადადებდა. როცა ტექსტს ზეპირად იტყოდა, დათვლიდა ამ მხარეზე გადმოწყობილ ჩხირებს იმის გამოსარკვევად, თუ რამდენჯერ დასჭირდა ტექსტის წაკითხვა მისი ზეპირად დასწავლისათვის. გამოირკვეოდა, ვთქვათ —30-ჯერ წაკითხვის შემდეგ ტექსტი ზეპირად იცოდა, ამ მოსწავლეს ეწოდებოდა ოცდაათჯოხიანი. თვით მოსწავლე, მისი ამხანაგები და მასწავლებელიც დარწმუნებული იყვნენ, რომ ესა და ეს მოსწავლე ყოველ საჭირო ტექსტს ოცდაათჯერ წაკითხვის შემდეგ ზეპირად იტყოდა. ზემოხსენებული ნიკოლოზ ცინცაძე 17 ჯოხიანი ყოფილა, მაგრამ იგი აღტაცებით იგონებდა მის სიჯრმის ამხანაგს მგალობლიშვილს, რომელიც თურმე „ცხრაჯოხიანი“ იყო. ისე კი მის ამხანაგთა უმრავლესობა ოცდაათიდან ოცდათხუთმეტ ჯოხიანებამდე ყოფილან, მაგრამ მათში ორი 47 ჯოხიანი და ერთი 57 ჯოხიანიც ერია. „ასეთებსო,—ამბობდა ნიკოლოზი, —გამოტვიჩებულთა სახელი ჰქონდათ შერქმული. მაგრამ, თუ შაინც აჩერებდა მათ მასწავლებელი „უდაბონში“, ერთი იმიტომ, რომ სურსათი მოჰქონდათ „უდაბონში“ ყველაზე მეტი და, რაც შთავარია, ყველაზე უკეთესი ხმა ჰქონდათ და გალობაში ყველას გვეჯობნიდნო“.

წერტილები, როგორც კითხვის აღრიცხვის ხერხი, ძველის-ძველია. ჯერ კიდევ მე-12 ს.-ში, საქართველოს დიდი მეფე დავით აღმაშენებელი ხმარობდა წერტილებს ამა თუ იმ ტექსტის წაკითხვის რაოდენობის აღსანიშნავად.

წერტილი დაისმებოდა წასაკითხი ტექსტის ბოლოში, ამ ტექსტის ყოველი წაკითხვის შემდეგ. ამგვარად, წერტილთა რაოდენობა მაჩვენებელი იყო იმისა, თუ რამდენჯერ იქნა ტექსტი წაკითხული. წერტილები აღნიშნული მიზნით იხმარებოდა უმთავრესად საკუთარ წიგნებში (ხელნაწერში თუ ბეჭდურში) და რამდენადაც ეს ხერხი გარკვეულ ზიანს აყენებდა წიგნს და საერთოდ ყოველ საკითხავ მასალას — იმდენად მას ფართო გავრცელება არა ჰქონია. ხანგრძლივი ისტორია აქვს ამ ხერხს, მაგრამ ცალკე პირთა პრაქტიკას იგი არ სცილდებოდა. სკოლებში, სადაც ერთი წიგნი ხშირად რამდენიმე ათეულ ბავშვს ემსახურებოდა, აგრეთვე წიგნსაცავ-ბიბლიოთეკებში, აღნიშნული ხერხის გამოყენება არ შეიძლებოდა.

კითხვის აღრიცხვის ხსენებული ხერხები (სკვნილი, *ჩხირები, წერტილები) უმთავრესად საზეპირო ტექსტების წაკითხვის რაოდენობის აღსანიშნავად იხმარებოდა და, ცხადია, ამოსაღების დაძლევის ანუ კითხვის დაწყების შემდეგ; მაგრამ ამოსაღების „დასწავლის“ დროსაც მიმართავდნენ მას, რადგანაც ამოსაღებს ზეპირად სწავლობდნენ, თუმცა, როგორც აღნიშნეთ, მისი აზრი მოწაფეებს კარგა ხანს სრულებით არ ესმოდათ.

2. წერილის მეთოდი

წიგნიერების მეორე საფეხურს წერა წარმოადგენდა. ამიტომ ეს საფეხური იწყებოდა კითხვაში გავარჯიშების შემდეგ. თუმცა ხშირი იყო შემთხვევა, როცა წიგნიერება კითხვის ტექნიკის შემუშავებით რაოდენობით ხდებოდა. ზოგჯერ კითხვაში კარგად დახელოვნებულმა პირებმა წერა არ იცოდნენ. მე-19 ს. პირველი ნახევრისა და 20-იანი წლების საქართველოში მღვდელ-დიაკონებიც კი იყვნენ ისეთები, რომლებმაც ხუცურის და მხედრულის კითხვა ძალიან კარგად იცოდნენ, მაგრამ წერა-კი არც ერთისა არ შეეძლოთ, ხელის მოწერაც კი. მაგრამ ასეთი შემთხვევები (კითხვის ცოდნა წერის გარეშე) მაინც გამონაკლისს წარმოადგენდა. ხოლო, რო-

გორც წესი, წერის პროცესზე გადადიოდნენ ამოსაღების დაძლევისა შემდეგ, ე. ი. კითხვის დაწყებისთანავე.*

წერას იწყებდნენ ყოველგვარი წინასწარი ვარჯიშის გარეშე.. მასწავლებელი ჯერ დაასახელებდა ასოს, შემდეგ კი დასწერდა მას ხის უბრალო, შეუღებავ, დაფაზე და თუ დაფა არა ჰქონდათ. — უბრალო ფიცარზე, ხოლო პატარა ჯგუფების ან ინდივიდუ- რი წესით მუშაობის შემთხვევაში — ხარის ბეჭის ძვალზე. ბავ- შვები იწერდნენ მასწავლებლის მიერ დაწერილ ასოს თავიანთ ქა- ლაღებზე ან ბეჭის ძვლებზე. ყოველი ასოს გადმოწერა გრძელდებოდა მანამ, სანამ მოსწავლეები ხელს არ გაიწაფავდნენ მის წე- რაში, სანამ არ მიაღწევდნენ მასწავლებლის დანაწერს. ასოე- ბის საჩვენებელი წერა მასწავლებლის მიერ და მათი გადაწერა მოსწავლეთაგან ხდებოდა ანბანის თანმიმდევრობით, ე. ი. იმ რიგით, როგორც მათ კითხვა ისწავლეს. არავითარი პედაგო- გიური მოსაზრება არ ედვა საფუძვლად ამ მეთოდს. ა-ნის შემდეგ, ბავშვები გადადიოდნენ ქართული ალფაბეტის ყველაზე უფრო ძნელად საწერ ასო ბ-ანზე, შემდეგ კი ისევ ადვილად საწერ ასო- ებს უბრუნდებოდნენ. სიტყვების წერას იწყებდნენ მხოლოდ ყველა ასოების წერის სწავლის შემდეგ.

ქართული კითხვა-წერის აღნიშნული ხალხური წესის გან- ხილვა დიდაქტიკური თვალსაზრისით, ადვილად მიგვიყვანს იმ დასკვნამდე, რომ ჩვენ აქ საქმე გვაქვს კითხვა-წერის სწავლების: ე. წ. ანბანურ ანუ ასოთშეერთების (Буквенный, буквослага- тельный) მეთოდთან. ეს მეთოდი, როგორც ვიცით ძველთაგანვე იხმარებოდა საქართველოში. ამ მეთოდის მიხედვით ჰქონდათ შე- დგენილი ს უ ლ ხ ა ნ ო რ ბ ე ლ ი ა ნ ს და XVIII საუკუნის სხვა ავტორებს თავისი „ანბანები“. იგივე მეთოდი იხმარებოდა ჩვენში მე-19 ს. პირველ ნახევარში, მაგრამ არა მარტო „საოჯახო სკო-“

* შინაურ (საოჯახო) სკოლებში „ასოების დასწავლის“ პარალელურად წე- რის წარმოების ფაქტს აღნიშნავს ს ო ფ . მ გ ა ლ ო ბ ლ ი შ ვ ი ლ ი: „რამდენიმე ასოს დაწერდა მღვდელი ბეჭზე, როგორც მხედრულს, ისე ხუცურსა და რის- ვაი-ვაგლახით შეასწავლებდა, თან აწერიებდა თვითულ შეგირდს ბეჭხედვე, რომელიც ყველა ბავშვს ქონდა. („მოგონებანი“, 33).

მაგრამ ას თი ფაქტები XIX ს. პირველ ნახევარში გამოწვევის წარმოად- გენდა. ასოების სწავლისა და კითხვის პარალელურად წერის წარმოება პირვე- ლად, როგორც საერთო მოვლენა, იწყება 1864 წლიდან (იხ. პ. უმიკაშვილის „ქართული ანბანი“ მე-3 გამოკ. წინასიტყვაობა).

ლებსა“ და ინდივიდუარი სწავლების პრაქტიკაში, არამედ ოფიციალურ სასწავლებლებშიც. ამ მეთოდის საფუძველზე იყო შედგენილი აგრეთვე მე-19 ს. პირველი ნახევრის ქართული ენის (ანბანის) სახელმძღვანელოებიც.

სხვა საკითხია, ხალხიდან გადავიდა ეს მეთოდი სკოლაში, თუ პირუკუ — სკოლიდან ხალხში; ასოთშეერთების ანუ საანბანო მეთოდი, როგორც კითხვა — წერის სწავლებისა და სწავლის უძველესი ხერხი იხმარებოდა ყველგან, როგორც ჩვენში, ისე დასავლეთში, რუსეთში და სხვა ქვეყნებში. ისტორიულად ის იყო პირველი მეთოდი ანბანის სწავლებისა და პედაგოგიკის ისტორიამ, XVII საუკუნემდე არ იცის წერა-კითხვის სწავლების არსებობა და სხვა მეთოდი, თუ მხედველობაში არ მივიღებთ ამ მეთოდის სხვადასხვა ვარიანტს. დიდმა პედაგოგმა იან კომენსკიმ (1592—1670) იგაძნო, რომ ეს მეთოდი „მძიმე ტანჯვას აყენებს ბავშვის გონებას“, არ შეეფერება მოწინავე დიდაქტიკის პრინციპებსა და წესებს (შეგნებულობა, თანამიმდევრობა, მარტივიდან რთულზე გადასვლა) და 1658 წელს შესცვალა იგი ახალი, ბგერითი მეთოდით, მაგრამ ფართოდ გავრცელება მას დღესანს არ ღირსება.

რამდენადაც წერა-კითხვას ხალხი უფრო ადრე სწავლობდა, ვიდრე სკოლა და მასწავლებლის პროფესია აღმოცენდებოდა, ხოლო საანბანო ანუ ასოთშეერთების მეთოდზე ადრე სხვა მეთოდის არსებობა ჩვენ არ ვიცით, იმდენად უნდა ვიფიქროთ, რომ ეს მეთოდი ხალხიდან გადავიდა სკოლასა და მეცნიერებაში. სკოლა და მეცნიერება კი, თავის მხრივ, ავითარებდა ამ მეთოდს და გაუმჯობესებულ სახით იმავე ხალხს უბრუნებდა.

3. ხარის ბეჭი. უჩაალი. უნსარი. ჭყორის უოთოლი

ქართველი ხალხი მრავალგვარ საშუალებას მიმართავდა წერა-კითხვის შესასწავლად, ცოდნის მისაღებად. წერა-კითხვის სწავლების თუ სწავლის პროცესში მე-19 ს. პირველ ნახევარში კვლავ იხმარებოდა ისეთი სასწავლო ნივთები, როგორიც იყო ხარის ბეჭი, ფიქალი (ბრტყელი ქვა), ფიცარი (დაფა), ჭყორის ფოთოლი.

პლატონ იოსელიანი (1809—1875), რომელიც ბავშვობისას თბილისის ნათლისმცემლის ეკლესიასთან არსებულ სკოლაში

ებარა, წერს, რომ ამ სასწავლებელში სწავლობდა იგი „ქართულსა კითხვასა და წერასა ხარის ბეჭის ძვალზედ, დროთა ჩვეულებისა გამო“.* ასევე აკაკი წერეთელიც: „ანბანის წერა-ბეჭზე დაიწყო“, წერს იგი „თავგადასავალში“. იოსებ დავითაშვილი ამბობს:

„ქვების მურის მონალესით მომიშადა მელანია ხარის ბეჭი დაფად მქონდა, მასწავლიდა მელანია“.

სოფრომ მგალობლიშვილი თავის მოთხრობაში „წარსულიდან“ გვაუწყებს, რომ ისიღორე გეგელაშვილისა და „ეფროსინეს სკოლაში“ ქართულ წერას ბეჭზე ასწავლიდნენ. ასე იყო თითქმის ყველა საშინაო სკოლაში და ინდივიდუური წესით მომუშავე მასწავლებელთა პრაქტიკაში.

ხარის ბეჭის დამზადება ძნელი არ იყო. მოხარშული ბეჭის ხორცი ადვილად სცილდებოდა თავის ძვალს, რომელსაც არ სჭირდებოდა რაიმე დამუშავება, რომ „სასწავლო ნივთად“ ქცეულიყო. ამასთან, იგი დიდხანს ძლებდა, ხოლო როცა დაპატარავებული და გაყვითლებული, სასწავლო ნივთად აღარ ვარგო, ერთხანს კიდევ რჩებოდა იგი ძველ ოჯახებში, როგორც მოწიწების საგანი, როგორც რელიკვია.

ბეჭის ძვლებზე ასოებს პირველად წერდნენ ჩვეულებრივი მოგრო ნახშირით, რომელსაც თავი, ფანქრის მსგავსად, წათლილი უნდა ჰქონოდა პატარა და ლამაზი ასოების გამოსაყვანად. მაგრამ, ჩქარა, სიტყვებისა და ტექსტის წერას იწყებდნენ მელნით.** კალამს აკეთებდნენ ბატის ფრთისაგან. წერის დროს ბეჭის ძვალზე ედვით მუხლზე ან კალთაში. ბეჭის ძვალი ასპიდის დაფის მაგიერობას სწევდა ჩვენში. ქაღალდის სიძვირისა და „დროთა ჩვეულებისა გამო“ მისი ხმარება გრძელდებოდა მე-19 ს. 60-იან წლებამდის.

ფიცარსა და ქვაზე წერის პრაქტიკას ადგილი ჰქონდა უმთავრესად თუშეთსა და ფშავ-ხევსურეთში. საამისო ცნობები შემონახულია ხალხურ სიტყვიერებაში.

თუში მელექსე ლაზრო იმედაძე ამბობს:

* პლატონ იოსელიანი, „ცხოვრება გიორგი მეცამეტისა“, 261, 1936-
** მელანი აკეთებდნენ ქვების მურით, კაკლის ხის ქერქის, ყაყაჩოს ყვავილის, ანწლის მწიფე მარცვლისა და სხვა მცენარეთაგან.

„არც სკოლა არის ისწავლო, რომ შეისმინო სიბრძნეა, ზოგი არს ჩემებრ ნასწავლი, როგორც მე შევისწავლეა. ის გადაუწერს ფიცარზე ეს არს ანა და ბანია, მერე დაუწერს სახელებს, რომელიც მარჯვე არია, დაუწერს სიპის ქვაზე და, ქალაღის მაგიერია, არც აქვის საკითხ წიგნები, არც ქალაღდ დასაწერია, მეც ისე შესწავლილი ვარ, ეხლა რომ ლექსებს ვმღერია, ესე სწავლობენ მთის ხალხი სკოლებ რომ აქ არ არია“.*

ასე იყო ფშავ-ხევსურეთშიც: ფიქალზე ისწავლა წერა ვაჟა-ფშაველას მამამ, პავლემ და თვით ვაჟამაც.* ქვაზე ასოებს წერდნენ ჯერ ნახშირით, ხოლო როცა ტექსტების წერაზე გადადიოდნენ — ფხაჭინდენ მასზე ასოებს წვეტიანი ლითონით ან კაჟით.

ამგვარად, ხალხური სწავლა-აღზრდის ძველი წესებისა და მეთოდების გავრცელების მასშტაბი XIX ს. პირველ ნახევარში ძალიან ვრცელია. მათ მიმართავენ არა მარტო საეკლესიო და საშინაო სკოლები და ინდივიდუური სწავლების პრაქტიკაში, არამედ სახელმწიფო და სხვა ოფიციალური ხასიათის სკოლებშიც. ამასთან, XIX ს. პირველი ნახევრით არ ამოწურულა ჩვენში ამ წესებისა და მეთოდების გამოყენება. 60-იან და უფრო მოგვიანო წლებშიც ეხედავთ ჩვენში მათ ნაშთებს ქართული ენის ახალი სახელმძღვანელოებისა და წერა-კითხვის ახალი მეთოდების პარალელურად.

4. ურთიერთსწავლის გრაღისია

არ შეიძლება აქ გვერდი აუხვიოთ საქართველოში ძველთაგან დარჩენილ ურთიერთ-სწავლებლის ტრადიციას, რაც მე-19 ს. პირველ ნახევარშიც საკმაოდ ფეხმოკიდებული იყო ჩვენში. ეს ტრადიცია უფრო მეტად მიწისმუშაობას მოწყვეტილ პროფესიათა შორის იყო გავრცელებული. მწყემსები, ხელოსნები, მეღვინეები (სირაჯები) და სხვები ერთი მეორეს ასწავლიდნენ წერა-კითხვას და საკითხავი წიგნებით ამარაგებდნენ. ფშავ-ხევსურეთში, მთიულეთში, სვანეთსა და რაჭაში ეს ტრადიცია სულ უკანასკნელ დრომდე რჩებოდა სასკოლო სწავლების პარალელურად. ისტორიკოსი ნიკო ხიზანიშვილი ამბობს:

* ს. მაკალათია, თუშეთი, 107.

„ფშაველი მეცხვარეები ერთი-ერთმანეთს ასწავლიან წერაკითხვას, ერთი-მეორის მასწავლებლები არიან, და ძნელად შეხვდებით იცეთ მეცხვარეს, რომელმაც წერა-კითხვა არ იცოდეს. საღ სწავლობთ მეთქი, ვკითხე მე. ცხვარშიო, მიპასუხეს; ხან დედა-კაცები გვასწავლიანო.

თუ ფშაველს „დედა-ენა“ და მეტადრე „ბუნების კარი“ უძევეს (ეს უკანასკნელი მას უფრო უყვარს), ბედნიერია. თამამად შეიძლება ითქვას, რომ ჩვენს „საქართველოს მასწავლებელს“ ი. გოგებაშვილს არც ერთს კუთხეში არა აქვს ისეთი პატივი და დიდება, როგორც აქ, ფშაველებში. და აი, ამისთანა წერა-კითხვის მოსიყვარულე ხალხში ჩვეულება თავისას იზამს და წერა-კითხვა არ აღმოიფხვრება, რადგანაც მას ცხვარში ღრმად აქვს ფესვი გამდგარი. ეს ჩვეულება, როგორც მოგეხსენებათ, წარსულის ნაშთია, — აგრძელებს ხიზანიშვილი, — იმ წარსულისა, როცა უმეტესად ოჯახში იყო მოთავსებული ჩვენი სწავლა-განათლება“.*

ერთმანეთის სწავლებით მოკლე დროში „იტეხდნენ თვალს“ ფშაველები. ჩქარა იწყებდნენ წიგნების კითხვასა და სხვებსაც უკითხავდნენ. ვაჟა-ფშაველა გადმოგვცემს, რა სერიოზულ და რთულ შინაარსიან წიგნებს კითხულობენ ფშაველები ურთიერთსწავლებიან ან შინაურ განათლების შედეგად:

„ღვთისოს გამოეტანა თავისი წიგნები—„ვეფხისტყაოსანი“, დავით გურამიშვილის თხზულებანი, „კალმასობა“ იოანე ბატონიშვილისა; მიმსხდარიყვენ საბძლის გვერდში, ღვთისო უკითხავდა იმათ „კალმასობაში“ იმ ადგილს, სადაც ხელაშვილი შაჰხვდება ბახტრიონისაკენ მიმავალს ფშაველებს და მოუყვება შაჰაბაზის მიერ საქართველოს აკლების და ქეთევან დედოფლის წამების ამბავს. სხვები ყურს უგდებდნენ. „აი ბიჭებო, წინანდელი ფშაველები როგორი ბოღრეები ყოფილან... კითხულობდა დინჯად, მაგრამ მკაფიოდ და გარკვევით“.** ამ ღვთისოს არ ავიწყდება წიგნის კითხვის და მოსმენის ინტერესი აღუძრას თავის ამხანაგებს და მსმენელებს: „დამიგდეთ ყური, ამ წიგნში რა სწერია ფშაველებზე და იმათ ვაჟაკობაზე, როგორი ბოტები ყოფილან მამა-პაპანი, რა საქმე დაუწევიათ თათრებისადა“.**

* ნ. ხიზანაშვილი, „ეთნოგრაფიული წერილები“, 8.

** ვაჟა-ფშაველა, „ეთნოგრაფიული წერილები“, 71—72.

უთრით სწავლების პრაქტიკა უფრო მეტად ხელოსნებში იყო გავრცელებული. ისინი აარსებდნენ „წერა-კითხვის არმცოდნე შეგირდთა წრეებს „მწიგნობრობის შესასწავლად და გასავრცელებლად“. იოსებ დავითაშვილის ბიოგრაფი ნიკო მთვარელი იშვილი, იოსებისა და მის მეგობარ წიგნიერ ხელოსანთა შესახებ წერს:

„ესენი ცდილობენ როგორმე შეკრიბონ ხელოსანთა შეგირდები და შეადგინონ ამათგან წრე. პატარა შეგირდებს ამათის ფიქრით, უნდა დაეწყოთ სიარული და ამათაც უნდა წაეკითხათ მათთვის ზოგიერთი ნაწერები ჩვენის მწერლებისა, შეესწავლებინათ უცოდინართათვის წერა-კითხვა. როდესაც ესენი შეისწავლიდნენ რასმე ამგვარად, მოვალენი იყვნენ სხვებისათვისაც ესწავლებინათ ისევე, როგორც ამათსხვებმა შეასწავლეს წერა-კითხვა. ამათ კიდევ შეასრულეს თავიანთი განზრახვა 1876 წელს.“*

აქ გადმოცემულია ურთიერთსწავლების მოგვიანო, 70-ნი წლების ფაქტები; ამ პერიოდში, მართალია სკოლების რიცხვი საგრძნობლად იზრდება, მაგრამ უფრო იზრდება წერა-კითხვის შესწავლის. მსურველთა რიცხვი, რის გამოც ურთიერთსწავლების პრაქტიკა, დაწყებული გაცილებით ადრე, კვლავ ვრცელდება და უფრო ფართო მასშტაბით, ვიდრე მე-19 ს. პირველ ნახევარში.

რა მეთოდს მიმართავდნენ წერა-კითხვის ურთიერთსწავლების დროს? ასე საკითხის დასმა არ ივარგებდა. ცოტა რამ, რაც დაგვრჩენია ამის შესახებ მოგონებებსა და მხატვრულ ლიტერატურაში, გვაძლევს საბუთს დავასკვნათ, რომ აქ არ გვაქვს და არც შეიძლება გვეპოვდეს საქმე ერთ გარკვეულ მეთოდთან. სხვადასხვა ხერხს და წესს მიმართავდნენ ურთიერთსწავლების დროს, მაგრამ ის რაც საერთო იყო სწავლების ამ წესებში, იყო გაცილებით უფრო მარტივი და რაციონალური, ვიდრე საანბანო ანუ ასოთშეერთების მეთოდი, რომელიც საშინაო და ოფიციალურ სკოლებში იხმარებოდა მე-19 ს. პირველ ნახევარში.

ანბანის ურთიერთ სწავლებისას დროის ეკონომია და ბუნებრივი სიმარტივე თამაშობდა დიდ როლს. ასობგერების არაავითარ მექანიკურ და გულისდამლონებელ გაზეპირებას არ ჰქონდა ადგი-

* ნ. მთვარელი იშვილი, „ლექსები ი. დავითაშვილისა“, ბიოგრაფია, IX.

ლი, არც ამოსადები თ სტანჯავდნენ ერთმანეთს. ანბანის ნამდვილი შესწავლა, ე. ი. ანბანის გრაფიკული სახის დამახსოვრება კითხვის პროცესში ხდებოდა: წერა-კითხვის მცოდნე პირი, ასოების არმცოდნე თავის ამხანაგს ჯერ დაასწავლიდა ზეპირად რომელიმე პატარა ლექსს (ან უკვე მისთვის ცნობილ ლექსს აიღებდა) ვთქვათ: „საწყალი მელა ჩიოდა, არ მომივიდა ძილია. ერთსა საქათმეს მივაგენ, გამო-ვუთხარე ძირია“ და სხვ. წერა-კითხვის მცოდნე ამხანაგი დაუწერდა მას მთელ ამ ლექსს ქალაღზე, ან ბეჭზე, ან შქერის ყვითელ ფოთოლზე, ხოლო თუ „დედა-ენა“ მოეპოვებოდა, იქ აჩვენებდა; ეტყოდა, რომ ამ ლექსში რამდენი ხმაც (გულისხმობდა ბგერას) არის, იმდენი ასოა და რომ ეს ასოები ხმებს მისდევენ, (ე. ი. ასოები იმ თანმიმდევრობით არიან ჩაწყობილი ლექსში, როგორც ბგერები). შემდეგ აიღებდა ლექსის პირველ სიტყვას, უჩვენებდა მის ცალკე ასოებს: ს, ა, წ, ყ, ა, ლ, ი; ამოიკითხავდა (დაასახელებდა) მათ, გაამეორებინებდა და ეტყოდა: ყველგან, სადაც ასეთი ასო (მითითებდა ს-ზე) შეგხვდეს, იცოდე, რომ ის არის „ს“ (ან ს-ანი), და ასე აცნობდა ლექსის შემდეგი სიტყვების ყველა ასოს. როცა ამ სიტყვებში უკვე ნაცნობი ასო ხვდებოდა, მასაც ამეორებინებდა. უმეტეს შემთხვევაში პირველსავე ტაეპში ხვდებოდნენ ქართული ანბანის ყველა ასოს „მოწაფე“ და „მასწავლებელი“, შემდეგ ტაეპებში კი იმეორებდნენ. „მოწაფე“ თვალს იტეხდა, იმახსოვრებდა ასოების ფორმას.

ამგვარად, რაღაც ერთ საათში აცნობდნენ „მოწაფეს“ ანბანის ყველა ასოს და კითხვასაც აწყებინებდნენ. მაგრამ ჯერ ის მხოლოდ იმ ლექსს „კითხულობდა“, რომელიც მან ზეპირად იცოდა. სხვა ახალ ტექსტზე გადასვლისას, მას ბევრი ასო უკვე დავიწყებული ჰქონდა, მაგრამ, ზეპირად დასწავლილი ლექსი, ვთქვათ, იგივე „საწყალი მელა“ ხდებოდა მისთვის სახელმძღვანელოდ ასოთა სახის აღსადგენად (მოსაგონებლად) და დასამახსოვრებლად. მაგრამ როგორ? დაუშვათ, რომ ახალ ტექსტში მან ველარ იცნო ასოები ჩ და თ, ის ამავე ასოებს ეძებს აღნიშნულ, ე. ი. ნაცნობ ლექსში და ჰპოულობს პირველს (ჩ-ანს) მესამე სიტყვაში, მეორეს — მეშვიდეში, და რადგანაც ეს ლექსი მან ზეპირად იცის და ახსოვს, რომ ყოველი ხმა (ანუ ბგერა) სათანადო ასოს უდრის, უცბად ჩათვლის (ჩაიკითხავს) ამ ხმებს თავის ცნობიერებაში და გარკვეულ ალაგას, ე. ი. მესამე სიტყვაში („ჩიოდა“) ნახულობს, რომ

პირველი „ხმა“ ყოფილა ასო ჩ, ასევე აღმოაჩინა ასო თ და განაგრძო ახალი ტექსტის კითხვა ასეთი პროცედურების განმეორების მოლოდინში. მაგრამ ეს პროცედურები სულ რამდენიმე დღეში საჭირო აღარ ხდებოდა. კითხვა უკვე იცოდა.

წერას იწყებდნენ ტექსტების გადმოწერით—უკეთესია ვთქვათ—გამოხატვით. მაგრამ ურთიერთ სწავლების მონაწილენი წერას არაფრად ეტანებოდნენ. ბევრ მათგანს, იმ დროს, როცა კითხვიანოსტატად თვლიდნენ, წერა არ ეხერხებოდა. მათი მწერლობის საჭიროება, უმთავრესად მოკითხვის ბარათების წერით განისაზღვრებოდა.

5. ანგარიშის რუსული ენის. საღვთო სჯულის სწავლების მეთოდები

პირველ-დაწყებითი სკოლის სხვა საგნების (ანგარიში, საღვთო სჯული, ოფიციალურ და სახელმწიფო სკოლებში—რუსული ენა) სწავლებისას მეთოდების უფრო მეტ სხვადასხვაობას ჰქონდა ადგილი, ვიდრე ჩვენ ეს ენახეთ ქართული ენის სწავლების მიმართ. ძველი ტრადიცია ამ საგნების სწავლების საქმეში არავის ზღუდავდა, რადგანაც არ იყო ეს ტრადიცია. ანგარიშს ასწავლიდნენ, რასაკვირველია, ძველ საქართველოშიც, მაგრამ ციფრების მაგიერად, უმნიშვნელო გამონაკლისს გარდა, ქართულ ანბანს იყენებდნენ (როგორც ქორონიკონის აღსანიშნავად), ხოლო მე-18 საუკუნიდან არაბული ციფრების სწავლების შემოღებას მე-19 ს. პირველ ნახევარში ჯერ კიდევ არ ჰქონდა დიდი ხნის ისტორია, რომ რაიმე ერთგვარი მეთოდური შტამში შემუშავებულიყო. უფრო ხანმოკლე იყო ისტორია რუსული ენის სწავლებისა, რომელიც, სასკოლო წესით, ჩვენში იწყება მე-18 საუკუნის მეორე ნახევრიდან.*

ანგარიშს XIX ს. პირველი ნახევრის საქართველოს საშინაო და ეკლესია-მონასტრებთან არსებულ პირველ-დაწყებით სკოლებში ასწავლიდნენ 20 ფარგლებში,** მაგრამ არა ყოველთვის და ყველგან. ოთხი მოქმედებიდან ასწავლიდნენ მიმატებას და გამოკლებას ყველგან, ხოლო გამრავლება-გაყოფას იშვიათად. რიცხვის

* რუსული ენის სწავლების სკოლა პირველად გაიხსნა თბილისში 1778 წელს.

** უფრო მაღალი ტიპის სკოლებსა და კერძო სწავლების პრაქტიკაში ასწავლიდნენ მთელ არითმეტიკას და, ცხადია, დიდი რიცხვების ფარგლებში.

გამოსახატავად ხმარობდნენ ხელის თიფებს, ჩხირებს და კენჭებს. ციფრების წერას იწყებდნენ ქართული წერა-კითხვის „დასწავლის“ შემდეგ, რაც, რასაკვირველია, ძალიან უადვილებდა მათ ამ პროცესს. სწავლობდნენ არაბულ ციფრებს, რომელსაც ხშირად „რუსულ ციფრს“ უწოდებდნენ, რადგანაც მისი საყოველთაო სწავლება შემოიღეს რუსეთთან შეერთების შემდეგ და რუსული (ოფიციალური) სკოლების მიზაძვით. ციფრების წერაში თანამიმდევრობა, სიძნელე-სიადვილის მიხედვით — არ არსებობდა. მაგალითად, ადვილად დასაწერი ციფრი „1“-ის შემდეგ ბავშვებს აწერინებდნენ ყველა ციფრზე უფრო ძნელად დასაწერ ციფრს „2“ და ა. შ. ვარჯიში ციფრების „დასწავლა“-დამახსოვრებისათვის და მათი წერა სწარმოებდა იმავე ხერხით, როგორც ანბანისა.

რუსული ენის შესწავლას, გარკვეული მიზეზის გამო, განსაკუთრებული ინტერესით ეკიდებოდა ქართველი მოსახლეობა. მშობლები, მასწავლებლები და თვით მოწაფეებიც ცხადად გრძნობდნენ რუსული ენის ცოდნის საჭიროებას ცხოვრების ყოველ (სამეურნეო, პოლიტიკურ-ადმინისტრაციულ და კულტურულ) დარგში, მაგრამ, შეიძლება ითქვას, XIX ს. პირველი ნახევრის მთელ მანძილზე საქართველოს სკოლა და მასწავლებელი ვერ იდგნენ იმ სიმაღლეზე, რომ დაეკმაყოფილებიათ ხალხის მოთხოვნილება რუსული ენის სწავლების მხრივ. კავკასიის სასწავლო ოლქის 1848 წლის წესდება — გარდა იმ მოვალეობათა, რაც საერთო კანონმდებლობით, დაკისრებული ჰქონდათ ოლქების მზრუნველთ — სპეციალურად ავალებდა კავკასიის ოლქის მზრუნველს „რომ მისდამი რწმუნებული ოლქის სასწავლებელში უპირატესი ყურადღება მიექცეოდა რუსული ენის, როგორც პირველი საჭიროების საგნის, შესწავლას, ურომლისოდაც სხვა საგნების შესწავლა ვერ მიაღწევს თავის ჰეშმარიტ მიზანს“ (მ. 20). მაგრამ, მიუხედავად ამისა ამიერკავკასიის სკოლას იშვიათად გააჩნდა ბეჭდვური რუსული ანბანი და საანბანო სახელმძღვანელოები, ხოლო მასწავლებელს კი — სათანადო ცოდნა რუსული ენისა და მეთოდოლოგიური დახელოვნება. რუსული ანბანის სწავლების საშუალებად საქართველოში იყენებდნენ საანბანო მეთოდს, რომელიც საყოველთაოდ იყო მიღებული XIX ს. პირველ ნახევარში როგორც ჩვენში, ისეც რუსეთში, ხოლო რუსული ენის სწავლების საშუალებად კი მიმართავდნენ თარგმნის მეთოდს, ქართულ (მშობლიურ) ენას.

ეს მეთოდი თავის პრაქტიკულ გამოხატულებას პოულობდა ე. წ. „ქართულ-რუსულ უბნობაში“. სასაუბრო (საუბნო) ტექსტი იწერებოდა ორ ენაზე: ქართულად (მარცხნივ) და რუსულად (მარჯვნივ). ტექსტებს ყოფდა მთელ გვერდზე ვერტიკალურად ჩა-
ვლებული ხაზი. მათ შინაარსს წარმოადგენდა ყოფა-ცხოვრებიდან აღებული და მოწაფის დანიშნულების, მისი სწავლის მიზნის შემ-
ცველი წინადადებანი. მასწავლებელი ჯერ ეტყოდა მოწაფეებს ქართულ წინადადებას, მაგალითად, „ძენი მამულისანი სწავლო-
ბენ“, შემდეგ დასწერდა ამ ფრაზას დაფაზე ან ბექის ძვალზე; ამას მოჰყვებოდა მისი რუსული თარგმანი: *Сныны родины учатся* იტ-
ყოდა ამას ჯერ ზეპირად, შემდეგ მიუწერდა დაფაზე ან ბექზე ქართულ ტექსტს გვერდით, და გაჰყოფდა მათ ვერტიკალური ხა-
ზით. ამის შემდეგ ბავშვები სწავლობდნენ ზეპირად როგორც ქარ-
თულ, ისე რუსულ ტექსტს. რადგანაც რუსული ტექსტის სიტყვები უნდა ყოფილიყო დაწერილი იმ თანამიმდევრობით, როგორც ქარ-
თული. ბავშვებმა იცოდნენ, რომ პირველი სიტყვა „сныны“ არის „ძენი“, მეორე — „მამულისანი“ და ა. შ. რამდენიმე ფრაზის გაზე-
პირების შემდეგ იმართებოდა „უბნობა“ მასწავლებლებსა და მო-
წაფეთა შორის ნაცნობი სიტყვების გამოყენებით.

ძალიან პრიმიტიული, თანაც მომქანცველი და გულის შემა-
ლონებელი იყო ეს მეთოდი, მაგრამ ათეული წლები რჩებოდა იგი ჩვენს პრაქტიკაში. გრიგოლ ორბელიანის ცნობილი ბიოგრაფი იონა მეუნარგია, გრიგოლის ნაამბობის მიხედვით, აღნიშ-
ნავს, რომ მისი ბავშვობის პერიოდში, მამასადამე XIX ს. პირველ-
ოცეულში „რუსულ ენას ჯერ კიდევ ხელით ნაწერ რვეულებიდან სწავლობდნენ ამ დროს. ამ რვეულის თავზე პირველი რუსული-
სიტყვა, ქართულად თარგმნილი, იყო რუსული თანდებული თვის. ბავშვებმაც ამ რვეულს ეს სახელი დაარქვეს. თუ კლასში დააკლ-
დებოდათ ვინმე. — იტყოდა პოეტი, — მეორე დღეს სასწავლებელში (იგულისხმება თბილისის კეთილშობილთა სასწავლებელი, გ. თ.) რომ მივიდოდით, მაშინვე ვკითხულობდით ამხანაგებს: „აბა ერთი-
შენი ოთვისი მათხოვე, გუშინდელი უროკი გადმოვიწერო“.*

რუსული ენის სწავლების მეთოდი (ქართულ სკოლებში) თავის მკაფიო გამოხატულებას პოულობდა რუსული ენის სახელ-

* ი. მეუნარგია, „ქართველი მწერლები“, I, 48, 194:

მძღვანელოში, რომელთა შესახებაც შემდეგ თავში („სახელმძღვანელოები“) გვექნება ლაპარაკი.

მაგალითად „შეკრება რუსულთა უბნობათა“ ანუ ე. წ. „რაზღავროების“ წიგნი. აქ მოწოდებული მასალა რუსულ-ქართული სიტყვებისა, ტექსტების განლაგება და შინაარსი გვარწმუნებენ იმაში, რომ სიტყვებს და ფრაზებს ზეპირად სწავლობდნენ მთლიანი სახით. ზეპირადვე სწავლობდნენ მათ შესატყვის ნათარგმნ სიტყვებსა და ფრაზებს. ექვი არაა, აქ ჩვენ საქმე გვაქვს ე. წ. მთლიანი სიტყვის მეთოდის პირვანდელ ფორმასთან.

ამ მეთოდით ძნელი იყო, ცხადია, რუსული ფონეტიკური სპეციფიკის შესწავლა, სიტყვებისა და ბგერების გამოთქმა, მახვილი, ერთი ბგერის სხვადასხვაგვარად წაკითხვა ანუ გამოთქმა (e ანუ ზ და ფ; и ანუ i, ж და ხ; io, ж), მძიმე [და რბილი ნიშნები (ზ, ზ) და სხვ.

როდესაც „შეკრებანი“... ანუ „რაზღავროები“ სკოლებში იხმარებოდა, მაშინ ასეთ სიძნელებების გადალახვა შეეძლოთ მოწაფეებს მასწავლებლის დახმარებით, მაგრამ როდესაც „რაზღავროის“ წიგნები თვით მასწავლებლის მაგიერობას ასრულებდნენ, მაშინ ეს სიძნელენი გადაულახავი რჩებოდნენ.

აღსანიშნავია, რომ ნატურალურ (მუნჯურ) მეთოდს რუსული ენის მსწავლების დროს, XIX ს. პირველი ნახევრის საქართველოში არსად ჰქონია ადგილი. ეს (ნატურალური ანუ ბუნებრივი) მეთოდი შემოდის XIX საუკუნის 50-იანი წლების შემდეგ, როგორც არა რუს ეროვნებათა რუსიფიკაციის ერთ-ერთი საშუალებათაგანი.

რაც შეეხება საღვთო სჯულს — მართალია მის სწავლებას საქართველოს სკოლებში დიდი ხნის ისტორია ჰქონდა, მაგრამ მეთოდის მხრივ მას (სწავლებას) არსებითი ცვლილება არ განუცდია არც XIX ს. პირველ ნახევარში. პარალელურად თხრობისა და საუბრისა, რომელსაც მიმართავდნენ ძველად საღვთო სჯულის კარგი მასწავლებლები, ადგილი ჰქონდა ამ საგნის დოგმატურ, ზეპირ სწავლებას. ლოცვებისა და საღვთისმეტყველო ტექსტების დასწავლა ხდებოდა მექანიკურ გამეორებათა საშუალებით. იმეორებდნენ ჯერ თითოეულ წინადადებას, შემდეგ ორ-ორ და სამ-სამ წინადადებას ერთად და ბოლოს მთელ დასასწავლ ტექსტს.

მექანიკური ვარჯიში და ზეპირ-სიტყვიერი მეთოდი ტექსტის დასწავლისა XIX საუკუნის პირველ ნახევარში საღვთო სჯულის

სწავლებიდან გადაედო სხვა საგნების სწავლებასაც. შესასწავლი ტექსტების ახსნა-განმარტების მაგივრად, ჩამორჩენილი და თავისი თანამდებობისადმი შეუფერებელი მასწავლებლები ფანქრით ან ფრჩხილით აღუნიშნავდნენ ხოლმე მოწაფეებს დასასწავლი ტექსტის ადგილს სახელმძღვანელო წიგნიდან („აქედან აქამდის“ — „с антих до антих“, ან „от селе до селе“) ხოლო იქ კი, სადაც სახელმძღვანელოები არ მოიპოვებოდა, მიმართავდნენ კარნახს.

XIX ს. პირველი ნახევრის, კერძოდ, 40-იანი წლების საქართველოს ოფიციალური, სახელმწიფო სკოლის სასწავლო მეთოდების ზეპირ-სიტყვიერი და დოგმატიური ხასიათი გამომდინარეობდა ამ სკოლაში გაბატონებული ფორმალური სწავლების პრინციპიდან (მეხსიერების მექანიკური წვრთნა, უნარიანობის და სხვა ფსიქიკურ ფუნქციათა განვითარების იზოლირება პოზიტივურ ცოდნისაგან, აზროვნების სქოლასტიკური წესები) და სრულიად სამართლიანად ხდებოდა იგი მოწინავე პედაგოგებისა და მწერლების გაკიცხვის საგნად.

დიმიტრი ყიფიანი თავის მოწაფეობის პერიოდის (20-იანი წლები) სწავლების მეთოდების შესახებ ამბობდა:

„როგორც სასულიერო სემინარიაში, აგრეთვე კეთილშობილთა სასწავლებელშიაც ერთს ადგენდნენ: ანიდან ბანამდე უაზროთ გაზეპირებას... ეს იყო და ეს მაშინდელი პედაგოგიური სიბრძნე“.

ავტორი არ ივიწყებს ზოგიერთი მისი დროის მასწავლებლის „გადაცემის“ მეთოდსაც: „გეოგრაფიის მასწავლებელი, მაგალ., გამოცდის წინ გაკვეთილს აძლევს მოსამზადებლად: ერთს — შვეციაზე; — „არა, სჯობს მე პორტუგალიაზე მომცეთ! — კარგი, პორტუგალია იყოს; მეორეს ისპანიაზე, — ჰა, რაო? შვეციაზე გინდა? — შვეციაზე იყოს...“*

ასე, მოწაფეებთან შეთანხმებით ხდებოდა ზოგჯერ გაკვეთილების გადაცემა და საშინაო დავალების მიცემა.

საზეპირო მასალის „დასწავლის“ ერთი „მეთოდის“ შესახებ (ქუთაისის გიმნაზიაში) ცნობას გვაწვდის გიორგი წერეთელი: „ერთგან ისმის „აზ ესმ... აზ... აზ... ესმ ბოლ ტვოი“... მეორეგან: „ეიზნუ... ეიზნუ... ეიზნუ... ზაჩემ ტი... ზაჩემ ტი... მნე დანა... ეიზნუ, ზაჩემ ტი მნე დანა“, მეესამეგან: „სტრეკოზა ი მურავეი“:

* დ. ყიფიანი, მემუარები, ს. ხუნდაძის რედაქციით, 3, 8,

„პოპრიგუნია, პოპრიგუნია, პოპრიგუნია, — ათჯერ მაინც გაიმეორებს ამ სიტყვებს, მერე განაგრძობს: „ლეტო კრასნოე... ლეტო კრასნოე... ლეტო კრასნოე,... პროპელა... პროპელა... პროპელა“ — მღერიათ თუ ზეპირ სწავლობენ კაცმა არ იცის“ („ჩვენი ცხოვრების ყვაილი“).

XIX ს. პირველი ნახევრის სწავლების ზეპირ-სიტყვიერი და დოგმატური ხასიათი წარმოადგენდა აკაკი წერეთლის მკვეთრი სატირის ობიექტსაც:

„ბავშვებს კაჭკაჭს ავიტ სწვრთნიდნენ და არა და ამიანის შვილებად. ყოველი საგანი უნდა მხროლოდ ეზეპირებიათ მოსწავლეებს, და, აზრი ესმოდათ თუ არა, ამას არავინ ჰკითხავდა“ („ჩემი თავგადასავალი“).

აკაკის დაკვირვებულ თვალს მშვენიერად აქვს ასახული წიგნური ტექსტის უაზრო ზეპირობის მეთოდი, რომელიც სუფევდა მისი ბავშვობის დროის ოფიციალურ სასკოლო განათლების მთელ სისტემაში. აკაკი აგვიწერს ისეთ შემთხვევას, როდესაც სასწავლო მასალა მოწაფემ „ზეპირად არ იცის, მაგრამ თავისი სიტყვიერ მშვენიერად ხსნის“; ასეთ მოწაფეს „მასწავლებელმა უგდო, უგდო ყური და გაიცინა: — შენი სიტყვებით რომ ბრძანებ განა სწუნობ მაგის დამწერის სიტყვებს — გაუჯავრდა და გააგდო, ცუდი ნიშანიც დაუწერა. მერე მეორედ გაიყვანა, როდესაც გაეზეპირებია და სულმოუბრუნებლად, სულ სხაპასხუპით უთხრა, თუმცა კი არ ესმოდა რას ამბობდა, მოუწონა: „აი როგორ უნდა დასწავლაო“ და კარგი ნიშანიც დაუწერა“ (იქვე).

აკაკი დაასკვნის, რომ „ასე იქცეოდნენ ყველა მაშინდელი მასწავლებლები“ იშვიათი გამონაკლისით. მკითხველი ადვილად წარმოიდგენს გონებრივი სიმახინჯის როგორ წყაროს წარმოადგენდა ძველი კლასიკური გიმნაზია და საერთოდ მთავრობისა და სასულიერო წოდების მთელი რიგი ოფიციალური სკოლები, წარმოიდგენს რატომ უწოდებდნენ გიმნაზიებსა და სემინარიებს მოწაფეთა საპყრობილეს და რატომ იყო, რომ „ერთი დღის კლასში წაუსვლელობა ერთი წლის სიცოცხლეს ერჩიათ“ (გ. წერეთელი).

ასე იყო სინამდვილეში, ხოლო სავალდებულო სახელმწიფო დოკუმენტში, როგორც იყო სრულიად რუსეთის სასწავლებელთა 1828 წლის წესდება, მასწავლებელთა მოვალეობის შესახებ ჩვენ ვხვდებით შემდეგ, სავსებით საღ მეთოდოლოგიურ მითითებას:

„მოსწავლეთა ასაკის შესაფერისად... დაბალ კლასებში მასწავლებელი უფრო მეტად უნდა უხსნიდეს და ხშირად იმეორებდეს თავის განმარტებებს. ამასთან უნდა ცდილობდეს შეკითხვებისა და ამოცანების საშუალებით მიიჩვიოს ბავშვები მსჯელობას, მოსაზრებას, ერთი სიტყვით, საკუთარი თავით მოქმედებას. მაღალ კლასებში მოსწავლეთა ეს გონებრივი მუშაობა კიდევ უფრო უნდა გაძლიერდეს მასწავლებლის ხელმძღვანელობით. გაკვეთილის უბრალო კარნახი, რომელიც მხოლოდ მექანიკურ დაზეპირებას უწყობს ხელს — არავითარ შემთხვევაში არ დაიშვება“ (მუხ. 60).

იშვიათად, ძალიან იშვიათად იყვნენ ასეთი მეთოდოლოგიური მომზადების სიმაღლეზე მდგარი მასწავლებლები. იყვნენ, როგორც გამოჩენილი და სხვანაირად არც შეიძლებოდა. აი, მაგალითად, თბილისის გიმნაზიის რუსული ენისა და ლიტერატურის მასწავლებელი ნიკოლოზ დემენტიევი, 30-იან წლებში, საუკეთესო მეთოდისტად ითვლებოდა, მშვენიერად იყო დაუფლებული პედაგოგიურ ოსტატობას, უყვარდა თავისი პროფესია და მოწაფეები. იონა დემუნარგია წერს, რომ „დემენტიევა კარგად იცოდა თავისი ხელობა და მისმა შეგირდმა — მათ შორის ბარათაშვილმა — ჩინებულად ისწავლეს რუსული ენა; მეტადრე რუსულ კითხვას უქებდნენ ამ მასწავლებელს.“* მშვენიერი მეთოდისტი იყო აგრეთვე ქუთაისის გიმნაზიის რუსული ენის მასწავლებელი უმანსკი, 50-იან წლებში. მისი მოწაფის გიორგი წერეთლის გადმოცემით, ის მოუწოდებდა თავის მოწაფეებს: „ეცადეთ ნამდვილად იცოდეთ თქვენი გაკვეთილი და არა მხოლოდ ზეპირად. ისე ეცადეთ დაისწავლოთ თქვენი გაკვეთილი, რომ ის შეიქნას თქვენი გონების ნაწარმოები, თქვენი ტვინის ნაყოფი... უმანსკი ცდილობდა როგორმე შეეფესებინა მუდამ ზეპირობით დამძიმებული ყმაწვილის მეხსიერება. ცდილობდა, რაც შეიძლებოდა ყმაწვილები გადაჩვეულიყვნენ სიტყვა-სიტყვით მისი გაკვეთილის დასწავლას... უმანსკი ჰკითხავდა ხოლმე ზოგიერთს აზრს გაკვეთილის შესახებ და, თუ რიგიანად მიუგებდნენ თავისი საკუ-

* ი. დემუნარგია, ქართველა მწერლები, I, 173.

თარი მოაზრებით, სრულებით კმაყოფილი დარჩებოდა და მაშინვე საუკეთესო „ბალს“ დაუსვაამდა“.*

ღიახ, იყენენ ასეთი კეთილშობილი და განათლებული მასწავლებლებიც, მაგრამ გამონაკლისები წესს ვერ სცვლიდნენ, ვერ სცვლიდნენ ძველი სკოლის სასწავლო პროცესის მახინჯ ფორმებს და მეთოდებს.

6. ლანკასჰირის სისტემა.

რამდენიმე სიტყვა სწავლების ერთი, გავრცელებული ფორმის შესახებ XIX ს. პირველ ნახევარში — ლანკასტერის ანუ ურთიერთსწავლების სისტემის შესახებ.

ლანკასტერის სისტემა,** რომელიც მე-19 საუკ. პირველ ნახევარში საკმაოდ იყო გავრცელებული ინგლისში, ამერიკაში, რუსეთში და სხვაგან, — შემოღებული იყო აგრეთვე საქართველოშიც. მისი გამოყენების სასურველობასა და აუცილებლობაზე ლაპარაკობს სრულიადრუსეთის სასწავლებელთა წესდება 1828 წლისა (მ. 29), და ამიერკავკასიის სასწავლებელთა დებულებანი 1829 წლისა (მ. 13), 1835 წლისა (მ. 24), 1848 წლისი (მ. 24), 1848 წლისა (მმ. 95 და 118)‡

ლანკასტერის მონიტორული სისტემის მიხედვით, * გარკვეული კლასის (უმთავრესად დაბალი კლასების) მოწაფეები პატარა, 4—5 წევრიან, ჯ უფებად იო დაყოფილი. თითოეულ ჯგუფს კლასის მასწავლებელი (ზედამხედველი) მაღალი კლასების ან იმავე კლასის წარჩინებული მოსწავლეებიდან უნიშნავდა უფროსს ან ხელმძღვანელს. უკანასკნელნი წარმოადგენდნენ მასწავლებლის თანაშენაფეებს (მოიტრებს). მათ მოვალეობაში შედიოდა დახმარებოდნენ თავის ჯგუფებს გაკვეთილის სწავლაში, გამოეკითხათ ეს გაკვეთილი და დაესვათ სათანადო ნიშანი (ბალი). გაკვეთილის დაწყებისას მონიტორები ამ ნიშნებს ურდგენდნენ მასწავლებელს. მასწავლებელი საერთო და მონიტორის კონტროლის მიზნით რამდენიმე მოწაფეს კვლავ გამოეკითხავდა გაკვეთილს

* გ. წერეთელი. ჩვენი ცხოვრების ყვავილი, 177, 180; 1894, ქუთაისი.

** უფრო სწორია: ბელ-ლანკასტერის სისტემა, ვინაიდან ე. ლანკასტერის (1778—1838) პარალელურად ეს სისტემა შემოიღო აგრეთვე ენ. ბელმა (1753—1832).

და ამოწმებდა როგორც მათ ცოდნას, ისე მონიტორების მიერ ამ ცოდნის შეფასების სისწორეს. იმ კლასებში, სადაც მონიტორებად ამავე კლასის წარჩინებული მოწაფეები ინიშნებოდნენ, მასწავლებელი (ზედამხედველი) გამოჰყოფდა ხოლმე საუკეთესო მოწაფეთაგან ერთ უფროს მონიტორს (თავის თანაშემწეს). მას ევალებოდა თვით მონიტორებისათვის გაკვეთილის გამოკითხვა და ნიშნის დასმა, აგრეთვე მონიტორთა მიერ სხვა მოწაფეთა ცოდნის შემოწმების კონტროლი.

როგორ სახეს იღებდა ეს სისტემა* საქართველოში?

აკაკი წერეთელს „თავგადასავალში“ მოწოდებული აქვს კიდევ ერთი მეტად მნიშვნელოვანი ცნობა: XIX საუკუნის 50-იანი წლების ქუთაისის გიმნაზიაში უფროსი მოწაფეების გამოყენება მასწავლებლის თანაშემწეებად, უმცროს მოწაფეთა ჯგუფების ხელმძღვანელებად ანუ ე. ლანკასტერის მონიტორული სისტემა. აკაკის მასწავლებელმა, ტროემა:

„თვითეულ სკამს მიუჩინა თითო უფროსი შეგირდი. ისინი ჰკითხავდნენ ყოველ დღე გაკვეთილს მოსწავლეებს და ნიშნებს უსვამდნენ. იმ უფროსებისათვის, — წერს აკაკი, — მერე უნდა შეკითხა და დამესვა ნიშნები. ზოგიერთი მათი შეგირდებიც უნდა შემემოწმებია და ის ნიშნები უნდა მიმერთმია მასწავლებლისათვის. რომ შემოვიდოდა, ისიც გადაათვალიერებდა და დასამოწმებლად გამოიძახებდა ზოგიერთებს“.

ურთიერთ-სწავლების, მონიტორულ ფორმას მიმართავდნენ ჩვენში (ისე, როგორც სხვაგან) იმიტომ, რომ ამ ფორმით შესაძლებლად მიაჩნდათ მრავალრიცხოვან კლასებთან მუშაობა, მასწავლებელთა სიმცირით გამოწვეულ სიძნელეთა გადალახვა (რამდენადაც უფროს მოწაფეებს ეკისრებოდათ მათი ფუნქციები) და, რაც მთავარია, ურთიერთსწავლების სისტემით მომუშავე სკოლების შენახვა, აღნიშნული გარემოების გამო, იაფი უჯღებოდა მეფის ზელისუფლებას.

* აღნიშნულ ოუტიკალურ დოკუმენტში ბელისა და ლანკასტერის მონიტორული სისტემა იწოდება მეთოდად, რაც სწორი არ არის. ჩვენ ვთვლით მას სწავლების ფორმად.

VI. სახელმძღვანელოები

XIX საუკუნის პირველი ნახევრის საქართველოს სკოლების სახელმძღვანელოთა შესახებ ლაპარაკის დროს მხედველობაში გვაქვს არა მარტო სპეციალური სასწავლო ლიტერატურა, არამედ ყველა წიგნი, რომელიც კი სკოლებში იხმარებოდა სათანადო საგნის სწავლების ან შესწავლის მიზნით. ძალიან მცირე იყო სპეციალური სახელმძღვანელოების ზვედრითი წონა საერთო ლიტერატურულ პროდუქტიაში, მაგრამ, სამაგიეროდ, დაბეჭდილი თუ ხელნაწერი წიგნების დიდი უმრავლესობის მთავარი მომხმარებელი იყო სკოლა და მოსწავლე ახალგაზრდობა. ასე იყო როგორც ჩვენში, ისე რუსეთშიც XIX ს. პირველი ნახევრის მთელ მანძილზე და თუ გავიხსენებთ, რომ ამ პერიოდში სკოლებისა და მოსწავლეთა რიცხვის ზრდა გაცილებით უფრო სწრაფი იყო ვიდრე საგამომცემლო ტირაჟებისა—ადვილად დავრწმუნდებით, რომ აღნიშნული პერიოდის სკოლა და მოსწავლე თაობა ყოველთვის მწვავედ განიცდიდა სახელმძღვანელო და საკითხავი ლიტერატურის ნაკლებობას. ამიტომ იყო, რომ ხშირად ოფიციალურ სასწავლო უწყებათა მიერ სახელმძღვანელოდ დაშვებული წიგნები თავისი შინაარსით და აღნაგობით ძალიან შორს იყვნენ იმ მეცნიერებათაგან რომლის სწავლებისა თუ შესწავლის მიზნითაც ხდებოდა მათი გამოყენება. ამავე მიზეზით, უმთავრესად, უნდა აიხსნას ის გარემოებაც, რომ ხსენებულ პერიოდში სასწავლო ნუშაობის პროცესში ფართოდ იყო გავრცელებული კარნახისა და კონსპექტირების ყოვლად უმსგავსო და საზიანო პრაქტიკა. სახელმძღვანელო ლიტერატურის ნაკლებობას განიცდიდა არა მარტო საშინაო, კერძო და ეკლესია-მონასტრებთან არსებული სკოლები, არამედ სახელწიფო და სასულიერო უწყებათა სასწავლებლებიც.

როგორი იყო შინა და სახელმძღვანელოები, რომლებიც კი მოეპოებოდა საქართველოს სკოლასა და მოსწავლე ახალგაზრდობას XIX ს. პირველ ნახევარში?

1. ქართული ენისა და მწერლობის სახელმძღვანელოები

დავიწყეთ ქართული ენის სახელმძღვანელოები და პირველ ყოვლისა საანბანო და ანბანის შემდეგ საკითხავი წიგნები.

ქართული ანბანის სწავლების მეთოდია, რომელზეც ჩვენ უკვე ვილაპარაკეთ, რამდენადმე უეჭველად გულისხმობდა მის სახელმძღვანელოებს ისე, როგორც დაწყებითი სკოლის ყოველი სახელმძღვანელო—სწავლების მეთოდებს.

XIX საუკუნის პირველ ნახევარში, როგორც ვწერდით, წერაკითხვის სწავლებაში გაბატონებული იყო ძველი ანბანთმეტრების მეთოდი და საკვირველი არ არის, რომ საანბანო წიგნებიც ამავე მეთოდით იყო შედგენილი. ამ მეთოდით იყო შედგენილი როგორც ის წიგნები, რომლებიც XVIII საუკუნეში შექმნენ და XIX ს. პირველ ნახევარში კვლავ იხმარებოდნენ, ისე ამ უკანასკნელ პერიოდში შექმნილი საანბანო წიგნებიც.

XVIII საუკუნის ნაბეჭდი ქართული ენის სახელმძღვანელოებიდან XIX ს. პირველ ნახევარში კვლავ იხმარებოდა: 1. სულხან-საბა ორბელიანი-ს „ანბანი პირველად სასწავლო ყრმათათვის“, რომელიც ვრცელდებოდა ხელნაწერი ნუსხით. 2. გაიოზი-ს „ანბანი, ლოცვანი, მოკლე საქრისტიანო სწავლა“ დაბეჭდილი ქ. მოზდოკში 1797 წელს.* 3. პროკოპოვიჩი თეოფანეს „პირველი სასწავლო ყრმათა, რომელსა შინა არის ანბანი და დაწყობა ასოთა“, თარგმანი რუსულიდან (ქართული ანბანის ჩართვით) გაბრიელ ჩხეიძისა, გასწორებული და რედაქტირებული არქიმანდრიტ გერმანეს მიერ და დაბეჭდილი ქ. მოსკოვს 1739 წელს, ხოლო ახლად გადაწერილი დიმიტრი ოქროაშვილის მიერ 1820 წელს, და სხვა საანბანო და ანბანის შემდეგ საკითხავი წიგნები.

* საქართველოში ჩამოტანილი ეს „ანბანი“, მთელი რაოდენობით, პირველსავე წლებში გამოილია. 1804 წელს მთავარმართებელ ციციანოვის თხოვნით გაიოზმა გაუგზავნა მას თბილისის კეთილშობილთა სასწავლებლისათვის თავისი „ანბანის“ და თავისივე „ქართული გრამატიკის ექვსას-ექვსასი გზემალარი (Акты, II, 199).

XIX ს. პირველ ნახევარში წინა საუკუნიდან გადმოსულ ქართულ საანბანო და ანბანის შემდეგ საკითხავ წიგნებს გარდა, საკითხავ და წერიითი სავარჯიშოების მასალად და სახელმძღვანელოდ საშინაო სკოლებსა და ინდივიდური წესით სწავლებისას, კვლავ იხმარებოდა ისეთი „ხალხური სახელმძღვანელოები“, როგორც იყვნენ „ანბანთქებანი“, * „ვეფხის ტყაოსანი“, „ვისრამიანი“, „ამირან-დარეჯანიანი“, „სიბრძნე სიცრუისა“, „დავითიანი“ (გურამიანი), „ყარაზანიანი“, „ლოცვანი“, „დავითნი“, სახარება, სამოციქულო და სხვა საეკლესიო თუ საერთო წიგნები და ხელნაწერები („მოკითხვის წიგნები“, ანუ კერძო ბარათები, „გარიგების ქალაღლები“ და სხვ.)- ყველაზე უფრო მეტი ხნის ისტორია ჰქონდა „დავითნი“. ეს წიგნი, გარდა იმისა, რომ ყველა აღნიშნულ წიგნებზე უფრო ადრინდელია, შეიცავს შედარებით ადვილ ტექსტებს და განმეორებებს, რაც ანბანის შესწავლის შემდეგ პირველ საკითხავ წიგნად აქცევდა მას. ამასთან მისი ტირაჟები უფრო ხშირი და მრავალრიცხოვანია. როგორც ვწერდით, „დავითნი“ XVIII საუკუნეში თბილისისა და მოსკოვის ქართულ სტამბებში დაიბეჭდა 13 ჯერ, ხოლო XIX ს. პირველ ნახევარში ქუთაისისა და მოსკოვის ქართულ სტამბებში დაიბეჭდა 6 ჯერ, სოლიდური ტირაჟით. აღნიშნული გვექონდა გრეთეფ ისიც, რომ „დავითნის“ სხვადასხვა გამოცემას დართული ჰქონდა „ანბანიც“, რის გამო ეს გამოცემები წარმოადგენდნენ როგორც საანბანო, ისე ანბანის შემდეგ საკითხავ წიგნებს. მაგრამ „დავითნი“ უფრო მეტად ეკლესია-მონასტრებთან არსებულ და მღვდელ-დიაკვნათა „საშინაო სკოლებში“ იხმარებოდა. საერო ხასიათის სკოლებში და ერისკაც მასწავლებელთა პრაქტიკაში კი საკითხავ-სახელმძღვანელო წიგნთა შორის ყველაზე მეტი პოპულარობით და პატივისცემით „ვეფხის ტყაოსანი“ სარგებლობდა (მღვდელ-დიაკვნებიც

* აღსანიშნავია „ანბანთქებათა“ წინანდური პოპულარობა XIX ს. პირველ ნახევარშიც. კვლავ პატივისცემაში რჩებოდა როგორც ავტორიანი (განსაკუთრებით ბესიკის, გურამიშვილის), ისე უავტორო „ანბანთქებანი“. სიფრთხილით ეპყრობოდნენ მათ როგორც ანბანის შესასწავლ საშუალებას, ისე კითხვა-წერის ერთგვარ სახელმძღვანელოს. ასე, მაგალითად, კახეთში, სოფ. იყალთოში ექვთიმე თაყაიშვილის მიერ ნაპოვნ ერთ-ერთ, 1817 წლის, ხელნაწერს (აღ. ამილახვარის „კითხვა-მიკებება“) დართული აქვს „ანბანთქება“ შემდეგი მინაწერით: „ანბანთქება ესე გაბრიელ ბერისაგან გადაწერილი იყო სამ ფურცელ ქალაღზე და მე სურვილის გამო ამ წიგნზე გადავსწერე დაუკარგაობას მიზეზით—ანამ“ („არხეოლოგიური მოგზაურობანი და მენიშვანი“, 1, 260).

მიმართავდნენ „ვეფხისტყაოსანს“, მაგალითად, მასწავლებელი მღვდელი ილიას „გლახის ნამშობიდან“, მაგრამ არა ყველგან და ყოველთვის).

XIX ს. პირველ ნახევარში შეიქმნა ახალი ხელნაწერი და ბეჭდური საანბანო და ანბანის შემდეგ საკითხავი წიგნები და სახელმძღვანელოები. ამ პერიოდის ნაბეჭდ საანბანო სახელმძღვანელოთა შორის აღსანიშნავია;

1. ტარასი ალექსი შვილის (მღვდელ-მონაზონი) „ქართული ანბანი სასწავლებლად ყრმათა ხუცურისა და მხედრულისა წერილისა“, სახელმძღვანელო დაბეჭდილია მოსკოვს, 1825 წელს, შეიცავს 76 გვერდს; ავტორი თავის ანბანს „სძღვნის სიმდაბლით კეთილგონიერთა ყრმათა საქართველოსათა“. სახელმძღვანელო შედგენილია ასოთშეერთების (საანბანო) მეთოდით. მოცემულია ხუცური და მხედრული ანბანი, პირველ გვერდზე სამი სწავლადსხვა ზომის მთავრული შრიფტით, ხოლო მეორე გვერდზე—ნუსხა—ხუცური, მსხვილი და წვრილი შრიფტით, და მხედრული ანბანი. მესამე გვერდზეც ხუცური და მხატვრული ანბანია მოთავსებული, მაგრამ შებრუნებული რიგით, ე. ი. იწყება ალფაბეტის უკანასკნელი ასოთი და მთავრდება პირველით; მეოთხე გვერდიდან იწყება საკითხავი მასალა ჯერ ერთმარცვლოვანი და შემდეგ ორმარცვლოვანი სიტყვებით („ლექსნი ერთმარცვლენი“ და „ლექსნი ორმარცვლენი“). საკითხავ ტექსტებად გამოყენებულია „ლოცვები ყოველდღე სათქმელნი“, „სიმბოლო სარწმუნოებისა“ (ხუცურად) და „მოკლე ზნეობითი სწავლანი“ მხედრულად, „შემოკლებული სამღვდლო ისტორია“ (მხედრულად); ბოლოს მოთავსებულია „გამოხატვა ციფრითა“ (ეკლესიურისა—ანბანით, და სამოქალაქოსი—არაბული ციფრებით)—10.000-მდე, და გამრავლების ტაბულა („ტაბლიცა“). ტარასის ანბანი გამოიცა მხოლოდ ერთხელ (ყოველ შემთხვევაში სხვა გამოცემა ჯერ არსად აღმოჩენილა).

2. პლატონ იოსელიანის „ანბანი ქართული, სასარგებლოდ ქართველთა ახალ მოსწავლეთა ყრმათა“, თფილისი, 1838 წ., შეიცავს 34 გვერდს (გამოცემა მე-7, 1853), სახელმძღვანელო შედგენილია საანბანო (ასოთშეერთების) მეთოდით. აქაც ხუცური და მხედრული ანბანია მოცემული ანბანური რიგის მიხედვით. ანბანის შემდეგ იწყება ორ ასო-ბგერიანი მარცვლები ისე, რომ ყოველი თანხმოვანი ასო უერთდება ყოველ ხმოვანს ცალ-ცალკე, მაგალითად: ბა, ბე, ბი, ბო, ბუ; გა, გე, გი, გო, გუ, და ა. შ. რო-

გორც მხედრულად, ისე ხუცურად. შემდეგ მოდის სამ ასო-ბგერაიანი მარცვლები: ბრა, ბრე, ბრო, ბრუ; გრა, და სხვ. ამის შემდეგ იწყება ორ და მეტმარცვლიანი სიტყვები. საკითხავად პლატონ იოსელიანსაც იგივე მასალა აქვს გამოყენებული, რაც მაშინ გავრცელებული იყო საანბანო სახელმძღვანელოებში: ლოცვები, „ზნეობითი სწავლა“ და „მოკლენი მოთხრობანი“. აღსანიშნავია, რომ მან ანბანის სახელმძღვანელოში პირველად შემოიტანა ხალხური შემოქმედების ნიმუშები: ზღაპრები, იგავეები. წიგნის ენა პლატონისათვის დამახასიათებელი ძველი, მძიმე, არქაული ენაა. ბოლოს ავტორს პირველ გამოცემებში მოჰყავს არაბული ციფრები და მათი შესატყვისი ქართული ასოები მილიონამდის და გამრავლების ცხრილია „სქემა გამრავლებისა; მე-7 გამოცემაში კი მარტო—„რიცხვაობა“ ანუ ციფრები მილიონამდის და მათი სახელწოდებანი მხედრულით. პლატონ იოსელიანის ანბანი გამოიცა თერთმეტჯერ, პირველად 1838-ს და უკანასკნელად 1863 წელს.*

3. ი. კ. (ივანე კერესელიძე) „ანბანი ახალ მოსწავლეთა ყრმათათვის“, ტფილისი, 1856 წ., შეიცავს 24 გვერდს. მეთოდი აქაც ანბანურია, შრიფტი კი მხოლოდ მხედრული: „ანბანი რგვალისა ასოისა“ და „ანბანი წვრილის ასოისა“, შეიცავს 38 ასოს (ასო ჟ, რომელიც წინა „ანბანებში“ გვხვდება, აქ აღარ არის). ასოები, როგორც აღნიშნულ მეთოდს შეეფერება, დალაგებულია ანბანური რიგის მიხედვით, შემდეგ, მარცვლები: თითო თანხმოვანი ასო ხმოვანთან: ბა, გა, და, ვა, ზა,—ბე, გე, დე, ზე, და სხვ. ავტორი არა სცნობს არავითარ დიდაქტიკურ პრინციპს. მაგალითად, საკითხავ სიტყვებს იწყებს რთულიდან: სამმარცვლოვანი, ორმარცვლოვანი და შემდეგ ერთმარცვლოვანი: მაგ., ყვი-თე-ლი, წი-თე-ლი; ლუ-რჯი, მწვა-ნე; ჳრა, ხმა, ხენა და სხვ. საკითხავი ტექსტი უმთავრესად საეკლესიო მასალისაგან შესდგება, იწყება „დილის ლოცვით“ (ივ. კერესელიძის ანბანი გამოიცა სამჯერ—1856, 1858 და 1862 წწ.)**.

* პლატონ იოსელიანის „ანბანის“ პირველი და მეექვსე გამოცემის (1838 და 1849) მხოლოდ თითო ეგზემპლარი დაცულია ლენინგრადის, სალტიკოვ-შჩედრინის სახ. ბიბლიოთეკაში. მეორე, მესამე, მეოთხე და მეხუთე გამოცემები აღარ მოიპოვება. ჩვენ ხელთ გვქონდა მე-7 გამოცემა 1853 თბილისის საჯარო ბიბლ. ფონდიდან. არსებობს აგრეთვე შემდეგი გამოცემებიც: მე-9 (1855), მე-10 (1859), მე-11 (1863).

** უკანასკნელ, 1862 წლის, გამოცემას შეცდომით აწერია „პირველად გამოცემული“, ნამდვილად კი იგი მესამეა. მოგვეპოვება მეორე გამოცემა, 1858 წლის.

ამ საანბანო სახელმძღვანელოების ტირაჟი და გავრცელების არე იმდენად მცირეა, რომ ქალაქის ოფიციალურ სკოლებსაც ვერ აკმა-ყოფილებს. 50-იანი წლების დასაწყისში ქუთაისის გიმნაზია, მოკლებული პლატონ იოსელიანის ანბანსაც კი, რომელიც 1849 წელს მე-6-ედ გამოიცა, და გიმნაზიის პირველი კლასის მოწაფეები აკაკი წერეთლის („ჩემი თავგადასავალი“) და გიორგი წერეთლის („ჩვენი ცხოვრების ყვაილი“) მოწმობით, კედელზე გაკრული „ამოსაღებით“ სწავლობენ ქართულ კითხვას. თუ ასეთია მდგომარეობა სახელმწიფო საშუალო სასწავლებლებში, როგორც არის გიმნაზია, არ უნდა გვიკვირდეს, რომ ქართული წერა-კითხვის სწავლების ხალხურ სახელმძღვანელოებს უფრო მეტად იყენებენ სამაზრო სამოქალაქო და სასულიერო სასწავლებლებში და სამრევლო სკოლებში, რომლებიც უფრო ახლოს იყვნენ ხალხთან, ვიდრე საშუალო სასწავლებლები.

ქართული ენის გრამატიკის სახელმძღვანელოების მხრივ უკეთესად იყო, შედარებით, მომარაგებული საქართველოს სკოლა XIX ს. პირველ ნახევარში. კარბად არც ასეთი წიგნები მოიპოვებოდა, მაგრამ მოთხოვნილება, შედარებით საანბანო წიგნებთან, ნაკლები იყო. გრამატიკის სახელმძღვანელოებს ხმარობდა მხოლოდ სკოლა და მასწავლებლობა, მოსახლეობა კი ნაკლებად კითხულობდა მას.

XIX ს. პირველ ნახევარში ჩვენ ვხვდებით გრამატიკას ელემენტარულ კურსებს დაწყებითი (დაბალი) სკოლებისათვის და სისტემატურ კურსებს—საშუალოსათვის. პირველთა ჯგუფს ეკუთვნის: იოანე ქართველი შვილის—„ქართული ღრამატიკა“, დაბეჭდილი ორჯერ (1815 და 1825 წწ.), ნუსხა ხუცური და ნაწილობრივ მხედრული შრიფტით; პლატონ იოსელიანის—„პირველ-დაწყებითნი კანონნი ქართულისა გრამატიკისა“, დაბეჭდილი პირველად 1840 წელს,* მეორედ 1851 წ., მესამედ 1863 წ., და სხვა ხელნაწერი სახელმძღვანელოები. მეორეთა ჯგუფს ეკუთვნის: ანტონის ცნო-

* პლ. იოსელიანმა თავისი გრამატიკა დასწერა 1831 წელს და წარუდგინა გამოსაცემად თბილისის სას. სემინარიის რექტორს ევგენის. ამ უკანასკნელმა საქ. ეგზარხოს იონასაჯან აილო გამოცემის ნებართვა, მაგრამ 8—9 წელი დასჭირდა ამ პატარა წიგნის წინასწარ გასინჯვა-შემოწმებას სხვადასხვა პირთა და ინსტ.ნციების მიერ.

ბილი გრამატიკის მიხედვით მოკლედ შედგენილი „ქართული გრამატიკა“* და სოლომონ დოდაშვილის (დოდაევის)— „შემოკლებული ქართული გრამატიკა“ (დაბეჭდილი 1830 წელს), რომლითაც XIX ს. 30-იან წლებში თვით ავტორი და სხვა პედაგოგები ასწავლიდნენ ქართული ენის გრამატიკას თბილისის გიმნაზიაში და მრავალი (რამდენიმე ათეული) სხვა სახელმძღვანელო ქართული გრამატიკისა.

ქართული გრამატიკის აღნიშნული კურსები, როგორც სასკოლო სახელმძღვანელოები, წარმოადგენდნენ სასწავლო გრამატიკას და ამდენად მასალის ხასიათი, განლაგება და გარკვევა ნაცადია მათი პედაგოგიკური დანიშნულების გათვალისწინებით. ამ მხრივ აღსანიშნავია ხსენებული იოანე ქართველიშვილის მიერ პირველად 1809 წელს შედგენილი „ქართული ლრამატიკა შეთხზული ტფილისის საკეთილშობილოს სასწავლებლის მოძღვრის პროტოპოპის იოანე ქართველოვისაგან სახმარად მისვე სასწავლებლისა, 1809 წელს ტბილისს“ (ხელნაწერი). მის „წინათუწყება“-ში ავტორი ამბობს: „თუმცაღა ცნობა კანონთა ლრამატიკისათა კმად აღწერილ არს განსვენებულისა საქართველოს კათალიკოს პატრიარქის ანტონისაგან მის მიერ ქნნილსა ლრამატიკასა შინა; გარნა ვინათგან სივრცისა გამო მისისა არა ადვილ ძალუცსთ ჰსწავლებად იგი მცირეწლოვანთა ყრმათა, ამისთვის და გულისმოდგინებითა ძლითცა თანამდებობისა ჩემისადმი ეგრეთვე სასარგებლოდცა ყრმათა თანამემამულეთა ჩემთათა დაეშვერ შეთხზვასა ხელმყოფმან აღწერად ამისსა ვიმეცადინე მჰსგავს ყოფად სისტემად მისი როსსიულისა ლრამატიკისა თანა, ხოლო სხვანი კანონი ლექსთწარმოებისა და ლექს თხზულებისანი დავჰსდე ყოველნივე ესრეთნი ვითარცათა მოითხოვდა თვისება ქართულისა ენისა“.**

XIX ს. პირველ ნახევარში საქართველოს სკოლას მოეპოვება აგრეთვე ქართული ენისა და ლიტერატურის ერთიანი სახელმძღვანელოებიც. ასეთები წარმოადგენდნენ უფრო მეტად ქრესტომათიებს, ნაკლებად კი—ცალკე ავტორთა ორიგინალურ თხზუ-

* ერთი ეგზემპლარი ამ გრამატიკისა, გადაწერილი 1818 წელს ნიკო დადიანის (ნიკოლაი დადიანოვის) მიერ, აღწერილი აქვს მოსე ჯანაშვილს: Описание рукописей церковного музея, III, 275.

** საქ. მეზ. წ-ის დ. 4432.

ლებებს. ქრესტომათიული ხასიათის სახელმძღვანელოები მეტ-ნაკლებად შეიცავდნენ ქართულ ანბანს, წერის დედანს. მხატვრული ლიტერატურისა და ხალხური შემოქმედების ნიმუშებს, გრამატიკას, ისტორიულ-გეოგრაფიულ და საბუნებისმეტყველო მასალას. ხოლო ზოგჯერ ამას ემატებოდა აგრეთვე მათემატიკის ელემენტებიც და ასეთ ენციკლოპედიური შინაარსის წიგნებს იყენებდნენ უკვე არამარტო ქართული ენისა და ლიტერატურის სახელმძღვანელოდ, არამედ მათი საშუალებით სწავლობდნენ სხვა საგნებსაც.

XIX ს. პირველ ნახევარს მრავალი ამ ხასიათის სახელმძღვანელო გამოიპყვა XVIII საუკუნიდან; მაგალითად, მღვდელ ნიკოლიჩ ჩაჩიკაშვილის მიერ 1774—1779 წ. შედგენილ-გადაწერილი „კრებული“, რომელშიც შედიოდა ნაწყვეტები: ყარამანიანიდან, ვეფხის-ტყაოსნიდან, ამირან-დარეჯანიანიდან, ბარამ-გურიანიდან, თიმსარიანიდან, სიბრძნე-სიცრუიდან, თეიმურაზ I და თეიმურაზ II ნაწერებიდან, ბაგრატ ბატონიშვილის პოლემიკური „მოთხრობა სჯულთა უღმრთოთა ისმაილიტთაი“, ლექსად გადაკეთებული იაკობ დუმბაძის (შემოქმედელის) მიერ ახალი სათაურით: „უსჯულონისა მუჰამედის და ქრისტიანთა გაბაასება“ და სხვა მასალა.*

XIX ს. პირველ ნახევარში შედგენილ-გადაწერილ ქართული ენისა და ლიტერატურის ქრესტომათიებიდან უნდა აღინიშნოს საქ. მუზეუმის ხელნაწერთა განყოფილებებში დაცული კრებული (570 გვ., ზ. 21 × 18) გადაწერილი 1816 წელს მოსესა ყორღანოვის მიერ. ამ კრებულში შეტანილია: წიგნი საარაკო, ლეო-მეჯნუნიანი, ზილიხანიანი, „სიბრძნე-სიცრუის“ არაკები, და თეიმურაზ II ლექსები (მუნასიბი). „სიბრძნე-სიცრუის“ ტექსტის დასასრულს გვხვდება გადამწერის შემდეგი მინაწერი: „დასრულდა ესე წიგნი სიბრძნისა და სიცრუისა წერითა და ხელითა მისივე პატრონისა კეთილშობილისა მოსესა ყორღანოვისათა, ოდეს ხელათ ავიღე ამისი წერასა, აღარ მოვეშვი და დავასრულე, ვითა ჩემგან შეიძლებოდა ყრმათათვის საკითხავი (ხაზი ჩენია, გ. თ.) და მრავალსა ადგილას გამოსადეგი, საღვთოში თუ საეროში და ამხანაგთა თანა შესაქცევარი. რომელმანცა ესე წიგნი აღმოიკითხო დროულმან თუ ყრმამან, მომიხსენიეთ მე ცოდვილი ამისი მწერალი, რომელნიცა თქვენცა იყვნეთ

* ამ კრებულას ერთი, როგორც სჩანს, უფრო ვრცელი ეგზეპლარი აღწერილი აქვს მოსე ჯანაშვილს: „Описание...“, III, 87.

ღსენებული წინაშე ღეთისა. ამინ“.* ამასთან, კრებულის გადამწერი იძლევა დარიგებას, თუ როგორ უნდა იქნეს წიგნი ხმარებელი, რომ ავი არ დაიხეს და არ გაუსუფთავდეს. ეს მინაწერი საერთოდ მოწმობს, რომ „კრებული“ გათვალისწინებულია უმთავრესად სკოლებში სახმარ, სასწავლო წიგნად ყრმათათვის და ეს დარიგებაც მათ საუურადღებოდაა მიწერილი. იმავე მოსესა ყორღანოვს 1834 წ. გადაუწერია „ყ ა რ ა მ ა ნ ი ა ნ ი“, თარგმნილი თურქთა ენიდან დავით ორბელიანის მიერ „ყრმათათვის საკითხავად საამური და სწავლა არის“.**

ფრიად მნიშვნელოვან სახელმძღვანელო წიგნს წარმოადგენს აგრეთვე საქ. მუზეუმის ხელნაწიერებში დაცული „კრებული“ გადაწერილი ქ. ნოსკოვს, 1826 წელს, გიორგი ავალიშვილის (ავალოვის) მიერ. ამ კრებულში მოთავსებულია ვახტანგ VI, ნამუკა ბარათაშვილის, დიმიტრი ორბელიანის, ზაქარია გაბაშვილის, დიმიტრი სააკაძის, დიმიტრი ბაგრატიონის, ალექსანდრე ქავჭავაძის და სხვ. თხზულებანი, აგრეთვე დავით აღმაშენებლის „გალობა სინანულისა“ შემთხვევანი იმერთა მეფის სოლომონის ძისა, გიორგი ალექსანდრესისა“, და საღმთო წერილის მცირეოდენი მასალა. განსაკუთრებულ ინტერესს იწვევს ამ კრებულის დანართი სრული ასომთავრული ანბანი შედგენილი მროველი მიტროპოლიტის ნიკოლაოზის მიერ,** მგრაჲ ეს „ანბანი“. გარჩეულია ჩვენი შრომის პირველ წიგნში და ახლა აღარა გვაქვს რა დასამატებელი.

აქ ჩამოთვლილი ტიპის კრებულები სხვაც მოგვეპოება და არც თუ მცირე რაოდენობით.

გვაქვს ცნობა, რომ „სასწავლო წიგნად“ ქართულ ენასა და ლიტერატურაში იხმარებოდა აგრეთვე ლექსთა კრებული „მრავალ-ყვავილოვანი“ შედგენილი გიორგი თუმანიშვილის მიერ. ამ წიგნის შესახებ პლატონ იოსელიანი გადმოგვცემს: „გიორგი თუმანიშვილი, ძე ეგნატე მღვინისა, მოყვარე მწიგნობრობისა და მწერლობისა, ამან შეკრიბა ერთ წიგნათ ლექსნი ძველად თქმულნი და უწოდა ქართველთა მწერლობისა ამის საუნჯესა „მრავალ-ყვავილოვანი“. დღესაცა აქვს შვილსა მისსა ღენერალ-მაიორსა ალექსანდრეს.

* საქ. მუზ. ხელნაწ. განყ., II ფ., № 59.

** იქვე, 57.

*** საქ. მუზ. ხელნაწ. განყოფილება, A ფ., № 303 (ექ. თაყაიშვილი — „არხეოლოგიური მოგზაურობანი“, 1,224—225.

მოკვდა 1837 წელსა.* ამჟამად ეს „ქრებული აღარ მოიპოება და არც სხვა წყაროებიდან ვიცით რა მასალას შეიცავდა იგი.

სხვა სახელმძღვანელოებიდან უნდა აღვნიშნოთ:

„სასიამოვნო წალკოტი ყრმათათვის ანუ კრება სასიამოვნოთა და რჩეულთა ზღაპართა ცხადითა და ადვილისა ზნეობითისა სწავლითა“, გადმოთარგმნილი რუსულიდან თბილისის სასულიერო სემინარიის მოწაფის ანდრია წიწვიანიძის მიერ დაგამოცემული 1842 წელს. „კრება“ შეიცავს 69 პატარა მოთხრობას მორალურ-დამრიგებლური ხასიათის თემებზე.

ჩუბინაშვილი (ჩუბინოვი) დავით—„ქართული ქრისტომატია“ ანუ გამოკრებილნი ადგილები ქართულთა წერილთაგან“, დაბეჭდილი სანკტპეტერბურგს, 1846 წელს ორ ნაწილად. პირველი ნაწილი, გამოცემული ცალკე წიგნად, შეიცავს პროზას, მეორე—პოეზიას. პირველი ნაწილი შიძღვნილია (რუსული წარწერით) პეტერბურგის სასწავლო ოლქის მზრუნველის მ. ნ. მუზინ—პუშკინისადმი და იწყება რუსულად დაწერილი შესავალი წერილით: „Известия о грузинских книгах, из которых выписки вошли в состав хрестоматии“.

ჩუბინაშვილის ქრესტომათიაში შედის შემდეგი მასალა: „სიბრძნე სიცოცხლის ზღაპრისაგან“, „ამირან დარეჯანიანისაგან“, „რუსულანიანისაგან“, „ვისრამიანისაგან“, „ქილილა და დამანასაგან“, სიგელები, „ტიმოთეს მოგზაურობისაგან“, „ქართლის ცხოვრებისაგან“, „მამათა ცხოვრებისაგან“, „მარტირიკასაგან“, „დაბადებისაგან“ (ხუცურად), ქართული ანდაზები, „სამართალი ბატონიშვილის ვახტანგისა“. დასასრულს დ. ჩუბინაშვილის ქრესტომათიის 1 ნაწილს დართული აქვს ხუცური „ანბანა“—შეპატყვისი მხედროულით. ქრესტომათიის მეორე ნაწილში მოთავსებულია ვეფხის-ტყაოსანი და „ქართული სიმღერები“ ბესიკის, მარიამ ბარათაშვილის (ბარათოვის), მზეკაბუჯ ორბელიანის, ზაალ ბარათაშვილის (ბარათოვის), დიმიტრი-თუმანიშვილის (თუმანოვის) და სხვა ლექსები.

„ყრმათა-მეგობარი—პირველად დაწყებისათვის წაკითხვისა, თარგმანი რუსულიდან ივ. კერესელიძის მიერ. ეს წიგნი წარმოადგენს თარგმანს მაქსიმოვიჩის „Друг детей, книга для первоначального чтения“, переведенная с русского на грузинский язык Ив. Кереселидзевым“. პირველად გამოიცა-

* პლ. იოსელიანი—ცხოვრება გიორგი მეცამეტისა, 264, 1936.

(ქართული თარგმანი) 1852 წელს. თარგმნილი იყო იგი ძველი, ანტონ პირველის (კათალიკოსის) ენით, რაც ძალიან აძნელებდა მის გაზოგვენებას. ამის გამო, შემდეგ (1853) წელს კვლავ გამოსცა იგი უკეთესი თარგმანით და ახალი ქართულით. წიგნს ეწოდება: საკითხავი წიგნი ახალმოსწავლეთა ყრმათათვის, თარგმანი რუსულიდან ივ. კერესელიძის მიერ. გამოიცა ოთხჯერ: 1853, 1855 (მესამე გამოცემა არ შენახულა) და 1861 წწ. წიგნს წამძღვარებული აქვს „ანბანი ქართული“, ერთმარცვლოვანი, ორმარცვლოვანი, სამმარცვლოვანი, ოთხმარცვლოვანი და ხუთმარცვლოვანი სიტყვები, შეკრებილი მთარგმნელის (ი. კ-ის) მიერ. შემდეგ მიღის „შემოკლებულნი დებულებანი ყურადღების განღვიძებისა და გონების გახსნისათვის“. ეს თავი შეიცავს პატარა ნაწყვეტებს სწავლის მნიშვნელობის შესახებ და ცნობებს ბიოლოგიიდან, გეოგრაფიიდან, ფსიქოლოგიიდან, ზოოლოგიიდან, ყოფა-ცხოვრებიდან და სხვ.; მთარგმნელს ჩამატებული აქვს რამდენიმე ადგილი სპეციალურად ქართველ მოსწავლეთათვის: მაგალითად—„მე ვიცი, რომ ამ ჩვენს მხარეს საქართველო ჰქვია და რუსთ ხელმწიფობას ეკუთვნის“ (27). წიგნის მეორე ნაწილში წარმოდგენილია—„სხვა და სხვა ანბავი“—არსებითად კი დიდაქტიკური მოთხრობები—სულ 17. დასასრულს: „ფულის ანგარიში“ და ხუცური ანბანი, მცირეოდენი საკითხავი მასალით.

ქრესტომათიული ხასიათის კრებულები, ვიმეორებთ, ბლომად მოიპოვება. მათი აღნაგობა და მასალა ნაკლებად განსხვავდება მ. ყორღანაშვილისა და დ. ჩუბინაშვილის ქრესტომათიებიდან. გასაგებიცაა: ახალი ლიტერატურული მასალა XIX ს. პირველ ნახევარში ძალიან იშვიათი იყო, რომ მით განეახლებიათ შემდგენელ-გადამწერთ თავიანთი „კრებულები“.

XIX ს. პირველ ნახევარში საქართველოს სკოლებში მოიპოვებოდა ქართული წერის დედნებიც. ისინი ვრცელდებოდნენ მხოლოდ ხელნაწერი სახით: ან ცალკე ფურცლებზე ან სახელმძღვანელო წიგნებზე ძიწვრით. მართალია მრავალრიცხოვან გადამწერთა ხელშევალილი დედნები ჰკარგავდნენ პირვანდელი დედნის სახეს, მაგრამ რამდენადაც ეს პირვანდელი სახე არავისაგან ყოფილა დადგენილი და, მაშასადამე, ერთი, ყველასათვის სავალდებულო დედანი არ არსებობდა,—ყოველი მასწავლებელი იწერდა ისე, როგორც შეეძლო და საკუთარი „დედნით“ ასწავლიდა თავის მოწაფეებს. უფრო სტაბილური, შედარებით, იყო ის დედნები, რომლებიც სა-

ხელშეწყობილი წიგნებს ჰქონდათ დართული, მაგრამ, სამაგიეროდ, შათი გავრცელების არე მცირე იყო ისე, როგორც სქელტანიან წიგნთა, რომელთაც ისინი გასდევდნენ. დღემდე დარჩენილი ასეთი დედნის ერთ-ერთ ნიმუშებად შეიძლება დაკასახელოთ: თ ე ი მ უ რ ა ზ ბ ა გ რ ა ტ ი ო ნ ი ს (ბატონიშვილის) დედანი დიდი ასომთავრული ასოებისა, დაწერილი 1811 წ. (საქ. მუზ. ხელნაწ. H—2225), ტ ა რ ა ს ი ა რ ქ ი მ ა ნ დ რ ი ტ ი ს მიერ 1816 წელს გადაწერილ საბას ლექსიკონისათვის¹ დართული სუფთად და ლამაზად შესრულებული, კალიგრაფიული წერის სახეები.* ქართული წერის დედნების დაბეჭდვის ცდებიც კი იყო აღნიშნულ პერიოდში: 1832 წლის შეთქმულების საგამომძიებლო კომისიისათვის მიცემულ ჩვენებებში მღვდელი ეფრემ ალექსიშვილი ამბობს: „პირველად წარსულის, 1832 წლის ეპკონებ სეკდემბერში, მოსულიყო უფალი დოდაევი ჩემთან მაშინ, როდესაც მე არ ვიყავ შინ და დაეგდო ქართული პრეპისები და ეთქვა თბილისის ღმნაზიის მოწაფეთა დავით მაჩაბელოვისა და ჩემის შვილის ალექსისათვის: უთხარით მოძღვარსა— დირექტორმა სთხოვა ეს დედნები გადასწეროს კარგს ხელზედ, უნდა დაეაბეჭდინოთ ღმნაზიის მოწაფეთათვის“.** ამ დედნებს ჩვენამდე არ მოუღწევია არც ბეჭდური და არც ხელნაწერი სახით; მაგრამ მათი არსებობის ფაქტის აღნიშვნაც არ უნდა იყოს ინტერესს ზოკლებული.

2. რუსული ენის სახელმძღვანელოები

რუსული ენის აელა XIX ს. პირველ ნახევარში სწარმოებდა როგორც ოფიციალურ ანუ სასკოლო სწავლების, ისე არაოფიციალური ანუ კერძო სწავლებისა და თვითგანვითარების გზით; ამასთან რუსული ენის შესწავლა კერძო სწავლებისა და თვითგანათლების გზით უფრო ფართო და მასობრივი იყო ვიდრე ოფიციალური, სასკოლო გზით და ეს განსაზღვრავდა სახელმძღვანელოების ხასიათსაც. საქართველოს ოფიციალურ სკოლებში (თბილისის კეთილშობილთა სასწავლებელში, გიმნაზიებში, საშაზრო სასწავლებლებში, სასულიერო სემინარიასა და სასულიერო სასწავლებლებში და ქალთა სახელმწიფო

* საქ. მუზ. ხელნაწ. განყოფილება, H. ფ., № 288, აგრეთვე, H ფონდის № № 2298, 1420, 1727, 1118.

** 1832 წლის შეთქმულება, I, 291 - 1.

თუ საქველმოქმედო საზოგადოებათა სკოლებში) იხმარებოდა რუსეთის ასეთსავე სასწავლებელთათვის განკუთვნილი სახელმძღვანელოები, რომელთა გარჩევასაც ჩვენ აქ არ შევუდგებით; დავასახელებთ მხოლოდ ერთ-ერთ საანბანო და ანბანის შემდეგ საკითხავ წიგნს, რომელიც XIX ს. პირველი ნახევრის დასასრულს იხმარებოდა; ამით გვინდა ნათელი გაეხადოთ ის ფაქტი, რომ ნახევარი საუკუნის განმავლობაში რუსული ანბანის სახელმძღვანელოთა საქმე ბევრით არ წასულა წინ.

რუსული ენის ერთ-ერთი საანბანო და ანბანის შემდეგ საკითხავი წიგნი, რომელიც XIX ს. პირველი ნახევრის დასასრულს იხმარებოდა საქართველოა სახელმწიფო (ანუ რუსულ ენაზე სწავლების) სკოლებში, იყო: „Новейшая полная Российская азбука, заключающая в себе: молитвы, нравоучительные изречения, правила учтивости, понятия, нужные для юношей и для всякого христианина, священную историю ветхого и нового завета, анекдоты, повести, басни, стихотворения для детей, с гравированными картинками“. გამოცემულია მოსკოვს 1852 წელს, ავტორი (შემდგენელი) აღნიშნული არ არის. წიგნის შინაარსის (მასალის) შესახებ კი ლაპარაკობს ესოდენ გრძელი მისი სათაური. ანბანი შეიცავს 35 ასოს. შედგენილია ანბანთშეერთების მეთოდით. ასოები განლაგებულია რუსული ანბანის რიგით: პირველად პირველ გვერდზე მოცემულია ბეჭდური ასო А და იქვე მიწერილია მისი სახელი—аз. ქვემოთ (შუავულში) დახატულია აპელსინით მოვაკრე, რომელსაც ქვეშ მიწერილი აქვს: А.—апельсины; მეორე გვერდზე: Б.—буки, დახატულია მოვაკრე ბლინებით, და მიწერილი აქვს: Б.—блины, მესამე გვერდზე—В.—веди, დახატულია მოვაკრე შაშხით და მიწერილი აქვს: В.—ветчина хорошая და ასე შემდეგ, ბოლომდის. სურათების დანიშნულება გასაგებია, ხოლო, ქვეშ მინაწერები, რომლებსაც ბავშვები გარდა პირველი ასოსი ვერ წაიკითხავენ, განკუთვნილი უნდა იყოს მასწავლებლისათვის, მაგრამ მათი დანიშნულება გაუგებარია. ანბანის დამთავრების შემდეგ იწყება მარცვლები (складки): ყველა თანხმოვანი—ხმოვანთან: ჯერ თანხმოვანი, მერე ხმოვანი: ба, ва, га, да, жа—და ასე შემდეგ, ხმოვანი თანხმოვანთან: аб, ав, аг, ад, аж და ასე ბოლომდის. ორ-ბგერიანი მარცვლებიდან გადადიან სამ-ბგერიან მარცვლებზე: бра, вра, гра. ასე, ყველა თანხმოვანს უერთდება მარცვალი ре,—შემდეგ ри, ро, ру, ры, ре, рю, ря.

ამას მისდევს სიტყვები: ერთმარცვლოვანი (один, один), შემდეგ ორმარცვლოვანი (два-три, два-три), შემდეგ სამმარცვლოვანი (один-два-три), ოთხმარცვლოვანი (четыре-пять), ხუთმარცვლოვანი (шесть-семь) და, ბოლოს, მრავალმარცვლოვანი სიტყვები (многочислительные). ამის შემდეგ იწყება სავარჯიშოები და კიბხვა ზემოხსენებული მასალისა.

სახელმძღვანელო ძალიან პრიმიტიულია; როგორც მეთოდით, ისე ლექსიკით და გრამატიკული ცნობებით არაფრად განსხვავდება XIX ს. დამდეგის სახელმძღვანელოებიდან და მოწმობს იმას, თუ რამდენად ჩამორჩენილი იყო რუსული ენის საანბნო წიგნები კ. დ. უშინსკის სახელმძღვანელოებამდე, 60-იანი წლების დასაწყისამდე.

გაცილებით უკეთესი მდგომარეობა იყო რუსული გრამატიკის სწავლების მხრივ რუსულ, ოფიციალურ სკოლებში. მაგრამ არა საუკუნის დასაწყისიდანვე, არამედ 30-იანი წლებიდან.

1828 წლისათვის თბილისის კეთილშობილთა სასწავლებელში რუსული გრამატიკის სახელმძღვანელოდ ხმარობდნენ ნიკოლაი გრეჩის — „Пространная русская грамматика“-ს. 1828 წელს სოლ. დოდაშვილი, რომელიც ამ დროს თბილისის კეთილშობილთა სასწავლებელში მასწავლებლობდა, ამ წიგნის შესახებ სწერდა იონა ხელაშვილს ს-პეტერბურგს: „დიდათ საკირო გახლავთ ღრამატიკა რუსული ნიკოლოზ გრეჩისა, ახალი გამოცემული და განვრცელებული, ინებეთ გამოგზავნა ორისა თუ სამი ეგზემპლარიისა“.*

1831 წელს დაწყებითა სკოლებმა (სამაზრო სამრევლო და საშუალო სასწავლებელთა დაბალმა კლასებმა) მიიღეს „ალ. ვოსტოკოვის მშენიერი გრამატიკა: „Сокращенная русская грамматика—для употребления в низших учебных заведениях“.** გრამატიკა შედგება ოთხი ნაწილისაგან: о словопроизведении (предварительные понятия об имени существительном, об имени прилагательном, о местоимении, о глаголе, о наречии, о предложении, о союзе, о междометии); о словосочинении (введение, о согласовании слов, о уп-

* საქ. მეცნ. აკადემია — მასალები საქართველოსა და კავკასიის ისტორიისათვის, სოლ. დოდაშვილს წერილები, ს. ხუციშვილის შესავალი წერილითა და შენიშვნებით, II, 108

** იმავე წელს გამოიცა ვოსტოკოვის სრული გრამატიკა.

რავლენი სлов, о составлении периодов и знаках препинания); о правописании (о употреблении букв по произношению, о употреблении букв по месту их); о слогуударении, რომელსაც ერთვის: о стопосложении. ალ. ვოსტოკოვის გრამატიკაში სავსებით სწორადაა შეფარდებული გრამატიკის მეცნიერული სისტემა მის სასწავლო მიზნებთან. განმარტებათა .სიზუსტე და გარკვეულობა, მაგალითების სიჭარბე და მოხდენილობა ბრუნვათა და უღვლილებათა ცხრილების სიმარტივე და სხვა ღირსებანი ვოსტოკოვის გრამატიკას აძლევდნენ მაღალ პედაგოგიურ ღირებულებას, რის გამოც ის დიდხანს რჩებოდა რუსული გრამატიკის სახელმძღვანელოდ როგორც რუსეთის, ისე საქართველოს რუსულ სკოლებში.

1846 წლიდან ქართველ ახალგაზრდობას რუსული ენის შესწავლის საქმეში დიდ დახმარებას უწევდა დავით ჩუბინაშვილის (ჩუბინოვის) „Русско-грузинский словарь“, რომელსაც დართული ჰქონდა მოკლე რუსული გრამატიკა ქართულ ენაზე (გამოიცა პეტერბურგში); მეორე წელს მისი „მოკლე რუსული გრამატიკა“ გამოიცა ცალკე (პეტერბურგში) და ძალიან სწრაფად გავრცელდა საქართველოში.

არის ცნობები რუსული ენის სხვა სახელმძღვანელოთა შესახებაც. 1802 წელს დაარსებული თბილისში პირველდაწყებითი სასწავლებლის „წესები“ ითვალისწინებენ შემდეგ სახელმძღვანელოებს I კლასისათვის: „1. ანბანის ტაბულა, 2. მარცვლების ტაბულა, 3. რუსული და ქართული ანბანები, 4. (წერის) დედნები, 5. სუფთაწერის სახელმძღვანელო, 6. სიტყვარი რუსულ და ქართულ ენებზე; II კლასისათვის: 1. გრამატიკა რუსული და ქართული, 2. უბნობანი (разговоры) ორივე ენაზე“ და სხვ.* 1806 წელს თბილისის კეთილშობილთა სასწავლებელში რუსულ ლიტერატურაში ხმარობდნენ ლომონოსოვის „რიტორიკასა“ და ლიტერატურულ ქრესტომათიას, ხერასკოვის — „Царь или спасенный Новгород“ და სხვა წიგნებს, რომლებიც დაშვებული იყვნენ მოსკოვის საიმპერატორო გიმნაზიის სახელმძღვანელოებად.

არაოფიციალური გზით ანუ კერძოდ და საშინაო სკოლების საშუალებით რუსული ენის სწავლებისა თუ სწავლისათვის, პირველ ყოვლისა, სარგებლობდნენ ე. წ. „რაზღავორების“ წიგნით, რა სახელითაც ცნობილი იყო რუსული ენის პრაქტიკული სახელმძღვა-

* Акты, 1,511.

ნელო: „Собрание российских разговоров—в общежитии употребляемых с приобщением грузинского перевода, в пользу благородного юношества“ („შეკრება რუსულთა უბნობათა საზოგადოდ ცხოვრებასა შინა სახმარებელთა დართვითა ქართულისა თარგმანითასა, სასარგებლოდ კეთილშობილთა ყრმათა“).

„რუსულთა უბნობის“ ანუ „რაზღაგორის“ წიგნებმა გარკვეული განვითარება განიცადეს. ჩვენ დრომდე აღმოჩენილია მხოლოდ სამი გამოცემის თითო ეგზემპლარი: 1819 წელს თბილისში ორჯერ გამოცემულისა და 1726 მესამედ პეტერბურგში დასტამბულისა. 1819 წლის პირველი გამოცემა (თბილისის საჯარო წიგნთსაცავში დაცული) მეტად უხეიროა. ეს გამოცემა, როგორც ჩანს, გულისხმობდა რუსული კითხვის (ანბანის) არმცოდნეთა მიერ რუსული ენის შესწავლას და ამის მიხედვით რუსული სიტყვები და ფრაზები დაბეჭდილია ქართული ტრანსკრიპციით. ასე რომ, ამ წიგნით რუსული ენის შემსწავლი ვერას დროს ვერ ისწავლიდა რუსულ კითხვას (წერაზე ხომ ზედმეტია ლაპარაკი). ამას გარდა, რუსული ფრაზების შესატყვისი ქართული ფრაზები უმეტეს შემთხვევაში საშინელ სიმახინჯეს წარმოადგენს. მაგრამ იმავე წლის მეორე გამოცემიდან ცხადი ხდება, რომ ჩქარა მიხვედრილან აღნიშნულ აბსურდს და აქ, ამ მეორე გამოცემაში, რუსული ფრაზები მოყვანილია რუსული ტრანსკრიპციით, ხოლო მათი შესატყვისი ქართული თარგმნები რამდენადმე მაინც გასწორებულა. უფრო შესამჩნევად ეს გაკეთებულია მესამე, 1826 წლის, გამოცემაში: „შეკრება რუსულთა უბნობათა...“.

„შეკრების“ პირველ გვერდზე მოცემულია: „Букварь российской с грузинским“—„ანბანა რუსული—ქართულითურთ“—რუსული ანბანის რიგის მიხედვით. ჯერ ასო-ბგერის სახელწოდება (Аз), შემდეგ ასო (а); ამას მოსდევს იმავე სტრიქონში მათი ქართული ტრანსკრიპცია: აზ, ა; ასევე ქვემოთ: Буки, н, ბ უკი, ბ და ასე შემდეგ, ანბანის ბოლომდის. მეორე გვერდზე მოცემულია „ანბანი ქართული რუსულითურთ“—ქართული ანბანის მიხედვით: ან, ა—Ан, а; ბან, ბ—Бан, н და ასე შემდეგ, ბოლომდის.

ამგვარად, პირველ 2 გვერდზე იწყება და მთავრდება მთელი ანბანი: რუსულ-ქართული და ქართულ-რუსული. იგულისხმება, რომ მკითხველმა წინასწარ უნდა იცოდეს კითხვა რომელიმე ამ ენაზე და ერთის ცოდნით შეუძლია ისწავლოს მეორე. მესამე გვერდიდან იწყება ენის (რუსულის ან ქართულის) სწავლა სიტყვათა და წინადადებათა საშუალებით: ყველა რუსულ სიტყვას მიწერილი აქვს შესა-

ტუვისი ქართული. მაგალითად: одинацать—თერამეტი, воскресенье—კვირა; январь—იანვარი და ასე რამდენიმე გვერდის (3—8) მანძილზე. ამის შემდეგ იწყება უშუალოდ Разговор 1-й, უბნობა 1—კითხვა-პასუხის ფორმით: Как вы поживаете?—როგორ ცხოვრობთ?

Слава богу—მადლობა ღმერთს

Я здоров—კარგად გახლავარ.

„რაზღავორის“ ამ წიგნში (მესამე გამოცემაში) შეტანილია სულ 100 საუბარი ყოფაცხოვრებისა და მეცნიერების სხვადასხვა დარგზე. შემდგენელს, პირველ ყოვლისა მხედველობაში ჰქონდა რუსული (ან ქართული) ენის შესწავლა, მაგრამ ამასთან ის სასაუბრო, ლექსიკურ მასალას იღებდა ხალხთა ყოფაცხოვრებისა და მეცნიერების სხვადასხვა დარგიდან იმ მიზნით, რომ ენის შესწავლასთან ერთად მკითხველს სათანადო ცოდნაც მიეღო და ამით უფრო გაეზარდა მისი ინტერესი კითხვისადმი.

ქართული ენა ამ გამოცემისა უკეთეს შთაბეჭდილებას სტოვებს, მაგრამ აქაც გვხვდება (კუდი (ენობრივად და ლოგიკურად) თარგმანები, მაგალითად:

რუსული ფრაზა:

„Вы меня обязываете, принимая участие в том, что до меня касается.“

თარგმნილია:

„თქვენ შემკრავთ მე, რადგან მიიღებთ მონაწილეობას ამანუხედ, რაც მე შემეხება“ (56).

ტერმინოლოგიაც, უმეტეს შემთხვევაში, რუსულია.

მაგრამ, საერთოდ, „რაზღავორის“ მესამე გამოცემის ქართული ენა გაცილებით უკეთესია, ვიდრე იმდროინდელი, XIX ს. 20-იანი წლების, სახელმძღვანელოების ენა და ბევრად აღემატება ანტონ I „ღვარკნილ“ ენას, რომელიც მაშინ ჯერ კიდევ ფართოდ იყო გავრცელებული.*

მეთოდი „რაზღავორის“ წიგნის შედგენისა ძალზე პრიმიტიულია დიდაქტიკის არცერთი წესი არ არის აქ დაცული, სახელმძღვანელოს შედგენის არცერთი პრინციპი არ არის აქ გამოყენებული.

* აი, ერთი ნიმუში „უბნობის“ (მესამე გამოცემის) ენისა: „მოთხარი, შენ გახდას იმისი ძმა ლაპარაკობს ფრანციულად?—ის ლაპარაკობს ფრანციულად, იტალიანურად, ნემეკურად და ანგლიურად.

—როგორ შეუძლიან იმას ცოდნა ადგენის სხვადასხვა ენებისა?—იმას ისინი კარგად უსწავლია და ბევრიც უვლია“ (გვ. 83).

სიტყვებისა და ფრაზების შერჩევა სიძნელე-სიადვილის მხრივ. ერთ (წინა) საუბარში დასწავლილი სიტყვების გამეორების დოზირება მეორე (მომდევნო) საუბარში და ახალი სიტყვების დამახსოვრების ზერხების გამოყენება სრულებით არა დგას შემდგენელთა წინაშე. ძნელი იყო ამ „რაზღაფორებით“ რუსული ენის სწავლა, მაგრამ იმდენად დიდი იყო მისი შესწავლის სურვილი და საჭიროება, რომ ეს წიგნები დიდხანს რჩებოდნენ რუსული ენის სახელმძღვანელოებად ჩვენში. მაგალითად, ნიკოლოზ ბარათაშვილის, გრიგოლ ორბელიანისა და დიმიტრი ყიფიანის ბიოგრაფიებიდან ვიცით, რომ რუსული ენის სწავლა მათ „რაზღაფორის“ წიგნებით დაიწკეს. მაგრამ ამ წიგნებს ორმოციან წლებშიც ხპარობდნენ და ისეთი მოწინავე ოჯახებში, როგორიც იყო აკაკი წერეთლის მამის ოჯახი. რუსული კათხვა „რაზღაფორის“ წიგნით ვისწავლეო—წერს აკაკი თავის „თავგადასავალში“, და განა მარტო ისწავლობდა რუსულ ენას ამ წიგნით 40-იან წლებში?

„რაზღაფორების“ მსგავს პრაქტიკულ სახელმძღვანელოს წარმოდგენდა გოდერძი ფირალიშვილის (ფირალოვის) რუსულ-ქართული ენის თვითმასწავლებელი, რუსულ-ქართული სახელწოდებით: „Самоучитель, содержащій в себе разговоры, нравочения и лексикон на российском и грузинском языках“. („თვითმასწავლებელი, რომელაც იპყრობს თვის-შორის ღრანმატიკასა, ზნეობის სწავლასა, საუბარსა და ლექსიკონსა რუსულსა და ქართულსა ენასა ზედა“)—გამოცემული პეტერბურგს 1820 წელს. წინასიტყვაობაში ავტორი ამბობს:

„—სრულ-ვპყავ მზიარულებით სამლოთოი თანანდები ესე, და მივიღე თავსა ზედა თვისსა შრომაი ყოვლითა შესაძლო-ყოფითა და გულისმოდგინებითა შეთხზვად წიგნისა ამის თვით-მასწავლებლისა, სასწავლებლად ორთა ენათა, ესე იგი: რუსთა ქართულისა და ქართველთა რუსულისა...“

ხოლო ვინაიდგან ესე ვითარი თხზულები ქართულისა ენასა ზედა, რუსულითურთ აქამდე არ ყოფილ არს; ამისათვისცა ტრფიალუარ საამურითა სასოებითა, რომელ ესე მისცემს ქართველთა. ვითარცა სიყრმეთა შინა, ეგრეთვე ყოვლასა ასაკისათა დიდსა სარგებლობასა, და აგრეთვე რუსთაცა მუნ მყოფთა, უფრორე ამაღ, რომელ სცნობენ-რა საფუძველსა ენათა თვისებისათა, უადვილესყე ძალ იღებენ ურთიერთისადმი განცხადებასა საქმეთა თვისთასა“.

„თვითმასწავლებელი“ იწყება ქართული ანბანით. ქართულ ასოებს მიწერილი აქვთ მათი გამოთქმა რუსულად (ა—Ан, ბ—Баи და სხვ.), შემდეგ მარცვლები — მათი გამოთქმით (ბა—ба, გა—га და სხვ.), ციფრები—ანბანური გამოთქმებით და არაბულით (ა—ертн —1; ბ—ори—2 და სხვ.). შემდეგ უფრო სახმარი სიტყვები: ჯერ ქართული სიტყვები ქართული ასოებით, შემდეგ იგივე რუსული ასოებით და ბოლოს—იგივე სიტყვა რუსულად (ღმერთი, гмерти, Бог)-ქართულ ანბანს მისდევს რუსული ანბანი, განლაგებული იმავე პრინციპით, ციფრები არაბული და რომაული—შესატყვისი ქართული ასოებით, უფრო სახმარ სიტყვათა ლექსიკონი. მესამე ნაწილი შეიცავს ვრცელ გრამატიკას საერთოდ („ზოგად ღრამატიკისათვის“), ქართული გრამატიკის თავისებურებათა გამოყოფით. მეოთხე თავი შეიცავს „ზნეობის სწავლისათვის“. მეხუთე ნაწილი, რომელსაც აქვს უფრო მეტი პრაქტიკული მნიშვნელობა, წარმოადგენს საუბარს—ჯერ რუსული წინადადებებით და მერე მისი ქართული თარგმანით: „Добрый день, государь мой!—კეთილი დღეი, ხელმწიფეო ჩემო!“ (სულ არის 18 საუბარი). მეექვსე ნაწილი წარმოადგენს რუსულ-ქართულ ლექსიკონს.

გოდერძი ფირალიშვილი თავისი „თვითმასწავლებლით“ ავრცელებდა აგრეთვე პედაგოგიკურ იდეებსაც, მაგალითად, აქ ვხედავთ ასეთ ადგილებს:

„В науках обыкновенно успевают, когда рачительно и с прилежанием учатся
სწავლასა შინა ჩვეულებისა-
მებრ უსწრებენ, ოდეს გულმოდ-
გინეობით და მეცადინეობით
სწავლობენ“.

ამით ავტორი ფიქრობს რუსული და ქართული ენების ბეჯითად სწავლების პარალელურად დიდაქტიკური იდეებიც გაავრცელოს.

3. ისტორიკა და გეოგრაფია შიხონის სახელმძღვანელოები

ისტორიასა და გეოგრაფიაში, არსებული ცნობების მიხედვით, სასწავლო წიგნებად იხმარებოდა „დავით ბატონიშვილის (ბატონიშვილის)—„ისტორია რომელსა ეწოდების ნარკვევი“, თბილისი, 1800 წ.; თეიმურაზ ბაგვატიონის) „ისტორია დაწყებითგან ივერიისა, ესე იგი, გიორგიისა, რომელ არს სრულიად საქართველოსა“, დაბეჭდილ 1848 წელს, პეტერბურგს; რუდოლფ

ფოსტრატის—„ღირსი ცოდნისა ქალაქთა ევროპისათა“—აღწე-
რილ იოანე ქართველ მღვდელ-მონაზონისაგან*, და
მრავალი სხვ.; დარჩენილია ცნობები, რომ რუსულ სკოლებში სარ-
გებლობდნენ სახელმძღვანელო წიგნით: „Новейшая всеоб-
щая география—или описание всех частей света Европы,
Азии, Африки, Америки и Южной Индии... с прибавлением
Российской географии“, 3 ნაწილად, დაბეჭდილი პეტერბურგს,
მესამე გამოცემა, 1809 წელს. გეოგრაფიის სახელმძღვანელოდ იხ-
მარებოდა აგრეთვე „შეყვანილება ღეოღრაფიისა შინა“;** „ღეო-
ღრაფიული ლექსიკონი ახლის აღთქმისა, მპყრობელი თვის
შორის ანბანთამებრ დაწყობილებითა აღწერიანა ქვეყანათა, სამ-
თავროთა, ქალაქთა, მდინარეთა, ქალაქთა და სხვა ღეოღრაფიულთა
საგანთა... თარგმნილი რუსულიდან ტარასი მღვდელმონა-
ზონის მიერ, დაბეჭდილი პეტერბურგს, 1824 წელს; დავით რეჟ-
ტორის—„ღეოღრაფია... ქვეყნის აღწერა“ (საქ. მუზ. ხელნაწ.
ფ. A—1414) და სხვა ხელნაწერი და ნაბეჭდი წიგნები, რომელთა
შორისაც კვლავ დიდი პოპულარობით სარგებლობდა ვა-
ხუშტის ისტორია და გეოგრაფია.

4. ფიზიკა-მათემატიკის სახელმძღვანელოები

ფიზიკა-მათემატიკის დისციპლინათა სახელმძღვანელოებს
სამაზრო და საშუალო სკოლებისათვის, როგორც ოფიციალურ სას-
წავლებელთათვის, ღებულობდნენ რუსეთიდან, ხოლო საშინაო წე-
სით მოსწავლენი და ეკლესია-მონასტრებთან არსებულ ქართულ
მალაღ-დაწყებთა სკოლებში XIX ს. პირველ ნახევარში ხმარობდნენ
XVIII საუკუნის ორიგინალურ თუ თარგმნილ სახელმძღვანელოებს.
ასეთები იყო: 1. „არიხმეტიკა“, თარგმნილი „ფრანგული ენი-
საგან“ დიმიტრი ციციშვილის მიერ და მიძღვნილი ვახტანგ
VI შვილის ბაქარისადმი, და რამდენიმე სხვა უავტორო სახელმძღვა-
ნელო არითმეტიკასა და გეომეტრიაში. ოცდაათიდან წლებში. იხ-
მარებოდა აგრეთვე რუსულიდან თარგმნილი: „Руководство к
арифметике для употребления в уездных училищах Рос-
сийской империи“, ნაწილი პირველი, 1830; ფიზიკაში იხმარე-

* საქ. მუზეუმ. ხელნაწ. განყ, II ფონდი, № 2314.

** ე. თაყაიშვილი—არხ. მუგზ., I. 289; აგრეთვე: საქ. მუზ. ხელნაწ. განყ.
H—646.

ბოდა: ანტონ I მიერ რუსულიდან გადმოკეთებული „შემოკლებული ფიზიკა თეორეტიკები“;* „ხელმძღვანელობა ფისიკისადმი, სრულ იქმნა წელსა 1814, ტფილისს, დავითის მიერ დიაკონისა გვარად ანანია შვილისა**; გილიარევესკის ფიზიკა, თარგმნილა რუსულიდან („Энциклопедия и физика“) ჩუგუნოვის მიერ 1823 წელს, და სხვა წიგნები, რომელთა შორის ყველაზე მეტი პოპულარობით სარგებლობდა დავ. ბატონიონის (ბატონი შვილის) „შემოკლებული ფისიკა, საქარათ(ველოს) ახალთა მოსწავლეთათვის შესამეცნებლად ფისიკისა“, დაწერილი 1818 წელს, სანქტ-პეტერბურგს (საქ. მუზ. H-2368). არის დარჩენილი ცნობა ქართული გლობუსისა, მათემატიკური ხელსაწყოებისა და მათემატიკური „მრიცხველობის“ არსებობის შესახებ. ფილადელფოს კიკნაძე ერთ-ერთ თავის ჩვენებაში, 1832 წლის შეთქმულების საგამომძიებლო კომისიისადმი, აღწერს ერთ თავის სტუმრობას პოეტ ალ. ჭავჭავაძესთან და, სხვათა შორის, ამბობს: „1832 წელს, გაზაფხულზე ვეახელ მას კვალადაცა სათხოვნელად სამონასტროდ ლენისა, მაშინ შინ ბრძანდებოდა; ვახლდი ერთ ლამეს, მაშინ იმის სახლიდან წამოვიღე გასაშინჯად ძველი ქართული გლობუსი და სხვა მათემატიკის იარაღები. შემდგომ მეც მქონდა ერთი ძველი წიგნი ქართული, მათემატიკური მრიცხველობა, რომელიც მე არ ვიცოდი რა იყო ის, გადავსწერე და მივართვი მეცა სანახაყად...“*** სამწუხაროდ ეს სასწავლო ხელსაწყოები და წიგნი არ შენახულა, რომ შესაძლებელი ყოფილიყო მათი აღწერა და სპეციალური დანიშნულების გარკვევა.

5. ფილოსოფიური საგნების სახელმძღვანელოები

ფილოსოფიურ დისციპლინათა სახელმძღვანელოები XIX ს. პირველ ნახევარში იხმარებოდა არა მხოლოდ იმ საშუალო სასწავლებლებში, სადაც ეს დისციპლინები ისწავლებოდა (თბილისის კეთილშობილთა სასწავლებელი, 1830 წლიდან—გიმნაზია, თბილისის სასულიერო სემინარია), არამედ აგრეთვე მსხვილ ეკლესია-მონასტრებთან არსებულ საშუალო ტიპის სკოლებშიც. XVIII საუკუნის

* საქ. მუზ. ხელნ., H ფონდი, № 3445.

** იქვე, H. ფ., № 2068.

*** „1832 წლის შეთქმულება“, I.277.

ფილოსოფიური წიგნებიდან, რომლებიც უმთავრესად თბილისისა და თელავის სემინარიებისათვის იყენებდნენ დამზადებული, ბევრი კვლავ იქნა გადაწერილი XIX ს. პირველ ნახევარში. მაგალითად, აბატ კონდილიაკის „ლოლიკა“, ბაუმეისტერის „ლოლიკა“ და „მეტაფიზიკა“, გადმოკეთებული ანტონ I მიერ, სიმ. ჯულფელის „დიალექტიკა“, მეხითარის „რიტორიკა“, ანსილიონის „ესტეტიკებრივი განსჯანი“, თარგმნილი რუსულიდან 1815 წ. დავით ბატონიშვილის მიერ, „ხოლო მე გადავწიე თავადის ჩიქოვანის პეტრეს ასულმა მარიამ, სანკტპეტერბურს წელსა 1817“*. აქამ ფერდიუსონის „მოძღვრება ზნეობითი ფილოსოფიისა“, თარგმნილი რუსულიდან იოანე ბაგრატიონის მიერ, 1817 წ. ს. პეტერბურგს და სხვ.; თეიშურაზ ბაგრატიონმა სთარგმნა რუსულიდან „განსჯანი არისტოტელისანი კეთილისათვის და ბოროტისა“ და გამოსცა 1818 წელს პეტერბურგში; განსაკუთრებით საინტერესო მოვლენას აღნიშნული პერიოდისათვის წარმოადგენდა „საემპირიკო პსიხოლოღია—ანუ დამცველობითი სულთ—მეტყველება, ნათხზი უფლისა სნელესი ნემცუთა ენით რომელთამე სხოლიოებით და ზედად-დაპრთვაებითურთ“, ნათარგმნი რუსულად ყაზანის უნივერსიტეტის ფილოსოფიის ადიუნქტის ლობკინის მიერ 1813 წ., ხოლო რუსულიდან ქართულად—მ. ი. გ.-ს მიერ.** თარგმნილია აგრეთვე სნელეს სხვა ფილოსოფიური წიგნებიც (ლოლიკა, ესტეტიკა, ზნეობითი პსუაღლა). მოიპოვებოდა ფილოსოფიურ დისციპლინებში სხვა სახელმძღვანელოებიც, მაგარამ ყველაზე უფრო მნიშვნელოვან მოვლენას XIX ს. პირველი ნახევრის საქართველოს და არა მარტო საქართველოს, მეცნიერული აზრის ისტორიაში წარმოადგენდა სოლ. დოდაშვილის ლოლიკა, დაბეჭდილი 1827 წელს, პეტერბურგს, რუსულ ენაზე: „Курс философии, часть первая, логика—сочинение Соломона Додаева-Магарского“.

სოლომონ დოდაშვილის „ლოლიკა“ დაშვებული იყო ფილოსოფიის სახელმძღვანელოდ თბილისის კეთილშობილთა სასწავლებლებში (შემდეგ გიმნაზიაში) და თბილისის სასულიერო სემინარიაში.

* საქ. მუზეუმები, ხელნაწ. H ფ. № 333; იხ. აგრეთვე: თ. ჟორდანიანი „Описание...“, I, № 82 (№ 278).

** ე. თაყაიშვილი — „არხეოლოგიური მოგზაურობანი“, 1, 282 — 283; საქ. სახელმწ. მუხ. ხელნაწ., განყ. H, 217.

ის შეიცავს: ფილოსოფიის საერთო შესუალს, ლოლიკის შესავალს, ლოლიკის მოკლე ისტორიას, შემდეგ საკუთრივ ლოლიკას (გონება, აზროვნების კანონები, მსჯელობა, წესები წინადადებათა სხვადასხვა სახეებისათვის, ცნებები, დასკვნები, მტკიცება). წიგნს თავის მეცნიერულ ღირსებასთან ერთად აქვს დიდი მეთოდოლოგიური ღირებულება: მასალის განლაკება გარკვეული სისტემით და თანმიმდევრობით, ნათელი მსჯელობა, განმარტებათა სიცხადე და ფორმულირებათა ლაკონურობა, მარტივი სტილი და გადმოცემის მაღალი ხელოვნება.

6. უხხო ენების სახელმძღვანელოები

თავისებური იყო უცხო ენების სახელმძღვანელოთა მდგომარეობა XIX ს. პირველ ნახევარში. ცნობილია, რომ ამ პერიოდის ქართველი თავადაზნაურობის მაღალ წრეებში საკმარის გავრცელებული იყო უცხო (უფრო მეტად—ფრანგული) ენების ცოდნა. ჩქარა, 30-იანი წლებიდან, უცხო ენების კულტურა ფეხს იკიდებს ქალაქის მოსახლეობაშიც. მაგრამ თუ ქართველ თავადაზნაურულ ოჯახებში უცხო ენებს ასწავლიდნენ, უმთავრესად, ინდივიდუალური წესით, უცხოელი ბონებისა და გუვერნიორების საშუალებით, სამაგიეროდ, ქალაქის მოსახლეობა ამ მიზნით, უმთავრესად, პანსიონებს მიმართავდა. მრავალი ოფიციალური და არაოფიციალური საბჭოთი არსებობს იმის დასადასტურებლად, რომ ამ პერიოდის საქართველოს სკოლებში უცხო ენების სწავლება არ იყო ცუდად დაყენებული. განსაკუთრებით ეს ითქმის დახურული ტიპის სასწავლებელთა და პანსიონების შესახებ. გაეხსენოთ მოგზაური ჰაკსტჰაუზენი, ამიერკავკასიის ქალთა ინსტიტუტის შესახებ (აქვე, გვ. 134).

რა წიგნებით სწავლობდა ჩვენი ახალგაზრდობა უცხო ენებს XIX ს. პირველ ნახევარში? საქართველოს სკოლებში, სადაც კი უცხო ენები სწავლებოდა (თბილისის კეთილშობილთა სასწავლებელი, გიმნაზია, სემინარია, საფერშლო სასწავლებელი, ახერდოვის პანსიონი, კასტელას პანსიონი, ამიერკავკასიის ქალთა ინსტიტუტი, წმინდა ნინოს სახ. ქალთა სასწავლებლები და მრავალი სხვა კერძო სკოლა და პანსიონი), ყველგან ხმარობდნენ საერთოდ, მთელს იმპერიაში გავრცელებულ სახელმძღვანელო წიგნებს რუსული სკოლებისათვის; რაც შეეხება საქართველოს სკოლებისათვის ან ქართულად მოლაპარაკე ბავშვთათვის უცხო ენების სახელმძღვა-

ნელოებს, ჩვენ ასეთები არ დაგვრჩენია, არც ბექდუური და არც ხელნაწერი სახით. თუმცა უნდა ვიფიქროთ, რომ საქართველოში ფრანგული ენის ესოდენ გავრცელების ფაქტი, უეჭველად გულისხმობს ფრანგული ენის სახელმძღვანელოების თუნდაც ხელნაწერი სახით არსებობას.

უცხო ენების შესწავლის საქმეში, სპეციალური სახელმძღვანელოების სიმცირის გამო, მათ როლს მრავალ შემთხვევაში ასრულებდნენ საერთოდ ამ ენებზე დაბეჭდილი მხატვრული, მეცნიერულ პოპულარული და ბიოგრაფიული ხასიათის წიგნები. ამა თუ იმ უცხოენაზე წერა-კითხვის შესწავლის შემდეგ მოწაფეებს აძლევდნენ საკითხავად ასეთ წიგნებს ან ქრესტომათიებს; მათ დართული ჰქონდათ სათანადო ლექსიკონები, ხოლო თუ ლექსიკონები არ მოეპოვებოდათ, ასეთებს ყოველი გაკვეთილისათვის ადგენდნენ თვით მასწავლებლები.

ერთადერთი ბექდუური წიგნი, რომელიც გამოიცა XIX ს. პირველ ნახევარში სპეციალურად ქართველი ახალგაზრდობისათვის ფრანგული ენის შესწავლის საქმეში დასახმარებლად, არის „მეტოდული ლექსიკონი — ქართულ-ფრანციულ-რუსული, მპრობელი ლექსთა ყოველთა, ნაწილთა სიტყვისათა უმეჯეს ხმაგებულთა და გაწყობილთა საგანთა ებრ, რიცხვით ვიდრე ოთხი ათასთა; ქმნილ არს საქართველოს მოსწავლეთათვის... ა. სულხანოვისა მიერ“, გამოქვეყნებული 1839 წელს, პეტერბურგში. ეს წიგნი შეიცავს ქართულ ანბანს („ქართული ანბანა“) ფრანგული და რუსული გამოთქმით (an—ა—ан, ban—ბ—бан და ა. შ.), შემდეგ მოდის შემოკლებული ლექსიკონი (Vocabulaire—abrégé—Краткий словарь) ქართულ-ფრანგულ-რუსული თანმიმდევრობით.

გარკვეულ სამსახურს ფრანგული ენის შესწავლის საქმეში ქართველ ახალგაზრდობასა და საერთოდ მოსახლეობას უწყევდა აგრეთვე დ. ჩუბინაშვილის „ქართულ-რუსულ-ფრანციული ლექსიკონი“, გამოცემული 1840 წელს, პეტერბურგში.

7. იოანე ბაბრაჯიონის ნიგნები რომოქს სახელმძღვანელოები

ბოლოს არ შეიძლება სპეციალურად არ მოვიხსენიოთ ისეთი ენციკლოპედიური წიგნი, რომელიც არ იყო დაწერილი ნხოლოდ სასწავლო მიზნით, მაგრამ ფაქტიურად ასრულებდა უნივერსალურ სახელმძღვანელოს როლს საშუალო და საშუალოზე უფრო მაღალი განათლების მაძიებელთათვის. მხედველობაში გვაქვს იოანე, ბაგ-

რატონის (ბატონიშვილის) „კალმასობა“, დამთავრებული 1828 წელს პეტერბურგში და გავრცელებული საქართველოში რამდენიმე ნუსხით*. „კალმასობა“ დაწერილია XVIII ს. დიდი „ფრანგული ენციკლოპედიის“ მიბაძვითა და სათანადო იდეური გავლენით; მასში დიალოგის ფორმით არის გადმოცემული თითქმის ყველა, მის დროს ცნობილი, მეცნიერება მკაფიო განმარტებებით, დანიშნულების გარკვევით და ზოგიერთი მათგანის მოკლე შინაარსის მოთხრობით. ქართული ეროვნული მეცნიერებანი (საქართველოს ისტორია, ქართული ლიტერატურის ისტორია და ქართული ენის გრამატიკა) „კალმასობაში“ წარმოადგენენ საკმაოდ ვრცელ და ორიგინალურ ნაშრომებს, ხოლო სხვა მეცნიერებანი—თავისებურ კომპილაციებს, როგორც ეს ქრესტომათიული სახით შედგენილ სახელმძღვანელოს შეეფერებოდა. აღსანიშნავია აგრეთვე იოანე ბაგრატიონის—„ენციკლოპედია“ ანუ „სხვა და სხვა სწავლათა შეკრებილებანი“ ბავშვთა აღზრდისა და სწავლა-განათლების საკითხებზე. წიგნი, რომელიც ხელნაწერის სახით დატულია საქ. მუზ. ხელნაწერებში (№ H—2'96), ეთავრდება მინაწერით: „დასრულდა მცირე ნაშრომი ესე მეფის ძის იოანეს მიერ სასწავლებლად ყრმათათვის“, მაგრამ ის შეიცავს სწავლებას არა მარტო ყრმათათვის, არამედ აგრეთვე ყრმათა შესახებ—მოზრდილთათვის.

მ. მთავრობის ღონისძიებანი სახელმძღვანელოების შექმნისათვის

ჩვენ უკვე აღვნიშნეთ, რომ XIX ს. პირველი ნახევრის სკოლა მწვავედ განიცდიდა სახელმძღვანელოების ნაკლებობას. არ ყოფილა არცერთი სასწავლებელი ამ პერიოდში, რომ ყველა საგანში ყოფილიყო მომარაგებული სახელმძღვანელოებით. ოფიციალური წრეები, თეორიულად თუ არა, პრაქტიკულად მაინც გრძნობდნენ, რომ სახელმძღვანელო არის სასწავლო პროცესის ერთ-ერთი მთავარი ფაქტორი და ფორმალურად, მიწერ-მოწერით, ისინი მართლაც ზრუნავდნენ სახელმძღვანელო ლიტერატურისათვის. მაგალითად, ჯერ კიდევ 1805 წელს საქართველოს მთავარმართებელმა ციციანოვმა, თბილისის კეთილშობილთა სასწავლებლისათვის სახელმძღვანელოების შესაძენად კონსტანტინეპოლში გაგზავნა ბერძენი არქი-

* „კალმასობა“ პირველად დაიბეჭდა თბილისში 1862 წელს დიმ. ბაგრატიონის რედაქციით.

მანდრიტი ათანასე, „რომ აქ, ქართული წიგნების ნაკლებობის გამო, ეთხოვა ასეთები იერუსალიმის პატრიარქის ქართული ბიბლიოთეკიდან და სხვა მონასტრებიდან“.* 1833 წელს საქართველოს ეგზარხოსმა მოსემ „მრანდო მცოდნე კაცებს რუსულ ქართული ლექსიკონის შედგენა“, რაც იმავე წლიდან დაიწყო.**

იყო შემთხვევები, როდესაც სახელმძღვანელოების გამრავლების საქმეში თვით მოწაფეებიც მონაწილეობდნენ. მაგალითად, 1806 წელს თბილისის კეთილშობილთა სასწავლებლის დირექტორის ალ. პეტრიაშვილის ინიციატივით, უფროსი კლასის მოწაფეებმა ბებუთიშვილმა, სარაჯიშვილმა და ამეროსოვმა რუსულად გადათარგმნეს „საქართველოს ისტორია“ (ავტორი ცნობილი არ არის), რისთვისაც იმპერატორმა ალექსანდრე I დააჯილდოვა ისინი ოქროს საათებით.

1817 წელს ბოდბის მონასტერთან (სამიტროპოლიტო ტაძართან) არსებული სკოლიდან თბილისის ახლადგახსნილ სასულიერო სემინარიის 40 სხვადასხვა სახელმძღვანელო გადმოიტანეს. როგორც ვიცით, სახელმძღვანელოები მოჰქონდათ აგრეთვე მოზღვრებიდან და სხვა ადგილებიდან, მაგრამ ყოველივე ეს ძალიან მცირე იყო მოთხოვნილებასთან შედარებით. სახელმძღვანელოები არა ჰყოფნიდათ არამც თუ მარტო მოწაფეებს, არამედ არც მასწავლებლებს. თბილისის სემინარიისა და მის ქვემდებარე დაწესებულებათა მიმომხილველი არქიმანდრიტი მიხეილ 1932 წელს წერდა: „სემინარიის ბიბლიოთეკაში ღვთისმეტყველების, ფილოსოფიისა და სიტყვიერების მასწავლებელთათვის არ მოიპოვება სრულიად აუცილებელი სახელმძღვანელოები“*** ასე ჩიოდნენ შემდეგაც მხოლოდ არა მარტო სასულიერო, არამედ სახელმწიფო უწყების წარმომადგენლებიც, მაგრამ ძალიან ცოტა რამ კეთდებოდა ამ ჩივილის მიზეზის აღმოსაფხვრელად, სახელმძღვანელოების შესაქმნელად.

ამიერკავკასიის სასწავლებელთა შესახებ 1835 დებულებით „საქირო წიგნები და სახელმძღვანელოები“ ამიერკავკასიის სასწავლებელთა დირექციას ეგზავნება სახალხო განათლების სამინისტროსაგან, ხოლო

* Акты II, 272.

** საქ. ც. არქ. ფონდი 139, № 2994, ფურც. 164—165. ვინაობა მცოდნე კაცებისა არ დარჩენილა, მაგრამ უნდა ვიფიქროთ, რომ მთავარი და ერთადერთი, რომელიც ამ საქმეს შერჩა, იყო დ. ჩუბინაშვილი.

*** საქ. ც. არქ. ფ. 139, № 2994, ფურც. 5—6.

„რუსული და ადგილობრივი ენების შესასწავლი პირველდაწყებითი სახელმძღვანელონი, შეძლებისდაგვარად, უნდა მზადდებოდეს ამიერკავკასიის დირექციასთან იმავე ენების მასწავლებელთა მიერ“ (მუხ. 10). სხვანაირად არც შეიძლებოდა. რუსული ენის სახელმძღვანელოს ადგილობრივ ეროვნებათა ბავშვებისათვის და ადგილობრივი ენების სახელმძღვანელოებს რუსეთში მართლაც ვერ დაამზადებდნენ, მაგრამ თუ ქართული (როგორც ადგილობრივი) ენის სახელმძღვანელოები, თბილისში ასე თუ ისე მართლაც მზადდება, სამაგიეროდ, ადგილობრივად შედგენილი რუსული ენის სახელმძღვანელო ქართველ ბავშვთათვის XIX ს. პირველ ნახევარში—იშვიათია.

კავკასიის სასწავლო ოლქის 1848 წლის დებულება უფრო ფართოდ აყენებდა სახელმძღვანელოთა საკითხს: დაარსდა სპეციალური „სახელმძღვანელოების დასახვის“ კომიტეტი“ ოლქის მზრუნველის თანაშემწის თავჯდომარეობით. კომიტეტს ეკისრებოდა „სახალხო განათლების სამინისტროს მიერ მიღებული სახელმძღვანელოების გამოყენება მოსწავლეთა მომავალი დანიშნულების შესაფერისად კავკასიის სასწავლო ოლქში და ახალ სახელმძღვანელოთა დასახვა ნაცვლად რმ სახელმძღვანელოებისა, რომლებიც რაიმე მიზეზით უფარვისად იქნებიან ცნობილი ამ მხარისათვის“ (მ. 35). ყველა იმ ცვლილების შესახებ, რომლებიც შუქონდა კომიტეტს განათლების სამინისტროს სახელმძღვანელოებში და აგრეთვე კომიტეტის ინიციატივით დასაბუღ ახალ სახელმძღვანელოებში, ეცნობებოდა ოლქის მზრუნველს; ეს უკანასკნელი ყველა ამ ცვლილებას და ახალ სახელმძღვანელოს თავისი დასკვნით უდგენდა მეფისნაცვალს კავკასიაში და განათლების მინისტრს—დასამტკიცებლად.

ჩქარა „სახელმძღვანელოთა დასახვის კომიტეტთან“ გაიხსნა ქართული სახელმძღვანელოების განყოფილება დიმ. ყიფიანის (თავჯდომარე), პლ. იოსელიანის, ზ. კორდანაშვილის, ე. ალექსიშვილის, ივ. თურქესტანისშვილის და ზ. მოლოდინაშვილის შემადგენლობით.

გარეგნულად თითქოს ყველაფერი მზად იყო იმისათვის, რომ სახელმძღვანელოები შექნილიყო, მაგრამ ამ ოფიციალური გზით ძალიან მცირე რამ კეთდებოდა. სახელმძღვანელოების ფუნქციებს სხვა წიგნები ასრულებდნენ და ხელისუფლება იძულებული ხდებოდა შერიგებოდა ფაქტიურ მდგომარეობას: ოფიციალური სახელმძღვანელოების პარალელურად სხვა წიგნების გამოყენებას; კვლავ ძალაში რჩებოდა კანონი ამის შესახებ, მაგრამ გარკვეული პირობით: „ნე-

ზადართულია სხვა წიგნებისა და სახელმძღვანელოების გამოყენებაც, რომლებიც მოწონებულნია ცენტურის მიერ, მაგრამ მკაცრი მეთვალყურეობით, რომ მათარ შეეძლოთ მავნე გავლენის მოხდენა ზნეობაზე, სახალხო გრძნობაზე და საერთოდ, ასალზრდელი ყმაწვილების აზროვნებაზე“. ამ მოტივით მრავალი წიგნი იღვენებოდა საქართველოს სკოლებიდან, ათეული წლებით კიანურდებოდა ახალი სახელმძღვანელოების შემოწმება, მათი გარგისიანობის თუ უვარგისობის გარკვევა, და მრავალ ავტორს ერთმეოდა ხალისი და შესაძლებლობა სასწავლო წიგნების შედგენისა.

VII. ბრძოლა უმაღლესი განათლებაისათვის

უმაღლესი განათლების მდიდარი და სახელოვანი ტრადიცია მიიტანა ქართველმა ხალხმა XIX საუკუნის მიჯნაზე. 15 საუკუნეს ითვლიდა იგი საკუთარი უმაღლესი განათლების პირველი ცენტრიდან, პონტოს რიტორიკული სკოლიდან; 700 წლოვანი ქალარა მოსავედამის წარმოდგენაში პირველ მშობლიურ აკადემიას გელათის მღვდლებზე, ხოლო თბილის-თელავის სემინარიების უდროოდ შეწყვეტილი მაჯისცემა ჯერ კიდევ გაისმოდა მისთვის, როგორც მოწოდება—არ დაეთმო ბრძოლა უმაღლესი განათლებისათვის.

არც დაუთმია. XIX ს. მთელს მანძილზე უმაღლესი სკოლა იყო ქართველი ხალხის საუკეთესო ნაწილის პირდაპირი თუ არაპირდაპირი ბრძოლის საგანი.

როგორც ვიცით, რუსეთთან შეერთების მომენტში (1801) საქართველოს უკვე ჰქონდა იოანე ბაგრატიონის მიერ 1799 წელს შემუშავებული და მეფე გიორგი XII მიერ მოწონებული პროექტი სახელმწიფოებრივი რეფორმებისა, რომლის მიხედვითაც საქართველოში უნდა დაარსებულიყო სამი სახელმწიფო უმაღლესი სასწავლებელი—თბილისსა, გორსა და თელავში. ამ სასწავლებელთათვის უნდა მიეჩინათ „მცოდნენი კაცნი რათა ასწავლიდნენ სამეცნიეროსა სწავლასა და სამხედროსაც, აგრეთვე ენებთა“ (ქართულს, რუსულს, ბერძნულს, ლათინურს, სომხურს და თათრულს (ირანულს). უმაღლეს სასწავლებელთა სათავეში უნდა მდგარიყო „განათლებისა მთავარი“, რომელსაც უნდა ეძლია რიგი“ და ჯამაგირი მასწავლებელთათვის (პროფესორთათვის). ყველა სასწავლებელთა მასწავლებელნი უნდა ყოფილიყვნენ „მეფის (ე. ი. სახელმწიფო) ხარჯითა, ხოლო მოწაფენი თავეთ მშობელთა ხარჯითა ვიდრე შემოსავალთ განერცობამდე“, ხოლო შემდეგ, როცა სახელმწიფოს შემოსავალი რამდენადმე მაინც გადიდდებოდა, სწავლა ყველა სასწავლებელში უნდა ყოფილიყო უფასოდ.*

* ეს პროექტი ჩვენ გარჩეული გვაქვს ამ ნაშრომის პირველ წიგნში. აქ-მხოლოდ გაკვრით ვახსენებთ მკითხველს იმ ნაწილს, რომელიც უმაღლეს განათლებას შეეხება.

გულუბრყვილობა იქნებოდა გვეფიქრა, რომ რუსეთის მეფის ხელისუფლება რამდენადმე მაინც შეეცდებოდა აღნიშნული პროექტის განხორციელებას. რუსეთის მონარქია სრულებით არ ფიქრობდა კოლონიურ პირობებში ჩაყენებული საქართველოსათვის ეროვნული უმალესი სასწავლებელი გაეხსნა, და არამცთუ ახალი უმალესი სკოლა არ შეუქმნია მას საქართველოში, არამედ თბილისისა და თელავის სემინარიებიც კი დახურა და ამ სასწავლებლებში განათლება-მიღებულ მაღალი კვალიფიკაციის მუშაკებს ექვითა და უნდობლობით ეპყრობოდა.

მაგრამ თვითმპყრობელობა ექვითა და პოლიტიკური უნდობლობით ეპყრობოდა არა მარტო ქართველ და, საერთოდ, რუსეთის იმპერიაში შემავალ არარუს ეროვნებათა განათლებულ პირებს, არამედ რუსეთის წარჩინებულ, განათლებულ მკვიდრთაც. გავიხსენოთ ეკატერინე II წერილი სალტიკოვისადმი: „მდაბიო ხალხს არ უნდა მიეცეთ განათლება, თორემ თუ მას ეყოდინება იმდენი, რამდენიც თქვენ და მე—მაშინ აღარ დაგვემორჩილება იმ ზომად, რა ზომაც გვემორჩილება ახლა“. არსებითად ამასვე იმეორებდნენ შემდეგ, XIX ს., რუსეთის ხელისუფალნი და განათლების მინისტრები (შიშკოვი და სხვები).

განსაკუთრებულ უნდობლობას მეფას ხელისუფლების მხრივ იწვევდა უმალესი განათლების ცენტრები და უმალესი განათლების მქონე პირები, რომლებიც ვერ ურიკდებოდნენ მეფის თვი იმპყრობელურ რეჟიმსა და რეაქციას საერთოდ, განსაკუთრებით კი ნიკოლოზ I დროს.

XIX ს. დასაწყისის რუსეთში უკვე არსებულ სამ უნივერსიტეტს (მოსკოვსა, ვილნოსა და იურიევში (იგივე დერპტი ანუ დორპტი, ახლა—ტარტუ) 1804 წელს მიემატა კიდევ ორი უნივერსიტეტი, ხარკოვსა და ყაზანში, ხოლო 1819 წელს—მესამე, პეტერბურგში. მაგრამ ეს უნივერსიტეტები პირველ ხანებში რუსეთის საზოგადოებრივ-კულტურულ ცხოვრებაზე შესაფერისს გავლენას ვერ აღწევდნენ. მათ რომ უმალესი განათლების გავრცელებას არ აკისრებდნენ აღნიშნულ პერიოდში, ადასტურებს ის ფაქტიც, რომ 1808 წელს რუსეთის ძველ უნივერსიტეტში, მოსკოვის უნივერსიტეტში, სწავლობდა მხოლოდ 135 სტუდენტი, ხარკოვის—82 და ყაზანის—40. სულ, ე. ი. ამ დროს არსებულ ყველა რუსულ უნივერსიტეტში (დერპტის და ვილნოს უნივერსიტეტები არ იყვნენ რუსული), სწავლობდა 257 სტუდენტი. პეტერბურგის უნივერსიტეტში მისი დაარსების მე-5 წელს (1824) სწავლობდა მხოლოდ 51 სტუდენტი. ოთხივე მათგანში კი ამ (1824) წელს სწავლობდა სულ 1326 სტუდენტი.

1834 წელს დაარსდა კიევის უნივერსიტეტი და 1840 წელს რუსეთის მთელი იმპერიის ყველა უნივერსიტეტში (დერპტის, ვილნოს და ჰელსინფორსის უნივერსიტეტების ჩათვლით) სწავლობდა 2740 სტუდენტი, ხოლო XIX ს. პირველი ნახევრის დასასრულს ანუ 1850 წელს კი—3018 სტუდენტი.* ეს იყო და ეს—მთელ უზარმაზარ იმპერიაში. ასეთი, კემშარიტად დანაშაულებრივი, დამოკიდებულება რუსეთის მეფის მთავრობისა ხალხის განათლებისადმი, კერძოდ კი უმაღლესი განათლებისადმი, იმას ლაპარაკობს, რომ ეს — „მთავრობა ხელს უშლის სახალხო განათლებას რუსეთში, რომ მთავრობა—უდიდესი მტერია სახალხო განათლებისა რუსეთში“ (ლენინი, XVI, 414). და ასეთ პირობებში პატარა საქართველო, რომლისათვისაც რუსეთის „ქვეშევრდომობასაც“ კი ჰოწყალებად ჰთვლიდნენ, ვერას მიიღებდა რუსეთის თვითმპყრობელობისაგან მშვიდობიანი მოლოდინის გზით; და ბრძოლა განათლებისათვის, კერძოდ კი, უმაღლესი განათლებისათვის, გადაიქცა ქართველი ხალხის ნაკიონალურ-განმათავისუფლებელი ბრძოლის ერთ-ერთ მთავარ მომენტად. ამ ტენდენციამ თავიდანვე, ე. ი. XIX ს. დასაწყისიდანვე, მკვეთრად იჩინა თავი. რუსეთის მეფის ხელისუფლება, პოლიტიკური და ტაქტიკური მოსაზრებით, არ სთვლიდა მიზანშეწონილად თავიდანვე და ერთბაშად დაესუსხა თავის „დიდსულოვან მფარველობაში“ მიღებული „ერთმორწმუნე“ ქართველი ერი და, რაც მთავარია, თავისი ბატონობის გასამტკიცებლად საქართველოსა და ამიერკავკასიაში მას სჭირდებოდა ადგილობრივ სამხედრო, ადმინისტრაციულ, სამეურნეო და სასამართლო უწყებებში ჰყოლოდა უოველმხრივ სანდო და ერთგული უმაღლესი განათლების მქონე ოფიცრები, ადმინისტრატორები, მოსამართლენი, ექიმები, პედაგოგები და სხვა მოხელეები ადგილობრივ მკვიდრთაგან. ამ გარემოებაში აიძულა მეფის ხელისუფლება მიეღო თუნდაც პალიატური ღონისძიებანი რუსულ ენაზე უმაღლესი განათლების მქონე პირთა გაჩაპრავლებლად საქართველოში.

—

პირველ ასეთ ღონისძიებად უნდა ჩაითვალოს საქართველოს მთავარმართებელ პ. ციციანოვის მიერ 1804 წელს უმაღლესად გა-

* С. Князьков и Н. Сербов, Очерки истории народного образования в России до эпохи Александра II, 221; П. Милюков, Очерки по истории русской культуры, II, 339.

მთხოვილი ნებართვა ქარის ოლქიდან ხარკის სახით ყოველწლიურად შექოსატანი აბრეშუმის ღირებულებიდან (რაც უღრიადა 10000 მან.), 2200 მანეთი წელიწადში გამოეყენებინა მოსკოვის უნივერსიტეტში (პანსიონში) 8 ქართველი ახალგაზრდის შესანახავად.* მაგრამ ეს იყო წმინდა ფორმალური ღონისძიება, ვინაიდან უშუალოდ უნივერსიტეტში შეიძლებოდა მხოლოდ გიმნაზიის (ან მისგვარი სასწავლებლის) კურსდამთავრებულთა მიღება, ხოლო საქართველოში, ციციანოვის დროს, არ იყო არც გიმნაზია, არც მსგავსი სასწავლებლები და, ცხადია, არც უნივერსიტეტში გასაგზავნი კანდიდატები. მაგრამ თუ ვიფიქრებთ, რომ აქ მთავარმართებელი გულისხმობდა მოსკოვის უნივერსიტეტთან არსებულ გიმნაზიას,—არც აქ მოხერხდებოდა ქართველი ბავშვების გზავნა, მათ მიერ რუსული ენის უცოდინარობისა და მაშინდელი სატრანსპორტო პირობების მიხედვით მოსკოვის დიდ სიშორეზე 8—9-წლიანი ბავშვების გზავნის სიძნელეთა გამო.

თბილისის კეთილშობილთა სასწავლებლებს თავისი არსებობის მთელ მანძილზე (1804—1829) არა ჰქონია იურიდიული უფლება უნივერსიტეტისათვის კონტიგენტების მომზადებისა, თუმცა ამ მიზანს ყოველთვის უსახავდნენ მას ოფიციალურ მიმოწერებში. არც ფაქტიურად შეეძლო მას ამ მიზნის შესრულება, რამდენადაც მისი სასწავლო გეგმა განსხვავდებოდა გიმნაზიის სასწავლო გეგმისაგან და კლასების რიცხვსაც ნაკლებს შეიცავდა, ვიდრე გიმნაზია. ეს გარეშობა თავიდანვე ცნობილი იყო და ჯერ კიდევ 1805 წელს, როგორც ვწერდით, აიძულებდა ციციანოვს ეთხოვა რუსეთის განათლების მინისტრ ზავადოვსკისათვის აღნიშნული სასწავლებლის გადაკეთება გიმნაზიად და ამისათვის იმ თანხის გამოყენება, რომელიც გათვალისწინებული ჰქონდა მას 8 ქართველი ახალგაზრდის შესანახად მოსკოვის უნივერსიტეტის პანსიონში. მომდევნო (1806) წელს ციციანოვის შემცველმა მთავარმართებელმა გუდოვიჩმა მართლაც მიიღო ზავადოვსკისაგან ნებართვა თბილისის კეთილშობილთა სასწავლებლის სრულ გიმნაზიად გადაკეთებისა, მაგრამ, როგორც ვიცით, ეს ფაქტიურად 1829 წლამდე არ განხორციელებულა.

თბილისის სასულიერო სემინარია, დაარსებული 1817 წელს, პირველ ხანად მოკლებული იყო უნივერსიტეტში შემსვლელ კონ-

* Акты, II, 199—201.

ტიგენტთა გამოშვების უფლებას, მაგრამ ფაქტიურად აქ კურსდამ-
თავრებულნი მაინც შედიოდნენ უნივერსიტეტებში თავისუფალი მსმე-
ნელების უფლებით (ასეთი იყო, მაგალითად, სოლ. დოდაშვილი):
1835 წელს სემინარიის სასწავლო გეგმაში ფრანგული და გერმანული
ენების შეტანის შემდეგ, თბილისის სემინარიის კურსდამთავრებულთ-
ნება მიეცათ სტუდენტებად წოდებულ იყვნენ და უმაღლეს სასწავ-
ლებელშიც შესულიყვნენ ნამდვილი სტუდენტის უფლებით.

უმაღლესი განათლების გავრცელებას საქართველოს მმართველები
უდგებოდნენ ვიწრო პრაქტიკულ-საქმოსნური თვალსაზრისით. ყვე-
ლაზე უფრო მეტად ისინი განიცდიდნენ ექიმების უყოლობას. მარ-
თალია, როგორც აღვნიშნეთ, უმაღლესი განათლების მქონე ბევრი
მოხელე სჭირდებოდათ საქართველოში, მაგრამ მათ იოლად სცვლიდ-
ნენ მცირე განათლების მქონე პირებით; ამით თითქოს საქმე არ
ფერხდებოდა. სხვა იყო ექიმთა საქმე. ექიმის შეცვლა, ფორმალურ-
რად მაინც, არ შეიძლებოდა არაექიმით. 1803 წელს პ. ციციანო-
ვმა თბილისში შექმნა „საქართველოს საექიმო სამმართველო“
(врачебная управа) და გახსნა საქალაქო აფთიაქი მარიამ დე-
ლოფლის ბაღში, მაგრამ, ექიმებისა და პროვიზორების საშინელი
სიმციროს გამო, ამ დაწესებულებათა მუშაობა შეზღუდული იყო.
ქართველი თავადაზნაურული არისტოკრატია ექიმობას არ კადრუ-
ლობდა, თავისი წოდებრივი ღირსების დამამცირებლად სთვლიდა ამ
პროფესიას. და 1803 წელს, როდესაც პ. ციციანოვმა გადაწყვიტა
ქართველ თავადაზნაურთა შვილების გაგზავნა მოსკოვის უნივერსი-
ტეტის სამედიცინო ფაკულტეტზე (რუსული ენის აქვე, თბილისში,
რამდენადმე მაინც შესწავლის შემდეგ), მათმა მშობლებმა არ მოი-
სურვეს ამ „მდაბიოთა ხელობის“ არჩევა თავისი შვილებისათვის და
ციციანოვი იძულებული იყო მიემართა სომეხთა და ლარიზ ქართველ
აზნაურთათვის: 1805 წელს იმპერატორისადმი გაგზავნილ რაპორტ-
ში ციციანოვი წერდა: „აქ საექიმო წოდების პირთა ნაკლებობა და
აქაურ მცხოვრებთა უნდობლობა რუსეთის მკურნალებისადმი, მა-
ვალებს მე... უქვეშემოდომილესად წარუდგინო თქვენს იმპერატო-
რობითი უდიდებულესობას—იქნებ ინებოს ბრძანება, რომ მსურ-
ველმა სომეხებმა, და შეიძლება ასეთები მოიძებნონ ლარიზ ქართველ
აზნაურთაგანაც, თავისი შვილები რიცხვით 12 კაცამდე—გაგზავნონ
სამედიცინო მეცნიერების შესასწავლად მოსკოვის საიმპერატორო
უნივერსიტეტში თქვენი იმპერატორობითი უდიდებულესობის სახა-

ზინო ხარჯზე“.* ორი თვის შემდეგ ალექსანდრე I სპეციალური რესკრიპტით ატყობინებდა ციციანოვს, რომ „მის წარდგინებას“ ექიმებით საქართველოს მომარაგების შესახებ სთელიდა „საფუძვლიანად“ და აძლევდა ნებას ყოველწლიურად მოსკოვის უნივერსიტეტის საექიმო ფაკულტეტზე სახელმწიფო ხარჯზე ეგზავნა 12 კაცამდე სომეხთა ან ლარბ ქართველ აზნაურთა წრიდან.**

როგორც შემდეგი პერიოდის საბუთებიდან ჩანს, არც ამ წრიდან აღმოჩნდა საექიმო პროფესიისათვის „თავდადებული“ პირები, აღარც ციციანოვის მომდევნო მთავარმართებლებს შეუწყუხებიანთ თავი ამისაკენ ახალგაზრდობის მოწოდებისათვის. პირიქით, ამის საწინააღმდეგო ტენდენციას ვხედავთ მათ მოქმედებაში: მაგალითად, 1828 წელს, იმის გამო, რომ კავკასიის კორპუსი განიცდიდა ექიმთა პერსონალის მწვავე ნაკლებობას, გენერალი ზაკრევიჩი, სპეციალურ მიმართებაში საქართველოს მთავარმართებელ პასკევიჩისადმი, საკიროდ სთელიდა ახალგაზრდა ქართველები და სხვა ამიერკავკასიელები გაეგზავნათ მცდიკო-ქირურგიული აკადემიის მოსკოვის განყოფილებაზე ამიერკავკასიისათვის ექიმთა მოსაპზადებლად, მაგრამ პასკევიჩმა ვერ დაინახა ეს შესაძლებლად მხოლოდ იმ მოტივით, რომ თბილისის კეთილშობილთა სასწავლებელში 1828—29 წელს ლათინურ ენას არ ასწავლიდნენ.

XIX ს. 20-იანი წლების დასასრულისათვის უკვე იყო შექმნილი სათანადო რეალური შესაძლებლობანი უმაღლესი განათლების მისაღებად რუსულ ენაზეც. თბილისის კეთილშობილთა სასწავლებელი თავისი სასწავლო გეგმით ძირითადად უკვე იძლეოდა საკმარის ცოდნას უნივერსიტეტში შესასვლელად, ასევე თბილისის სასულიერო სემინარიაც; ამას გარდა, რუსული ენის ცოდნაც საგრძობლად გავრცელდა ჩვენში. და აი, სწორედ ამ დროს, აღუდგნენ საქართველოს მმართველებად მოვლენილი მეფის აგენტები უმაღლესი განათლების გავრცელების საქმეს საქართველოში.

ამ გარემოებას ადასტურებს ის ფაქტიც, რომ 1829 წლის დებულებაში „ამიერკავკასიის სასწავლებელთა შესახებ“ არაფერია ნათქვამი უმაღლეს სასწავლებელზე. არც ისაა აღნიშნული, რომ ამ დებულებით ახლადდაარსებულ გიმნაზიას ჯქეს უფლება უნივერ-

* Акты, II, 251.

** იქვე, 252.

*** იქვე VIII, 216.

სიტეტში შემსვლელი ახალგაზრდების მომზადებისა, ე. ი. ის უფ-
ლება, რომელიც მინიჭებული ჰქონდა რუსეთის იმპერიის ყველა გიმ-
ნაზიას და გათვალისწინებული იყო როგორც 1804 წლის წესდებაში
„უნივერსიტეტების უწყებაში მყოფ სასწავლებელთა შესახებ“ (§ 4),
ისე 1828 წლის წესდებაში „უნივერსიტეტების უწყებაში“ მყოფთ
გიმნაზიებისა და სასწავლებელთა შესახებ“ (§ 134). 1829 წლამდე,
სანამ თბილისში გიმნაზია არ არსებობდა, საქართველოს მთავარ-
მართებლები თითქოს თავგამოდებით ითხოვდნენ მეფისაგან თბი-
ლისში გიმნაზიის დაარსებას, რომლის ერთ-ერთი მთავარი მიზანი
უნდა ყოფილიყო უნივერსიტეტისათვის ახალგაზრდობის მომზადებ-
ადგილობრივ მკვიდრთაგან, ხოლო 1829 წელს, როდესაც ეს გიმ-
ნაზია უკვე გაიხსნა, ყრუდ აუარეს გვერდი ყველა სხვა გიმნაზიის
ამ ერთ-ერთ მთავარ დანიშნულებას და ამით თბილისის გიმნაზია,
როგორც განაპირა კუთხისა და „სხვა ხალხთა“ („ინოროდცების“) სა-
სწავლებელი, უფლებრივად ძალზე შეზღუდეს.

ასე დაიწყო უმაღლესი განათლების დევნა საქართველოში რუ-
სეთის მეფის ხელისუფლების მიერ და მიზეზიც სავსებით ნათელი
იყო.

ამ დროისათვის საქართველოსა და ამიერკავკასიის რუსული დაწე-
სებულებები მაღალი რანგის მოხელეებზე ისეთ შიმშილს აღარ განიც-
დიდნენ, როგორც პირველ ათეულ წლებში, ახალ შტატებსაც
რუსეთიდან გამოწერილი მოხელეებით ავსებდნენ, ხოლო კავკასიის
კორპუსის მიერ საქართველოში დამყარებული სამხედრო დიქტატუ-
რის შედეგად, ადგილობრივი მოსახლეობის მღელვარების აღარ ეში-
ნოდათ და აღარც მის სულიერ მოთხოვნილებებს უწევდნენ ანგა-
რიშს.]

ასეთი დამოკიდებულება უმაღლესი განათლებისადმი ნაკარნახევი
იყო რუსეთში დაწყებული საერთო რეაქციით, რომელიც მოჰყვა
პრუსია-რუსეთ-ავსტრიის „საღვთო კავშირის“ შექმნას 1815 წელს.
ეს „კავშირი“, მიმართული საფრანგეთის ბურჟუაზიული რევოლუციის
ნიადაგზე აღმოცენებული თავისუფლებისა და თანასწორობის იდეათა
აღმოფხვრისაკენ, პირველ ყოვლისა, უნივერსიტეტებში ხედავდა ამ
იდეათა მიმდევარ ხალხს, და მასში („კავშირში“) შემაჯავალი სახელმ-
წიფოების ხელისუფლებმა ერთდროულად აღმართეს მახვილი თა-
ვიანთი ქვეყნების უნივერსიტეტების წინააღმდეგ. 1817 წელს, რო-
გორც უკვე ვწერდით, რუსეთის განათლების სამინისტრო გა-
დაკეთდა „სასულიერო საქმეთა და სახალხო განათლების სამი-

ნისტროდ“. ხოლო მინისტრად კი დაინიშნა რელიგიის ფანატიკოსი ა. გალიცინი. მის მიზანს შეადგენდა ახალთაობის აღზრდა-განათლება მტკიცედ დაეფუძნებინა მართლმადიდებელი რელიგიისა და თვითმპყრობელობის პრინციპებზე. დაწყებითი და საშუალო სკოლის გადაყენა ამ პრინციპებზე ადვილ საქმედ მიიჩნიეს, მაგრამ უმაღლესი სკოლა, სადაც საგრძობლად იყო ფეხმოკიდებული „თავისუფალი აზროვნება“ („вольноедумство“),—უხეში დევნის საგანი გახდა.

ფაქტიურად გაუქმდა 1804 წლის ლიბერალური საუნივერსიტეტო წესდებით შექმნილი ავტონომია უნივერსიტეტებისა, პროფესორთა მიერ რექტორის, დეკანებისა და უნივერსიტეტის საბჭოს არჩევის უფლებით და საკუთარი სასამართლოთი. უმაღლესი სკოლა მეფის და პოლიციის მეთვალყურებას დაუმორჩილეს. განსაკუთრებული რეპრესიები განიცადეს ყაზანისა და პეტერბურგის უნივერსიტეტებმა.

1819 წლის 9 აპრილს სასულიერო საქმეთა და სახალხო განათლების სამინისტროს წარმომადგენელი, პირმოთნე მაგნიცკი, ყაზანის უნივერსიტეტის რევიზიის შედეგად, წერდა: „დრო არის დავდგეთ განათლებულ ხალხთა გვერდით... პარიზში გამოდის ისაიას წინასწარმეტყველობათა ახალი გამოცემა. მთელი ინგლისი სწავლობს ბიბლიის ორიგინალურ ენას, გერმანია, კანტის წყალობით, ფილოსოფიის ლაბირინტის საშუალებით მივიდა სარწმუნოების ტაძრის კარამდე და მხოლოდ ბიბლიაში ეძიებს სიბრძნეს,—და ნუთუ მხოლოდ ჩვენ უნდა დავრჩეთ უკან ნახევარი საუკუნით? მთავრობა მოითხოვს ღვთისმოშიშარ სამხედრო და სამოქალაქო მოხელეებს; ხოლო სწავლულობა ნაცხადი ღმერთის რწმენის გარეშე, არამც თუ არ უნდა მას, არამედ მაგნიცკი მიაჩნია“ (ხაზი ჩენია). რამდენადაც ყაზანის უნივერსიტეტში მაგნიცკიმ ვერ ნახა „სარწმუნოებაზე აგებული მეცნიერება“, მოითხოვა მისი დაქცევა, განადგურება. „ეს განადგურებაო—წერდა იგი—შეიძლება იყოს ორგვარი: ა) უნივერსიტეტის დაკეტვის სახით ან ბ) მისი საჯაროდ დანგრევის სახით“. თვითონ კი, ეს „ბნელეთის მოციქული“ მოითხოვდა ყაზანის უნივერსიტეტის „საჯაროდ დანგრევას“ და თან დარწმუნებული იყო, რომ „ასეთი მტკიცე ნაბიჯი უეჭველად აიძულებდა ევროპის ყველა მთავრობას“ გადაესინჯა თავიანთი „ხმალ-ამოწვდილი“ განათლების სისტემები.* იმპერატორი

* „Собр. постановлений по министерству народного просвещения“, I.

პრინციპში დაეთანხმა მაგნიციკის, მხოლოდ არ მოიწონა უნივერსიტეტის დანგრევის აზრი. მის მოხსენებას დააწერა „за чем разрушать, можно исправить“, სამაგიეროდ მაგნიციკი დანიშნა ყაზანის სასწავლო ოლქის მზრუნველად და მიანდო თვით მას გაეტარებინა ყაზანის უნივერსიტეტის რეფორმა. ექვსი წლის განმავლობაში მაგნიციკმ, როგორც თვით ოფიციალური გამომკვლევე კომისია აღნიშნავდა 1826 წელს, ყაზანის უნივერსიტეტი მონასტრად აქცია, გარეკა ლიბერალურად განწყობილი პროფესურა და სტუდენტობა, უნივერსიტეტის კედლები საღვთო წერილის ტექსტებით დაფარა, ყოველი საგნის სწავლებას ბიბლია დაუდვა ამოსავალ პრინციპად და, საერთოდ, მთელი სასწავლო პროცესი რელიგიური მისტიკის საბურავში გაჰხვია.

ასეთსავე მდგომარეობაში ჩააყენა პეტერბურგის უნივერსიტეტი პეტერბურგის სასწავლო ოლქის მზრუნველმა რუნიჩმა. ის „განუხრელად“ ხელმძღვანელობდა მაგნიციკის „ინსტრუქციებით ყაზანის უნივერსიტე ჟისადმი“. რუნიჩი, პირველ ყოვლისა, აუმხედრდა პეტერბურგის ჰუმანიტარულ მეცნიერებათა პროფესორებს: „ფილოსოფიური და ისტორიული მეცნიერებანი, — წერდა რუნიჩი, — ისწავლება უნივერსიტეტში ქრისტიანობის საწინააღმდეგო სულისკვეთებით და სტუდენტთა გონებაში ინერგება საზოგადოებრივი წყობილებისა და კეთილდღეობის დამანგრეველი იდეები“. მსგავსი ბრალდებებით გამოდიოდნენ აგრეთვე ხარკოვისა, დერპტისა და ვილნიუსის უნივერსიტეტის მოწინავე პროფესორის წინააღმდეგ. მართალია, 1824 წელს „სასულიერო საქმეთა და სახალხო განათლების სამინისტროს“ მაგიერად კვლავ აღსდგა ცალკე „სახალხო განათლების სამინისტრო“, მაგრამ ახალი მინისტრი შიშკოვი, არ ანელებდა რეპრესიებს უნივერსიტეტების მიმართ. თუ წინა სამინისტროს მოღვაწეები (გალიცინი, მაგნიციკი, რუნიჩი) პროფესურას და მეცნიერებას ებრძოდნენ იმიტომ, რომ მათში ხედავდნენ რელიგიის დოგმათა შემბლაღავ ძალას, ახალი სამინისტრო და ადმირალი შიშკოვი აგრძელებდნენ ბრძოლას იმავე პროფესურისა და მეცნიერების წინააღმდეგ, მაგრამ მოტივი აქ იყო უფრო ფართო და სერიოზული. ერთ-ერთ თავის სიტყვაში, ხალხის „ქეშმარიტი განათლების“ შესახებ, 1824 წელს შიშკოვი ამბობდა: „მეცნიერება სასარგებლოა. მხოლოდ მაშინ, როცა იხმარება იგი როგორც მარილი და ისწავლება ზომიერად ადამიანთა მდგომარეობისა და იმ საჭიროების მიხედვით, რომელსაც მასში ხედავს ყოველი წოდება... მიწის მუშის შვილს

რომ რიტორიკა ვასწავლოთ—ეს იქნება მისი მომზადება უვარგის, უსარგებლო და, შეიძლება, მენე მოქალაქეთ*.* ამგვარად, უნივერსიტეტსა და მეცნიერებას აღიარებდნენ მხოლოდ მაღალ წოდებათა საკუთრებად, ხალხთა მასებისათვის კი—მავნედ და საზიანოდ. ასეთი იყო ჩეთის ხელისუფლების დამოკიდებულება მეცნიერებისა და უმაღლესი განათლების მიმართ ყოველთვის, მაგრამ ალექსანდრე I მეფობის უკანასკნელ ათწლეულში და ნიკოლოზის I რეაქციის პერიოდში—განსაკუთრებით უხეშ ფორმებში ვლინდებოდა იგი. ამას ზედ ერთვოდა რუსეთის იმპერიაში შემავალ არარუს ეროვნებათა რუსიფიკაციის შიშველი პოლიტიკა, რომლის მიხედვითაც პატარა ერებს მოუხრიდებლად და ყოველგვარი დიპლომატიის გარეშე ერთმეოდათ საკუთარ ენაზე აღზრდა-განათლების მიღების უფლება.

ასეთ მძიმე საერთო ატმოსფეროში იყო ჩაყენებული უმაღლესი განათლების მდგომარეობა მთელ რევოლუციამდელ რუსეთში და არაფერია საკვირველი იმაში, რომ „ინოროდცების“ ქვეყნებს, მათ შორის საქართველოს, კიდევ უფრო მძიმე პოლიტიკურ პირობებში უხდებოდა მისთვის ბრძოლა.

—

ქართველი ხალხის მოწინავე ნაწილი, 30-იანი წლების დასაწყისში, არ შეიძლებოდა შერიგებოდა მშობლიური კულტურის დევნისა და შევიწროების პირობებს, კერძოდ, უმაღლესი განათლების უფლების დაკარგვას. ყველაზე უფრო მწვავედ ამას განიცდიდა ინტელიგენცია, რომლის ახალგაზრდა დემოკრატიული ნაწილი, ის-ის იყო ებმებოდა ახლადფეხადგმულ განმათავისუფლებელ მოძრაობაში ცარიზმის თვითმპყრობელურ-კოლონიური რეჟიმის წინააღმდეგ საქართველოში. ეს მოძრაობა ერთ-ერთ თავის საბრძოლო ამოცანად ისახავდა სახალხო განათლებას: სკოლა, ბიბლიოთეკა, სტამბა, განსაკუთრებით უმაღლესი განათლება.

ამ მოძრაობამ თავისი იდეურ-ორგანიზაციული გამოხატულება 3პოვა 1832 წლის „ქართველთა შეთქმულების“ უმცირესობის ანუ დემოკრატიული ფრთის მოღვაწეობაში. ცნობილია, რომ 1832 წლის შეთქმულება რუსეთის მონარქიზმის წინააღმდეგ არ იყო ერთგვარი სოციალური შემადგენლობისა; არც ერთიანი იდეურ-პოლიტიკური პროგრამა ედვა მას საფუძვლად, მაგრამ მის უმცირესობას, რომე-

* „Собр. постан. по минист. нар. просвещ.“, I.

ლიც ხსენებულ დემოკრატიულ ფრთას წარმოადგენდა, რუსი დეკაბრისტების გავლენით საკმაოდ გარკვეული საზოგადოებრივ-პოლიტიკური სახე და მიზნები გააჩნდა. ჩვენ ამ წიგნში უკვე გვქონდა ლაპარაკი მის შესახებ; აქ გავიხსენოთ, რომ ეს ფრთა გარკვეული მოთხოვნით გამოდიოდა აგრეთვე კულტურის საკითხებშიც და ამ მოთხოვნათა ერთ მთავარ მომენტს წარმოადგენდა უნივერსიტეტი-ასე, მაგალითად, 1832 წლის შეთქმულების საგამომძიებლო კომისიისათვის წარდგენილ ჩვენებებში ხსენებული უმცირესობის (დემოკრატიული ფრთის) მეთაური სოლომონ დოდაშვილი შეთქმულთა ერთი ჯგუფის თათბირის (რომელიც მის ბინაზე გაიმართა) შესახებ ამბობდა:

„თ. აბზახოვმა მართალია მოიწვია ჩემს სახლში ყველა ეს პირნი. ყველა ესენი ლაპარაკობდნენ თუ რა მოეგონათ კეთილი საქმე საქართველოსათვის. მე შევიტანე წინადადება შეგვეგროვებინა შემოწირულება და ამ შეკრებილი ფულით გვეყიდნა ბიბლიოთეკა, სტამბა და დაეხმარებოდით გიმნაზიის ღარიბ მოწაფეებს... ვამბობდით აგრეთვე ნიჭიერი მოწაფეები გაგვეგზავნა უნივერსიტეტში და დაგვენიშნა მათთვის სტიპენდია; ვიმსჯელეთ აგრეთვე იმ შევიწროებაზე, რომელსაც ადამიანი განიცდის სახელმწიფო დაწესებულებებში“.*

იმავე მემარცხენე, დემოკრატიული ფრთის წარმომადგენელი პედაგოგი ზაალ ავთანდილაშვილი თავის ჩვენებაში 1832 წ. 13 დეკემბერს წერდა:

„გაზაფხულის დამლევს თუ ზაფხულის დასაწყისს (მიმდინარე წლისა), თვე და რიცხვი არ მახსოვს, თ. ელიზბარ ერისთავმა დამპატიჟა სადილად, სადაც იყვნენ თავადები ალექსანდრე და ვახტანგ ორბელიანები; გიორგი ერისთავი (რომელიც ეხლა უკვე პრაპორჩიკია), მასწავლებლები დოდაევი და ყიფიანოვი (დიმიტრი ყიფიანი—გ. თ.), სოლომონ რაზმაძე და არტილერიის პრაპორშჩიკი დიმიტრი ერისთავი, რომელიც იქ გამაცნო ელიზბარმა, მე უკან მომყუა „სუდა ი რასპრავის ექსპედიციაში“ მომუშავე თარჯიმანი იოსებ მამაცოვი, გაშალეს სადილი, რომლის დროსაც გარეშე საგნებს გარდა ილაპარაკეს სასწავლებლების სიმცირის შესახებ საქართველოში და რომ ქართველი ახალგაზრდობის

* „1832 წლის შეთქმულება“, I, 140, 177.

წარმატებით და სწრაფად განათლებისათვის მთავრობამ ტფილისში უნდა დაარსოს უნივერსიტეტი, სამხედრო კორპუსები და სხვა სასწავლებლები“.*

შეთქმულების მონაწილეებმა იცოდნენ, რომ მთავარი დანაშაული (მონარქიზმის დამხობის განზრახვა) არ შეიძლებოდა ყოფილიყო აღიარებული, ხოლო კულტურულ დაწესებულებათა და მათ შორის უნივერსიტეტის დაარსების მოთხოვნა არ ჩაეთვლებოდათ მათ დიდ პოლიტიკურ დანაშაულად და ამიტომ ძალდაუტანებლად აღიარებდნენ მას. სინანდვილეში კი მათთვის სავსებით ნათელი იყო, რა ძალას წარმოადგენდა უმაღლესი განათლება ნაციონალურ-განმათავისუფლებელი ბრძოლის დიდ და ხანგრძლივ პროცესში და ყოველნაირად ცდილობდნენ ამ ძალის მოპოვებას ქართველი ხალხისათვის.

1832 წლის შეთქმულება, როგორც ვიცით, აჯანყებამდე (გამოსვლამდე) იქნა აღმოჩენილი და ლიკვიდირებული მეფის ხელისუფლების მიერ, მაგრამ მას უქმად მიინც არ ჩაუვლია. უმაღლესი (განათლებისათვის ბრძოლის საქმეშიც გამოიღო მან მცირეოდენი ნაყოფი: 1829 წლის დებულება ამიერკავკასიის სასწავლებელთა შესახებ 1835 წელს შეიცვალა ახალი დებულებით, რომელიც თბილისის გიმნაზიის თუ ყველა კურსდამთავრებულს არა, ხუთიოდე კაცს მიინც აძლევდა უნივერსიტეტში შესვლის უფლებას. უკანასკნელი მუხლი 1835 წლის დებულებისა აღნიშნავდა:

„გარდა კადეტთა კორპუსისათვის განკუთვნილი ათი ბავშვისა, რუსეთის უნივერსიტეტებში ყოველწლიურად იგზავნება კიდევ თბილისის გიმნაზიის კურსდამთავრებული ხუთიოდე ახალგაზრდა, ადგილობრივ მკვიდრთა თუ რუს მოხელეთა შვილები, რომლებმაც შესძლეს ადგილობრივი ენების შეთვისება, და სახაზინო ხარჯზე იზრდებოდნენ იმ პირობით, რომ ისინი უნივერსიტეტის დასრულების შემდეგ არა ნაკლებ ექვსი წლისა იმსახურებენ მასწავლებლად ამიერკავკასიის სასწავლებლებში“.**

—

1835 წელს გამოიკა ახალი საუნივერსიტეტო წესდება,*** რომელმაც გააუქმა 1804 წლის წესდებით უნივერსიტეტებისათვის მი-

* „1832 წლის შეთქმულება“, I, 153, 177.

** ПСЗРМ, IV, 571, § 80.

*** იქვე, X, განყ. 1, 841 (№ 8123).

ნიკებულდ ავტონომია და აკადემიური თავისუფლება. უნივერსიტეტი დაუქვემდებარეს ოლქის მზრუნველს, რომელიც უშუალოდ ერეოდა მის საქმეებში. რექტორსა და დეკანებს თუმცა კვლავ უნივერსიტეტის საბჭო ირჩევდა, მაგრამ რამდენადაც საბჭოს თავმჯდომარედ მზრუნველი ითვლებოდა, იმდენად მისი თანხმობის გარეშე არ შეიძლებოდა რექტორისა და დეკანების კანდიდატურის წაშოყენება. ანსპექტორს ნაშნავედა ოლქის მზრუნველი უნივერსიტეტვარეშე პირთაგან, რომელიც, არსებითად, მის აგენტს წარმოადგენდა. სტუდენტთათვის შემოიღეს სპეციალური ფორმა. უნივერსიტეტის სასამართლოები საბოლოოდ გაუქმდა. უნივერსიტეტის სასწავლო გეგმაში შეიტანეს საღვთისმეტყველო საგნები (ღვთისმეტყველება, ეკლესიის ისტორია, საეკლესიო სამართალი), როგორც სავალდებულო ყველა ვაკულტეტისათვის.

ასეთი სასტიკი მეთვალყურეობის ქვეშ დაყენებული უმაღლესი სკოლის დაარსება საქართველოშიც კი შესაძლებლად მიიჩნია ადგილობრივმა მთავრობამ და 1839 წელს საქართველოს მთავარმართებელი გოლოვინი ხელმწიფე იმპერატორის წინაშე შუამდგომლობდა თბილისში ისეთი უმაღლესი სასწავლებლის გახსნას, რომელიც „უნივერსიტეტის მაგიერობას შესძლებდა“, მაგრამ მაშინ ამ შუამდგომლობიდან არაფერი გამოვიდა, რადგან თბილისში უმაღლესი სასწავლებლის გახსნა უდროოდ დაინახეს* პეტერბურგის ხელისუფლებმა.

40-იანი წლებიდან ამიერკავკასიის მრეწველობისა და ვაჭრობის განვითარებამ, საზოგადოებრივ-ეკონომიური ურთიერთობის გაფართოებამ, ქალაქის მოსახლეობისა და სამოქალაქო დაწესებულებათა ზრდამ გამოიწვია მაღალი კვალიფიკაციის მრავალრიცხოვანი კადრების საჭიროება. რუსეთიდან მაღალი რანგის მოხელეთა გამოწერის პრაქტიკა ამ პერიოდისათვის უკვე ნაკლებ ეფექტს იძლეოდა: ძალიან მცირე იყო მათი რიცხვი და ამასთან ადგილობრივი ცხოვრების პირობებისა და ენების არცოდნა მათ გამოყენებასაც კი აძნელებდა. მეფის ხელისუფლების წარმომადგენელთათვის უკვე ცხადი გახდა, რომ ადგილობრივი კადრების შექმნის გარეშე არ შეიძლებოდა მათი წყობილების განმტკიცება საქართველოსა და ამიერკავკასიაში. ადმინისტრაციული, სასამართლო, კულტურულ-საგანმანათლებლო, ჯანმრთელობისა და სხვა დაწესებულებები შეუფერე-

* გახ. „Всемирная иллюстрация“, 1871, № 139. შემოკლებით: „დროება“, 1871, 15 X №-ში, საიდანაც მოგვყავს ეს ადგილი.

ბელი და უვარგისი მოხელეებით ივსებოდა. ეს გარემოება ძალიან დაბლა სწევდა მთავრობის დაწესებულებათა ავტორიტეტს ხალხის თვალში და ზრდიდა მის უკმაყოფილებას.

აშკარა შეიქნა, რომ წელიწადში ხუთი კაცი გზავნა რუსეთში უმაღლესი განათლების მისაღებად არარაობა იყო და სწორედ ამ დროს, უფრო ზუსტად, 1840 წელს, ლ. მოდზალევსკის ცნობით, ოფიციალურ წრეებშიც კი „გამოითქვა პირველად აზრი კავკასიაში ცალკე უმაღლესი სასწავლებლის დაარსებისა, მაგრამ მას აკლდა სავსებით აუცილებელი პირობა—ახალგაზრდათა კონტინგენტი, რომლებსაც მიღებული უნდა ჰქონოდათ წესიერი საშუალო განათლება, და ამის გამო ეს აზრი დარჩა ისე, განზრახვის სფეროში“.* (მოდზალევსკის მხედველობაში უნდა ჰქონდეს მთავარმართებელ გოლოვინის შემოხსენებული შუამდგომლობა იმპერატორის წინაშე—თბილისში „უნივერსიტეტის მაგიერობის განწვევა“ უმაღლესი სკოლის დაარსების შესახებ, რაც მოხდა 1839 წელს. 1840 წელში კი ასეთ ფაქტს, ჩვენს ხელთ არსებული ცნობებით, ადგილი არა ჰქონია). მაგრამ მთავრობის ინტერესი გადაუდებლად მოითხოვდა „კავკასიის გადაღმა მტკიცე სამოქალაქო მმართველობის საჩქაროდ დაფუძნებას“ და „სამოქალაქო უწყების ყველა, უკლებლივ, ადგილზე უნარიან და საიმედო მოხელეთა ნაკლებობის“ გადალახვას, და ამ მიზნით 1843 წელს უმაღლესად იყო ნებადართული ყოველწლიურად ამიერკავკასიის მკვიდრი მოსახლეობისაგან სახაზინო ხარჯით ხუთ-ხუთი ემაწვილი ეგზავნათ პეტერბურგის სამართლის მკოდნეობის საიმპერატორო სასწავლებელში და ლაზარევის სახელობის მოსკოვის აღმოსავლეთ ენების ინსტიტუტში.* ეს ემაწვილები უნდა ყოფილიყვნენ გამოსული უდიდებულეს და უპატივცემულეს თავადთა, აზნაურთა და აგრეთვე ხანთა და ბეგთა გვარებიდან**. გამონაკლისის სახით მათ რიცხვში შეიძლებოდა ყოფილიყვნენ შვილები მსხვილი რუსი მოხელეებისა, რომლებიც სამუდამოდ იყვნენ დასახლებული ამიერკავკასიაში.

შემდეგ წელს გადაწყდა თბილისის გიმნაზიის კურსდამთავრებულთაგან ხუთ-ხუთი კაცი ეგზავნათ აგრეთვე: პეტერბურგის უნივერსიტეტის აღმოსავლეთ განყოფილებაზე, მოსკოვის უნივერსიტე-

* Л. Н. Модзалевский, *Ход учебного дела в бывшем Кавказском наместничестве*, 23, 1880; его-же, *Очерк истории воспитания и обучения*, II, 502—3.

** Акты, IX. 634—5.

ტის საექიმო ფაკულტეტზე (10 კაცი), პეტერბურგის გზათა ინჟინ-
რების ინსტიტუტში და სააღმშენებლო სასწავლებელში, პეტერბურ-
გის სატყეო და სამიჯნო ინსტიტუტში და კონსტანტინეს სახ. მოს-
კოვის სამიჯნო ინსტიტუტში. 1845 წლიდან—პეტერბურგის მთავარ
პენდაგოგიურ ინსტიტუტში და 1846 წლიდან—პეტერბურგის კომერ-
ციულ ინსტიტუტში. ამასთან დაკავშირებით, საქართველოს მთა-
ვარმართებელს წინადადება მიეცა თბილისის გიმნაზიის უკანასკნელ
კლასების სასწავლო გეგმაში დამატებით შეეტანა საგნები, რომელ-
ნიც უზრუნველყოფდნენ აღნიშნულ უმაღლეს სასწავლებელთათვის
მოსწავლეთა მომზადებას. რუსეთის უმაღლეს სასწავლებლებში სა-
ხელმწიფო ხარჯზე კურსდამთავრებული ამიერკავკასიელი სტუდენტები
ვალდებული იყვნენ ემსახურათ ამიერკავკასიაში არაწაკლებ 6 წლისა,
--საქართველოს მთავარმართებლის მითითების მიხედვით.

ამის შემდეგ დიდი ხანი არ იყო საჭირო ხელისუფლების და-
სარწმუნებლად, რომ მართა „უდიდებულესი“ გვარებიდან ვერ
შესძლებდნენ გამოენახათ საკმაო რაოდენობისა და ხარისხის კანდი-
დატებდ რუსეთის უმაღლეს სკოლებში გასაგზავნად და რომ, ნებისთ
თუ უნებლიეთ, საჭირო იყო შეეცვალათ რუსეთში გასაგზავნ სტუ-
დენტთა სოციალური შერჩევის პრინციპი. ასე, თუ სამართლისმკოდ-
ნეობის ინსტიტუტი ერთხანს მაინც რჩებოდა პრივილეგიური გვა-
რების სასწავლებლად, სამაგიეროდ პეტერბურგის უნივერსიტეტის
აღმოსავლეთ განყოფილებაზე და ლაზარევის სახელობის მოსკოვის
აღმოსავლეთ ენების ინსტიტუტში, იმპერატორის ბრძანებით, შეიძლე-
ბოდა დაბალ წოდებათა ახალგაზრდობის გაგზავნაც.

1846 წელს, უმაღლეს მთავრობასთან არსებული „კავკასიის კო-
მიტეტის“ თავმჯდომარე, გენერალი ჩერნიშევი, ატყობინებდა
კავკასიის მეფისნაცვალს, რომ მეფის ბრძანებით „სანკტ-პეტერბურ-
გის უნივერსიტეტის აღმოსავლეთ განყოფილებაზე და ლაზარევის
სახ. მოსკოვის სონხურ ინსტიტუტში გაიგზავნონ ხოლმე თბილისის
გიმნაზიის საუკეთესო მოწაფეები, თუნდაც რომ არ ეკუთვნოდნენ
ისანი ადგილობრივ მაღალ თავად-აზნაურობას, და, საერთოდ, მო-
წაფეების შერჩევაში განსაკუთრებული ყურადღება ექცეოდეს არა
მათ შთამომავლობას, არამედ უნარსა და წარმატებას, რითაც გვაძ-
ლევინ კარგ მიმდს და იმსახურებენ მთავრობის განსაკუთრებულ
მზრუნველობას“.*

* „Кавказ“, 1846, № 9.

სინამდვილეში კი საწინააღმდეგო რამ ხდებოდა: ეძიებდნენ საშუალებებს უმაღლეს სკოლებში შესვლისა და სწავლის გასაძნელებლად: ასე, 1845 წელს, 2 ივნისს, განათლების მინისტრი უვაროვი, იმპერატორისადმი წარდგენილ მოხსენებაში უნივერსიტეტებსა და გიმნაზიებში სწავლის ქირის გადიდების შესახებ, წერდა, რომ ეს ღონისძიება ტარდება: „არა იმდენად სასწავლებელთა ეკონომიური თანხების გასაძლიერებლად, რამდენადაც განათლებისაკენ ახალგაზრდობის ლტოლვის შესაკავებლად სხვადასხვა წოდებათა სამოქალაქო ყოფა-ცხოვრებასთან სათანადო თანაზომიერების ფარგლებში“.* ამგვარად, უნივერსიტეტებსა და საერთოდ უმაღლეს სკოლაში სწავლა შეეძლო მხოლოდ შეძლებულ ხალხს, და საქართველოდანაც სწორედ ამ წრიდან გამოსული ახალგაზრდობა იგზავნებოდა რუსეთის უმაღლეს სასწავლებლებში.

ამიერკავკასიელი სტუდენტები რუსეთის უმაღლეს სკოლებში ვერ იჩენდნენ სანაქებო წარმატებას. მათ, პირველ ყოვლისა, უწუხებდნენ რუსული ენის ცოდნას და ამით ხსნიდნენ სხვა საგნებში წარუმატებლობასაც. 1847 წელს მოსკოვის ოლქის მზრუნველი ატყობინებდა მ. ს. ვორონცოვის, რომ კავკასიელ სტუდენტებს არა აქვთ საკმაო მომზადება. ამავე აზრის იყო რუსეთის განათლების მინისტრი ს. უვაროვიც: „თბილისის გიმნაზია შორს არის იმისგან, რომ მის მოწაფეებს შეეძლოთ უნივერსიტეტში პირდაპირ შესვლაო“, ამბობდა იგი და მხარს უჭერდა ვორონცოვის შუამდგომლობას მეფის წინაშე, რომ სახაზინო ხარჯზე მყოფ კავკასიელ სტუდენტებს ერთი წლით გახანგრძლივებოდათ უნივერსიტეტში ყოფნა. იმავე, 1841 წლის ნოემბერში, მეტემ დააკმაყოფილა ეს შუამდგომლობა: კავკასიელ სტუდენტებს უფლება მიეცათ დარჩენილიყვნენ რუსეთის უმაღლეს სასწავლებლებში ხუთ წელს, სახაზინო ხარჯზე.

კავკასიის სამეფისნაცვლოს (наместничество) შექმნამ 1844 წელს და ამით კავკასიის ყველა მხარისა და ხალხთა ეკონომიური, პოლიტიკური და კულტურული ცხოვრების გაერთიანებამ ერთ ადმინისტრაციულ მმართველობაში, როგორც ვიციით, გამოიწვია სახალხო განათლების ქსელის უნიფიცირება ერთიანი მმართველობის სისტემაში, ხოლო ამან კი—კავკასიის ცალკე სასწავლო ოლქისა და ახალი დებულების შექმნის აუცილებლობა. როგორც ვწერდით, კავ-

* Собр. постановлений по министерству народного просвещения II, ч. 2

კასიის სასწავლო ოლქის დებულება „კავკასიის სასწავლო ოლქისა და მის ქვემდებარე სასწავლებელთა შესახებ“ დამტკიცებულ იქნა 1848 წელს. ეს დებულება მზადდებოდა 1845 წლიდან. მის პირველ პროექტებში, 1846—47 წლებში, გათვალისწინებული იყო თბილისში უნივერსიტეტის დაარსება, მაგრამ საკმარისი იყო 1847 წელს ზოსკოვის სასწავლო ოლქის მზრუნველისა და განათლების მინისტრის ხსენებული შენიშვნა, რუსეთის უნივერსიტეტებში გაგზავნილ კავკასიელ სტუდენტთა სუსტი მომზადების შესახებ, რომ კავკასიის მეფისნაცვალს მ. ვორონცოვს, უმაღლესად მოსალოდნელ შთაგონებისაგან თავის დაზღვევის ვარაუდით, უარი ეთქვა მასზე; 1848 წელს, ჩერნიშევთან გაგზავნილ წერილში კავკასიის ცალკე სასწავლო ოლქის შექმნის შესახებ, ვორონცოვი აღნიშნავდა, „საქართველო ჯერ კიდევ არ არის მზად იმისათვის, რომ ჰქონდეს უნივერსიტეტი“.* მაგრამ ეს იყო მხოლოდ ფორმალური აქტი.

1848 წლის დებულებით საქართველოში დაარსდა მეორე გიმნაზია (ქ. ქუთაისში), და მიეცა მათ (თბილისისა და ქუთაისის გიმნაზიებს) ის უფლებები, რომლებიც მინიჭებული ჰქონდათ რუსეთის გიმნაზიებს სრულიადრუსეთის 1828 წლის წესდებით. უნივერსიტეტებისათვის გიმნაზიების მოსწავლეთა მომზადების შესახებ 1848 წლის დებულება უკვე გარკვევით აღნიშნავდა, რომ „კავკასიის სასწავლო ოლქის გიმნაზიებს აქვთ სამგვარი ამოცანა... 2) აღჭურვა აუცილებელი ცოდნით იმ მოწაფეებისა, რომლებიც გიმნაზიაში კურსის დამთავრების შემდეგ მოისურვებენ სწავლის გაგრძელებას უნივერსიტეტში...“ (მუხ. 48). მაგრამ, ამასთან დებულება სპეციალურად ავალბდა კავკასიის სასწავლო ოლქის მზრუნველს, „რომ ოლქის გიმნაზიის მოწაფეებს, რომელნიც განწესებული იქნებიან სატახტო ქალაქების სასწავლებლებსა და უნივერსიტეტებში ჰქონდეთ ყოველგვარი საჭირო ცოდნა ამ სასწავლებლებში შესასვლელად“ (მუხ. 20). დებულებაში გამოჩნახულია ამ დავალების შესრულების გზაც: უნივერსიტეტებისათვის ახალგაზრდათა მომზადების ამოცანა კავკასიაში სპეციალურად დაეკისრა ორ გიმნაზიას—თბილისისას და სტავროპოლისას, რომლებშიც, ჩვეულებრივ, საგიმნაზიო კლასებს ემატებოდა ორ-ორი სპეციალური კლასი; ერთი მათგანი ამზადებდა მოწაფეებს უნივერსიტეტში შესასვლელად (საუნივერსიტეტო კლასი), ხოლო მეორე, როგორც უკვე ვწერდით, გიმნაზიის დაბალი კლა-

* Акты, X, 126.

სებისა და სამაზრო სასწავლებელთა მასწავლებლებს და შინამასწავლებლებს (პედაგოგიური კლასი). უნივერსიტეტში შესვლის მსურველნი სწავლობდნენ იმ საგნებს, რომლებიც მათ უნდა ჩაეზარებინათ უნივერსიტეტში შესვლის დროს, ხოლო ისინი კი, ვისაც განზრახული ჰქონდა სამედიცინო ფაკულტეტზე შესვლა, გარდა ამ საგნებისა, სწავლობდნენ გერმანულ ენას. კავკასიის სხვა (ქუთაისის, ეკატერინოდარის) გიმნაზიების მოწაფეებს, რომელთაც სურდათ უნივერსიტეტში შესვლა, თავიანთ გიმნაზიებში კურსის დამთავრების შემდეგ შეეძლოთ შესულიყვნენ თბილისის ან სტავროპოლის გიმნაზიებთან არსებულ საუნივერსიტეტო კლასებში. დებულებით — ქუთაისის გიმნაზიის კურსდამთავრებულთ. ემსახურებოდა თბილისის გიმნაზიის საუნივერსიტეტო კლასი, ხოლო ეკატერინოდარისას — სტავროპოლის.*

გიმნაზიების პანსიონებში სახელმწიფო ხარჯზე მყოფი მოწაფეები ვალდებული იყვნენ დაემთავრებინათ პედაგოგიური კლასი და შემდეგ ემსახურათ ამიერკავკასიაში რ წელს უმცროსი მასწავლებლის თანამდებობაზე, მაგრამ, თუ მოისურვებდნენ უნივერსიტეტში წასვლას, ამ ვალდებულებისაგან თავისუფლდებოდნენ.

ამგვარად, კავკასიის სასწავლო ოლქის 1848 წლის დებულებაში, ძალიან მარტივად სწყდებოდა საკითხი უნივერსიტეტებში გიმნაზიების კურსდამთავრებულთა განწესების შესახებ, მაგრამ კავკასიას სჭირდებოდა არა მარტო ექიმები, პედაგოგები, იურისტები, ბუნებისმეტყველები და მათემატიკოსები, რომელთა გამოშვებაც შეეძლო უნივერსიტეტებს, არამედ ტექნიკურ და სასოფლო-სამეურნეო პროფესიათა წარმომადგენლებიც. ამ გარემოების მოწესრიგების აუცილებლობამ გამოიწვია შემუშავება სპეციალური დებულებისა „რუსეთის უმაღლეს და სპეციალურ სასწავლებლებში კავკასიისა და ამიერკავკასიის მკვიდრთა აღზრდის შესახებ“, რომელიც დამტკიცდა 1849 წელს.

ეს დებულება ითვალისწინებდა კავკასიიდან 160 სტიპენდიანტის გზავნას რუსეთის უმაღლეს და სპეციალურ სასწავლებლებში შემდეგნაირი განაწილებით.**

* ფაქტიურად თბილისის გიმნაზიის საუნივერსიტეტო კლასი (ისე, როგორც საპედაგოგო) არ ყოფილა გახსნილი არც 1860 წელს. თბილისის გუბერნატორი 1860 წელს აღნიშნავდა: „თბილისის გიმნაზიასთან დღემდე არ ყოფილა საპედაგოგო და საუნივერსიტეტო კლასები“ (საქ. ცენტრ. არქივი, ფ 423, ს. 270, 63)

** АКТЫ, XI, 731.

სად, რომელ სასწავლებელში	სულ ვა- კანსიები	ა ქ ე დ ა ნ	
		ადგილო- ბრივთა- თვის	რუსები- სათვის
ქ. პ ე ტ რ ბ უ რ ზ შ ი:			
1. საიმპერატორო უნივერსიტეტში .	20	15	5
2. უმაღლეს პედაგოგიურ ინსტ-ში .	10	5	5
3. სამართლისმცოდნეობის საიმპერატორო სასწავლებელში .	5	4	1
4. გზათა (ინჟინერთა) კორპუსის ინსტ-ში . .	4	3	1
5. სამთო ინჟინერთა კორპუსის ინსტ-ში	4	3	1
6. გზათა სააღმშენებლო სასწავლებელში	6	4	2
7. სატყეო და სამიჯნო ინსტიტუტში .	10	7	3
8. საიმპერატორო სამხატვრო აკადემიაში	2	2	—
9. საკომერციო სასწავლებელში	5	5	—
10. ტექნოლოგიურ ინსტიტუტში .	2	2	—
ქ. შ ო ს კ ო ვ შ ი			
11. საიმპერატორო უნივერსიტეტში			
ა) საექიმო ფაკულტეტზე .	20	15	5
ბ) სხვა ფაკულტეტებზე .	20	15	5
12. ლაზარევის სახელობის აღმოსავლურ ვნათა ინსტიტუტში .	20	14	6
13. კონსტანტინეს სამიჯნო ინსტ-ში .	15	10	5
14. საიმპერატორო სააღმზრდელო სახლის სახელოსნო სასწავლებელში .	2	2	—
ქ. ყ ა ზ ა ნ შ ი			
15. საიმპერატორო უნივერსიტეტში, აღმოსავ- ლური სიტყვიერების განყოფილებაზე .	5	3	2
დ. გ ო რ კ ი - შ ი (მოგილდვის გუბ.)			
16. გორიგორეცკის სამიწადმოქმედო ინსტ-ში	5	4	1
ქ. ო დ ე ს ა შ ი			
17. მთავარ საბაღოსნო სასწავლებელში . . .	5	4	1
ს უ ლ .	160	117	43

1849 წლის დებულების დამტკიცების მომდევნო წელს, თუ სულ არა, 90 სტიპენდიანტი მაინც გაიგზავნა კავკასიიდან რუსეთის უმაღლესსა და სპეციალურ სასწავლებლებში, აქედან 67 იყო ადგილობრივი და 23 რუსი.

1854 წლისათვის ზემოაღნიშნულ სასწავლებლებში სწავლობდა 114 კავკასიელი სტუდენტი.

1849 წლიდან 1854 წლამდე რუსეთის უმაღლესი და სპეციალური სასწავლებლები დაამთავრა 72 კავკასიელმა.

1849 წლის დებულების საფუძველზე პეტერბურგისა და მოსკოვის ზოგიერთ უმაღლეს სასწავლებელში შემოიღეს ქართული ენის სწავლება კავკასიელ სტუდენტთათვის. მიზანი ცხადია: არ დავიწყებოდათ ქართული ენა საქართველოსა და კავკასიის მომავალ მუშაკებს.

1849 წლიდან 1867 წლამდე, რუსეთის სატახტო ქალაქების (პეტერბურგისა და მოსკოვის) უმაღლეს სასწავლებელთა კავკასიელ სტუდენტებს ქართულ ენას ასწავლიდა ცნობილი ქართველოლოგი დავით ჩუბინაშვილი.* მთავრობასთან არსებული კავკასიის კომიტეტის საქმეთა მმართველი ბუტკოვი 1849 წლის 29 აგვისტოს ატყობინებდა დ. ჩუბინაშვილს: „თქვენი მაღალკეთილშობილების სურვილის თანახმად, 1849 წლის 11 ივნისის დებულების მე-34 § საფუძველზე, მე დაგნიშნეთ თქვენ ქართული ენის მასწავლებლად სანკტპეტერბურგის კავკასიელ მოსწავლეთათვის, ყველა იმ თანამდებობაზე დატოვებით, რომლებიც ამ ეამად თქვენ გიკავიათ და მომავალი სექტემბრიდან წელიწადში 643 მ. და 31 კ. დანიშნით. ის სასწავლებელნი, რომლებშიც თქვენ უნდა ასწავლოთ ქართულ ენა კავკასიელ მოსწავლეებს, არიან შემდეგნი: სამართლისმკრძნეობის საიმპერატორო სასწავლებელი, ინსტიტუტები: გზათა ინჟინერებისა, სამთო, სატყეო და სამიჯნო და ტექნოლოგიური; სასწავლებლები: სააღმშენებლო, გზათა და სანკტპეტერბურგის კომერციული, აგრეთვე საიმპერატორო სამხატვრო აკადემია“.** ამას გარდა დ. ჩუბინაშვილი ასწავლიდა ქართულ ენას აღმოსავლეთის ენათა ინსტიტუტში.

* Ал. Цагарели, Сведения о памятниках грузинской письменности, I, вып. I, стр. LXXIV.

** იქვე, LXXV.

(უნდა ვიფიქროთ, რომ დ. ჩუბინაშვილი ამ მრავალრიცხოვან უმაღლეს სასწავლებელთა კავკასიელ სტუდენტებს ასწავლიდა ქართულ ენას გაერთიანებულ ჯგუფებად რომელიმე სასწავლებლის შენობაში. სხვანაირად ძნელი იქნებოდა მისთვის ყველა ზემოაღნიშნულ სასწავლებელთა კავკასიელი სტუდენტების ცალ-ცალკე სწავლება, მით უმეტეს, რომ მათთან მეცადინობის პარალელურად ის, როგორც ენახეთ, ყველა იმ თანამდებობაზე რჩებოდა, რომელიც მას ექირა. 1849 წლისათვის).

1854 წელს პეტერბურგის უნივერსიტეტის აღმოსავლეთის სიტყვიერების განყოფილება გადაკეთდა დამოუკიდებელ ფაკულტეტად, რომელთანაც დაარსდა ქართული ენისა და სიტყვიერების კათედრა. ამ კათედრის ექსტრაორდინარულ პროფესორად მოწვეულ იქნა დ. ჩუბინაშვილი.

1858 წელს დაიხურა (მეორედ) პეტერბურგის მთავარი პედაგოგიური ინსტიტუტი* და კავკასიელი სტიპენდიანტები, რიცხვით 10, გადარიცხეს პეტერბურგისა და მოსკოვის უნივერსიტეტებში, კავკასიის საშუალო სკოლების მასწავლებელთა მოსამზადებლად.

XIX საუკუნის 50-იან წლებში კიდევ უფრო გაიზარდა უმაღლესი განათლების მქონე კატეგორიის საჭიროება. მართალია, ამ დროისათვის საკმაოდ იყო გაფართოებული პრაქტიკა საქართველოსა და კავკასიის მკვიდრი ახალგაზრდობის გზავნისა რუსეთის უმაღლეს სასწავლებლებში, მაგრამ ამ პრაქტიკამ ვერ გამოიღო ის ნაყოფი, რასაც მისგან ელოდნენ. 160 კაციდან, რომელიც იგზავნებოდა რუსეთში უმაღლესი განათლების მისაღებად, უკან, კავკასიაში, ნახევარიც აღარ ბრუნდებოდა, მაგრამ ყველაც რომ დაბრუნებულიყო. მაინც ვერ დააკმაყოფილებდა მთელი კავკასიის მოთხოვნილებებს მაღალი კვალიფიკაციის კადრებზე.

განვითარება საფაბრიკო-საქარხნო წარმოებისა, სოფლის მეურნეობისა, სამთო და სატყეო მრეწველობისა; საგზაო მეურნეობისა, გაფართოება სამხედრო, ადმინისტრაციული და სასამართლო დაწესებულებათა ქსელისა, გადიდება სასწავლებელთა რიცხვისა, გამოცოცხლება ლიტერატურისა, პრესისა, თეატრისა—მრავალ მაღალ-

* ეს ინსტიტუტი დაარსდა 1804 წელს, პეტერბურგის სამასწავლებლო გიმნაზიის ბაზაზე. 1819 წელს ის (ინსტიტუტი) შეუერთდა ამ წელს დაარსებულ პეტერბურგის უნივერსიტეტს. 1828 წელს ინსტიტუტი გამოეყო უნივერსიტეტს, როგორც დამოუკიდებელი დაწესებულება.

ჯანათლებულ მუშაკსა და ხელმძღვანელს მოითხოვდა, კვლავ აყენებდა უმაღლესი სასწავლებლის დაარსების საკითხს და კიდევ ქმნიდა იმის რეალურ შესაძლებლობას, რომ ასეთი სასწავლებელი დაარსებულიყო ქ. თბილისში. ამასთან ეს უმაღლესი სასწავლებელი მარტოოდენ სასწავლო დაწესებულება არ იქნებოდა, რომ კადრების მომზადებით ამოწურულიყო მისი დანიშნულება; თბილისის უმაღლეს სასწავლებელს უნდა შეესრულებინა სამეცნიერო დაწესებულების ფუნქციებიც, რასაც აგრეთვე დაჟინებით მოითხოვდა ამიერკავკასიის ცხოვრების ხსენებული დარგების განვითარება.

ორმოცდაათიანი წლების შუალედში, გარდა ადგილობრივი საზოგადოებრივობის მოწინავე წარმომადგენლებისა, თბილისში უმაღლესი სასწავლებლის დაარსებაზე ალაპარაკდნენ ოფიციალურ წრეებშიც. კავკასიის მეფისნაცვალი ბარიატინსკი აჰყვა ამ ხმას და 1857 წელს წინადადება მისცა კავკასიის სასწავლო ოლქის მზრუნველს ბარონ ა. ნიკოლაის, შეედგინა ამიერკავკასიის უმაღლესი სასწავლებლის დებულებისა და შტატის პროექტი, რაც იმავე წელს იქნა შესრულებული.*

კავკასიის მეფისნაცვალმა გადაწყვიტა ახლადდასაარსებელი უმაღლესი სკოლა ყოფილიყო არა უნივერსიტეტი, რომელიც ამიერკავკასიისათვის ჯერ კიდევ დაუმსახურებლად მიაჩნდა, არამედ—ლიცეუმი. ოლქის მზრუნველი ა. ნიკოლაი, ამიერკავკასიის ლიცეუმის პროექტის განმარტებითი ბარათში, „ასაბუთებდა“ რა უმაღლესი სკოლის დაარსების აუცილებლობას ამიერკავკასიაში, ამბობდა: „ეს მხარე განათლების მხრივ, ჩამორჩება რუსეთისაგან სულ მცირე—50 წლით“ და ფიქრობდა, რომ უმაღლესი სკოლა შესძლებდა ამ ვადის მნიშვნელოვნად შემცირებას. ის სამართლიანად წერდა, რომ ამიერკავკასიაში „ყოველწლიურად მატულობს რიცხვი მათი, ვინც ცდილობს მიიღოს უმაღლესი განათლება უნივერსიტეტებში“** და ოფიციალურად აღიარებდა, რომ „მთავრობას არ შეიძლება არ სურდეს ამ მხარეში განათლების გავრცელება“, მაგრამ, როცა დაისვა საკითხი ამიერკავკასიის უმაღლესი სკოლის სტრუქტურისა და ამოცანების რეალურად გადაჭრის შესახებ, ა. ნიკოლაიმ გამოიჩინა მხოლოდ ვიწრო პრაქტიკული ინტერესი ტექნიკური და ადმინისტრაციული კადრების მომზადებისა ზემოაღნიშნულ დაწესებულებათა და შრომის დარგე-

* Акты, XII, 178.
** იქვე, 179.

ბისათვის და თავის „განმარტებითი ბარათში“ მოურიდებლად წერდა, რომ „ამ მხარეში უმაღლესი განათლების მოთხოვნილება თუმცა კი სჩანს, მაგრამ არ არის იგი საკმაოდ განმტკიცებული, რომ გამომდინარეობდეს მეცნიერების მოთხოვნილების ნათელი შეგნებიდან“. პატივცემული ბარონი ამიერკავკასიის მოსახლეობას მიაწერდა ერთადერთ სურვილს: უმაღლეს სკოლაში ახალგაზრდობა ემზადებინა უფრო მეტად „თუ არა მხოლოდ და მხოლოდ, სამსახურში შესასვლელად“ და „სამსახურებრივი ხეირისათვის“.* გამოდიოდა რამეცნიერებისა და პრაქტიკის ამ ყალბი დაპირისპირებიდან, და თანაც ეძებდა რა ახალ შემთხვევას ესამოვნებინა უფალი მეფისნაცვალის, ა. ნიკოლაი უფრო მიზანშეწონილად სთვლიდა თბილისში დაარსებულ იყო არა უნივერსიტეტი, რომელიც, მისი „უგანათლებულესი“ აზრით, ემსახურებოდა წმინდა მეცნიერებას, არამედ — ლიცეუმი, როგორც უფრო პრაქტიკული (გამოყენებითი) ხასიათის უმაღლესი სკოლა.

ამიერკავკასიის ლიცეუმი უნდა ყოფილიყო 3 წლიანი კურსისა. მის პროექტში პირველად გათვალისწინებული იყო ორი ფაკულტეტი: იურიდიულ-პოლიტიკური და მათემატიკური. იურიდიულ-პოლიტიკურ ფაკულტეტზე უნდა ესწავლებინათ იურიდიული მეცნიერებანი, პოლიტიკური ეკონომია და ისტორიული დისციპლინები, ხოლო მათემატიკურზე მათემატიკური, ფიზიკა-ქიმიური და სასოფლო-სამეურნეო დისციპლინები. პროექტით ლიცეუმის სტრუქტურაში გათვალისწინებული იყო აგრეთვე სამხედრო განყოფილება მაღალი წოდების ოფიცერთა მოსამზადებლად. ამ განყოფილების სასწავლო გეგმაში განზრახული ჰქონდათ შეეტანათ სამხედრო საგნები, გათვალისწინებული სამხედრო სასწავლებელთა სპეციალური კურსის იმ პროგრამით, რომელიც დამტკიცებული იყო უმაღლესად 1848 წელს.

ლიცეუმში ლექციების საკითხავად ფიქრობდნენ მოეწვიათ 6 პროფესორი, 3 ადიუნქტ-პროფესორი (ანუ პროფესორის თანაშემწე, ასისტენტი) და გენერალური შტაბის მაღალი წოდების ოფიცრები — სამხედრო განყოფილებისათვის.

ამიერკავკასიის (თბილისის) ლიცეუმში უნდა ეწარმოებინათ თავისუფალი პროფესიის ყველა პირთა მიღება. ნამდვილ სტუდენტთა ჯგუფების პარალელურად უნდა არსებულებოდა ექსტერნატიც. ლიცეუმთან ეწყობოდა პანსიონი 60 კაცისათვის. აქედან 20 — სახელმ-

* АКТЫ, XII, 179.

წიფო ხარჯზე, დანარჩენი პანსიონერები კი იხდიდნენ 250 მანეთს წლიურად. სწავლის ქირად ნავარაუდები იყო 25 მანეთი წელიწადში-ლიცეუმის ბიუჯეტი 31.720 მანეთის რაოდენობით დამატებით უნდა ყოფილიყო გამოთხოვილი სახელმწიფო ხაზინიდან, მაგრამ უარის შემთხვევაში, მის გამონახვას ფიქრობდნენ ადგილობრივი წყაროებიდან.

ამიერკავკასიის ლიცეუმის 1857 წლის პროექტი შედგენილი იყო ძალიან უხეიროდ. ამ პროექტით დასახული ამოცანები და სტრუქტურა ლიცეუმისა ნაკლებად უპასუხებდა ამიერკავკასიაში გამოსადეგი კადრების მომზადებას და მეცნიერული ცოდნის გავრცელებას. სტრუქტურაში არ იყო გათვალისწინებული ისეთი ფაკულტეტები ან განყოფილებანი, რომლებსაც შეეძლოთ მომზადება ტექნიკური და სასოფლო-სამეურნეო კადრებისა, ექიმებისა, საზოგადოებრივ მეცნიერებათა პედაგოგებისა, ე. ი. იმ სპეციალისტებისა, რომელთაც ყველაზე უფრო მეტად საჭიროებდა საქართველო და ამიერკავკასია. ამასთან ლიცეუმის ორგანიზატორები სრულებით არ ლებულობდნენ მხედველობაში პროფესორ-ლექტორთა შემადგენლობით მისი უზრუნველყოფის სიძნელეს. იმ დროს, როდესაც ვარაუდობდნენ ისეთი ფაკულტეტების შექმნას, რომელთა ლექტორები რუსეთიდან უნდა მოეწვიათ, არ ფიქრობდნენ საქართველოსა და ამიერკავკასიისათვის მეტის-მეტად საჭირო ისტორია ფილოლოგიის ფაკულტეტის შექმნას (ქართული და სხვა ადგილობრივი ენების, ლიტერატურის, საქართველოსა და კავკასიის ძირითად ხალხთა ისტორიის შესასწავლად), რომელთა ლექტორებიც შეიძლებოდა ადგილობრივად გამოენახათ. დაბოლოს, ძალიან გულუბრყვილო იყო ბარონ ნიკოლაის ვარაუდი ლიცეუმის სისტემაში სამხედრო სპეციალისტების მომზადების შესახებ.

ამიერკავკასიის ლიცეუმის პროექტი გაეგზავნა გასარჩევად მაღალი თანამდებობის პირებს. ყველაზე უფრო საკმიანი კრიტიკა წარმოადგინა კავკასიის არმიის შტაბის უფროსმა გენერალმა მილიუტინმა, რომელმაც უარყო შესაძლებლობა მაღალი წოდების ოფიცერთა ახალი კადრების მომზადებისა იმ მოძველებული სასწავლო გეგმებით, რომლებიც პროექტის ავტორს ჰქონდა მხედველობაში. ამასთან მილიუტინი შეუძლებლად მიიჩნევდა სამხედრო პირების მომზადების საქმე ყოფილიყო სამოქალაქო დაწესებულების ხელში და ისიც ლიცეუმის სტრუქტურაში.

ბარონმა ნიკოლაიმ, მილიუტინის აზრის გაცნობისთანავე, უარი სთქვა ლიცეუმის პირველ პროექტზე, გამოირიცხა სამხედრო გან-

ყოფილება ლიცეუმის სტრუქტურულიდან და ახალ პროექტში მისცა მას (ლიცეუმს) მხოლოდ სამოქალაქო ხასიათი. სხვა შენიშვნების მიხედვით, მან ლიცეუმის სტრუქტურაში, ნაცვლად იურიდიულ-პოლიტიკური ფაკულტეტისა შეიტანა იურიდიული, ხოლო მათემატიკის ფაკულტეტი კი შესცვალა კამერალური ფაკულტეტით.*

ამგვ რად, კავკასიის სასწავლო ოლქის მზრუნველმა აღ. ნიკოლაიმ შეიმუშავა თბილისის ლიცეუმის მეორე, სრულიად ახალი პროექტი, მაგრამ ისევე უხეირო და ადგილობრივი სინამდვილისადმი შეუფერებელი, როგორც პირველი. თბილისის ლიცეუმის ახალი პროექტი წარიგზავნა პეტერბურგს, უმაღლესაჲ დამტკიცებისათვის. მაგრამ იმპერიის უზენაესმა ხელისუფლებამ არ განიხილა იგი: უმაღლესი სასწავლებლის დაარსება საქართველოში ჯერ ისევ ნაადრევად იქნა მიჩნეული.

ორმოცდაათიანი წლების დასაწყისში რუსეთის უნივერსიტეტებში, განსაკუთრებით კი მოსკოვის უნივერსიტეტში, შექმნილი იყო საკმაოდ ძლიერი და გავლენიანი ბირთვი მოწინავე, რევოლუციურად განწყობილი პროფესორისა და ამ პერიოდის უნივერსიტეტები უკვე ახდენდნენ შესამჩნევ გავლენას მეცნიერული აზროვნების განვითარებასა და ხალხის პოლიტიკურ გამოფხიზლებაზე.** უნივერსიტეტი საშიშ დაწესებულებად გადაიქცა მეფის ხელისუფლებისათვის და თუ წინათ „უცხოელთა წინაშე თავგამოჩენის“ მიზნით ხსნიდა იგი მათ, ხოლო შემდეგ კი ერთგვარ ნეიტრალობას იჩენდა მათდამი, ახლა, 50-იანი წლებიდან, არსებითად უკვე აფერხებდა მისი ქსელის განვითარებას. ამას ეწეოდა მეფის ხელისუფლება რუსეთის მიმართ და რა გასაკვირია თუ უფრო გაბედულად აფერხებდა იგი არარუს ეროვნებათა მიწაზე უმაღლესი განათლების გავრცელების საქმეს.

* კამერალურ მეცნიერებათ საშუალო საუკუნეებიდან სთვლიდნენ ადმინისტრაციული სამართლის, ეკონომიურ და ფინანსიურ მეცნიერებათა ერთგვარ მექანიკურ შენაერთს.

** 1849 წელს რუსეთში იყო 9 უნივერსიტეტი და ერთი „მთავარი პედაგოგიური ინსტიტუტი“ აყვალა ამ (10) უმაღლეს სასწავლებელში სწავლობდა 3.937 სტუდენტი. აქედან თავადაზნაურთა წოდების სტუდენტთა რიცხვი უდრიდა 2506-ს, ხოლო სასულიერო წოდებისა—279-ს („Современник“, 1849, XIV, 40).

VIII. პედაგოგიური იდეები

XIX საუკუნის პირველი ნახევრის საქართველო პედაგოგიკური იდეებით უფრო მდიდარია, ვიდრე ეს შეიძლებოდა წარმოგვედგინა ამავე პერიოდის ღარიბი პედაგოგიური პრაქტიკისა და, ზაერთოდ, ჩამორჩენილი სახალხო განათლების გათვალისწინებით.

იოანე ბატონის (1768 — 1830) ენციკლოპედიური ნაწარმოები „კალმასობა“, მართალია, XIX ს. დასაწყისში დაიწერა, მაგრამ, როგორც აღვნიშნეთ, თავისი აღნაგობითა და იდეური სამყაროთი, ის მე-18 საუკუნეს ეკუთვნის და ამიტომ ჩვენი შრომის პირველ წიგნში ვარჩევთ მას დაწვრილებით. აქ კი მხოლოდ ის უნდა აღინიშნოს, რომ იოანე ბატონის (ბატონიშვილის) შეხედულებები აღზრდის შესახებ თავის აქტუალობას არ ჰკარგავდა არც XIX ს. პირველ ნახევარში. გავიხსენოთ, რომ იოანე ბატონი მახვილი სატირის ფორმით აკრიტიკებს ბავშვთა ფიზიკური და გონებრივი აღზრდის ძველი და მისი დროის სისტემას, ხალხის განათლებიდან გამართველი წრეებისა და სასულიერო წოდების უღარდელ დამოკიდებულებას, ამათრახებს თავადაზნაურობას იმისათვის, რომ ისინი უფრო მეტად ზრუნავენ ცხენების მოვლა-შენახვაზე, ვიდრე ბავშვების წესიერ აღზრდაზე და აღნიშნავს, რომ ადამიანი ღირს იმათ, რომ მას უფრო მეტი მზრუნველობით ეკიდებოდნენ, ვიდრე ცხოველებს. გავიხსენოთ ისიც, რომ იოანე ბატონი წერა-კითხვას სთვლის განათლების საშუალებად, ხოლო განათლება კი ესმის როგორც მეცნიერული ცოდნის მიღება და მისი „კალმასობა“, დაწერილი XVIII ს. ფრანგი ენციკლოპედისტების გავლენით, შეიცავს საკმარად მართებულ განმარტებებს თითქმის ყველა იმ საზოგადოებრივ-ფილოსოფიურ, საბუნებისმეტყველო-მათემატიკურ მეცნიერებათა და აგრეთვე ხელოვნების, ეთიკის და ლიტერატურული თანრებისა, რომლებიც კი ცნობილი იყო XVIII ს. დამლევისათვის. ყოველივე ეს ჯერ კიდევ ახალი იყო XIX ს. პირველი ნახევრისა-

თვის და ამდენად იოანე ბაგრატიონის პედაგოგიური იდეების განხორციელება კვლავ საბრძოლო ამოცანად . რჩებოდა ამ პერიოდისათვის. განუხორციელებელ და, მამასადამე, საბრძოლო ამოცანად რჩებოდა აგრეთვე 1799 წლის სახელმწიფოებრივ რეფორმათა მის პროექტში წამოყენებული სახალხო განათლების ორგანიზაციის საწყისებიც.



XIX ს. პირველი ნახევრის ქართული პედაგოგიური აზროვნების ყველაზე უფრო მნიშვნელოვან ფიგურას წარმოადგენს გამოჩენილი საზოგადო ბოლვაწე და მეცნიერი სოლომონ დოდაშვილი.

სოლომონ დოდაშვილი დაიბადა სიღნაღის რაიონის სოფ. მალაროში 1805 წელს. მამა მისი, მღვდელი იოანე (ივანე) შვილის პატრონი იყო და ღარიბად ცხოვრობდა. სოლომონი პირველად სწავლობდა ბოდბის მონასტერთან არსებულ სკოლაში, ხოლო 1818 წლიდან თბილისის სასულიერო სემინარიასთან არსებულ სასულიერო სასწავლებელში. 1820 წლის 15 სექტემბერს სოლომონ დოდაშვილი გადავიდა თბილისის სემინარიაში რიტორიკის (სიტყვიერების) განყოფილებაზე, ხოლო 1822 წლის 15 მარტს, როდესაც სემინარიის კურსი ჯერ კიდევ არ ჰქონდა დასრულებული, დანიშნეს სიღნაღის სასულიერო-სამრევლო სასწავლებლის უფროსი (მეორე) კლასის მასწავლებლად მცირე ხელფასით (120 მან. წელიწადში).* 1823 წლის 26 ივლისს სოლ. დოდაშვილი თავისი თხოვნით განთავისუფლდა ამ თანამდებობიდან. მას ჯერ განზრახვა ჰქონდა შესულიყო სამხედრო სამსახურში, მაგრამ ჩქარა უარჰყო ეს განზრახვა და უმაღლესი ჰუმანიტარული განათლების მიღება არჩია. 1824 წლის ზაფხულზე სოლ. დოდაშვილი, ბოდბელი მიტროპოლიტის იოანე მაყაშვილის დანხარებით. გაემგზავრა პეტერბურგს, სადაც იმავე წელს ჩაირიცხა საიმპერატორო უნივერსიტეტში, ფილოსოფიის ფაკულტეტის თავისუფალ მსმენელად.

იშვიათი ინტერესითა და მონდომებით სწავლობდა სოლ. დოდაშვილი პეტერბურგის უნივერსიტეტში, მაგრამ უფრო მეტი გულმოდგინებით ეწაფებოდა იგი დამოუკიდებელ კითხვას. წარ-

* საქ. ც. არქ. ფ. 112, საქ., 6, ფურც. 11.

ჩინებული სწავლის შედეგად, ის, მეორე კურსიდან, ნამდვილ-
სტუდენტად გადარიცხეს.

სოლომონ დოდაშვილის მისწრაფება მიმართული იყო განსა-
კუთრებით ფილოსოფიურ მეცნიერებათა შესწავლისაკენ. ამის-
შედეგად მან უნივერსიტეტში სწავლის პერიოდშივე (1824—1827)-
დასწერა და 1827 წელს გამოსცა წიგნი: „Курс философии, часть
первая, Логика, сочинение Соломона Додаева-Магарского.“*
თავისი ნაწარმოები მან მიუძღვნა ხარკოვის უნივერსიტეტის რექ-
ტორსა და იმავე ოლქის მზრუნველს ალექსი პეროვსკის. ეს
მიძღვნა არ აიხსნება მარტო პირადი ნაცნობობით. იმ დროს.
(1825—1840) საქართველოსა და მთელი კავკასიის სასწავლებლები-
ფორმალურად ექვემდებარებოდნენ ხარკოვის სასწავლო ოლქს და.
ამ მიძღვნაში წიგნის ავტორი მიმართავდა რა აღნიშნული ოლქის.
მზრუნველს: „კავკასიის ჰაბუკ შვილთა გონება საზრდოს ეძებს.
და ამ წმინდა მისწრაფებაში ისინი მოგაპყრობენ თქვენ თავის.
თვალებს და ელიან ამ საზრდოს თქვენი აღმატებულებისაგან“,
დარწმუნებული იყო, რომ მზრუნველი მართლა იზრუნებდა კავკა-
სიის სასწავლებელთათვის.

სოლომონ დოდაშვილის წიგნი ჩქარა გავრცელდა მთელს იმ-
პერიაში; მას იყენებდნენ ლოგიკის კურსის სახელმძღვანელოდ,
საშუალო სასწავლებლებში. მის შესახებ 1827 წელს დაიწერა რე-
ცენზიები „Московский Телеграф“-ში (№ XVIII, 167-8), „Моско-
вский вестник“-ში (№ XXII, 201-6) და „Северная Пчела“-ში.
(№ 72). ეს რეცენზიები ერთხმად იწონებდნენ სოლ. დოდაშვილის
„ლოგიკას“, სთვლიდნენ მას „შესანიშნავ თხზულებად“ და „ახალ-
მოვლენად“ რუსეთის ფილოსოფიურ ლიტერატურაში. მართალია.
სოლ. დოდაშვილის „ლოგიკა“ არსებითად კანტის „კრიტიკული“
ფილოსოფიიდან გამომდინარეობს, მაგრამ საკითხების დალაგებით-
და გაშუქებით, ის უეჭველად ორიგინალურ მეცნიერულ შრომასა
წარმოადგენს.

პეტერბურგში ყოფნის პერიოდში სოლ. დოდაშვილი არა მარ-
ტო მეცნიერებით იყო გატაცებული. ცნობისმოყვარე ჰაბუკი ღრმად-
სწავლობდა ცხოვრების ყოველ მხარეს, განსაკუთრებით პოლიტი-

* ავტორის გვართან მოხსენებული ფსევდონიმი Магарский—მალაროვი,
წარმოსდგება სამშობლო სოფლის სახელიდან—„მალარა“.

კურ ვითარებას. ის გაეცნო და მიემხრო დეკაბრისტების მოძრაობას, სთარგმნიდა და ავრცელებდა დეკაბრისტულ ლიტერატურას (მაგალითად, რილევის მიერ, სიკვდილით დასჯის წინ, ცოლისადმი მიწერილს ბარათს). პეტერბურგში სოლ. დოდაშვილი დაუკავშირდა აგრეთვე საქართველოდან იქ გადასახლებულ ბაგრატიონთა გვარეულობას და მეფის ხელისუფლებისადმი ოპოზიციურად განწყობილ იმ ქართველობას, რომლის წრეშიც დაიბადა საქართველოში მეფის ხელისუფლების წინააღმდეგ მომავალი (1832 წლის) შეთქმულების იდეა და ისახებოდა მისი განხორციელების პრაქტიკული ღონისძიებანი.

1827 წელს სოლ. დოდაშვილმა დაამთავრა პეტერბურგის უნივერსიტეტი და სამშობლოში დაბრუნდა. იმავე წლის შემოდგომიდან ის მიიწვიეს თბილისის კეთილშობილთა სასწავლებლის ქართული ენისა და გეოგრაფიის მასწავლებლად. ამის პარალელურად ის საათავეში ჩაუდგა აღნიშნულ შეთქმულების მომწყობ „საიდუმლო საზოგადოებას“ და მის ხელმძღვანელ ჯგუფს (ალ. ორბელიანი, ელიზბარ ერისთავი, ზ. ავთანდილაშვილი, სოლ. რაზმაძე, ფილ. კიკნაძე, ი. მამაცაშვილი, ზ. ჩოლოყაშვილი და სხვ.).

1828 წლიდან ხელმძღვანელობდა გაზეთ „Тифлисские ведомости“-ს ქართულ გამოცემას. 1830 წელს გამოსცა ქართული გრამატიკის სახელმძღვანელო „შემოკლებული ქართული გრამატიკა“ და შეადგინა ქართული წერის დედანი.

ამ ნაშრომების გარდა, არსებული ცნობების მიხედვით, სოლ. დოდაშვილს ჰქონია კიდევ 14 პატარა თუ დიდი ნაწარმოები ფილოსოფიისა და ფილოლოგიის დარგიდან, მაგრამ მათ ჩვენამდე არ მოუღწევიათ.

1832 წელს სოლ. დოდაშვილმა დაარსა პირველი ქართული ჟურნალი „სალიტერატურონი ნაწილნი ტფილისის უწყებათანი“, რომელსაც მან მიზნად დაუსახა ბრძოლა „მამულის დიდებისათვის და გონების განათლებისათვის“. ეს ჟურნალი, როგორც ვწერდით, ეწეოდა აგრეთვე „საიდუმლო საზოგადოების“ იდეათა შენიღბულ პროპაგანდას.

1832 წელს 9 დეკემბერს „საიდუმლო საზოგადოების“ დალატით, გაცემასთან დაკავშირებით, დაატუსაღეს შეთქმულების მონაწილენი და სოლ. დოდაშვილს, როგორც შეთქმულების მთავარ ორგანიზატორს, მიესაჯა სიკვდილით დასჯა, ჩამოხრჩობით. მეფემ

ეს სასჯელი შეუცვალა ქ. ვიატკაში 10 წლით გადასახლებით, მაგრამ საქართველოში დაბრუნების სამუდამოდ აღკვეთით.

სოლ. დოდაშვილს ვიატკაში (ახლა ქ. კიროვი) ნება მისცეს ემსახურა გუბერნატორის კანცელარიაში, რომელშიც მაშინ მუშაობდნენ აგრეთვე იქ გადასახლებული რუსეთის დიდი დემოკრატი-რევოლუციონერი ალ. გერცენი და 1832 წლის შეთქმულების მონაწილე იოსებ მამაცაშვილი. ვიატკის გუბერნატორის კანცელარია, გერცენის სიტყვით, „საპყრობილეზე უარესი“ იყო, საცხე მექრთამე, ქურდი, თვალთმაქცი და გაიძვერა მოხელეებით. ამ მოშხამულ და შავ-ბნელ ატმოსფეროში მხოლოდ გერცენი და მამაცაშვილი იყვნენ, რომელთანაც სოლ. დოდაშვილს შეეძლო დაახლოვება და, მართლაც, მათ შორის ჩქარა დამყარდა მეგობრული ურთიერთობა. მაგრამ სოლ. დოდაშვილმა დიდხანს ვერ აიტანა გადასახლებულის მძიმე პირობებში ცხოვრება და ჩრდილოეთის მკაცრი ჰავა; დაავადმყოფდა, ფილტვების ტუბერკულოზის ჩქარი პროცესი გაეხსნა. დოდაშვილის დაავადების შესახებ ცოტა მოგვიანებით ალ. გერცენი იგონებდა: „მან ვერ აიტანა სუსხიანი ჰავა და უბოროტესმა ჭლექმა შეიპყრო. მე ვინახულე იგი რამდენიმე დღით ადრე სიკვდილამდე. ის ძლივსღა სუნთქავდა, მაგრამ მაინც ღრმა რწმენით მითხრა: ოღონდ გაზაფხულზე არ გავხდე უფრო ცუდად, თორემ შეიძლება ჭლექი შემექნესო“.*

1834 წ. ივლისში სოლომონ დოდაშვილმა ვიატკის გუბერნატორის საშუალებით სთხოვა მთავრობას სამხრეთის რომელიმე ობილ გუბერნიაში გადასახლება, მაგრამ ნიკოლოზ პირველმა არ შეიწყინარა ეს თხოვნა.

სოლ. დოდაშვილს დიდხანს აღარ უცოცხლია: 1836 წლის 16 აგვისტოს, ჯერ კიდევ სრულიად ახალგაზრდა, 31 წლის ჰაბუკს, აღმოხდა მემამბოხე, მაგრამ ობოლი სული. ვიატკის ყრუ მიდამოს მიაბარეს მისი მგზნებარე გული, რომელიც უკანასკნელ წუთამდე ენთო სამშობლოს ცისა და თავისუფლების სიყვარულით.

სოლომონ დოდაშვილის საგანმანათლებლო და პედაგოგიკური იდეები მისი საზოგადოებრივ-რევოლუციური მოღვაწეობისა და აზროვნების ერთ-ერთ მთავარ მომენტს წარმოადგენს.

მისი იდეალი იყო თავისუფალი, რესპუბლიკური საქართველო. მეფის რუსეთის სუსხიანი, კოლონიური რეჟიმის პირობებში ამ იდეალის აშკარად გამჟღავნება ისევე ძნელი იყო, როგორც ბრძოლა მისი განხორციელებისათვის. მხოლოდ არალეგალური, ფარული გზით იყო საჭირო მისი დაწყება და სოლომონ დოდაშვილიც საჯარო გამოსვლებში და წერილებში ხშირად მიმართავს ქარაგმასა და ალევორიას თავისი სოციალურ-პოლიტიკური იდეების გამოსახატავად. კერძო წერილებში კი, ახლობელ და საიმედო პირებთან, ის რამდენადმე უფრო თავისუფლად გრძნობდა თავს და ადვილად მისახვედრი ტონით ამჟღავნებდა თავის ზრახვებს. 1826 წლის დეკემბერში, პეტერბურგიდან თბილისში კეთილშობილთა სასწავლებელში გამოწესების წინ, ის სწერდა ფილადელფოს კიკნაძეს, რომელიც პეტერბურგს აპირებდა გამგზავრებას: „ჩემს კერძო არა სასიამოვნოდ არის თქვენი აქ დაახლოება, მე ვაზმნობდი სხვა სარაი სამე, და ოდეს მთავრობასთან სრულვყოფ, მაშინ ძალმიძს ცნობად თქვენ და, რომელი აწცა მქვეს იგივე და მსურდა თქვენი მყოფობა ამის მიზეზისათვის საქართველოსა შინა. არა შესახებლად მისსა, სადაც მე მაწესებენ, არამედ სხვა აზმნობა არს სარგებლად მამულისა“.*

ეს წერილი იწერებოდა „1832 წლის შეთქმულების“ მზადების დასაწყის პერიოდში და ახლა ჩვენთვის ნათელია რა აზმნობა ჰქონდა მხედველობაში მის ავტორს, ხოლო გამოჩენილი ქართველი პატრიოტისა და ლიტერატორის ფილადელფოს კიკნაძის დარჩენა საქართველოში მას სურდა შეთქმულებაში მისი ჩაბმის შიზნით. მართლაც ფილადელფოსი, როგორც ვიცით, არამც თუ მართო ჩება საიდუმლო საზოგადოების შეთქმულებაში, არამედ მისი ერთერთი ხელმძღვანელი გახდა.

სოლ. დოდაშვილისათვის ცხადი იყო, რომ პოლიტიკური ბრძოლა ხალხის თავისუფლებისა და თანასწორობისათვის უქმი იქნებოდა, თუ იგი არ დაუკავშირებდა ბრძოლას იმავე ხალხის განათლებისათვის. მისთვის ცხადი იყო, რომ გაუნათლებელი ხალ-

* „სოლ. დოდაშვილის წერილები“, ს. ხუციშვილის შესავალი წერილით და შენიშვნებით („მასალები საქართველოსა და კავკასიის ისტორიისათვის“ II), 1945, 72.

ზი შეგნებულად ვერ დაუპყრდა მხარს პოლიტიკურ ბრძოლას თავისუფლებისათვის და ვერც ისარგებლებდა ამ ბრძოლის შედეგითა და მონაპოვართ. მისი აზრით, ყოველი საზოგადოების კეთილდღეობა და შემძლეობა დამოკიდებულია ხალხის განათლებაზე, მის (საზოგადოების) წევრთა კეთილ აღზრდაზე. სოლომონ დოდაშვილი 1832 წელს წერდა, რომ:

„გ ა ნ ა თ ლ ე ბ ა ა რ ი ს უ უ მ ტ კ ი ც ე ს ი და უ უ ს ა ი მ ე-
დ ო ე ს ი ს ა ფ უ ძ ვ ე ლ ი კ ე თ ი ლ მ დ გ ო მ ა რ ე ო ბ ი ს ა ყ ო ვ-
ლისა ს ა ზ ო გ ა დ ო ე ბ ი ს ა; ყოველმან უწყის, რომელ საზოგადო-
დობა შემდგარი კეთილაღზრდილთა წევრთაგან, შეიქმნების გან-
წმედლის წყაროდ საერთო კეთილმოქმედებათა, დიდებისა და შე-
მძლეობისა; მას შინა სცნობს წმინდა ეკლესია ჭეშმარიტთა ძეთა,
მოქალაქეობა—მამულს მოყვარეთა, ხოლო მშობელნი—თავისსა
ნუგეშსა“.*

სოლ. დოდაშვილს ძალიან ფართოდ აქვს წარმოდგენილი განათლებისა და აღზრდის როლი საზოგადოებისა და სახელმწიფოს ცხოვრებაში. მისი აზრით, საზოგადოების მორალი, ღირსება და, საერთოდ, მომავალი პოტენციური შესაძლებლობანი განპირობებულია ამ საზოგადოების წევრთა განათლებით, მათი აღზრდით, მათი ზნეობრივი და გონებრივი მდგომარეობით, მათი იდეალებით. აქედან ნათელია ის დიდი ინტერესი, რომელსაც იჩენდა იგი ხალხის განათლებისა და ახალთაობათა სწავლა-აღზრდის მიმართ.

ამგვარად, სოლ. დოდაშვილი ჩვენ გვევლინება ყველაზე უფრო ადრეულ განმანათლებლად საქართველოში. ის, როგორც მაღალ-განათლებული ფილოსოფოსი და ფილოსოფიურ თხზულებათა ავტორი, კარგად იცნობდა ფილოსოფიის ისტორიას, მისთვის ცნობილი იყო დასავლეთისა და, კერძოდ, XVIII ს. ფრანგ მატერიალისტ-განმანათლებელთა (დ ა ლ ა მ ბ ე რ ი, დ ი დ რ ო, ჰ ო ლ ბ ა ხ ი) იდეები, ამასთან ის, როგორც პეტერბურგის უნივერსანტი, უფრო ახლოს იცნობდა რუსეთის ადრეულ განმანათლებლებს ა. რ ა დ ი შ ჩ ე ვ ს, ნ. ნ ო ვ ი კ ო ვ ს, ი. პ ნ ი ნ ს ა და სხვებს. მაგრამ სოლ. დოდაშვილის გზა დამოუკიდებელია, მისი განმანათლებლობა ორიგინალური ხასიათისაა. ის გამოდის არა აბსტრაქტული ადამიანისა და წმინდა გონების პრინციპიდან, არამედ ქართული

* „საღიუერატურო ნაწილში ტფილისის უწყებათანი“, № 2, 1832.

ეროვნულ-განმათავისუფლებელი ბრძოლისა და პოზიტიუზური ცოდნის მიზნებიდან. დოდაშვილი 1828 წელს ამბობდა, რომ „აწინდელსა დროსა მამულისა ჩვენისათვის დიდ ფრიად საჭირო არს სწავლა“.* მაგრამ ეს არ არის ზოგადი ფრაზა. ის გარკვეულად აღნიშნავს რატომ სწორედ აწინდელმა დრომ (ე. ი. XIX ს. დასაწყისმა პერიოდმა) წარმოშვა სწავლა-განათლების განსაკუთრებული საჭიროება და როგორი უნდა იყოს განათლებული ადამიანი. სოლომონ დოდაშვილი არა ადგას წმინდა რაციონალიზმის საფუძველზე და ამით ეთიშება დასავლეთის განმანათლებელთა უმრავლესობას. ის არ სწყდება ემპირიულ სინამდვილეს ადამიანის დანიშნულებისა და მისი განათლების შინაარსის გარკვევის საქმეში. სოლომონ დოდაშვილისათვის უცხო და მიუღებელია ე. წ. განათლებული აბსოლიუტიზმი, რასაც თავგამოდებით იცავდა დასავლეთის ზოგიერთი განმანათლებელი (ვოლტერი, მონტესკიე და სხვ.). დოდაშვილის განმანათლებლობის განსაკუთრებით დამახასიათებელი თვისებაა ხალხურობა, პატრიოტიზმი და ნაციონალურ-განმათავისუფლებელი მოძრაობის სამსახური. მართალია, ეს დამახასიათებელია რუსეთის ადრეულ-განმანათლებელთათვისაც (მაგ., რადიშჩევი), მაგრამ დოდაშვილის პატრიოტიზმი,—როგორც კოლონიურ პირობებში ჩაყენებული სამშობლო მხარას დანოჟიკიდებლობისა და პოლიტიკური თავისუფლების, დედაენისა და ეროვნული უფლებების დაცვა,—მაინც თავისებურია და სპეციფიკურ-ქართველური.

XIX ს. დასაწყისი პერიოდის ქართული განათლების უახლოეს ამოცანად სოლ. დოდაშვილს მიაჩნდა მისი აყვანა ევროპული განათლების დონემდე. ამას სთვლიდა იგი პირველ რიგში ქართველი ახალგაზრდობის ეროვნულ, პატრიოტულ საქმედ. მაგრამ რა იყო საჭირო იმისათვის, რომ საქართველოს სახალხო განათლება და კულტურა ამდლებულიყო აღნიშნულ დონემდე? ქართული მეცნიერებისა და ლიტერატურის განვითარება, პერიოდული პრესისა და საერთოდ ბეჭდვითი საქმის გაფართოება, სკოლების ქსელის გაშლა, ბიბლიოთეკის დაარსება.

ევროპული განათლებისათვის ბრძოლის პროგრამით დაიწყო სოლ. დოდაშვილმა პირველი ქართული ჟურნალის „სალიტერატურონი ნაწილნი ტფილისის უწყებათანი“-ს გამოცემა:

* წერილები, III.

„შესაწევნელად განათლებისა, განვრცელე-
ბისათვის ბუნებითისა ენისა ჩვენისა და მი-
ხლოვებისათვის განბრძნობილთა მცხოვრებთა
ევროპიისათა“.*

მაგრამ არა მარტო სალიტერატურო ორგანოს უსახავდა იგი ასეთ მიზანს. განათლების „შეწევნის“, და ევროპული კულტურით შეიარაღების ამოცანას აყენებდა იგი ქართველი მოსწავლე ახალგაზრდობის წინაშეც, განსაკუთრებით კი რუსეთში უმაღლესი განათლების მისაღებად მიმავალ ქართველ სტუდენტთა წინაშე. განათლების ყველაზე უფრო მსხვილ ცენტრად რუსეთში მას მიაჩნდა ქალაქი პეტერბურგი „სადაცა საყვარელნი მემამულენი (თანამემამულენი—გ. თ.) ჩვენნი იმკიან განათლებასა და მდიდრებთან ცნობათა მიერ“.** პეტერბურგის უმაღლესი განათლება, როგორც აღვნიშნეთ, თვით დოდაშვილმაც იგემა და, საკუთარი გამოცდილების საფუძველზე, სამართლიანად მიაჩნდა იგი ევროპული განათლების მზედ; 1832 წელში ის იმედს გამოსთქვამდა, რომ:

„შესაძლებელი არს, რომელ მზისა მაგის ნაპერწკალი მცირემცირედ განვრცელდეს და ოდესმე აღვიდეს მალალსა ხარისხსა ზედა სრულებისასა“.*

სოლომონ დოდაშვილი დარწმუნებული იყო, რომ უმაღლესი განათლების მზის სხივები საქართველოსათვის ყველაზე უფრო ეფექტიანად შეეძლო ეტყორცნა რუსეთის უმაღლეს სკოლებში მოსწავლე ქართველ სტუდენტობას, თუმცა მისი რიცხვი 30-იან წლებში ჯერ კიდევ ძალიან მცირე იყო. სოლ. დოდაშვილი სპეციალური წერილებით ამხნევებდა პეტერბურგის ქართველ სტუდენტებს „სწავლათა შინა, რომელთაგანაც მამული ჩვენი მოელის ბედნიერებასა“.**

მამულის ანუ სამშობლოს სამსახური და მშობლიური ხალხის განათლების ინტერესები უნდა ყოფილიყო ქართველი ახალგაზრდობის მაცოცხლებელი ძალა. ასეთი გრძნობით, პირველ ყოვლისა, თვით სოლომონი იყო ანთებული და არც ფარავდა იგი ამ გრძნობას. ჯერ კიდევ პეტერბურგის უნივერსიტეტის სტუდენტად ყოფ-

* „სალიტ. ნაწ. ტფ. უწყებათანი“, № 5, 1832.

** იქვე, № 2.

ნის დროს, 1826 წლის ნოემბერში, სწერდა იგი თბილისში თავის სულიერ მამას იონა ხელაშვილს:

„ვიკრეფ სიბრძნესა მამულისათვის... არა თავისათვის მხოლოდ, გინა ბედნიერებისათვის ვკმუშაობ, არამედ სიყვარულისათვის მამულისა, რათა ვეროპამან ოდესმე ჰსცნას ივერია საშუალებითა წერილთა სარწმუნოთა“.*

მართლაც, რომ ბრძნელია ახალგაზრდა, 21 წლის ყმაწვილის მსჯელობა. ევროპას შეეძლო ეცნო საქართველო მხოლოდ „სარწმუნო“ სამეცნიერო და ლიტერატურული ნაშრომებით („წერილებით“), რომელიც ქართულ ენაზე უნდა შექმნილიყო, იმ კულტურული ძეგლებით, რომელიც ქართველ ხალხს უნდა მიეწოდებინა მსოფლიოსათვის, იმ მაღალ-განათლებული პირებით, რომლებიც გამოაჩენდნენ და სახელს მოუხვეჭდნენ თავის სამშობლოს. სოლომონ დოდაშვილმა კარგად იცოდა, რომ ევროპის მიერ ივერიის ცნობა დიდს არაფერს შესძენდა ამ უკანასკნელს, მაგრამ თვით ენ შესაძლო ფაქტი (ცნობა) იქნებოდა იმის მომასწავებელი, რომ საქართველო ავიდა ევროპული კულტურის სიმაღლეზე, რაც იმ დროს მოწინავე ქართველთა და პირველ რიგში თვით დოდაშვილის უახლოეს ამოცანას წარმოადგენდა.

სოლომონ დოდაშვილი თავისი საზოგადოებრივ-კულტურული იდეალებით, საერთოდ, და, კერძოდ კი, თავის აზრებით განათლების როლის შესახებ შეიძლება უყოყმანოდ მივიჩნიოთ XIX საუკუნის დასაწყისი პერიოდის განმანათლებლად. მის საგანმანათლებლო მოღვაწეობასა და იდეებს, თუ მთლიანად არა, ძირითადად მაინც შეესაბამება ვ. ლენინის მიერ მოცემული კლასიკური დახასიათება განმანათლებლისა. პირველი დამახასიათებელი თვისება რუსეთის XIX ს. 40—60-იანი წლების „განმანათლებლებისა“, ლენინის აზრით, — არის „ფაქტური მტრობა ბატონ-ყმობისა და ყოველი მისი წარმონაქმნისა ეკონომიურ, სოციალურ და იურადიულ სფეროში“, მეორე — „მხურვალე დაცვა განათლებისა, თვითმმართველობისა, თავისუფლებისა, ცხოვრების ევროპული ფორმებისა და, საერთოდ, რუსეთის ყოველმხრივი ევროპიზაციისა“ და მესამე —

* წერილები, 74.

„დაცვა ხალხთა მასების, უმთავრესად გლეხობის ინტერესებისა“.* მართალია, სოლომონ დოდაშვილს თავისი დამოკიდებულება ბატონ-ყმობის ინსტიტუტისადმი ოფიციალურად და ფორმალურად არ გამოუთქვამს, მაგრამ მისი ცხოვრება და აზროვნება ამტკიცებს, რომ ფაქტიურად მას მთელი თავისი არსებით ეზიზღებოდა იგი. რაც შეეხება ლენინურად გაგებულ განმანათლებლის მეორე და მესამე თვისებებს, ესენი საჭსებით, ყოველი პირობის გარეშე, შეესაბამება სოლომონ დოდაშვილის განმანათლებლობას ისევე, როგორც მის „ზაპადნიკობას“.

ამგვარად, შეიძლება დარწმუნებით ითქვას, რომ სოლომონ დოდაშვილი იყო XIX საუკუნის საქართველოს ყველაზე უფრო ადრეული განმანათლებელი და ამავე დროს, თავისი მისწრაფებით, ევროპული განათლებისა და კულტურისადმი, ის იყო პირველი „ზაპადნიკი“ საქართველოში და ერთი პირველთაგანი რუსეთის მთელ იმპერიაში.

—

როგორი იყო ახალი თაობის აღზრდა-განათლების მიზანი და შინაარსი სოლ. დოდაშვილის მიხედვით?

სპეციალური პედაგოგიური ხასიათის ნაწერები ამ საკითხებზე მას არა აქვს, მაგრამ მისი შრომებიდან საკმაოდ ნათლად სჩანს როგორც აღზრდისა და სწავლა-განათლების, ისე სკოლის მიზნები და ამოცანები.

ყოველი ადამიანის „საკუთრივ ადამიანურ“ თვისებას, სოლ. დოდაშვილის აზრით, წარმოადგენს ლტოლვა ჰარმონიისაკენ, მთლიანობისაკენ. ეს ჰარმონია და მთლიანობა ძვეს როგორც თვით მასში — სუბიექტში, ისე მის გარეთ — ბუნებაში. ადამიანში არსებული ჰარმონია. არის ერთიანობა კანონებისა, რომელთაც მისი განვითარება ექვემდებარება, ხოლო ჰარმონია ბუნებაში — ერთიანობა კანონებისა, რომელნიც სამყაროს მოვლენათა „უსაზღვრო ჯაჭვსა“ და მისი განვითარების საფუძველს წარმოადგენენ. ადამიანის ლტოლვა ანუ მისწრაფება ამ ჰარმონიისაკენ, დოდაშვილის აზრით, არის ადამიანის განვითარების პროცესი, ხოლო წვდომა ანუ შეცნობა აღნიშნული ჰარმონიისა — განვითარების მი-

ზანი. „ვინც ადამიანს დაკვირვებია, — წერს დოდაშვილი, — მან იცის, რომ იგი მიილტვის რა ჰარმონიისაკენ თავისი ბუნებით, შეუწყვეტლად ეძებს მას აგრეთვე გარე ბუნებაშიც“.*

დოდაშვილი გრძნობს ადამიანის ერთიანობას მატერიალურ ბუნებასთან. ის ფიქრობს, რომ ადამიანის შინაგანი, საკუთარი. ბუნების გასაღები, საერთოდ, გარეშე ბუნებაში ძევს; აქვე უნდა ვეძიოთ წყარო, კერძოდ, მისი სულიერი ცხოვრებისა:

„გრძნობაში არაფერია ისეთი, რაც არ არის ნივთიერ ბუნებაში; გამოცდილება ცხადად ამტკიცებს ამ ჰუმანიტებას“.** ეს ცნობილი მატერიალისტური დებულება, რომელიც დოდაშვილს სრულიად მართებულად მიაჩნია გამოცდილებით დამტკიცებულ ჰუმანიტებად, წარმოადგენს, მისი აზრით, ადამიანისა და ბუნების ერთიანობის საფუძველს, და ამავე დროს განაპირობებს ადამიანის მისწრაფებას მთლიანობისაკენ.

ლტოლვა ჰარმონიისაკენ, როგორც აღნიშნეთ, ყველა ადამიანის დამახასიათებელი თვისებაა და ამდენად ყველა ნორმალური ადამიანი ექვემდებარება განვითარების პროცესს; მაგრამ მიზნის მიღწევა ყველას ხვედრი არაა. დოდაშვილი აღნიშნავს, რომ ადამიანისა და ბუნების ჰარმონიის წვდომა მოითხოვს „გარკვეულ ადამიანური ცოდნის სისტემას“ ანუ მეცნიერებას, ფილოსოფიას, რომელიც „არავისათვის არ არის თანდაყოლილი; ის შეძენილ უნდა იქნეს საკუთარი გონების ძალით, საკუთარი მოღვაწეობით“*** და აი, ეს პროცესი. „ადამიანური ცოდნის სისტემის“ შეძენისა ესმის სოლომონ დოდაშვილს როგორც პროცესი აღზრდა-განათლებისა.

რა შეადგენს „ადამიანური ცოდნის“ ანუ მეცნიერების შინაარსს, რომლისაკენაც უნდა მივყავდეთ სწავლა-განათლებას? ადამიანი და ბუნება. მაგრამ რას გულისხმობს ადამიანის ან ბუნების წვდომა? სოლ. დოდაშვილი აღნიშნავს, რომ:

„ჩავსწვდეთ საკუთარ თავს (ხაზი ავტორისაა, გ. თ.) ნიშნავს ბეჯითად გავსაჯოთ ჩვენს შინაგან მოვლენათა შესახებ.

* Сол. Додзев-Магарский, Курс философии, ч. I, Логика, I, 1827.

** იქვე, 24.

*** იქვე, 111.

გაეხადოთ რა ჩვენი თავი კვლევების უშუალო საგნად. შეცნობა საკუთარი თავისა სხვა არაფერია, გარდა უნარისა მართებულად ვიმსჯელოთ მთელი ჩვენი მოქმედი ძალის შესახებ, ეს კი შესაძლებელია მხოლოდ მაშინ, როცა ჩვენთვის ცნობილი გახდება ჩვენი ბუნების მოქმედების კანონები, მათი საზღვარი და მიზანი“...*

ამგვარად, ადამიანის არსის შეცნობისათვის საჭიროა მისი შინაგანი მოვლენების, მისი ბუნების კანონების ცოდნა, მისი ფსიქოლოგია. ეს არის ერთი მხარე ადამიანის სწავლა-განათლებისა. მეორე მხარეს წარმოადგენს გარეშე ბუნების ანუ მატერიალური სამყაროს შეცნობა.

„სამყარო არის ურთიერთობათა სისტემა, რომელშიც ყოველივე გაზომილი, აწონილი და გამოანგარიშებულია; ყველაფერი შეკრულია მიზეზთა და შედეგების, საშუალებათა და მიზნების უწყვეტი კავშირით; ყველაფერი ემორჩილება უცვლელ წესებს, მუდმივ კანონებს“.**

მხოლოდ ამ კაუზალური თვალსაზრისით მიაჩნია სოლ. დოდაშვილს როგორც გარეშე, მატერიალური, ბუნების, ისე ადამიანის შინაგანი ბუნების მეცნიერული შესწავლა. ყოველ კანონზომიერებას ბუნებასა და ადამიანში აქვს მიზეზობრივი ურთიერთობის ხასიათი და ეს გარემოება, დოდაშვილის აზრით, გვიადვილებს ჩვენ მათ (ბუნება, ადამიანი) ახსნასა და შეცნობას, მაშასადამე სხვისთვის განმარტებასა და სწავლებასაც. სოლ. დოდაშვილის აზრით, სამყაროს მრავალი მოვლენა და მათი ურთიერთობის მრავალი კანონი არ არის ჩვენთვის ცნობილი, მაგრამ მთელი რიგი უცნობი მოვლენებისა და კანონების არსებობა იგულისხმება ცნობილ მოვლენებსა და კანონებთან მათი პოტენციალური ურთიერთობით. ამასთან დაკავშირებით ის აღნიშნავს, რომ „მსოფლიოს კანონების არცოდნა ჯერ კიდევ არ გვაძლევს უფლებას უარყვოთ მათი არსებობა“.** ეს მატერიალისტური თეზისი (ნივთების არსებობა ჩვენი ცნობიერების გარეშე) გვაძლევს საშუალებას დავასკვნათ, რომ მისი ავტორის მიხედვით დღეს უცნობი მოვლენა შეიძლება ხვალ ნაცნობად ვაქციოთ სწავლა-განათლების საშუალებით. ეს გარემო-

* Логика, гл. IV.

** იქვე, 2.

ება ნათლად მიგვითითებს ჩვენ შემეცნებისა და სწავლების ერთიანობისა და სხვაობის პრინციპზე. შემეცნებას ისე, როგორც სწავლას და სწავლებას მიყვებით ცოდნისაქენ, მეცნიერებისაქენ; მაგრამ შემეცნება, როგორც ვიცით, გულისხმობს ჯერ ჩვენთვის უცნობის, ჩვენი ცნობიერების გარეშე არსებულის აღმოჩენას და გაცნობიერებას, სწავლება კი — უკვე აღმოჩენილის და გაცნობიერებულის გადაცემას ანუ სწავლებას მეორისათვის. სოლომონ დოდაშვილი ფიქრობს, რომ უცნობის გადაქცევა ნაცნობად წარმოადგენს პროცესს საგნის შეგრძნებიდან წარმოდგენისა და ცნებისაქენ. ეს პროცესი მკვლევარისათვის არის შემეცნება, ხოლო მოსწავლისათვის სწავლა; შემეცნება — დამოუკიდებელი კვლევისა და აზროვნების გზაა, სწავლა კი — განპირობებულია სწავლებით (მასწავლებლით) ან შესასწავლი საგნებით და მოვლენებით.

განათლების შინაარსს სოლომონ დოდაშვილის მიხედვით, როგორც ვიცით, მეცნიერული ცოდნა განსაზღვრავს, ხოლო თვით მეცნიერული ცოდნის ანუ, უკეთ, მეცნიერებრივ შინაარსს კი მისი საგანი. „სამყარო, როგორც მოვლენა, — წერს დოდაშვილი, — არის ურიცხვი სხვადასხვაობა მრავალი საგნებისა მათი ურთიერთობით; მათი მრავალგვარობა უქველად წარმოშობს მრავალგვარობას აზროვნების წესებისა, რომელნიც არიან რამდენადმე დამოკიდებული თვით საგნების კერძო თვისებათაგან, ბუნებრივად წარმოადგენენ ნაწილობრივს, შემთხვევითს (ხაზი ავტორისა — გ. თ.), გამოსადეგს მხოლოდ გარკვეულ საგანთა გვარისათვის, მაგალითად, ისტორიულ, მათემატიკურ და სხვ. ვკრებთ. რა ამ წესებს, რომლებიც შეეფარდებიან შეცნობადის ცალკეულ დარგებს, შეგვიძლია მივიღოთ აზროვნების ცალკეული მეცნიერება თითოეული მათგანისათვის“.*

რამდენადაც სოლ. დოდაშვილისათვის შეცნობადის ორი ძირითადი სამყარო — აღამიანი და ბუნება — წარმოადგენენ ჩვენი შემეცნებისა და სწავლების ორ ძირითად ობიექტს, იმდენად ის გულისხმობს მეცნიერებათა ორ ძირითად ჯგუფს: ჰუმანიტარულს და საბუნებისმეტყველოს. მაგრამ „სიმრავლე და მრავალგვარობა“ დარგებისა, რომელნიც აღნიშნულ ორ ძირითად სამყა-

* Логика, 4.

როში არსებობენ, თავის მხრივ გულისხმობენ მრავალ სხვადასხვა მეცნიერებას ყოველი ამ ცალკე დარგის შესახებ.

მაგრამ მას ცალკე აქვს გამოყოფილი „ფილოსოფიური სწავლანი“ და ფილოლოგია. „ფილოსოფობა ჩვენი — წერდა დოდაშვილი... მდგომარეობს თეორიასა შინა, პრაქტიკასა და ესთეტიკასა: პირველი არს ცნობა, მეორე ქცევა და მესამე ხელოვნება; კვალად იგივე პირველი, ე. ი. თეორია არს სწავლა გონებისა, მეორე გულისა და მესამე გრძნობისა“. ამის მიხედვით თეორიაში ის გულისხმობს ლოგიკას, ფსიქოლოგიას და მეტაფიზიკას, პრაქტიკაში — „ზნობითი სწავლას (ეთიკა)“, სამართალსა და რელიგიას, ესთეტიკაში — გემოვნებას, მკერმეტყველებასა და პოეზიას. „სადა არს სულისათვის სწავლა?“, კითხულობს დოდაშვილი; და უპასუხებს: „იგი არს ფსიხოლოლიასა შინა“.* განსაკუთრებით ამახვილებდა იგი ყურადღებას ენისა და საერთოდ სიტყვიერების სწავლებასა და შესწავლაზე, ვინაიდან ამ გზით მდიდრდება და ვითარდება ეს მეცნიერება, ხოლო „სიმდიდრე ენისა არს სიმდიდრე გულის-ხმისყოფისა... და წარმატებანი ენისა და სიტყვიერებისანი ჰმოწმობენ აღმატებასა ერისასა“.** საერთოდ კი, სოლომონ დოდაშვილის მართებული აზრით, მიდრეკილება განათლებისადმი და „წარმატებანი სწავლათანი ჰმოწმობენ საზოგადოდ აღმატებასა კაცობრივისა“. ამის შედეგად „გამოცხადდებიან ხარისხნი განათლებისანი, აღივსებიან გრძნობანი, გავრცელდებიან სიმრგვალენი გონებისანი შეხედვითა მოქმედებულთა მშვენიერებათადმი“.**

აი, ეს მეცნიერებანი წარმოადგენენ განათლების შინაარსს, ხოლო მათი შესწავლა, დაუფლება — მიზანს.

სოლ. დოდაშვილი წერს, რომ „ყოველი მეცნიერებას შინაარსი დამოკიდებულია მის იდეასაგან“ და სწორედ ამ იდეას გამონახვა მიაჩნია მას პირველ აუცილებელ პირობად მეცნიერების შესწავლის (ან სწავლების) დაწყებისათვის და მისი შინაარსის ადვილად გაგებისა და გაგებინებისათვის.

ამგვარად არკვევს სოლ. დოდაშვილი ახალგაზრდა ადამიანის განათლების მიზანს, რაც მისი საზოგადოებრივი დანიშნულებით აქვს განპირობებული. მხოლოდ ამგვარად გაგებული მი-

* წერილები, 133.

** იქვე, 63.

ზანი შეესაბამება ადამიანის მისწრაფებას განათლებისაკენ. მისი მიღწევას რეალური უზრუნველყოფით, სოლ. დოდაშვილს აზრით, „შევექმნით ჩვენ ჰარმონიულ მოღვაწეობას, მივმართავთ რა მას ჩვენი დანიშნულებისაკენ.“*

—

აღზრდისა და სწავლა-განათლების მიზნების გარკვევასთან ერთად სოლ. დოდაშვილს არ შეიძლებოდა უყურადღებოდ დაეტოვებინა თვით ობიექტი აღზრდისა ანუ ბავშვი. ჩვენ უკვე გვექონდა აღნიშნული, რომ ადამიანის შესწავლა ანუ „წვდომა“— დოდაშვილის ტერმინი. რომ ვიხმაროთ — ნიშნავს „ჩვენი შინაგანი (ჩვენ შიგნი მიმდინარე) მოვლენების“, „მთელი ჩვენი მოღვაწეობის ძალის“, „ჩვენი არსის მოქმედების კანონების“ ცოდნას. მხოლოდ ამის შემდეგ მიაჩნია მას შესაძლებლად ლაპარაკი ადამიანზე (ბავშვზე) სათანადო ზეგავლენის ფორმებისა და მისი სწავლების მეთოდების შერჩევის შესახებ. აღნიშნული შინაგანი მოვლენები და მოქმედების კანონები, დოდაშვილის სრულიად მართებული აზრით, თავს იჩენენ ადამიანის მოღვაწეობაში, მის ქცევაში, ხასიათში. მაგრამ დოდაშვილს, პირველ ყოვლისა, აინტერესებს ადამიანი (ან ბავშვი) არა საერთოდ, უკეთ, არა ზოგადკაცობრიული ხასიათი ადამიანისა, არამედ ქართველი ადამიანი, ქართველი ბავშვი და ეს სავსებით გასაგებია: ის სახავს თავის თანამემამულე, ქართველი ბავშვების აღზრდისა და სწავლა-განათლების მიზნებს და უეჭველია მას ამავე ეროვნების ბავშვი და მისი შესწავლა აინტერესებს. მაგრამ ჯერ ვნახოთ როგორ თვისებათა მატარებელია ქართველი საერთოდ, რომ შემდეგ შეგვეძლოს ვიმსჯელოთ ამის მიხედვით ქართველ ბავშვებზე:

„ბუნებამან არ უარგვყო ზნეობითა და ფიზიკურთა ნიჭთა შინა თვისთა. მამული ჩვენი ნაყოფიერ არს. ჰაერი კეთილგანხმული და შეზავებული. თვისებანი გონებისა და გულისანი არიან მიუღებელნი (განუშორებელი—გ. თ.) ღირსებანი, მსგავსად შვილთა ძველისა ელადისათა. გარნა არა განხმულ იყო ჭურჭელი მდიდრისა ბუნებისა, არა ძალგვედვა სარგებლობა ნიჭთა მიერ მისთა და გონებითა მოქმედებათა ჩვენთა მარადის შეუღებოდა. საჭიროებანი გა-

* *Логика*, стр. IV.

რემოებათანი და არა იწარმოებდა თავისი უფლებით სული, წმინდა სიყვარული სწავლათა, სიბრძნის მოყვარეობითი კვეთება სრულე-ბისადმი ზნეობითია ბუნებისა. ჩვენისა“.*

ამგვარად, სოლ. დოდაშვილი აღიარებს, რომ ჩვენი ხალხი დაჯილდოებულია მორალური, ინტელექტური და სენსუალური ნიჭით და შემკულია ფიზიკური ღირსებით ძველი ელადის შვილების მსგავსად. მაგრამ თუ მას დახშული ჰქონდა თავისი მდიდარი ბუნების საგანძური, ვერ სარგებლობდა თავისი ნიჭით, თუ მის გონებრივ მოღვაწეობას მუდამ თან სდევდა შემოორკავი საჭირბოროტო გარემოებანი, არ ვითარდებოდა თავისუფლად მისი სული, წმინდა სიყვარული სწავლა-განათლებისადმი და სიბრძნისმოყვარული მისწრაფება ჩვენი ზნეობრივი ბუნების სისრულისადმი — ეს იმიტომ კი არ ხდებოდა, რომ მას არ ჰქონდა ეს თვისებები და საამისო უნარი, არამედ იმიტომ, რომ მას „არა ძალედა“, ე. ი. წართმეული ჰქონდა საამისო ძალა-უფლება (და თუ გავიხსენებთ, რომ სოლ. დოდაშვილი ამას წერდა 1832 წელს, შეთქმულების წინ, გასაგები გახდება მისი სააგიტაციო, მოწოდებითი მნიშვნელობა).

როგორც ვხედავთ, სოლომონ დოდაშვილი მოითხოვდა ჩვენი ახალგაზრდობისაგან ბრძოლით აღედგინა სულის თავისუფლება, განევითარებინა წმინდა სიყვარული სწავლისადმი და გონიერული მისწრაფება მაღალი, სრულქმნილი ზნეობისაკენ.

აღნიშნული ეროვნული თვისებები ქართველი ხალხისა, სოლომონ დოდაშვილის აზრით, ახასიათებს ყველა ქართველს და, მაშასადამე, ქართველ ახალგაზრდობასაც. მაგრამ ჩვენ ასაღზრდელ და გასანათლებელ თაობას ამას გარდა სჭირდება კიდევ ისეთი თვისებები, რომლებიც უზრუნველყოფენ მათ მომზადებას მომავალი მოღვაწეობისათვის. ასეთი თვისებები სოლ. დოდაშვილის მიხედვით არის: „მ ი დ რ ე კ ი ლ ე ბ ა გ ა ნ ა თ ლ ე ბ ი ს ა დ მ ი ზ რ ა ხ ვ ი ს ა, ძ ი ე ბ ა ჰ ე შ მ ა რ ი ტ ე ბ ი ს ა და ც ნ ო ბ ი ს ა თ ვ ი ს ნ ე ბ ი ს ა“, ც ნ ო ბ ი ს მ ო ყ ვ ა რ ე ო ბ ა ა ნ უ ი ნ ტ ე რ ე ს ი და სურვილი. ეს თვისებები ყველა ახალგაზრდას გააჩნია და აიხსნება მათი შინაგანი მისწრაფებით ფიზიკური და სულიერი განვითარებისადმი. ესაა მისწრაფება ზრდისაკენ, და ბუნებრივიცაა, რომ მოზარდს ჰქონდეს მისწრაფება ზრდისაკენ, სხვანაირად მოზარდი არ

* „სალიტ ნაწ. ტფილ. უწყებათაყანი“, № 2, 1832.

წარმოიდგინება, მაგრამ სოლომონ დოდაშვილი ფიქრობს, რომ ეს მისწრაფება ასალზრდელისათვის ყოველთვის არ არის გაცნობიერებული და ხშირად სტიქიურად მიიმართება. ამ შემთხვევებში მოზარდის შინაგანი მისწრაფება განვითარებისადმი და მისი დანიშნულება ანუ მისი აღზრდის მიზანი არამც თუ არ არიან შესაბამისი, არამედ შეიძლება სრულებით ეწინააღმდეგებოდნენ ერთმანეთს. აქედან გამომდინარე, სოლ. დოდაშვილი მოითხოვს მოზარდის შესწავლას, მის გადაქცევას, როგორც თვითონ ამბობს, — „კვლევის უშუალო საგნად“, რათა გამომკლავდეს მისი ყველა თვისება, გაცნობიერებულ იქნეს მისი შინაგანი, ბუნებრივი მისწრაფება განვითარებისადმი და ამის შედეგად მოხდეს ამ მისწრაფების მოწესრიგება და მიზანშეწონილი დაქვემდებარება აღზრდის მიზნებისადმი.

დოდაშვილი წერს, რომ ადამიანის „შინაგანი იდეალური ცხოვრება თავისთავად და თავის მოვლენებში, ისე როგორც ორგანიული და ცხოველური არსებობა, არ შეიძლება და არც უნდა იყოს უმწყობრო და უწესრიგო. აქ არის ერთგვარი აუცილებელი წესდებანი, რომლებიც დიდხანს რჩება ფარული გამოუცდელი ხედვისათვის, მაგრამ დაკვირვება გვიჩვენებს მათ, განყენების ძალა მოაქცევს მათ ცნებებში და წარმოგვიდგენს ზუსტ ფორმებში“.*

ამგვარად, სოლომონ დოდაშვილის მიხედვით, ადამიანის შინაგანი იდეალური ცხოვრება შედგენდება მის (ცხოვრების) მოვლენებში, რომლებიც თავის მხრივ ადამიანის მოღვაწეობის ფორმებში გამოიხატებიან. ჩვენ შეგვიძლია დააკვირვების მეთოდით შევისწავლოთ მხოლოდ ეს მოვლენები და ეს კი მოგვცემს უტყუარ წარმოდგენას თვით შინაგან ცხოვრებაზე თავისთავად. მოზარდი ადამიანის მისწრაფება განვითარებისაკენ მისი შინაგანი იდეალური ცხოვრების უმთავრესი ნაკადია და თუ ამ ცხოვრების მოვლენები გარკვეულ წარმოდგენას გვაძლევენ თვით შინაგან ცხოვრებაზე, — ცხადად შეგვიძლია აღნიშნული მისწრაფების ბუნებაც გავიგოთ, მოვახდინოთ მისი განყენება ჩვენს წარმოდგენაში და წავმართოთ მწყობრად და მოწესრიგებულად, ადამიანის საზოგადოებრივი დანიშნულების ანუ მისი აღზრდის მიზნის მიხედვით.

* Логика, 5.

ასეთია სოლომონ დოდაშვილის შეხედულება მოზარდი ადამიანის შინაგანი, ფსიქიკური ბუნებისა და მისი შესწავლის მეთოდის შესახებ.

—

არ შეიძლება არ აღინიშნოს სოლომონ დოდაშვილის მოძღვრების კიდევ ერთი საუკეთესო მხარე. ეს არის თეორიისა და პრაქტიკის მჭიდრო კავშირის აღიარება. რამდენადაც ადამიანის ცოდნა მის მოღვაწეობაში ვლინდება და ისე მკაფიოდ, რომ უკანასკნელის მიხედვით ემსჯელობთ მის შესახებ, იმდენად ეს მოღვაწეობა, როგორც აღვნიშნეთ, წარმოადგენს ადამიანის ქცევას, რომელშიც თავს იჩენს როგორც მისი ცოდნა, ისე ცოდნის გამოყენების შედეგი. სოლომონ დოდაშვილი არ ანახვავებს ადამიანის ქცევას მისი მოღვაწეობის პრაქტიკისაგან. პრაქტიკა და ქცევა მისთვის ერთი და იგივეა,* ვინაიდან ორივე მათგანი გამოყენებითი მნიშვნელობის მოქმედებას წარმოადგენს.

ერთ წერილში იონა ხელაშვილისადმი სოლომონი აღნიშნავს, რომ „ყოველნი მოქმედებანი ჩემნი იმყოფების თეორიულია ქემმარიტებასა შინა დაფუძნებულ, გარანა... პრაქტიკებრსა შინა აღმოჩნდების... თვისად დროსა“.** თეორიულ ქემმარიტებაზე დაფუძნებული მოქმედება ინტელექტური პროცესია, რადგანაც მისი უქველობა ჯერ კიდევ მოითხოვს ცდით შემოწმებულ საზომს. მაგრამ, თეორიული მოქმედების ქემმარიტობის საზომი, სოლომონ დოდაშვილის აზრით, არის მისი პრაქტიკული დანიშნულება, რომელიც ან მორალურ ნორმას უნდა ქმნიდეს ან მატერიალურ ღირებულებას. დოდაშვილი მოითხოვდა ახალგაზრდათა სწავლა-განათლების ისე წარმართვას, რომ მათი თეორიული ცოდნა მომავალში „პრაქტიკებრსა შინა აღმოჩნდეს“.

—

ახალგაზრდობის სწავლა-განათლების მიზნების პრაქტიკულ განხორციელებას სოლ. დოდაშვილი უმთავრესად აკისრებდა სკოლას. ის აღნიშნავდა, რომ „სარწმუნო“ მეცნიერულ-ლიტერატურული ნაშრომების შექმნის უნარის მქონე ახალგაზრდობის მომ-

* წერილები, 132.

** იქვე, 74

ზადება სწორედ სკოლამ უნდა შესძლოს, რადგანაც სკოლას უფრო მეტი საამისო საშუალებანი მოეპოება, ვიდრე ოჯახს ან სხვა დაწესებულებას. მას ახარებდა საქართველოსა და ამიერკავკასიაში სკოლების რიცხვის ოდნავი ზრდაც კი, ვინაიდან „მოწაფენი, რომელნიცა აწ იზრდებიან ხსენებულთა სასწავლებელთა შინა აღგვიტყვამენ ფრიად მრავალსა სარგებლობისათვის მამულისა“.* მაგრამ 20—30-იანი წლების საქართველოს სასწავლებელთა რაოდენობა ისე მცირე იყო და ისე მოუწყობელი, რომ სრულებით ვერ აკმაყოფილებდა სწავლის მსურველებს ვერც რიცხვით, ვერც სწავლების ხარისხით. ასე, მაგალითად, 1827 წელს, თბილისში დაბრუნებისთანავე, ერთ-ერთ წერილში იონა ხელაშვილისადმი სოლომონი აღნიშნავდა... „აქაური სასწავლებელი, თბილისისაჲ ჯერეთ უწესობასა შინა არს, მოსწავლენი მრავალ არიან და მასწავლებლნი მცირე. არავინ მიაქცევს ყურადღებასა და არცა სკვრეტენ სწავლათა“.** ერთი წლის შემდეგ ისევ იონასადმი გაგზავნილ წერილში კვლავ მწუხარებით გამოსთქვამდა სოლომონ დოდაშვილი, რომ „სასწავლებელი ჩვენი უწესოსა მდგომარეობასა შინა არსს, არავინ მეცადინეობს განვრცელებასა სწავლათასა და დატეხულ არს თვინიერ ყურადღებისა“ (107). და თუ ასეთ მდგომარეობაში იყო თბილისის კეთილშობილთა სასწავლებელი, ადვილი წარმოსადგენია რა ყოფაში იქნებოდნენ საქართველოს სამაზრო და სამრევლო სკოლები, რომლებიც მოკლებული იყვნენ როგორც ღირსეულ მასწავლებლებს, ისე სასკოლო სახელმძღვანელოებსა და სასწავლო ნივთებს. სოლომონ დოდაშვილი იმავე წერილში იმედს გამოსთქვამდა, რომ „გარნა ამის შემდგომ ვგონებ იმეცადინოს მთავრობამან. განვრცელებისათვის სწავლათა, ვინაითგან ინება ღმერთმან მშვიდობისა მონიჭება, მტერნი განილტვენენ ძალისა გამო მხედრობითა ჩვენთა და საკურველთა“; მაგრამ არც მშვიდობიანი ცხოვრების პირობებში ჩქარობდა მეფის ხელისუფლება საქართველოსა და კავკასიაში სკოლების რიცხვის გამრავლებას და როგორც უკვე ვწერდით, 1832 წ. შეთქმულებისა და განზრახული აჯანყების ერთ-ერთ მიზეზად სკოლ. დოდაშვილი ასახელებდა ქართველთა უკმაყოფილებას სასწავლებელთა სიმცირის გამო და პედაგოგ ზ. ავთანდილაშვილთან ერთად მოითხოვდა და-

* წერილები, 74.

** იქვე, 101.

ბალი და საშუალო სკოლების გამრავლებას და ერთი უნივერსიტეტის გახსნას საქართველოში.

იმისათვის, რომ სწავლის ყველა მსურველს მიეღო სათანადო სასკოლო განათლება, სოლ. დოდაშვილის აზრით, საჭირო იყო სკოლების არა მარტო რიცხობრივი ზრდა, არამედ მათი სასწავლო მუშაობის ხარისხის გაუმჯობესებაც. ეს აზრი თავისთავად დასაბუთებას არ მოითხოვს, მაგრამ ზოლომონის არგუმენტაცია მაინც ახალაა და თავისებური: ის ფიქრობს, რომ სწავლის მსურველთა რიცხვი, XIX ს. 30-იანი წლების საქართველოში არც ისე დიდია, რომ მისი შესატყვისი რაოდენობის სკოლების დაარსება რაღაც დიდ საქმედ და იდეალად მივიჩნიოთ. არა, ეს ბუნებრივია, ეს ასეც უნდა ხდებოდეს. მთავარი ისაა, რომ სკოლა, უნდა იყოს იმდენი და იმგვარად მოწყობილი, რომ მან აღუძრას სწავლის სურვილი მათ, ვისაც ეს სურვილი ჯერ კიდევ არ აქვს. ამას სკოლა შეძლებს მხოლოდ იმ შემთხვევაში, თუ მის მიერ აღზრდილი მოქალაქენი თავისი პირადი ცხოვრებით და საზოგადოებრივი მოღვაწეობით სამაგალითო და მისაბამნი იქნებიან ყველასათვის, და, კერძოდ, მათთვის, ვისაც სწავლა-განათლების დანიშნულება არ ესმის და მისი შეძენის სურვილი ჯერ კიდევ არ გააჩნია. ამგვარად, სკოლა არა მარტო საქმად და ხელმისაწვდომი უნდა იყოს სწავლის ყველა მსურველისათვის, არამედ ის ამავდროს უნდა იყოს სწავლა-განათლებისაკენ მომწოდებელი და მოძი პირველი პროპაგანდისტი მოსახლეობის ჩამორჩენილ ფენებში.

როდის შესძლებს სკოლა ამ მიზნის ნამდვილ სამსახურს? ამისათვის, დოდაშვილის აზრით, საჭიროა სკოლას ყავდეს კარგად მომზადებული, თავისი საქმით გატაცებული და ხალხის მოსიყვარულე მასწავლებელთა პერსონალი და საკმარის იყოს მომარაგებული სახელმძღვანელო და საერთო მეცნიერულ-მხატვრული ლიტერატურით. ეს ორი ელემენტი — მთავარია. მაგრამ ამასთან სოლ. დოდაშვილს არ ავიწყდება, რომ სკოლას უნდა გააჩნდეს შესაფერისი ჰიგიენური პირობები მოსწავლეთა და მასწავლებელთა ნორმალური მუშაობისათვის, უნდა ეწეოდეს ხეირიანი ხელმძღვანელობა და სარგებლობდეს მთავრობის ყურადღებით.

—

აღვნიშნოთ კიდევ ერთი განსაკუთრებული ღირსება სოლ. დოდაშვილის პედაგოგიკური კონცეპციისა: აღმზრდელობით

თი სწავლებნი იდეა. მართალია, ეს იდეა ახალი არ იყო საქართველოსათვის; მართალია XVIII საუკუნეში კარგად იყო იგი წარმოდგენილი ქართულ მწერლობასა და პედაგოგიკაში, მაგრამ როგორც ოჯახის ამოცანა. სოლ. დოდაშვილმა აღმზრდელობითი სწავლების იდეა აიყვანა თავისი დროის მეცნიერულ სიმალლეზე და უმთავრესად სკოლის ამოცანად დასახა იგი.

ადამიანისა და მოქალაქის მაღალი ღირსება ყოველი პიროვნების კეთილშობილი იდეალია. სოლომონ დოდაშვილი ფიქრობს, რომ ეს ღირსება თანდაყოლილი არ არის. მართალია, ყოველი ადამიანი. ადამიანად იბადება, მაგრამ ადამიანური ღირსება თან არაა; ის დაპყვება; ის არის აღზრდით შენაძენი თვისება.

ადამიანისა და მოქალაქის ღირსების პირველი დამახასიათებელი ნიშანი, დოდაშვილის აზრით, არის მამულის სიყვარული. ეს გრძნობა ყველა დანარჩენზე უფრო ძლიერია და მაცოცხლებელი. სამშობლოსა და ხალხის სიყვარული ყოველი ადამიანის წმინდათა-წმინდა მოვალეობაა; მაგრამ ამ მოვალეობის გადაქცევა ადამიანის შინაგან მოთხოვნილებად და მოწოდების საქმედ შეიძლება მხოლოდ აღზრდით. საკუთარ თავზე ჰქონდა სოლომონს გამოცდილი ამ გრძნობის ცხოველყოფელობა. ის წერდა:

„ს უ რ ვ ი ლ ი ი მ ი ს ა, რ ო მ ს ა ს ა რ გ ე ბ ლ ო ვ ი ქ ნ ე ჩ ე მ თ ა ნ ა მ ე მ ა მ უ ლ ე თ ა თ ვ ი ს ყ ო ვ ე ლ თ ვ ი ს ი ქ ნ ე ბ ა ჩ ე მ ი წ მ ი დ ა მ ო ვ ა ლ ე ო ბ ა... და მ ა მ ო ძ რ ა ვ ე ბ ე ლ ი შ ე ძ ლ ე ბ ი ს დ ა გ ვ ა რ ი შ რ ო მ ი ს ა თ ვ ი ს“.*

სოლ. დოდაშვილის ყოველი ნაბიჯი საზოგადოებრივი მოღვაწეობის სარბიელზე მოჭიქრებული და გაზომილი იყო სამშობლოს მგზნებარე სიყვარულით და მისი ინტერესების სადარაჯოზე დგომის აუცილებლობით. „მამულის დიდება“, „სიბრძნის შეძენა მამულისათვის“, „აღზრდა თანამემამულეთა“ და სხვა ამგვარი მოწოდების ხმა ესმოდა მისგან ქართველ ახალგაზრდობას როგორც წერილობით, ისე ზეპირსიტყვიერ გამოსვლებში. ის მწარედ განიცდიდა მისი დროის საქართველოს მძიმე საზოგადოებრივ-კულტურულ მდგომარეობას; 1828 წელს, თბილისის კეთილშობილთა სასწავლებლის მოწაფეთა გამოცდების დასასრულს გამართულ აქტზე წარმოთქმულ სიტყვაში, ეხებოდა რა საქართველოს წარსულსა და აწმყოს, ამბობდა:

* Логика, 6.

„საყუარელი მამული ჩვენი... რომელიცა ჰბრწყინავდა ოდესმე მაგალითთა შინა განსხვავებულთა კაცთასა სიბრძნითა კეთილმოქმედებითა, შაირათ მთხზუელობითა და მხნეობითა“ — „მიიყვანეს... ესე ვითარ ხარისხამდე დამდაბლებისა, რომელ დამვიწყებელი მოქალაქეებისა თავის უფლებისა და თანად წარმწყმედელი მაღალისა მის წინადაწინშულებისა კაცთა და მეფობისა კინილა უკუე არა განემზადებოდა მსხუერპლად მომყმართა ბარბაროსთა შემძლებლობისა და კუალად უმეტეს უმეცრეებისა, რომელიცა არს სარწმუნო თანამგზავრი მონებისა...“* უკანასკნელი, ჩვენს მიერ ხაზგასმული აზრი სოლ. დოდაშვილისა, რომ უმეტრება არის უექველი თანამგზავრი მონობისა — შეიცავს უაღრეს სიმართლეს, ნამდვილ პატრიოტულ და, ამავე დროს, რევოლუციურ მოწოდებას ეროვნულ-პოლიტიკური მონობის დასამხოზად, განათლების უფლების მოსაპოვებლად, და „დავიწყებული მოქალაქეობრივი თავისუფლების“ აღსადგენად.

სოლ. დოდაშვილი იმედით შესცქეროდა ქართველ ახალგაზრდებს „ზრდილთა ამათ სწავლათა მიერ ახალერგთასასობათა საქართველოისათა“ და დარწმუნებული იყო, რომ მათი შესაფერისი აღზრდისა და სწავლა-განათლების შედეგად „ძალგვიძს ჩვენ დაიმედება თავთავისთა სახეობითა აღდგომად სწავლათა შინა და დადგომად არა თუ ოდენ ხარისხსა ზედა პირველისა ღირსებისა ჩვენისასა, ა(რამედ) ყოფადცა ოდესმე ხარისხსა ზედა ევროპიელთა ერთასა“.**

ცხადად ვხედავთ, რომ სოლ. დოდაშვილი, როგორც პროგრესულად მოაზრე და თავისი დროის ევროპული განათლების სიმაღლეზე მდგომი საზოგადო მოღვაწე, წარსულისაკენ არ იცქირებოდა. თავისი ქვეყნისა და ხალხის მგზნებარე სიყვარული მას ავალეზდა მიზანი ეძებნა წინ, მომავალში. მას უნდოდა საქართველო ეხილა არა ძველი, თუნდაც, შედარებით, მაღალი საერთო ღირსებისა და კულტურის დონეზე, არამედ მოწინავე ევროპელი ერების კულტურის სიმაღლეზე. და თუ მას, შეიძლება

* „ივერია“, 1887, № 227; სრული ტექსტი: საქ. მუზეუმ. ხელნაწ. განყოფ. წ-ქ. სახ. ფონდი, № 338.

** იქვე

ერთგვარი გაზვიადებითაც უხდებოდა ძველი, მუცნიერებითა (სიბრძნით) და პოეზიით ბრწყინვალე დროის, უმთავრესად XII საუკუნის, საქართველო „დაეპირისპირებინა თავისი დროის, ანუ XIX ს. 20—30-იანი წლების „დამდაბლებული“ საქართველონათვის — ეს იყო გარკვეული მეთოდი, რომელსაც, შემდეგ, მთელი XIX საუკუნის მანძილზე მიმართავდა ბევრი ქართველი მწერალი და ჭაზოგადო მოღვაწე იმისათვის, რომ ამით უფრო გაემძაფრებინათ ქართველი ხალხის შეუფრთხილებლობა მეფის რეჟიმისა და მისი კოლონიური პოლიტიკისადმი.

სოლომონ დოდაშვილის ქართული პატრიოტიზმი შორსაა ვიწრო-ნაციონალისტურ ტენდენციებიდან. პატივისცემით და სიყვარულით ეპყრობოდა იგი სხვა ერებსაც, მათ ღირსებასა და კულტურას. განსაკუთრებული პატივისცემის გრძნობით იხსენიებდა იგი „პატიოსან და მშრომელ“ რუს ხალხს და დიდად აფასებდა „მკვირცხლ მისწრაფებასა... როსიელთასა სწავლათა შინა“.*

სოლომონ დოდაშვილი, რუსი დეკაბრისტების იდეათა მიმდევარი და რესპუბლიკანელი, მთელი თავისი შეგნებით და შესაძლებლობით იღწვოდა ხალხის დამოუკიდებელი და თავისუფალი ცხოვრებისათვის. სისწორით შესწავლილი და სამართლიანად დაფასებული მისი აზროვნება და მოღვაწეობა გვარწმუნებს, რომ ის იყო ქართველი ხალხის XIX საუკუნის ნაციონალურ განმათავისუფლებელი მოძრაობის დამწყები, მისი პირველი პერიოდის მოწინავე წარმომადგენელი. განმათავისუფლებელი მოძრაობით იყო განპირობებული მისი კეთილშობილი პატრიოტიზმი. ამ გრძნობას უნერგავდა იგი თავისი დროის ქართველ ახალთაობას და აღიარებდა როგორც სასკოლო, ისე სკოლისგარეშე და საოჯახო აღზრდის ამოცანად. პატრიოტიზმი მიაჩნდა მას აღმზრდელობითი სწავლების ერთ-ერთ მთავარ პრინციპად.

არანაკლები მნიშვნელობის აღმზრდელობითი ხასიათის პრინციპად მიაჩნდა მას აგრეთვე დემოკრატიული პრინციპი სოციალური თანასწორობისა.

სოლომონ დოდაშვილი იყო მოქალაქეთა სოციალური თანასწორობის იდეის მქადაგებელი და მისთვის პრაქტიკულად მე-

* „ივერია“, 1987 № 227; სრული ტექსტი: საქ. მუზეუმი. ხელნაწ. განყოფ. წ-კ. სახ. ფონდი, № 388.

ბრძოლი ადამიანი. ჩვენ არ ვამბობთ, რომ ეს ერთგვარი გამოსმაურება იყო საფრანგეთის დიდი რევოლუციისა. საფრანგეთის 1879 წლის ბურჟუაზიული რევოლუციისათვის თანასწორობის იდეა უფრო დეკლარაცია იყო, ვიდრე პრინციპი, ხოლო დოდაშვილისათვის კი არსებითი და რეალური. თანასწორობის იდეის გამოხატულებას მის პედაგოგიკურ მოძღვრებაში წარმოადგენდა სწავლა-განათლების აღიარება საყოველთაო, სახალხო საქმედ, მისი უზრუნველყოფა ყველასათვის, საზოგადოების როგორც გაბატონებული, ისე დამორჩილებული ფენისათვის.

„სწავლასა შინა დიდის კაცისა და მცირისა (შვილები) ერთნი და იგივენი არიან, ე. ი. ერთად შესარიცხ არიან მასწავლებლისათანა“.*

ამით სოლომონ დოდაშვილი ამბობს, რომ სწავლა-განათლება არ უნდა იყოს პრივილეგია რომელიმე წოდებისა და მოითხოვს თანაბრად ანუ ერთნაირად და განურჩევლად ეპყრობოდნენ სწავლის ყველა მსურველს მიუხედავად მათი შთამომავლობისა და აწმყო სოციალურ მდგომარეობისა. თანაბარი მოპყრობა დიდკაცთა ანუ თავადაზნაურთა და მცირეთა ანუ გლეხების შვილთადმი „სწავლასა შინა“ სოლ. დოდაშვილს ესმოდა როგორც განათლების ერთნაირი უფლების მინიჭება ყველასათვის და სახელმწიფოს საგანმანათლებლო ღონისძიებათა თანაბარი გავრცელება ყველა წოდების ახალგაზრდობაზე, ისე საერთო, უწოდებრიო, სკოლების გახსნა დაწყებითიდან უმაღლესამდე. ამასთან სოლ. დოდაშვილი მასწავლებელთაგანაც მოითხოვდა ყველა წოდების ბავშვები ერთნაირად „შეერიცხათ“ ანუ მიეჩნიათ სწავლების მთელი დროის განმავლობაში და ერთნაირი დამოკიდებულება კქონოდათ ყველა მოწაფისადმი როგორც საგანმანათლებლო, ისე აღმზრდელობითი მუშაობის დროს.

სოლომონ დოდაშვილს დიდ უსამართლობად მიაჩნდა ის ფაქტი, რომ მის დროს თბილისში არსებობდა „კეთილშობილთა სასწავლებელი და შემდეგ გიმნაზია მხოლოდ თავადაზნაურთა და მაღალი რანგის მოხელეთათვის. ის მოითხოვდა მთავრობისაგან, რათა დაბალი წოდების ახალგაზრდობასაც მისცემოდა საკმაო რაო-

* წერილები, 80.

დენოზის სკოლა დაწყებითიდან უმაღლესამდე და ამ მოთხოვნებიდან ის, როგორც ვიცით, არ ფარგლავდა მარტო თეორიული ბრძოლით.

ჩვენ აღვნიშნეთ, რომ სოლომონ დოდაშვილი ფართოდ იცნობდა XVIII ს. ფრანგ მატერიალისტებს, განმანათლებლებს, მათ ფილოსოფიურ და პედაგოგიკურ შეხედულებებს. გარდა იმისა, რომ სოლ. დოდაშვილი, როგორც ფილოსოფოსი, სპეციალურად სწავლობდა მათ პეტერბურგში, ისინი ცნობილი იყვნენ საქართველოშიც XVIII საუკუნიდანვე. სოლომონ დოდაშვილი ისე, როგორც მისი უფროსი თანამედროვე იოანე ბაგრატიონი, რამდენადმე იზიარებდა ფრანგი მატერიალისტების შეხედულებას აღზრდის ყოველად შემძლეობის შესახებ, დებულებას, რომ ადამიანი არის აღზრდისა და გარემოების პროდუქტი.

სოლომონ დოდაშვილი ფიქრობს, რომ აღზრდის გზით შეიძლება ადამიანი იქცეს „სხუადადამიანად“. აღზრდას შეუძლია გარდაქმნას იგი ყოველმხრივ. ერთ-ერთ წერილში იოანე ხელაშვილისადმი სოლომონი აღნიშნავს, რომ „განათლება გონებისა და განვითარება გულისა ხშირად შესცვლის ყოველადობასაკაცისასა“.* გონების განათლება და გულის განვითარება მას ესმის როგორც გონებრივი და ზნეობრივი აღზრდა, რაც საკმაოდ მიაჩნია ადამიანის შეცვლისათვის. აღზრდის ეს ორი სახე მართლაც ძირითადია აღზრდის მთლიან პროცესში, და ადამიანის, როგორც სოციალური არსის, გარდაქმნისათვის სწორედ ამ ორ სახეს აქვს ყველაზე მეტი მნიშვნელობა. მაგრამ სოლომონ დოდაშვილი ძალიან ფრთხილად ეკიდება აღზრდის გზით ადამიანის ყოველად შეცვლის პრობლემას. ის აღნიშნავს, რომ აღზრდას შეუძლია ადამიანის შეცვლა ხშირად და მაშასადამე, არ ყოველთვის და ყოველ პირობებში. ეს დამოკიდებულია ერთი მხრით აღზრდის ხასიათზე და აღმზრდელ გარემოზე და მეორე მხრით ასაღზრდელზე. ის რაც ხშირია—არის წესი, ხოლო არახშირი ანუ იშვიათი—გამონაკლისი. აღზრდას რომ ადამიანის შეცვლა შეუძლია, ამას წესად სთვლის სოლომონ დოდაშვილი, მაგრამ ზოგჯერ ამის შეუძლებლობაც დასაშვებად მიაჩნია მას, როგორც გამონაკლისი. მას არა აქვს პირდაპირი მითითება რა პირობებში გვაქვს საქმე წესთან ანუ

* წერილე¹ ი, 108.

ზშირ მოვლენასთან და რა პირობებშია მოსალოდნელი იშვიათი მოვლენა ანუ გამოჩენისი, მაგრამ მისი საერთო მსჯელობიდან ამ საგანზე შეიძლება დავასკვნათ: როცა ადამიანის აღზრდის მიზანი და საზოგადოებრივი დანიშნულება სავსებით შეესაბამება მის შინაგან ლტოლვას ანუ მის წრაფებას ჰარმონიისაკენ (მთლიანობისაკენ), მაშინ შეიძლება მისი ყოვლადი შეცვლა და რამდენადაც ასეთი მოვლენა ხშირია, საქმე გვაქვს წესთან, ხოლო როცა ეს შესაბამისობა დარღვეულია, როგორც იშვიათი მოვლენა, — საქმე გვაქვს გამოჩენისთან.

მართალია, აღზრდის საზოგადოებრივი როლის გაგების საკითხში სოლ. დოდაშვილი, როგორც ვწერდით, გამოდიოდა ფრანგი მატერიალისტების მოძღვრებიდან აღზრდის ყოვლად შემძლეობის შესახებ, მაგრამ შესამჩნევად გაუსწრო მათ წინ იმ კორექტივით, რომელიც მან შეიტანა ამ მოძღვრებაში აღნიშნული გამოჩენის დაშვების სახით. მიუხედავად ამისა, სოლ. დოდაშვილი მაინც ვერ ამალდა ადამიანის როლის მატერიალისტურ გაგებამდე, რომლის მიხედვითაც თვით ადამიანი წარმოადგენს თავისი აღზრდისა და გარდაქმნის ძირს, ანუ საფუძველს, რომ ადამიანი თვითონ ქმნის თავის აღზრდის გარემოებას და აღმზრდელი თვით უნდა იყოს აღზრდილი სხვა ადამიანის მიერ, — პრინციპი, რომელიც შემდეგ ჩამოაყალიბა კარლ მარქსმა ფოიერბახის შესახებ მე-3 თეზისში. ამ პრინციპამდე ვერ ავიდა ს. დოდაშვილი და, სწორედ ამით უნდა აიხსნას ნაკლი მისი შეხედულებისა აღზრდის საზოგადოებრივი ფუნქციის გარკვევის საკითხზე.



დასასრულს, შეიძლება ინტერესს არ იყოს მოკლებული, აღვნიშნოთ რომელი სოციალური ფენის იდეოლოგიად გვევლინება ჩვენ სოლომონ დოდაშვილი.

XIX საუკუნის 20—30 წლებში, როდესაც მისი ახალგაზრდული სული და მსოფლმხედველობა ყალიბდებოდა, საქართველოში ჯერ კიდევ საკმაოდ გაბატონებული იყო თავადაზნაურული კლასი და ფეოდალურ-ბატონყმური ურთიერთობა. მართალია, ახალი კაპიტალისტური წესი წარმოებისა და ბურჟუაზიული ურთიერთობა მნიშვნელოვან მზარდ ძალას წარმოადგენდა, მაგრამ მისი ხვედრითი წონა ჯერ კიდევ მცირე იყო საზოგადოების ეკო-

ნომიურ სტრუქტურაში. მიუხედავად ამისა, აღნიშნული პერიოდის ბურჟუაზიული ურთიერთობა და იდეოლოგია, როგორც აღმავალთ და პროგრესიული, უფრო და უფრო იკიდებდა ფეხს საქართველოს სინამდვილეში და გარკვეულად იწყებდა ბრძოლას თავისი უფლებებისა და გამარჯვებისათვის. მაგრამ პეტერბურგში, სადაც სამოგადამწყვეტი წელი (1824—27) დაჰყო სოლომონ დოდაშვილმა, უფრო მკაფიოდ და ფართო მასშტაბით სჩანდა ბურჟუაზიული ურთიერთობის დამკვიდრების პროცესი, რომელიც უკვე შეჭრილი იყო ხალხის ყოფა-ცხოვრებასა და კულტურაში.

ამ ორი, ფეოდალური და ბურჟუაზიული სამყაროს უკანასკნელი შეჯახების პერიოდში სოლომონ დოდაშვილი, აღზრდილი ახალ, მოწინავე იდეებზე, ცხადია, მხარს უჭერდა აღმავალ და პროგრესიულ ბურჟუაზიულ სამყაროს, რადგანაც „ახალი საზოგადოებრივ-ეკონომიური ურთიერთობანი და მათი წინააღმდეგობანი მაშინ ჯერ კიდევ ჩანასახ მდგომარეობაში იყვნენ; ამიტომ ბურჟუაზიული იდეოლოგიები მაშინ არავითარ ანგარებას არ იჩენდნენ, პირიქით, დასავლეთშიც და რუსეთშიც მათ სავსებით გულწრფელად სწამდათ საყოველთაო კეთილდღეობა და გულწრფელადვე სწადდათ იგი, გულწრფელად ვერ ხედავდნენ (რამდენადმე არც შეეძლოთ ჯერ დაენახათ) იმ წყობილების წინააღმდეგობებს, რომელიც ბატონყმური წყობილებიდან იზრდებოდა“.*

ლენინის ამ გენიალური სიტყვებით ყოველმხრივ ხასიათდება სოლომონ დოდაშვილიც; მას „სავსებით გულწრფელად სწამდა საყოველთაო კეთილდღეობა და გულწრფელად სწადდა იგი“. ის იყო განმანათლებელი, ხოლო „განმანათლებლები, — როგორც ლენინი ამბობს, — მოსახლეობის არცერთ კლასს არ გამოჰყოფდნენ როგორც თავისი განსაკუთრებული ყურადღების საგანს, ისინი ლაპარაკობდნენ არა მარტო ხალხზე საზოგადოდ, არამედ ერზეც კი საზოგადოდ“.**

ასეთი იყო სოლომონ ივანეს-ძე დოდაშვილი, დიდი ქართველი მეცნიერი და მამულიშვილი. თავისი ხალხის საუკეთესო მომავალი იყო მისი ბრძოლის საგანი. სამშობლოს ღირსეულ მოქალაქეთა აღზრდას შესწირა მან თავისი მღელვარე სული.

* Ленин, II, 332 (მესამე გამოც.).

** იქვე, 349.

მისი ცხოვრებისა და შემოქმედების ჯეროვანი დაფასება ჯერ კიდევ მომავლის საქმეა.

* * *

XIX საუკუნის პირველ ნახევარში ქართულ პედაგოგიურ ასპარეზზე მოღვაწეობდა აგრეთვე ცნობილი ისტორიკოსი და ფილოლოგი პლატონ იოსელიანი (1809 — 1875). თავისი მრავალრიცხოვანი შრომების ფაქტური მასალით ისტორია-ფილოლოგიაში და პედაგოგიური მოღვაწეობით მას დიდი დამსახურება შეუძღვის XIX ს. ქართული მეცნიერებისა და სკოლის წინაშე, მაგრამ იდეოლოგიით ის იყო კონსერვატულ-კონფესიონალური მსოფლმხედველობის წარმომადგენელი. ამით იყო განსაზღვრული მისი პედაგოგიური იდეებიც. პლატონ იოსელიანის სახელმძღვანელოები და მეთოდოლოგიური მითითებები გამსჭვალული არიან ქრისტიანული მორალის დოგმებით ისევე, როგორც იყო მისი ზეპირი გამოსვლები, მაგრამ განსაკუთრებით მკაფიოდ თავისი კონფესიონალურ-პედაგოგიური შეხედულებები მან ჩამოაყალიბა 1867 წელს. სიტყვაში „თბილისის სასულიერო სემინარიის 50 წლისთავისათვის“ პლატონ იოსელიანი ამბობდა, რომ „მეცნიერება უნდა შექდებოდეს გონების ღმერთის შუქით“. აღზრდის ამოცანად მას მიაჩნდა „მისწრაფება იმისაკენ, რომ აღსაზრდელთა გონებასა და გულს დაემყნოს ქრისტიანული საწყისების ყლორტები, რომლებიც ისტორიისა და მეცნიერების მიერ ცნობილი არიან ყველაზე უფრო ნაყოფიერად და კეთილშობილად“. ეკლესია, პლატონ იოსელიანის აზრით, ისეთივე აღმზრდელითა დაწესებულებაა, როგორც სკოლა; მათ ერთნაირი ამოცანები აქვთ და ამის გამო ის დაასკვნის: „სასწავლებლის სახლი უნდა იყოს უპირატესად სამლოცველო სახლი, და სამლოცველო სახლი კი სასწავლებლისა და სკოლის სახლი“.*

პლატონ იოსელიანისა და მის თანამგრძნობთა პედაგოგიური შეხედულებები გამოხატავდნენ XIX საუკუნის პირველი ნახევრისა და 60-იანი წლების ქართული რეგრესიულ-კლერიკალური თავდაზნაურობისა და სასულიერო წოდების მისწრაფებებს ახალთაობის აღზრდა-განათლების დარგში, მაგრამ იმდენად არქაული

* П. Иоселиани, Речь, произнесенная в зале Тифлисской духовной семинарии по случаю торжества пятидесятилетия, 1867, 21—22.

და წარმავალი ხასიათი ჰქონდათ ამ შეხედულებებს თავისი წარ-
მოშობის დროისთვისაც კი, რომ მათ აღარ შეეძლოთ ამავე დროს
მოწინავე პედაგოგიური იდეების წინააღმდეგ ეფექტიანი ბრძოლა-
და განვითარების შეფერხება.

* *

XIX საუკუნის პირველი ნახევრის ქართული პედაგოგიკური
აზროვნება არ ამაღლებულა მეცნიერული პედაგოგიკის სისტემის
ღონემდე. ის შემოიფარგლა აღზრდა-განათლების და სწავლების
ცალკე საკითხებით, რომელთა შორის უმთავრესს წარმოადგენ-
და: აღზრდა-განათლების მიზანი, გონებრივი და ფიზიკური აღ-
ზრდა, განათლების შინაარსი, სკოლა, სწავლების ორგანიზაცია,
სახელმძღვანელოები. ამ საკითხების დასმასა და გადაჭრაში XIX ს.
ქართული პედაგოგიკა არ ჩამორჩებოდა მისი დროის მოწინავე
პედაგოგიკურ აზროვნებას, მაგრამ მრავალი პრობლემა აღზრდის
თეორიიდან და დიდაქტიკიდან ან სრულებით არ იდგა აღნიშნული
პერიოდის ქართული პედაგოგიკის წინაშე, ან ვერ მიიღო ჯერო-
ვანი გადაჭრა. მათ მიეკუთვნება ისეთი დიდი პრობლემა, როგორი-
ცაა საკუთრივ ბავშვი, როგორც აღზრდის ობიექტი და მისი ფსი-
ქო-ფიზიკური თავისებურებანი, მასწავლებლის პროფესიული
დანიშნულება, აღზრდის სოციალური გარემო, სწავლების მეთო-
დები.

ბევრი სხვა საკითხიც რჩებოდა გადაუჭრელი XIX საუკუნის
პირველი ნახევრის ქართულ პედაგოგიკურ აზროვნებაში, მაგრამ
ეს პრობლემები ძირითადად წარმოადგენენ და, რამდენადაც მათი
მეცნიერული დამუშავება მხოლოდ დასაწყის საფეხურზე იმყოფე-
ბოდა, იმდენად აღნიშნული პერიოდის ქართული პედაგოგიკის
სრულყოფა და მეცნიერული მთლიანობა ჯერ კიდევ წინ იყო.

ნაწილი მეორე

**სახალხო განათლება და კლასობრივი
იდეები მე-19 საუკუნის 60-იანი წლების
საქართველოში**

სახალხო განათლება და პედაგოგიკური ილუზიები მე-19 საუკუნის 60-იან წლებში

I. საზოგადოებრივ-კულტურული ცხოვრება

XIX საუკუნის 60-იანი წლები საქართველოს საზოგადოებრივ-ეკონომიურ და კულტურული ცხოვრების ძირითადი გარდატეხის წლებია. ხანგრძლივი ბრძოლა გარდამავალ ფეოდალურ წყობილებასა და აღმავალ კაპიტალისტურ წყობილებას შორის უკანასკნელის გამარჯვებით დამთავრდა. „ეკონომიური განვითარების ძალა, რომელსაც რუსეთი კაპიტალიზმის გზით მიჰყავდა“, დასცა ბატონყმობის ინსტიტუტი, გამოიწვია საგლეხო რეფორმა, რის შემდეგაც „კაპიტალიზმის განვითარება რუსეთში წავიდა ისეთი სისწრაფით, რომ რამდენიმე ათწლეულში ხდებოდა გარდაქმნები, რომელთაც ევროპის ზოგიერთ ძველ ქვეყანაში მთელი საუკუნოები დასჭირდათ“.* კაპიტალიზმის განვითარების ასეთ სისწრაფეს რუსეთში ხელს უწყობდა აგრეთვე რკინიგზების მშენებლობა, რაც 60-იანი წლების განმავლობაში ძალიან დიდი ტემპით და მასშტაბით სწარმოებდა. მაგრამ საქართველოში, 60-იანი წლების დასაწყისში, კაპიტალიზმისა და კაპიტალისტური ურთიერთობის სწრაფ განვითარებას საგრძნობლად აფერხებდა საგლეხო რეფორმისა და რკინიგზის გაყვანის მოგვიანება. რუსეთში, როგორც ვიცით, ბატონყმობის გაუქმება და გლეხთა განთავისუფლება მოხდა 1861 წელს, მაგრამ ჩვენში კი ცოტა გვიან და არც ერთდროულად: 1864 წელს გაანთავისუფლეს ქართლ-კახეთის გლეხობა, 1865 წელს—იმერეთისა და გურიისა, 1866 წელს—სამეგრელოსა და

* Ленин, XV, 143; ასევე ახასიათებდა რეფორმის შემდეგი დროის რუსეთის მრეწველობის განვითარებას ფრ. ენგელსი. ერთ-ერთ წერილში ნიკოლაი ონ—ისადმი ის აღნიშნავდა: „1861 წლიდან რუსეთში იწყება უახლესი მრეწველობის განვითარება ისეთი მასშტაბით, რომელიც შეეფერება უდიდეს ქვეყანას“ (Маркс и Энгельс, письма, 32).

ლენინისა, 1870—1871 წლებში—აფხაზეთისა და სვანეთისა. ასევე მოგვიანებით მოხდა საქართველოში რკინიგზის გაყვანაც: 1865 წელს შეუდგნენ მას, მაგრამ მხოლოდ 1871 წელს დაიწყო მისი ექსპლოატაცია და ისიც ნაწილობრივი. მთლიანად, რეგულარული მოძრაობა თბილის-ფოთის რკინიგზაზე 1873 წელს დაიწყო. მიუხედავად ამისა, საგლეხო რეფორმათა პერიოდის საქართველოში კაპიტალიზმის დამკვიდრება და სწრაფი, თუმცა არათანაზომიერი, განვითარება ისტორიული ფაქტია. ვლადიმირ ილიას-ძე ლენინმა, რუსეთის კაპიტალის მიერ კავკასიის კოლონიად გადაქცევასა და ეკონომიურ დაპყრობასთან დაკავშირებით, მოგვცა რეფორმის მომდევნო დროის კავკასიისა და საქართველოს კაპიტალიზაციის პროცესის ბრწყინვალე ანალიზი:

„რეფორმის შემდგომ ხანაში, ხდებოდა ერთი მხრით კავკასიის ძლიერი კოლონიზაცია, მიწების ფართოდ მოხვნა კოლონისტების მიერ (განსაკუთრებით ჩრდილოეთ კავკასიაში, რომელთაც გასაყიდლად მოყავდათ ხორბალი, თამბაქო და სხვ. და რომელნიც სოფლის მრავალ დაქირავებულ მუშას იზიდავდნენ რუსეთიდან. მეორე მხრით, თანდათან იღვენებოდა ადგილობრივი, ძველისძველი „შინამრეწველური“ სარეწავები, რომლებიც ეცემოდნენ მოსკოვიდან შემოტანილი ფაბრიკატების კონკურენციით. ეცემოდა იარაღის ძველებური წარმოება ტულიდან და ბელგიიდან შემოტანილ ნაკეთებათა კონკურენციით, ეცემოდა რკინის შინამრეწველური დამუშავება შემოტანილი რუსული პროდუქტის კონკურენციით, ეცემოდა აგრეთვე სპილენძის, ოქრო-ვერცხლის, თიხის, ქონის და სოღის, ტყავის და სხვ. შინამრეწველური დამუშავება. ყველა ეს პროდუქტი უფრო იაფად მზადდებოდა რუსეთის ფაბრიკებში, რომელნიც კავკასიაში გზავნიდნენ თავის ნაკეთობას. ეცემოდა ჩქების დამუშავება ყანწებად საქართველოში ფეოდალური წყობილების და ისტორიული ნადივების დაცემის გამო, ეცემოდა ქუდის სარეწავი აზიური კოსტუმის ევროპიულით შეცვლის გამო, ეცემოდა ტიკების და კოკების წარმოება ადგილობრივ ლეინოსათვის, რომელიც პირველად გამოვიდა გასაყიდად (რაც იწვევდა კასარის წარმოების განვითარებას) და თავის მხრით იპყრობდა რუსეთის ბაზარს. ამნაირად რუსეთის კაპიტალიზმი აბაზმდა კავკასიის საქონლის მსოფლიო ბრუნვაში, ანიველირებდა მის ადგილობრივ თავისებურებებს—ძველებური პატრიარქალური კარჩაკეტილობის ნაშთს—ჰქმნიდა ბაზარს თავისი ფაბრიკებისათვის.“*

საქართველოს მრეწველობის ცენტრს წარმოადგენდა ქ. თბილისი. მისი სწრაფი ტემპით ზრდა, როგორც მთელი კავკასიის აღმინისტრაციული ცენტრისა, იწვევდა აქ მრეწველობის მრავალფეროვნის განვითარებას. ასე, მაგალითად, 1865 წელს, „მედიკო-ტო-

* Ленин, III, 487 (მე-3 გამოც.).

პოგრაფიული აღწერილობის მიხედვით“, თბილისის ფაბრიკა-ქარხნების, სახელოსნოებისა და წვრილი მანუფაქტურული ტიპის საწარმოების რიცხვი უდრიდა 96, ამას გარდა იყო აგრეთვე 105 აგურისა, კრამიტისა და კირის ქარხანა.* იმავე წლის თბილისის 71.000 მუდმივი მოსახლიდან ვაჭრობა-მრეწველობასა და სახელოსნო შრომაში ჩაბმული იყო 58,2%⁰. შემდეგ, საქართველოში საგლებო რეფორმის გატარების შედეგად, ქალაქ თბილისს აწყდებოდა თავისუფალი მუშა-ხელის დიდი რაოდენობა, ხოლო რკინიგზის გაყვანამ ქალაქის მრეწველობა დაუახლოვა ნედლეულის ბაზებს და გაათავისუფლა საქართველოს სავაჭრო ურთიერთობა რუსეთთან და უცხოეთთან.

საგლებო რეფორმით კაპიტალს გზა გაეხსნა საქართველოს სოფლის მეურნეობაშიც და საბოლოოდ დასცა მისი ნატურალური ფორმები; ფულის ტრიალმა განაეითარა სასაქონლო მიწათმოქმედება და სოფელი ბაზრისაგან დამოკიდებული გახდა.

ბატონყმობის გაუქმების შედეგად გლებთა ეკონომიური მდგომარეობა არ შეცვლილა. მათი განთავისუფლება, როგორც ვიცით, მოხდა უმიწოდ და ამის გამო ისინი იძულებული ხდებოდნენ მემამულეთაგან აეღოთ მიწები იჯარით ან ეძლიათ დიდი ღალა. გლებობის უმიწოდ განთავისუფლებამ, წერდა ი. კავკავაძე იმას ეგვიანებოდა, რომ გლებისთვის ეძქვათ; „წადი, ეხლა თავისუფალი ხარ, რომ შიმშილით მოკვდეო“. ** ეს მახვილი სარკაზმი, მართლაც, სისწორით გამოხატავდა რეფორმის შემდეგი დროის გლებთა მძიმე, კაბალურ მდგომარეობას. ამას გარდა: „ბატონყმური მეურნეობის ნაშთები, ვეებერთელა ხარკები და მემამულეებისათვის გამოსასყიდი ფასის გადახდა, რაც ხშირად გლებური მეურნეობის შემოსავლიანობას აღემატებოდა, იწვევდნენ გლებთა მასების გაჩანაგებას, გაღატაკებას, აიძულებდნენ გლებებს წასულიყვნენ სოფლებიდან საშოგრის საძებნელად“.**

ყოველივე ამას თან ერთვოდა მეფის ხელისუფლების უხეში აღმინისტრაციული მმართველობის სისტემა. სოფელს „განაგებდა“ მამასახლისი, მისი კანცელარიის „მწერალი“ და სოფლის მღვდელი.

ქ | ზ

* „მასალები საქ. და კავკასიის ისტორიისათვის“, ნაკვ. 1, 182, 1938 (შ. ჩხეტიას პუბლიკაცია).

** ი. კავკავაძე, VIII, 5—6.

*** საქ. კ. პ. (ბ) ისტორია, მოკლე კურსი, 6, 1948.

მაგრამ ესენი იყვნენ უბნის ბოქაულის ნების უბრალო ამსრულე-ბელნი, ხოლო ეს უკანასკნელნი კი მაზრის უფროსისა, რომელიც თავის მხრივ გუბერნატორს ემორჩილებოდა. პოლიციელთა უდიე-რი საქციელი: გლეხების აბუჩად აგდება, თვითნებობა, როზგი, პანღური, „ნაობახი“ და ძალმომრეობის სხვა ფორმები კიდევ უფ-რო უხეში და აუტანელი ხდებოდა მშრომელი მოსახლეობისათვის.

ამას თან ერთვოდა სასამართლო დაწესებულებათა უსამართ-ლობა. 1868 წელს გატარებულმა სასამართლო რეფორმამ ხელუბ-ლებლად დატოვა მთავრობის მიერ მოსამართლეთა დანიშვნის პრაქტიკა, ხოლო ნაფიც მსაჯულთა ინსტიტუტის შემოღება კი ნაადრევად იქნა მიჩნეული საქართველოსათვის. კანონიერების მა-ძიებელი ხალხი კვლავ რჩებოდა მექრთამე და უზნეო მოსამართ-ლეების, მათი მდივნებისა და თარჯიმანების ხელში. ამასთან აღ-სანიშნავია, რომ საქართველოსათვის ნაადრევად იქნა აგრეთვე ცნობილი რუსეთის შიდა გუბერნიებში 1864 წელს შემოღებული საერობო დაწესებულებები, როგორც ადგილობრივი თვითმმართველობის ორგანოები. ამ ერობას ვ. ი. ლენინი სთვლიდა „საზო-გადოებისათვის მთავრობის დათმობად 60-იან წლებში“.* მაგრამ ქართველ 'საზოგადოებას ეს „დათმობა“ არ მიუღია.

დევნისა და შევიწროების პოლიტიკა გრძელდებოდა კულტუ-რა-განათლების დარგშიც. 60-იანი წლების ახალი საზოგადოებრივ-ეკონომიური ვითარება: საგლეხო რეფორმა, წარმოების განვითა-რებისა და სოფლის მეურნეობის გარდაქმნის ამოცანები, აგრეთვე ნაციონალურ-განმათავისუფლებელი მოძრაობის ინტერესები გა-დაუდებლად მოითხოვდნენ ხალხის კულტურისა და ყოფა-ცხოვ-რების გარდაქმნას, მისი განათლების ამაღლებას. და მართლაც, კანონზომიერად იზრდებოდა მასების ლტოლვა სწავლა-განათლე-ბისაკენ, მაგრამ მთავრობის ღონისძიებები ამ მხრივ ოდნავადაც ვერ აკმაყოფილებდა ხალხის მზარდ მოთხოვნილებას. „მეფის მთავრობა მისწრაფოდა ჩაეხრჩო ნაციონალური კულტურის ყო-ველგვარი გამოვლინება, ატარებდა არარუს ეროვნებათა ძალდა-ტანებითი „გარუსების“ პოლიტიკას“.**

* Ленин, V, 80 (შეორე ალაგას: „საერობო რეფორმა იყო ერთ-ერთი იმ დათმობათაგანი, რომელიც გამოგლიჯა თვითმპყრობელურ მთავრობას საზო-გადოებრივი მღელვარების ტალღამ და ოვეოლუციურმა შეტევამ“, IV, 129).

** საქ. კ.ა. (ბ) ისტორია, მოკლე კურსი, 7, 1948.

რუსეთის იმპერიის ეროვნული უმცირესობანი, გარდა სოციალურ-ეკონომიური და კულტურული რბევისა და შევიწროებისა, კვლავ განიცდიდნენ ნაციონალურ ჩაგვრასაც: „მეფის ხელისუფლება ხალხთა საპყრობილე იყო. მეფის რუსეთის მრავალრიცხოვანი არარუსი ხალხები სრულიად უუფლებონი იყვნენ, განუწყვეტლივ განიცდიდნენ ყოველგვარ დამცირებასა და შეურაცხყოფას. მეფის მთავრობა აჩვენდა რუს მოსახლეობას ისე ეცქირა ნაციონალური ოლქების მკვიდრი ხალხებისათვის, როგორც დაბალი რასისათვის, ოფიციალურად უწოდებდა მათ „ინოროდცებს“, ნერგავდა ზიზლსა და სიძულვის მათდამი. მეფის მთავრობა შეგნებულად აღვივებდა ნაციონალურ შუღლს, ამხედრებდა ერთ ხალხს მეორის წინააღმდეგ, აწყობდა ებრაელთა დარბევას, თათარ-სომეხთა ხოცვა-ჟლეტას ამიერკავკასიაში“*.

მეფის კოლონიური პოლიტიკის მწვავე სუსხი თანდათან ზრდიდა ხალხის უკმაყოფილებას. იწყებოდა ახალი ბრძოლა საზოგადოებრივ-ეკონომიური, უფლებრივი და კულტურული ჩაგვრისა და ნაციონალური დევნის სხვა უხეშ ფორმებთან. ფეხიზღებოდა ქართველი ხალხი პოლიტიკურად, ვითარდებოდა მისი ეროვნული თვითშეგნება, ფართოვდებოდა მისი ნაციონალურ-განმათავისუფლებელი მოძრაობა. ვლადიმერ ლენინი წერდა, რომ „განმათავისუფლებელმა მოძრაობამ რუსეთში განულო სამი მთავარი ეტაპი, რუსი საზოგადოების სამი მთავარი კლასის შესაბამისად, რამაც თავისი დაალი დაასევა მოძრაობას: 1) პერიოდი თავადაზნაურული, დაახლოებით 1825 წლიდან 1861-მდე; 2) რაზნოჩინული ანუ ბურჟუაზიულ-დემოკრატიული, დაახლოებით 1861 წლიდან 1895-მდე; 3) პროლეტარული, 1895 წლიდან...“**

ასევე მოხდა საქართველოშიც. განმათავისუფლებელი მოძრაობის პირველი ეტაპი ანუ თავადაზნაურული პერიოდი, რის შესახებაც ჩვენ უკვე ვწერდით, შეცვალა მეორე ეტაპმა, ბურჟუაზიულ-დემოკრატიულმა პერიოდმა 60-იანი წლების დასაწყისში. მაგრამ, XIX საუკუნის 60-იანი წლების საქართველოს ნაციონალურ-განმათავისუფლებელი მოძრაობა პირველ ხანებში არ იყო საკმაოდ ორგანიზებული. მას აკლდა იდეური სიმტკიცე და პოლიტიკური პერსპექტივის სიციხადე. მას აკლდა მკაფიოდ ჩამოყა-

* საკ. კ.ა.(ბ) ისტორია, მოკლე კურსი, 7, 1948.

** Ленин, XVII, 341 (მესამე გამოცემა).

ლიბებულის პროგრამა, აკლდა მეთაური და გამოცდილი ხელმძღვანელობა. ჯერ კიდევ 1859 წელს, ცნობილი პუბლიცისტი ალ. ორბელიანი, გრძნობდა რა ახალი პერიოდის ქართველი საზოგადოებისათვის კარგი ხელმძღვანელის საჭიროებას, წერდა: „ჩვენს ქვეყანაში მშვიდობის მეტი აღარა არისრა, აღარც თოფი, აღარც ხმალი... მაშასადამე, სადაც მშვიდობაა, იქ რა არის საჭირო?—სწავლა-განათლება, მიწის ნაყოფიერების გამრავლება და ვაჭრობა, აუცილებელი, გამამდიდრებელი კაცისა. დამიჯერეთ, რომ ყველას ეს ფიქრი უნდა გვქონდეს ეხლა და ეს აზრი საზოგადოდ. ამისათვის ხელთმძღვანელი უნდა გვყავდეს ვინმე უთუოდ, ესეები გვასწავოს და დაგვაყენოს კიდევ ამ ხსენებულთ საგანებზედ...“* ავტორი ფიქრობდა, რომ 60--იანი წლების საქართველოს ყველაზე უფრო მეტად ესაჭიროებოდა ვაჭრობისა და სოფლის მეურნეობის განვითარება და ამის ყველაზე უფრო შესაფერის ხელმძღვანელად მიაჩნდა მემამულე და კომერსანტი, სამსახურიდან გადამდგარი გენერალი, ივანე ბაგრატიონ-მუხრანელი. ის უკვე ხედავდა ახალი ცხოვრების დასაწყისს, მაგრამ მის კონტურებში ჯერ კიდევ ვერ არკვევდა საქალაქო წარმოების წამყვან როლს, ვერ ამჩნევდა ახალ საზოგადოებრივ ურთიერთობათა საფუძველზე აღმოცენებული ნაციონალურ-განმავისუფლებელი მოძრაობის ახალ ფორმებს და, ცხადია, არც ამ მოძრაობის შესაფერისი ხელმძღვანელი შეეძლო მიეგნო მას აღნიშნულ დროს.

XIX საუკუნის 60--იანი წლებისა და შემდგომი პერიოდის საქართველოს ნაციონალურ-განმათავისუფლებელი მოძრაობა მკიდროდ იყო დაკავშირებული ამავე პერიოდის რუსეთის რევოლუციურ-განმათავისუფლებელ მოძრაობასთან. ამ მოძრაობის ძირითადი ეკონომიური, პოლიტიკური და კულტურულ-საგანმანათლებლო იდეები: ტექნიკური პროგრესის აღიარება საქალაქო მრეწველობისა და სოფლის მეურნეობის შემდგომი განვითარების საფუძველად, გლეხებისა და მათი შრომის განთავისუფლება ბატონყმური ურთიერთობისა და ეკონომიური მონობისაგან, მონარქიული ხელისუფლების წინააღმდეგ ბრძოლა და საპარლამენტო სისტემის აღიარება, „განათლების, თვითმმართველობის, თავისუფლების, ცხოვრების ევროპული ფორმებისა და საერთოდ რუსეთის ყოველმხრივი ევროპიზაციის მხურვალე დაცვა“,** ძველი ყოფა-ცხოვრების, მო-

* „ცისკარი“, 1859, X, 180.

** Ленин, II, 331, 1926.

რალის და ყალბი ავტორიტეტების გაბედული კრიტიკა, ხალხის უფლების მოთხოვნა როგორც პოლიტიკურ, ისე კულტურულ ცხოვრებაში და სხვა რევოლუციური მისწრაფებანი გადაიქცა მთელი მოწინავე რუსეთის სამოქმედო პროგრამად XIX საუკ. 60-იან წლებში. ამიტომ, გასაგებია, რომ ამ მოძრაობას ფართოდ ეხმაურებოდა „პოლიტიკური რეფორმების მოთხოვნა მთელი ბექდვითი სიტყვისა და მთელი აზნაურობის მიერ, „კოლოკოლის“ გავრცელება მთელს რუსეთში, მძლავრი ქადაგება ჩერნიშევსკისა, რომელსაც შეეძლო ცენზურაში გატარებული სტატიებითაც კი ეზარდა ნამდვილი რევოლუციონერები, პროკლამაციების გაჩენა, გლეხობის მღელვარება, ... სტუდენტთა არეულობა*“ და რევოლუციური აფეთქების სხვა მოვლენები.

XIX საუკუნის 60-იანი წლების რუსეთის რევოლუციურ-განმათავისუფლებელ მოძრაობას მეთაურობდნენ რუსი ხალხის სახელოვანი შვილები, დიდი რევოლუციური-დემოკრატები: გერცენი, ჩერნიშევსკი, დობროლუბოვი, ნეკრასოვი, შჩედრინი და „რაზნოჩინული“ ინტელიგენციის სხვა გამოჩენილი წარმომადგენლები: დ. პისარევი, ნ. სერნო-სოლოვიევიჩი და სხვ.

რუსეთის განმათავისუფლებელი მოძრაობისა და დიდი რევოლუციონერი დემოკრატების იდეებზე აღიზარდნენ XIX საუკუნის 60-იანი წლების საქართველოს სახელოვანი მწერლები და საზოგადო მოღვაწეები: ი. ჯავჭავაძე, ა. წერეთელი, გ. წერეთელი ი. გოგებაშვილი, ნ. ნიკოლაძე, კირ. ლორთქიფანიძე, ს. მესხი, ბეს. ლოლობერიძე, ი. წინამძღვარიშვილი და სხვები. 60-იანი წლების დასაწყისში ისინი რუსეთის უმაღლეს სასწავლებლებში სწავლობდნენ და აღნიშნული მოძრაობისა და იდეების უშუალო გავლენას განიცდიდნენ. ამ იდეებით შეიარაღებულნი დაბრუნდნენ შემდეგ საქართველოში და ილია ჯავჭავაძის ხელმძღვანელობით სათავეში ჩაუდგნენ საქართველოს ნაციონალურ-განმათავისუფლებელ მოძრაობის ახალ პერიოდს, საზოგადოებრივი ცხოვრების ყოველი დარგის განახლებისათვის დიდსა და ხანგრძლივ ბრძოლას.

ეკონომიური, პოლიტიკური და კულტურული მოქმედების პროგრამა საქართველოს XIX საუკუნის 60-იანი წლების საზოგადო მოღვაწეებისა ძირითადად არ განსხვავდება რუსეთის სამოციანელ-

* Ленин, IV, 126 (მე-3 გამოც.).

თა ეკონომიური, პოლიტიკური და კულტურული პროგრამისაგან, მაგრამ საქართველოს ისტორიული სინამდვილე, მისი ეროვნული ჩაგვრა და, საერთოდ, კოლონიური მდგომარეობა მთელ რიგ ახალ და თავისებურ მომენტებს ქმნიდა ქართველ სამოციანელთა პროგრამაში. ეს თავისებურება და სიახლე პირველ ყოვლისა მათ ეროვნულ-პოლიტიკურ და კულტურულ-საგანმანათლებლო ამოცანებში გამოიხატა.

ეროვნულ-პოლიტიკური პროგრამა XIX საუკუნის 60-იანი წლების მოწინავე ქართველი საზოგადოების მესვეურებისა განსაკუთრებული სიცხადით ჩამოაყალიბა 1861 წელს ილია ჭავჭავაძემ თავისი ცნობილი ფორმულით ჩვენი თავი ჩვენვე გვეკუთნოდესო.* ეს მოასწავებდა საქართველოს „დაცემული ვინაობის“ აღდგენას, მის განთავისუფლებას მეფის კოლონიური რეჟიმისაგან და დამოუკიდებელი საზოგადოებრივ-ეკონომიური და კულტურული ცხოვრების უზრუნველყოფას. ილია ჭავჭავაძე და ქართველ სამოციანელთა სახელოვანი კოგორტა არ იყვნენ პოლიტიკური სეპარატიზმის მომხრენი. ისინი არ მოითხოვდნენ სახელმწიფოებრივ გამოყოფას რუსეთისაგან, მაგრამ „საკუთარი თავის“ პატრონობას არავის უთმობდნენ. ისინი შორს იყვნენ ძველი საქართველოს აღდგენის იდეისაგან. მათ უკვე „მოკლული ჰქონდათ დარდი წარსულ დროებზე“ და ქართველი ხალხის უახლოესი მომავალი წარმოდგენილი ჰქონდათ „ახალი საქართველოს“ სახით. „უწინდებული საქართველო ჩვენში ყველასგანიაჩნია სამუდამოდ წარსულ დროდა, —წერდა ცოტა გვიან იაკობ გოგებაშვილი,... ახალი საქართველო, რომელიც არის საგანი ჩვენის პატრიოტების მოქმედების და ნატურისა, მიქცეულ უნდა იქნეს არა უკან აზიისაკენ, არამედ წინ, ევროპისაკენ. დასავლეთიდგან უნდა სვას მან განათლება, მეცნიერება და გადმოიტანოს საუკეთესო საზოგადოებრივი წყობილებანი“.**

XIX საუკუნის 60-იანი წლების საქართველოს ნაციონალურ-განმათავისუფლებელ მოძრაობის იდეურ-პროგრამული ერთიანობა რუსეთის რევოლუციურ-დემოკრატიულ მოძრაობასთან და ამ უკანასკნელის ხელმძღვანელთა სოციალურ-პოლიტიკურ და კულტურულ იდეებთან მშვენივრად გამოხატა იმავე ი. გოგებაშვილმა: „ჩვენს პატრიოტებს სურთ არა მკვდრის აღდგენა, არამედ ცოც-

* „ჩვენი თავნი ჩვენადვე გვეყუდნეს“ („მგზავრის წერილობი“).

** ი. გოგებაშვილი, რჩეული ნაწერები, 11, 114, 1940.

ხლის გამოყვანა ქაობიდან. იგინი ნატრობენ იმასვე, რასაც მოისურვებდნენ ჩვენს ქვეყანაში რომ ემოქმედნათ, რუსეთის უნიკიერესი მოდასავლეთენი („ზაპადნიკები“): ბელინსკი, დობროლუბოვი, ავტორები რომანებისა „ვინ სტყუის“ (ა. გერცენი—გ. თ.) და „რავენათ“ (ნ. ჩერნიშევსკი—გ. თ.), შჩედრინი და სხვანი. ჩვენი პატრიოტების მოქმედება იმ ეროვნულს გზაზე ადგია, რომელიც ხსენებულის მეორე რომანის ავტორმა ჩერნიშევსკიმ ვალად დაადო უკრაინელებს, სახელდობრ, ეროვნული ენის, ლიტერატურის და მეცნიერების აყვავება, შემდეგი თავისებური გამოხატულებით: „В гостях по временам бывать хорошо, но не дай бог никому не иметь своего собственного угла“*.

ამ „საკუთარ კუთხისათვის“ ბრძოლას ქართველი 60-იანელები, როგორც ვხედავთ, არ წყვეტდნენ რუსეთის რევოლუციურ-დემოკრატიული მოძრაობიდან, მაგრამ რომელ სოციალურ ფენას ეყრდნობოდნენ ისინი თვით საქართველოში?

სანამ ამ საკითხს ვუპასუხებდეთ, საჭიროა აღვნიშნოთ, რომ XIX საუკუნის 60-იან წლებში საქართველოს საზოგადოებრივი ცხოვრების ასპარეზზე მკაცრი კლასობრივი ბრძოლა გაჩაღდა წარმავალ, მაგრამ ჯერ კიდევ საკმაოდ ძლიერ თავადაზნაურულ არისტოკრატიასა და ახალგაზრდა, პროგრესულ დემოკრატias შორის. ეს ბრძოლა ქართულ ლიტერატურაში ცნობილია, როგორც „მამათა და შვილთა“ ბრძოლა. თავადაზნაურული არისტოკრატია და მისი მეთაურები: გ. ბაგრატიონ-მუხრანელი, ალ. სულხანიშვილი, გიორგი ბარათაშვილი, ექვთიმე წერეთელი, ბარბაღე ჯორჯაძე, ივ. კერესელიძე, პლატონ იოსელიანი, გრიგოლ ორბელიანი და სხვ. წარმოადგენდნენ „მამათა“ ბანაკს, თავისი კონსერვატულ-რეაქციული იდეოლოგიით, ხოლო ახალგაზრდა, პროგრესული დემოკრატია და მისი ნეთაურები, 60-იანი წლების განმათავისუფლებელი მოძრაობის ზემოაღნიშნული ხელმძღვანელები— „შვილთა“ ბანაკს, ნოწინავე, რევოლუციური იდეოლოგიით. ამ ბრძოლის შინაარსი ცნობილია: თავადაზნაურული კლასის მეთაურები აღიარებდნენ ბატონყმობის ინსტიტუტს, მეფის ხელისუფლებას, ძველი ყოფა-ცხოვრების ფორმებს და, აქედან გამომდინარე, ძველ კულტურულ ტრადიციებს: ქართული ენის ძველ ნორმებს,

* ი. გოგებაშვილი, რჩ. ნაწერები, II, 114, 1940.

ძველ ორთოგრაფიას და ხალხის ინტერესებიდან მოწყვეტილი „წმინდა ხელოვნების“ პრინციპს; 60-იანელი დემოკრატიული ინტელიგენციის მეთაურები კი, როგორც აღვნიშნეთ, შეაცრად ებრძოლნენ არსებულ სინამდვილეს: ბატონყმობას, მონარქიას, ფეოდალურ ყოფა-ცხოვრებასა და კულტურას, ძველი ქართული ენის ნორმებსა და ძველ ორთოგრაფიას, ხალხის ინტერესებიდან მოწყვეტილ ხელოვნებას და მეცნიერებას.

ნავრამ, XIX საუკუნის მოწინავე ქართველ სამოციანელთა იდეოლოგიური ერთიანობა ჩქარა დაირღვა: კაპიტალისტური წყობილებას სწრაფი განვითარებისა და ახალგაზრდა ქართველი ბურჟუაზიული კლასის საბოლოო ჩამოყალიბების საფუძველზე, სამოციანელთა ჯგუფს განოყუო ამ ახალგაზრდა ბურჟუაზიული კლასის იდეოლოგთა ჯგუფი ცნობილ პუბლიცისტის ნიკო ნიკოლაძისა და ბელეტრისტ გიორგი წერეთლის მეთაურობით. ამის შესახებ თვითონ გიორგი წერეთელი წერდა:

„1866 წლიდან გამოჩნდა ახალი, უფრო პროგრესიული მოძრაობა ქართულ ლიტერატურულ-პუბლიცისტურ სფეროში. ამ დროს გამოჩნდა მეორე დასი. განსაკუთრებით თავი იჩინა ამ მეორე დასმა, 1869-დან 1877-მდე. ეს დასი შეჯგუფდა და შეკავშირდა „დროება“—„კრებულის“ რედაქციაში. ამ დასის ნამდვილი წარმომადგენლები იყვნენ ნ. ნიკოლაძე, გ. წერეთელი, ს. მესხი, კ. ლორთქიფანიძე და პეტრე უმიკაშვილი... ეს დასი იყო პროგრესიულ-დემოკრატიული მიმართულების მიმდევარი“.

განცალკევებულად, ყოველგვარი ჯგუფისა თუ დასის გარეშე დარჩნენ XIX საუკუნის 60-იანი წლების დემოკრატიული ინტელიგენციისა და ნაციონალურ-განმათავისუფლებელი მოძრაობის მეთაურები: ილია ქავჭავაძე, აკაკი წერეთელი, იაკობ გოგებაშვილი, ილია წინამძღვარიშვილი და სხვები. ჩვენ უკვე ვიცით მათი საზოგადოებრივ-პოლიტიკური და კულტურული იდეალები და თუ ვუპასუხებთ საკითხს: რომელი სოციალური ფენის ინტერესებს გამოხატავდა ეს სახელოვანი პლეადა, უნდა აღვნიშნოთ, რომ ეს დიდი საზოგადო მოღვაწეები, პირველ ყოვლისა,

* „ქეალი“, 1897, № 46, 815—16. გ. წერეთელი იქვე აღნიშნავს, რომ მეორე დასელებს „შემოუერთდა განკერძოებულათ მოღვაწე აკაკი წერეთელი“. ავტორს მხედველობაში აქვს აკაკის ლიტერატურული თანამშრომლობა ამ დასის ორგანოებში. იდეურად კი აკაკი მათთან არ ყოფილა.

იყენენ განმანათლებლები და განმანათლებლები საერთოდ, როგორც წერს ვ. ი. ლენინი: „მოსახლეობის არც ერთ კლასს არ გამოჰყოფდნენ, როგორც თავისი განსაკუთრებული ყურადღების საგანს, ისინი ლაპარაკობდნენ არა მარტო ხალხზე საზოგადოდ, არაჲდ ერზეც კი საზოგადოდ“.* მაგრამ შემდეგ, მე-19 საუკუნის მეორე ნახევარში, როცა წარმოების განვითარებამ უფრო ნათელჰყო ქართველი საზოგადოების კლასობრივი დიფერენციაციისა და შინაგანი წინააღმდეგობის პროცესი, არ შეიძლებოდა მათ არ შეემჩნიათ ამ პროცესის მამოძრავებელი სოციალური ძალები, კლასები და არ გაერკვიათ თავისი დამოკიდებულება ამ ძალებისადმი, კლასთა ბრძოლის საკითხისადმი. ეს დამოკიდებულება ყველაზე უფრო მკაფიოდ გამოხატა განმანათლებელთა ლიდერმა ილია ჭავჭავაძემ.

საზოგადოებრივ ფორმათა განვითარებისა და სახელმწიფოებრივ წყობათა სისტემაზე ლაპარაკის დროს ილია ჭავჭავაძე შეგნებულად ეწინააღმდეგებოდა მათ ტრაფარეტულ და შაბლონურ გაგებას. ილია ყოველთვის ცდილობდა გამოენახა ის სპეციფიკა და თავისებურება, რომელიც ამა თუ იმ საზოგადოებრივ ფორმაციას ან სახელმწიფოს ახასიათებდა და მეორისაგან არჩევდა. მაგრამ საქართველოს სახელმწიფოებრივი განვითარების სპეციფიკისა და თავისებურებათა კვლევის შედეგად ილია ისე შორს წავიდა, რომ მან საზოგადოების კლასობრივი დიფერენციაციის და ანტიგონიზმის მხრივ საქართველო გამოჰყო ევროპის სახელმწიფოთა ისტორიული განვითარების პროცესიდან. ის სისწორით აღიარებდა ევროპის სახელმწიფოების კლასობრივი დაყოფის ფაქტს და ამასთან კლასობრივ ბრძოლას არამცთუ სრულიად ნორმალურად სთვლიდა მათ პირობებში, არამედ მეცნიერულად ასაბუთებდა მის ისტორიულ აუცილებლობას როგორც ფეოდალურ, ისე ბურჟუაზიულ საზოგადოებაში. საქართველოში კი, ილიას აზრით, საზოგადოების კლასებად დაყოფა და კლასობრივი ბრძოლა არ არსებობდა, ვინაიდან არ არსებობდა ამის გამომწვევი პირობები არც ეკონომიურ, არც საზოგადოებრივ-პოლიტიკურ ცხოვრებაში. მოკვუსმინოთ, როგორ ასაბუთებს ილია როგორც პირველ, ისე მეორე მოსაზრებას**.

* Ленин. II. 349 (გამოც. მე-3).

** ილია ამ ტექსტში არ ხმარობს ტერმინს: „კლასი“, მის მაგიერ ხმარობს: ზოგება, დასი, ბანაკი.

ევროპის საზოგადოების კლასობრივი სტრუქტურის შესახებ ი. ჭავჭავაძე წერს:

„მუხა საუყურებში ერთი განსაკუთრებული ხელმოქმედება (Промышленность, производство) იყო ევროპაში. ის სელთმოქმედება მიწის შემუშავება იყო და მის გამო მიწა შეიქმნა ცილებია საგნად... როცა ვაჭრობა გახშირდა, გახშირდა საფაბრიკო და საქარხნო ხელ-მოქმედება, მაშინ ჯონებთანა ძალამ სხვა სახე ზიილო. მაშინ მოძრავემა ქონებამ ფესვი გაიდგა და უპირატესი ადგილი დაიჭირა ერის ცხოვრებაში. მაშინ მოძრავეთა სიმდიდრის პატრონის შეეცილნენ საზოგადოებრივს და სახელმწიფოებრივს უფლებას მიწის მფლობელთა, თავად-ახნაურობას და სამღვდელთებს. ეს შეცოლებათათა ვადა-და საფრანგეთის დიდირვეთლეთით. ამ რეფოლუციამ წაშაყენა მესამე წოდება „ბურჟუაზია“, რომელმაც მიწათმფლობელობას ჩამოაცალა უპირატესობა სახელმწიფო წყობაში და მის მავიერად დაადგინა მფლობელობა მოძრავეთა ქონებისა.

ამ ბურჟუაზიამ კიდევ ისე წარპართა საზოგადო და სახელმწიფო საქმე, რომ ენასავით სულ თავისკენ მოითალა და ის კი, რამაც საკუთრე მემკვიდრე იგი მოძრავეთ სიმდიდრე, წრეს გარეთ დარჩა. ის წრეს გარეთ დარჩომილი—შრომა არის და მისი წარმომადგენელი კიდევ მუშა-კაცია. დღეს ეს მუშა-კაცი იბრძვის ევროპაში, რომ უპირატესობა-სახელმწიფო და საზოგადოებრივს წყობაში არავეთს არ ჰქონდეს განსაკუთრებულ და ამისათვის ყოველგვარის წყობის ქვეა კუთხედათ სდებებს როგორცა, რომელიც ბუნებითად ყველას განმათანანა სწორებელია, რადგანაც ყველა უნდა მშრომელი იყოს. ამ სახით დღეს ევროპაში წარმოუგარია მეთხე წოდებათა, სახელმწიფო მუშაკთა, რომელიც სიარველით ყოველს წოდებაზედ უდიდესია. დღეს ვე წოდება იბრძვის, იბრძვის სასტიკად და მედგრად თავისის დედა-ახრისათვის და იმედიც აქვს გამარჯვებისა. ჩვენ ეს მვირევი შენიშნა იჩის საჩვენებლად მოვიყვანეთ, რომ ევროპაში, მიხეზია და დიდოსაბრეთიანიც. წოდებათა შორის დაჯახებისა, ერთმანეთთან ქეხეთქებისა, ერთმანეთის ცილობისა*.

ამგვარად, ევროპის საზოგადოების კლასობრივი დანაწილებისა და კლასობრივი ბრძოლის ეკონომიური და პოლიტიკური საფუძვლები ილიას არსებითად სწორად ესმის და სწორადაც აქვს გადმოცემული.

რა მოსაზრება მოყავს ილია ჭავჭავაძის საქართველოში საზოგადოების კლასებად დაყოფისა და კლასობრივი ბრძოლის უარსაყოფად?

ზემოთ მოყვანილი ტექსტის შემდეგ ილია აგრძელებს:

„ჩვენში რა არის აბა, მაგისი მსგავსი? ჩვენში! თავად-ახნაურობას დღევანდლადე თითქმის ძარტლის უპირატესობა ჰქონდა, რომ მოკითავის შიგანში ბრწყინვალებად იხსენიებოდა და გლახიკი არა... ევანჯელია ძალა კი, რამელიც დღეს ჩვენში მარტო მიწის-მფლობელთაგან წარპოვება, და ყოველივე. რაც ამ ძალის შედეგი ოდესმე იქნება, ჩვენში ვერც ერთმა წოდებამ, ღვთის მაღლით, ვერ გაისაკუთრა...“

* ი. ჭავჭავაძე, VIII, 57—5) (ხაზი ყველგან ჩენია—გ. თ.).

რაკი ესენი იყო, რაკი უფლება ქვეყნის გამგეობისა მართლ
 ზღვრებში იყოს და არავე სხვას, — ერთსა რა უნდა შექ-
 მურებოდ და მეორესი, ერთი იმასთანას რას დაეხარებოდ
 მეორეს, რომ ამით ერთი წყობა მეორეს ჯანხედ გასდგო-
 მლდა და ჩაენერგა ის განთვითულების, განცალკევების
 გრძნობა წოდებათა შორის, რომელიც ეხლანდელის ეერო-
 პის მწვავე ტვირლს შეადგენს. აქ, რასაკვარველია ბერი ჰოც ითქმის
 ჯა ბერი არაც, მაგრამ ჩვენ იმაზედა ვართ დამყარებულნი, რომ წოდებათა
 შორის უფლების ცილება ეკონომიურის თუ პოლიტიკური-
 სს, ცილება რომელიც უაღრესი მიხეზი იყო დაუძინებელის
 განხეთქილებისა სხვა ქვეყნებში, ჩვენში არ არსებობდა...
 ამით იმის თქმა კი არ გინდა, რომ ჩვენში გლეზ, თავი, ახნაური, თუ მღვდ-
 ლი ყველგან ვერე ძმურად სკხოვრობდნენ, არა — ძალიან ბევრგან სუფევს
 განხეთქილება, ხოლო დიდი შეცდომა იქნება, ამის მიხეზი თითონ წოდ-
 ზათა წყობას, მის შინაგან არსებას, თვისებას, ზნეს და ჩვეულებას და აქედ-
 წარმომდგარ მიდრეკილებას მივაწეროთ, ამის მიხეზი იგივეა, რაც თვი-
 თეულ კაცთა შორის; ავი გული, ხარბი თვალი, გრძელი ხელი
 ჯა ნამუსის ქუდის ახდა**.

მკითხველი ნათლად ხედავს, რომ თუ ევროპის საზოგადოებაში
 კლასობრივი დიფერენციაციისა და კლასობრივი ბრძოლის საკითხს
 ილია ქავეჭავაძე სწორად სწყვეტს, სამაგიეროდ ის არ არის მარ-
 თალი ქართველი საზოგადოების კლასებად დაყოფისა და კლასობ-
 რივი ბრძოლის უარყოფის ცდაში.

რით აიხსნება ეს მოვლენა?

თავისი პერიოდისათვის ილია ქავეჭავაძეს უმთავრეს საზოგა-
 დოებრივ ამოცანად მიაჩნდა ნაციონალურ-განმათავისუფლებელი
 შოძრობის გაძლიერება. ამას სთვლიდა იგი მოქმეტის აქტუალურ
 და გადაუდებელ საკითხად. განა ილია არ წერდა: „ზრი ცხოვ-
 რებისა იმაშია, რომ შეიტყო, შეიმცნო: ჟამი რას ით-
 ხოვს: ტირილსა თუ სიცილსა, გაყრას თუ შეკრებას,
 დუმილსა თუ მეტყველებას, სიყვარულსა თუ სიძულ-
 ვილს, ბრძოლას თუ მშვიდობას***... და მართლაც დრო
 და ჟამი აყენებდა გადაუდებელ საზოგადოებრივ-პოლიტიკურ ამო-
 ცანად სწორედ ნაციონალურ-რევოლუციური ბრძოლის გაჩაღ-
 ზას რუსეთის თვითმპყრობელობის წინააღმდეგ, საქართველოს
 ეროვნული დამოუკიდებლობის მოპოვებისათვის. საქართველოს გან-
 თავისუფლება მეფის რუსეთის სოციალურ-ეკონომიური და სულიერი
 ნონობისაგან ილია ქავეჭავაძეს მიაჩნდა ყველა ქართველის საერ-
 თო ეროვნულ საქმედ, მიუხედავად მათი წოდებრივი, ქონებ-

* ი. ქავეჭავაძე, VIII, 58—61 (ბაზი ყველგან ჩვენია—გ. თ.).

** VII, 82.

რივი და თანამდებობრივი მდგომარეობისა. ამ მონობას ის თვლიდა ქართველი ხალხის საერთო მტრად და მის წინააღმდეგ ბრძოლის ამოცანები, ილიას აზრით, ყველას აერთიანებდა.

მაგრამ, სამწუხაროდ, ამ საერთო მიზანს იქით, ილია ჰავჯავაძე ვერ ამჩნევდა ქართველი ერის შიგნით არსებულ სოციალურ-კლასობრივ დიფერენციაციას, კლასობრივ ბრძოლას, ანტაგონიზმს.

მიუხედავად ამისა, ზემოაღნიშნულიდან, ჩვენ ვფიქრობთ, არავინ გამოიტანს ისეთ აზრს, რომ ილია ჰავჯავაძე სრულებითვერ ხედავდა საქართველოს სოფლისა და ქალაქის სოციალური განფენების ფაქტს; მას, როგორც საზოგადოებრივ მოვლენათა ანალიზის-დიდი უნარის მქონე პიროვნებას, არ შეიძლებოდა არ დაენახა სინამდვილეში არსებული კლასობრივი ანტაგონიზმის ფაქტები და ფორმები, მაგრამ ეს მას არ მიაჩნდა კლასობრივი ბრძოლის ფაქტებად და ფორმებად; ხოლო, როცა საზოგადოებრივი მოძრაობისა და განვითარების ცალკეულ უბნებზე, ეს კლასობრივი ბრძოლა ისეთი სიცხადით იჩენდა ხოლმე თავს, რომ ილიას დაკვირვებულ თვალს არ შეეძლო არ შეემჩნია,—მაშინ ილია ცდილობდა მის, რაც შეიძლება, რბილ ფორმებში წარმოდგენას. უარყოფს რა ქართველი „ერის წყობ-წყობად დაყოფის“ ფაქტს, ილია იქვე გრძნობს ამ მცდარი დებულებით გამოწვეულ უხერხულობას და შემდეგანირად არბილებს მას:

„ჩვენ ამით იმის თქმა კი არ გვინდა, რომ ჩვენს ცხოვრებაში სრულიად არ ყოფილა ელემენტები, რომელთა მოძრაობა და განვითარება საქმეს* ბრძოლამდე და შეხეთქებამდე მიიყვანდა, თუ დასცალდებოდა“. ასეთ ელემენტებად მას მიაჩნია, ზემოთ, მის ციტატაში აღნიშნული გარემოება, რომ გლეხი, აზნაური, თავადი ყველგან არ სცხოვრობენ ძმურად და „ძალიან ბევრგან სუფევს განხეთქილება.“ მაგრამ აღსანიშნავია, რომ ეს სოციალური განხეთქილება, ილიას მიხედვით, სუფევს „ძალიან ბევრგან“ და, მაშასადამე, არა ყველგან და ამავე დროს ამ განხეთქილებისა და „ძმური ცხოვრების“ დარღვევის მიზეზად მას მიაჩნია არა სოციალური წყობა, არამედ—„ავი გული, ხარბი თვალი, გრძელი ხელი, ნაშუსის ქედის ახდა“. ამით ილია ჰავჯავაძე სოციალური ანტაგონიზმის ფაქ-

* ი. ჰავჯავაძე, VIII, 56.

ტებს ხსნის არა მათი კანონზომიერი განზოგადოების მეთოდით. არამედ დაჰყავს ისინი „თვითეულ კაცთა შორის“ შესაძლო უთანბროების კერძო მომენტაჲდ და ამით აცლის მათ ახსნას საზოგადოებრივ-ისტორიულ საფუძველს.

კლასობრივი ბრძოლის ფაქტები საქართველოს ფეოდალურ (მემამულე) კლასსა და გლეხურ კლასს შორის, ილიას წარწოდგენილი ჰქონდა როგორც მხოლოდ ბატონყმური ურთიერთობის ფაქტები. მართალია, ბატონყმობას ის თელიდა დიდ უსამართლობაჲდ და ბოროტებად და მთელი თავისი შეგნებით იბრძოდა მის წინააღმდეგ, — მაგრამ იგი მას კლასობრივი ბრძოლის ფორმად მაინც არ მიაჩნდა. ილია ქვეყავაძე როგორც მხატვრულ შემოქმედებაში, ისე მეცნიერულ ნაშრომებში, დაუღალავაჲდ აწიშვლებდა და ამოიწმინდა ბატონყმობას, სთელიდა მას ჭეშანიური კაცობრიობისათვის შეუფერებელ მოვლენად და ისტორიის სამარცხვინო პერიოლად. ის მშვენიერად ხელდაჲდა ბატონსა და ყმას შუა არსებულ ანტაგონიზმს და ამავე დროს შეუძლებლად მიაჩნდა მათი შერიგება; ჯანა ილია არ ლაპარაკობს, რომ „ბატონ-ყმას შუა სიყვარული ს ხიდი არ გაიდება“ („გლახის ნაწმობი“), რომ „გლეხკაცის და ყმის ლიტონი ბედი ვერა, ვერ გასძლეის; ბატონის ხელში (-ეპიზ. ყაჩაღის ცხოვრ-დან“), რომ ბატონსა და ყმას შუა „ხიდი ა ჩატეხილი“ და ისინი „ორი სხვადასხვა ქვეყანაა“ („ოთარაანთ ქვრივი“); არსებითაჲდ ზეენ აქ ყველგან ორ მოპირდაპირე და შეურიგებელ სოციალურ კლასთან და კლასობრივ ბრძოლასთან გვაქვს საქმე, თუმცა ილია მათ კლასებად არ აღიარებს, მათ შეურაგებელ ბრძოლას კლასობრივ ბრძოლად არა სთვლის.

ასეთია ილია ქვეყავაძისა და მის თანამებრძოლ ქართველ განმანათლებელთა და ნაციონალურ-განმათავისუფლებელი მოძრაობის მეთაურთა შეხედულება კლასთა ბრძოლის საკითხზე. საქართველოს ეკონომიური და პოლიტიკური ცხოვრების ჩამორჩენილობის გამო, ისინი ვერ ამაღლდნენ ისტორიული პროცესის მატერიალისტურ გაგებამდე. და ეს იყო მათი აზროვნებასა და მოლუაწეობის ერთი დიდი ნაკლი. მაგრამ ნაკლი საესებით გასაგები და აღვილად ასახსნელი XIX საუკუნის მეორე ნახევრის საქართველოს მდგომარეობით.

ახლა შეგვიძლია ვუბასუსოთ ზემოაღნიშნულ საკითხს: რომელი კლასი ნიაჩნდათ პროგრესულად XIX საუკუნის მეორე ნახევრის ქართულ განმანათლებლებს?

საზოგადოებრივი განვითარების თვალსაზრისით, მხოლოდ გლეხობას თვლიდნენ ისინი ნათელი პერსპექტივის მქონე ძალად. გლეხების განთავისუფლებას ქართული განმანათლებლები, რასაკვირველია, ალტაყებით შეხედდნენ. მაგალითად, ილია ჭავჭავაძე წერდა, რომ ამით:

„მოისპო ჩვენში ერთისაგან მეორის აღამიანობის გაქვლის მიზეზი, კაცი კაცად აღიარეს... ერთს ჩამოაძალეს ის, რაც სიმართლის შეურაცხყოფა იყო, მეორეს დაუბრუნეს ის, რაც უპართლოდ წარომეული ქონდა“*.

რამდენადაც ილია ჭავჭავაძე ხედავდა, რომ მის დროს ხალხის სოციალურ ფენათა შორის არსებობდა ეკონომიური და უფლებრივი განსხვავება, რომ იყო ისეთი სოციალური კატეგორიის ხალხი, რომელიც უფრო მეტ ქონებას ფლობდა, და უფრო მეტი უფლებით სარგებლობდა, — იმდენად მისთვის გარკვეული იყო, რომ ან კატეგორიის ხალხს, ერის უმცირესობას, დაპყრობილი ჰქონდა აგრეთვე განსაკუთრებული უფლება და უპირატესობა კულტურასა და სწავლა-განათლებლაზე, ხოლო ერის უმრავლესობა, მისი მძრომელი ნაწილი, მოკლებული ეკონომიურ და პოლიტიკურ უფლებებს, მოკლებული იყო აგრეთვე ფაქტიურ უფლებას სწავლა-განათლებლაზე, სკოლაზე. ჯერ კიდევ 1863 წელს ამის შესახებ ილია წერდა: „ყველამ კარგად იცის, რომ მეცნიერება და ხელოვნება, ეგ უდიდესი საღარონი, სადაც კაცობრიობის გენია აწყოფს ხოლმე გონიერების საუნჯესა — არ არიან ყველასათვის მისაწვდომნი“**.

ამ გონებრივი საღაროთი, ილიას თქმით, სარგებლობდნენ:

„მხოლოდ ამორჩეულნი პირნი, რომელნიც ყველგან ცოტანი არიან, ... მხოლოდ იგინი სარგებლობენ და ისაკუთრებენ იმათ საუნჯესა, მაშინ როდესაც იმათი განმანათლებელი სხივები ყველასათვის საჭირონი არიან როგორც არსებითი პური“**.

* ი. ჭავჭავაძე, VIII, 5.

იქვე, IV, 74.

ასევე სკოლებიც, რომლებიც სასარგებლო ცოდნას აერცვლებენ ხალხში. „მაგრამ, იმათამდინ იმდენად ცოტას მიუწვდება ფენი, რომ დანარჩენი ხალხის რიცხვთან რომ შევადაროთ, ის ცოტა—წვეთი იქნება ზღვაში. ბევრია რჩებიან სასწავლებლის გარეთ...“.

რატომ? ამ კითხვაზე ილია უპასუხებს პოლიტაკური გამჭრია-
ბობით, მაგრამ სიფრთხილით: „განა იმის გამო, რომ უღირსნი და უღონონი არიან, არამედ ათასი სხვადასხვანაირი მიზეზე-
ბისა გამო, რომელთაც ჩვენ აქ არ მოვიხსენიებთ“.
მის წხედველობაში ჰქონდა გაბატონებული ფენების პრივილეგია სწავლა-განათლებაზე და მოითხოვდა ამ პრივილეგიების ნოსპობას, ყველასათვის თანაბარ და საყოველთაო სწავლა-განათლებას. მისი
„ზრით, ცოდნა უყვლას ერთნაირად ნოცხდება, ყველას ერთნაირად
დააწმენებს“, და აღნიშნა ფასდება არაწოდებრავი და ქონებრი-
ვი მდგომარეობით, არამედ ცოდნა-განვითარებით.

ილია მშვენივრად სედავდა, რომ განათლების გაერცვლებას
ღარიბი, მშრომელი ხალხი უფრო ნისდევდა, ვიდრე შეტლებული
ააეადაზნაურობა: „არც ერთი წოდება ჩვენში ისე-გულგრილად არ
ეკიდება ამ საქმეს, როგორც თავდაზნაურობა,“—წერდა იგი.

აქედან ცხადად ჩანს, რომ ყველა წოდებაზე უფრო საიმედო
აადა ილიას მიაჩნდა გლეხობა, მშრომელი ხალხი.

ასევე წყვეტდა საკითხს მისი თანამებრძოლი იაკობ გოგე-
ბაშვილი. თავდაზნაურობა მასაც დრომოქმეტლად მიაჩნდა, სო-
ლო ქართველი ბურჟუაზია კი სუსტ, უღლეურ ფენად. ერთადერთ
პროგრესულ ძალად ის აღიარებდა მშრომელ ხალხს, გლეხობას.
ნან. თუმცა გვიან, მაგრამ სავსებით გარკვეულად გამოსთქვა თა-
ვისი აზრი ამ საგანზე:

„ბევრს არა სწამს მომავალი ქართველი ერისა და სიკვდილს
უწინასწარმეტყველებს მას. მაგრამ მათ, რომ დაახლოებით გაიც-
ნონ, თუ რა გამრყენელს და უღიერს ბიუროკრატიის ხელში იყო
იგი მთელის საუკუნის განმავლობაში, და, მიუხედავად ამისა, მან
შეირჩინა ძალა ბრძოლისა და სიცოცხლისა, იგინი ირწმუნებენ ამ
ერის მომავალს... ირწმუნებენ მომავალს არა ქართველის არის-
ტოკრატიისას, რომელიც ქენებით მიისწრაფება უკან, უფესკრული-

საკენ, და ჰყიდის თავის მდიდარ მამულებს, მორწყულს ქართველი ერის სისხლით და ოფლით, უცხოელებზე, არა ქართველი ბურჟუაზიისას, რომელიც უდღეური ბავშვივით წყალდება დედის მუცელში. არამედ სწორედ ქართველი ხალხისას**.

ანგვაოდ, XIX საუკუნის 60-ანი წლების მოწინავე ქართველი რევოლუციური ინტელიგენციის მეთაურებისა და განმანათლებელთა დაწოკიდებულება XIX ს. მეორე ნახევრის საქართველოს საზოგადოებრივი კლასებისადმი საგსებით ნათელია: თავადაზნაურობას ისინი სთვლიდნენ საბოლოოდ განწირულ კლასად, რომელიც, ი. ჰაეჰავაძის თქმით, გარეგნულად ხავერდით მოსილი კუბოა, ხოლო შინაგანად „სულისა და ხორცის გახრწნილება“*** და რომელსაც, „როგორც წოდებამ, როგორც ცალკე კრებულმა დიდი ხანა უკვე თავის დრო მოჰპაძე“****. იაკობ გოგებაშვილის მიხედვით, თავადები არიან ჩვენი ერის მალალი, მაგრამ „დამპყნარი და გამხმარი ტოტები“, რომელნიც „მთელს ერს უტეხენ სახელს“****. ქართველი ბურჟუაზია, თუმცა მოუმწიფებელ, სუსტ ფენას წარმოადგენდა, მაგრამ როგორც უპერსპექტივო ექსპლოატატორი კლასი, რომელიც „ყველაფერს თავისთვის მიიჯლიდა“, არ იწვევდა სამოციანელ მოღვაწეთა თანაგრძნობას. ასევე სუსტი იყო 60-იანი წლების ქართველი მუშათა კლასიც. რიცხვობრივი სიმცირისა და სათანადო კლასობრივი თვითშეგნების უქონლობის გამო, მას ჯერ კიდევ არ გააჩნდა გარკვეული საზოგადოებრივ-ეკონომიური და პოლიტიკური პროგრამა, რაც უძნელებდა ქართველ განმანათლებელთ წარმოედგინათ მისი წამყვანი როლი მომავალ საზოგადოებრივ ცხოვრებაში. ერთადერთი სოციალური კლასი, გარკვეულ ეკონომიურ-პოლიტიკური მდგომარეობითა და ფიზიონომიით, რომელსაც მე-19 საუკუნის 60-იანი წლების საზოგადო მოღვაწეთა მეთაურები მოწინავე და საიმედო ძალად აღიარებდნენ—იყო გლეხობა.

მხოლოდ გლეხობა იყო, მათი აზრით, „სული და გული ჩვენის ეროვნულის იმედებისა“ (ი. ჰაეჰავაძე), მხოლოდ გლეხობისა

* ი. გოგებაშვილი, რჩ. ნაწერები, II, 531, 1946.

** ი. ჰაეჰავაძე, IV, 396.

*** იქვე, IX, 182.

**** ი. გოგებაშვილი, II, 319—320.

და მისი სახით მშრომელი ხალხის აღორძინებაზე იყო, მაი. აზრით, „დამოკიდებული ჩვენი ქვეყნის ბედი და უბედ-“

მართალია, XIX საუკუნის მეორე ნახევრის საქართველოს ნაციონალურ-განმათავისუფლებელი მოძრაობის მეთაურებს, ღიჯ ქართველ განმანათლებლებს, გლეხობა მიაჩნდათ მშრომელთა ფენის სინონიმად, მაგრამ მშრომელი ხალხის ცნებას ამით არ ზღუდავენ. მშრომელი ხალხი, რომელიც წარმოადგენდა, მათ დასაყრდენს. შეიცავდა გლეხობას როგორც ძირითად ფენას, მაგრამ მასთან ერთად მშრომელ ხალხს წარმოადგენდა ყველა მშრომელი. ღირებულების შემქნელი ყოველი ადამიანი, მიუხედავად მისი წოდებრივი მდგომარეობისა. ხოლო საერთო ნიადაგი, რომლის საფუძველზეც შეიძლება სხვადასხვა ქართველ წოდებათა მოწინავე ჯგუფების ან ცალკე პირების გაერთიანება, იყო შრომა.

„შრომისა ახსნა—ეგ არის ტვირთი ძღვეამოსილი ამ საუკუნის.. და ამ ზვიადმა საუკუნემა უნდა შეას იგი შრომის სუფევა“, —აცხადებდა ილია ჭავჭავაძე ჯერ კიდევ 1859 წელს („აზრდელი“). თავისუფალი შრომა მიაჩნდა მას როგორც ძმობა-ერთობისა და თავისუფლების, ისე სოციალური თანასწორობის საფუძველად. იაკობ გოგებაშვილმა პასუხად საკითხსა: „რომელი დროშის, რომელი ბაირალის ქვეშ უნდა მოხდეს ეროვნული შეერთება ქართველ წოდებათა?“ აღნიშნა: „რასაკვირველია ამ დროშად უნდა გახდეს პრინციპი შრომისა, ის პრინციპი, რომლის გარეშე ჩვენს დროში არც ერთს წოდებას სიცოცხლე და წარმატება არ შეუძლიან“**.

ასეთი ევოლუცია განიცადა საქართველოს XIX საუკუნის მეორე ნახევრის ნაციონალურ-განმათავისუფლებელი მოძრაობის მეთაურებისა და განმანათლებელთა შეხედულებამ საქართველოს სოციალური ფენების (კლასების) და მათი როლის შესახებ საზოგადოებრივი განვითარების პროცესში; უკეთეს ისინი XIX საუკუნის 60-იანი წლებიდან, ე. ი. ნაციონალურ-განმათავისუფლებელი მოძრაობის მეორე პერიოდის დასაწყისიდან თითქმის მის დასასრულამდე (1861—1895), ლაპარაკობდნენ ქართველ ხალხზე საზოგადოდ, — შემდეგ აღნიშნული მოძრაობის მესამე პერიოდის დასაწყისიდან (1895), წარმოების განვითარებისა და მუშათა კლასის

* ი გოგებაშვილი, რჩეული ნაწერები, II, 167.

** იქვე, II, 318.

რევოლუციური ბრძოლის გავლენით, ლაპარაკობდნენ მ შ რ ო მ ე ლ
ხ ა ლ ხ ზ ე საზოგადოდ.



მე-19 საუკუნის 60-იანი წლების საზოგადოებრივი ცხოვრების
სიახლემ თავისი მკაფიო გამოხატულება ჰპოვა აგრეთვე კულტურ-
რისა და განათლების დარგში. ბურჟუაზიულ-დემოკრატიული ურ-
თიერთობის შექმამ ხალხის ყოფა-ცხოვრებაში, გამოიწვია მისი
რადიკალური გარდაქმნა ამ ურთიერთობის საფუძველზე და მოამ-
ხადა ნიადაგი ახალი კულტურისა და განათლების დამკვიდრები-
სათვის.

პირველ ყოვლისა, აღსანიშნავია ახალი ქართული პრესის შექმნა.
60-იანი წლების საზოგადოებრივი ცხოვრების ახალი იდეები,
რის შესახებაც ზემოთ ვილაპარაკეთ, და ნაციონალურ-განმათავი-
სუფლებელი მოძრაობა, სრულიად ახალ ამოცანებს აყენებდა ქარ-
თული პრესის წინაშე. ძველი უქრნალი „ცისკარი“, რომელიც ერ-
თაღერეთ ქართულ პერიოდულ ორგანოს წარმოადგენდა 60-იანი
წლების დასაწყისში*, სრულებით ვერ ერკვეოდა ახალ სოციალურ-
პოლიტიკურ ვითარებაში. ის, ძირითადად, კვლავ რჩებოდა ქართ-
ველი კონსერვატული ფენების ორგანოდ და ძალზე ჩამორჩებო-
და ცხოვრებისა და ქართველი ხალხის ახალ მოთხოვნილებებს.
1862 წელს ილია ჭავჭავაძემ მისცა „ცისკარს“ მკაცრი, მაგ-
რამ სავსებით დამსახურებული დახასიათება: „ეგ იმისთანა უქრ-
ნალია, რომელიც დაგვიანებულა და უკან დარჩომია ცხოვრებასა:
ცხოვრება წინ წასულა და ის კი უკან მოსჩანჩალებს, როგორც
ფეხმოტეხილი ცხვარი თავის ფარასა. თავის ჩანჩალში ის კოკლი
უქრნალი არამც თუ არჩევს და ხსნის, რაც თვალწინ უტრიალებს
საზოგადოებასა, არამედ თავმომწონებით ჰკრეფს, რაც თვით სა-
ზოგადოებას თავის განვითარების გზაზედ გადაუყრია, როგორც
უვარგისი და გამოუსადეგი“**. მართალია, „ცისკარში“ ბევრი მო-
წინავე მწერალი და აზრი ისტამბებოდა, ბევრ ახალ და აქტუალურ
პრობლემას გამოსმაურებია იგი თავისი ხანგრძლივი არსებობის

* 1862 წლიდან „ცისკარის“ დამატების სახით გამოდიოდა მამულის პატრო-
ნობის და ვაჭრობის გახეთი „გუთნის დედა“, ივ. კერესელიძის რედაქციით
1873 წლიდან რედაქტორობდა ანტ. ფურცელაძე.

** ი ჭ ა ვ ჭ ა ვ ა ძ ე , IV, 380.

მანძილზე (1852—53; 1857—75), მაგრამ, რამდენადაც მისი რედაქტორი და თანამშრომელთა დიდი უმრავლესობა ძველი ფეოდალურ-პატრიარქალური ყოფა-ცხოვრებისა და იდეოლოგიის მიმდევრები იყვნენ, იმდენად ჟურნალი „ცისკარი“, საერთოდ, ბოლომდე რჩებოდა კონსერვატიული და რევრესული სიტყვის აპოლოგეტად.

ზედმეტია ლაპარაკი რაოდენ აუცილებელ საჭიროებას წარმოადგენდა ახალი პერიოდული ორგანოს შექმნა 60-იანი წლების დასაწყისშივე. ამ საჭიროებას ყველაზე უფრო მახვილად გრძნობდა. აქით ილია ჭავჭავაძე, და 1863 წლის დასაწყისიდან შეუდგა ახალი ლიტერატურული ჟურნალის „საქართველოს მოამბის“ გამოცემას.

„საქართველოს მოამბის“ პირველი ნომრის საპროგრამო წერილი („საქართველოს მოამბეზედ“), რომელიც მის რედაქტორს, ილია ჭავჭავაძეს ეკუთვნის, დასაწყისშივე აღნიშნავდა, რომ ცხოვრება რაც გუშინ იყო, ის დღეს აღარ არის... იგი იცვლება, მიდის წინ და მოაქვს განახლება ყოველისფერისა. წესი, ჩვეულება, აზრი, გრძნობა, ენა, რომელიც მაგათი გამომეტყველია, ყოველი-ფერი იცვლება მის ძლიერ გავლენისაგან“. განვითარების ამ ზოგადი, რევოლუციური და მატერიალისტური პრინციპის აღიარებასთან ერთად „საქართველოს მოამბე“ თავის პრაქტიკულ, საბრძოლო ამოცანად აცხადებდა: „ჩვენი საქმე საქართველოს ხალხის ცხოვრებაა; მისი გამჯობინება ჩვენი პირველი და უკანასკნელი სურვილია“.*

ამ მგზნებარე პატრიოტული მიზნით იბეჭდებოდა „საქართველოს მოამბეში“ ყველა პუბლიცისტური და კრიტიკულ-ლიტერატურული წერილი, ამ დანიშნულებას ემსახურებოდა ყველა სამეცნიერო და მხატვრული ნაწარმოები. ილია ჭავჭავაძის „საქართველოს მოამბე“ იყო ქართველი ხალხის ნაციონალურ-განმათავისუფლებელი მოძრაობის მედროში, მისი იდეოლოგი და ორგანიზატორი. ჟურნალის რედაქტორი და თანამშრომელთა უმრავლესობა, აღზრდილნი რუსეთის დიდ ზეცნიერთა და რევოლუციონერთა—ბელინსკისა და ჩერნიშევსკის—მოძღვრებაზე, თავის სამშობლოსა და მშობელი ერის ეკონომიური და პოლიტი-

* ი. ჭავჭავაძე, IV, 65, 78.

კუთრი განთავისუფლებას საქმეს ორგანულად უკავშირებდნენ თავისუფლებისა და სოციალური თანასწორობის საერთო იდეებს. „საქართველოს მოამბე“ შეურიგებელ ბრძოლას აწარმოებდა გარდასული და გარდამავალი ცხოვრების რეაქციული ნორმების წინააღმდეგ. ის გამოდიოდა „ტვირთმძიმეთა და მაშვრალთა მხსნელი“ იდეებით, მათი მომავლის სალი პერსპექტივით. ჟურნალი არ ინფარგლებოდა არსებული ანუ „აწინდელი ცხოვრების წრეში ჩადგომით“; ის „მომავლისაკენ იყო მიმართული“; „რაც უფრო შორსა სცემს ჟურნალის თვალი, მით უფრო კარგია“, — წერდა მის საპროგრამო წერილში ილია ჭავჭავაძე.

ჟურნალი „საქართველოს მოამბე“ თავის საზოგადოებრივ-პოლიტიკური და მეცნიერულ-ლიტერატურული ამოცანების შესაბამისად მატერიალისტური ენოვლენხედველობის საფუძველზე იდგა. მატერიალისტურად განიხილავდა იგი თავის მთავარ პრობლემებს, განსაკუთრებით თეორიისა და პრაქტიკის ერთიანობის, მეცნიერებისა და რეალური სინამდვილის ურთიერთობის საკითხს. „საქართველოს მოამბის“ ხსენებული საპროგრამო წერილი, ჩამოთვლის რა თავის ამოცანებს, აცხადებს, რომ „ამ ძნელ საქმეში ჟურნალმა უნდა წაიმძღვაროს წინ მეცნიერების სინათლე და ხელოვნების კალამი“, მხოლოდ ამ ორი ღონისძიებით წიახნდა მას შესაძლებლად ჟურნალის ამოცანების გაცნობიერება „ჯერაც ცნობაშია მოყვანილი, მხოლოდ ისა სცვლის ცხოვრებასა და აკეთებს“. რედაქცია გადაჭრით აცხადებდა, რომ „მეცნიერებასა და ხელოვნებას ჩვენ ვუყურებთ, როგორც ცხოვრების გასაუმჯობესებელ ღონისძიებათა“. ჟურნალი მტკიცედ იცავდა ამ პრინციპს.

მეფის ხელისუფლების მიერ ეროვნულ უმცირესობათა კულტურის კოლონიური დევნა-შევიწროების პირობებში დიდხანს არ შეეძლო არსებობა ქართული ცხოვრების ისეთ განმაახლებელ ორგანოს, როგორც იყო „საქართველოს მოამბე“ და, მართლაც, მხოლოდ ერთ წელს გაუძლო მან „სულთამხუთაე“ ცენზურას. ჟურნალი დაიხურა, მაგრამ მისი 12 ნომერი, ეს 12 ნაკადული მე-19 საუკუნის ახალი ქართული საზოგადოებრივი ცხოვრებისა, ისე ღრმად შეისვა საქართველოს მიწამ, რომ ახალი ჯეჯილის აღაღანებას ვერაფერი შეაკავებდა.

ორი წლის (1864—1865) მანძილზე საქართველოს აღარა ჰქონდა მოწინავე ბეკდვითი სიტყვის ორგანო. „ცისკარი“ ზეიმობდა, მაგ-

რან არა იმას, რომ მან ბევრი რამ კარგი ისწავლა „საქართველოს მოამბისაგან“, არა--ძლიერი მეტოქის დაღუპვას. 1864 წელს მას გვერდში ამოუდგა ქართველი სამღვდნელოებისა და კლერიკალური წრეების უზრუნალი „საქართველოს სასულიერო მახარობელი“, ქართულ-რუსულ ენებზე, ღვთისმეტყველების მაგისტრის, პედაგოგ გიორგი ხელიძის რედაქტორობით. ოთხი წლის განმავლობაში (1864 --68) გამოდიოდა ეს უზრუნალი. წერილები სანოქალაქო თეზებზე მასში იშვიათად იბეჭდებოდა და ნხოლოდ იმით ჰქონდა მის არსებობას ერთგვარი ბნიშვნელობა, რომ ისათავსებდა მასალებს ეკლესიის ისტორიიდან, სასულიერო განათლების ნოღვაწეთა ბიოგრაფიებს და ბიბლიოგრაფიული ხასიათის კრობებს.

მე-19 საუკუნის 60-იანი წლების მოწინავე ქართველ ნოღვაწეებს, რევოლუციონერებსა და დემოკრატებს, დიდხანს, ცხადია, არ შეეძლოთ არსებობა და მოღვაწეობა ბეჭდვითი ორგანოს გარეშე. ნაციონალურ-განმათავისუფლებელი მოძრაობის განვითარება გადაუდებლად მოითხოვდა მის შექმნას და 1866 წელს მართლაც შეიქმნა ასეთი ორგანო: „საპოლიტიკო და სალიტერატურო გაზეთი „დროება“.

გაზეთი „დროება“, თავისი პრობლემატიკით და თვალსაზრისით, პირველ წლებში „საქართველოს მოამბის“ იდეური მემკვიდრეობის გზას ადგა. მისი რედაქტორები (გიორგი წერეთელი, 1869 წლამდე, სერგეი მესხი, 1869 წლიდან) და თანამშრომელთა ძირითადი ბირთვი ნაციონალურ-განმათავისუფლებელი მოძრაობისა და ქართველი „რაზნოჩინული“ ინტელიგენციის საუკეთესო წარმომადგენლები იყვნენ და, ბუნებრივია, ამ მოძრაობისა და ინტელიგენციის სამოქმედო პროგრამას იზიარებდნენ. მაგრამ, როგორც ეწერდით, 1869 წლიდან ჩამოყალიბდა ბურჟუაზიულ-დემოკრატიული მიმართულების „მეორე დასი“ და გაზეთი „დროება“ უმთავრესად მისი ორგანო გახდა.

სოფლის-მეურნეობის განვითარებამ გამოიწვია უფრო პროგრესული სასოფლო-სამეურნეო ორგანოს შექმნა, ვიდრე „გუთნის დედა“. ეს ამოცანაც იმავე გიორგი წერეთელმა და ს. მესხმა გადაწყვიტეს. მათ 1869 წელს თავიანთი რედაქციით შექმნეს ყოველკვირეული „სასოფლო გაზეთი“, რომელიც 1880 წლამდე გამოდიოდა (1874 წლიდან პეტრე უმიკაშვილის რედაქციით).

მოწინავე საზოგადოებრივი ლიტერატურული ხასიათის ორგანოს წარმოადგენდა აგრეთვე „სალიტერატურო და სამეცნიერო ჟურნალი „მნათობი“, რომელიც დააჩსდა 1869 წელს და გამოდიოდა 1872 წლამდე ნიკოლოზ ავალიშვილის რედაქტორობით. ეს ჟურნალი თავისუფლად ათავსებდა ხალხოსნური და უტოპიური სოციალიზმის იდეებს რევოლუციურ-დემოკრატიულ და ბურჟუაზიულ იდეებთან პოლიტიკური ზომიერებისა და ლიბერალიზმის საფუძველზე.

60-იანი წლების რუსული პერიოდიკიდან საქართველოში აღსანიშნავია გაზეთი „Кавказ“, რომელიც ბევრ, სერიოზულ და შინაარსიან მასალას ბეჭდავდა ქართული კულტურისა და ყოფი-ცხოვრების საკითხებზე.

პედაგოგიკური პრესა XIX საუკუნის 60-იანი წლების საქართველოში არ ყოფილა. მაგრამ პედაგოგიკურ და, საერთოდ, სახალხო განათლების საკითხებს ამ პერიოდის ჟურნალ-გაზეთები დიდ ადგილს უთმობდნენ. განსაკუთრებით აღსანიშნავია ჟურნალი „საქართველოს მოამბე“ და გაზეთი „დროება“. პირველის 12 ნომრიდან პედაგოგიკის საკითხებს ებუბა 6 ნომერი (III, IV, VIII-XI). მოთავსებულ წერილთა შორის აღსანიშნავია ხ. ზალცმანის „კონრად კიფერი, ანუ დარიგება ყმაწვილის კარგად აღზრდისათვის“ თარგმანი ლ. ჯანდიერიშვილისა, რედაქტორის (ი. ჰაჰვაძის) წინასიტყვაობით (№ III), და „ბ. ბელინსკის აზრი შვილების აღზრდაზე“ (IX-X), რომელიც წარმოადგენს ბელინსკის ცნობილი სტატიის „Две сказки Гофмана и сказки дедушки Иринея“-ს თარგმანს*.

გაზეთ „დროებაში“, 1866—69 წლებში, აღზრდა-განათლების შესახებ მრავალრიცხოვან წერილთა შორის აღსანიშნავია ვასილ პეტრიაშვილის, გ. წერეთლის და სხვათა წერილები, რომელთაც ჩვენ თავის ადგილას შევებებით. სახალხო განათლების საკითხებზე წერილებს ბეჭდავდა აგრეთვე „ცისკარი“, „Кавказ“-ი, „საქ. სასულიერო მახარობელი“, „მნათობი“; ასეთი წერილები გვხვდება „სასოულო გაზეთშიც“.

მე-19 საუკუნის 60-იან წლებში სწრაფი ტემპით იზრდებოდა რუსული ენის ცოდნა საქართველოში. ამ ენის საშუალებით ქართველი საზოგადოება ეცნობოდა რუსულ პრესას, რუსეთის მეცნიე-

* თარგმანი ეკუთვნის ნაქსიმ დოლანაძეს.

რებისა და ხელოვნების საუკეთესო ძეგლებს და აგრეთვე დასავლეთი ევროპის ლიტერატურიდან თარგმნილ ნიმუშებს. ჯერ კიდევ 1859 წელს დაკვირვებული პუბლიცისტი ალ. ორბელიანი, აღნიშნავდა რა რუსული ენის გავრცელების ფაქტს საქართველოში, წერდა:

„თუ გონების გაღვიძება და გულისხმიერების გამდიდრება გვინდა, ამ ენას უნდა მივმართოთ; მისი საშუალებით შეგვიძლიან მივიღოთ ევროპიული განათლება; მაშასადამე, რუსული ენა დიდ შემწეობას მოგვცემს ჩვენი საკუთარი ენისა და ლიტერატურის აღდგინებაში, თუ ვისმე ნამდვილად სურს ეს აღდგინება. რაც რომ ძველ დროში საბერძნეთმა და მისმა განათლებამ სიკეთე უყო ჩვენს მამულსა, იმ სიკეთეს ეხლა რუსული ენა უზამს, მერწმუნეთ... რომელსაც ქართველს ნამდვილი ნიჭიერება აქვს და შრომა უყვარს, ის არაოდეს არ შეურაცხყოფს მშობლიურ ენასა და თვით იმის სიკეთისათვის შეიძინებს სხვა ენების სწავლასაც.“

ეს აზრი რუსული და უცხო ენების შესახებ საკმაო პოპულარობით სარგებლობდა 60-იანი წლების საქართველოში და ამიტომ საკვირველი არაა, რომ ამ პერიოდის ქართველი მოწინავე ინტელიგენცია დიდი ინტერესით კითხულობდა ისეთ რუსულ ჟურნალებს, როგორც იყო: „Современник“ ჩერნიშევსკის მონაწილეობით (1862 წლამდე) და ნეკრასოვის რედაქციით, „Русское слово“, პისარევის მონაწილეობით, „Отечественные записки“ განსაკუთრებით 1867 წლიდან, როდესაც ის ნეკრასოვის ხელში გადავიდა, ხოლო თანამშრომლებად კი მოწვეულ იქნენ სალტიკოვ-შჩედრინი, შებდეგ ა. ოსტროვსკი, გ. უსპენსკი და სხვა გამოჩენილი მწერლები, „Вестник Европы“, სტასულევიჩის რედაქციით. 60-იანი წლების საქართველოში ვრცელდებოდა აგრეთვე გერცენის გაზეთი „Колокол“-ი, განსაკუთრებით 1865 წელს, როდესაც მასში იბეჭდებოდა ნიკო ნიკოლაძის წერილები საქართველოს შესახებ, და სხვა რუსული პერიოდული პუბლიცისტიკურ-ლიტერატურული გამოცემები.** პედაგოგიკური ჟურნალებიდან საკმაო პოპულარობით

* „ცისკარი“, 1859, X, 165.

** 60-იან წლებში თბილისში ვრცელდებოდა პეტერბურგისა და მოსკოვის პერიოდულ გამოცემათა უპრავლესობა (Ш. Чхетия, Тбилиси в XIX столетии, 350).

სარგებლობდა ჩვენში „Журнал Министерства народного просвещения (ЖМНП)“, რომელსაც 1860—1862 წლებში რედაქტორობდა კ. დ. უშინსკი, „Педагогический сборник“ ნ. ვესელის რედაქციით, „Народный сад“ ა. სიმონოვიჩის რედაქციით, „Учитель“, ი. პაულსონის რედაქციით.

რუსული ენის ცოდნის შემდგომი უფრო ღრმად დანერგვა ქართველი ინტელიგენციის ყოფა-ცხოვრებაში, კიდევ უფრო აუარათუებდა მის მისწრაზებას რუსული პერიოდიკისა და, საერთოდ, მწერლობისადმი; 60-იანი წლების ქართული საზოგადოებრიობა კარგად გრძნობდა ამ პერიოდის რუსული მეცნიერებისა და ლიტერატურის დიდ მნიშვნელობას საკუთარი ეროვნული კულტურის განვითარებისათვის. საკმარისია გაეხსენოთ ილია ჭავჭავაძის სავსებით დამარწმუნებელი მსჯელობა რუსული ლიტერატურისა და მეცნიერების დიდი, ნაყოფიერი ზეგავლენის შესახებ ქართული სულიერი ძალების, გონებისა და აზრის განვითარებაზე (იხ. აქვე, გვ. 523 - 524)*.

განსაკუთრებულად უნდა აღინიშნოს რუსეთის რევოლუციურ-დემოკრატიული და საგანმანათლებლო იდეების გავლენა XIX საუკუნის 60-იანი წლების ქართული საზოგადოებრივი აზროვნების გარდაქმნისა და ახალი მიმართულებით განვითარების პროცესზე. რამდენადაც ქართველ 60-იანელთა მეთაურები უმთავრესად ლიტერატორები და პუბლიცისტები იყვნენ, იმდენად ამ სფეროში უფრო მეტად აღიქვამდნენ და განიცდიდნენ ისინი რუსეთის დიდი დემოკრატებისა და რევოლუციონერების ზემოქმედებას. ბელინსკის მოძღვრება იყო პირველი ცხოველმყოფელი ნაკადი, რომელიც ყველაზე უფრო ადრე შეიჭრა 60-იანი წლების ქართულ საზოგადოებრივ აზროვნებაში, როგორც ერთ-ერთი ძლიერი ფაქტორი მის დასამკვიდრებლად რევოლუციურ და მატერიალისტურ საფუძვლებზე.

ზედმეტი არ იქნება ორიოდ სიტყვით აღვნიშნოთ—როგორ შეხვდა ბელინსკის იდეებს XIX საუკუნის 60-იანი წლების ქართველი ინტელიგენცია.

რუსეთის დიდი კრიტიკოსის ბესარიონ ბელინსკის სახელი ქართულ ლიტერატურაში პირველად გვხვდება XIX საუკუნის

* ასეთივე შეხედულებისა იყვნენ ამ საგანზე ი. გოგებაშვილი, აკაკი წერეთელი, ნ. ნიკოლაძე და XIX საუკუნის მეორე ნახევრის მრავალი საზოგადო მოღვაწე.

60-იანი წლების დასაწყისში, როდესაც უკვე მომზადებული იყო ნიადაგი მისი რევოლუციურ-დემოკრატიული იდეების გასაერცვლებლად საქართველოში. ამ იდეებს ყველაზე უფრო ადრე გამოეხმაურნენ საქართველოს ნაციონალურ-განმათავისუფლებელი მოძრაობის შოწინავე წარმომადგენელნი, რომლებიც მათში ხედავდნენ ახალი საზოგადოებრივი ურთიერთობისა და კულტურის ერთ-ერთ დასაყრდენს და მეფის კოლონიური პოლიტიკის წინააღმდეგ ბრძოლის მახვილ იარაღს.

ბელინსკის ლიტერატურული ტრადიციების გამოყენების პირველ ბრწყინვალე მაგალითს საქართველოში წარმოადგენდა ქართველ 60-იანელთა მეთაურის ილია ჭავჭავაძის კრიტიკული წერილები ჟურნალ „ცისკარში“ 1861 წელს. ამ წერილებში ილია ჭავჭავაძე ბელინსკის მატერიალისტური ესთეტიკის მომარჯვებით მკაცრად ილაშქრებს „ცისკარის“ კონსერვატული მიმართულებისა და „ძველი წესების“ მიმდევარ მის თანამშრომელთა („მამათა“ ბანაკის) წინააღმდეგ.

1861 წელს ილია ჭავჭავაძემ მოათავსა „ცისკარში“ ვრცელი წერილი: „ორიოდე სიტყვა თ(ავად) რევან შალვას-ძის ერისთავის მიერ კაზლოვის შემლილის თარგმანზედ“*. ამ წერილში ილია, გარდა იმისა, რომ სასტიკად აკრიტიკებდა როგორც კაზლოვს, ისე მის ქართულ თარგმანს, ანვითარებდა მატერიალისტურ იდეებს „ხელოვნებისა და სინამდვილის კავშირის“ შესახებ. ის გამოდიოდა დებულებიდან, რომ ხელოვნება ცხოვრების ანარეკლია და წერდა: „პოეზია განსახოვნებაა ჰუმანიტეტისა, ცხოვრებისა და არა ჯაკვი უთაებოლოდ გადაბმულ რითმებისა“. ილია ამ წერილში უმთავრესად ეყრდნობოდა ბ. ბელინსკის შეხედულებას (მის დაუსახელებლად) ხელოვნების სოციალურ დანიშნულებას და სწორედ ეს იყო მისი კრიტიკის სიმახვილის ერთ-ერთი პირობა. რევან ერისთავს გამოესარჩლა „ცისკარის“ კონსერვატული ჯგუფი. ერთი მისი წარმომადგენელი გიორგი ბარათაშვილი** გრძნობდა, რომ ილია ჭავჭავაძე ბელინსკის იდეებით იყო შეიარაღებული და თავის წერილში გესლიანად აღნიშნავდა:

* „ცისკარი“, 1861, IV, 586.

** აკაკი წერეთელი თავის „თავკადასავალში“ აღნიშნავს, რომ გ. ბარათაშვილი იყო ფსევდონიმი ლ. არაღზინისა, მაგრამ ეს მოსაზრება არ მართლდება.

„უფალი ქავეკავადე... შეემზადა პეტერბურგში როგორც დონკისოტი: წარცხენა ხელში იპყრა ფარის მაგივრად ბელინსკის ტომები, მარჯვენაში ლექსიკონი უსწორო სიტყვებისა და ესრეთ დაიარაღებული გამოილაშქრა საქართველოზე, რათა ძალ და ძალ აელო დაფნის გვირგვინი“.* ილიას არ დაუყოვნებია და თავის კრიტიკოსებს ჩქარა ვასცა „პასუხი“, რომელსაც ეპიგრაფად წარუძღვარა ბ. ბელინსკის შემდეგი სიტყვები: „Из нашей литературы хотят устроить бальную залу и уже зазывают в нег дам; из наших литераторов хотят сделать светских людей в модных фраках и белых перчатках, энергию хотят заменить вежливостью, чувство — приличием, мысль — модною фразою, изящество — щеголеватостью, критику — комплиментами“.

ამ წერილში ახალგაზრდა ილია ქავეკავადე მართლაც ორტოდოქსალურ მიმდევრობას იჩენს რუსეთის დიდი კრიტიკოსისადმი. ილია ამტკიცებს, რომ ხელოვნება განპირობებულია საზოგადოებრივი ყოფიერებით. ჩვენ გვესმის, ამბობს ილია, „დამოკიდებულება ხელოვნებისა, პოეზიისა ხალხის ცხოვრებაზედ“ და ხელოვნების დანიშნულებად მიაჩნია ხალხის კეთილდღეობა, მისი ცხოვრების გაუმჯობესება. ამასთან ილია წერს, რომ „ხელოვნება არის განხორციელება სახეში იდეისა, აზრისა“. ის იცავს აგრეთვე ფორმისა და შინაარსის ერთიანობის პრინციპს: „სადაც აზრი არ არის, იქ ენა რაც უნდა კარგი იყოს სულ უქმია... აზრი და მხოლოდ აზრი აძლევს ენას ენის მნიშვნელობას“ (217). ილია ქავეკავადე გაბედულად, რევოლუციური პირდაპირობით ამხელდა თავის მოპირდაპირეთა რეაქციულ შეხედულებებს ხელოვნების საკითხებზე, და ხშირად, როცა ის არ ერიდებოდა მათ მიმართ მკაცრ გამოთქმებს, „ცისკარის“ რედაქტორი ი. კერესელიძე სქოლიოში შენიშნავდა: „ბელინსკის გავლენა ყოველ სიტყვაში მოსჩანსო“ (184). კერესელიძეს უკვირდა, რომ ილია ლიტერატორთა შორის ყველაზე მაღლა ბელინსკის აყენებდა. კერესელიძის აზრით, ილიას გატაცება ბელინსკით ნაადრევი და უსათუძელო იყო. საამისოდ მას ორი „საბუთი“ მოჰყავდა. ერთი ისა, რომ... ბელინსკიმ „თუმცა ფეხი შედგა მოსკოვის უნივერსიტეტში, მაგრამ გამოორიცხულ იქნა“ (191); მეორე „საბუთი“ უფრო საზოგადოებრივი ჩასიათისაა: ბელინსკის იდეები მიაჩნდა მას ნაადრევად საქართველოს.

* „ცისკარი“, 1861, VI, 185.

XIX საუკუნის 60-იანი წლებისათვის. ასე, მაგალითად, ილიას მიერ თავისი „პასუხის“ ეპიგრაფად აღებულ ბელინსკის ზემოაღნიშნულ სიტყვებს კერესელიძე უკეთებს თავისი კონსერვატული იდეოლოგიისათვის დამახასიათებელ შემდეგ შენიშვნას: „ქართველები ჯერ ევროპისა და რუსეთის განათლებაზე არა დგანან. უ(ფალი) ქავჭავაძე ბელინსკის ბაძავს და ბელინსკობა ჩვენში არ გამოდგება. აუშუა ბელინსკი საფუძვლიანი და უპირველესი კრიტიკი იყო რუსეთში, მაგრამ როგორათაა ცნებული და ზაფრიანი კაცი ყოველთვის ილანძღებოდა და ამ მიზეზით იმისი მიბაძვა არ არის მოსაწონი და თვით რუსეთში ეხლა ვინა ბაძავს იმასა“*. სინამდვილეში კი სულ საწინააღმდეგო ხდებოდა: ბელინსკის მიმბაძველობა და შამდევართა რიცხვი დღითიდღე ზიზრდებოდა როგორც რუსეთში, ასე ჩვენში, საქართველოში.

1863 წელს ილია ქავჭავაძემ, როგორც ვიცით, შექმნა თავისი ეურნალი „საქართველოს მოამბე“. ეს ეურნალი, ძირითადად, ბელინსკისა და სხვა დიდი რევოლუციური დემოკრატების იდეებით გამოვიდა. ილიას საპროგრამო წერილი „საქართველოს მოამბეზედ“ მატერიალისტური ესთეტიკის შესანიშნავ ნიმუშს წარკვადგენს და, ექვს გარეშეა, რომ იგი ბელინსკის ლიტერატურულ-კრიტიკული წერილების შთაგონებით არის დაწერილი. მაგრამ ეს არ იყო საკმარისი. ილიამ გადაწყვიტა უშუალოდ გაეცნო თავისი ძეგლისათვის „ბობოქარი ბესარიონი“ და ამ მიზნით თავისი ეურნალის III ნომერში მოათავსა ნაწყვეტები პოეზიაზე ბეს. ბელინსკის წერილიდან „Стихотворения М. Лермонтова“ („სფირიდონის და თადეოზის ბასი“), ხოლო IX—X ნომრებში კი, როგორც ვწერდით, ბელინსკის წერილი: „Две сказки Гофмана, детские сказки дедушки Ирины“ სათაურით: „ბელინსკის აზრი შვილებზე და ბავშვებზე“.

ბესარიონ ბელინსკის გავლენას XIX საუკუნის ქართველ სამოკვლევო-კრიტიკულ-განხილვით აგრეთვე ნიკო ნიკოლაძე. თავისი მსოფლმხედველობის ფორმირების პირველ პერიოდში ნ. ნიკოლაძე ჩერნიშევსკის უშუალო მოწაფე და მიმდევარი იყო, და სწორედ ამიტომ არ შეეძლო მას ასცდენოდა ბელინსკის გავლენას. 1868 წელს ნიკო ნიკოლაძე ჩერნიშევსკის თხზულებათა პირველი გამოცემის წინასიტყვაობაში აღნიშნავდა, რომ 40-იანი წლების დამლევს

* „ც. ი. კ. ა. რ. ი.“, 1861, VI, 133.

ბელინსკიმ და მისმა თანამშრომლებმა გააღვიძეს რუსეთის აზროვნება.* მართალია, ნ. ნიკოლაძის თქმით, ეს იყო წუთიერი გაღვიძება, მაგრამ მან წარუშლელი კვალი დაამჩნია ამ აზროვნების მთელ ისტორიას. შემდგომი პერიოდის ლიტერატურულ-პუბლიცისტურ წერილებში ნ. ნიკოლაძე ხშირად მიმართავდა ბელინსკის და იყენებდა მის თვალსაზრისს სხვადასხვა საკითხის გადასაჭრელად**. ის აღნიშნავდა, რომ „ბელინსკის უკანასკნელი ხანის მოღვაწეობამ“, ჩერნიშევსკის წიგნმა „ხელოვნების ესთეტიკური დამოკიდებულება სინამდვილისადმი“ და დობროლიუბოვმა დიდი ნაბიჯით წასწიეს წინ რუსეთის ლიტერატურული კრიტიკა.

ბესარიონ ბელინსკის გავლენა XIX საუკუნის მეორე ნახევრის ქართულ საზოგადოებრივ აზროვნებაზე არ შენელებულა. ბირიქით, იმდენად დიდი მოაზროვნის სახელი ჰქონდა მას ამ პერიოდის მოწინავე ქართველ საზოგადოებაში, რომ ზოგჯერ იღეურო მოწინააღმდეგენიც კი ეფარებოდნენ მის ავტორიტეტს. საკმარისია დავასახელოთ ანტონ ფურცელაძე. როგორც ცნობილია, ანტ. ფურცელაძე პისარევის მიმდევრად ითვლება საქართველოში და როდესაც მას უხდებოდა პისარევის ნიჭილიზმის დაცვა ქართულ პრესაში, ისიც კი ბელინსკის მიმართავდა. 1881 წელს ანტ. ფურცელაძე არწმუნებდა თავის მოკამათებებს, რომ პისარევი არ უარყოფდა პუშკინს. ხოლო თუ ყოველივე ის, რასაც პისარევი წერდა პუშკინზე, არის პუშკინის უარყოფა მაშინო, წერდა ანტ. ფურცელაძე: „პუშკინი უარჰყევს პისარევამდის ჯერ კიდევ ბელინსკიმ თავის უკანასკნელ სტატიებში, და პისარევამდის კიდევ ჩერნიშევსკიმ და დობროლიუბოვმა და თვით ნეკრასოვმაც კი თავის „Позн и гражданин“-ში“***. ანტონი ცდილობდა დაეჭკიცებინა, რომ ბელინსკისა და პისარევის შორის არ ყოფილა პრინციპული განსხვავება ხელოვნების გაგების საკითხში. მისი აზრით, პისარევი უარყოფდა „წმინდა ხელოვნების“ თეორიას, ისევე როგორც ბელინსკიც თავის წერილებში გონჩაროვის შესახებ, და ამით დაასკენიდა, რომ თითქოს პისარევისა და ბელინსკის შორის აზრთა სხვადასხვაობა არ არსებობდა.

* ნ. ნიკოლაძე, რჩეული ნაწერები, სიმ. ხუნდაძის რედაქციით და წინასიტყვაობით, I. 307.

** Н. Николаძе, „М. Я. Бакунин“, „Тифлисский листок“, 1876, № 143 და სხვ.

*** „იმედი“, 1881, VII—VIII, 93.

ბელინსკისა და ჩერნიშევსკის სახელი მკიდროდ იყო დაკავშირებული XIX საუკუნის მეორე ნახევრის საქართველოს ნაციონალურ-განმათავისუფლებელი მოძრაობისა და ქართული საზოგადოებრივი აზრის განვითარებასთან. მათ ნაწერებში პოპულობდნენ მდიდარ მასალას ამ მოძრაობის იდეათა პროპაგანდისა და ქართული მეცნიერება-ხელოვნების მატერიალისტური და რევოლუციური საფუძვლების განმტკიცებისათვის.

რთული და მრავალმხრივი იყო XIX საუკუნის 60-იანი წლების გამოჩენილ ქართველ მოღვაწეთა შრომა და საქმიანობა. ცხოვრების თითქმის ყოველი უბანი მოითხოვდა მათ ფიზიკურ თვალსა და ყურადღებას. „მართო ნაწერებით ჩვენი შესამოცე წლების მოღვაწეთა დაფასება დიდი შეცდომა და უსამართლობა იქნება, — ამბობს აკაკი წერეთელი, — წერლობა მათთვის მხოლოდ ერთი, სხვათა შორის, იარაღი იყო ქვეყნის სასანსახუროდ აღებული! ისინი ყოველგან და ყოველთვის აქტიურ მონაწილეობას იღებდნენ, იყვნენ დღიურ მუშებად ჩამდგარი და შავი სამუშაო რამეც არ ეთაკილებოდათ“. მართლაც დაუღალავ შრომას ეწეოდნენ ისინი სახალხო მეურნეობის (ქალაქის მრეწველობისა და სოფლის მეურნეობის ახალი ტექნიკური ბაზის შესაქმნელად), საზოგადოებრივი ყოფა-ცხოვრებისა და კულტურის ყოველი დარგის გარდასაქმნელად, ახალი საზოგადოებრივი მორალისა და იდეოლოგიის შესამუშავებლად, ხალხისა და მეცნიერების დასაახლოვებლად.

ქართველ სამოციანელთა უშუალო მონაწილეობით გაფართოვდა „კავკასიის სოფლის მეურნეობის საზოგადოება“, რომელიც 1850 წელს იყო დაარსებული. მათი ინიციატივით დაარსდა „რუსული ტექნიკური საზოგადოების კავკასიის განყოფილება“ (1868), „გეოგრაფიული საზოგადოება“ (1864), „სამედიცინო საზოგადოება“ (1864), „ხელოვნების გამავრცელებელი საზოგადოება“ (1864), „კავკასიის არქეოგრაფიული კომისია“ (1864), რომელმაც გამოსცა 12 დიდი ტომი საისტორიო დოკუმენტებისა: „Акты, собранные Кавказской археографической комиссией“, და სხვ. გაფართოვდა ქართული წიგნის გამოცემლობის საქმე. ათი წლის მანძილზე (1860—1869) გამოიცა 130-მდე სახელწოდების ქართული წიგნი, რომლის ნახევარსაც მხატვრული

* სიტყვიდან გიორგი წერეთლის დასაწლავებაზე, 1900 წლის 16 იანვარს. იხ. კრებული „გიორგი წერეთელი“, 48, 1900.

ლიტერატურა და სახელმძღვანელოები წარმოადგენს, შეიქმნა „არ-
რისტული წრე“ (1865), რომელიც შემდეგ ცალკე საზოგადოებად
გადაკეთდა, დაარსდა „კავკასიის მუზეუმი“ (1865) და სხვ.

XIX საუკუნის 60-იანი წლების მოწინავე ქართველი ინტელი-
გენცია თავდადებულად შრომობდა ქართული მეცნიერების გან-
ვითარებისათვის. ამ პერიოდში ჩამოყალიბდნენ: ისტორიკოსი დიმ.
ბაქრაძე (1827 - 1890), ფილოლოგი ალ. ცაგარელი (1844—
1929), ქიმიკოსები: ივ. თარხნიშვილი (1846—1908), ვას.
პეტრიაშვილი (1845—1908), რომლებმაც შემდეგ ათწლეულში
გაშალეს საკვლევო მუშაობა და ასახელეს მშობლიური მეცნიერება.

60-იანი წლების ახალგაზრდა ქართველ საზოგადო მოღვაწეთა
ჯგუფმა, ილია ქაქავაძის მეთაურობით, მოახდინა ქართული სალი-
ტერატურო ენის რეფორმა, ამოიღო ხმარებიდან ძველი ასოები:
ჟ, ძ, ჯ, ზ, რომლებიც ზედმეტ ტვირთად აწვნენ ქართულ ზე-
პირ და წერით მეტყველებას, აფერხებდნენ ენის განვითარებას და
შხატვრულ ლიტერატურას სთიშავენენ ხალხისაგან. ამ ჯგუფმა გა-
ნაახლა ქართული ლიტერატურა ახალი თემებით და იდეებით და
განამტკიცა მასში კრიტიკული რეალიზმის, ჰუმანიზმის, ხალხურო-
ბისა და პატრიოტიზმის საწყისები.

II. ზოგადი და პროუგაქინიური განათლება

1. ბრძოლა სახალხო სკოლისათვის

XIX საუკუნის 60 იანი წლების საზოგადოებრივ-კულტურული კვირვება და მისი განვითარებას გზები ნაოლად არკვევდნენ ამ პერიოდის სახალხო განათლების შინაარსსა და მისი განვითარების ვზებს. ცხადი იყო, რომ ქართველი ახალთაობის აღზრდა-განათლება უნდა დამდგარიყო 60-იანი წლების მოწინავე საზოგადოების პოლიტიკურ-ეკონომიური და კულტურული ამოცანების სიმაღლეზე. ეს ამოცანები, პირველ ყოვლისა, მოითხოვდნენ ზოგადი და სპეციალური განათლების გავრცელებას, მისი შინაარსის დადგენას და შესაფერისი სასკოლო ქსელის გაშლას.

აღნიშნული პერიოდის რუსეთში, ბელინსკის, ჩერნიშევსკისა და დობროლიუბოვის პედაგოგიკური მოძღვრების მიხედვით, ადამიანის ზოგადი განათლების შინაარსი ისაზღვრებოდა მოწინავე, საზოგადოებრივ და საბუნებისმეტყველო-მათემატიკურ მეცნიერებათა საფუძვლების შესწავლითა და ამ ცოდნის პრაქტიკული გამოყენების უნარის შემუშავებით. მართალია, ნ. პიროგოვმა ზოგადი განათლება, ბოლოს და ბოლოს, ჰუმანიტარულ განათლებამდე დაიყვანა, ხოლო დ. პისარევმა კი რეალური განათლებით შემოფარგლა იგი, მაგრამ მისი ძირითადი პრინციპი—ყოველმხრივი განვითარება—დაეას არ იწვევდა „რაზნოჩინულ“ ინტელიგენციაში. რაც შეეხება სპეციალურ, პროფესიულ განათლებას,—მისი შინაარსი ისაზღვრებოდა მრეწველობისა და სოფლის მეურნეობის სხვადასხვა დარგის სწრაფი განვითარების ამოცანებით. ამ დარგებისათვის საჭირო კადრების მოპზადება, სათანადო წარმოების თეორიული და პრაქტიკული საფუძვლების შესწავლა წარმოადგენდა სპეციალური განათლების შინაარსს.

არსებითად ასეთივე იყო საქართველოს სამოციანელ საზოგადო მოღვაწეთა მესვეურების შეხედულებები ზოგადი და სპეციალური განათლების შესახებ. მათი აზრით: ყმაწვილკაცობამ, რამდენადაც შესაძლოა, ძირეულად (უნდა) შეისწავლოს ევროპული მეცნიერება

და ეს საჭიროა არა მარტო განათლებისათვის, საერთოდ, არამედ „ჩვენი ქვეყნის საქმისათვის“, კერძოდ. სპეციალური, პროფტექნიკური განათლების შინაარსის განსაზღვრისას, ისინი გამოდიოდნენ იმ ფაქტიდან, რომ „საქართველო სასოფლო-სამეურნეო ქვეყანაა“ და „ერთადერთი წყარო აქაური ერის ეკონომიურის არსებისა საადგილ-მამულო მრეწველობაა“^{**}; ამასთან, მხედველობაში იღებდნენ საქალაქო წარმოების განვითარებას, ტექნიკის პროგრესულ როლს სახალხო მეურნეობაში და ამის მიხედვით წყვეტდნენ სპეცტექნიკური განათლების შინაარსისა და სკოლის სასწავლო გეგმების საკითხს.

XIX საუკუნის 60-იანი წლების მთავარ ამოცანად სახალხო განათლების დარგში კვლავ რჩებოდა დაწყებითი ცოდნის გავრცელება მოსახლეობის ფართო მასებში, პირველ ყოვლისა, გლეხობაში. ბატონყმობის გადაყარდნის შემდეგ უფრო გადიდდა სწავლა-განათლების საჭიროება და გლეხობამაც უფრო მეტად იგრძნო ეს თავის ცხოვრების პირობებში. მეურნეობის ნატურალური ფორმების დაშლა, ვაჭრობისა და ფულის ტრიალის გაძლიერება, საერთოდ, ახალი ეკონომიური და სოციალური ურთიერთობანი გლეხობისაგან გარკვეულ ცოდნას მოითხოვდა. ამასთან, უმიწოდ დატოვებული სოფლის მშრომელი ხალხი ქალაქს აწყდებოდა სამუშაოსა და „საშოვრის“ საძებრად. წერა-კითხვა და ელემენტარული განათლება მისთვის საარსებო საკითხად გადაიქცა.

რუსეთისა და საქართველოს დიდი პედაგოგები და მწერლები კონსტ. უშინსკი, ლ. ტოლსტოი, ი. გოგებაშვილი, ი. ჭავჭავაძე და სხვები დღის გადაუდებელ ამოცანად სთვლიდნენ მშრომელ გლეხთა მასებში განათლების შეტანას და სახალხო სკოლების დაარსებას. მარტუტკა და ტარასკა რუსეთში, მაშო და გაბრო საქართველოში – სწავლას მოითხოვდნენ. საკმაო სიცხადით იყო დასაბუთებული მათი სწავლა-განათლების საჭიროება 60-იანი წლების დიდ საზოგადო მოღვაწეთა მიერ. უშინსკიმ შექმნა რუსეთში სახალხო სკოლის ტიპი თეორიულად. „დაბალი ხალხის“ ინტერესებს დაუქვემდებარა მისი მიზნები და შინაარსი, ჰუმანიზმისა და ხალხურობის პრინციპზე დააფუძნა იგი და მეცნიერულად დაასაბუთა მშობლიურ ენაზე სწავლების აუცილებლობა. მის შეხე-

^{*} იხ. აქვე, „ილია ჭავჭავაძის პედაგოგიკური იდეები“ (თ. IV).

^{**} იქვე, 517.

დუღებათა მიხედვით, მოითხოვდნენ სახალხო სკოლის დაარსებას საქართველოში პეტრე უმიკაშვილი; იაკობ გოგეჯიშვილი და სხვები. ესენი გამოდიოდნენ საქართველოს სინამდვილიდან, ქართველი ახალგაზრდობის სწავლა-განათლების თავისებურებათაგან. მაგრამ მშრომელთა განათლებისა და სახალხო სკოლების საქიროების თეორიული დასაბუთებით, ცხადია, საქმე არ მთავრდებოდა. ხალხს სკოლა არ გააჩნდა, არსებული სკოლები მინიმალურადაც კი ვერ სწვდებოდნენ სწავლის მსურველებს.

იწყებოდა ბრძოლა სახალხო სკოლისათვის.

აღზრდა-განათლება და სკოლა იყო XIX საუკუნის 60-იანი წლების პერიოდული პრესის ერთ-ერთი ყველაზე უფრო დიდი საბრძოლო საკითხი. მოწინავე ქართული პრესა ბრძოლას აწარმოებდა, ერთი მხრით, იმისათვის, რათა ხალხის მშრომელი მასების ცნობიერებაში შეეტანა შეგნება, რომ „განათლება ყველაფერზე უფრო ძლიერი ძალაა“, რომ 1861 წელი „ის ძველი დრო აღარ არის (თოფითა და ხმლით მებრძოლი) ვაჟკაცთ ქართველების დრო... ახლა სწავლის დროა და მეცნიერებისა“^{*}; მეორე მხრით, ბრძოლას აწარმოებდა იგი ხალხის განათლების უფლებებისათვის, სკოლების რიცხვის გადიდებისა და სწავლების ხარისხის გაუმჯობესებისათვის.

მიუხედავად კაპიტალისტური წარმოების წესის გამარჯვებისა და ახალი საზოგადოებრივ-კულტურული ცხოვრების დამკვიდრებისა, მეფის ხელისუფლება, 60-იანი წლების დასაწყისში, ჯერ კიდევ არ ფიქრობდა სკოლის გარდაქმნას ამ ცხოვრების შესაბამისად, სკოლა და განათლების მთელი ქსელი კვლავ რჩებოდა ძველი, თავადაზნაურულ-წოდებრივი პრინციპების საფუძველზე; მიუხედავად იმისა, რომ წარმოების განვითარების ინტერესები გადაჭრით მოითხოვდა საბუნებისმეტყველო მათემატიკურა ცოდნის გავრცელებას, — განათლების ორგანოთა მეთაურები უპირატესობას აძლევდნენ ჰუმანიტარული განათლების სისტემას, წინააღმდეგ რეალურისა; იმ დროს, როცა 60-იანელთა ლიდერები მტკიცედ იბრძოდნენ მატერიალისტური და რევოლუციური მსოფლმხედველობის შესატანად ხალხში, — სკოლა კვლავ რჩებოდა რელიგიისა და ცრუმორწმუნეობის გავლენაში; მაშინ როდესაც სკოლების გამრავლებისათვის აუცილებელი იყო კერძო ინიციატივის გამოყენება. — მეფის საგანმანათლებლო უწყება ყოველნაირად აფერხებდა ამ ინიციატივას, და განათლების ძველი

* აღ. ო რ ბ ლ ი ა ნ ი, ნაწერ(ებ)ი, 65—66.

სისტემის მრავალი სხვა მანკირება ხდებოდა XIX საუკუნის 60-იანი წლების პერიოდის რევოლუციური და დემოკრატიული ინტელიგენციის ბრძოლის საგნად.

ამ პერიოდის დასაწყისში ხელისუფლებას არაფრად აშინებდა ეს ბრძოლა და არც არაფერს აკეთებდა სკოლის ქსელის გასაფართოებლად და სწავლების ხარისხის ასამაღლებლად. მემარჯვენე-კონსერვატიული წრეები მხოლოდ იმაში ხელაღდნენ გამოსავალს, რომ კვლავ ეკლესია-მონასტრებს მიმართავდნენ და შელალადებდნენ ხალხისათვის სკოლების დაარსებას. ივანე კერესელი ძეს, 1861 წელს, საკიროდ მიაჩნდა: „საკუთარის სასწავლებლის დაფუძნება ყოვლის უზღის ერთერთს მონასტერში, სადაც იქნებიან მასწავლებლად ქართულის ენის მცოდნე ბერები“*. ასეთ დრომოკმულ და პალიატურ ღონისძიებებს წხარს უქერდა სამღვდლოებაც, მაგრამ საეკლესიო სკოლების ხვედრითი წონა ძალიან მცირდებოდა როგორც რაცხვაობრივად, ისე თვისობრივად.

სახელმწიფო სკოლების რიცხვი არ გადიდებულა საქართველოში 60-იანი წლების პირველ 3—4 წელს. არც რუსეთში განუტლია მის რიცხვს მნიშვნელოვანი ზრდა ამ დროის მანძილზე, მაგრამ მოწინავე ადამიანთა ბრძოლას ახალი სკოლის და სახალხო განათლებისათვის უქმად არ ჩაუვლია. ხელისუფლება იძულებული გახდა წაშულიყო ერთგვარ დათმობაზე და 1864 წელს გამოსცა ახალი „დებულება დაწყებით სახალხო სასწავლებელთა შესახებ“ და „სახალხო განათლების სამინისტროს გიმნაზიებისა და პროგიმნაზიების წესდება“, რომლებსაც სათანადო სიახლე შეჰქონდათ სახალხო განათლების საქმეში.

2. 1864 წლის დებულება და წესდება

60-იანი წლების დაწყებითი და საშუალო განათლების რეფორმა გამოიხატა 1864 წლის „დებულებაში დაწყებითი სახალხო სკოლების შესახებ“ და „სახალხო განათლების სამინისტროს გიმნაზიებისა და პროგიმნაზიების წესდებაში“.

პირველი მუხლი „დებულებისა დაწყებითი სახალხო სკოლების შესახებ“ აღნიშნავს, რომ ეს სკოლები „მიზნად ისახავენ განამტკიცონ ხალხში რელიგიური და ზნეობრივი შეგნება და გაავრცე-

* „ცთსკარი“, 1861, 11, 344.

ლონ პირველდაწყებითი სასარგებლო ცოდნა“. სახალხო სკოლებად ითვლებოდნენ: განათლების სამინისტროს დაწყებითი სკოლები, დაწყებითი სასულიერო და საეკლესიო-სამრევლო სკოლები, კერძო პირთა დაწყებითი სკოლები, შინაგან საქმეთა და სახელმწიფო ქონებათა სამინისტროს სკოლები და საკვირაო სკოლები მოზრდილთათვის. დაწყებითი სახალხო სკოლის სასწავლო საგნებად ითვლებოდა: 1) საღვთო სჯული, 2) წერა კითხვა წმინდა და ხელოვნება, 3) არითმეტიკა, პირველი ოთხი მოქმედება და 4) გეოგრაფია.

დაწყებითი სახალხო სკოლების დაარსების უფლება ეძლეოდა ადგილობრივ სახელმწიფო ორგანოებს, ქალაქის თვითმმართველობებს, სასულიერო უწყებებს, საზოგადოებრივ გაერთიანებებს (სოფლად და ქალაქად) და ყველა კერძო პირს. ამასთან მთავრობის ორგანოებსა და სასულიერო უწყებებს ნება ეძლეოდა სახალხო სკოლები გაეხსნათ თავისი საკუთარი განკარგულებით, ზემდგომი ორგანოების ნებართვის გარეშე, ხოლო საზოგადოებათა და კერძო პირების მიერ სახალხო სკოლების გახსნისათვის საჭირო იყო სამაზრო სასწავლებელთა საბჭოს ნებართვა, რომლის მიღებაც ძნელ საქმეს არ წარწოადგენდა.

სახალხო სკოლებში შესვლის უფლება ეძლეოდა ყოველი სოციალურ-წოდებრივი მდგომარეობისა და სარწმუნოების ბაეშეს. დაშვებული იყო ორივე სქესის ერთად სწავლება. სკოლის დამაარსებელ ორგანოს (პირს) შეეძლო შემოეღო სწავლის ქირა თავისი შეხედულებით.

სახალხო სკოლების მმართველობისათვის იქნებოდა საგუბერნიო და სამაზრო სასწავლებელთა საბჭოები, რომლებშიც შედიოდნენ განათლების სამინისტროს და ადგილობრივი (საგუბერნიო და სამაზრო) ორგანოებისა და სასულიერო უწყების წარმომადგენლები. სამაზრო სასწავლებელთა საბჭოების უფლება მოვალეობაში შედიოდა სახალხო სკოლების გახსნისა და დახურვის სანქციების გაცემა, სასწავლებლებზე ნებუნელოება, სასწავლო მუშაობის მეთვალყურეობა და ხელმძღვანელობა, სახალხო სკოლის მასწავლებელთა წოდების მინიჭება, და სხვ. საგუბერნიო მასწავლებელთა საბჭო კონტროლს უწევდა სამაზრო საბჭოების მუშაობას, ამტკიცებდა სამაზრო საბჭოების თავმჯდომარეებს, აძლიებდა დახმარებას მასწავლებლებს, იხილავდა სამაზრო სასწავლებელთა საბჭოების ანგარიშებსა და სხვ*.

* С 6. постановлений по Министерству народного просвещения. III, 12-6.

ამგვარად, 1864 წლის დაწყებითი სახალხო სკოლა იყო სხვადასხვა ტიპისა და ხანგრძლიობისა, მაშასადამე, მას არ გააჩნდა ერთიანი სასწავლო გეგმა და სახელმძღვანელოები, არ ჰქონდა რაიმე უფლება, მოწყვეტილი იყო ზემდგომი ტიპის სკოლებს და არსებითად მღვდლებისა და მემამულეების მზრუნველობის ამარა იყო მითითებული. მართალია, მის იმართველობაში დაშვებული იყო ერთგვარი კოლეგიალობა, მაგრამ თვით იმ ხალხის წარმომადგენლებს, რომელთაც ამ სკოლაში სწავლობდა, არაფერს ეკითხებოდნენ. მასწავლებლობას, უკეთეს შემთხვევაში, აკისრებდნენ მღვდლებს, დიაკვნებს და ელემენტარული განათლების მქონე პირებს.

1864 წლის დებულება შედგენილი იყო უმწეოდ, უკულტუროდ. ნისი მიხედვით შექმნილი სკოლა არც სახალხო იყო, არც სახელმწიფო. ორგანიზაციულად ის იყო მემამულეთა და მეშჩანური წრეების სელში, იდეურად—სამღვდელთაგანისა. 1864 წლის დებულებას არ ჰქონდა კანონის ხასიათი და მას ბევრგან არ სთვლიდნენ სავალდებულოდ. მართალია, ეს დებულება ერთგვარ გასაქანს აძლევდა კერძო ინიციატივას, მაგრამ იმდენად უმნიშვნელო იყო ამ სკოლებით გასავრცელებელი ცოდნა (საღვთო სჯული, წერა-კითხვა, ელემენტარული არითმეტიკა), რომ მათი რიცხვის გაზრდა არ წარმოადგენდა რაიმე საფრთხეს მეფის ხელისუფლებისათვის.

უფრო მოთქმულად იყო შედგენილი 1864 წლის „გიმნაზიებისა და პროგინაზიების წესდება“, ე. ი. რეფორმის ის ნაწილი, რომელიც თავადაზნაურობის, ბურჟუაზიისა და, საერთოდ, შეძლებული ფენების განათლებას ეხებოდა.

ამ წესდების დამტკიცება მოხდა საკმაოდ მკაცრი დისკუსიის პერიოდში კლასიკური და რეალური განათლების შესახებ*. ჯერ კიდევ 1811 წელს, პეტერბურგის ოლქის მზრუნველმა ს. უვაროვმა (მომავალმა მინისტრმა), პეტერბურგის გიმნაზიას მისცა კლასიკური განხრა და მას შემდეგ დავა კლასიკური თუ რეალური განათლების უპირატესობის შესახებ არ დამცხრალა. კლასიკური განათლების პრინციპს უმთავრესად იცავდნენ განათლების უწყების წარმომადგენელნი, რომლებიც გიმნაზიის მიზნად აღიარებდნენ საერთო განათლებასა და უნივერსიტეტისათვის ახალგაზრდობის მომზადებას. რეალური განათლების პრინციპს კი იცავდნენ მოწინავე პე-

* საქართველოში კამათი ამ საკითხზე დაიწყო 60-იან წლებში, მაგრამ გაგრძელდა შემდგომ პერიოდშიც ანუ გამოჩენა მას შეეხებოდა მე-3 წიგნი.

დაოგები, წყურღები და, საერთოდ, საზოგადო მოღვაწენი, რომელნიც გიმნაზიის მიზნად მიიჩნევდნენ როგორც ზოგად განათლებას და უმაღლესი სასწავლებლისათვის მოსწავლეთა მომზადებას, ისე მათ აღქურვას პრაქტიკული მუშაობისათვის გამოსადეგი ცოდნა-ჩვევებით. ეს უკანასკნელი მომენტი (მოსწავლეთა მომზადება მომავალი პრაქტიკული მუშაობისათვის), ერთი მხრით, უპასუხებდა გიმნაზიის კურსდამთავრებულთა იმ დიდი უმრავლესობის ინტერესებს, რომელსაც არ ჰქონდა უნივერსიტეტში ზესელის საშუალება და, მამასადამე, პრაქტიკული შრომა უნდა დაეწყო, ხოლო, მეორე მხრით, რუსეთის მრეწველობისათვის კადრების მომზადების ინტერესებს. ამდენად რეალური განათლების პრინციპი იყო უფრო პროგრესული და მომენტისადმი უფრო შესაფერისი.

ძიუტედავად ამისა, 1864 წლის „გიმნაზიებისა და პროგიმნაზიების წესდებაჲ“ განათლების ორივე სახე დააკანონა და შემოიღო გიმნაზიის და პროგიმნაზიის ორი ტიპი: კლასიკური და რეალური.

კლასიკური და რეალური გიმნაზიები ერთმანეთისაგან სხვაედებოდნენ როგორც სასწავლო გეგმით და სწავლების შინაარსით; ისე უფლებით.

სტრუქტურის მიხედვით ორივე ტიპის გიმნაზიები და პროგიმნაზიები ერთნაირი აღნაგობისა იყვნენ; გიმნაზიები იყო 7 კლასიანი, 7 წლიანი კურსით; პროგიმნაზიები—4 კლასიანი. გიმნაზიის პირველ 4 კლასსა და პროგიმნაზიის კურსს შორის განსხვავება არ იყო და ამდენად პროგიმნაზიიდან გამოუტყველად იღებდნენ გიმნაზიის სათანადო (შესატყვის) კლასში.

კლასიკური გიმნაზიების სასწავლო გეგმაში შედიოდა: საღეთო სჯული, რუსული ენა, ლათინური და ბერძნული ენები, მათემატიკა, ფიზიკა, კოსმოგრაფია, ისტორია, გეოგრაფია, ბუნებისმეტყველება, გერმანული და ფრანგული ენები, სუფთა წერა, ხატვა, ხაზვა; რეალური გიმნაზიების სასწავლო გეგმაში შედიოდა იგივე საგნები, გარდა ლათინური და ბერძნული ენებისა, ხოლო მათემატიკა და ბუნებისმეტყველება, ქიმია, ფიზიკა და კოსმოგრაფია, გერმანული და ფრანგული ენები, ხატვა და ხაზვა—ისწავლებოდა უფრო დიდი პროგრამითა და მოცულობით (მუხ. მუხ. 39, 40).

გიმნაზიების მიზნად წესდებას მიაჩნდა ახალგაზრდობისათვის ზოგადი განათლების მიცემა და მათი მომზადება უნივერსიტეტებისა და სხვა სპეციალურ უმაღლეს სასწავლებელთათვის. ამასთან,

კლასიკური განნაზიებას კურსდამთავრებულთ იღებდნენ უნივერსიტეტებში, ხოლო რეალური გიმნაზიების კურსდამთავრებულთ კი — სპეციალურ უმაღლეს სასწავლებლებში (მუხ. მუხ. 1, 122). მართალია, წესდება ფორმალურად არ უკრძალავდა რეალისტებს უნივერსიტეტში შესვლას, მაგრამ რამდენადაც რეალურ გიმნაზიებში არ ისწავლებოდა ლათინური და ბერძნული ენები და ზოგიერთი საგნები კი — სხვა მოცულობით, ვიდრე კლასიკურში, იმდენად რეალისტებს უნივერსიტეტებში იღებდნენ ნხოლოდ ფიზიკა-მათემატიკის ფაკულტეტებზე. შემდეგ წლებში მათ ეს უფლებაც დაკარგეს.

გიმნაზიებისა და პროგიმნაზიების დაარსება შეიძლებოდა მხოლოდ განათლების მინისტრის განკარგულებით. მინისტრი სწყვეტდა აგრეთვე საკითხს გიმნაზიებისათვის კლასიკური თუ რეალური კურსის მიცემის შესახებ. სახელმწიფო ორგანოებს გარდა, გიმნაზიისა და პროგიმნაზიის გახსნისა და შენახვის უფლება ეძლეოდა კერძო საზოგადოებებს და პირებს, მაგრამ ასეთი გიმნაზიები ექვემდებარებოდნენ კერძო სასწავლებელთა შესახებ არსებულ კანონმდებლობას.

გიმნაზიებსა და პროგიმნაზიებში იღებდნენ ყველა მდგომარეობისა, წოდებისა და სარწმუნოების ბავშვებს (53). მაგრამ ამავე დროს წესდებოდა სწავლის ქირა, რის გაძოც ღარიბი, დაბალი წოდების ხალხი ამ უფლებით ვერ სარგებლობდა.

საგანგებოდ უნდა აღინიშნოს, რომ გიმნაზიებთან და პროგიმნაზიებთან 1864 წლის წესდებით პირველად არსდებოდა პედაგოგიური საბჭოები „იმ საკითხების უფრო სწორად და ყოველმხრივად გარჩევისათვის, რომლებიც უპირატესად სასწავლო და სააღმწრდელო ნაწილს ეხებოდა“ (*7).

ასეთია 1864 წლის „გიმნაზიებისა და პროგიმნაზიების წესდების“ ძირითადი მუხლების შინაარსი*. როგორც ვხედავთ, წესდებში რამდენადმე მაინც ეხმაურება 60-იანი წლების დიდი საზოგადოებრივ-კულტურული მოძრაობის საგანმანათლებლო იდეებს: წოდებრივი პრივილეგიების გაუქმება, რეალური გიმნაზიების შემოღება, ზოგადი განათლებისა და საბუნებისმეტყველო საგნების სწავლების გაფართოება, უხეში ფიზიკური დასჯის („როზგის“) უარყოფა და სხვ.

* Сб. постановлений по минист. нар. просвещения, III, 1301.

ამ მოძრაობის გავლენა უფრო მკაფიოდ გამომჟღავნდა 1863 წლის საუნივერსიტეტო რეფორმაში, რომელიც დააჩქარა 1861 წლის სტუდენტთა მღელვარებამ და „უწყსრიგობამ“. აღდგენილ იქნა უნივერსიტეტის ავტონომია, რექტორისა და დეკანების არჩევითი წესი, უნივერსიტეტის საბჭოს მიეცა უნივერსიტეტის უმაღლეს ორგანოს ფუნქციები, აღდგენილ იქნა უნივერსიტეტის სასამართლო სტუდენტთა დანაშაულებრივი საქმეების გასარჩევად; გადიდდა უმაღლეს სასწავლებელთა რიცხვი: გაიხსნა ახალი, ნოვოროსიისკის უნივერსიტეტი ქ. ოდესაში (1865); პოლიტექნიკური ინსტიტუტი ქ. რიგაში (1862); პეტროვო-რაზუ-მოვსკის სასოფლო-სამეურნეო აკადემია მოსკოვში (1865) და სხვ.

დიდბანს არ შერჩენია რუსეთის საშუალო და უმაღლეს სკოლას 1863—1864 წლებში დადგენილი პროგრესულ-ლიბერალური საწყისები. 1866 წელს კარაკოზოვის ტყვიამ ერთბაშად შეარყია თვითმპყრობელობის მყუდროება. 60-იანი წლების რევოლუციურ-დემოკრატიული მოძრაობა უკვე დიდ საფრთხედ იცნო მეფის ხელისუფლებამ. რეაქცია გაძლიერდა. განათლების აღმავლობის საქმე კვლავ შეფერხდა.

3. სახალხო მანათლუბის მმართველობა. 1867 წლის დეკლარაცია

1864 წლის „დებულებისა“ და „წესდების დამტკიცების მომენტში“ საქართველოსა და მთელს კავკასიაში ფორმალურად კვლავ ძალაში იყო კავკასიის სასწავლო ოლქის 1853 წლის დებულება, მაგრამ ფაქტურად 1864 წლიდან მას კანონის მინიშნელობა დაეკარგა. ამ წლიდან კავკასიის სასწავლო უწყება შეუდგა როგორც ახალი, ადგილობრივი „დებულების“ შემუშავებას, ისე 1864 წლის სრულიად რუსეთის სახალხო სკოლების დებულებისა და გიმნაზიების წესდების შეფარდებას კავკასიის სასწავლებელთადმი. ამ მუშაობას სამი წელი დასჭირდა. მხოლოდ 1867 წელს იქნა დამტკიცებული კავკასიის სასწავლებელთა ახალი დებულება.

ამ დებულების დამტკიცებამდე კავკასიის სასწავლებელთა მმართველობაში ადგილი ჰქონდა ზოგიერთ ადმინისტრაციულ ცვლილებებს. 1860 წელს კავკასიის მეფისნაცვალმა ბარიატიჩისკიმ სასწავლო საქმის ხელმძღვანელობის დეცენტრალიზების მიზნით გააუქმა კავკასიის დამოუკიდებელი სასწავლო ოლქი და ოლქის

მზრუნველის თანამდებობა. კავკასიის სასწავლებელთა ხელმძღვანელობა უშუალოდ დაუქვემდებარა გუბერნატორებს, რომლებიც თავიანთ გუბერნიებში ამ ამოცანას ახორციელებდნენ გუბერნიის სასწავლებელთა დირექტორების მეშვეობით. მართალია, 1860 წლის „დებულება კავკასიაში სასწავლო ნაწილის მმართველობის შესახებ“, რომლის მიხედვითაც ჩატარდა ეს რეფორმა, აღნიშნავდა, რომ „კავკასიის მხარის სასწავლო ნაწილია და საერთოდ ყველა სასწავლებელთა უმაღლესი მმართველობა ეკუთვნის კავკასიის მეფისნაცვალს“*, მაგრამ, ფაქტურად, ეს გუბერნატორების ხელში იყო.

კავკასიის სასწავლო ოლქისა და მზრუნველის თანამდებობის გაუქმება არ აღმოჩნდა მიზანშეწონილი. გუბერნატორები არაფერს აკეთებდნენ სახალხო განათლებისათვის. მათ არ ესმოდათ და არც აინტერესებდათ ეს საქმე. ხელოვნურად აძნელებდნენ ახალი სკოლების დაარსებას და ყოველნაირად ბორკავდნენ კერძო პირთა და საზოგადოებათა ინიციატივას ამ მიმართულებით; თავისი სურვილით ცვლიდნენ სასწავლო გეგმებს, რის გამოც მოსწავლეებს უძნელდებოდათ ერთი სასწავლებლიდან მეორეში გადასვლა. კავკასიის სასწავლო ოლქის 1853 წლის დებულება აღარ შეესაბამებოდა სასწავლებელთა მმართველობის ახალ სტრუქტურას და 1864 წლის სრულიად რუსეთის „დებულებისა“ და „წესდების“ დამტკიცებამდე კავკასიის გუბერნატორები უპასუხისმგებლოდ ეკიდებოდნენ სასწავლო საქმეს. ამიტომ საკვირველი არაა, თუ ამ ხნის მანძილზე სახალხო განათლების მხრივ საქართველოსა და, საერთოდ, კავკასიაში წინშეწევითი არაფერი გაკეთებულა.

1862 წელს, კავკასიის მეფისნაცვლის თანამდებობაზე იმპერატორმა ალექსანდრე II დანიშნა თავისი ძმა მიხეილი. მან არ მოიწონა სასწავლო ოლქისა და ოლქის მზრუნველის თანამდებობის გაუქმება და სწვა აღმინისტრაციულ რეფორმებთან ერთად, 1864 წელს აღადგინა კავკასიის სასწავლებელთა ინსპექტორის თანამდებობა**, საკუთარი კანცელარიით. ინსპექტორად დაინიშნა იანუარ ნევეროვი, მოსკოვის ლაზარევის ინსტიტუტის ყოფ. დირექტორი. მას დაეკისრა კავკასიის ყველა ტიპის სასწავლებელთა

* Акты. X:1. 58.

** ეს თანამდებობა, როგორც ვწერდით, პირველად შეიქმნა 1842 წლის დამდგეს. მაგრამ მალე, იმავე წლის დამდგეს, მისი ფუნქციები გადაეცა „ამიერკავკასიის მთავარ სამმართველოს“ საინჟინერო წოდების წევრს.

ადმინისტრაციული და სასწავლო-მეთოდური ხელმძღვანელობი-
ნა და კონტროლის კოორდინაობა, საერთოდ ყველა ის ფუნქცია,
რომელსაც წინათ ოლქის ბზრუნველი ასრულებდა. მასვე დაეკისრა
შეედგინა პროექტი კავკასიის სასწავლებელთა ახალ დებულებისა.

საბელშჩიფო საბქოს 1867 წლის 15 მაისის მინდობილობით კავ-
კასიის მეუბნაწვალმა ამეე წლას 25 იენას დაამტკიცა „დებუ-
ლება კავკასიისა და ამიერკავკასიის სასწავლო
ნაწილის შესახებ“*. ეს დებულება გამოდიოდა 1864 წლის
სრულიად რუსეთის სახალხო სკოლების დებულებისა და გიმნაზია-
პროფინანსების წესდებიდან და, არსებითად, წარმოადგენდა „მხო-
ლოდ ზერხს მათ (1864 წლის დებულებისა და წესდების) შესა-
ჯარდებლად კავკასიის სიარის სასწავლებელთათვის და, განსაზ-
ღვრავდა იმ თავისებურებებს, რაც ადგილობრივი ნოთხოვნილებებით
არის გამოწვეული“ (მუხ. 1). ამ თავისებურებებს წარმოადგენდა
შმართველობის სტრუქტურა და სასწავლებელთა გეოგრაფიული
ვანლაგება, სასწავლო გეგმებში რუსული ენის საათების გადიდება
და ადგილობრივი ენების გათვალისწინება, მასწავლებელთა და-
წიშენა და მათთვის ადგილობრივი ცხოვრების პირობების მიხედ-
ვით ხელფასისა და პენსიების განსაზღვრა.

კავკასიის „სასწავლო ნაწილი“ და მისი შმართველობა, 1867
წლის დებულებით, შეიცავდა: თბილისის, სტავროპოლის, ყუბანის,
ქუთაისის და ბაქოს ღირეკციებსა და ერეენის ინსპექციას.

კავკასიის გონაზიებიდახ (რომელთაგანაც 3 არსებობდა სა-
ჭართველოში) ერთი (სტავროპოლის) იყო სრული კლასიკური,
ძველი, ბერძნული და ლათინური, ენებით, სამი (თბილისის პირ-
ველი, ქუთაისის და ყუბანის) ნახევარკლასიკური, ლათინური
ენით, და ორი (თბილისის მეორე და ბაქოსი)—რეალური**.

* Сб. распоряжений, напечатанный в циркулярах по управлению
Кавк. учебным округом (1867—1871), 9—10.

** კავკასიის სასწავლებელთა მთავარი ინსპექტორი იანუარ ნევეროვი,
შეფინანსებად მიხედვისადმი 1866 წ. 16 ილისის წარდგენილ თავის მოხ-
სენებაში კავკასიის სასწავლებელთა ახალი დებულების პროექტის შესახებ, შემ-
დგენილი „მკენერული“ აოგუენტაციით ასაბუთებდა სრული კლასიკური, ნა-
ხევარკლასიკური და რეალური განათლების სისტემის ნაციონალურ პრინ-
ციას.

მმარის (კავკასიის) იმ ნაწილებში, რომელშიც კარბობს წმინდა რუსი მო-
ხმელობა უნდა იყოს განვითარებული უპირატესად პირველი (ე. ი. სრული კლასი-
კური).

სასწავლო გეგმები საქართველოს გიმნაზიებისა, განსხვავებით სწავლიდ რუსეთის 1864 წლის წესდების სასწავლო გეგმებისაგან, თავალისწინებდა რუსული ენისათვის უფრო მეტ საათებს და შემოქმონდა ადგილობრივი ენების სწავლება (ქართულისა—ქართველთათვის, სომხურისა—სომეხთათვის და აზერბაიჯანულისა—აზერბაიჯანელთათვის).

ამასთან აღსანიშნავია, რომ კავკასიის სასწავლებელთა რუს შოწაფეებს უვლება ეძლეოდათ აღარ ესწავლათ ადგილობრივი ენები, რაც შეიძლება იმიტ აიხსნას, რომ მათ, ადგილობრივ დაწესებულებებში მუშაობისათვის ამ ენების ცოდნა საჭიროდ აღარ მიაჩნდათ.

ყოველი გიმნაზია შეიკავდა 7 ძირითად კლასს და ერთ მოსამზადებელს. ამასთან, კავკასიის მეფისნაცვლის ნებართვით შეიძლებოდა გიმნაზიებთან სპეციალური, უპირატესად, პედაგოგიური კურსების დაარსება სამაზრო და დაწყებითი სკოლებისათვის მასწავლებელთა მოსამზადებლად.

კავკასიის სასწავლებელთა 1867 წლის დებულება ითვალისწინებდა აგრეთვე სამაზრო და დაწყებით სკოლებს.* სამაზრო სკოლის სახელწოდება ენიჭებოდა განათლების სამინისტროს ყველა კლასიან სასწავლებელს და, ამგვარად, სამაზრო სასწავლებელი იყო სამ კლასიანი, ხოლო იქ, სადაც დაწყებითი სკოლა არ არსებობდა, სამაზრო სასწავლებელთან შეიძლებოდა ყოფილიყო მო-

სიკური), ქართველ და სომეხ მოსახლეობაში—მეორე (ე. ი. ნაბევარაძე-გორი), ხოლო მუსლიმანურ მოსახლეობაში—მესამე ანუ რეალური სისტემა კლასიციზმი, აგრძელებს ნევეროვი, მკიდროდ არის დაკავშირებული ქრისტიანობასთან: ეს უკანასკნელი აღმოცენდა მის ნიად გზე და ყოველთვის მისით იყვებოდა, ამიტომ ძველი ენები და ლიტერატურა, რომლებიც ადამიანის სულიერ ამაღლებაზე მოქმედებენ, წარმოადგენენ უპირატესად ქრისტიანი ბაღის საკუთრებას, შალაღი ვერო ული განვითარების განმასხვავებელ თვისებას და არადროს არ ეთვისებოდნენ ისინი მუსლიმანურ სამყაროს. ამ უკანასკნელისათვის ხელმისაწვდომია მხოლოდ სფერო გონებისა და ათა სულისა, ამის გამო, თთ თვისის უმაღლესი განვითარების—არაბული მეცნიერების აყვავების—პეროოდსაც კი მხოლოდ პოზიტიურ ცოდნას ამუშავებდა და არაფერი შეუტანია კაცობრიობის სულიერ საგანძურში" (Сборник распоряжений по управлению Кавказским учебным округом, 1857—71, გვ. 131).

* აღსანიშნავია, რომ კავკასიის სასწავლებელთა 1867 წლის დებულება გაუბის ტერმინს „სახალხო“ (სკოლა), რომელსაც ადგილი ჰქონდა სრულიად რუსეთის სასწავლებელთა 1864 დებულებაში.

„აღმწადებელი კლასიცი. სამაზრო სასწავლებლებში ასწავლიდნენ: საღვთო სჯულს, რუსულ ენას, არითმეტიკას, გეოგრაფიას, რუსეთის ისტორიას, სუფთა წერას და ერთ-ერთ ადგილობრივ ენას (იშინს მიხედვით თუ რომელი მათგანი იყო იმ მოსახლეობის უმრავლესობის სალაპარაკო ენა, რომელსაც სათანადო სკოლა ემსახურებოდა).

დაწყებითი სკოლები, გათვალისწინებული უმთავრესად დაბასოფლების ორივე სქესის ბავშვებისათვის, იყო ერთკლასიანი და ორკლასიანი. ერთკლასიან დაწყებით სკოლებში ასწავლიდნენ: საღვთო სჯულს, წერა-კითხვას რუსულ და ადგილობრივ ენებზე და მზარის (ოთხ მოქმედებას). ორკლასიან დაწყებით სკოლებში ამ საგნებს გარდა ასწავლიდნენ საღვთო ისტორიას, ელემენტარულ რუსულ გრამატიკას, არითმეტიკას და რუსეთის გეოგრაფიას. ორკლასიან დაწყებით სკოლებთან, მეფისნაცვლის ნებართვით, შეიძლება დაარსება დამატებითი კურსებისა მარტივი ხელოსნობის (დღრგლობა, ზეინკლობა, მეჩექმეობა, კრა-კერვა და სხვ.) სასწავლად.

დაწყებითი, ორკლასიანი სკოლების კურსდამთავრებულთ შეუძლოთ გადასვლა სამაზრო სასწავლებლის პირველ კლასში. სამაზრო სასწავლებლის კურსდამთავრებულთ კი შეეძლოთ შესვლა კლასიკური გიმნაზიის III კლასში, მაგრამ იმ შემთხვევაში, თუ მათ კერძოდ ჰქონდათ ნასწავლი ლათინური და ფრანგული ენები გიმნაზიის პირველი ორი კლასის პროგრამის მოცულობით. რეალური კლასიკური III კლასში შესასვლელად კი საჭირო იყო გერმანული ენის ცოდნა ამავე მოცულობით.

კავკასიის სასწავლებელთა ახალი დებულება აწესებდა სწავლის კვრას გიმნაზიებში: IV კლასამდე ჩათვლით—15 მანეთს, ხოლო ზედა კლასებში—20 მანეთს წელიწადში. სწავლის ქირა წესდებოდა აგრეთვე სამაზრო სასწავლებლებშიც, მაგრამ მის ოდენობას საზღვრავდა კავკასიის მეფისნაცვალის სასწავლებელთა მთავარი ინსპექტორის წარდგენით.

ჯანსაზღვრული იყო აგრეთვე ვაკაციების დროც: საზაფხულო ვაკაციები ჩრდილოეთ კავკასიისათვის წესდებოდა 20 ივნისიდან 20 აგვისტომდე, ამიერკავკასიისათვის 15 ივნისიდან 1 სექტემბრამდე. სახამთრო კი—23 დეკემბრიდან 2 იანვრამდე მთელ კავკასიაში.

1867 წლის დებულებით განისაზღვრა აგრეთვე კავკასიის სასწავლებელთა შტატი და ხარჯთაღრიცხვა. მთელი კავკასიისათვის გათვალისწინებული იყო 420 647 მანეთი; აქედან, გიმნაზიებსა და პროგიმნაზიებზე—3 8.237 მან, სამაზრო სკოლებზე—63.720 მ., დაწყებით სკოლებზე—31.190 მანეთი წელიწადში. კერძოდ, თბილისის დირექციაზე იხარჯებოდა 115.795 მ., ხოლო ქუთაისის დირექციაზე კი—73.090 მანეთი.

არ შეიძლება თვალში არ ეცეს მკითხველს მშრომელი წილისა და ლეობის, განსაკუთრებით კი გლეხობისათვის განკუთვნილ დაწყებით სკოლებზე გათვალისწინებული თანხის სამინიელი სიმცირე—მთელი ხარჯთაღრიცხვის 7,4 პროცენტი. მაგრამ ცნობილია, რომ შეფის რუსეთი ღარიბი იყო ყოველთვის, როცა საქმე ეხებოდა მშრომელი ხალხის განათლებას.

კავკასიის სასწავლებელთა 1867 წლის დებულება იყო უკანასკნელი კავკასიის სასწავლებელთათვის. ის შემოღებული იყო ცდის სახით და ძალაში დარჩა მხოლოდ 4 წელს. ამ ხნის მანძილზე იხ გმამხურებოდა თავის დანიშნულებას: მოემზადებინა პირობები იმისათვის, რომ შემდეგში სრულიად რუსეთის სასწავლებელთა წესდებანი უცვლელად ყოფილიყო შემოღებული კავკასიის სკოლებისათვის. მთავრობის აზრით, 1871 წლიდან კავკასიის ხალხთა და, კერძოდ, საქართველოს განათლების დარგში აღარ არსებობდა ანგარიშგასაწევი თავისებურებანი და ამ წლიდან შეწყდა ადგილობრივ დებულებათა შემუშავებისა და გამოცემის პრაქტიკა.

1867 წლის 9 დეკემბერს, კავკასიის მეფისნაცვლის მთავარ სამმართველოს შესახებ მეფის მიერ დამტკიცებული დებულებით (მუხ. 32), აღდგენილ იქნა კავკასიის სასწავლო ოლქი და ოლქის მზრუნველის თანამდებობა. მზრუნველთან იყო საბჭო და ოლქის ინსპექტორი. კავკასიის სასწავლო ოლქის მზრუნველად 1868 წ. 13 იანვარს დაინიშნა ყოფ. მთავარი ინსპექტორი ი. ნევეროვი.

1867 წლიდან, კავკასიის სასწავლო ოლქის ინსპექტორი, შექმნილ მზრუნველი, სასწავლებელთა ადმინისტრაციულ მეთოდისა და ხელმძღვანელობისა და კონტროლის უკეთესი ორგანიზაციის მიზნით სცემდა პერიოდულ, ყოველთვიურ ოფიციალურ ორგანოს „Циркуляр по управлению Кавказским учебным округом“, რომელშიც ოფიციალური მასალის გარდა საგულისხმო შენიშვნებიც წერილებიც იბეჭდებოდა.

4. გენიკური და სასოფლო-სამეურნეო განათლება

მრეწველობისა და სოფლის მეურნეობის განვითარება XIX საუკუნის 60-იან წლებში მოითხოვდა ამ განვითარების ტემპის შესაფერის ტექნიკურ და სასოფლო-სამეურნეო განათლებას.

1839 წელს, დაპრაქტიკებულ დებულებას „სახალხო განათლების სამინისტროს სასწავლებლებთან რეალური კლასების“ შემოღების შესახებ საქარძველოსათვის არ მოჰყოლია რაიმე რეალური შედეგი. ეს კლასები (განყოფილებები) დაარსდა გიმნაზიების მე-6 და მე-7 კლასებთან და სამაზრო სასწავლებელთა მე-2 და მე-3 კლასებთან, ე. ი. გიმნაზიებისა და სამაზრო სასწავლებელთა ორ უკანასკნელ კლასთან. რეალურ კლასებში ისწავლებოდა: პრაქტიკული ქიმია, პრაქტიკული მექანიკა, ხატვა-ხაზვა და ტექნოლოგია (მუხ. 5). ეს საგნები ისწავლებოდა დამატებით, სხვა სავალდებულო საგნების სწავლების შემდეგ, ისიც სალამოს და, საერთოდ, თავისუფალ დროს. ზაგრამ რეალური კლასები ყველგან მაინც არ შექნნილა. რუსეთში ის დაარსდა 5—6 ქალაქში, ხოლო საქართველოში კი არსად შემოჰღიათ.

რაც შეეხება სასოფლო-სამეურნეო სკოლებს რუსეთში, ისინი მართალია 30-იან წლებში იწყებენ არსებობას, მაგრამ მხოლოდ ბალოსნობისა და მევენახეობის დარგში. საქართველოში ბალოსნობის სკოლები, როგორც ვწერდით, გაიხსნა 1855 წელს (თბილისსა და ქუთაისში), სოლო ნელენიეობისა 30-იანი წლების დასასრულს, კახეთში.

40-იანი წლებში რუსეთში უკვე იღვანეს ფებს პროფტექნიკური განათლება. არსდება სპეციალური ტექნიკური სკოლები როგორც უმაღლესი და საშუალო, ისე დაწყებითი განათლების სისტემაში. მართალია, უმაღლესი ტექნიკური განათლება მთელ რუსეთში 4—5 ინსტიტუტით (ტექნოლოგიური, სამთო, სამოქალაქო ინჟინერთა, სატყეო) ამოიწურებოდა, მცირე იყო აგრეთვე საშუალო ტექნიკური სკოლებიც, მაგრამ, სამაგიეროდ, დაბალი სახელოსნო და საერთოდ დაწყებითი პროფესიონალური სკოლები უკვე მრავლად მოიპოვებოდა.

ხელოსნური განათლება საქართველოში იმხანად ვრცელდებოდა შეგიძლიათ წესით ხელოსნების გავრცელებასთან დაკავშირებით. ასწავლიდნენ ხელოსნები ინდივიდუალად და პრაქტიკულად. თეორიული ტექნიკური განათლება არ ჰქონდათ არც მასწავლებ-

ლებს, ე. ი. ხელოსნებს (რომელნიც ზოგჯერ სრულიად უწიგნურე ბიც კი იყვნენ), და არც შეგირდებს. ამასთან ეს ხელოსნობა მეტად ვიწრო და კასტურ ხასიათს ატარებდა, შეგირდების სწავლებაც ერთგვარი საიდუმლოებით იყო მოცული, და, ცხადია, ძალიან მცირე იყო მისი გავრცელების მასშტაბი.

სამოციანი წლების დასაწყისში სოფლის მეურნეობის განვითარების მოთხოვნილებებმა წარმოშვეს სასოფლო-სამეურნეო განათლების უფრო გაფართოების საჭიროება. 1862 წელს კონსტანტინე მამაცაშვილი ამის შესახებ წერდა, რომ თანამედროვე სასოფლო მეურნეობა, რომელიც წინაპართა პატრიარქალურ ცხოვრებას შეეფერებოდა, აღარ აკმაყოფილებს ჩვენი გარდამავალი დროის მოთხოვნილებებს. სასოფლო მეურნეობას ის თვლიდა სახალხო სიძლიდრის გადიდების საშუალებად და მისი განვითარების მიზნით მოითხოვდა სასოფლო-სამეურნეო იარაღებისა და მუშა-საქონელის გაუმჯობესებას. აქედან გამოსვლით მამაცაშვილი მოითხოვდა თვითეულ მაზრაში 3—4 სასოფლო-სამეურნეო სკოლის დაარსებას. ამ სკოლების დანიშნულება, მისი აზრით, მდგომარეობდა განვითარებული სასოფლო-სამეურნეო იარაღების გამოყენებისა და მათი შეკეთების უნარის მქონე ახალგაზრდა ხელოსნების მომზადებაში. სპეც-ტექნიკური საგნებიდან აღნიშნულ სკოლებში, მამაცაშვილის აზრით, უნდა ესწავლებიათ: სადურგლო, სახარატო, საკასრო, საბორბლე, სამქედლო, საზეინკლო და საუნაგრო საქმე.*

კონსტანტინე მამაცაშვილი იქვე აქვეყნებდა ასეთი სკოლების დაარსების მთელ პროექტს, სათანადო ხარჯთაღრიცხვისა და წმართველობის ფორმის გარკვევით. ის ამასთანავე დასძენდა, რომ ასეთ სკოლებში გლეხები სიამოვნებით გაგზავნიან თავის შვილებს, რომლებიც მათი უშუალო მეთვალყურეობით ისწავლიანო. მამაცაშვილის პროექტი მოიწონა გრიგოლ ორბელიანმა, რომელსაც მაშინ მეფისნაცვლის მოადგილის თანამდებობა ეჭირა, და შემდეგ წარედგინა იგი მეფისნაცვალს დასამტკიცებლად.

მაგრამ მეფისნაცვალმა არ მისცა საქმეს მსვლელობა. ათი დღის შემდეგ „Кавказ“-ის (№ 19) რედაქტორმა ფედოტ ბობილევი მათათვისა კ. მამაცაშვილის საწინააღმდეგო წერილი, რომელშიც ის აღნიშ-

* „Кавказ“, 1862, № 9 და 27; იხ. აგრეთვე ამვე საკითხზე Ал. Прума. „Кавказ“ 1862, № 101.

წავადა, რომ მამაცაშვილის პროექტი არ არის პრაქტიკული და მისი გატარება შეუძლებელია. ამის მთავარ მიზეზად ის ასახელებდა საქართველოს სოფლის მეურნეობის ჩამორჩენას. მისი აზრით, მაშინდელი სოფლის მეურნეობა ისე იყო ჩამორჩენილი, რომ იგი ჯერ კიდევ არ მოითხოვდა მამაცაშვილის პროექტით დასახულ სკოლებს. მეურნეობის განვითარების კანონი უცვლელია ყველა ქვეყანაში,—წერდა ბობილევი,—არა სკოლები იწვევენ მოძრაობას ამა თუ იმ მრეწველობაში, არამედ თვით ამ მრეწველობის განვითარება და განვითარება იწვევს სკოლების შემოღებას*.

მაგრამ ბობილევს არ ესმოდა, რომ მისი აზრი იყო ცალმხრივი და სქოლასტიკური, მას არ ესმოდა, რომ სპეციალური სასაშუალო-საბუნებისმეტყველო სკოლები შეიძლება ყოფილიყვნენ როგორც შედეგი, ისე მიზეზი მეურნეობის განვითარებისა. მას და მასთან ერთად მეფის მთავრობის აგენტებს საქართველოში არ უნდოდათ გაეგოთ, რომ მამაცაშვილის პროექტით განზრახული სკოლები. ერთი მხრით, სწორედ მეურნეობის სათანადო განვითარების შედეგი იყო, ხოლო, მეორე მხრით, ეს სკოლები მისი შემდგომი განვითარების აუცილებელ პირობას წარმოადგენდნენ. ამასთან მეფის მთავრობა არც ისე იყო დაინტერესებული საქართველოს სოფლის მეურნეობის განვითარებით და გლეხობის კეთილმდგომარეობით, რომ მამაცაშვილის პროექტი მიეღო და ასეც მოიქცა: მამაცაშვილის საგნებით მომწოდებული და ჩვენი ხალხის საკეთილდღეო აზრი მთავრობამ ფორმალურად მოიწონა, მაგრამ ფაქტიურად მის განხორციელებაზე, თავისი სიჩუმით და უპროპაგანდით—უარა სთქვა. ჩინებული წარწყმევა ჩაიშალა.

ძნელი იყო ცხოვრების ვარდაუვანი პროცესის შეჩერება. თუმცა მთავრობა აფერხებდა ტექნიკურ და სასოფლო-სამეურნეო განათლებას ჩვენში, მაგრამ მისი ინიციატივა საზოგადოებრივმა ორგანიზაციამ იკისრა. ასეთი იყო „რუსეთის ტექნიკური საზოგადოების კავკასიის განყოფილება“, განსაკუთრებით კი ამ განყოფილების „ხელოსნობის განავრცელებელი კომისია“ ზემოხსენებული საზოგადო მოღვაწის კონსტანტინე მამაცაშვილის ხელმძღვანელობით.

* ბობილევს ეს ხელს არ უნდოდა, თვალმაკურად, მამაცაშვილის სასოფლო-ს. ხელოსნო სკოლებისათვის ერთი „ტექნოლოგიური გიმნაზია“ დაეპირდაპირებინა. იმ დროს, როცა დაბალ სასწავლებლებს უდროოდ აცხადებდა, საშუალო სკოლა დროულად მიიჩნია, მაგრამ ეს მხოლოდ იმისთვის, რომ თვალი აეხვია დაინტერესებულ პირთათვის.

რუსეთის ტექნიკური საზოგადოების კავკასიის განყოფილების ამოცანას, კავკასიაში ტექნიკის განვითარებისათვის ხელისშეწყობასთან ერთად, შეადგენდა აგრეთვე ტექნიკური განათლების გავრცელებაც.

1869 წელს ამ საზოგადოების ინიციატივით ნიკოლოზის სახელობის თბილისის დაწყებით სკოლასთან (ავლაბარში) მოეწყო სახელოსნო განყოფილება. უკანასკნელის მიზანს შეადგენდა: „ა) ვაჟებისათვის ხელოსნობის სწავლება ისე, რომ შემდეგში მათ შეძლება კპონოდათ სახელოსნოებში მუშაობისა, ბ) ხელოსნობის გავრცელება მხარეში იმ მოწადეთა ზიერ, რომლებიც სასწავლებლის კურსის დასრულების შემდეგ დაბრუნდებიან თავის საზოგადოებაში“.*

სპეციალურ ხელობათაგან აღნიშნულ განყოფილებაზე ასწავლიდნენ: დურგლობას, ხარატობას, მექასრობას, ნქედლობას, ზეინკლობას და სარჩილავ (საკავშირებელ) ხელობებს. ასწავლიდნენ აგრეთვე სახელოსნო ხაზვას და მასალათმკოდნეობას.

სახელოსნო განყოფილებაზე ნიკოლოზის სახ. სასწავლებლიდან გადადიოდნენ მხოლოდ ვაჟები ამ სასწავლებლის კურსის დასრულების შემდეგ. სავალდებულო იყო მხოლოდ ერთი ხელობის შესწავლა. მეცადინეობა ამ განყოფილებაზე გრძელდებოდა ერთ წელს.

იმავე, 1869, წელს თბილისში გაიხსნა „ქალთა სახელოსნო სკოლა“, რომელიც უფრო ხელსაქმის სკოლას წარმოადგენდა, ვიდრე სახელოსნო სასწავლებელს (დაწვრილებით იხ. აქვე: „ქალთა განათლება“).

1870 წელს კ. მამაცაშვილმა კვლავ აღძრა საკითხი დაწყებითი სახელოსნო განათლების გავრცელების შესახებ საქართველოში. ამ წლის იანვარში ის წერდა: „1862 წელს მე. ბექედვითი სიტყვით განვაცხადე სახელოსნო სკოლების აუცილებლობის შესახებ (№№ 9 და 27 გზ. „Кавказ“-ისა), მაგრამ, სამწუხაროდ, მაშინ ვერ ვნახე სათანადო თანაგრძნობა ვერც საზოგადოებაში და ვერც მთავრობის პირთა შორის“.**

როგორც ზემოთ ვწერდით, ეს მართლაც ასე იყო, მაგრამ ახლა, 1870 წელს, კ. მამაცაშვილის ამ წერილმა, რომელიც რუსული

* „Кавказ“, 1869, № 128.

** „Кавказ“, № 1, 1870.

ტექნიკური საზოგადოების კავკასიის განყოფილების საყურადღებოდ იყო დაწერილი, გამოიღო სათანადო ნაყოფი და იმავე წელს სოფ. პატარძელის, მარტყოფის და ქ. ღუშეთის დაწესებით სკოლებთან გახსნეს სპეციალური სახელოსნო განყოფილებები მსგავსად თბილისის ნიკოლოზის სახელობის დაწყებით სკოლასთან არსებული სახელოსნო განყოფილებისა, იმავე მიზნით და ისეთივე სტრუქტურითა და პროგრამით.

ნიკოლოზის სახელობის თბილისის დაწყებით სასწავლებელთან არსებულმა სახელოსნო განყოფილებამ პირველსავე წლებში მიიზიდა ახალგაზრდობის ყურადღება. ეს განყოფილება არსებობდა რუსეთის ტექნიკური საზოგადოების ხარჯზე და მდიდარი იყო თავისი მატერიალური ბაზით (სახელოსნოები, ხელსაწყო-იარაღები, ფინანსური შესაძლებლობანი და სხვ.). იყო აგრეთვე უზრუნველყოფილი როგორც ზოგადი საგნების, ისე სპეც-ტექნიკური საგნების მასწავლებლებით. მიუხედავად ამისა, სახელოსნო განყოფილება მაინც შეზღუდული იყო თავის მოქმედებაში: ის არ წარმოადგენდა დამოუკიდებელ დაწესებულებას და როგორც ადმინისტრაციულად, ისე სასწავლო-პედაგოგიურ მუშაობაში, ნიკოლოზის სახ. სასწავლებელს ექვემდებარებოდა, და ეს იმ დროს, როცა ამ სასწავლებლის ადმინისტრაცია სახელოსნო განყოფილებას ჯეროვან ხელმძღვანელობას ვერ უწევდა, განსაკუთრებით ტექნიკური სწავლების დარგში. ამის გამო - ტექნიკური საზოგადოების კავკასიის განყოფილების* 1871 წლის ანგარიშში აღნიშნული იყო, რომ სხვა სასწავლებელთან სახელოსნო განყოფილების მოწყობის ცდამ ვერ გააპართლა თავისი თავი და იმავე წლიდან, საზოგადოების დადგენილებით, სახელოსნო განყოფილება გამოეყო ნიკოლოზის სახ. სასწავლებელს, გადავიდა კუქიას, საკუთარ შენობაში, და გადაკეთდა სრულიად დამოუკიდებელ „სკოლა-სახელოსნოდ (სახელოსნო სასწავლებლად)“, რომელიც სულ მოკლე ხანში სასწავლო-საჩვენებელ სახელოსნოდ იქნა აღიარებული.

1871—1872 სასწავლო წლის დასაწყისში თბილისის სახელოსნო სასწავლებელს ჰქონდა სამი ძირითადი სახელოსნო: სადურგლო, საზეინკლო და სამკვდლო. ამისდა მიხედვით ამზადებდა კვალიფიციურებულ დურგლებს, ზეინკლებსა და მკვდლებს. სწავლის ხანგრძლივობა პირველ ხანად იყო 2 წლიანი, შემდეგ 3 წლიანი, ხოლო 80-იანი წლების დასაწყისიდან კი თბილისის სახელოსნო

სასწავლებელში შემოდებულ იყო ოთხი კლასი სწავლების 4 წლიანი კურსით.

1871 წელს თბილისის სახელოსნო სასწავლებელში სწავლობდა 32 მოსწავლე, აქედან 12 ქართველი, 9 რუსი, 10 სომეხი, შემდეგ წლებში მოსწავლეთა რიცხვი საგრძნობლად იზრდებოდა.

თბილისის სახელოსნო სასწავლებელი სასწავლო-აღმზრდელობითი მუშაობის ხაზით ექვემდებარებოდა კავკასიის ოლქის მზრუნველს, ხოლო ადმინისტრაციულად რუსეთის ტექნიკური საზოგადოების კავკასიის განყოფილების „ხელოსნობის გამაერთელებელ კომისიას“.

სოფლის მეურნეობის სხვადასხვა დარგის განვითარება საქართველოში XIX საუკუნის წლებიდან მომდინარეობს. მართალია, ცალკეულ შეძლებულ პირებს და ჩვენში გადმოსახლებულ ზოგიერთ უცხოელ და რუს მოხელეებს უფრო ადრეც ჰქონდათ დაწყებული კულტურული მეურნეობა, მაგრამ ადგილობრივ მკვიდრთა აგროკულტურული მოძრაობა ორმოცდაათიან წლებში დაიწყო. ქართველი თავადაზნაურობისა და მემამულეთა კონსერვატული წრეები ამ მოძრაობას მტრულად შეხვდნენ გიორგი ერისთავის „გაყრის“ გმირის, ანდუყაფარ დიდებულის ძის მსგავსად, მაგრამ ეს უფრო იმიტომ, რომ ამ წრეებს ევროპული აგრონომიული ცოდნის წარმომადგენლად მიაჩნდათ ანდუყაფარის ძმის, ივანეს, მსგავსი „აგრონომები“, რომლებიც ქართულ დვინოს „გლუპოსტად“ თვლიდნენ, „ზვარში აპირებდნენ ვაზების დაქრას და იმის წილად თუთების ჩაყრას“, ანდა ვენახში სასეირნო გზების გაყვანას. არსებითად კი ყველასათვის ნათელი იყო, რომ სოფლის მეურნეობის ყველა დარგის განვითარებისათვის აუცილებელი იყო არა ცრუ-აგრონომები, არამედ ნამდვილი სასოფლო-სამეურნეო განათლებით შეიარაღებული სპეციალისტები.

სოფლის მეურნეობის დარგებიდან ყველაზე უფრო ზეტად მებაღეობა-მევენახეობაზე ზრუნავდნენ და პირველი სკოლებიც, როგორც აღვნიშნეთ, სწორედ ასეთი სპეციალობით წარმოიშვნენ.

მეღვინეობის პირველი სკოლა დააარსდა კახეთში, რამდენადაც კახეთი, როგორც უმთავრესად მეღვინეობის კუთხე, პირველ ყოვლისა, მეღვინეობის სპეციალისტებს მოითხოვდა. ჩვენამდის მოღწეული ცნობით, კახეთში, სოფ. კონდოლში (თელავის რაიონი)

1865 წლისათვის მართლაც არსებობდა მეღვინეობის სახაზინო სკოლა, რომელიც კვალიფიციურ მეღვინეებს ამზადებდა.

1866 წელს კონდოლის სკოლა ინახულა ცნობილმა მოგზაურმა, პროფესორმა ალ. პეტროლდმა.* ეს ის სკოლა უნდა იყოს, რომელიც 30-იანი წლების ნიწურულში იყო აქ (კახეთში) დაარსებული.

საკითხი სამიწათმოქმედო სკოლის დაარსების შესახებ დაისკა 1868 წელს, კავკასიის სასოფლო-სამეურნეო საზოგადოების მიერ. მაგრამ ფაქტიურად ასეთი სკოლა გაიხსნა ცოტა გვიან. 1871 წლის 20 თებერვალს, ლოქინის ხევში თბილისიდან 20 კილომეტრის მანძილზე. ლოქინის სამიწათმოქმედო სკოლის მიზანი იყო კვალიფიციური სასოფლო-სამეურნეო კადრების მომზადება მებაღეობასა, მებარეშუმეობასა, მეფუტკრეობასა, მეღვინეობასა და მეცხენეობაში. ანგვარად, ლოქინის სამიწათმოქმედო სკოლა კომბინირებული სტრუქტურის სასწავლებელი იყო. ის იპყოვებოდა კავკასიის სოფლის ნეურნეობის საზოგადოების გამგებლობაში (რომელიც მის შესანახად ყოველწლიურად ხარჯავდა 997 მანეთს).

ლოქინის სამიწათმოქმედო სკოლას, მისი საზეიმო გახსნის მომენტისათვის ჰქონდა კარგად მოწყობილი ქიმიური ლაბორატორია; საბუნებისმეტყველო კოლექციები, სამიწათმოქმედო იარაღები, სპეციალური ბიბლიოთეკა, საკმაოდ დიდი ტერიტორია საცდელი სამუშაოებისათვის, ჰყავდა აგრეთვე მუშა-საქონელი და სხვ.

დასაწყისში ლოქინის სკოლა გათვალისწინებული იყო 50 მოწაფისათვის. აქედან 20 სახელმწიფო და 30 საკუთარი ხარჯით. მისი წესდების მიხედვით: „სკოლაში ლეზულობენ ყველა მდგომარეობის ახალგაზრდებს არა უმცირეს 16 წლის ასაკისა, რომლებმაც უნდა იცოდნენ რუსული წერა-კითხვა. სწავლება სკოლაში გრძელდება 4 წელს და ითვალისწინებს როგორც სასოფლო მეურნეობის გაუქმობესებულ საშუალებათა გაცნობას, ისე მისი უმთავრესი მეცნიერული საფუძვლების შესწავლას.“**

ამის შესაფერისად ლოქინის სამიწათმოქმედო სკოლაში უნდა ესწავლათ: 1. რუსული ენა, 2. გეოგრაფია და რუსეთის ისტორია, 3. არითმეტიკა, 4. ბუნებისმეტყველება, 5. კლიმატოლოგია, 6. მიწათმოქმედება, 7. მებოსტნეობა, 8. მეველეობა, 9. მცენა-

* „Der Kaukasus“, XVI, 1836.

** „Кавказский календарь“ на 1871 г., 368.

რეთმკოდნეობა, 10. მეღვინეობა, 11. მეფუტკრეობა და მეაბრე-
შუმეობა, 12. მესაქონლეობა, 13. მეურნეობის ორგანიზაცია,
14. სასოფლო-სამეურნეო ნედლეულის დამუშავება, 15. საღვთო
სჯული“.*

ლოქინის სამიწათმოქმედო სკოლა წარმოადგენდა მაღალ-დაწ-
ყებითი სპეციალური-სასწავლებლის ტიპს. მეცადინეობა ოფიცია-
ლურად სწარმოებდა რუსულ ენაზე, მაგრამ ქართველი ყმაწვილე-
ბისათვის პირველი ორი წლის განმავლობაში იყენებდნენ ქართულ
ენასაც.

XIX საუკუნის 60-იანი წლების ტექნიკური და სასოფლო-სა-
მეურნეო სკოლები მეტად ღარიბნი იყვნენ მასწავლებელთა კად-
რებით. ზოგადი განათლების საგნებს უკეთეს შემთხვევაში ასწავ-
ლიდნენ საშუალო, მაგრამ არა პედაგოგიური განათლების მქონე
მასწავლებლები, სპეციალურ საგნებს კი, მცირეოდენ გამოწავლის
გარდა, ასწავლიდნენ უბრალო პრაქტიკოსი მუშაკები: მებაღეები,
მევენახეები, მესაქონლენი და სხვ., რომელთაც ღირსეულ წარმოდ-
გენა ჰქონდათ თავის საგნის მეცნიერული საფუძვლების შესახებ.

საერთოდ უნდა აღინიშნოს, რომ 1871 წლამდე არსებულ ტექ-
ნიკურ და სასოფლო-სამეურნეო სასწავლებლებს არ შეეძლოთ
დაეკმაყოფილებიათ ჩვენი ქვეყნის მოთხოვნილებები სპეც-ტექნი-
კური კადრების მხრივ. მათი სტრუქტურისა და სასწავლო გეგ-
მების შესწავლა გვარწმუნებს, რომ ისინი წარმოადგენდნენ მო-
სამზადებელ საფეხურს შემდეგ პერიოდში (70—80-იან წლებში
საქალაქო და სასოფლო მრეწველობის განვითარებასთან დაკავში-
რებით გაშლილი პროფ-ტექნიკური განათლებისათვის.

5. ქალთა განათლება

ქალთა აღზრდის თეორია და პრაქტიკა 60-იან წლებში საგრძ-
ნობლად შეიცვალა. თუ XIX საუკუნის პირველ ნახევარში ქალთა
აღზრდის მიზნები და ფორმები რადიკალურად განსხვავდებოდა
ვაჟთა აღზრდის მიზნებისა და ფორმებისაგან, ახლა, 60-იან წლებ-
ში, ეს განსხვავება აღზრდის მიზნების მხრივ ძალიან შემცირდა,
ხოლო აღზრდის ფორმების მხრივ კი დაყვანილ იქნა იმ ნორმა-

* „Кавк. календ“. на 1871, 368—370, „Кавказ“, 1871, № 123.

ლურ სხვადასხვაობამდე, რომელსაც მოითხოვდა ორი სხვადასხვა სქესის ბავშვთა აღზრდის ამოცანები. მართალია, 1861 წელს „ციცქარის“ კონსერვატული ჯგუფის წარმომადგენელი ალექსანდრე სულხანიშვილი წინააღმდეგი იყო საზოგადოებრივი აღზრდისა, როდესაც წერდა, „დედაკაცი საზოგადოდ არიან უკეთესად აღზრდილნი ვიდრე მამაკაცი“. იმიტომ რომ დედაკაცები ხალხს ნაკლებად ხელბიან და ამით ადვილად იცავენ თავის ზნებრივ სიწმინდეს,* მაგრამ აღნიშნულ პერიოდში ასეთი აზრები მხოლოდ ძველის ნაშთების სახით გვხვდებოდნენ. ახალი და ძირითადი ქალთა აღზრდის საქმეში გამომდინარეობდა ქალ-ვაჟთა თანასწორობის პრინციპიდან. ეს პრინციპი ქართულ ენასა და ლიტერატურას არც წინათ ეუცხოვებოდა,** მაგრამ მათი პრაქტიკული განხორციელებისათვის 60-იან წლებში დაიწყო სათანადო საზოგადოებრივი ბრძოლა. ამ ბრძოლამ ქალთა აღზრდის საკითხებშიც სპირა თავისი გამოხატულება.

1860 წელს ისტორიკოსი დიმიტრი ბაქრაძე აღნიშნავდა:

„ახლანდელი დრო მკიდროდ არის შეკავშირებული წარსულ დროსთან. როგორათაც კაცი, ისე ქალი თითქმის ისეთივე არიან საქართველოში, როგორც უწინ ყოფილან; ისევ ის სისხლი მომდინარეობს ქართველს დედათ-სქესის ძარღვებში და ისევ ის თვისებები შეადგენენ იმის ხასიათს,—თვისებები, რომლებითაც მიიქცევენ თვით ევროპიულთ საზოგადო ყურადღებას, ესე იგი—სიტურფე, სასიამოვნო საუბარი და მიმზიდავი მანერები საზოგადოებაში და გონების ნიჭიერებანი. კითხვისა და წერის სურვილი, რომელსაც აღმოაჩენენ კნ. ჯორჯაძისა და სხვანი, დიად საქებარი არის. სასურველია, რომ ჩვენი ქალები უფრო და უფრო შეეჩვივნენ კითხვასა და წერასა, კითხვა-წერა ადამიანს გონებას გაუხსნის და გონების გახსნა დაგვაყენებს კიშმარტს გზაზედა“***

* „ციცქარი“, 1961 წ., № 5.

** შოთა რუსთაველის ქალ-ვაჟთა თანასწორობის იდეას რომ თავი დავანებოთ, ქართულ ენაში დარჩენილია ისეთი გამოთქმა როგორც „დედაკაცი“. ეს ტერმინი უკვეკლია ლაპარაკობს იმის შესახებ, რომ დედა ანუ ქალი ისეთივე კაცია ანუ ადამიანი, როგორც მამა ანუ ვაჟი, მამაკაცი, ვ. ი. ქალიც და ვაჟიც თანაბარი კაცეი ანუ ადამიანები არიან. ხოლო გამოთქმები: ქალ-ვაჟი, დედ-მამა, და-ძმა, ცოლ-ქმარი, სიდედრ-სიმაჟრი ყველგან ქალს აძლევს პრიორიტეტს. პირველ რიგში ყოველთვის ქალი იხსენიება.

*** დ. ბ. ბაქრაძე „ქართველი ქალები“, გვ. 14.

„ცისკრის“ პროგრესული ჯგუფის წარმომადგენელი პეტრე ჩარეკიშვილი (ჭუთაისი) 1863 წელს, ქალთა აღზრდა-გახათლების საკითხებზე ანვითარებდა უფრო მეტად საგულისხნო აზრებს: „იმ დროში, რომელშიაც კაცის აზრნი და იდეანი სიჩქარით რცვლებიან და განიწმინდებიან ყოველთა საშუალო საუკუნეთა შეცდომილებათაგან, ამით გვაახლოვებენ ჩვენ ქვემარტებისადმი, რომელშიაც მეცნიერება და განათლება იქმონან დიდსა ნაბიჯსა წარმატებისა და განათლებისა გზაზედ, და უკანასკნელ, რომელშიც იბადებიან და დაბადებასთანვე თხოულობენ დაუყოვნებლივსა გარდაწყვეტასა მრავალნი სხვადასხვა გვარნი კითხვანი შესახებელ საზოგადოებით და სახელმწიფოთ ცხოვრებით საგნებთა, ხოლო ამით რაცსვეში პირველი უკირავს ქალის აღზრდასა“...*

ქალის პირდაპირ დანიშნულებას პეტრე ჩარეკიშვილი ხედავს არა მარტო მამაკაცის მეუღლეობაში და ოჯახისა და სახლის გონიერ მმართველობაში, არამედ მას ქალი მიაჩნია:

„გულმხურვალე დედად, აღმზრდელად ახალის ჩთამამავლობისა, რომელიც გონიერთა სიყვარულითა გახსნის და განამტკიცებს შვილებში ყოველსა უმაღლესთა სულიერთა ნიჭთა და თვისისა ცხოვრებისა მაგალითით წარუდგენს მათ მიმზიდველობითსა ყოველთა კეთილ მოქმედებათა, მოძრაობათა და რწმუნებათა“.

შეძლებ პეტრე ჩარეკიშვილი დაასკვნის:

„აქედან ცხადად ჰსჩანს თუ რა დიდნი და უაღრესნი არიან ზნეობითნი მოვალეობანი ქალისა და მაშასადამე აღსასრულებლად მათთა რაოდენათ მოუცილებელი საქირო არს მისთვის მიღებაკანონიერისა აღზრდისა, გინა განათლებისა, რომელიც აკმაყოფილებდეს ყოველთა მოთხოვნილებათა ამ ჩვენისა თანამედროულისა ცხოვრებისას“.**

პეტრე ჩარეკიშვილი იბრძვის იმ „ფერად-ფერადი“, რეგრესული აზრების წინააღმდეგ, რომლებიც ქალის დანიშნულებას ზღუდავენ მხოლოდ ოჯახის დიასახლისობით და ხელსაქმით, ეკლესიური წესების უგნური აღსრულებით, ქმრის სურვილისა და ბრძანებისადმი მონური და ბრმა მორჩილებით. ის იბრძვის ყველა იმ „დაწინაგებულ“ და „განათლებულ“ გვამთა წინააღმდეგ, რომლებიც „ფიქ-

* „ცისკარი“, 1862, II, 302.

** იქვე, 303—304.

რობენ, თუ აღზრდა ქალისა მდგომარეობს ამაში, რომ იმას შეეძლოს ბრწყინვალედ გამოჩენა საზოგადოებაში... ტრატარი ფრანციუტულსა ენაზედ". ჩარეჟიშვილს არ მიაჩნია ქალისათვის საკმარისად „ტურფად მიხრა-მოსრა, კვკლუკად ტანცაობა, ალერსიანად შეხვედრა... და... ცოდნა როგორმე ფორტეპიანის დაკვირისა“.* ის ქალისათვის როგორც ვხედავთ, მოითხოვს ისეთ კანონიერ აღზრდა-განათლებას, რომელიც უნდა შეეფერებოდეს და აკმაყოფილებდეს მისი პერიოდის, ე. ი. XIX საუკუნის 60-იანი წლების ყოველ მოთხოვნილებას.

რაში მდგომარეობს ეს „კანონიერი“ აღზრდა კონკრეტულად? პ. ჩარეჟიშვილი, როგორც პროგრესულად მოაზრე და განათლებული მოქალაქე, მეცნაერული სისწორით არკვევს მის შინაარსს. ის წერს:

„კანონიერი აღზრდა ქალისა მდგომარეობს პარალელურ გახსნასა შინა სამთა მათ ელემენტთა ესე იგი ფიზიკურთა ზნეობითთა, გონებითთა ნიქთა და ძალთა მისთა“**.

ფიზიკური აღზრდა ქალისა, ჩარეჟიშვილის აზრით, აუცილებელია, უპირველეს ყოვლისა, საოჯახო დიასახლისობისა, ჯანსაღი შვილის შობისა და დედობრივი მოვალებობის შესრულებისათვის, ზნეობრივი აღზრდა-მორალური სიმტკიცისათვის, ხოლო გონებრივი განათლების შესახებ წერს შემდეგს:

„გონებით გახსნა ქალისათვის საჭიროა მარტო იმისათვის კი არა, რომ გონიერად და საადვილოთ მართოს და განაგოს თავისი ოჯახებრივი მოვალებობა, არამედ იმისთვისაც, რათა პირველს დაწყებითს შვილის აღზრდაში გადასცეს იმათ ნამდვილი და უტყუარი ცნებანი სხვადასხვა ნივთებზედ; ამისათვის უსაჭიროესი არს, რომ თვითონ მან წინათვე იქონიოს კანონიერი და სწორე შეხედვა ყოველ ქვეყნის საგანზედ, რომ ყოველს ნივთს უწოდოს თავისი საკუთარი სახელი და მაშასადამე ყოველს ნივთზედ იქონიოს სწორე და შეუცდლომელი სჯა. ხოლო ამავების შეძენა არ შეიძლება, თუ კაცს არა აქვს გონება გახსნილი და ესრეთი გახსნა შეიძლება ხოლოთ სწავლისა და მეცნიერების გაცნობით და შესწავლით“***.

* „ცისკარი“, 303—304.

** იქვე, 304.

*** იქვე, 1863, № 2, 302.

შემდეგ პეტრე ჩარეჭიშვილი აღნიშნავს, რომ ამიერკავკასიის ქალთა სასწავლებლები: ინსტიტუტი და „ზავეღუნიები“ სრულწილად ვერ ასრულებენ ქალთა რაციონალური აღზრდის საქმეს ვერც ფიზიკური, ვერც ზნეობრივი და ვერც გონებრივი აღზრდა-განათლების მსრავ. ეს გარეწობა დიდ საზოგადოებრივ პროტესტებად წიანია მას განსაკუთრებით იმიტომ, რომ ფიზიკურად, ზნეობრივად და გონებრივად ჩამორჩენილი ქალი არ გამოდგება თავისი შვილების ანუ ჩვენი მომავალი თაობის წესიერად აღზრდისათვის. ასეთი ქალები სწორედ იმ მხრივ დააძახინებენ ჩვენ თაობას, რა მხრივაც ისინი ჩამორჩენილი არიან, ე. ი. ფიზიკურად, ზნეობრივად და გონიერულად; ეს კი ჩვენი მომავლის სრულ დაღუპვას მოასწავებს.

ჩარეჭიშვილმა იცის ის პედაგოგიური ქემმარიტება, რომ ბავშვი როგორც ნაზარდი არსი, ადვილად ექვემდებარება ოჯახურ წრეს, უფრო ნელად კი დედის ზეგავლენას. „სიტყვა-პასუხი, ყოფა-ქცევა და მოქმედება მშობელთა შინაუთა უნებურად დაინერგება და აღიბეჭდება ჩვილ და ადვილად მიმღებელ ყმაწვილთა ხასიათზე“, წერს იგი, და მტკიცედ მოითხოვს, რომ ქალიშვილი, როგორც მომავალი დედა, უნდა იქოს უქვეყლად საფუძვლიანად აღზრდილი და განათლებული. პეტრე ჩარეჭიშვილი არ კნაყოფილდება ქალთა აღზრდა-განათლების ზოგადი მიზნებისა და ამოცანების დასახვათ. მან იცის, რომ ამ მიზნების მიღწევა შეიძლება ხოლო მეცნიერული ცოდნის შეძენით, ყველა ძირითადი მეცნიერული დისციპლინის შესწავლით „სრული ენციკლოპედიური განათლებით“, როგორც წერს იგი, და ჩამოთვლის იმ დისციპლინებს, რომლებიც, მისი აზრით, უნდა შედიოდნენ ქალთა აღზრდის წრეში: ესენი არიან:

1. „ისტორია, როგორც მიჩვენებელი მრთელისა განვლილისა ცხოვრებისა“.
2. „გეოგრაფია, განუშორებელი თანამეაწე ისტორიისა...“
3. „ბუნებითი სწავლანი (საგნები, ესე იგი ბიოლოგია, ბოტანიკა, მინერალოგია, ფიზიკა, ხიმია, და ფიზიალოგია, როგორც ძაჩქერებელნი რაოდენ სცნა კაცმან ბუნებაი და ყოველნი ძალნი მისნი“.
4. „ართმეტრიკა, ალგებრა და გეომეტრია, როგორც უადვილესად გამხსნელნი გონებითა ნიჭითა ჩვენთა“.
5. სახალხო გიგიენა და ფიზიკური აღზრდა.
6. ხელსაქმე, ე. ი. ქრთ-კერვა და აგრეთვე ერთ-ერთ საგნად ავტორის აზრით იგულისხმება.
7. საქრისტიანო მოძღვრება.

ასე ფართოდ ატყვს წარმოდგენილი პ. ჩარეჟიშვილს სასკოლო-
 ზაგანმანათლებლო საგნების ნომენკლატურა. თუ გაეითვალისწინ-
 ნებთ, რომ ამავე წერილში ავტორი ეხება მშობლიური ენისა
 და ლიტერატურის სწავლის აუცილებლობასაც, სავსებით ნა-
 თული შეიქნება რაოდენ პროგრესულად სანდერავს იგი ძირითად
 მეცნიერებათა რიგს, რომლის შესწავლაც უნდა უზრუნველყოს
 საშუალო სკოლამ საერთოდ და კერძოდ კი ქალთა საშუალო სას-
 წავლებლებმა. მხოლოდ ამ „სრული ენციკლოპედიური განათლე-
 ბის“ გზით ნიაჩნია მის შესაძლოდ ქალთა საზოგადოებრივ-კულტუ-
 რული განთავისუფლება და მაჟი აქტიურა ვათანასწორება მამა-
 კაცებთან: „მხოლოდ ესრეათა განათლებისა მას შეუძლიან გან-
 თავისუფლება იმ მონებიდამ, რომელშიაც არიან ეხლა
 აზიულის ჩვეულებისაგან, და შაშინ მოიპოვიან თავის
 სრულს ღირსებას, სიმართლესა, პატივს თანასწორ მამაკაც-
 თა, რომელსაც ეხლა სრულებით მოკლებულნი არიან“...

ასეთია პეტრე ჩარეჟიშვილის მეტად საგულსხნო და მეცნიე-
 რული სტატია ქალთა განათლების შესახებ, ასეთია ის უაღრესად
 შოწინაუე იდეები, რომელიც მან საფუძვლად დაუდვა ქალთა
 აღზრდის საქმეს და რომლის მიხედვითაც გაარკვია ქალის დიდი
 საზოგადოებრივი და კულტურული როლი საერთოდ, კერძოდ კი
 მალგაზრდობის აღზრდის საქმეში და, მაშასადამე, პედაგოგიური
 მოღვაწეობის დარგში.

ქალთა ზოგადი განათლების ღია სასწავლებელთა ქსელი რუსეთის
 იმპერიანი გაიშალა XIX ს. 60-იანი წლებიდან. 1860 წლის სპეცია-
 ლური დებულებით დაწესებულ იქნა ქალთა სასწავლებლების ორი
 ტიპი: პირველი თანრიგისა 6 წლიანი კურსით და მეორე თანრი-
 გისა—3 წლიანი კურსით, 1862 წლიდან შემოდის დედოფალ მარია-
 მის სახელობის ქალთა გიმნაზიები, სწავლების 7 წლიანი კურსით.

საქართველოში, XIX საუკუნის 60-იან წლებში, ქალთა ღია
 სასწავლებლების გახსნა კვლავ კერძო ინიციატივით დაიწყო. ჟურ-
 ნალი „ცისკარი“ და გაზეთი „Кавказ“-ი 1861—63 წლებში სის-
 ტემატურად ათავსებდნენ წერილებს ქალთა განათლებისა და სკო-

* „ცისკარი“, 1867, II, 308

ლების შესახებ. მოითხოვდნენ ქალთა სახალხო, სამოქალაქო ტიპის სკოლებს და გიმნაზიებსაც კი*.

1860—1865 წლებში ქალთა ელემენტარული სკოლები ადგილობრივი მოსახლეობის დემოკრატიული ფენებისათვის გაიხსნა თბილისში „საქველმოქმედო საზოგადოების მიერ“. პირველი ქალთა სკოლა მან გახსნა 1860 წელს ავლაბარში, ხოლო 1862 წელს კი დამატებით 4 სკოლა „ულარიბესი მშობლების ბავშვთა უფასოთ სწავლებისათვის“: პირველი — ვერაზე, მეორე — მამადავითის, მესამე — სომხის ბაზრის (ახლა ლესელიძის ქ.) და მეოთხე — კუკიის უბანში**. ამ სკოლებში ასწავლიდნენ წერა-კითხვას რუსულ და მშობლიურ ენებზე, არითმეტიკას, საღვთო სჯულს და „განსაკუთრებით ქალის საოჯახო საქმეებს“ (ე. ი. კრა-კერვა, ბელსაქმე).

თბილისის საქველმოქმედო საზოგადოების სკოლებში იღებდნენ გოგონებს 8—13 წლის ასაკში. 1862 წლის მაისში ამ ზემოაღნიშნულ 5 სკოლაში სწავლობდა 86 გოგონა. აქედან ქართველი 23, სომეხი 31, რუსი 26, გერმანელი 3 და პოლონელი 3. თბილისის საქველმოქმედო საზოგადოებამ შემდეგ წლებში (1866—70) გახსნა კიდევ 5 სკოლა. ოთხი ქალთა: ნავთლულში, ხარტუხში, მუხრანსკის (ახლა — ბარათაშვილის) ხიდთან და ბარიატინსკას (ახლა — ჯორჯიაშვილის) ქუჩაზე, და ერთი ვაჟთა „კალიუჩი ბალკა“-ს (ახლა მოსკოვის ქუჩის) უბანში. 1870 წელს ამ ვაჟთა სკოლასთან გაიხსნა ქალთა განყოფილებაც. 1870 წლისათვის აღნიშნულ საზოგადოებას ჰქონდა სულ 9 სკოლა 380 მოწაფით.

1865 წელს ქალთა ელემენტარული სკოლა გაიხსნა აგრეთვე ქუთაისში ქუთაისის გუბერნატორის მეუღლის ს. ი. მირსკაიას მზრუნველობით. პირველი 5 წლის განმავლობაში ამ სკოლაში სწავლობდა 109 გოგონა. (გ. წერეთელი. თხზ. სრ. კრებ., I, 74—75).

1865 წელს თბილისში დაარსდა ქალთა I თანრიგის ღია სახელმწიფო სასწავლებელი, პედაგოგიური ციკლით (იხ. აქვე იხავე „პედაგოგიური განათლება“).

1867 წლის 1 სექტემბრიდან გორის სამაზრო სასწავლებელთან გაიხსნა ე. წ. „ნასადილევის კლასები“ ქალთათვის. ასწავლიდნენ სამაზრო სასწავლებლის მასწავლებლები ამავე სასწავლებლის გვე-

* „Кавказ“, 1862, №№ 55, 56 (Е. Михайлова — „О воспитании женщин“).

** იქვე, 1862, №№ 6, 22.

წით და პროგრამით. 1868 წელს ასეთივე „ნასადილევის კლასები“ ქალთათვის გაიხსნა დუშეთში დუშეთ-თიანეთის დაწყებით სასწავლებელთან. ამ „კლასებში“ მეცადინეობა სწარმოებდა ნასადილევს (სასწავლებლის ძირითადი კონტიგენტის (ვაჟების) მეცადინეობის დამთავრების შემდეგ), სწავლა იყო სამ წლიანი.

1866 წელს ქ. თელავში გაიხსნა წმ. ნინოს სახელობის ქალთა ზაზოვადოების სასწავლებელი (თბილისისა და ქუთაისის ასეთივე სასწავლებლების სტრუქტურით, გეგმით და პროგრამით). 1867 წლიდან თელავის წმ. ნინოს სასწავლებელი ე რ ე კ ლ ე II სასახლეში იყო მოთავსებული.

ხელოსნური წარმოების გაერცელებასთან დაკავშირებით 1868 წელს ნიკოლოზის სახელობის თბილისის სასწავლებელთან გაიხსნა ქალთა სახელოსნო განყოფილება 50 მოწაფისათვის. ეს განყოფილება მხოლოდ საოჯახო ძელსაქმის სწავლებით ისაზღვრებოდა, მაგრამ შემდეგი წლიდან ის გადაკეთდა დამოუკიდებელ „ქალთა სახელოსნო სკოლად“. ამ სკოლის მიზანი იყო „ქალაქის ღარიბი მოსახლეობის ქალთა სქესის ბავშვებისათვის ელემენტარული ზოგადი განათლების მიცემა, უმთავრესად კი ხელოსნობის სწავლება, რომლითაც მათ შეეძლებათ თავის რჩენა“*.

ქალთა სახელოსნო სკოლის სასწავლო გეგმაში შედიოდა: საღვთო სჯული, რუსული ენა, მშობლიური ენა, არითმეტიკა, ისტორია (რუსეთის), გეოგრაფია (ფიზიკური და ზოგადი), ბუნებისმეტყველება, ხაზვა, სუფთა წერა; ხელოსნობიდან ასწავლიდნენ: ტანსაცმელის, თეთრეულის, ქოშებისა და ხელთათმანების კერვას; ჩანთების, ბუდეებისა და ხალათების კერვას, სამკინძო საქმეს და სხვა წერილმან ხელობას. ქალთა სახელოსნო სკოლაში იღებდნენ ვაგონებს 10 წლის ასაკს ზევით. სკოლა შეიკავდა 4 კლასს (ოთხწლიან კურსს).

რწიანი წლების დამლევადან ქალთა სახელმწიფო სასწავლებლების დაარსებას შეუდგნენ აგრეთვე საქართველოს პროვინციის ქალაქებშიც. პირველი ასეთი სასწავლებელი 1870 წელს დაარსდა ქ. სოხუშში. შემდეგი წლიდან ის ქალთა პროვინციაში გადაკეთდა. 1870 წელს ქალთა სასწავლებლები დაარსდნენ აგრეთვე ფოთში და ონში; შემდეგ წლებში კი ყველა დაბაში.

* „Кавказ“, 1869, № 53.

XIX საუკუნის 60-იანი წლების ქალთა განათლების გავრცელების საქმეში სათანადო როლი ითამაშა აგრეთვე სამღვდლოებამ ე. წ. „სასულიერო წოდების ქალთა სასწავლებლების“ შემოღებით.

სასულიერო წოდების ქალთა სასწავლებლების დაარსებას რუსეთის იმპერიაში შეუდგნენ 1843 წლიდან. მათი დაარსებით მხედველობაში ჰქონდათ არა იმდენად ქალთა განათლება საერთოდ, რამდენადაც სასულიერო სემინარიების კურსდამთავრებულთათვის, ე. ი. მომავალ მღვდელთათვის, სათანადოდ განათლებული და მოუჯახე ცოლების მომზადება. პირველი ასეთი სასწავლებელი რუსეთში დაარსდა 1843 წელს—ცარსკოე სელოში, შედგგ იროსლავოში (1846 წ.) და სხვაგან. 1866 წლისათვის, აღნიშნულ სასწავლებელთა რიცხვი რუსეთის ყველა ეპარქიაში აღწევდა 30-მდის. მოსწავლეთა რიცხვი კი 2.000-მდის.

1849 წელს 28 ოქტომბერს პეტერბურგის მიტროპოლიტ ისიდორე სწერდა შუამთის (ქახეთი) წინამძღვარს არქიმანდრიტ კრისტეფორეს: „ვღებულობ რა მხედველობაში, რომ საქართველოს ეპარქიაში არ არის არავითარი სასწავლებელი, სადაც ქალთა სქესის ობლებს, რომელთაც არა ჰყავთ ახლო ნათესავება, შეეძლოთ თავის შეფარება და წესიერი აღზრდის მიღება, ესთელი ძალიან საკიროდ და სასარგებლოდ მოსწყოს ასეთი სასწავლებელი სანთავროს დედათა საეანესთან. მიენდოს ნოლოზნებს ამ ობლებზე შზრუნველობა და მათთვის წერა-კითხვისა და ხეიარიანი ხელსაქმის სწავლება“,* მაგრამ ამ საქმის პრაქტიკულად ზოგეარებამ 17 წლად დაიგვიანა. მხოლოდ 1865 წელს, ქართველი სამღვდლოების ინაუციაციით, საქართველოს ეგზარხოსნა ევსევიმ აღძრა შუამდგომლობა უწმინდესი სინოდის წინაშე—მცხეთის სამთავროს დედათა მონასტერთან „სასულიერო წოდების ქალთა ქართულ სასწავლებლის“ დაარსების შესახებ—გაუართოებული პროგრანით.

1866 წლის 4 იანვარს უწმინდესმა სინოდმა დაამტკიცა საქართველოს ეგზარხოსის—ევსევის—შუამდგომლობა და სასწავლებელი ფაქტიურად გაიხსნა იმავე წლის მარტში. მიღებულ იქნა 20 მოსწავლე, უმთავრესად ღარიბი და ობოლი სასულიერო წრის გოგონები 9—12 წ. ასაკისა. სასწავლებელთან არსებობდა პანსიონი. როგორც სასწავლებელი, ისე პანსიონი ინახებოდა სინოდის ხარჯზე.

* Еп. Кирион — „Краткий очерк истории Груз. церкви“, 189

აღნიშნული სასწავლებლის მიზანს შეადგენდა „მტკიცე მართლმადიდებელ ქრისტიან ქალთა აღზრდა, რომლებიც მართლწოდებულ მღწეობით უნდა ენახებოდნენ ეკლესიას და ოჯახს“.

მცხეთის სამთავროს დედათა მონასტერთან არსებული ქალთა სასწავლებელი იმყოფებოდა კავკასიაში მეფის შოადგილის მეუღლის, ოლგა თეოდორეს ასულის, მზრუნველობის ქვეშ, ხოლო მწართველობის წბრივ ის ექვემდებარებოდა საქართველოს საეპარქიო სამმართველოს, სასწავლებლის სათავეში იდგა აღნიშნული მონასტრის იღუმენი, რომელსაც ჰყავდა შოადგილედ სასწავლებლის ზედამხედველი ქალი; სწავლის კურსი მცხეთის ქალთა სასწავლებელში განისაზღვრებოდა ექვსი წლით. სასწავლებელი შეიცავდა სამ კლასს: დაბალს, საშუალოს და მაღალს. ამავე დროს თვის იგივე კლასში სწავლა ორ-ორი წლით განისაზღვრებოდა.

სასწავლო გეგმა, რომელიც დადგენილი იყო სასწავლებლის დებულებების 16-მ მუხლით,* შედგებოდა შემდეგი საგნებისაგან: საღვთო სჯული, ეკლესიის, განსაკუთრებით ქართული ეკლესიის ისტორია, ქართული ენა (საეკლესიო და საწოქალაქო), რუსული, ნაწილობრივ სლავიანური საეკლესიო ენა, ანგარიში, გეგრაფია (განსაკუთრებით რუსეთისა და საქართველოსი), რუსეთისა და, უპირატესად, საქართველოს ისტორია, საეკლესიო გალობა რუსულ და ქართულ ენებზე, სუფთა წერა, ხელსაქმე სხვადასხვა სახისა და მეოჯახეობა.

მცხეთის ქალთა სასწავლებელში ნასწავლებლობა და დანრიგებლობა შეეძლოთ ცხებითა ტაძრისა და სამთავროს დედათა მონასტრის მრეველ-მონაზონებს და სხვა, შესაფერისი განათლების მქონე პირებს, მაგრამ ყველაზე მეტი უპირატესობა ამ თანამდებობაზე დასანიშნავად ერლეოდა თბილისის წმ. ნინოს სახელობის ქალთა სასწავლებლის კუროსდამთავრებულთ.

ცალკე უნდა აღინიშნოს მცხეთის ქალთა სასწავლებელში შემოღებული სწავლების პრინციპები, რაც განსაზღვრული იყო ამავე სასწავლებლის წესდების 32-ე მუხლით: „საერთოდ, სასწავლო ნაწილის ხაზით, უფროსები და მასწავლებლები უნდა სცდილობდნენ, რომ მოსწავლეები სასწავლო საგნებს ითვისებდნენ არა იმდენად მეხსიერებითა და ზეპირი დასწავლით, რაწდენადაც გონებითა და

* „საქართველოს საეკლ. მახარობელი“, 1866, №., 153

გულით, აზროვნების საშუალებით და საკუთარი შემეცნებისა და დარწმუნების გზით*.

—

როგორც ვხედავთ ქალთა სასწავლებელთა ქსელი ჯერ კიდევ ძალიან სუსტია XIX საუკუნის 60-იან წლებში. მაგრამ უფრო სუსტია ამ სასწავლებელთა აღმზრდელობითი და საგანმანათლებლო როლი. 60-იანი წლების ქართული და რუსული პერიოდული პრესა არა ერთხელ აღნიშნავდა იმ ფაქტს, რომ ამ პერაოდის ქალთა სასწავლებელნი ძალიან შორს იდგნენ თავის დანიშნულებისაგან. 1866 წელს გაზეთ „Кавказ“-ის ერთი თანამშრომელი, რუსული მაგარი ნიშნის (ზ) ფსევდონიმით, წერდა:

„რალა უნდა ითქვას ქალთა სასწავლებლების ხასიათისა და მიზნების შესახებ? ისინი უმწეონი არიან როგორც მეცნიერული, ისე პრაქტიკული თვალსაზრისით. ბევრი მათგანი დიდი ხანია არსებობს, მაგრამ ცხოვრებაზე მათი გავლენა ან უმნიშვნელოა ან საზიანო**.

განსაკუთრებით ილაშქრებდნენ ამიერკავკასიის კეთილშობილ ქალთა ინსტიტუტის წინააღმდეგ, რომელიც 1863 წლიდან 7 კლასს შეიცავდა. ამ ინსტიტუტში კურსდამთავრებულიო, წერდა იგივე ავტორი, „არ შეიძლება იყოს კარგი დიასახლისი, ან კარგი მეუღლე — ეს თითქმის საყოველთაო აზრია“. შემდგ გაზეთი ასკვნიდა: „მოგვეციო კარგი დედები და მეუღლენი თუნდაც ფრანგული ენისა და კოხტა მანერების გარეშე. მოგვეციო ზევ ქალები, რომელთაც შეეძლებაო თავიანთი მოწოდების მნიშვნელობის გაგება, დაფასება“***.

ასეთი იყო საქართველოს მოწინავე აღამიანთა აზრი ქალთა დაბურული და ოფიციალური სასწავლებლების შესახებ, აზრი მართლაც საყოველთაო, სავსებით სწორი და მიუდგომელი.

6. სსსქოლო ქსელი

XIX საუკუნის 60-იანი წლების პირველ ნახევარში სახელმწიფო სკოლების რიცხვს გარდა ერთი, პირველი თანრიგის ქალთა სასწავლებელისა, (1865 წელი), რომელსაც,

* „საქართველოს საეკლ. მახარებელი“, 1866, № 157.

** „Кавказ“. 1866, № 34.

*** იქვე, 1866, № 34.

როგორც ვწერდით, ვეხებით, უფრო დაწვრილებით, მომდგენო
თავში („ბედაგოგიური განათლება“), მიემატა რამდენიმე დაწყებითი
სკოლა მთელ საქართველოში. ცალკე საზოგადოებათა სკოლებიდან
აღსანიშნავია: 30-მდე ელემენტარული სკოლა „კავკასიაში მართლ-
მადიდებელი ქრისტიანობის აღმდგენი საზოგადოებისა“, რომელიც
1860 წელს დაარსდა, 5 დაწყებითი სკოლა თბილისის „საქველ-
მოქმედო საზოგადოებისა“ და ერთი სამხატვრო სკოლა „ხელოვნების
გამაერთელებელი საზოგადოებისა“ (1864).

არსებულ სახელმწიფო სასწავლებელთა ნომენკლატურაში შე-
ვიდა მცირეოდენი ცვლილება: 1865 წელს, თბილისის სამაზრო კო-
პერციული სასწავლებელი, სრულიად რუსეთის 1864 წლის „გიმ-
ნაზიებისა და პროგიმნაზიების წესდების“ მიხედვით, როგორც
ვწერდით, გადაკეთდა რეალურ გიმნაზიად,* ხოლო თბილისის
საგუბერნიო გიმნაზია გადაკეთდა ნახევარკლასიკურ გიმნა-
ზიად, ერთი ძველი (ლათინური) ენით.

სამხედრო ნაწილებთან (პოლკებთან, ბატალიონებთან) არსე-
ბული სკოლების შესახებ უნდა ითქვას, რომ მათი რიცხვი 60-იან
წლებში იმდენად არ გაზრდილა, რამდენადაც განიცადეს. სათა-
ნალო ცვლილებები დანიშნულებისა და სტრუქტურის მხრივ. ახა-
ლი სკოლებიდან აღსანიშნავია: 1862 წელს, ზუგდიდში მდგარ სა-
საზღვრო, № 31, ათასეულთან (ბატალიონთან) გახსნილი „სამ-
ხედრო მოსწავლეთა სკოლა“,** რომელიც შეიკავედა ორ მოსამ-
ზადებელ, პირველ და მეორე კლასებს. ასწავლიდნენ საღეთო
სკოლას, რუსულ და ქართულ ენებს, არითმეტიკას, სუფთა წერას,
მაზას, გიმნასტიკას და სიპურას (გალობას). პირველი წლის დამ-
ლეც ამ სკოლაში სწავლობდა 58 მოწაფე. მათგან ქართველი 55

* ადგილობრივი ოფიციალური პრესა და თანამდებობის პირები კი კომერ-
ციული სასწავლებლის გადაკეთებას რეალურ გიმნაზიად მიაწერდნენ მხოლოდ
კავკასიის მეფისნაცვლის ნება-სურვილს:

„მისმა იმპერატორობითი უმაღლესობამ კავკასიის მიუხანაცვალმა, თბილი-
სის საგუბერნიო განმზახიაში მოწაფეთა დიდძალი რიცხვის მოგროვების შედე-
გად გამოწვეული სიმწიფეების დაძლევა მიხნათ და აგრეთვე იმისათვის, რომ
თბილისისა და, საერთოდ, ამიერკავკასიის ყმწვილკაცობას გაუადვილდეს იმპე-
რიის უმაღლეს სპეციალურ სასწავლებლებში შესვლა და გავრცელებს ამ მხარეში
ზუსტ მეცნიერებათა ცოდნა, —ინება სასარგებლოდ ეწეო თბილისის სამაზრო კო-
პერციული სასწავლებლის ახლავე გადაკეთება ოფალურ გიმნაზიად“ („Кавказ“,
1865, № № 59, 73).

** „Кавказ“, 1863, № 42.

(51 მეგრელი და 4 იმერელი), რუსი 3. წოდებრივად: თავადაზნაურთა შვილები—45, სასულიერო წოდების—7, გლეხების—6. სკოლის სათავეში იღვა ბატალიონის ოფიცერი. საშეჯურნეო ნაწილში სკოლა ემორჩილებოდა ბატალიონს, სასწავლო ნაწილში კი ქუთაისის გუბერნიის სკოლების დირექტორს.

ასეთივე ტიპის სასწავლებელი „დაწყებითი სამხედრო სკოლის“ სახელწოდებით, გაიხსნა აგრეთვე ქუთაისის პოლკთან.

1862 წელს, თბილისში. სახაზინო ხარჯზე დაარსდა საზაზრო სასწავლებელთა ტიპის „სამხედრო სასწავლებელი“*. ეს სასწავლებელი ამზადებდა დაბალი რანგის ოფიცრებს (უნტერ-ოფიცრებს), სამხედრო მწერლებს, მომიჯნეებს, მრწისმზომელთა თანაშემწეებს, ტოპოგრაფებს. ანგვარად, ამ სასწავლებელს დაეკისრა საზიჯნო სასწავლებლის ფუნქციებიც და ამის გამო თბილისის საზიჯნო სასწავლებელში იმავე 1862 წელს შეწყდა ახალ მოწაფეთა მიღება, ხოლო 3 წლის შემდეგ დაიხურა. პირველად თბილისის სამხედრო სასწავლებლის სახაზინო ხარჯზე მყოფი კონტინგენტი განისაზღვრა 50 კაცით, თავის ხარჯზე წყოდეთა რიცხვი კი დამოკიდებული იყო შენობის სივრცეზე, ხოლო ერთი წლის შემდეგ ამ სასწავლებლის დებულების მე-2 მუხლით, სახაზინო ხარჯზე მყოფ ნაწილში რიცხვი გადიდა 155 კაცამდე, თავის ხარჯზე მყოფთა რიცხვი—245-მდე, გარედან მოსიარულეთა რიცხვი კი 100-მდე. თავის ხარჯზე მყოფთათვის დაწესებული იქნა წლიური გადასახადი 75 მანეთის რაოდენობით. თბილისის სამხედრო სასწავლებელში იღებდნენ ყველა წოდების ასალგაზრდებს. მაგრამ რამდენადაც სწავლა ნოლოდ რუსულ ენაზე სწარმოებდა, იმდენად ქართველი ბავშვები, პირველ ხანად, ნაკლებად შედიოდნენ ამ სასწავლებელში.

კავკასიის არმიისათვის ოფიცერთა მომზადების საჭიროებამ გამოიწვია აგრეთვე თბილისში საინჟინრო სკოლის დაარსება 1866 წელს. სკოლა ექვემდებარებოდა კავკასიის სამხედრო ოლქს.

XIX საუკუნის 60-იანი წლების მკორე ნახევრიდან სრულიად რუსეთის სახალხო სკოლების 1864 წლის დებულების გამოქვეყნების შემდეგ, სამხედრო ნაწილებთან არსებული სკოლები („სამხედრო მოსწავლეთა სკოლები“), რომლებიც ამ პერიოდში, არსებითად, ზოგადი განათლების ელემენტარულ სკოლებს წარმოადგენდნენ, თანდათან ეყოფოდნენ სამხედრო ნაწილებს და აღნიშ-

* „Кавказ“, 1862, № 91.

ნული დებულების მიხედვით გადადიოვნენ სახელმწიფო ორგანოების ან საზოგადოებათა გამგებლობაში. 1875 წლისათვის ეს პროცესი სავსებით დამთავრდა.

კერძო სკოლებისა და პანსიონების რიცხვი უფრო მეტი სისწრაფით იზრდებოდა 60-იან წლებში. მიზეზი ნათელია: სახელმწიფო და ოფიციალური სკოლების სიმცირე განათლებაზე ხალხის მზარდ მოთხოვნილებათან შედარებით.

1862 წელს თბილისში დაარსდა ვაჟთა ახალი პანსიონი. დამაარსებელი იყო დავით ყიფიანი, რომელსაც დამთავრებული ჰქონდა პეტერბურგის უნივერსიტეტი კანდიდატის ხარისხით. ყიფიანის პანსიონი მუშაობდა გინნაზიის პროგრამით და გაზ. „ქვეყანა“-ის 1862, № 98 გადმოცენით უზრუნველყოფილი იყო საუკეთესო მასწავლებლებით.

60-იანი წლების მანძილზე თბილისში გაიხსნა აგრეთვე: ხატუნოვსკის ქვრივის ქალთა პანსიონი (1860), ტერ-აკოფოვის ვაჟთა პანსიონი (1862), ხლამოვის ვაჟთა პანსიონი (1863); აგრძელებენ არსებობას ფაერის ქალთა პანსიონი, ბიუს-ვაჟთა პანსიონი, გაკესა და კანონიჩის ვაჟთა პანსიონი*, შინიუს-ქალთა და ვაჟთა პანსიონი და სხვ. 1867 წელს მეცნიერების კანდიდატმა მონასტირცევმა და აღნიშნულმა ტერ-აკოფოვმა ამ უკანასკნელის პანსიონის ბაზაზე გაიხსნეს კერძო გინნაზია, თბილისის სახელმწიფო ნახევარკლასიკური გინნაზიის პროგრამით.

60-იან წლებში თბილისში დაარსდა აგრეთვე ორი ფრანგული კერძო სკოლა-პანსიონი. ამ პერიოდში ფრანგული ენა, რუსული ენის პარალელურად, მაღალი ქართველი არისტოკრატის სალაპარაკო ენად იქცა. ასევე იოჰანის თბილისის ნსახური რუსი არისტოკრატის ოჯახების შესახებ, რომლებიც ცენტრალური რუსეთის თავად-აზნაურობისა და ბიუროკრატის მსგავსად ფრანგულ ენაზე სცვლიდა თავის მშობლიურ ენას. ამის გამო თბილისში ფართოდ გავრცელდა ფრანგული ენის ცოდნა. 60-იანი წლების პრესაში ხშირად აცხადებდნენ ფრანგული ენის მასწავლებელთა საკურობების და უფრო ხშირად კი ამ ენის სწავლების შესახებ. მაგრამ ინდივიდუური წესით ფრანგული ენის სწავლება არ აკმაყოფილებდა საამისო მოთხოვნილებებს. ამ გარემოებამ გამოიწვია

* დაიხურა 18 7 წელს.

ფრანგული სკოლის (მოპაეალი ლიკეუმის) დაარსება თბილისში 1864 წელს*.

ფრანგულ სკოლაში პირველ წელს ასწავლიდნენ: ფრანგულ ენას (უმთავრესად), რუსულ ენას, ხატვას და ელემენტარულ კურსის ისტორიიდან, გეოგრაფიიდან და არითმეტიკიდან (შემდეგ წლებში ამ საგნების სწავლება ფრანგულ ენაზე უნდა წარმოებულყო და მართლაც ლიკეუმში ყველა საგანს ფრანგულად სწავლობდნენ. მეორე წელს (მეორე კლასში) ემატებოდა გერმანული ენა, მესამე წელს ინგლისური. სწავლების კურსი, ამგვარად, 3 წელს გრძელდებოდა და ანზადებდა მოწაფეებს გიმნაზიის მე-4 კლასისათვის).

ფრანგული სკოლის დამაარსებელი თბილისში (1864 წელს) იყო პოქ. შარლე, რომელიც ამავე დროს ასწავლიდა ფრანგულ ენასა და ლიტერატურას.

შარლეს სკოლა პირველ წელსავე შეივსო, მაგრამ ფრანგული ენის სწავლის მსურველები კიდევ ბლომად იყვნენ თბილისში. ამ გარემოებამ გამოიწვია 1867 წელს მეორე ფრანგული ენის სკოლის (კლასების) დაარსება პოქ. ფულკის მიერ.

ფულკის ფრანგული სკოლა უმთავრეს ყურადღებას აქცევდა ენის შესწავლას და ნაკლებად იყო დაინტერესებული ზოგადი განათლების საგნებით. მას უფრო პრაქტიკული ხასიათი ჰქონდა. მოსწავლეები პატარა ჯგუფებად იყვნენ დაყოფილი და ფრანგულ ენის შესწავლაში უფრო მეტ წარმატებას აღწევდნენ, ვიდრე სხვა სკოლებში.

ცალკე პანსიონები და კერძო სკოლები 60-იან წლებში დაარსდა აგრეთვე ქუთაისში, გორში, სოხუმში და სხვაგან. ცალკე პანსიონებს გარდა განათლების უწყების რუსი მოხელეები ჩვენში განსაკუთრებული გულმოდგინეობით ხსნიდნენ დასურულ პანსიონებს სხვადასხვა სასწავლებლებთან, მაგრამ არა იმდენად იმისათვის, რომ ხელი შეეწყოთ განათლების გავრცელების საქმისათვის. პანსიონები იხსნებოდა შეძლებული ფუნების ახალგაზრდობისათვის, რაც ძალიან დიდ უმცირესობას წარმოადგენდა, მაგრამ მთავარი ისაა, რომ პანსიონები იხსნებოდა ადგილობრივი ახალგაზრდობის გარუსების მიზნით. მაგალითად, 1867 წლის ანგარიშში კავკასიის სამოსწავლო ოლქის მზრუნველის მოადგილე ილიაშენკო ნწუხარებით აღნიშნავდა, რომ „თბილისშიაც კი, რომელმაც ამიერ-

* „Кавказ“, 1864, 77, 78.

კავკასიის ქალაქებიდან ყველაზე უფრო მეტად შვითვისა რუსული ცივილიზაცია, ბავშვებმა... ძალიან ცუდათ იციან რუსული ენა, ხოლო ადგილობრივი ენები კი თავისუფლად—აქედან გამომდინარეობს აუცილებლობა პანსიონების დაარსებისა საერთოდ^{*}. პანსიონებში ქართული ენა (ისე როგორც სხვა ადგილობრივი ენები) არ იყო დაშვებული. ბავშვები მოწყვეტილი იყვნენ თავის ოჯახებს, ეროვნულ წრეს, რომ დედა-ენა დავიწყებოდათ. განსაკუთრებით მოწადინებას იჩენდნენ ქალთა პანსიონების გახსნის საქმეში. შორსმკვრეტელმა კოლონიზატორებმა იცოდნენ, რომ თუ მომავალ ქართველ (და საერთოდ ყველა არარუს) დედას მშობლიური ენა არ ეცოდინებოდა, მისი შვილებიც ვეღარ ისწავლიდნენ მას ოჯახში და სკოლაც უკვე „გარუსებულ“ ბავშვებს მიიღებდა. მართალია, პანსიონებში რუსულ ენას საცესებით ვერ ეუფლებოდნენ, მაგრამ მშობლიურ ენას მართლაც ივიწყებდნენ და სწორედ ეს იყო მთავარი და არსებითი მეფის ტახტის ერთგული ბიუროკრატიისათვის.

აღმზრდელითი მუშაობას დახურულ პანსიონებში არ აწარმოებდნენ. ერთი ინსპექტორი ან ზედამხედველი ვერ სწვდებოდა ასობით პანსიონერს. 60-იანი წლების თბილისის გაზეთებში ხშირად ვხვდებით ასეთ საყვედურებს: „გიმნაზიის ინსპექტორს საქმე აქვს თითქმის 200 ბიჭთან. მას არ შეუძლია საფუძვლიანად გაეცნოს ყველა თავისი მოსწავლის სულიერ თვისებებს, რის გამოც იძულებულია განისაზღვროს მათი ჯოგური წრთვნი თ“^{**}.

მიუხედავად ამისა, არსებული სკოლები არამც თუ ქალაქად, პროვინციაშიც კი ვერ იტევდნენ სწავლის მსურველებს. 1863 წელს კონსტ. მამაციაშვილი წერდა: „ამ ვამად საქართველოს პროვინციის ყველა სკოლა, რომელიც კი დაარსებულია მთავრობის მიერ, გავსებულია მოწაფეებით“^{***}. მაგრამ ძალიან მცირე იყო მთავრობის სკოლების რიცხვი.

ყველაზე უფრო მნიშვნელოვან ფაქტორს 60-იანი წლების სახალხო განათლებაში წარმოადგენდა თვით ხალხის ინიციატივა. თუ ამ დრომდე ხშირი იყო შემთხვევა, როცა გლეხები თავის შვილებს მოსამსახურედ აძლევდნენ თავადებს, მღვდლებს, ვაქრებსა

* Циркуляр, 1869 г., № 6. 41.

** „Кавказ“, 1863, № 53.

*** იქვე, 1863, № 32.

და ბელოსნებს მხოლოდ იმისათვის, რომ წერა-კითხვა ესწავლებინათ, ახლა იმდენად გაიზარდა განათლების საჭიროება, რომ ხალხი თავისი სახსრებით და ყოველგვარი ნებართვის გარეშე ხსნიდა სკოლებს და იწვევდა ჰასწავლებლებს. ამ პერიოდის პრესაში ხშირად იბეჭდებოდა ცნობები სოფლად, ადგილობრივი ინიციატივით, სკოლის გახსნის შესახებ*. პირველი ხუთი წლის მანძილზე (1860—65) ერთიშეორეზე გაიასნა სკოლები ისეთ სოფლებში როგორც იყვნენ ველისციხე, ენისელი, შაშიანი, ხაშში, მარტყოფი, პატარძელი, ხოვლე, კავთისხევი და სხვ. დაბებში: სურამში, ცხინვალში, ზესტაფონში და მრავალ სხვა ადგილას.

თავისივე ინიციატივით აგროვებდა ხალხი ფულს სკოლების გასასწავლად. ამ მხრივ განსაკუთრებით გამოირჩეოდა იპერეთი და რაქა. ასე, მაგალითად, რაქის მაზრის გლეხობამ 1865 წელს შეაგროვა 3.308 რანეთი დაწყებითი სკოლის დასაარსებლად (მოგზაური რადე, რონელმაც საქართველო შემოიარა 1864 წელს, თავის „წინასწარ ანგარიშებში“ საგანგებოდ აღნიშნა და რაქველებისა და სვანების ზრდილობასა და განათლების ნიქს).**

სკოლების დასაარსებლად ფულს აგროვებდა აგრეთვე ხონის უბნისა და შორაპნის მაზრის გლეხობა და ქ. სიღნაღის მოსახლეობა. ასევე დიდ ინტერესს იჩენდა განათლებისადმი სამეგრელოც. 1865 წელს, კ. ბოროხდინის ცნობით, სამეგრელოს ხალხი ისე იყო მოწყურებული სწავლას, რომ „ამ საზოგადო რეფორმის დროს სოფლებში მოსახლეობამ თავისთავად გაასწავლა სკოლები“***

შედარებით, ნაკლებ აქტიობას იჩენდა ქალაქ თბილისის დემოკრატიული მოსახლეობა. აქ 60-იანი წლების პირველ ნახევარში არა ჩანს ისეთი მოძრაობა განათლებისათვის, როგორც ეს დიდ ქალაქს და საქართველო-კავკასიის ცენტრს შეეფერებოდა. თბი-

* მაგალითად, ევრნ. „ცისკარი“, 1862 წელს სარედაქციო წერილში აღნიშნავდა: „თავადმა გიორგი ქაიხოსროსძე ჯავახიშვილმა და მისმა მეუღლემ კ. მარიამ იოსებ შამაცაშვილის ასულმა გააკეთეს თავის მამულზედ თავისივე ხარჯით სახლი შვირდების მოსათავსებლად და აგრეთვე შეაზადეს ყოველივე, რაც სასწავლებელს ხლისთვის საჭირო იყო, მასწავლებლად იქცა ბინ თითონ ცოლქმარნი და სოფლის მღვდელი (№ 10, 187).

** „K a e x a z“, 1863, № 3.

*** კ. ბოროხდინი, რ. ვრისთავი, მურიე—ბატონყმა სამეგრელოში, 65.

ლისის დემოკრატიული ფენების ნრავალეროვანი შემადგენლობა, და მაშასადამე სსეადასხევა ენაზე მომეშავე, სკოლის საპროეობა, სი-
 ღარიბე, წერილი ხელონობისა და ეაქობისაკენ ლტოლვა, ურ-
 თიერთ გათიშულობა და, საერთოდ, სოციალური ინტერესების
 სეადასხევაობა ართმევედა ამ მოქრობას ერთიან, კოპპაქტურ ხა-
 სიათს და ანელებდა ბრძოლას სწელა-განათლებისათვის. მთავრო-
 ბასა და ქალაქის მშართველობას არ აწუხებდა დემოკრატიული
 მოსახლეობის უვიცობა და ჩამორჩენილობა. კავასიის სასწავლე-
 ბელთა მთავარი ინსპექტორი საქმაო ცინიზმით აღნიშნავდა თავის
 ანგარიშში 1865 წელს, რომ „თბილისში ხალხისათვის დღემდე
 არაფერი გაკეუბულა და ღარიბ ბავშვებს არ შეუძლიანთ სა-
 ყუძელიანად ისწავლონ საღვე წერა-კითხვა არა მარტო რუსულ,
 არამედ თავის მწობლიურ ენაზე“.

60 იანი წლების პირველი ნახეცრის თბილისის კერძო სკოლე-
 ბის შესახებ დარიენილი ცნობებიდან ვიციო, რომ 1862 წელს
 „ირაკლი გრუზინსკიმ დააუუძნა ორი სახალხო სასწავლებელი
 ტფილისში. ერთი ავლაბარში და ერთი ნთაწმინდაში, თავის სა-
 კუთარი ხარჯითა. ამ სასწავლებლებში ასწავლიან რუსულსა და
 ქართულსავე ენაზედ. ასწავლიან არითმეტიკასა და სხ“*. ფილიპე
 გოგიაიშვილის გადმოცემით ამ ერეკლე ბაგრატიონის (გრუ-
 ზინსკის) ერთ-ერთ აღნიშნულ სკოლაში 1862—64 წლებში ქარ-
 თულ ენას ასწავლიდა ცნობილი ლიტერატორი და პედაგოგი
 პეტრე უმიკაშვილი (1838—1904)**.

არ შეიძლება არ აღინიშნოს, რომ სკოლებისა და მასწავლეთა
 რიცხვია გადიდებისათვის ბრძოლის პარალელურად 60-იანი წლე-
 ბის ქართული პრესა და პუბლიცისტიკა არ ივიწყებდა აგრეთვე
 ბრძოლას სწავლების ხარისხისათვის. ჯერ კიდევ 1851 წელს იე-
 კერესელიძე წერდა რომ „განათლების წარმატება მოსწავლე-
 თა რიცხვში კი არ ედვომარეოას, — განათლების წარმატე-
 ბა მდგომარეობს სწავლის თვისებაში და ღირ-
 სებაში***. ასევე წერდნენ შემდეგ წლებშიც, ნაგრამ პრაქტი-
 კული ღონიძიებანი სწავლების ხარისხის ასამაღლებლად ჯერ
 კიდევ არ სჩანდა.

* „ცისკარი“, 1862, X, 197.

** პ. უმიკაშვილი — ხალხური სიტყვიერება, ფ. გოგიაიშვილის რე-
 დაქციით და წინასიტყვაობით, I, გვ. XII, 1937.

*** „ცისკარი“, 1861, VI, 344.

საქართველოს სასწავლებელთა და მოსწავლეთა რაოდენობა
1865 წლის დამლევისათვის.*

№ №	სასწავლებელთა დასახელება	თბილისის გუბ.**		ქუთაისის გუბ.		საქართველ- ოები	
		სასწავლე- ბელთა რაოდენი	მოსწავლეთა რაოდენი	სასწავლე- ბელთა რაოდენი	მოსწავლეთა რაოდენი	სასწავლე- ბელთა რაოდენი	მოსწავლეთა რაოდენი
1	გიზნაზია (ვაჟთა)	2	875	1	587	3	1462
2	სამაზრო და სოფლო სას- წავლებელი	6	675	3	520	9	1214
3	სასულიერო სემინარია (მართლმადიდებ. სარწ.)	1	170	—	—	1	170
4	სასულიერო სამ. ხ. სასწავლ.	5	194	2	79	7	273
5	სასულიერო სამრევ. სასწ.	3	329	3	384	6	713
6	წმ. ნინოს ქალთა სასწავლ.	1	132	1	78	2	210
7	კეთილშობ. ქალთა ინსტ.	1	115	—	—	1	115
8	სამხედრო სასწავლებელი	1	332	1	300	2	632
9	საფერშლო სასწავლებელი	1	120	—	—	1	120
10	დაწყებითი სასწ. (მთავრო- ბის)	6	580	7	838	13	1418
11	დაწყებითი სასწ. (სასოფლო სახოგადოებათა)	10	260	32	862	42	1122
12	სამრევლო სკოლა (ეკლე- სიებთან და ცალკე)	25	524	45	987	70	1511
13	ქრისტიანობის აღმადგ. სახოგ. სკოლა	13	274	19	353	32	627
14	მთიელთა სკოლა	2	82	1	58	3	140
15	პოლკის სკოლა	5	356	3	85	8	441
16	საბადონო სასწავლებელი	2	52	1	32	3	84
17	კერძო სკოლა და პანსიონი	36	1146	6	202	44	1348
18	თბილ. საქველმოქმედო სა- ხოგადოების სკოლა	5	160	—	—	5	160
19	თბ. ქალთა პირველი თან- რიგის სასწავლებელი	1	108	—	—	1	108
	სულ	126	6503	125	5365	251	11 866

* საქ. ც. ი. არქივი, ფ. 113, ს. 158; А. Пасербский—„О состоянии учебной части на Кавказе и за Кавказом в 1865 г.“ К К на. 1867 г., 377—386; „Отчет главного инспектора учебных завед.—за 1866 г.“, Циркуляр по управл. главн инсп. 1867, V—VI, 15.
** განჯის მაზრის გამოკლებით.

ციფრები გვიჩვენებენ, რომ ხუთი წლის მანძილზე (1860—1865) მოწაფეთა რიცხვი გაიზარდა 51%-ით. ეს ზრდა გამოიწვია უმათერესად საგლებო რეფორმის პერიოდში გაშლილმა სახალხო ინციტივამ განათლების დარგში. მაგალითად, 1865 წლისათვის საქართველოს მოსწავლეთა მთელი რიცხვიდან (11.868) სოფლის მოსახლეობისათვის განკუთვნილ სკოლებში სწავლობდა ნახევარზე მეტი. სასოფლო სკოლებისა და სოფლელ მოსწავლეთა ზრდის უფრო ჩქარი ტემპი ახასიათებს ქუთაისის გუბერნიას.

სახელმწიფო (მთავრობის) სკოლებისა და მათი მოწაფეების რიცხვის ზრდა უმნიშვნელოა. რაც შეეხება ეკლესია-მონასტრებთან არსებულ სკოლებს—მათი რიცხვი ძალზე შემცირდა (განსაკუთრებით თბილისის გუბერნიაში) სამრევლო და სოფლის საზოგადოებათა და კერძო სკოლების რიცხვის გადიდების გამო. ამავდროულად გამოიწვია პოლკებთან არსებული სკოლების შემცირებაც.

60-იანი წლების მეორე ნახევარში, საგლებო რეფორმის პროცესში, სახალხო დაწყებითი სკოლების რიცხვი კიდევ უფრო გაიზარდა. მართალია, სახელმწიფო და სასულიერო უწყებათა სკოლების რიცხვს ბევრი არაფერი მიმატებია (გაიხსნა სამაზრო და მისი ტიპის სასწავლებლები ფოთში, ოზურგეთში და ზუგდიდში 1867 წელს და ორკლასიანი დაწყებითი სკოლები ონში, ხონში და ახალქალაქში 1870 წელს), მაგრამ, სამაგიეროდ, კერძო საზოგადოებანი და პირები იჩენდნენ სათანადო აქტივობას განათლების გავრცელების საქმეში. ამ მხრივ აღსანიშნავია „კავკასიაში ქრისტიანობის აღმადგენელი საზოგადოება“, რომელსაც 1871 წლისათვის ჰქონდა 42 სკოლა, 1356 მოწაფით, და „თბილისის საქველმოქმედო საზოგადოება“ თავისი 9 სკოლით, 397 მოწაფით. სხვა კერძო საზოგადოებათა სკოლებიდან შეიძლება მოვიხსენიოთ: „მუსიკალური საზოგადოების“ მუსიკალური სკოლა, აღდგენილი 1870 წელს სამი განყოფილებით: ფორტეპიანოს, ვოკალის, მუსიკის თეორიის, და „სამხატვრო საზოგადოების“ სამხატვრო სკოლა ერთი (ფერწერის) კლასით.

სასკოლო ქსელის გაშლის მთავარ ძალას კვლავ ხალხი წარმოადგენდა. ქართველი გლეხობა გრძნობდა, რომ მეფე და სამღვდელეობა არ მისცემდნენ მას შესაფერის განათლებას და თვით კისრულობდა თავის შეილთა სწავლა-აღზრდის თაოსნობას. ამ

ზხრივ კვლავ განიორჩეოდა იმერეთი და რაჭა დასავლეთ საქართველოში და გორისა და სიღნაღის მაზრები—აღმოსავლეთში. კავკასიის სასწავლო ოლქის მზრუნველი თავის ანგარიშში 1869 წლისათვის აღნიშნავდა: „რუსების შემდეგ ყველაზე უფრო მეტ ლტოლვას სწავლისადმი იქნენ იმერლები... 73 სასოფლო სკოლაში იქ (ქუთ. გუბ.) 2046 მოწაფეთა*“. ამასვე იმეორებდა იგი შემდეგი (1870) წლის ანგარიშშიც („ამიერკავკასიის მოსახლეობიდან ყველაზე მეტი თანაგრძობით სკოლას ეკიდება ქუთაისის გუბერნიის იმერელი მოსახლეობა**“), რასაც დასძენდა, რომ დაბა ხონის მცხოვრებლებმა სპეციალური „პრიგოვორებით“ იყისრეს ყოველწლიურად იხადონ 1256 მანეთი ორკლასიანი სკოლის შესანახად, ხოლო ქუთაისის გუბერნიის სასოფლო საზოგადოებანი კი იღებენ თავის თავზე ქუთაისის გუბერნიაში სამასწავლებლო სემინარიის მოსაწყობ და შესანახ ხარჯებსო**“. საშუალო სკოლასაც დიდძალი ხალხი აწყდებოდა დასავლეთ საქართველოში. 1866 წლის ანგარიშში კავკასიის სასწავლებელთა მთავარი ინსპექტორი ი. ნეფეროვი წერდა: „ქუთაისის გიმნაზია და საერთოდ ქუთაისის გუბერნიის ყველა სასწავლებლები გაქედილია მოწაფეებით. პირველში (ე. ი. გიმნაზიაში) მე იძულებული ვიყავი შემეჩერებინა მოწაფეთა მიღებაო“***

კავკასიის ოლქის მთავარი ინსპექტორი 1866 წლის ანგარიშში აღნიშნავდა, რომ სიღნაღის მოსახლეობა 1866 წელს მოითხოვდა პროგიმნაზიის გახსნას, ამისათვის უსასყიდლოდ უთმობდა მას

* Циркуляр, 1870, IV, 34.

** Циркуляр, 1871, V—VI, 58; „ხონის საზოგადოების პრიგოვორი“ 1859 წ. 4 სექტემბრის თარიღით, იხანება ც. არქ. ფ. 107, ს. 13, ფ. 6; ახვე საქმეში (გვ. 34) აღნიშნულია, რომ ხონის მაზრის ახნაურებმა უარი სთქვეს სკოლის შენობის აგებისათვის მათზე შეწერილი ფულის გადახდაზე. გლეხებმა თავიანთ შორის გაინაწილეს მათ მიერ შემოსატანი თანხაც, მაგრამ დაადგინეს: ახნ ურთა შეიღებეს მხოლოდ იმ შემთხვევაში მისცემოდათ ხონის სასწავლებელში სწავლის უფლება, თუ წელიწადში 75 მანეთს გადაიხდიდნენ სწავლის კირად (გლეხთა შეიღებისათვის დაწესებული იყო 3 მან.).

*** „Кавказ“, 1867, № 74. მაგრამ ეს გარემოება, რაც პირველ ყოვლისა ბაღხის სათანადო კულტურისათვის მაჩვენებელია, ხელს არ უშლიდა იმავე ნეფეროვს ერთი წლის შემდეგ, 1867 წ. ანგარიშში ურცხვად განუხადებია: „რუსი სალდათი სრული სამართლიანობით შეიძლება ითვლებოდეს კავკასიის მხარის კეშმარიტ ცივილიზატორადო“ (Циркуляр, 1868, VI, 40).

ვარგ შენობას და ყოველწლიურად კისრულობდა 1000 მანეთის გადახდასო.

ამგეარად, ხალხის დაუცხრომელ ლტოლვის განათლებისაკენ მეფის მთავრობა იმით უპასუხებდა, რომ სახელმწიფო სკოლის კონტინგენტს, ნაცელად გადიდებისა, ზღუდავდა ძალიან მცირე რიცხვით. არც სასულიერო უწყება იჩენდა ინტერესს სახალხო განათლებისადმი, თუ მხედველობაში არ მივიღებთ მის ცალკე წარმომადგენლებს. მაგალითად, ეპისკოპოს გაბრიელს XIX საუკუნის 60-იანი წლებიდან თვალსაჩინო ღვაწლი მიუძღვის იმერეთის სახალხო განათლების საქმეში. ისტორიკოსი მოსე ჯანაშვილი გადმოგვცემს: „წარსული საუკუნის 60-იან წლებიდან იმერეთს კეთილ-ანგელოზად მოეყვინა მსოფლიოში უდიდეს მქადაგებლად მიჩნეული გაბრიელი, ეს ნამდვილი, ცოცხალი აკადემიკოსი დასავლეთ საქართველოსთვის. მან დახსნა მრავალი სკოლები და სკოლებთან ბიბლიოთეკები, მან ბრძანება გასცა ჯვარი არ დაეწერათ, თუ ნეტე-პატარძალმა ხელისმოწერა მაინც არ იცოდნენ. მან ამოირჩია თანამშრომლებად მრავალი ნიჭიერი და ნასწავლი კაცები და მათი შეიმწეობით მწიგნარობა და განათლება მოჰფინა ქვეყნის ისეც ნიჭიერ ხალხს“*.

გაბრიელ ქიქოძე განათლებული, ხალხის მოყვარული აღიზიანნი იყო და მღვდელმთავრის ანაფორა ხელს არ უშლიდა მას თავის საგანმანათლებლო მოღვაწეობაში, ხოლო სამღვდლოება, საერთოდ, ძალზე ჩამორჩეოდა ცხოვრებას 60-იანი წლებიდან. მათი ხელმძღვანელობით არსებული სკოლებიც მეტად პრიმიტიულად გამოიყურებოდნენ ამ პერიოდში. ოლქის მზრუნველი 1868 წლის ანგარიშში სამართლიანად აღნიშნავდა: „სოფლის სკოლები, რომლებიც მხოლოდ სოფლის სასულიერო წოდების ხელში იმყოფებიან, მცირე გამოწაკლისს გარდა, ვერ აღწევენ თავის მიზანს. მღვდლებს არა აქვთ არც დრო, არც საშუალება ამ საქმის წარმატებით წარმოებისათვის“**.

რამდენადაც ქართველ სამღვდლოებას XIX ს. 60-იან წლებში თავისი ეკლესია-მონასტრებთან არსებული სკოლების მოვლა-პატრონობაც კი უძნელდებოდა, იმდენად ზედმეტია ლაპარაკი მის

* მ. ჯანაშვილი, ქართული წიგნი და ქართული ბიბლიოთეკა ა. შარქის სახელობის სსსრ საჯ. რ. ბიბლიოთეკის შრომები, V, 271, 1940.

** Циркуляр, 1868, VI—VII, 12.

მიერ ახალი სკოლების გახსნაზე სასულიერო უწყების დახმარების გარეშე*. ამასთან აღსანიშნავია, რომ 60-იანი წლების მოწინავე იდეების გავრცელებისა და იმის გამო, რომ ქართულ ენაზე მღვდელმსახურების წარმოება საკმაო სიმწვავეთ იღვევებოდა რუსეთის მეფისა და სინოდის მიერ, ქართველ სამღვდლოებაში თავი იჩინა სეკულარიზაციის (სამოქალაქო სამსახურში გადასვლის) ტენდენციამ. ჯერ კიდევ 1861 წლიდან თბილისის სასულიერო სემინარიის მოწაფეებს ხელწერილ აბრძოლებდნენ, რომ კურსის დამთავრების შემდეგ უეჭველად სასულიერო უწყებაში ემსახურათ**.

მიუხედავად სასტიკი, იეზუიტური, რეჟიმისა, რომელიც ბატონობდა სასულიერო სემინარიაში, ქართველი ახალგაზრდობის გარკვეული ნაწილი, მაინც ამ სასწავლებელს ეტანებოდა. ეს ხდებოდა იმ დროს, როცა აღნიშნულ ახალგაზრდობას საეკლესიო სამსახური უფრო ნაკლებად იზიდავდა, ვიდრე სამოქალაქო. ქართული ენისა და საქართველოს სამოქალაქო და საეკლესიო ისტორიის სწავლება, ქართველ მასწავლებელთა საუკეთესო წარმომადგენლები, უფრო მეტი სიახლოვე ქართველ ხალხთან და ადგილობრივ ცხოვრებასთან, არსებობის ხანგრძლივი ტრადიცია და ის მიზეზები, რომლებზეც ჩვენ ზემოთ (გვ. 89) ვილაპარაკეთ—აიძულებდა ახალგაზრდობის ერთ ნაწილს თბილისის სემინარიაში შესულიყო საშუალო განათლების მისაღებად. რაც შეეხება ეკლესიისა და საარწმუნოების სამსახურს—ეს, როგორც აღვნიშნეთ, ყველაზე ნაკლებად იზიდავდა ქართველ მოსწავლეებს და სწორედ ამის გამო სემინარიის V—VI კლასებში, სადაც საღვთისმეტყველო საგნების სწავლება ქარბობდა, ნაკლებად რჩებოდნენ ისინი, ხოლო კურსის დამთავრების შემდეგ აშკარად გაუბრუნდნენ საეკლესიო სამსახურს. ეს გარემოება ძალიან აფიქრებდა საქართველოს ეგზარქოსს, რომელმაც 1871 წლის დასაწყისში სთხოვა კავკასიის მეფისნაცვალს გაეწია მისთვის დახმარება სასულიერო სემინარიების 1867 წლის წესდების 181 მუხლის*** უზრუნველსაყოფად. მეფის-

* აღნიშნულ წლებში მხოლოდ აფხაზეთში, ახალათონში, გაიხსნა ერთი სკოლა („Абхазия и в ней Ново-Афонский Симоно-Канатитский монастырь“, 1ხ); ქრისტიანობის აღმადგენელი საზოგადოების ერთი სკოლა იყო აგრეთვე ილორში (იქვე, 131).

** ს. ც. არქ., თბილ. სემინ საქმე, 58—85; № 76, 3—4, 27—28.

*** ამ მუხლის ძალით სემინარიის იმ მოსწავლესაც, რომლებიც კურსის დასრულების შემდეგ სამოქალაქო სამსახურში შედიოდნენ, უნდა გადაეხადათ სემინარიაში სწავლის დროს მათზე დახარჯული თანხა. ამის შესატყვისი მუხლები შეტანილი იყო აგრეთვე სასულიერო აკადემიების წესდებაშიც.

ნაცვალმა მიმართა შინაგან საქმეთა სამინისტროს, რომელშიც 1871 წელს 21 მაისს მართლაც გამოსცა ცირკულიარი „სემინარიაში სახაზინო ხარჯზე მოსწავლეთათვის ფულის გადახდევინების შესახებ, მათ მიერ სასულიერო უწყებებიდან სამოქალაქოში გადასვლის შემთხვევაში“. ეს ცირკულიარი იმავე წელს გამოიგზავნა ჩვენში „კუთვნილებისამებრ სახელმძღვანელოდ“*.

კერძო სასწავლებელთა რიცხვის ზრდამ 60-იანი წლების დასასრულისათვის გამოიწვია უფრო მეტი გეგმიანობის აუცილებლობა ამ ქსელის ორგანიზაციის საქმეში. კერძო სკოლის გახსნის უფლება, როგორც ვწერდით, 1864 წლიდან ყველასა ჰქონდა: კერძო პირებს, ჯგუფებს, ორგანიზაციებს, საზოგადოებებს. ამასთან დაკავშირებით მიზანიც (კერძო სკოლების დაარსებისა) სხვადასხვა გვარად ესმოდათ. იყო, მაგალითად, ბევრი შემთხვევა როცა კერძო სკოლა იხსნებოდა მართლა სახალხო განათლების მოთხოვნილებათა მომსახურებისათვის, განსაკუთრებით იმ უბნებში, სადაც სწავლის მსურველთა რიცხვი დიდი იყო, ხოლო სახელმწიფო და სასულიერო სკოლების რიცხვი კი მცირე. იყო აგრეთვე შემთხვევები, როცა კერძო სკოლას ხსნიდნენ მოწინავე პირები, რომელიმე ახალი პედაგოგიურ-მეთოდური იდეების მიმდევარნი, და მიზნად ისახავდნენ, მოსახლეობის განათლებასთან ერთად, ეწარმოებინათ ცდები და სათანადო დაკვირვებანი ახალი პედაგოგიური იდეის პრაქტიკული განხორციელების ან სწავლების ახალი მეთოდის პრაქტიკულად შემოწმების დარგში**. მაგრამ არ შეიძლება ამასთანავე არ აღინიშნოს, რომ ზოგიერთი კერძო პირი ან კერძო ჯგუფი სკოლას ხსნიდა კოჟერციული ეფექტიანობის მიზნით: რაც შეიძლება ბავშვთა მეტი რიცხვის მოზიდვა და სწავლის ქირის ბლომად აკრეფა, ისე-კი მათ სრულებით არ აინტერესებდათ ხალხის განათლების საქმე და აქედან გამომდინარე, სრულებით არ ფიქრობდნენ თავისი სკოლების სასწავლო-აღმზრდელობითი მუშაობის ვარჯისობასა და სიკეთეზე.

საკვირველი არ არის, რომ კერძო სკოლების ტიპებსა და საფეხურებს მეტისმეტად ანარქიული სახე ჰქონდათ. სკოლების შემ-

* Ц и р к у л я р. 1871. VII—VIII, 7.

** მაგალითად, 1870 წელს დაბა ყვირილაში (ხესტაფონში) დავ. ლამბაზიძემ გახსნა ვაჟთა დაწყებითი სკოლა, რომელშიც თვითონ ასწავლიდა წესაკითხვას ახალი, ბგერითი მეთოდით.

ნახველთა შეხედულებაზე იყო დამოკიდებული სკოლის ტიპისა ფუ-
სათეხურის განსაზღვრა. არ ჰქონდათ მხედველობაში კერძო სკო-
ლების ერთიანობა სასწავლო გეგმებისა და პროგრამების მხრივ
და მათი თანამიმდევრობის პრინციპი, ხოლო მათ შესაბამისობას
სახელმწიფო სასწავლებელთა შესატყვისი ტიპებისა და საფეხურე-
ბისადმი შემთხვევითი ხასიათი ჰქონდა. ეს გარემოება ერთობ უძ-
ნელებდა საქმეს იმ ახალგაზრდობას, რომელიც კერძო სკოლებში
სწავლობდა. ამ კურსის დასრულების შემდეგ, აღნიშნული მიზეზის
გამო, ის ველარ გადადიოდა მაღალი ტიპისა და საფეხურის სა-
ხელმწიფო სკოლებში.

სამოციანი წლების დასასრულს რუსეთის განათლების სამი-
ნისტრომ საჭიროდ სცნო შეეტანა აუცილებელი გეგმა და სისტემა
კერძო სასწავლებელთა ქსელის ორგანიზაციის საქმეში და ამ მიზ-
ნით 1868 წელს, 19 თებერვალს, უმაღლესი ბრძანებით შეცვლილ
იქნა სასწავლებელთა შესახებ 1828 წლის წესდების, 1864 წლის
წესდებისა და დებულების და უმაღლეს ბრძანებულებათა სათა-
ნადო მუხლები კერძო სასწავლებელთა შესახებ.

1868 წლის 19 თებერვლის დამატებათა და ცვლილებათა მი-
ხედვით დაწესებულ იქნა: კერძო სასწავლებელთა სამი თანრიგი:
პირველი ანუ მაღალი თანრიგის, მეორე თანრიგის და მესამე თან-
რიგის სასწავლებლები. პირველი (მაღალი) თანრიგის კერძო სას-
წავლებელთა სისტემაში შედიოდა არა უმცირეს 6 კლასიანი
სასწავლებლებისა, მეორე თანრიგის სასწავლებელთა სისტემაში—
არა უმცირეს 3 კლასიანი სასწავლებლებისა, ხოლო მესამე თან-
რიგის სასწავლებელთა სისტემაში ყველა 2 და 1 კლასიანი სას-
წავლებელი. კერძო სასწავლებელთა გახსნის უფლება ეძლეოდა
ყველა რუს მოქალაქეს ან რუსეთის ქვეშევრდომს, უკეთუ იგი წე-
სიერი ზნეობისა და კეთილსაიმედო პირი იქნებოდა ადგილობრი-
ვი სასწავლო ოლქის უფროსის შეხედულებით. ამასთან, პირველი
თანრიგის კერძო სასწავლებელთა გახსნის უფლების მიმღებ პირს
უნდა ჰქონოდა უმაღლესი განათლება, ხოლო მეორე და მესამე
თანრიგის კერძო სასწავლებელთა გახსნის უფლების მიმღებ პი-
რებს კი უნდა ჰქონოდათ „საშინაო“ მასწავლებელთა წოდება (ე. ი. ა.
საშუალო ან სპეციალური პედაგოგიური განათლება). ქალებს მტეტი
შეღავათი ეძლეოდათ კერძო სასწავლებელთა გახსნის საქმეში. მა-
გალითად, პირველი თანრიგის კერძო სასწავლებლის გახსნა შეეძლო
„საშინაო დამრიგებლის“ (საშუალო განათლების) წოდების მქონდ.

ყოველ რუს ან რუსეთის ქვეშევრდომ ქალს, ხოლო, მესამე თანრიგის კი—დაწყებითი სკოლის მასწავლებლის წოდების მქონე ქალს.

სასწავლო გეგმის საგნებს კერძო სკოლებში საზღვრავდა სასწავლებლის დამაარსებელი (შემნახველი) პირი ან ჯგუფი იმ ვალდებულებით, რომ გეგმაში აუცილებლად შეეტანა: საღვთო სჯული და რუსული ენა, ხოლო იმ კერძო სკოლებში კი, სადაც ისწავლებოდა ისტორია და გეოგრაფია, დამატებით შეეტანა რუსეთის ისტორია და რუსეთის გეოგრაფია. ამის გარდა, ყოველი კერძო სასწავლებლის დამაარსებელს (პატრონს) ევალდებოდა თავისი სასწავლებლის სასწავლო გეგმა წარედგინა დასაბუთებლად იმ სასწავლო ოლქის მზრუნველისათვის, რომელმაც კერძო სასწავლებელი არსდებოდა.

პირველი თანრიგის კერძო სასწავლებლებს, რომლებიც სახელმწიფო კლასიკური გიმნაზიის სასწავლო გეგმებით მუშაობდნენ, შეიძლებოდა, განათლების მინისტრის ნებართვით, მინიჭებოდა კერძო კლასიკური გიმნაზიის სახელწოდება.

კერძო გიმნაზიის კურსდამთავრებულ მოწაფეებს შეეძლოთ უმაღლეს სასწავლებლებში შესვლა მხოლოდ იმ შემთხვევაში, თუ ისინი გიმნაზიის დამთავრებისას, სასწავლო ოლქის წარმომადგენელთა დასწრებით, ჩააბარებდნენ გამოცდებს სახელმწიფო კლასიკური გიმნაზიის სასწავლო გეგმით გათვალისწინებულ ყველა საგანში და ამავე სასწავლებლის პროგრამების მიხედვით.

ამგვარად, 1868 წლიდან კერძო სასწავლებელთა გახსნისა და შენახვის საქმე რამდენადმე მაინც მოწესრიგდა. კერძო სკოლების ტიპები და სტრუქტურა დაუახლოვდა სახელმწიფო სასწავლებელთა ტიპებსა და სტრუქტურას, გაირკვა მათი (კერძო სკოლების) სასწავლო გეგმებისა და პროგრამების შედგენა-დამტკიცების წესი, განისაზღვრა ფაქტიურად მათი შედგენის კრიტერიუმი და აგრეთვე შინაარსი და მოცულობა*.

ამას გარდა, კერძო სკოლები 1868 წლიდან უფრო მეტად დაუქვემდებარეს სახელმწიფო კონტროლს. ამ გარემოებას ერთი უარ-

* ფორმალურად ეს არ ყოფილა, მაგრამ ის ფაქტი, რომ კერძო სკოლები თავისი სტრუქტურით დაუახლოვდნენ სახელმწიფო სკოლებს და შესაძლებელი იყო მათ ენარგებლათ სახელმწიფო სასწავლებლის უფლებებით, იმ შემთხვევაში თუ ისინი უკადასკნელთა სასწავლო გეგმებით და პროგრამებით იმუშავებდნენ,— უკვე საზღვრავდა, არსებითად, კერძო სკოლების სასწავლო გეგმებს და პროგრამებს.

ყოფითი შედეგი მოჰყვა: იმ კერძო სკოლებში, რომლებშიც ჯერ კიდევ ტრიალებდა ქართული ეროვნული სული, უკვე ძნელი ან შეუძლებელი გახდა სასწავლო გეგმების, პროგრამების, სახელმძღვანელოების და მასწავლებელთა შერჩევა ნაციონალური ინტერესების (ქართული ენის დაცვისა და საერთოდ ქართული კულტურის სამსახურის) მიხედვით. ამ პერიოდიდან ოფიციალური წრეები კერძო, დაწყებითი სკოლებშიც კი მოითხოვდნენ სწავლებას რუსულ ენაზე და ქართველ მასწავლებელთა დანიშვნას აშკარად გაუზიარებდნენ. იყო შემთხვევები, როცა საქართველოს განაპირა კუთხეებში კერძო პირთა ან საზოგადოებათა სკოლებს ქართულის არამცოდნე მასწავლებლებს უგზავნიდნენ, მათი ენა მოწაფეებს არ ესმოდათ და იძულებული ხდებოდნენ სწავლა მიეტოვებინათ. სამოსწავლო ოლქი ასეთ ფაქტებს იმითი ხსნიდა, რომ თითქოს მოწაფეებს და მოსახლეობას სწავლა არ უნდოდათ და სკოლის დაზარალებულთა იძულებულნი დაეხურათ ასეთი სკოლები (მაგ., შორაპნისა და გორის მაზრებში 1870—71 წლებში).

ამგვარად, 1868 წელს კერძო სკოლების ცხოვრებაში გატარებულ ღონისძიებებს ზემოაღნიშნულ დადებით მომენტებთან ერთად თან სდევდა სერიოზული უარყოფითი შედეგები.

XIX საუკუნის 60-იანი წლების სასკოლო ქსელის მდგომარეობისა და მისი სტატისტიკის გათვალისწინების შედეგად ძნელი არ იქნება დავასკვნათ:

ოფიციალური, სახელმწიფო და სასულიერო უწყების სასწავლებელთა ხვედრითი წონა საქართველოს განათლების სისტემაში უფრო მცირეა, ვიდრე ხალხური, არაოფიციალური სკოლებისა, რომელშიც სწავლობს მოსწავლეთა საერთო რიცხვის ნახევარზე მეტი;

სასკოლო ქსელის გაშლის ყველაზე უფრო ძლიერ ფაქტორს წარმოადგენს თვით ხალხის, უმთავრესად გლეხობის ინიციატივა. ბატონყმობისგან განთავისუფლებული გლეხობა თვითონ თაოსნობს თავისი სწავლა-განათლების საქმეს, როგორც მორალურად, ისე მატერიალურად, და უფრო მეტ აქტივობას იჩენს ამ მხრივ, ვიდრე თავადაზნაურობა;

სწრაფად მცირდება ეკლესია-მონასტრებთან არსებული სკოლების რიცხვი და მათ მაგივრად სწრაფად იზრდება დამოუკიდებელი სასოფლო-სამრევლო სკოლების რიცხვი სათანადო სასწავლო გეგმებით და სასწავლო რეჟიმით;

შეიქმნა ქალთა განათლების გარკვეული სისტემა როგორც ზოგადი, ისე პროფესიული განათლების სკოლების მოწყობით.

საძირკველი ჩაეყარა პროფტექნიკურ განათლებას სახელოსნო და სასოფლო-სამეურნეო სკოლებისა და სპეციალური კურსების შექმნით.

7. სკოლამდელი აღზრდა

სკოლამდელი აღზრდის საზოგადოებრივი სისტემა, როგორც ენობილია, წარმოიშვა მრეწველობის განვითარების იმ საფეხურზე, რომელზეც საჭირო შეიქმნა ქალის ჩაბმა წარმოებაში, და ამის გამო მისი განთავისუფლება ბავშვთა საშინაო აღზრდისაგან.

საქართველოს მრეწველობის განვითარებაში ასეთი საჭიროება წარმოიშვა XIX საუკუნის 60-იან წლებში. საფაბრიკო-საქარხნო წარმოებამ ამ პერიოდში ბუნებრივად მოითხოვა ქალის, როგორც იაფი მუშა-ხელის გამოყენება და იმისათვის, რომ მას შეძლებოდა სახელოსნოებში და ფაბრიკა-ქარხნებში მუშაობა, აუცილებელი იყო სკოლამდელი აღზრდის დაწესებულებათა ქსელის შექმნა, რომელსაც უნდა ეკისრნა მშრომელ ქალთა მცირეწლოვანი შვილების მოვლა-პატრონობა მათ მშობელთა მუშაობის მთელი დროის განმავლობაში. ასეთ დაწესებულებებს წარმოადგენდნენ საბავშვო ბაღები, რომელთა წარმოშობას ჩვენში, ისე როგორც რუსეთშიც, შინ უსწრებდა უპატრონო ბავშვების თავშესაფართა შექმნა.

ჯერ კიდევ 1827 წელს თბილისის სანხედრო გუბერნატორი სიპიაგინი სთხოვდა შინაგან საქმეთა მინისტრს გაეხსნა თბილისში „სააღმზრდელი სახლი, რომელიც, პირველ ყოვლისა, განკუთვნილი უნდა ყოფილიყო „უბედურ“ (ანუ „უკანონოდ“ და დედამის მიერ მიტოვებულ) ახალშობილთათვის*.

40-იანი წლების დასაწყისამდე სკოლამდელი აღზრდის დაწესებულების მოწყობის საკითხი აღარ დასმულა: ხოლო ამ წლებში კი „პირველი აზრი თბილისში ბავშვების თავშესაფართა დაარსების შესახებ ეკუთვნის ამიერკავკასიის მთავარმართებლის გენერალ გოლოვინის (1838—1842) მეუღლეს, მაგრამ ეს განზრახვა სისრულეში არ ყოფილა მოყვანილი“**.

სკოლამდელი აღზრდის პირველი დაწესებულება თბილისში გაიხსნა 1859 წელს. მეფისნაცვალ ბარიატინსკი 1857 წელს

* Акты, VII, 2.

** Акты, XII, 223.

სთხოვდა უმაღლეს მთავრობასთან არსებულ კავკასიის კომიტეტს (პეტერბურგში) მიეღო მეფის ნებართვა თბილისში მცირეწლოვან ბავშვთა თავშესაფარის გახსნისათვის. ამ თავშესაფარს, ბარიატინ-სკის აზრით, უნდა გაეწია „მზრუნველობა და სათანადო განათლება მიეცა იმ ხალხის ბავშვებისათვის, რომელსაც დღისით მუშაობის გამო არა აქვს საშუალება თავისი შვილების მოვლა-პატრონობისა“*. იმავე წელს შეიმუშავა მან „კავკასიაში ბავშვების თავშესაფართა“ პროექტი და გაგზავნა მეფისათვის წარსადგენად. 1858 წლის 8 თებერვალს ალექსანდრე მეორემ დაამტკიცა იგი და შემდეგ წელს ამ პროექტის მიხედვით თბილისში გაიხსნა მცირეწლოვან ბავშვთა თავშესაფარი. თავშესაფარში იღებდნენ სხვადასხვა წარმოებაში მომუშავე მშობელთა ბავშვებს 3-დან 10 წლის ასაკამდე. რამდენადაც თავშესაფარში დაწყებითი სკოლის პირველი სამი წლის ასაკის ბავშვებსაც იღებდნენ, იმდენად ბავშვთა მთელი რიცხვი გაყოფილი იყო 2 ჯგუფად. პირველს შეადგენდა ბავშვები 3—7 წლ. ასაკისა, მეორეს კი 8—10 წლისა. ამის მიხედვით მხოლოდ პირველი ჯგუფი წარმოადგენდა არსებითად სკოლამდელ ჯგუფს შესაფერისი პროგრამით და მუშაობის მეთოდებით, ხოლო მეორე ჯგუფში კი მეცადინეობა მიმდინარეობდა დაწყებითი სკოლის კურსით: ასწავლიდნენ საღვთო სჯულს, წერა-კითხვას და არითმეტიკას*.

სკოლამდელი აღზრდის მეორე დაწესებულება საქართველოში გაიხსნა 1865 წელს. ის ეკუთვნოდა თბილისის საქველმოქმედო საზოგადოებას. განკუთვნილი იყო ბავშვთათვის ექვსი კვირის ასაკიდან 6 წლის ასაკამდე. ამ დაწესებულებასაც „თავშესაფარი“ ეწოდებოდა. იღებდნენ „უპირატესად იმ ღარიბ მშობელთა შვილებს, რომლებიც თავს ირჩენენ დღიური მუშაობით თავის სახლს გარეშე და ამიტომ არა აქვთ საშუალება ბავშვები თავისთან იყოლიონ“**.

1868 წელს თბილისში დაარსდა 2 საბავშვო ბაღი. ერთი კუკიას უბანში, მ. ჯაბაღარიის ქალის ხელმძღვანელობით, ხოლო მეორე სოლოლაკში, ლილია ლავრენკოს ხელმძღვანელობით.*² ამ უკანასკნელს განაგებდა პედაგოგიური საბჭო, რომელშიც შე-

* Ист., XII, 2:9.

** „Кавказ“, 1866, 13.

*** „Кавказ“, 1868, 49, 53.

დიოდა კეთილშობილ ქალთა ინსტიტუტის ინსპექტორი ბეს. ლო-
ლობერიძე. ორივე საბავშვო ბაღში ჯიღებდნენ ორივე სქესის
ბავშვებს 3—7 წლის ასაკში. მეცადინეობა მიმდინარეობდა საქცია-
ლური, საბავშვო ბაღისათვის დამახასიათებელი პროგრამით.

60-იანი წლების დასასრულს, 1870 წელს, თბილისში დაარსდა
კიდევ ერთი საბავშვო ბაღი, პეტერბურგის ეურნალ „Детская
зага“-ის (1866—68) ყოფ. რედაქტორ-გამომცემლის ა. ხიმონა-
ვიჩის ქალის ხელმძღვანელობით*.

თბილისის ქართველი საზოგადოება დიდი თანაგრძნობით ეგე-
ბებოდა ყოველი საბავშვო ბაღის გახსნას. ყველა გრძნობდა ამ
დაწესებულებათა აუცილებლობას და ცდილობდა ხახელი და პო-
პულარობა მოეხვეჭა მათთვის. ამ შხრივ. პირველ ყოვლისა, აღსანიშ-
ნავია გაზეთი „დროება“ და მისი რედაქტორი გ. წერეთელი.
1868 წელს, როგორც კი განოქვეყნდა ცნობა ზემოაღნიშნულ სა-
ბავშვო ბაღების დაარსების განზრახვის შესახებ, გ. წერეთელმა
თავის წერილში: „უჩინ-მაჩინის ქუდოსანი და იმის საუბარი მკით-
ხველთან“ („დროება“ №19, 20) რაზღენიმე გვერდი დაუთმო
მას; „ორიოდე სიტყვა „საყმაწვილო ბაღზე“, რომლის დაარსებაც
უნდათ ტფილისში“, მან მიუძღვნა ბავშვთა აღზრდის მნიშვნელობას
ხალხის მომავალი ცხოვრებისათვის, გაარჩია პესტალოცისა
და ფრებელის შეხედულებანი აღრეული ასაკის ბავშვთა აღზრ-
დის შესახებ და ასეთი მოწოდებით დაასრულა:

„ღმერთმან წარუშართოს ხელი იმ პირებსა, რომელთაც მსურათ
ტფილისში გახსნან საყმაწვილო ბაღი ჩვენის ახალგაზრდობის სა-
კეთილდღეოთ. მაგრამ არც ერთი ამისთანა საქმე საზოგადოების
შეუწევნელათ არ მოხერხდება; ამისათვის რამდენედაც ძვირფასია
საზოგადოებისათვის იმისი შთამომავლობის სიკეთე, იმდენათ უნ-
და შეეწიოს ამ კეთილს საქმესა. განსაკუთრებით ჩვენმა დედებმა
უნდა მიაქციონ იმას ყურადღება, ატარონ ამ ბაღში თავიანთი
შვილები და იქ ნახული და გამოცდილი საშუალება თვითონაც
მოიხმარონ შინაურს აღზრდაში“**.

* ამ გურნალიდან ერთი წერილი „ახალგაზრდა დედებს და ყმაწვილ ქა-
ლებს“ დაიბეჭდა 1866 წ. გაზ. „დროებაში“ (№26, 31—33, 40, 41).

** გ. წერეთელი, თხზ. სრული კრებული, ს. ხუნდაძის რედაქციით, I, 234.

8. სკოლისგარეშე განათლება

სკოლისგარეშე განათლებას 60-იანი წლების ახალგაზრდობა იძენდა საკვირაო სკოლებში და სათანადო ლიტერატურულ წრეებში.

საკვირაო სკოლების პრაქტიკა ჩვენში, ისე როგორც რუსეთში, დაიწყო XIX საუკუნის 50-იანი წლების მიწურულიდან. ეს სკოლები განკუთვნილი იყო მოზრდილთათვის და სასკოლო ასაკს გადაცილებული ახალგაზრდობისათვის. აქ ასწავლიდნენ წერა-კითხვას და არითმეტიკას, ზოგიერთ მათგანში კი ამას გარდა ისტორიას, გეოგრაფიას და სხვა საგნებს. ერთ-ერთი ყველაზე უფრო ცნობილი საკვირაო სკოლა არსებობდა 1859 წლიდან კავკასიის სამიჯნო სასწავლებელთან, ქართული და რუსული განყოფილებით. ამ სკოლაში სწავლობდნენ ადგილობრივი მცხოვრებნი 30 წლის ასაკამდე, რომლებიც პუბლიცისტ ნ. ბერძენოვის იტყუებით „გულმოდგინედ დადიოდნენ ამ სკოლაში“. 1862 წელს სამიჯნო სასწავლებელთან არსებულმა საკვირაო სკოლამ გამოსცა მ. ყიფიანისა და ვახტანგ თულაშვილის მიერ რუსი ავტორის (ფოგელის) არითმეტიკიდან ქართულად გადმოკეთებული სახელმძღვანელო.

1866 წელს „კვირა-დღის სკოლა“ დაარსდა აგრეთვე თბილისის სასულიერო სემინარიისთან. ეს სკოლა განკუთვნილი იყო ღარიბი ახალგაზრდებისათვის, რომლებიც მხოლოდ კვირა-დღეს იცლიდნენ სწავლისათვის. ასწავლიდნენ სემინარიის უფროსი კლასების მოწაფეები. ამ სკოლას განაგებდა სასულიერო სემინარიის პედაგოგიკის მასწავლებელი (პროფესორი) გ. ხელიძე.

უფრო კარგად იყო მოწყობილი ალექსანდრეს სახელობის თბილისის სამასწავლებლო სემინარიისთან არსებული საკვირაო სკოლა. ის უზრუნველყოფილი იყო როგორც მასწავლებლებით, ისე სახელმძღვანელოებითა და სხვა სასწავლო ნივთებით.

საქართველოს პროვინციაში საკვირაო სკოლები არსებობდნენ ქრისტიანობის აღმადგენელი საზოგადოების ზოგიერთ სასწავლებელთან. 1870 წლისათვის ამ საზოგადოებას ჰქონდა 6 საკვირაო სკოლა.

საკვირაო სკოლები, როგორც წესი, მუშაობდნენ დაწყებითი სკოლების სასწავლო გეგმებით და მათივე პროგრამებით. სასწავ-

ლო საგნების სწავლების გარდა ამ სკოლების მასწავლებლები ატარებდნენ მსმენელებთან საუბრებს სამეცნიერო და ყოფა-ცხოვრების საკითხებზე*.

მასწავლებლები საკვირაო სკოლებში სწავლებისათვის არავითარ გასამრჯელოს არ იღებდნენ. პროფესიულ მასწავლებლებს გარდა, საკვირაო სკოლებში ლექციებსა და საუბრებს ატარებდნენ: პუბლიცისტები, მწერლები, ექიმები, იურისტები, აგრონომები, სხვადასხვა დარგის საზოგადო მოღვაწეები და ხალხოსნები.

მრავალრიცხოვან სწავლამოწყურებულ ახალგაზრდობას იზიდავდა საკვირაო სკოლების ქსელი. ამიტომ ბუნებრივია, მათი რიცხვი სწრაფად იზრდებოდა როგორც რუსეთში, ისე ჩვენში. რუსეთში საკვირაო-სკოლების აღმოცენება დაიწყო 50-იანი წლების დამლევს (1859 წლიდან) და რაღაც სამი წლის განმავლობაში მისმა რიცხვმა 316-ს მიაღწია**. მაგრამ რამდენადაც ასეთ სკოლებში უფრო მეტად მშრომელი ახალგაზრდობა სწავლობდა, ხოლო მასწავლებლობას, უმეტეს შემთხვევაში, მოწინავე, რევოლუციურად განწყობილი ინტელიგენცია ეწეოდა, იმდენად ეს სკოლები ჩქარა გადაიქცნენ რევოლუციონური აზრის გამავრცელებელ კერებად და არაა საკვირველი, რომ მეფის მთავრობამ არ დააყოვნა მათი დევნა და შევიწროება. ნიკო ნიკოლაძე, 1866 წელს სავსებით სამართლიანად აღნიშნავდა:

„ორმოცდაათიანი წლების დამლევს ახალგაზრდებმა თითქმის ყველგან დააარსეს ეგრეთწოდებული საკვირაო სკოლები, სადაც ხელოსნებისა და საერთოდ მშრომელი ხალხისათვის წერა-კითხვა და მეცნიერების ელემენტარული ცნობები უნდა ესწავლებინათ. მთავრობის მიერ შევიწროებათა გამო საკვირაო სკოლები ფრიად სამწუხარო მდგომარეობაში ჩავარდნენ: მათ ათასგვარ მანერ განზრახვას აბრალებდნენ, ფეხდაფეხ დასდევდნენ, ზედამხედველებად უნიშნავდნენ გიმნაზიის დირექტორებს, ხუცებსა და მსგავს უფიცებს, რომელთა მოვალეობა იყო, სადაც ჯერ არს, დაებეზღებინათ მუქტი მასწავლებელი, თუ იგი ვითომდა კანონის საწინააღმდეგო სიტყვას იტყოდა“***.

* Циркуляр, 1671, IV, 53.

** Н. В. Чехов, Народное образование в России с 60-х годов XIX в., 16.

.. *** ნ. ნიკოლაძე, რჩეული ნაწერები, ს. ხუნდაძის რედაქციით, I, 229.

არ. უკვე ორი თვე არის, რაც ეს საღამოები დაიწყო და ცოცხალი თანაგრძნობა ამ მშვენიერი საქმისადმი არ ცხრება, არც დამფუძნებლისა და არც ხალხის მხრივ.

ამ ლიტერატურულ კითხვას დაერქვა პედაგოგიური იმიტომ, რომ ის დაარსებულა უმთავრესად გიმნაზიის უფროსი კლასის მოსწავლეთათვის, იმ მიზნით, რომ განავითაროს მათში ზნეობრივად კეთილშობილი მისწრაფებანი და სურვილი საქმიანი კითხვისა**.

ამ შეკრების ანუ წრის გეგმის წინასიტყვაობის მიხედვით, მის მიზანს შეადგენდა წევრთა ზნეობრივი და ესთეტიკური გრძნობების განვითარება, თანამედროვე ცხოვრების საკითხებში გარკვევა და ისტორიის შესწავლა.

დასადასტურებლად იმისა, რომ მართლაც ცხოველი ინტერესი ჰქონდათ წრის წევრებს დამოუკიდებელი მუშაობისა და განვითარებისადმი,— შეიძლება აღვნიშნოთ, რომ მარტო ორი თვის განმავლობაში, ე. ი. რვა შეკრებაზე წრეში წაკითხულ და გარჩეულ იქნა გრანოვსკის, სოლოვიოვის, პუშკინის, მიიკოვის, გოგოლის, ლერმონტოვის და გრიბოედოვის სხვადასხვა თხზულებანი და რამდენიმე კრიტიკული წერილი მათ შესახებ. შემდეგ წლებში ამავე წრემ გაიცნო „ვეფხისტყაოსნის“ შინაარსი.

იონა მეუწარგია გადმოგვცემს, რომ 80-იანი წლების დასასრულს, ქ. ქუთაისში გიორგი დოლობერიძესთან კვარაში ერთხელ იკრიბებოდა ადგილობრივი ინტელიგენცია**, რომელიც აქ მართადა სალიტერატურო საღამოებს, საცა იკითხებოდა ზვენი მწერლობის ახალი ნაწარმოებნი... ამ საღამოებმა კარგი ზეგავლენა იქონიეს ქუთაისის ახალგაზრდობაზე. მოზარდი თაობა უფროსი კლასებისა, თუ საშუალო სასწავლებელში სწავლადამთავრებულნი, „უღვაშაშლილნი, წვერგამო“ აქედან სწავლობდნენ, რომ არა პურითა მხოლოდ შეეძლო კაცს ცხოვრება, რომ მამულის შეილთათვის, გარდა საგნების შესწავლისა და სამსახურის ერთგულებისა, საჭირო იყო ეროვნული გრძნობის აღზრდა და

* „Кавказ“, 1862, № 13.

** აკაკი წერეთელი, მანია გურიელი, დიპლომატი, პეტრე ნაკაშიძე, გიორგი წერეთელი, ნიკო ნიკოლაძე, სერგეი მესხი, გერასიძე კალანდარიანი და სხვ.

განმტკიცება, სიყვარული ქართული ენისა, მწერლობისა, ისტორიისა და კულტურისა**.

70-იანი წლებიდან სკოლისგარეშე სალიტერატურო წრეები და შეკრებანი უფრო გამრავლდნენ და უფრო გაიზარდა მათი ხვედრითი წონა ქართველი ახალგაზრდობის ზოგადი განათლების ამალგების საქმეში.

* * *

XIX საუკუნის 60-იანი წლების საქართველოს სასკოლო განათლების ისტორიის ყოველმხრივ გაშუქებისათვის საჭირო იყო შევხებოდით აგრეთვე ამ პერიოდის პირველად გამოცემულ სახელმძღვანელოებს, მაგრამ რამდენადაც 60-იანი წლების ახალი ქართული სახელმძღვანელოები,** და ქართველ მოწაფეთათვის განკუთვნილი რუსული ენის სახელმძღვანელო*** წარმოადგენენ ასეთივე სახელმძღვანელოების 'იმ ხანგრძლივი ისტორიის დასაწყისს, რომელიც 70-იანი წლებიდან გრძელდებოდა, ჩვენ მიზანშეწონილად მივიჩნით მათი მიმოხილვა არ მოგვეწყვიტა შემდგომი პერიოდის სახელმძღვანელოთა ისტორიისაგან და ამ ნაშრომის მე-3 წიგნისათვის გადაგვედვა.

XIX საუკუნის 60-იან წლებში გაფართოვდა აგრეთვე მოძრაობა ქართველი მოწინავე ინტელიგენციისა უმაღლესი განათლებისათვის, და გაიშალა ბრძოლა ბეფის კოლონიური პოლიტიკის წინააღმდეგ სახალხო განათლების დარგში, მაგრამ ორივე ეს საკითხი, იმავე მოსაზრებით, გადაგვაქვს ჩვენი შრომის ნომრებში: წიგნში და ვფიქრობთ ერთად და მთლიანი სახით წარმოვადგინოთ ამ მოძრაობისა და ბრძოლის ისტორია XIX საუკუნის მეორე ნახევარში.

* ი. მ. ეუნარგია, ქართველი მწერლები, II, 163, 1944.

** მაგალითად: დიმ. ფურცელაძის—ქართულა ანბანი და წიგნი საკითხავი მდაბიო ხალხთათვის* (1863), ს. მ. დივანოვის—„ანბანი ქართული“ (1863), პ. უმიკაშვილის—ქართული ანბანი* (1864), ი. გოგებაშვილის—ქართული ანბანი და პირველი საკითხავი წიგნი მოსწავლეთათვის* (1865), მისივე—„ბუნების კარი“ (1868); მ. ყიფიანისა და ვ. თულაშვილისაგან რუსულიდან გადმოკეთებული ფოჯელის არითმეტიკა (1862), აგრეთვე რუსულიდან გადმოკეთებული „ანბანი და სასარგებლო წურთვანი ყმაწვილთათვის“ (1868) და მრ. სხვ.

*** გ. კალანდარაშვილი, „რუსული ენის დაწვებითი პრაქტიკული კურსი ქართველთათვის“ (1866, მეორე გამოც. 1868).

III. კვლამოგონი ბანათლება

XIX საუკუნის მეორე ნახევრიდან სასკოლო ქსელის შემდგომი გაშლისა და მოსწავლეთა რიცხვის გადიდების გამო კიდევ უფრო აუცილებელი გახდა მეცნიერულ საფუძვლებზე დამკვიდრებულყო პედაგოგიური განათლება საქართველოში, უფრო შესაჩინევი გამზად-რიყო მისი როლი ახალთაბათა აღზრდის საქმეში და, საერთოდ, ჩვენი კულტურის ისტორიაში.

რამდენადაც XIX ს. სამოციანი წლებიდან ჩვენი კულტურის განვითარების ახალი გზები კიდევ უფრო მჭიდროდ გადაეჯაჭვა რუსეთის კულტურის განვითარების გზებს, იმდენად პედაგოგიური განათლება, ცხადია, დაკავშირებული იყო რუსეთის პედაგოგიური განათლების მდგომარეობასთან. მაგრამ XIX ს. მთელ მანძილზე რუსეთში არ არსებობდა არცერთი სამეცნიერო-პედაგოგიური და ფსიქოლოგიური დაწესებულება, არ არსებობდა რაიქე ექსპერიმენტუ-ლი ლაბორატორია პედაგოგიურ-ფსიქოლოგიური კვლევა-ძიებისათ-ვის. 60-იანი წლებიდან არ არსებობდა არც უმაღლესი პედაგოგიური ინსტიტუტი და არც პედაგოგიური ფაკულტეტები უმაღლეს სას-წავლებლებთან. პეტერბურგის ერთადერთი „მთავარი პედაგო-გიური ინსტიტუტი“, რომელშიც 1853 წლიდან 1857 წლამ-დე სწავლობდა რუსეთის დიდი დემოკრატ-რევოლუციონერი და ლიტერატორი ნ. ა. დობროლუბოვი, მიზნად ისახავდა „კურს-დამთავრებული სტუდენტები თავისი ცოდნით და მეფისადმი ერთგული სამსახურით მზად ყოფილიყვნენ პატივი დაედოთ თავის აღზრდის ადგილისათვის“, ხოლო, თვით დობროლუბოვის ცნობით, ამ ინსტიტუტში თავიდანვე მეფობდა რელიგიის ქურუმთა შემდეგი პრინციპი: „სარწმუნოებისათვის ცოდნა არ არის საჭირო; ხოლო ცოდნისათვის კი სარწმუნოება აუცილებელია“.

ასეთი პრინციპის საფუძველზე მოქმედი პედაგოგიური ინსტიტუტი, რასაკვირველია, ვერ შეასრულებდა ნამდვილი მეცნიერული პედაგოგიური განათლების დაწესებულების როლს. მაგრამ 1858 წელს ეს ინსტიტუტაც დაიხურა და ამის შედეგ რუსეთში დამოუკიდებელი პედაგოგიური ინსტიტუტი აღარ შეუქმნიათ მთელი XIX საუკუნის განმავლობაში. ამით აიხსნება რუსული პედაგოგიის ფუძემდებლის კ. დ. უშინსკის (1823—1871) თავგამოდებული ბრძოლა უნივერსიტეტებთან პედაგოგიური ფაკულტეტების დასაარსებლად. 1857 წელს, აქენებდა რა იგი საკითხს „აღამაინის ყოველწარები შესწავლისა“ და აღზრდის აუცილებლობის შესახებ, წერდა:

„უკეთეს პედაგოგოს სურს აღზარდოს ადამიანი ყოველმხრივ, მან, უპირველეს ყოვლია, უნდა გაიკოს იგი აგრეთვე ყოველმხრივ... მაგრამ, გვეტყვიან, რომ ასეთ შემთხვევაში საჭირო გახდება ცალკე და ფართო ფაკულტეტი პედაგოგებისათვის. მართლაც, რატომ არ უნდა იყოს პედაგოგიური ფაკულტეტი? უკეთეს უნივერსიტეტებში არსებობს არა მართა მედიკური, არამედ კაპიტალური ფაკულტეტიც კი და არ არის პედაგოგიური—ეს მხოლოდ იმის მაჩვენებელია, რომ ადამიანი ჯერჯერობით უფრო უფრო ხელისა და ფერის მატებას და მოდგმის ჯანმრთელობას, ვიდრე თავის ზნეობრივ სისაღეს და უფრო მეტად ზრუნავს მომავალი თაობის სიძლიერესე, ვიდრე მის კარგად აღზრდაზე. საზოგადოებრივი აღზრდა არ არის ისე პატარა საქმე, რომ არ ღირდეს მისთვის ცალკე ფაკულტეტის დაარსება ხოლო ჩვენ თუ დღემდის ვაძახავდით ტექნოლოგებს, აგრონომებს, ინჟინრებს, არქიტექტორებს, მედიკებს, კამერალისტებს, ფილოლოგებს, მათემატიკოსებს და არ ვამხადდით აღზრდელებს—არ უნდა გავკვირდეს, რომ აღზრდის საქმე მიდის ცუდად, და რომ თანამედროვე საზოგადოების ზნეობრივი მდგომარეობა სრულებით არ შეფერება მის იმეორე ბიოჟებს, გზებს, ფაბრიკებს, მის მეცნიერებას, ვაჭრობას, და მოწვეულობას.“

პრ. კლ. უშინსკის ანაზნაელობა ასეთი პედაგოგიური, საერთოდ, ანთროპოლოგიური ფაკულტეტისა მეტად დიდი იქნებოდა. პედაგოგები რიცხვით შედარებზე უფრო მეტი არაა საჭირო და უკეთეს ჩვენ მედიკოს ვადამთ. ჩვენს ჯანმრთელობას, სამაგიეროდ აღზრდელებს ვანდობთ ჩვენი აავტორების ზნეობრიობასა და ქვეყანაგონებას, ვადამთ მათ სულსა და ამასთან ერთად ჩვენი სამშობლოს მომავალსა.*

კ. დ. უშინსკის ასეთ ფრიად მნიშვნელოვან, პროგრესულ მრთობრივ პედაგოგიკო განათლების გაფართოებასა და მისი ხა-

* К. Д. Ушинский, Человек как предмет воспитания, I, 83, XI—XII.

ჩისნის გაუმჯობესების მიმართ, ძალიან ცივად და უყურადღებოდ შეზღუდნენ რუსეთის მაშინდელი ნახევრადფეოდალური და ბურჟუაზიული წრეები. სრულად სამართლიანად შენიშნავს უშინსკი, რომ აღნაშნული საზოგადოებრივა წრეები „უფრო მეტად ზრუნავდნენ მომავალი თაობის სიძლიერეზე, ვიდრე მის კარგ აღზრდაზე“, და რომ მათი ზნეობრივი მდგომარეობა ძალიან ჩამორჩენილი იყო მათივე, შედარებით მაღალი, ეკონომიური მდგომარეობის შეფუთვით. ნოთხოვნილებათაგან.

რუსეთის იმპერიაში XIX ს. მთელ მანძილზე არ ეღიროსა განაორკვილება უშინსკის ოცნებას: პედაგოგიური ფაქულტეტები, როგორც აღვნიშნეთ, არსად შექმნილა.

უფრო ცუდ მდგომარეობაში იყო ქართული პედაგოგიური განათლების საქმე. 60-იან წლებამდის საქართველოში ჯერ კიდევ არ არსებობდა არც უმაღლესი და არც საშუალო პედაგოგიური სასწავლებელი. პედაგოგიკას ცოდნაც მეტად იშვიათი იყო ჩვენში. პედაგოგიური თეორიის არსებობა ხოლოდ მოწინავე პედაგოგებმა და მეცნიერებმა იცოდნენ, ფართო წრეებს პედაგოგიური კულტურა არ გააჩნდათ და ამიტომ ჩვენი ქვეყნის ბავშვთა და მოზარდთა სწავლა-განათლების პრაქტიკა მოკლებული იყო თეორიულ საფუძველს და მეცნიერული განზოგადოების შესაძლებლობას:



50-იანი წლების დასასრულს და 60-იანის დასაწყისში, რუსეთიდან ქართველ თერგდალეულთა დაბრუნებამდე, ჩვენში ჯერ კიდევ საგრძნობლად იყო ფეხმოკადებული შუასაუკუნოებრივი, კონსერვატული იდეები როგორც საზოგადოებრივი აზროვნების სფეროში, ისე, კერძოდ, ბავშვთა აღზრდა-განათლების საქმეში. ამ იდეათა მატარებელ ფენებს წარმოადგენდნენ, ერთი ნხრით, ძველი არისტოკრატია და, მეორე ნხრით, სამღვდლოება. პირველის მსოფლმხედველობას გამოხატავდა ჟურნალი „ცისკარი“, ხოლო მეორისას—ჯერ ვიღვე „ცისკარი“ და შემდეგ, 1864 წლიდან, ჟურნალი „საქართველო სსაეკლესიო მახარობელი“.

აღნიშნულ პერიოდში „ცისკარის“ ერთი ჯგუფი სრულიად აშკარად ილანქრებს ევროპული განათლებისა და აღზრდის პრინციპებისა და ფორმების წინააღმდეგ. ამ ჟურნალის თანამშრომელი ალექსანდრე სულხანიშვილი, ახასიათებს რა დასავლეთ ევროპის განათლების პროგრესულ თეორიებს, როგორც

მიუღებელსა და რეგრესულს საქართველოს სინაღდელიისათვის, წყლის შემდეგს:

„უპირველესი მიზეზი წეს-შეშლილობისა დასავლეთის ევროპაში არის უექველად ნაკლებობა სარწმუნოებისა, ამათთან ერთად რომ მუნ აღიზრდების ყრმა ცრუ მცნობელობითა.—წინააღმდეგ ამისა ჩვენში განათლება არის მიწვეულ იმ სიმაღლესა, საიდანაც იგი განანათლებს ადამიანთა და არა თვალბნელ ყოვს. უფალმან ანუ ბოს მტკიცება აწინდელის ჩვენის განათლებისა და დაგვაბუჯროს წესსა შინა ჩვენის სარწმუნოებისასა და თვით მყობელობისასა.—ესე მიანიჭებს კაცობრიობას უქეტეს სარგებლობასა ვიდრე ღა გონებსმჯელობა ფილოსოფოსთა, რომელთაც არა ძალუქათ შეეძლება არცა ერთისა ცრემლისა, ქეშმარიტი ფილოსოფოთა ცხე არს ჰსჯული ქრისტესი—ბედნიერ არს იგი, რომელიცა ჩვენ დროში არა არს ფილოსოფოსი, არამედ ქეშმარიტი ქრისტიანი.“*

აღ. სულხანიშვილისა და „ციკარის“ ზოგიერთ სხვა თანამშრომელთა აზრი ჩვენში ევროპული განათლების შემოღების წინააღმდეგ და ახალთაობის აღზრდის საფუძვლად ქრისტიანული სარწმუნოების აღიარების შესახებ, უექველია, წარმოადგენდა ხანდაზმული ფეოდალური წრეებისა და რეაქციული სამღვდელთა სულისკვეთებას სახალხო განათლებისა და მეცნიერების დარღობა. მაგრამ ბურჟუაზიული ურთიერთობისა და კულტურის შემოქმადი 60-იანი წლების ქართველ საზოგადოებაში, თანდათან აცლიდა საფუძველს აღნიშნულ სულისკვეთებას და ძალიან ჩქარა იმავე „ციკარში“ დაიწყო სულხანიშვილის საწინააღმდეგო იდეათა პრაქტიკა განდა.

„ციკარს“, როგორც ვწერდით, არ ჰქონდა ერთი მტკიცე პიმაართულება და ერთი გარკვეული პროგრამა. მის ფურცლებზე ჩვენ ვხვდებით როგორც აშკარა რეაქციულ-კონსერვატულ განწყობილებას, ისე მეტად პროგრესულ მისწრაფებებს. სულხანიშვილის ტიპის თანამშრომელთა და თვით მისი რედაქტორის, ივ. ჯერცვაჯილიძის პარალელურად მის ფურცლებზე გამოდიან სრულად ახალი აზროვნებისა და მოწინავე საქმის მწერლები. ასეთი მდგომარეობა ნათლად მოჩანს სახალხო განათლების საკითხებშიც. ბავშვთა აღზრდის ძველი წესებისა და იეზუიტური რეჟიმის დაცვასთან ერთად აქ გაისმის მისი აშკარა კრიტიკაც.

* „ციკარი“ 1961, VII, 261.

მცირე-იანი წლების ბავშვთა აღზრდისა და აღზრდელო დაბალი კულტურის შესახებ „ციცქარი“ ერთი თანამშრომელი, ჯვარელის ჯუჯუღონიძით, თავის „აღსარებაში“ აღნიშნავს: „ჩვენს კურთხეულ ქვეყანაში აკენის ბავშვს აჩვენებენ, რომ უფროსის მორჩილება და შიშის ჰქონდეს“; როცა ბავშვი სტირის შინშილის ან სხვა მზებზე, ანაბეზენ მას ბოროლათი და სხვა ქვეწარმავალთა ან ნადირის სახელოთ, ხოლო ამასთან აკვანშივე „ნანიანს“ მცლოდიებთან ერთად უნდა აკვან მას ლენერლობის სიყვარულს, პენისისა და ჩინზე ოცნებობას, კარგი ცოლის შერთვას და ღეთის წკალობას. შემდეგ ასწავლიან ენის მიტანას, დაბეზლებას, და იმის მაგიერად, რომ მათ წავლა-განათლებლაზე იფიქრონ, სამემკვიდრეო ადგილმამულის დატოვებაზე ოცნებებენ.*

აღნიშნული პერიოდის კონსერვატულ წრეებს განათლებულ ადაბიანად მიაჩნდათ ევროპულ კოსტუმში გამოწყობილი და საქველმოქმედო საქმეებზე, განსაკუთრებით სკოლებისა და ბიბლიოთეკების დიარსებაზე მოლაპარაკე ადამიანები, თუმცა თვითონ მათ შეიძლება წერა-კითხვაც კი არა სცოდნოდათ.

სწორედ ასეთი განათლების გამო კითხულობდა 1862 წელს ცნობილი იუმორისტი მოლაყბე (მიხ. თუნანიშვილი): „არ ვიცის რას უძახიან განათლებას, შინაგან თვისებას თუ გარეგან შემხედლობას? მართლაც, გარეგნობით ფასდებოდა მაშინ განათლებული ადაბიანის ღირსება აღნიშნული წრეების თვალში. „გრძელ მანუეტოიანი მხრებ აწევით და იღლიანი ჯოხამოჩრილები — აი ახლანდელი განათლებულნი კაცნი“, — ამბობს მკაცრი სარკაზმით იგივე მოლაყბე და გრძელებს, — ამგვარი პირნი ყოველს წრეზე თამაშობენ თავიანთ რაღას. სასწავლებლის დაფუძნებაში ყველაზე ბევრსა ყვირიან და ყველაზე მეტირე ნაყოფი გამოუთა ბელთაგან; ძველი წიგნების ბეჭდვაში ყველაზე მეტს მალა ხმოვანებენ და ყველაზე მეტირე ნაყოფი რაგებიან.“* განათლების ასეთი იდეალი მაშინ ყველაზე მეტად მართლებდა და ახალ ეპოქა-მრეწველთა და თავადაზნაურობის მოღიბელო ჯგუფებს; მართალია, ამ ჯგუფებმა დანიელ კონქაძის „ქნიაზ ლიბერალს“ იმით გაუსწრეს, რომ დასავლეთიდან შემოსული „რწმობა-თავისუფლების“ იდეა მათ სწრაფად მიიღეს, მაგრამ როგორც ახალი მოდა; ისე რომ ამ იდეის განიორციელებას „მდაბიო

* „ციცქარი“ 1863, VIII, 421—6.

** „ციცქარი“ 1862, I, 103—104.

ხალხის* მხოლოდ განათლებაზე და ძველი ხელნაწერების განოცე-
მაზე ლაპარაკში ხედავდნენ.

50 - 60-იანი წლების ქართულ კონსერვატულ წრეებში ერთ-
თვალსაჩინო ძალას წარმოადგენდა საღვდელთობა, რომელიც ცდი-
ლობდა სახალხო განათლების მთელი საქმე ეკლესიისათვის დაექ-
ვემდებარებინა და სწავლა-განათლებისათვისაც რელიგიური ხასიათი-
მიეცა.

ქართული საქრისტიანო ეკლესია სასულიერო პირთა პედაგოგიურ-
მოდერნიზაციას თელიდა არა მარტო სარწმუნოებრივ დოგმათა გაერ-
ცელების საშუალებად ჩვენს ახალგაზრდობაში, არამედ აგრეთვე
ზნეობრივი აღზრდის ყველაზე უფრო სანდო წყაროდ. სარწმუ-
ნობა მორალის საფუძვლად აღიარებული იყო ძველადაც როგორც
ჩვენში, ისე დასავლეთ ეროპასა და რუსეთშიც. ცნობილია, მაგა-
ლითად, კომენსკის, პეტალოვის, უშინსკის და სხვა პე-
დაგოგთა შეხედულებანი ზნეობრივი აღზრდის თვალსაზრისით რე-
ლიგიის სწავლების შესახებ. საქართველოში უფრო ძველად გვხვდე-
ბა რელიგიისა და მორალის მკვიდრო კავშირის აღიარების იდეები
და სარწმუნოების ნორმებით ეთიკური ნორმების განპირობადების
ცდები. სასულიერო აღზრდა განათლების წარმომადგენელი და ზოგი
სხვები ადანიანის ქცევის წესებს მისივე ღვთაებრივი საწყობის გა-
მოვლინების ფორმებზე აღიარებდნენ, ხოლო XIX ს. პირველი ნა-
ხევრის ეკლესია, საეკლესიო უწყება და სასულიერო ლიტერატურა..
პლატონ იოსელიანის იდეური მეთაურობით, ქრისტიანული
დოგმატიკის გაერცელებასთან ერთად, თავის პარდაპირ მოვალეობად
თვლიდნენ საზოგადოებრივ მორალზეც ემოქმედნათ და ეს უკანასკნე-
ლი თავის გაელენის ქვეშ დაიყენებინათ.

მათი პროპაგანდის ერთ მთავარ ბაზას წარმოადგენდა აგრეთვე
სკოლა და, საერთოდ, სახალხო განათლება.

ცნობილი ისტორიკოსი, პედაგოგი და ღვთისმეტყველი პლატონ
იოსელიანი, მეტად კონსერვატულ და ორთოდოქსულ-რელიგიურ
იდეებს იცავდა ახალთაობათა აღზრდის საქმეში ამის საილუსტრა-
ციოდ საკმარისია დავასახელოთ მისი „სიტყვა“, წარმოთქმული თბი-
ლისის სასულიერო სემინარიის დარბაზში, მისი არსებობის ორმოცდა-
ათი წლისთავის განო, 1867 წლის 1 ოქტომბერს.* პლატონ იოსე-

* დაიბეჭდა ჟურნალ „Кавказ“-ში 1867, № 90, ხოლო შემდეგ ცალკე
ბროშურად.

ლიანი ფიქრობდა, რომ ქრისტიანული სარწმუნოების ყლორტები წარმოადგენდნენ ახალგაზრდობის ტვინისა და გულის ყველაზე უფრო ნაყოფიერ და კეთილწობილ საზრდის. „დეე დარწმუნდნენ ყველა მოსწავლენი, — ამბობს იგი, რომ სახარებისა და ქრისტეს გარეშე არ არსებობს არც შემეცნება, არც კეთილმოქმედება და არც სამეფო, არც ხალხი“.* ამ რეაქციული დებულებიდან გამოსვლით პლატონ იოსელიანი ფიქრობს, რომ ქრისტიანული სარწმუნოება უნდა უნათებდეს გზას ყოველგვარ მეცნიერებას და, კერძოდ, აღზრდა-განათლების მეცნიერებასაც** ქრისტიანული ფილოსოფია, იოსელიანის აზრით, აძლევს ყოველ მეცნიერებას მის დანიშნულებას და მიზანს, იგი საზღვრავს აგრეთვე აღზრდის მიზნებსა და ამოცანებს: ამ აუცილებლობით ხსნის იოსელიანი იმ ფაქტს, რომ ძველად სკოლები მხოლოდ ეკლესია-მონასტრებთან არსებობდნენ. არც XIX საუკუნეში მიაჩნდა მას შესაძლებლად ეკლესიისა და სკოლის კათიშვა ერთმანეთისაგან და მოითხოვს, რომ სკოლა არსებობდეს ეკლესიის „ზაცოცხლებელი“ გავლენისა და კონტროლის ქვეშ. იოსელიანი ამბობს:

„მასწავლებელთა და მოსწავლეთა ყურადღებას არ უნდა გამოეპაროს მხოლოდ მეცნიერების პრინციპი: ფიზიკური ბუნების მიზანი მდგომარეობს დვთიური სამყაროს მიზნებში. მხოლოდ ამ საუუაველზე შეიძლება ყმაწვილთა ნაყოფიერი აღზრდა. ასეთი აღზრდა არკვევს მართლმადიდებლური აღზრდის ხასიათს. ასეთი იყო ძველად ქართველი ყმაწვილების აღზრდა, ასეთია ახლა..., და, რასაკვირველია, ასეთი იქნება იგი სამუდამოდ“***

—

მართალია, XIX ს. სამოციან წლებში პლატონ იოსელიანის ამგვარი ანტიმეცნიერული შეხედულებანი ბავშვთა აღზრდის სა-

* П. Иоселиани, Речь, произнесенная в зале Тифлисской духовной семинарии по случаю торжества пятидесятилетия, 1867, 2:1.

** იქვე, 24.

*** იქვე, 23.

კითხვებზე უკვე არჩაულად გამოიყურებოდნენ, მაგრამ მათ კიდევ ჰქონდათ სათანადო გავლენა ქართველი საზოგადოების ჩამორჩენილ წრეებსა და სასულიერო სასწავლებელთა და საეკლესიო საზრევლო სკოლებზე.

60-იანი წლების დასაწყისში ჯერ კიდევ ხშირი იყო შემთხვევა, როცა ერთადერთ განმანათლებლად სოფელში და ზოგჯერ მთელს მრევლში ითვლებოდა მარტო მღვდელი. ის იყო როგორც სასულიერო, ისე საერო განათლების ერთადერთი ფიგურა და ახალგაზრდობის მასწავლებელი.

მაგრამ როგორ ასრულებდა ქართველი სამღვდლოება ნაკისრ როლს სახალხო განათლების დარგში? უნდა აღინიშნოს, რომ თავისი წოდებრივი, კასტური პრივილეგიების შენარჩუნების მიზნით სამღვდლოება, რასაკვირველია, არ იზრუნებდა ხალხის ფართო განათლებისათვის, ვინაიდან განათლებულ მრევლში მას არ შეეძლო არ დაენახა თავისი მოწინააღმდეგე საზოგადოებრივი ძალა. ამიტომ იყო, რომ 50-60-იან წლებში, ისე როგორც შემდეგაც, სამღვდლოების ინიციატივა ახალთაობის სწავლა-აღზრდის საქმეში ვიწრო მასშტაბის სასულიერო განათლებისა და ელემენტარული („პირველდაწყებითი“) საერო განათლების გავრცელებით ამოიწურებოდა. უნდა აღინიშნოს, რომ სამღვდლოება ხშირად ამ საკმეხსაც მერკანტელური თვალსაზრისით უღებოდა და შემოსავლის ერთ-ერთ წყაროდ თვლიდა.

სასულიერო წოდების ისეთი ორკანოც კი, როგორც იყო „საქართველოს სასულიერო მახარობელი“, რომელსაც, ალბათ, ვერ დავწინებთ სანღვდლოებისადმი მიუღვკომლობას, ხშირად არ ინდობდა სანღვდლოებას განათლების საქმეში უმოკმელოებისა და ზოგჯერ თავისი მატერიალური მიზნებისათვის ამ საქმის გამოყენების გამო. მაგალითად, 1865 წელს, ამ ქურნალის დეკემბრის 15-ში, მომავალი საზოგადო მოღვაწე და პედაგოგი გიორგი იოსელიანი სამართლიანად ამატარახებს სამღვდლოებას აღნიშნული საქციელისათვის. იოსელიანის აზრით, სამღვდლოების მოვალეობა ბარტო წირვა-ლოცვით არ უნდა განისაზღვრებოდეს; სამღვდლოების ერთ უმთავრეს მოვალეობას შეადგენს ემსახუროს ხალხს, „აჩვენოს მას კენჭმრტი გზა განათლებისა“ და, ბოლოს, „ყრმების აღზრდა ანუ საზოგადოდ ხალხის სწავლება აგრეთვე ვა-

ლი არის მღვდლებისა“.* ამ მოვალეობას, გიორგი იოსელიანის მიხედვით, სამღვდლოება შეასრულებს ისეთი საშუალებით, როგორც არის „სასოფლო სასწავლებლების (შკოლები) გახსნა ახალ-მოზარდე ჯმ.წვილებისათვის“. მართალია, ეს უფრო მეტად მთავრობის საწმუღ მიაჩნია გ. იოსელიანს, მაგრამ, მისი აზრით, სამღვდლოებასაც შეუძლია ამ მხრივ ბევრი გააკეთოს. მაგრამ არაკეთებს. იოსელიანი წერს:

„ბევრი მოიპოვებიან საქართველოში ისრეთნი მდიდარნი მღვდლები, რომელთაც არა თუ უბრალო შკოლების განართვა შაუქლიანთ, არამედ თვით ყმაწვილებსაც შინახაყენ თავიანთ ხარჯზეუ. მაგრამ ვაი გაუმაძღრობას! მამონის თაყვანისსცემელნი არიან და მათგან ან მამული ან მათი სულიერი შვილები რა სიკეთეს უნდა მოელოდნენ?***“

მამონის (ქონების) სიყვარულით გატაცებულ მღვდლებს, იოსელიანის თქმით, „ქრთამი თუ არ მისცა კაცმა, ისე არაფერს გააკეთებენ“. ასეთი მკაცრი განაჩენი სამღვდლოების მიმართ საერთოდ, მცირეოდენი გამოჩაკლისით, სწორი და სამართლიანია. გამოჩაკლისის წარმოადგენენ მღვდლები, რომლებსაც გამოხატავენ ი. ჭავჭავაძის გაბროს მასწავლებელი „გლახის ნაანბობიდან“, უმრავლესობა კი ჩვენს სამღვდლოებისა ხალხის განათლებაზე ზრუნავდა ამდენად, რამდენადაც მას სჭირდებოდა ეკლესიის განათლებული მსახურნი და ასწავლიდა ახალგაზრდობას წერა-კითხვას იმდენად, რამდენადაც ის ამისათვის სათანადო გასამრჯელოს ღებულობდა თუ არა ან ნატურით.

გიორგი იოსელიანი კიცხავს ნა-იანი წლების სამღვდლოებას აგრეთვე იმისათვის, რომ ეს უქანასკნელი უფრო მეტად ზრუნავს ეისი შვილების ქონებრივ სიმდიდრეზე, ვიდრე გონებრივ-განვითარებაზე.*** „ისა არა სჯობს,—წერს იოსელიანი,—რომ შვილებმა მდიდარი დატოვონ ჭვიანაზედ ჭკუით და სწავლით, ვიდრე უფლებით“.*** ის მოითხოვს, რომ მღვდლებმა სკოლების გახსნაზე ზრუნვასა და წერა-კითხვის სწავლებასთან ერთად უკითხონ გლეხობას, განსაკუთრებით ასალგაზრდებს, სხვადასხვა მოთხრობა, „თუ

* „საქართველოს სასულიერო მახარობელი“ 1865, დეკემბერი, 192.

** იქვე, 194.

*** ასეთივე მდგომარეობა, როგორც ენახეთ, აღნიშნული აქვს კ. დ. უშინსკის 1867 წელს რუსეთის სინამდვილიდან.

**** „საქართველოს სასულიერო მახარობელი“ 1865, დეკემბერი, 195.

მილობაში საზოგადო საჭიროებათა და მათ აღსრულებაში საზოგადოებისაგანვე. ასე ესმით ეს განათლებულ ქვეყნებში. თვით ამერეთ-იმერეთშიაც ასე იყო ძველ დროში“.*

დინიტი ბაქრაძე ე. წ. რეალური განათლების სისტემის ერთ-ერთ აღრქულ წარმომადგენლად შეიძლება ჩაითვალოს ჩვენნი. მის მოწოდებას კემპარიტი განათლებისაკენ თან სდევდა ამ განათლების განმარტება, მისი ახლებურად გაგება: საზოგადოებრივ საჭიროებათა გათვალისწინება და მისი განხორციელებისათვის ბრძოლა, ე. ი. სწავლის დაკავშირება ხალხის ცხოვრებასთან, მის რეალურ მოთხოვნ-ლებებთან, მის პრაქტიკულ საჭიროებასთან.

აქედან გამომდინარე, გაისა აგრეთვე ხმა ე. წ. „ღარბაისლური და დიდკაცური აღზრდის იდეებისა და წესების წინააღმდეგ. „ცისკრის“ მოწინავე ჯგუფის წარმომადგენელი პ(ეტრ)ე უ.მ.იკაშვილი), 1862 წელს ძველი აღზრდის კრიტიკასთან ერთად გვაძლევს ახალი აღზრდის საესებით სწორ მეცნიერულ გაგებას. ის წერს:

„რაც ღარბაისლურ და დიდკაცურ გარემოებას ეჭირება, იმგვარი ახალგაზრდის გაწურთვნა, აღზრდა ჰგონიათ, რასაკვირველია იმისთვის შკოლური აღზრდა, ესე იგი, ახალი ენების, ბუნების, საგნებისა და ისტორიის კილოკავედ ცოდნა საკმაო იქნება. მაგრამ აღზრდას ამაზე უფრო დიდი აღვილი უნდა ეჭიროს: საკუთრად აღზრდისაგან უნდა მოვითხოვოთ გონებითის და ზნეობითის ძალის გახსნა, მეხსიერების განმახვილება, გემოვნების უმჯობესობაში მოყვანა და იმისთანა თვისებები როგორც არიან მოთმინება და მშეიდობიანობა. მოკლეთ ვაჟვათ, აღზრდამ უნდა— მოსწავლე ახალგაზრდა მტკიცე ხასიათის კაცი გამოიყვანოს და ამგვარი ნიჭი და შეძლება მისცეს, რომ პატიოსნურად მოეხმაროს მამულს ქვეყანასა და რომელ საზოგადოების სასელიც მისცეს ბედმა იმ საზოგადოების დანაშაულებელი იყოს“.**

აღზრდის შინაარსის ანგვარად გარკვევა ნათლად სახავდა იმ გზებს, რომლითაც უნდა წამართულიყო ბავშვთა აღზრდა-განათლების საქმე ოჯახსა და სკოლაში. აღაშინის გონებრივი, ზნეობრივი და ესთეტიკური (გემოვნება) განვითარება—როგორც აღზრდის სამი ძირითადი სახე, უშიკაშვილის მიერ აქ დაკავშირებულია

* „ცისკარი“ 1861, III, 416.

** „ცისკარი“ 1862, V, 191—2.

მამულისა (სამშობლოსა) და ქვეყნის პატიოსანი სამსახურის ამოცანებთან, საზოგადოების სახელოვან წევრთა მომზადების საქმესთან.

ეს იყო ერთ-ერთი უაღრესად მნიშვნელოვანი, შეიძლება ითქვას, ახალი პერიოდის მაუწყებელი მომენტი ქართული პედაგოგიკის ისტორიაში. მაგრამ ყველაზე უფრო მკვეთრად და თანამიმდევრულად აღზრდის ახალი იდეებისა და განათლების ახალი შინაარსისათვის იბრძოდა ილია ქავჭავაძის „საქართველოს მოამბე“, რომელზეც ქვემოთ გვექნება საუბარი.



როგორ იყო დაყენებული მასწავლებელთა მომზადების საქმე 60-იანი წლების საქართველოში?

მასწავლებელთა დიდი უმრავლესობა, რასაკვირველია, არც 60-იან წლებში შეეფერებოდა თავის საპატიო თანამდებობას. არ შეეფერებოდა არც ზოგადი და სპეციალური პედაგოგიური განათლებით, არც მორალური თვისებებით. ჩვენ ქვემოთ გვექნება საუბარი ხსენებული პერიოდის იმ მასწავლებელთა შესახებ, საიდანაც, სხვათა შორის, მასწავლებლებიც გამოდიოდნენ, მაგრამ ასეთი მასწავლებლები იმდენად ნაკლებად იყვნენ იყო, რომ მასწავლებელთა კადრების მოთხოვნილებებს ოდნავადაც ვერ აკმაყოფილებდნენ და ამას გარდა ეს მასწავლებლები უფრო მეტად ოფიციალურ მოხელეებს ზრდიდნენ, ვიდრე სწავლულ და პედაგოგიურად დახელოვებულ მასწავლებლებს. ამიტომ სავსებით გასაგებია, რომ 60-იანი წლების ქართული ბრესა, ამ პერიოდის საზოგადო მოღვაწეთა მოგონებები და საარქივო მასალა, მეტად სავალალო მდგომარეობას აგვიწერენ მასწავლებელთა პედაგოგიური მომზადებისა და ხათი ზოგადი ცოდნის დახასიათების საქმეში.

მართალია, კერძო და საქველმოქმედო წრეების სკოლებში, ისე როგორც კერძოდ მონუშავე შინამასწავლებელთა შორის, უქველად მოიპოვებოდნენ განათლებული, ზრდილობიანი, პედაგოგიური ოსტატობით აღჭურვილი და ბავშვთა აღზრდის საქმისათვის თავდადებული პირები, მაგრამ ოფიციალურ სახელაწიფო და სასულიერო უწყებათა სკოლებში ასეთები გამოჩენის წარმოადგენდნენ.

1861 წელს „ცისკარი“ მწუხარებით აღნიშნავდა, რომ „უღ-
თა აღმზრდელთა რიცხვი მეტობენ ვიდრემდის
კარგ თანი“.*

ცუდ, ე. ი. გაუნათლებელ, უზრდელ და ჯალათ მასწავლებელთა
რიცხვი ისე მწვევედ იგრძნობოდა ამ დროს და იმდენად აუტანელი
იყო მათი მავნე საქმიანობის შედეგი, რომ მოწინავე საზოგადოება
ამას ვერ ითმენდა, ვერ ურიგდებოდა თავისი მომავალი თაობის და-
მახინჯებას და მკაცრად კიცხავდა მათ. 1861 წელს, ამ საზოგადოე-
ბის გულისწყრომა გამოხატა ვ. ს. წერეთელმა მკრისხანე
სიტყვებით:

„შეჩვენებულ იქნენ უკუნისამდე ის მასწავლებელნი, რომელ-
შიაც წიინდა უმანკო სული ჭაბუკისა ილუპეის“.**

ზაგრამ ასეთი პროტესტები საქმეს ვერ შეელოდა. ხელისუფლე-
ბის სრულიად უმნიშვნელო ღონისძიებანი პედაგოგიური კადრების
შონიშნადებისათვის ძალაან შორს იყო ხალხის მზარდ მოთხოვნილე-
ბათაგან. სწავლა-განათლების მსურველთა რიცხვი სწრაფად იზრდე-
ბოდა, მაგრამ კარგი მასწავლებელი, როგორც ვსთქვით, იშვიათი
ყო და უვიც მოხელეებს რჩებოდათ ეს საპატიო ასპარეზი.

„ცისკარის“ ზემოხსენებული თანამშრომელი ჯვარელი 1863
წელს წერდა:

„როცა თორმეტი წლის შეიქმნება ან მეტის, მაშინ საწყალ-
ბაეშეს მშობელი მისცემს სადმე ღემნაზიაში ანდა შკოლაშიდ სას-
წავლებლად. იქ თუ როგორ ასწავლიან ყმაწვილებს ყველას კარგად
შოგეხსენებათ: ღირს მხოლოდ თქვენს შვილებს უნახოთ ყურები და
ხელის თითები! გასაკვირია რამ გაუზარდა იმ რიგად ან ყურები
ან თითები“.**

ჯვარელს ესმის, რომ ბავშვების კარგად და მეცნიერულად აღზრ-
და არ შეიძლება მოეთხოვებოდეს უვიც და ჯალათ აღმზრდელებს.
ის სინანულით ამბობს ქალთა ინსტიტუტის ზედამხედველებისა და
„კლასნი-ქალების“ ანუ „კლასნი-დამების“ შესახებ, რომ მათი საქ-
მენი ჯეროვნად არ არის აღწერილი ლიტერატურაში „ფორემ (თუ)
ფონმე აგვიწერს ნამდვილ იმათ ცხოვრებას და მიმართულების
აზრს, მაშინ ცხადათ და ქეშმარცტად გვეცოდინება ყმაწვილი ქა-

* V, 67.

** „ცისკარი“ 1861, X.

*** „ცისკარი“ 1863, VIII, 424.

ლების ცოდნა და განათლება თუ როგორი ბრძანდებიან! „რავა-
რიც მღვდელი იმისთანა ერაო,“ იტყვის ანდაზა.*

60-იანი წლებს პრ.ო.ჯ.რესულ საზოგადოებას კარგად ესმოდა,
რომ ბავშვების აღზრდა უმთავრესად აღმზრდელზეა დამოკიდებული,
და რომ ცუდი აღმზრდელი ცუდ თაობას აღზრდის.

1862 წელს გიორგი ერისთავი აღნიშნავდა რა, რომ ოსტატი
„სწავლული იყოს და კეთილის ქცევისა“, წერდა:

„თუ სასწავლებელნი ცუდნი იქნებოდნენ და ცუდს ქცევისანი შე-
ნდნენ ვილიც ცუდს უკუაქცევისა შეიქმნება უთუოდ.“**

მოწინავე მშობელთათვის ეს ნათელი იყო. ისინი ხედავდნენ თა-
ვის შვილთა სულიერი და ხორციელი დამახინჯების ფაქტებს, მაგ-
რამ ისე უკონტროლოდ მოქმედებდნენ ეს უფიცი და ჯალათი „მას-
წავლებლები“, იმდენად ექონაგებოდნენ მათ მთავრობის ოფიცია-
ლური ორგანოები და მსხვილი ნოხელები, რომ ცნელი იყო წათ-
წინააღმდეგ ეფექტური ბრძოლის წარმოება. აღსანიშნავია, რომ
მსხვილ თავდაზნაურობასაც კი უმწელობდა ეს ბრძოლა იმ
შემთხვევაშიც, როდესაც ძველი სკოლის მკაცრ რეჟიმს მათი შვი-
ლებიც განიცდიდნენ.

—

XIX ს. სამოციანი წლების ქართული პედაგოგიკური კულტუ-
რისა და მასწავლებელთა ჩამორჩენილობა იმითაც უნდა აიხსნას,
რომ ამ პერიოდამდის ჩვენში არ იყო სპეციალური პედაგოგიური
განათლების სასწავლებლები. მართალია, თბილისის სასულიერო
სემინარია, თბილისის და ქუთაისის გიმნაზიები და წმინდა ნინოს
სახელობის თბილისისა და ქუთაისის ქალთა სასწავლებლები აღ-
ნიშნულ პერიოდში ამზადებდნენ სათახადო კვალიფიკაციის მქონე
მასწავლებლებს სამაზრო; სასულიერო და საერო სასწავლებელ-
თათვის და სანრევლო სკოლებისათვის, მაგრამ მათ არა ჰქონ-
დათ სპეციალური პედაგოგიური მომზადება და უმრავლეს შემთხვე-
ვაში თავის დანიშნულებას, როგორც ვნახეთ, არ შეეფერებოდნენ.
მაგრამ მათ კვალიფიკაციას რომ თავი დაეხებოთ, ისინი არც
რიცხოობრივად იყვნენ საკმარისი საქართველოს დაწყებითი სკოლე-
ბის მზარდი ქსელისათვის. ვეღარც ღრდელ-დიაკვნები, ფოფოდიები,
და სხვანაირი მასწავლებელ-აღმზრდელნი სწვდებოდნენ საშინაო

* „ცისკარი“ 1863, VIII, 426.

** „ცისკარი“ 1862, 10, 76.

განათლების მრცებისა და უბრალო წერა-კითხვის მსურველთა მოთხოვნილებებს.

60-იანი წლების მეორე ნახევარში, ბატონ-ყმობის ინსტიტუტის დაკემასთან დაკავშირებით, როგორც ვწერდით, სწრაფად გაიზარდა სასწავლებელთა და მოსწავლეთა რიცხვი. აღნიშნული გეჭონდა აგრეთვე, რომ 1965—66 წლისათვის საქართველოში იყო 250-ზე მეტი სასწავლებელი—11000-ზე მეტი მოსწავლით. მაგრამ სწავლის მსურველთა რიცხვი ვაცილებით მეტია, ვიდრე შესაძლებლობა მათი დაქაყოფილება. „ციცკიას“ გადმოცემით, ეს სკოლებიც ვერ უზრუნველყოფენ მსურველებს. „ასობით არიან კანდიდატები ქალები და ვაჟები პანსიონებში მისაღებად, მოუთმენლივ მოელოან ნიშნობებს და გაიხსნა თუ არა ერთი ვაკანსია, ამ ერთს ვაკანსიას ორმოცი და სამოცი ჰყავს მაყურებელი. კლასებში აღარ არის ალაგი, სადაც შეძლებოდეს დაწესებულის რიცხვზედ მეტის მოთავსება.“* ხალხი იძულებული იყო კვლავ იეზარათა ინდივიდუარი, საშინაო სწავლა-განათლებისათვის.

ნართლაც, გაიშალა საშინაო განათლების ქსელი და კერძო მასწავლებლობის პრაქტიკა. სასულიერო წოდების, თავადანათრობისა და გლეხთა სახლებში კვლავ ეწეოდნენ ჯგუფურ და ინდივიდუარ სწავლებას. თუმცა ეს სწავლება ყოველგვარი გეგმისა და პროგრამის გარე ზე მიმდინარეობდა, მაგრამ მოსწავლეთა რიცხვი მაინც მატულობდა.

ხალხი თავის ხარჯით ხსნადა სკოლებს. მაგრამ მეკოდნე მასწავლებლებმა რომ არ ჰყავდა, ხშირად უსწავლელ პირებს იწვევდა მასწავლებლად. ამის ერთ ფაქტს სამეგრელოს ცხოვრებიდან გადმოგვცემს კ. ბოროზდინი 1865 წელს: „სამწუხაროდ უნდა აღვნიშნოთ, რომ ჯერჯერობით სამეგრელოში სასწავლებლები ძალიან ცოტაა... სწავლის სურვილი კი დიდი აქვთ აქაურებს, ისე დიდი, რომ სოფლებში აქა-იქ თავისთავად გაიხსნა სკოლები, სადაც მასწავლებლად თითქმის უვიცი არიან.“**

მაგვარად, სასწავლებელთა და მოსწავლეთა რიცხვის ზრდა, საშინაო სწავლა-აღზრდის პრაქტიკის გაფართოება, უწივეურობის აცილების წრავალი სხვა ცდა და ნოუნზაფებელ მასწავლებელთა გამრავლება გადაუდებელ ამოცანად აყენებდა საკითხს განათლებულ მასწავლებელთა რიცხვის გაზრდის შესახებ.

* -ციცკაი- 1866. III, 12.

** კ. ბოროზდინი, რ. გრისთავი და მურგი, ბატონყმობა სამეგრელოში, 1927, 45.

ყოველივე ამან საქართველოს მმართველი წრეები იძულებული გახადა გაეხსნათ თბილისში 1865 წელს ქალთა პირველი თანრიგის პედაგოგიური განხრის სასწავლებელი (კავკასიის მეფისნაცვლის მეუღლის) ოღვა თეოდორეს ასულის სახელობისა და 1866 წელს ვაჟთა სამასწავლებლო სკოლა ალექსანდრე II სახელობისა.

თ ბ ი ლ ს ი ს პ ი რ ვ ე ლ ი თ ა ნ რ ი გ ი ს ქ ა ლ თ ა ს ა ს წ ა ვ ლ ე ბ ე ლ ი. ოღვა თეოდორეს ასულის სახელობის თბილისის ქალთა სასწავლებლის წესდება დამტკიცებულ იქნა 1865 წ. 12 მარტს, ხოლო არსებობას იწყებს იგი აპრილის თვიდან კუკიაში. ისარლოვის სახლებში. ამ სასწავლებლის მიზანს შეადგენდა „საშინაო“ მასწავლებელთა მონზადება. მისი წესდება (მუხლი 47) სასწავლებლის მიზნის შესახებ ამბობს: „ქალაქის ყველა წოდებისა და სარწმუნოების მოსახლეობას მისცეს საშუალება თავიანთ ქალიშვილებს მიაღებინონ მათი მოთხოვნილებების შესაფერისი განათლება საოჯ. ხო ცხოვრებიდან მოუწყვეტლად“.* ეს ქალთა სასწავლებელი არსებობდა ოღვა თეოდორეს ასულისა და კავკასიაში მეფის ზოადგილის ხარჯზე. იგი წარმოადგენდა სპეციალური საშუალო ტიპის სასწავლებელს, რუსეთის იმპერიაში არსებული ე. წ. პირველი თანრიგის (первая) ქალთა სასწავლებლის უფლებით; მოსწავლეთა ასაკი განისაზღვრებოდა 7—8 წლიდან 17—18 წლამდის, ე. ი. პირველ კლასში მიიღებოდა 7—8 წლის ასაკის გოგონები, ხოლო სრული კურსი კი უნდა დაემთავრებინათ არა უგვიანეს 18 წლის ასაკისა. სასწავლებლის კურსი განიყოფებოდა სამ ციკლად: 1. ელემენტარული, 2. ზოგადი განათლებისა და 3. სპეციალურ-პედაგოგიური.

ელემენტარული ციკლი წარმოადგენდა სასწავლებლის პირველ საფეხურს. სწავლება ამ საფეხურზე შეიცავდა 2 კლასს (1—2) და განისაზღვრებოდა 2 წლით; ასწავლიდნენ: 1. საღეთო სჯულს (მოკლე კატეხიზმო, ძველი და ახალი აღთქმის ისტორია), 2. წერაკითხვას რუსულ ენაზე, 3. წერა-კითხვას მშობლიურ ენაზე, 4. არითმეტიკას (ოთხი მოქმედების ფარგლებში) და 5. ზოგიერთი ძირითადი დისციპლინის** ელემენტარულ კურსს. ნებაყოფლობით ანუ ფაკულტატურ საგნებად მიჩნეული იყო: ფრანგული და გერმანული ენები, ცეკვა და მუსიკა.

* „Кавказ“, 1865, 23.

** ამ დისციპლინების შერჩევა ფაქტიურად დამოკიდებული იყო სასწავლებლის ადმინისტრაციაზე.

ზოგადი განათლების ციკლი წარმოადგენდა სასწავლებლის მეორე საფეხურს 2 კლასით (3—4) და ორი წლის კურსით. ამ საფეხურზე ისწავლებოდა: 1. საღვთო წერილი (ძველი და ახალი აღთქმის ვრცელი ისტორია, ლიტურგია და ქრისტიანული ეკლესიის ისტორია), 2. რუსული ენა და სიტყვიერება, 3. ზოგადი და რუსეთის ისტორია, 4. ზოგადი და რუსეთის გეოგრაფია, 5. არითმეტიკა და მათემატიკური განზომილების ელემენტები, 6. ფილოსოფიური პროპედევტიკა, 7. სუფთაწერა, 8. ხატვა, 9. ხელსაქმე, 10. გალობა და 11. მშობლიური ენა. ფაკულტატურ საგნებად ისწავლებოდა: გერმანული, ფრანგული, ქართული, სოიხური და თათრული ენები, ცეკვა და მუსიკა.*

სპეციალურ-პედაგოგიური ციკლი წარმოადგენდა სასწავლებლის მესამე საფეხურს. ეს საფეხურიც შეიცავდა 2 კლასს (5—6) ორწლიანი კურსით. ამ ციკლში შედიოდა პირველ და მეორე საფეხურზე გავლილი საგნების გაღრმავებული შესწავლა (პირველ წელს, ე. ი. მე-5 კლასში), ხოლო ახალ საგნებად ემატებოდა ზოგადი პედაგოგიის საფუძვლები დიდაქტიკით და პრაქტიკული (საცდელი) გაკვეთილების გადაცემა ელემენტარული ციკლის (ე. ი. დაბალ) კლასებში.

თბილისის 1-ლი თანრიგის ქალთა სასწავლებლის სათავეში იდგა დირექტორი,** რომელიც, წესდების მიხედვით, „სამსახურით, მუნდირით ანუ კლასით უდრის გიმნაზიის დირექტორებს“, ხოლო ამ სასწავლებლის მასწავლებლები სარგებლობდნენ გიმნაზიების მასწავლებელთა უფლებით.

თბილისის ქალთა სასწავლებლის კურსის დასრულების შემდეგ ოსწავლეთ ენიჭებოდა „ზინაური“ მასწავლებლის წოდება დაწყებითი სკოლების (1—2 კლასში) სწავლების უფლებით.

სასწავლებელი კარგი ავტორიტეტით სარგებლობდა თბილისის საზოგადოებაში. გახსნის პირველ წელს (1865) მასში მიღებულ იქნა 107 ქალიშვილი 7—9 წლის ასაკისა, შემდეგში სწავლის მსურველთა რიცხვი ყოველწლივ იზრდებოდა.

1869 წელს თბილისის 1-ლი თანრიგის ქალთა სასწავლებლებთან, მასწავლებელთა ჯგუფის ინიციატივით, გაიხსნა ქალთა

* რუხ მოწავეებს უნდა ესწავლათ რომელიმე აქ დასახელებული ენა.

ფაკულტატური საგნების სწავლებისათვის ბავშვებს ახდევინებდნენ დამატებით ქირას.

** 1868 წლიდან—ინსპექტორი.

ერთწლიანი პედაგოგიური კურსები როგორც ამავე სასწავლებლებში კურსდამთავრებულთა, ისე თბილისის სხვა სასწავლებელთა პედაგოგების კვალიფიკაციის ასამაღლებლად. კურსებზე იკითხებოდა ლექციები ფიზიკა-მათემატიკაში, რუსულ ენა-სა და სიტყვიერებაში, პედაგოგიკასა და კერძო მეთოდოლოგიაში. მეცადინეობას აწარმოებდნენ თბილისის საშუალო სკოლების მოწინავე მასწავლებლები. პედაგოგიკასა და დიდაქტიკაში ლექციებს კითხულობდა ამავე სასწავლებლის ინსპექტორი ლ. მოღვაწე ლევსკი (კ. დ. უშინსკის მოწაფე). კურსები მსმენელთა დიდ რიცხვს იზიდავდა. ასე, მაგალითად, მისი გახსნის 3-4 თვის შემდეგ, 1870 წლის თებერვალში, კურსებზე 102 ქალი სწავლობდა.

1870 წლის 2 ოქტომბერს აღნიშნულ სასწავლებელს მოემატა მე-7 პედაგოგიური კლასი. მიზანი იყო მოსწავლეთა მომზადება სამასწავლებლო მოღვაწეობისათვის სწავლა-აღზრდის საქმის თეორიული და პრაქტიკული „გაცნობის საშუალებით“.* პედაგოგიკასა და დიდაქტიკას კითხულობდა ლ. პ. მოღვაწე ლევსკი (კვირაში 2 ს.), მე-7 კლასის მოსწავლეები პრაქტიკულ გაკვეთილებს აძლევდნენ იმავე სასწავლებლის დაწევებით კლასებში.

მე-7 პედაგოგიური კლასის გახსნით სრულებით შეიცვალა ქალთა სასწავლებლის მესამე საფეხურის (სპეციალურ-პედაგოგიური ციკლის) სასწავლო გეგმა. მას მიეცა ზოგადი ხასიათი და არსებითად გადაკეთდა ქალთა გიმნაზიების V-VI კლასების გეგმის მიხედვით. ეს იყო წინასწარგანსაზღვრული ღონისძიება, რომ სასწავლებელი გიმნაზიად გადაკეთებულიყო, და, მართლაც, იმავე 1870 წელს თბილისის 1-ლი თანრიგის ქალთა სასწავლებელი „უმალღესი“ ბრძანებით გადაკეთდა ქალთა გიმნაზიად, 7 კლასით. ეს იყო პირველი ქალთა გიმნაზია მთელს საქართველოსა და ამიერკავკასიაში.

თ ბ ი ლ ი ს ი ს ს ა მ ა ს წ ა ვ ლ ე ბ ლ ო ს კ ო ლ ა. 1866 წელს თბილისში დაარსდა სამასწავლებლო სკოლა. იგი დაარსა კავკასიაში მართლმადიდებელი ქრისტიანობის აღმადგენელმა საზოგადოებამ.

ეს საზოგადოება შექმნილი იყო 1860 წლის ივნისში (კავკასიის მეფისნაცვლისა და საქართველოს ეგზარხოსის თავპჯდო-

* Циркуляр попеч. КУО, 1970, IX-X, 28.

შარეობით) და მიზნად ისახავდა აღედგინა და გაემტკიცებინა მართლმადიდებლური ქრისტიანობა კავკასიის იმ მთიელ ტომებსა და განაპირა მოსახლეობაში, რომლებშიც გავრცელებული ან ფეხმოკიდებული იყო მაჰმადიანური სარწმუნოება. მათში საქართველოს მოსახლეობიდან შედიოდნენ: თუშ-ფშავ-ხევსურები, სვანები, სამურძაყანოელები, მესხები, ჯავახები, უდინები; არაქართველ ტომთაგან: აფხაზები, ოსები. აღნიშნული მიზნის მიხედვით საზოგადოება მიმართავდა როგორც ეკლესიების დაარსებას, ისე დაწესებითი სკოლების გახსნას ქრისტიანული განათლების გავრცელებისათვის. ეს სკოლები განზრახული იყო ორივე სქესის ბავშვებისათვის და შეიკავდნენ 2-ს, ზოგან 3 კლასს და ამის მიხედვით 2—3 წლიანი სწავლების კურსს. ასწავლიდნენ საღვთო სჯულს, რუსულ და ქართულ (მშობლიურ) ენებს, ანგარიშს, გალობას:

ქრისტიანობის აღმდგენელი საზოგადოების სკოლების რიცხვი მწრაფად იზრდებოდა. 1865 წლისათვის მას კავკასიაში ჰქონდა 58 დაწყებითი სკოლა, აქედან 32 საქართველოს განაპირა კუთხეებსა და სამხრეთ ოსეთში. სწავლება უმთავრესად რუსულ ენაზე წარმოებდა. მოწაფეთა რიცხვი აღნიშნულ სკოლებში ამ დროისათვის 1007 აღწევდა. საზოგადოებისათვის უკვე ნათელი იყო, რომ სკოლების რიცხვის შემდგომი ზრდა ძალიან ფერხდებოდა მასწავლებელთა სიმცირის გამო. განსაკუთრებულ იშვიათობას წარმოადგენდა რუსულ ენაზე მოლაპარაკე პედაგოგიური კადრები. ამ გარემოებამ გამოიწვია თბილისში სამასწავლებლო სკოლის დაარსება. სკოლა გაიხსნა 1865 წლის დეკემბერში თბილისის განაპირა უბანში, ნავთლულში. მას ეწოდა მეფე ალექსანდრე II სახელი.*

თბილისის ალექსანდრეს სახელობის სამასწავლებლო სკოლა ზათინანსო-სამეურნეო დარგში ექვემდებარებოდა ქრისტიანობის აღმადგენელ საზოგადოებას, ხოლო სასწავლო-პედაგოგიური მუშაობის დარგში—კავკასიის სასწავლებელთა სამმართველოს მთავარ ინსპექტორს (1867 წლიდან კავკასიის სასწავლო ოლქის მზრუნველს). მისი მიზანი იყო მასწავლებელთა მომზადება დაწყებითი სკოლებისათვის. თავდაპირველად თბილისის სამასწავლებლო სკოლა შეიკავდა 3 კლასს სწავლების 3-წლიანი კურსით.

* „Кавказ“ 1865, № 92; 1866, № 76; 1867, № 80.

მოწაფეებს ლებულობდნენ არა უმცირეს 16 წლის ასაკისას, რომ-
ლებსაც უნდა ჰქონოდათ დამთავრებული დაწყებითი სკოლა ანდა
ამავე სკოლის პროგრამით უნდა ჩაებარებინათ გამოცდები:
1. საღვთო სჯულში (მოკლე კატეხიზმო და საღვთო ისტორია),
2. რუსულ ენაში (რუსული წერა-კითხვა ადგილობრივ მკვიდრთა
ბავშვებს), 3. არითმეტიკაში (ოთხი მოქმედება მთელ რიცხვებზე).

სამასწავლებლო სკოლის გახსნას დიდი ინტერესით შეხვდა
თბილისის ახალგაზრდობა. გახსნის მომენტშივე იქნა შეესებული
1-ლი კლასის წინასწარ განზრახული კონტინგენტი 23 კაცის რაოდენობით (მათ შორის იყო 16 ქართველი), მაგრამ ამ სკოლაში
შესვლის მსურველთა დიდი რიცხვის გამო, აღმინისტრაცია იძუ-
ლებული იყო კონტინგენტი გაედიდებინა 40 კაცამდე. მოწაფეები
მოდიდნენ თბილისის სხვადასხვა სასწავლებლიდან,* ხშირად
საშუალო სასწავლებელთა ზედა კლასებიდანაც კი.

სკოლასთან არსებობდა პანსიონი სახელმწიფო ხარჯზე. მოწა-
ფეთა უმრავლესობა პანსიონში ცხოვრობდა.

აღექსანდრეს სახელობის თბილისის სამასწავლებლო სკოლა
იზიდავდა ახალგაზრდობას იმით, რომ იგი ამზადებდა არა მარტო
ქრისტიანობის აღმადგენელი საზოგადოების, არამედ, საერთოდ.
საქართველოს ყველა დაწყებითი სკოლის მასწავლებლებს, წარ-
მოადგენდა საერო ტიპის სასწავლებელს, რომელიც თავისუფალი
უნდა ყოფილიყო სასულიერო სასწავლებელთა და გიმნაზიებში
გამეფებული სქოლასტიკურ-დოგმატიკური მეთოდებისა და ადა-
მიანის ღირსების დამამცირებელი რეჟიმისაგან. ამასთან აღსანიშ-
ნავია ისიც, რომ თბილისის სამასწავლებლო სკოლა იყო სრუ-
ლიად ახალი ტიპის პედაგოგიური სასწავლებელი (მეორე მთელ
იმპერიაში,** ეს იყო პროტოტიპი რუსეთში ახალი სამასწავლებლო

* სამასწავლებლო სკოლის პირველ კლასში შედიოდნენ უმთავრესად თბი-
ლისის სასულიერო სემინარიისა და სასულიერო სასწავლებლის მოწაფეები. ეს
გარემოება იწვევდა ამ სასწავლებელთა -გარკვეულ დისკრედიტაციას; ამის გა-
მო სასულიერო სემინარიის ოქტორმა ვიკტორინმა კატეგორიულად მოით-
ხოვა სამასწავლებლო სკოლის დირექტორის ზახაროვისაგან არ მიეღო
მას სამასწავლებლო სკოლაში სასულიერო სემინარიისა და სასულიერო სას-
წავლებლის მოწაფეები. მაგრამ ამ უკანასკნელთა ლტოლვა იმდენად ძლიერი
იყო სამასწავლებლო სკოლისადმი, რომ რექტორის ვერავითარმა ზეჟ.რ-
ვერ გაჭრა.

** პირველი იყო ქ. მოლოდინში. მოსკოვში კი—სამხედრო სამასწავლებლო
სემინარია, რომელიც ამზადებდა მასწავლებლებს დაწყებით სამხედრო სასწავლ-

სემინარიებისა, რომლებიც 1870 წელს დებულების მიხედვით იქ-
ნენ დაარსებული). მართლაც, თბილისის ალექსანდრეს სახელობის
სამასწავლებლო სკოლა მისი გახსნის პირველი წლიდანვე ზერით-
დულ პრესაში და ფართო საზოგადოებაში ყოველთვის სემინარიად
იწოდებოდა. კავკასიის სამოსწავლო ოლქის მზრუნველი თავის
ანგარიშებში 1867—1868 წლისათვის წერდა, რომ თბილისის სა-
მასწავლებლო სკოლას მისი ადმინისტრაცია მხოლოდ თავმდაბ-
ლობით უწოდებს სკოლას, არსებითად კი იგი არის სამასწავლებ-
ლო სემინარია.

თბილისის სამასწავლებლო სკოლა, თავისი სტრუქტურით (3 კლა-
სი), სწავლის ხანგრძლივობით (3-წლიანი) და, პირველ ყოვლისა,
თავის სასწავლო გეგმით, მოსწავლეთა პედაგოგიურ-მეთოდური
მომზადებით და პრაქტიკულ-საეარჯიშო გაკვეთილების ორგანიზა-
ციით იყო 1870 წლის დებულებით დაარსებული სემინარიის
ტიპის სასწავლებელი. მის სასწავლო გეგმაში შედიოდა შემდეგი
საგნები: 1. საღვთო სჯული, 2. რუსული ენა, 3. პედაგოგია (და-
წყებითი სკოლის დისციპლინების კერძო მეთოდოლოგიით), 4. ის-
ტორია, 5. გეოგრაფია, 6. არითმეტიკა, 7. გეომეტრია, 8. ჰიგიე-
ნა, 9. პოპულარული მედიცინა, 10. ბუნებისმეტყველება (ზოგადი
კნობები), 11. სუფთაწერა, 12. ხაზვა-ხატვა, 13. გალობა, 14. გიმ-
ნასტიკა. გარდა ამისა სამასწავლებლოს სკოლის მოწაფეები იღებდ-
ნენ აგრეთვე სათანადო პრაქტიკულ ცოდნა-ჩვევებს სასოფლო-სა-
ჰეურნეო და სახელოსნო შრომის ზოგიერთი დარგების (მებაღეო-
ბა, ხარატობა, დურგლობა, ზეინკლობა, მკინძაობა) შესახებ.

თბილისის სამასწავლებლო სკოლის დაარსებიდან ერთი წლის
შემდეგ, წესდების თანახმად, მასთან გაიხსნა პირველდაწყებითი
სასწავლებელი „სამასწავლებლო სკოლის მოსწავლეთა პრაქტიკული
ვარჯიშობისათვის“ (წესდ. მე-3 მუხ.). ეს სასწავლებელი იყო ორ-
წლიანი. აქ ასწავლიდნენ: საღვთო სჯულს, რუსულ ენას, არით-
მეტიკას, სუფთაწერას, გალობას.

არ იქნება ინტერესმოკლებული მოვიყვანოთ სამასწავლებლო
სკოლის ცხრილი (1867 წ.) კლასების მიხედვით, საგნების განა-

შეგებულათვის. კავკასიაში პირველი სემინარია გაიხსნა 1869 წელს („კუბანის
სამასწავლებლო სემინარიის“ სახელწოდებით) სტანიცა სტაროკორსუნსკაიაში,
რომელიც 1870 წლიდან ქ. ეკატერინოდარში გადაიტანეს

წილებით და მათთვის განკუთვნილი კვირეული საათების აღნიშვნით:*

საგნების დასახელება	I კლ.	II კლ.	III კლ.
1. საღვთო სჯული	4	3	1
2. პედაგოგია	—	2	2
3. რუსული ენა	6	4	2
4. გეოგრაფია	8	2	—
5. ისტორია	—	3	2
6. არითმეტიკა, გეომეტრია, ხაზვა	6	4	2
7. ბუნებისმეტყველება	5	3	2
8. ჰიგიენა და პოპულ. მედიცინა	—	—	2
9. სუფთაწერა	2	2	—
10. გალობა	2	2	2

ადგილობრივი ენები არ ითვლებოდა სავალდებულოდ და ამიტომ არც გეგმაში შედიოდა. ქართველი მოსწავლეები ეზობლიურენას სწავლობდნენ სავალდებულო გაკვეთილების დამთავრების შემდეგ, კვირაში 4 საათს.

გიმნასტიკა, ბალებსა და სახელოსნოებში მუშაობა, მართალია, სავალდებულო იყო, მაგრამ ცხრილში არც ეს მეცადინეობანი შედიოდა, თუმცა მოსწავლეები მას ასრულებდნენ ზუსტად განსაზღვრულ დღეებსა და საათებში.

ეს ცხრილი მოწმობს, რამდენად ცვირემნიშენელობის ადგილი აქვს დათმობილი პედაგოგიკას პედაგოგიურ სასწავლებელში (კვირაში ორ-ორი საათი II და III კლასებში) და რაოდენი უპირატესობით სარგებლობს აქვე საღვთო სჯული. გარდა ამისა, პედაგოგიკის კურსში თითქმის სრულებით არ იყო გათვალისწინებული თეორიული პედაგოგიკისა და პედაგოგიკის ისტორიის საკითხები. ოლქის მზარუნველი თავის ანგარიშში, 1868 წელს, ალექსანდრეს სახელობის თბილისის სკოლის მდგომარეობის შესახებ არ მალავს,

* „Кавказ“ 1867 № 80.

რომ ამ სკოლაში პედაგოგიის კურსი 1867 წელს წარმოადგენდა ცალკე პედაგოგიურ თემებზე შედგენილი მონოგრაფიების უბრალო კრებულს და არა სისტემატურ კურსს. სახელობრ, ამ წლის პედაგოგიის პროგრამაში შედიოდა მთლიანად: I. დიდაქტიკური საკითხები (1. სწავლების წესები, რაც მოწაფეს ეხება, 2. წესები, რაც სწავლების საგანს ეხება, 3. სწავლების წესები, რაც მასწავლებელს ეხება, და 4. სწავლების წესები, რაც გარეშე გარემოებას ეხება), II. თვალსაჩინო სწავლება, III. წერა-კითხვის სწავლება, IV. მშობლიური ენის სწავლება, V. არითმეტიკის სწავლება, VI. ადგილობრივ მკვიდრთათვის რუსული ენის სწავლება*.

ეს გარემოება, ერთი მხრით, აიხსნება იმით, რომ მაშინ ჯერ კიდევ არ იყო დადგენილი ზოგადი პედაგოგიის კურსის შინაარსი, ხოლო მეორე მხრივ—არ იყვნენ პედაგოგიის კვალიფიციური სპეციალისტები, ლექტორ-მასწავლებლები.

კერძო მეთოდიკების კურსს (ყველა იმ საგნისა, რომელიც დაწყებით სკოლაში ისწავლებოდა), როგორც ვხედავთ, მოსწავლეები ეცნობოდნენ პედაგოგიის კურსიდან. ამას გარდა, ყოველი საგნის მასწავლებელს ევალებოდა ესწავლებინა აგრეთვე თავისი საგნის სწავლების მეთოდიკაც. ამიტომ ცხრილში კერძო მეთოდიკების საათები ცალკე არ იყო გამოყოფილი. ეს, რასაკვირველია, არ არის ნორმალური გარემოება, რაც მოწმობს პედაგოგიურ მეცნიერებათა ჯერ კიდევ დაბალ დონეს 60-იანი წლებას დასასრულსათვის.

მართალია, ალექსანდრეს სახელობის თბილისის სამასწავლებლო სკოლაში პედაგოგიის, როგორც მეცნიერების, სწავლება არ იყო დაყენებული სათანადო სიმძლევზე, ნაკრამ, სამაგიეროდ, კარგად იყო მოგვარებული მოსწავლეთა პრაქტიკულ-მეთოდიკური მომზადება.

მოსწავლეები მესამე კლასში იწყებდნენ პედაგოგიურ პრაქტიკას. საცდელ გაკვეთილებს აძლევდნენ სამასწავლებლო სკოლასთან არსებულ პირველდაწყებით სასწავლებელში. ამ გაკვეთილებს ესწრებოდნენ საგნის მასწავლებლები, კლასის დანრიგებლები და თავისუფალი პრაქტიკანტები. გადაცემული გაკვეთილის შენდეგ წარმოებდა მისი გარჩევა აღნიშნულ პირთა შეზადგენლობაში.

ქართული ენა თბილისის სამასწავლებლო სკოლაში (სემინარიაში) არ ითვლებოდა სავალდებულო საგნად და ამის გამო არც

ცხრაღამში შედიოდა. სასწავლებელი, რომელიც ამჟამად მასწავლებლებს უმთავრესად საქართველოს სკოლისათვის, ქართველი ტონის მოსწავლეების აბსოლუტური უმრავლესობით, — არ თვლიდა საჭიროდ ქართული ენის შემოღებას. სკოლის დირექტორი ზახაროვი, როგორც მეფის კოლონიური პოლიტიკის ერთგული მიმდევარი და რუსიფიკატორი, სასტიკად სდევნიდა ქართულ ენას, თუმცა ამას ფორმალურად არ ამქადებდა, ის არ უწყევდა ანგარიშს იმ ფაქტს, რომ ქრისტიანობის აღმადგენელი საზოგადოებისა და საეროთა დაწესებულებებით სკოლებში, რომელთათვისაც ამჟამად იგი მასწავლებლებს, ქართული ენა სავალდებულო სავანი იყო და, მაშასადამე, საჭირო იყო ამ საგნის მასწავლებელთა მომზადება. ეს გარემოება არ გამოპარვია მხედველობიდან სამოციანელი ქართველი ინტელიგენციის მოწინავე წარმომადგენლებს. მაგალითად, გიორგი წერეთელი 1877 წელს თბილისის სამასწავლებლო სკოლის (სენინარიის) სასწავლო გეგმაში ქართული ენის შეუტანლობის გამო სწერდა კ. ლორთქიფანიძეს: „ზემოხსენებულ მასწავლებლების სემინარიას უნდა ეწოდოს „Учительская семинария“. ამ სასწავლებელში ქართული ენა არ უნდა იყოს. როდესაც ამ სასწავლებელში შეასრულებენ სწავლას ყმაწვილები, შემდეგ იმათ ვაგზავნიან მასწავლებლებად „სასოფლო სკოლებში“, სადაც იმათ გლეხების ყმაწვილებს უნდა ასწავლონ რუსული წერა-კითხვა და ლაპარაკი, ქართული კი არავითარ შემთხვევაში არ უნდა ასწავლონ. ასე, ამრიგად, მთელი ხალხობა უნდათ გაარუსონ... ვერიდოთ ძმავ, რომ მყობადში დედამამის მკვლელები არ დაგვიძახონ“.*

თბილისის სამასწავლებლო სკოლაში ქართული ენის სწავლების აკრძალვის ფაქტი იყო ერთ-ერთი პირველი განოლაშქრება ქართული ერივნული კულტურის წინააღმდეგ სამოციან წლებში. ჩვენმა მოწინავე ინტელიგენციამ იცოდა, რომ თუ სახალხო სკოლებს ქართული ენის (დედაენის) მასწავლებლებს არ მოუშხადებდნენ, — მომავალი თაობა მშობლიურ ენას დაივიწყებდა, ხალხი გადაგვარდებოდა. ამიტომ იყო, რომ დუმილი და ამ ფაქტისადმი შერიგება მიაჩნდათ მათ „დედ-მამის მკვლელობად“.

მიუხედავად ქართველი საზოგადოების წინააღმდეგობისა, ზახაროვი არაფერს უშინდებოდა. მას მხარს უჭერდნენ მეფის მოადგილე, სასწავლო ოლქის მზრუნველი და სხვა ჩვენში მოვლენილი

* ბ. წერეთელი, I, 414.

„დიდებული გვამები“. ქართული ენა არც შემდეგ წლებში შეუტანიათ თბილისის სამასწავლებლო სკოლის სასწავლო გეგმაში. ამ სკოლის ქართველი მოწაფეებმა მშობლიურ ენას მაინც სწავლობდნენ მაგრამ სკოლის ადმინისტრაციისაგან დამოუკიდებლად, თავისუფალ დროს და თავის ხარჯით.

სასწავლო-აღმზრდელითი პროცესი თბილისის სამასწავლებლო სკოლაში 1867 წლიდან რეგულირდებოდა დირექტორის სპეციალური ინსტრუქციით („ინსტრუქცია ალექსანდრეს სახელობის სკოლის მასწავლებელ-აღმზრდელებს“).* ინსტრუქცია ეხებოდა შემდეგ (ზოგად) დებულებებს: 1. მასწავლებელ-აღმზრდელთა მუშაობის მიზნები, 2. მათი (მიზნების) მიღწევის საშუალებანი, 3. აღმზრდელთა მუშაობის მიმართულება, 4. ქრისტიანული რელიგიის სულისკვეთებით აღზრდის აუცილებლობა, 5. სკოლისგარეშე ყოფაქცევაზე შეთვალყურეობის აუცილებლობა, 6. აღზრდის მიზნების მიღწევის კერძო საშუალებანი: ა) უშუალო წეთეაღყურება მოსწავლეებზე, ბ) მათთან მედმივად ყოფნა, გ) საუბრები და ლიტერატურული კითხვა; 7. მოსწავლეებთან აღმზრდელთა მუშაობის ხერხები, 8. წახალისება და დასჯა, 9. აღმზრდელთა დამოკიდებულება ურთიერთმორის.

ამ ზოგად დებულებათა გარდა, ინსტრუქცია შეიცავდა კიდევ ერთ კარს—აღმზრდელების კერძო მოვალეობათა შესახებ. მართალია, თბილისის სამასწავლებლო სკოლის ინსტრუქციაში ახალი არაფერი იყო, მაგრამ ის წარმოადგენდა პედაგოგიკურ მეცნიერებათა მონაცემების დალაგებას აღნიშნულ საკითხებზე და ამით იწვევდა სათანადო ინტერესს მასწავლებელთა წრეებში. იმავე 1867 წლის აგვისტოში აღნიშნული ინსტრუქცია მოიწონა კავკასიის სასწავლებელთა მთავარმა ინსპექტორმა და ცირკულარულად დაუგზავნა იგი კავკასიის ყველა გიმნაზიასა და პროგიმნაზიას სახელმძღვანელოდ.

1869 წელს თბილისის სამასწავლებლო სკოლამ ზემოთ აღნიშნა თავის მოსწავლეთა პირველი გამოშვება 13 კვალიფიკაციური პედაგოგის რაოდენობით.

1870 წელს შემუშავდა პროექტი რუსეთში სამასწავლებლო ინსტიტუტების დაარსების (უფრო სწორად: აღდგენის) შესახებ. თბილისის სამასწავლებლო სკოლის ადმინისტრაციამ გადაწ-

ყვიტა მოემზადებინა ნიადაგი სამასწავლებლო სკოლის გადაკეთებისათვის სამასწავლებლო ინსტიტუტად და ამ მიზნით 1870 წლიდან თბილისის სამასწავლებლო სკოლის სასწავლო გეგმასა და პროგრამებში შეაქვთ ცვლილებები მომავალი სამასწავლებლო ინსტიტუტების სასწავლო გეგმისა და პროგრამების მიხედვით. 1870 წლის ანგარიშში აღნიშნული სკოლის დირექტორი ამბობს, რომ „სამასწავლებლო სკოლა მიიღტეოდა შეძლების მიხედვით შეესრულებინა პროგრამა დაპროექტებული სამასწავლებლო ინსტიტუტებისა, რამდენადაც ამის საშუალებას გვაძლევდა საწმლიანი კურსის მოკლევადიანობა, სკოლაში შემსვლელთა სუსტ მომზადებასთან ერთად“. დირექტორი ამავე ანგარიშში მოითხოვდა აგრეთვე სკოლისათვის მე-4 კლასის მომატებას, რომ ამით უფრო მაღლა აეწია-არარუს მოსწავლეთა მიერ რუსული ენის დაუფლების საქმე და საერთოდ ყველა მოსწავლეთა ცოდნის დონე სხვა საგნებში.

სამასწავლებლო სკოლა დიდხანს არ დარჩენილა ქრისტიანობის აღმდგენელი საზოგადოების გამგებლობაში. 1871 წლის დასაწყისში ის გადაეცა კავკასიის სასწავლო ოლქს და სახაზანო ხარჯზეკადავიდა. ამ მომენტისათვის თბილისის სამასწავლებლო სკოლაში სწავლობდა 45 მოწაფე. აქედან: ქართველი—22, რუსი—8, სომეხი—7, ოსი—6, აფხაზი—1, უდინი—1; წოდების მიხედვით: თავადი—3, აზნაური—17, სასულ. წოდ.—5, გლეხი—20. აღნიშნულ დროისათვის საგრძობლად გაფართოვდა სახალხო სკოლების კურსი, სამაზრო სკოლებსაც მიემატა ერთი კლასი და ოთხწლიანი საქალაქო სკოლებიც შემოდიოდა პრაქტიკაში. საკიროდ მიიჩნიეს ამ სასწავლებელთათვის უფრო ფართო განათლების პედაგოგებს მომზადება, ვიდრე ეს შეეძლო სამასწავლებლო სკოლას და, ამის გაცო. 1871 წელს, ალექსანდრე II სახელობის თბილისის სამასწავლებლო სკოლა გადაკეთდა ალექსანდრეს სახელობის თბილისის სამასწავლებლო ინსტიტუტად. ეს იყო პირველი ინსტიტუტი მთელ იმპერიაში, რადგანაც სამასწავლებლო ინსტიტუტებმა მხოლოდ 1872 წლიდან იწყეს არსებობა რუსეთის სხვა ადგილებში.

—

აღნიშნულ პედაგოგიურ სასწავლებელთა პარალელურად 60-იან წლებში საქართველოში პედაგოგიური განათლების გავრცელებისა

და მასწავლებელთა მომზადების საქმეს ხელს უწყობდა აგრეთვე ზოგადი განათლების სასწავლებლებთან არსებული პედაგოგიური კლასები ან კურსები და თბილისის პედაგოგიური კურსები და თათბირები, რომლებსაც ამ პერიოდში სისტემატური ხასიათი მიეცა.

1. წმ. ნინოს სახელობის თბილისის ქალთა სასწავლებლის პედაგოგიური კლასი. წმ. ნინოს სახელობის თბილისის ქალთა სასწავლებლებთან 1864 წელს დაარსდა მე-7 პედაგოგიური კლასი. იგი დაარსდა ამავე სასწავლებლის სასწავლო ნაწილის მმართველის ე. ჟელიხოვსკის ინიციატივით. პედაგოგიურ კლასში გადადიოდა ამ სასწავლებლის ნეექესე კლასიდან: ყველა, ვისაც კი სურვილი ჰქონდა მასწავლებლობისა. მე-7 პედაგოგიურ კლასში ასწავლიდნენ: 1. პედაგოგიკას (ე. წ. „Опытная педагогика“), 2. დიდაქტიკას (რუსული ენის, არითმეტიკის, ბუნებისმეტყველების და ხაზვის სწავლების კერძო მეთოდოლოგიით), 3. ბუნებისმეტყველებას, 4. ხაზვას; ამასთან მე-7 კლასის მოსწავლეები აწარმოებდნენ პედაგოგიურ პრაქტიკას (გაკვეთილების გადაცემას) ამავე სასწავლებლის დაბალ კლასებში.

წმ. ნინოს სახელობის თბილისის ქალთა სასწავლებელი ამზადებდა დაწყებითი ორკლასიანი სკოლების მასწავლებელ ქალებს.

2. თბილისის სასულიერო სემინარიასთან არსებული პედაგოგიური კურსები. ეს კურსები გაიხსნა 1866 წელს ამავე სემინარიის მასწავლებლის ლეთისმეტყველების მაგისტრის მღვდ. გიორგი ხელაძის ინიციატივით. იღებდნენ სემინარიის კურსდამთავრებულთ, რომლებსაც სურდათ მასწავლებლობა. კურსები იყო ერთწლიანი და ამზადებდა საეკლესიო-სამრევლო სკოლებისა და სასულიერო სასწავლებელთა მასწავლებლებს.

3. პედაგოგიკური თათბირები. 1866 წლიდან თბილისში, მსგავსად პეტერბურგისა და ნოსკოვისა, იმართებოდა საჯარო პედაგოგიკური თათბირები (Педагогические собрания). თათბირებზე განიხილებოდა შემდეგი საკითხები: 1. აღზრდის მიზნები და ამოცანები, 2. სწავლების მეთოდები, 3. სასწავლო გეგმები, 4. პროგრამები (შედგენა და განხილვა), 5. სახელმძღვანელოები (არსებული სახელმძღვანელოებისა და ადგილობრივი პროექტების განხილვა) და 6. სახალხო განათლებისა და პედაგოგიკის ისტორიის საკითხები. ამ მხრავ აღსანიშნავია, რომ თათბირის მონაწილეებს აინტერესებდათ კავკასიის სახალხო განათლების ისტორიის საკითხე-

ბიუ. მაგალითად, 1867 წლის 27—29 იანვრის საჯარო პედაგოგიკური თათბირის მასალიდან ჩანს, რომ არჩეული ყოფილა სპეციალური კომიტეტი კავკასიის გიმნაზიების ისტორიის შესადგენად.* მართალია, ასეთი ისტორია არ ყოფილა შედგენილი, მაგრამ საამასო სურვილიც კი აღსანიშნავია. პედაგოგიკური თათბირები იმართებოდა თბილისის კლასიკური გიმნაზიის შენობაში. მასში მონაწილეობდა თბილისის თითქმის მთელი მასწავლებლობა. განსაკუთრებულ ინტერესს იჩენდნენ თბილისის კლასიკური და რეალური გიმნაზიების, 1-ლი თანრიგის ქალთა სასწავლებლის, წმ. ნინოს სახელობის ქალთა სასწავლებლისა და ალექსანდრეს სახელობის სამასწავლებლო სკოლის მასწავლებლები. თათბირები დიდ ინტერესს იწვევდა თბილისის მასწავლებლობაში. იქ „ცხარე კამათი იმართებოდა“, წერდა გაზეთი „კავკაზი“ (50). ამასთან ძალიან ხშირად პედაგოგიკური თათბირების მასალები იბეჭდებოდა ქართულ და რუსულ პრესაში, განსაკუთრებით „კავკაზში“.

პედაგოგიკურ თათბირებსა და ყრილობებს მართავდა აგრეთვე კავკასიაში ქრისტიანობის აღმადგენელი საზოგადოებაც.

4. საზაფხულო პედაგოგიური კურსები. 1867 წლიდანვე შემოდის პრაქტიკაში საზაფხულო პედაგოგიური კურსების ორგანიზაცია დაწყებითი სკოლების მასწავლებელთათვის. კურსების მიზანი იყო უკანასკნელთა პედაგოგიკურ-მეთოდოლოგიური კვალიფიკაციის ამაღლება, პრაქტიკაში გამოცდილი მეთოდების პოპულარიზება, ახალი მეთოდების გაცნობა, მასწავლებელთა გამოცდილების გაზიარება, ახალი პედაგოგიკური ლიტერატურის გაცნობა ან რეკომენდაცია და სხვ. პირველი ასეთი კურსები გაიხსნა 1867 წლის ზაფხულზე ქ. თელავში. კურსებზე მოწვეული იყვნენ კავკასიის გიმნაზიების მოსამზადებელი კლასების მასწავლებლები. ლექციებს კითხულობდნენ თბილისის გიმნაზიისა და თბილისის ქალთა პირველი თანრიგის სასწავლებლის მასწავლებლები. პედაგოგიკას უკითხავდა ეელიხოვესკი.

5. ქალთა პედაგოგიური კურსები. თბილისის ქალთა პირველი თანრიგის სასწავლებლისათვის VII პედაგოგიური კლასის მიმატებით ეს სასწავლებელი აღარ იყო დატერესებული მასთან პედაგოგიური კურსების არსებობით. ასეთი კურსების საჭიროება კი ისევ დიდი იყო. ამის გამო, თბილისის წმ. ნინოს სახელობის ქალთა

* „Кавказ“ 1837, № 11.

სასწავლებლის ინსპექტორის, ცნობილი ბესარიონ ლოლობკრიძის ინიციატივით თბილისში მოეწყო ქალთა პედაგოგიური კურსები. კურსები იყო ერთწლიანი. მსმენელთა უმრავლესობას წარმოადგენდა თბილისის დასწავებითი სკოლებისა და საშუალო სასწავლებელთა დაბალი კლასების მასწავლებლობა. კურსებზე იკითხებოდა ლექციები ფილოლოგიურ, ფიზიკა-მათემატიკურ და საბუნებრივმეტყველო საგნებში, აგრეთვე პედაგოგიკა-დიდაქტიკაში. წლის დასრულებს მსმენელთა ცოდნის შესამოწმებლად იმართებოდა კოლოქვიუმები. კურსები, მართალია, არაფერ იურიდიულ უფლებას აძლევდა მსმენელებს, მაგრამ საგრძნობლად უწყობდა ხელს მათი ზოგადი და პედაგოგიკური კვალიფიკაციის ამაღლებას და ამიტომ კარგი ავტორიტეტივ ჰქონდა დამსახურებული.

ქუთაისში სამასწავლებლო სემენარიის გახსნის საკითხისათვის. სამოციანი წლების მეორე ნახევარში, როგორც ვწერდით, სწრაფად გაიზარდა ხალხის ინიციატივა განათლების საქმეში. მოსახლეობა მოითხოვდა სკოლებსა და მასწავლებლებს და, როცა მთავრობის ორგანოები, ვითომდა უსახსროების გამო, უარს ეუბნებოდა სკოლების გახსნაზე, ის თავის ხარჯით ხსნიდა სკოლებს და იწვევდა მასწავლებლებს. მაგრამ სახსრების გამოლება შედარებით უფრო ადვილი იყო, ვიდრე სკოლის გახსნის ნებართვის მიღება და მასწავლებლის გამონახვა. ხოლო თუ პირველი სიძნელის გადალახვას, დაბეჯითებითი მოთხოვნის შედეგად, ხალხი ზოგჯერ მაინც ახერხებდა სამაგიეროდ მეორე სიძნელე ხშირად გარდაუვალი ხდებოდა მისთვის. გარდაუვალი ხდებოდა იმიტომ, რომ ოფიციალურ და მთავრობის ნებართვით გახსნილ სკოლებში (სხვანაირად კი იმ დროს სკოლის გახსნა აღარ შეიძლებოდა) სწავლების უფლება ჰქონდა მხოლოდ მასწავლებლის ოფიციალური წოდების მქონე პირებს. ასეთები კი 60-იან წლებში ისე ცოტანი იყვნენ, რომ სახელმწიფო სკოლების მოთხოვნილებებსაც კი ვერ ფარავდნენ. ეს გარემოება ძალზე აფერხებდა სახალხო სკოლების გახსნას.

ქუთაისის გუბერნიის მოსახლეობა, მისი მოწინავე ადამიანების შთაგონებით, შედარებით, ადრე მიხვდა, რომ სკოლების გახსნისათვის, პირველ ყოვლისა, აუცილებელი იყო მასწავლებელთა მოწიადება. ამ მიზნით ჯერ კადრე 1854 წელს მოითხოვა მან ქ. ქუთაისში სამასწავლებლო სემენარიის დაარსება, მაგრამ უფრო გაბედულად და აქტიურად ეს მოხდა 1869 წელს. ამ წლის განმავლობაში ქუთაისის გუბერ-

ნის მცხოვრებთ სასოფლო თაბიბრზე ერთხმად გამოჰქონდათ გადაწყვეტილებანი თავის ხარჯით ქ. ქუთაისში გაეხსნათ სახალხო სკოლების პედაგოგთა მოსამზადებელი სასწავლებელი—სამასწავლებლო სემინარია. კავკასიის სასწავლო ოლქის მზრუნველი თავის ანგარიშში 1870 წლისათვის მოახსენებს მეფის მოადგილეს კავკასიაში, რომ „ქუთაისის გუბერნიის სასოფლო საზოგადოებათა განაჩენი, ამ გუბერნიაში სამასწავლებლო სემინარიის მოსაწყობად ყოველწლიური შესატანის გამოღების შესახებ, გუბერნიის უფროსის გრაფ ლევაშოვის მიერ წარმოდგენილია დასამტკიცებლად თქვენი იმპერატორობითი უმაღლესისათვის“.*

მეფის მოადგილემ, დიდმა მთავარმა მიხეილმა კავკასიის სასწავლო ოლქის მზრუნველის ანგარიშს ქუთაისში სამასწავლებლო სემინარიის დაარსების შესახებ დააწერა:

„გრაფ ლევაშოვის განზრახვას ქუთაისში სამასწავლებლო სემინარიის მოწყობის შესახებ, როგორც უაღრესად სასარგებლო და სასურველ საქმეს, მსურს მიეცეს მსეღელობა შესაძლო სიჩქარით“.**

მაგრამ ეს მხოლოდ ფორმალურ მიმოწერასა და მოხსენებებში, არსებითად კი ქუთაისის სამასწავლებლო სემინარიის დაარსების საქმე მთავრობამ კარგა ხნით გადასდო ყოველგვარი მიზეზის გარეშე.



60-იანი წლების მეორე ნახევარში სასწავლებელთა რიცხვის ჩქარ ზრდას ძალიან ჩამორჩა მასწავლებელთა კადრების მომზადების ტემპები. პედაგოგიურ სასწავლებელთა ქსელი და პროფესიულ მასწავლებელთა რიცხვი ოდნავადაც ვერ სწვდებოდა სკოლების მზარდ მოთხოვნილებებს. ეს გარემოება ბუნებრივად იწვევდა პედაგოგიურ სამუშაოზე მასწავლებელთა წოდების არმქონე პირების გამოყენებას. ასეთ მდგომარეობას წინათაც ჰქონდა ადგილი. მაგრამ მაშინ ასეთ „მასწავლებელთა“ რიცხვი ცოტა იყო და სახალხო განათლებას ისე ღრმად არ ემჩნეოდა მათი „მოღვაწეობის“ კვალი. ახლა კი, ე. ი. 60-იანი წლების დასასრულისათვის, ეს კვალი ისე გაღრმავდა, რომ ხალხში დაღ უქაჯოფილებას იწვევდა; კიდევ

* Циркуляр, 1871, V—VI, 58.

** იქვე, 22.

პეტი, სწავლა-განათლების მსურველი მოსახლეობა ამის გამო აშკარად გაურბოდა ისეთ სკოლებს, სადაც სწავლება აღნიშნული „მასწავლებლების“ ხელთ იყო და მათთან მიბარებას ამჯობინებდნენ თავისი შვილები უსწავლელი დაეტოვებინათ.

რუსეთის მთავრობამ დაინახა, რომ სკოლების რიცხვის გაღიძვრა კიდევ არ მოასწავებდა განათლებულ მოქალაქეთა რიცხვის გამრავლებას. უკანასკნელი უფრო მეტად დამოკიდებული იყო სერიოზული ზოგადი და სპეციალური განათლების მქონე პედაგოგების რიცხვის გაღიძვრაზე. მაგრამ, რადგანაც სამასწავლებლო სკოლა და მასწავლებელთა მოსამზავებელი კურსები ან სხვადასხვა სასწავლებელთან არსებული დამატებითი სპეციალური პედაგოგიური კლასები ცოტა იყო, საჭირო შეიქმნა მასწავლებელთა წოდების მისაღებად საექსტერნო გამოცდების სისტემის შემოღება.

1868 წლის 22 აპრილს განათლების მინისტრის წარდგენით და მეფის დასტურით სახელმწიფო საბჭომ სახელმწიფო სამსახურის წესდების („Устав о службе по определению правительства“, СЗ, III, 1857) 353-ე ნუტლის შესაცვლელად შემოიღო სპეციალური გამოცდები მასწავლებელთა წოდების მისაღებად.

გამოცდები წესდებოდა გიმნაზიისა და პროგიმნაზიის, მარიამ დედოფლის სახელობის სასწავლებელთა, სამაზრო სასწავლებელთა, საშინაო მასწავლებელთა, სამრევლო და დაწყებითი სკოლების მასწავლებელთა და აგრეთვე გიმნაზიისა და პროგიმნაზიის აღმზრდელთა წოდების მისაღებად. სპეციალური გამოცდები იყო სრული და შემცირებული. სრული გამოცდები ითვალისწინებდა გამოცდას იმ სახელმწიფო სასწავლებელთა ზოგადი და სპეციალური კურსის მიხედვით, რომლებიც იძლეოდნენ იმ მასწავლებლის წოდებას, რომელსაც მოითხოვდა ესა თუ ის პირი, ხოლო შემცირებული გამოცდა ითვალისწინებდა სპეციალურ-პედაგოგიური ცოდნის შემოწმებას. ამის მიხედვით სრულ გამოცდას აბარებდნენ ის პირები, რომელთაც არ ჰქონდათ დამთავრებული აღნიშნული სახელმწიფო სასწავლებელი, ხოლო შემცირებულს—ისინი, ვისაც დამთავრებული ჰქონდა ასეთი სასწავლებელი, მაგრამ საჭირო იყო მათი პედაგოგიური მომზადების შემოწმება.

სპეციალური გამოცდები გიმნაზიისა, პროგიმნაზიისა და აგრეთვე მარიამ დედოფლის სახელობის სასწავლებელთა მასწავლებლებისა და აღმზრდელთა წოდების მისაღებად წარმოებდა უნივერსიტეტების ისტორია-ფილოლოგიის და ფიზიკა-მათემატიკ ფაკულ-

ტეტებზე და, მაშასადამე, ამ ფაქულტეტების კურსის მიხედვით. სამაზრო სასწავლებელთა და საშინაო მასწავლებელთა წოდების მისაღებად კი ასეთი გამოცდები წარმოებდა იმ ქალაქებში, რომლებშიც იმყოფებოდა ოლქის მზრუნველი, რომლის განკარგულებით დგებოდა საგამოცდო კომისიები, ამ ოლქის სასწავლებელთა ინსპექტორის ან უნივერსიტეტის პროფესორის თავმჯდომარეობით. სხვაგან კი—იმ ქალაქებში, სადაც არსებობდა გიმნაზია; აქ გამოცდები ტარდება გიმნაზიის პედაგოგიურ საბჭოში გიმნაზიის კურსის მიხედვით. ქალაქის სამრევლო და დაწყებითი სკოლის მასწავლებლის წოდების მისაღებად სპეციალური გამოცდები წარმოებდა სამაზრო სასწავლებლის პედაგოგიურ საბჭოში, ამ სასწავლებლის კურსის მიხედვით, ხოლო სოფლის სამრევლო და პირველდაწყებითი სკოლის მასწავლებლის წოდების მისაღებად კი—ქალაქის სამრევლო და დაწყებით სკოლაში, რომელიც ერთი ან ორი კლასით უფრო მაღალი ტიპისა უნდა ყოფილიყო, ვიდრე სოფლის ასეთივე სკოლა.

ამ წესდებიდან, რასაკვირველია, ბევრ გამონაკლისს ჰქონდა ადგილი. ჯერ ერთი: გიმნაზიის პირველი ოთხი კლასისა და პროგიმნაზიის მასწავლებელთა წოდების მისაღებად არ იყო აუცილებელი გამოცდების ჩაბარება უმაღლესი სკოლის (უნივერსიტეტის) სათანადო ფაქულტეტის პროგრამის ფარგლებში (საკმარისი იყო გიმნაზიის და ხშირად მარიამ დედოფლის სახელო? -ს სასწავლებლის, წმინდა ნინოს სახელობის და პირველი თანრიგის სასწავლებელთა სრული კურსი პედაგოგიური კლასით); მეორე—სამაზრო სასწავლებლის მასწავლებლის წოდების მისაღებად შეიძლებოდა ძირითად საგნებში (უკეთ იმ საგნებში, რომლის მასწავლებლობასაც მოითხოვდნენ) ჩაბარება გიმნაზიის კურსის მიხედვით. დანარჩენებში კი საკმარისი იყო იმავე სამაზრო სკოლის კურსი; ამას გარდა, სამაზრო სკოლისა და ქალაქის სამრევლო და დაწყებითი სკოლის მასწავლებლის წოდებაზე შეიძლებოდა აგრეთვე გამოცდების ჩაბარება სამასწავლებლო სემინარიებში 1870 წლიდან (თბილისში კი საცანსწავლებლო სკოლაში 1868 წლიდან და სამასწავლებლო ინსტიტუტში 1871 წლიდან).

ხატვის, სუფთაწერის და ხაზვის მასწავლებელთა წოდებაზე გამოცდები წარმოებდა სხვა სპეციალური წესით, რომელიც შემუშავებული იყო განაჯღების სამინისტროს მიერ სამხატვრო აკადემიასთან შეთანხმებით.

სამოციანი წლების ქართულ პედაგოგიურ პრაქტიკას ზემო-ხსენებული სპეციალური პედაგოგიური სასწავლებლების დაარსებით არ განუცდია რაიმე არსებითი ცვლილება. ამ სასწავლებლებს კადრების გამოშვება შეეძლო მხოლოდ 4—6 წლის შემდეგ, მაგრამ რიცხვით და ხარისხით ისინი ვერც შეძლევდნენ მოახერხებდნენ ძველი მდგომარეობის გარდაქმნას. საერთოდ, აღნიშნულ სასწავლებელთა არსებობას ნაკლებად გრძნობდა სამოციანი წლების მეორე ნახევრის სახალხო განათლების ქსელი.

ქართული პრესა კვლავ აგრძელებდა სასკოლო სწავლების სამართლიან, მოურიდებელ კრიტიკას. განსაკუთრებით აქტივობას იჩენდა ამ ნხრივ გაზეთი „ღროება“ და მისი მესვეურები გიორგი წერეთელი და სერგეი მესხი. ეს გაზეთი სისტემატურად ათავსებდა პედაგოგიური ხასიათის წერილებს (როგორც ორიგინალურს, ისე თარგმანებს), უნერგავდა ხალხს განათლების სიყვარულსა და ახალგაზრდობის სწავლა-აღზრდას უდიდეს საზოგადოებრივ საქმედ აღიარებდა. გაზეთი გაბედულად ებრძოდა საქართველოს ოფიციალურ სასწავლებელთა რეჟიმს, მმართველობას, სწავლების მეთოდებს, ამხელდა მასწავლებელთა უფიცობას და მოუწოდებდა ხალხს თვით აქლო ხელში თავისი განათლების ინიციატივა. 1867 წელს „ღროების“ ფურცლებზე დაიბეჭდა ბ. პ.—შვილის* მეტად საგულისხმო ნარკვევი: „ნაამბობი ცეცხლსა და წყალშუა გამოელილისა, ჩენი აღზრდისა და განათლების სურათი.“** ავტორი პირველი პირით აგვიწერს მაშინდელი სკოლის სასტიკ რეჟიმს, სწავლების სქოლასტიკურ მეთოდებს, მასწავლებელთა თავხედობასა და უფიცობას, მოსწავლეთა ყოფა-ცხოვრების მძიმე, ყაზარმულ პირობებს და მათი ფიზიკური დასჯის ველურ ფორმებს, მოსწავლეთა სკოლისგარეშე ცხოვრებას და მთავრობის სრულ უყურადღებობას სკოლებისადმი. ასეთ სკოლებში სწავლას ავტორი ახასიათებს თვით მოწაფეებში გავრცელებული სასიმღეროთი:

„ორთითი და ფიწალიო
მე აქ ვერას ვისწავლიო
დამითხოვეთ, შინ წაუდე
ოროველას ვისწავლიო“.

* ვასილ პეტრიაშვილის.

** „ღროება“, 1867, №№ 4—7.

ამის მიზნად ავტორი ასახელებს: 1. სკოლებში არსებული ფიზიკური დასჯის დესპოტიურ წესებს. 2. იძულებით სწავლებას, 3. მასწავლებელთა უვიცობას, 4. ადმინისტრაციის უხეშ მმართველობას და სხვ.

1863 წელს იწვევ „დროებაში“ (№ 6) დაიბეჭდა გ. წერეთლის „ჩვენი ცხოვრების ქრონიკა“ (ქ—ელის (ქერელის) ფაქედონი-შით). ავტორი ეტება ხალხის აღზრდა-განათლების ჩქარი ტემპით ვანეითარების აუცილებლობას და აღნიშნავს, რომ „სკოლებში დაწყებათ“ და „მასწავლებელთა მიჩენით“ საქმე არ ვაქათდა. ამის და ავარი მიზნები აღწინა, გ. წერეთლის აზრით, ისაა, რომ:

„მასწავლებელნი ვერ ასრულებდნენ თავიანთ მოვალეობას. ისინი აღწევდნენ ყაჩვილებს, მაგრამ ვკუთა-გონების გახანის მაგიერად, ვკუთა-გონებას უსმობდნენ შეუფერებელი სწავლებათა; განაღლებას მაგიერად ნებისურებას უქარგავდნენ; საშასადაჲ მართო სკოლების დაუწყება და მასწავლებლების მიჩენა არ ყოფილა საქმათ ხალხის განათლებისთვის. უფრო საქარო ის ყოფილა, რომ მასწავლებლებს სკოლნოდათ, თუ რა რიგად ესწავლებინათ“.*

ეს იყო მეტად მკაცრი, მაგრამ სავსებით საზართლიანი განაჩენი 60 იანი წლების სკოლებშია და მასწავლებელთა შესახებ. ჩვენი სახელოვანი ბელეტრისტი და პუბლიცისტი იშვიითი დაკვირვების უნაოს იჩენს სახალხო განათლების მდგომარეობაზე. ის ხედავს, რომ მასწავლებლის კვალიფიკაციის ანაღლების გარეშე სკოლა ვერ მისწავლება თავის მიზანს.

პირველი მოახუნალება, რომელსაც გ. წერეთელი უყენებს მასწავლებელს, არის სწავლების ცოდნა, ე. ი. მეთოდური რატატობა, მაგრამ მასთან გიორგი წერეთელი, როგორც ფართო ზოგადი განათლების ხეოსე აღაპიანი, მშვენიერად გრძნობს, რომ მეთოდური დახელოვნება შეუძლებელია სწავლების ობიექტის ანუ ბავშვი ბუაქობია და სწავლების კანონების ცოდნის გარეშე, საერთოდ პედაგოგიკის, როგორც მეცნიერების, ცოდნის გარეშე.

„მასწავლებლებს უნდა შეეცყოთ ყმაწვილის ბუნება, — აგრძელება გ. წერეთელი, — და იმ რიგად უნდა მოაპრობოდნენ, რომ

* გ. წერეთელი, თახულებათა სრული კრებული, სიმ. ხუნჯაძის რედაქციით, I, 200.

იმისი ქვედაგონება ჩანდათან ეკავშირებინათ, თანდათან შესიერება აეცილებინათ. ამის გზო საჭირო იყო შესდგომოდნენ. სწავლებას კანონების გამოკვლევასა. მრავალი სწავლული შეუდგა ამ საქმეს და აქედან წაონოსდგა ისალი სწავლა, რომელიც შეიცავს კანონებს, თუ რა რიგად უნდა აწავლოს ჩასწავლებელმა მოწაფეს. ამ სწავლას ჰქვიან „პედაგოგია“. რანდენადაც ხალხის განათლება ნოუცილებელი საჭიროებაა იმის მდგომარეობაშიათვის, იმდენად პედაგოგიას დადი ბნიშვნელობა ეძლევა ანუაბაღ*.* ასე მსურვალედ მოეწოდებდა 1864 წელს გიოოგი წერეთელი ჩვენ მასწავლებლობასა და ახალგაზრდობას ესწავლათ პედაგოგიური მკცნიერებანი. სას სწამდა, რომ ხალხას განათლებისათვის ზრუნვა, პირველ ყოვლისა, პედაგოგიკის ცოდნასა და იმის პრაქტიკული გამოყენების ზნარს ნოითაოედა; ის დარწმუნებული იყო, რომ სოლოდ სოლიდური პედაგოგიური განათლების ცოდე ჩასწავლებლს შეეძლო ხალხის ნაადვალის სანახური, ახალი თაობის რაციონალური აღზრდა.



რა მდგომარეობაში იყო პედაგოგიკური რეცნიერების შენების საქმე XIX ს. სამოციანი წლების რუსეთსა და საქართველოში?

ჩვენ ვწერდით***, რომ რუსეთის დადი დემოკრატიკული რეფორმების (ბელინსკის, გერცენის, ჩერნიშევსკის, დობროლუბოვის). ნ. ი. პიროგოვის პედაგოგიური იდეების, რუსეთის სკოლის პრაქტიკული გამოყენებისა და უეხოეთის პედაგოგიკის საუკეთესო მიღწევათა გამოყენების საუფუძველზე, 60-იანი წლებს დაშდგა ეკვე იყო შექმნილი რეალური პირობები მეცნიერული პედაგოგიკის აღმოცენებისათვის; მაგრამ ამ დროს რუსეთში ჯერ კიდევ არ იყო გარკვეული პედაგოგიკის, როგორც შეკანერების, აღნაგობის განსაზღვრული ელემენტები, შენაარისის დამდვენა ფაქტორები, კვლევის მეთოდი, კანონები და მოსაზღვრე დანციპლინებიდან მისი გამიჯნული პრინციპები. არ იყო აგრეთვე ნაცადი პედაგოგიკის ფილოსოფიური დისაბუტება.

60-იან წლებში ეს პრობლემები ძირითადად გადაკრა დიდნა პედაგოგმა კ. დ. უშინსკიმ, რითაც დაასრულა რუსული პედაგოგიკის მეცნიერული ჩამოყალიბება და მისა ხეროთმოდღარი შეიქმნა.

* გ. წერეთელი, I, 209.

** იმ ჩვეი ნაშრომი—უხინსკი, 5, 67, 1945.

უშინსკის პედაგოგიკური მოძღვრების ძირითად პრინციპს წარმოადგენს ხალხურობა. ხალხურობის პრინციპად უშინსკის მანია ამა თუ იმ ხალხის მთლიანობა, რომელიც შეადგენს ამ ხალხის წინაგან ფსიქიურ სამყაროს და მის ხასიათში ვლინდება. ეს პრინციპი არის ხალხის შემეკავშირებელი ძალა და უმაღლესი იდეა. იგი ზოგადია და თანაც საერთო მთელი ხალხისათვის, ამდენად ის უფრო მაღალია, ვიდრე წოდებრივი და პროფესიული თვისებები. ხალხურობის პრინციპის თავისებურება ქმნის ეროვნულ ტიპს, რომელიც ერთ ხალხს არჩევს მეორისაგან, ხოლო განვითარების მაღალ ეტაპზე კი ნაციონალური განსხვავების საფუძველსაც წარმოადგენს. ხალხურობის დამახასიათებელ თვისებებს შეადგენს: ხალხისა და სამშობლოს მგზნებარე სიყვარული, მისი დამოუკიდებლობისათვის ბრძოლა, ისტორიული წარსულის პატივისცემა, სახალხო მოჩაღის განმტკიცება; ხალხის სინდისი, მისი მიდრეკილებანი, ზნე-წყველები, ტრადიციები, წარმოდგენები და საერთოდ იდეალები და მისწრაფებანი. ხალხურობა მოჩანს ხალხის ხასიათში. „ხასიათი,— ამბობს უშინსკი,— არის ის ნიადაგი, რომელშიაც უესებგამდგარია ხალხურობა“. ხალხურობა სულია ხალხისა. „ხალხი ხალხურობის გარეშე — უსულა სხეულია, რომელიც მხოლოდ გახრწნის კანონს ეჭვიმდებარება... აღზრდა, თუ მას არ სურს იყოს უძლური, უნდა იყოს ხალხური“.*

ხალხურობის პრინციპის ნიადაგზე უშინსკიმ ააგო ნაციონალური აღზრდისა და სახალხო განათლების სისტემა. და რამდენადაც ყოველ ხალხს აქვს თავისი განსაკუთრებული იდეალი ადამიანისა. იქნებად მისი აღზრდა არსებითად ნაციონალურია. ზოგად-კაცობრიული აღზრდის იდეა (ნ. პიროგოვი) აბსტრაქციად მიაჩნდა უშინსკის და გამოდიოდა რა ბელინსკიდან, აღნიშნავდა, რომ ასეთი აღზრდის წყარო ნაციონალურია თავის სათავეებში. ამიტომ ზოგად-კაცობრიული აღზრდა არ არსებობს ნაციონალურის გარეშე. ეს (ნაციონალური) გზა არის საშუალება, რომლითაც „სამშობლოს კვილი“ შეიძლება იქცეს „ზოგად ადამიანურ“ პიროვნებად.

მშობლიური ენის მნიშვნელობა ბავშვთა აღზრდის პროცესში კ. დ. უშინსკიმ დაასაბუთა ისე, როგორც არაგანმსოფლიო პედაგოგიკის ისტორიაში. ბავშვის ყოველმხრივ შესწავ-

ლა, როგორც პედაგოგიკის საგანი, მისი ფისიკის შესწავლით უნდა დაიწყო, ხოლო ამ ფისიკის „გასაღები“ კი ბავშვის დედაენაა. უშინსკის თქმით, „ბავშვისათვის ნმობლიური ენა არის მის ირველი არსებული ბუნებისა და ცხოვრების საუკეთესო განმარტებელი“ და კოდნის შეძენის ყველაზე უკეთესი საშუალება. ანიტომ ზეცნიერული დიპტაპლინების შესწავლა დედაენაზე და საერთოდ ბავშვის განვითარება ნმობლიურ ენის საშუალებით—უშინსკის პედაგოგიკის უპაარესი მიზანია.

უშინსკის მოძღვრება სახალხო სკოლის მასწავლებლისა და დიდატიკის შესახებ, —ახალ ეტაპს წარმოადგენს პედაგოგიკის ისტორიაში თავისი ორიგინალობით და მთელი იმ გამოცდილების განხორციელებით, რომელიც ამ ნხრივ პედაგოგიკურ მეცნიერებას მოეპოვება.

კ დ. უშინსკი არის დაწყებითი სკოლისათვის დიდი კოდნით და იშვიათი პედაგოგიკური ოსტატობით შედგენილი სახელმძღვანელოების ავტორი, ხოლო მისი „Родное слово“-ს თავისი მეთოდით, მასალით და ბავშვის ინტერესების კოდნით ბადალი არ მოეპოვება მთელს ევროპაში.

უშინსკის პედაგოგიკისათვის, ხალხურობის ძირითადი პრინციპის ვარდა, დანახარატებელი ორიგინალობა და ჰუმანიზმი. აქედან ორიგინალობას საზღვრავდა რუსეთის სინამდვილისადმი შესაყროსი, თავისებური, ისტორიულ-ნაციონალური სპეციფიკის ამსახველი აღზრდის პრინციპებისა და სისტემის აუცილებლობა, ხოლო ჰუმანიზმი —ბავშვის (ადაზიანის) პარონების მოქალაქეობრივ ღირსებათა პატივისცენა, მისი ინდივიდუალური ნიქისა და ინიციატივას ყოველმხრივ განვითარება, ნისსა და ხალხის ინტერესებს შორის ჰარმონიული წინააღმდეგობის დაძლევის საფუძველზე.

მეორე მეტად ნნიშვნელოვანი ფიგურა რუსეთის XIX საუკუნის 60 აანი წლების პედაგოგიკისა იყო დიდი მწერალი ლევ ტოლსტოი.

ლევ ტოლსტოის დიდი ცხოვრების უმთავრეს საგანს, მხატვრული შემოქმედების შედგე, წარმოადგენდა პედაგოგიკა და სახალხო განათლება. ორ ათეულ წელზე მეტს ეწეოდა იგი თეორიულ და პრაქტიკულ პედაგოგიკურ ნოღვაწეობას და მთელი ეს დრო სახალხო განათლების არსებული სისტემის მკვეთრ კრიტიკასა და აღზრდის ახალი გზებისა და მეთოდების ძიებას მონადომა.

მთვალური ადაზიანის ძიებამ მიიყვანა იგი მხატვრული ლიტერატურისა და პედაგოგიკის ერთიანობის აღიარებამდე. ერთიც და

ნეორეც მას „საუკეთესო პიროვნების“ შიქნის საშუალებად ღიარდა. მასთვის პედაგოგიკა და მხატვრული ლიტერატურა ადამიანის აღზრდისა და გარდაქმნის მიზანს ემსახურება. იშვიათი ნხატვრისა და ფსიქოლოგის ლევ ტოლსტოის ადრინდელი შედეგები „ბავშვობა“, „ყრმობა“, „სიჭაბუკე“ და მრავალი საბავშვო მოთხრობა მთარბი ადამიანის სულის, მისი შინაგანი საპყაროს მაგიურ წვლონას წრმოადგენენ, მის მოძვალ დანიშნულებას სახევენ.

უდიდესი რეალისტი ნხატვრულ ლიტერატურაში, მართალია, რომანტიკოსად რჩებოდა პედაგოგიკაში, მაგრამ მის დაკვირვებულ თვალს არ შიქძლო არ შიქენნა ის წინააღმდეგობა, რომელიც არსებობდა მოწვალ ადამიანის იდეალურ მისწრაფებათა და მისი დროის მწარე სინამდვილეს შორის. შუებრალეზლად ამსხვრევედა ეს სინამდვილე ყოველგვარ კეთილშობილ აღმაფრენას, ზურუსით მოსვდა ადამიანის დანიშნულებას. ნაგრამ... „იდეალი წი-საა, სავიროა საძირკვლის განმტკიცება“ და ერთ-ერთ წერილში პოეტ ფეტისადმი, 1860 წელს, ტოლსტოი ანობდა: „ჩვენ ახლა სხვა გვირდა... ჩვენ გვირდება ნართუტკას და ტარასკას ცოტა რამ წინც გაწაწლოთ ინისაგან, რაც ჩვენ ვიცით“. ეს ის დრო იყო, როცა 60-ანელთა ნოწინავე რევოლუციურ-დემოკრატიული იდეებისა და ნაციონალურ-გამანთავისუფლებელი იძროობის ზეგავლენით ხალხი და ხალხურობის პრინციპი შიქვრა საზოგადოებათეცნიეების ყველა დარგში და ხელოვნებაში. განსაკუთრებული სიმასხილით ხალხი და ხალხურობის პრინციპი აისახა ნხატვრულ ლიტერატურასა და პედაგოგიკაში — ლევ ტოლსტოისა და კონსტანტინე უშინსკის შიქმოქნელებაში. ნაგრამ ტოლსტოიმ ხალხი და ხალხურობის იდეა დაუდდა საფუძვლად თავის პედაგოგიკურ მოღვაწეობასაც. 60 იანა წლების, ამ ახალი პერიოდის დასაწვისს, ტოლსტოი შიქხედა ხალხას ფართო მასებში განათლების შეტანის არა მართო იდეურ ნჭადაგებლად, არამედ პრაქტიკულ მუშაქადაც: 1859 წელს ლევ ტოლსტოის უქვე განახლებული პქონდა თავისი სკოლა იასნაია-პოლიანაში და მასწავლებლობას ეწეოდა. „სახალხო განათლება ძალიან ახლოს მიმაქეს მე გულთან, მე ძალიან ბევრს ემუშაობდი მასზე.“ — წერდა ტოლსტოი ცოტა გვიან, 1874 წელს.

თავის პრაქტიკულ-პედაგოგიური მოღვაწეობის დროს ლ. ტოლსტოი გამოდიოდა თავისუფალი აღზრდის პრინციპიდან. ცნობილად, რომ იგი, განსაკუთრებით ახალგაზრდობაში, გატაცებულად იყო

თან-დაკ რესოთი, მისი აზრით „თავისუფალი აღზრდის“ თეორია ყვე-
 ლაზე უფრო სწორად უბასუხებდა „ბავშვის პიროვნების ღრმა სიყვა-
 რულისა და პატივისცემის“ იდეას, რომელიც XIX ს. 60-იანი წლების
 რუსეთის პედაგოგიკაში ყველას ზიერ იყო აღიარებული. ბავშვის
 პიროვნებაში ლევე ტოლსტოი, პირველ ყოვლისა, აღამიანს ხედავს,
 ხოლო მისი ნებისა და უნარის ყველაზე უფრო ბუნებრივი და ყო-
 ველსაზრივი განვითარებას სამშუალეადად თავისუფალი აღზრდა მია-
 ჩნდა. მისი აზრით, აღმზრდელს უფლება არა აქვს თავისი აზრები
 და იდეები აღსაზრდელს თავზე მოახვიოს ძელბით. „პედაგოგი-
 კის კრიტიკიკიუნი,—სერს ტოლსტოი,—არის მხოლოდ ერთი—თა-
 ვისუფლება“.* მაგრამ ეს თავისუფლება აღმზრდელის პიროვნებას
 თავისუფლებას კი არ გულისსმობს. როგორც ამას რუსოსთან ვხე-
 დავთ, არამედ—აღსაზრდელისას. ტოლსტოი გადაჭრით ეწინააღმ-
 დეგება ბავშვის პიროვნების განვითარებაში მასწავლებლის „უხეში
 ჩარევის“ ყოველ ფორმას. რუსოსაგან განსხვავებით, ბავშვს საზო-
 გადოებისა და გარემოს ღვიძლ პროდუქტად აღიარებს ლევე ტოლ-
 სტოი და ის იბრძვის თავისი დროის რუსული განათლების სისტე-
 მის წინააღმდეგ არა იმისათვის, რომ ეს ბავშვს საზოგადოების გაე-
 ლენაში ატყვეს, არამედ იმისათვის, რომ ცუდი და უხეშია ეს გაე-
 ლენა. „აუცილებლად უნდა ვიცნაო ცხოვრება, წერს ტოლსტოი,
 მხოლოდ ეს მოგვეცემს სამშუალეებას ვიცოდეთ რა არის საქრო
 საუკეთესო აღამიანის აღზრდა-განათლებლათვის“. ცხოვრება—ეს
 არის ხალხი, რუსი აღამიანები და ამიტომ მათთან სიხლოვე ამ-
 ლევეს აღზრდას ცხოველყოფელ ძალას. ბავშვი, თუ ის კარგად არის
 დაკავშირებული ცხოვრებასთან—თვითონ იზრდება. ეს არის თვით-
 აღზრდის გზა. აღმზრდელი უხეშად ერევა ამ საქმეში, თუმცა მას
 არა აქვს ამისი უფლება, რადგანაც, ნებისთნ თუ უნებლიეთ, თავისი
 შეაქვს ბავშვის თვითაღზრდაში და ამით აზიანებებს მას. ასე ფიქ-
 რობს ტოლსტოი, მაგრამ თუ წარმოვიდგენთ, რომ მას მხედველო-
 ბაში ყავს თავისი დროის ჩამორჩენილი და მეფას „კახიონური“ სუ-
 ლით გაფლენილი მასწავლებლება—ყველაფერი გასაგები გახდება.

როგორ ესის ლევე ტოლსტოის პედაგოგიკა, როგორც მეცნიე-
 რება? რას აღიარებს მის საგნად? პირველ ყოვლისა, აღსანიშნავია,
 რომ პედაგოგიკას, მისი აზრით, საფუძვლად უძევს განვითარების
 იდეა, „განვითარების (ხაზი ავტორისაა, გ. თ.) საწყისი გზას უნა-

ლებს პედაგოგიას“, წერდა იგი 1874 წელს და აკტივობდა, რომ ეს განვითარება დაფუძნებულია ადამიანის განათლებაზე, რომელიც წერა-კითხვის ცოდნით იწყება. უკეთეს პედაგოგიის მანათობელი იღვა განვითარებაა, ხოლო ეს უკანასკნელი კი განათლებაზე შენდება, მაშინ ცხადი უნდა იყოს, რომ პედაგოგიის საკვლევა საგნად დასახული უნდა ყოფილიყო ის, რასაც იგი თავის მანათობელი იდეისაკენ მიჰყავს, ე. ი. განათლება. ტოლსტოი წერდა: „პედაგოგიის საგანი უნდა იყოს და არის მხოლოდ განათლება. განათლება, ფართო გაგებით, როგორც ჩვენა გვრწამს, შეადგენს იმ მოვლენათა ერთობლიობას, რომლებიც ანეითარებენ ადამიანს, აძლევენ მას ფართო მსოფლმხედველობას“.* ეკვს გარეშეა, განათლების აღიარება განვითარების საფუძვლად და მსოფლმხედველობის წყაროდ სავსებით სწორი და მეცნიერული დებულებაა, ხოლო გასული საუკუნის 60-იანი წლების რუსული პედაგოგიისათვის კი სრულებით ახალ და მოქმედ პრინციპად უნდა კივიჩნიოთ.

მიუხედავად იმ სიახლისა და აქტუალობისა, რომელსაც ვხედავთ ჩვენ ტოლსტოის წიერ პედაგოგიის საგნის დეფინიციაში, მას ერთი ნაკლი მაინც ახლავს. ეს არის აღზრდის მოწყვეტა განათლებისაგან და ამით მისი გამოთიშვა პედაგოგიის საგნის შინაარსიდან. რადგანაც, ტოლსტოის აზრით, „აღზრდა არის ერთი ადამიანის მისწრაფება გადააქციოს მეორე ისეთად, როგორიც თვითონ არის“;—ის არ შეიძლება იყოს ადამიანის გონივრული მოღვაწეობის ანუ მეცნიერების საგანი. მეორე ალავას აღზრდა ესმის ტოლსტოის როგორც ხანგრძლივი პროცესი „ერთი ადამიანის შემოქმედებისა მეორეზე იმ მიზნით, რომ აღსაზრდელს შეათვისებინოს გარკვეული ზნეობრივი ჩვეულებები“,** მაგრამ რამდენადაც ორივე შემთხვევაში აღზრდა არის იძულება („გადააქციო“, „შეათვისებინო“) და თან დასჯასაც გულისხმობს, იმდენად იგი (აღზრდა) დაუშვებელია, საზიანოა. განათლება კი თავისუფლებაზე დაფუძნებული, რომელიც, ტოლსტოის აზრით, მასწავლებლისა და მოსწავლის თავისუფალ ურთიერთობას წარმოადგენს. „განათლება—ფაქტებისა და მათი ურთიერთობის ცოდნა“; მასწავლებელი ასწავლის, მოსწავლე კი, თუ საინტერესოსა და სასარგებლოს ხედავს მასწავლებლის ასეთ მოქმედებაში,—სწავლობს თავის ნებით და სურვილით;

* Л. Толстой, Педагогич. соч., 106.

** იქვე, 107.

მანასადამე, იძულების გარეშე. აქიუმ, ტოლსტოის აღრინდელი შეხედულებით, აღზრდას, როგორც იძულებას და მავნეს, არაფერი აქვს საერთო განათლებასთან, როგორც თავისუფალ და სასარგებლო მოქმედებასთან. აღზრდის ასეთი, ცხადია, არამართებული გაგება ტოლსტოის მიერ, გულისხმობს არა აღზრდას საერთოდ. არამედ მისი დროის აღზრდას უნეშ სისტემას, და ამასთან იგი, როგორც აღვნიშნეთ, ტოლსტოის აღრინდელი, 1862 წლის, პერიოდის განმარტებაა, რომლის ნაკლიც შემდეგში მან სრულიად გამოასწორა. სახელდობრ, ტოლსტოი მივიდა იმ დასკვნამდე, რომ აღზრდა, ზნეობრივი განვითარების გარდა, ცოდნის მიღებასაც გულისხმობს, რომ ის მკიდროდაა დაკავშირებული განათლებასთან და საზიანოს არაფერს შეიცავს.

ლევ ტოლსტოის მიერ თავის პედაგოგიურ შეხედულებათა ვადახედვას, კემბარიტების დადგენას, ხელი შეუწყო 10-იანი წლების მოწინავე საზოგადო მოღვაწეებისა და პედაგოგების (ნ. ჩერნიშევსკის, კ. უშინსკის, ბენაკოვის, ე. მარკოვის და სხვ.) ობიექტურმა, სამართლიანმა კრიტიკამ. ხოლო განსაკუთრებული როლი ამ მხრივ ითამაშა მისმა საკუთარმა პედაგოგიურმა გამოცდილებამ. 1874 წელს ტოლსტოი წერდა: „15 წლის წინათ, როდესაც მე შევუდექი სახალხო განათლების საქმეს ყოველგვარი წინასწარგანზრახული აფორიზებისა და შეხედულებების გარეშე, მხოლოდ ერთი სურვილით: პირდაპირ, უშუალოდ დაეხმარებოდი ამ საქმეს, როგორც მასწავლებელი ჩემი სკოლისა,—მე წავაწყდი ორ საკითხს: 1. რა უნდა ვასწავლო და 2. როგორ უნდა ვასწავლო?“. * იშვიათი გამრიიანობით სწვდა ლევ ტოლსტოი პედაგოგიის ამ ორ ძირითად საკითხს. მათ უშუალო გადაჭრაზე მუშაობდა იგი როგორც სახალხო სკოლის მასწავლებელი და ძალიან მოკლე დროში გაარკვია, რომ საკითხი—რა უნდა ვასწავლოთ—შეიცავს როგორც პოზიტიურ მეცნიერულ ცოდნას, ისე ზნეობრივ ნორმებს, როგორც საგანმანათლებლო, ისე აღმზრდელობითს იდეებსა და პრინციპებს. ხოლო საკითხი—როგორ უნდა ვასწავლოთ—გულისხმობს, პირველ ყოვლისა, მასწავლებლის აუცილებლად გამოყენებას და მის პედაგოგიურ ოსტატობას, ისევე როგორც სწავლების მეთოდების მრავალგვარობას.

* Л. Толстой, Пед. соч., 299.

რა ზიგზაგები და გარეგანი წინააღმდეგობაც არ უნდა ახასიათებდეს ტოლსტოის პედაგოგიურ აზროვნებას, და ეს მართლაც ასეა, მისი ძირითადი იდეები ყოველთვის შეიცავდნენ გარკვეულ წინაგან სიმართლეს. ტოლსტოი როგორც დიდი კრიტიკული რეალისტი და უტოლური, მაკიდი თვალის მქონე ადამიანი თავის პედაგოგიურ პრაქტიკაში ნათლად დარწმუნდა, რომ სწავლების ანუ ცოდნის გადაცემის დროს მოსწავლე იღებს როგორც აღზრდას, ისე განათლებას, და რომ ეს ორი მომენტი ცალ-ცალკე არ არსებობს და, მათ უმეტეს, ერთმანეთს არ ეწინააღმდეგება, როგორც ტოლსტოი წერდა: „ის დაყოფა, რომელსაც მე მაშინდელ (ლაბარაკია 60-იან წლებზე—გ. თ.) პედაგოგიურ წერილებში ვახდენდი აღზრდასა და განათლებას შორის.—ხელოვნურია. აღზრდა და განათლება განუყოფელი არიან. არ შეიძლება აღზარდო ცოდნის გადაცემის გარე ე, ხოლო ყოველგვარ ცოდნას აქვს აღმზრდელობითი შემოკმედება“.* აქედან უკვე საესებით ნათელი ხდება, რომ ლევ ტოლსტოი პედაგოგიკას სთვლის მეცნიერებად არა მარტო განათლების შესახებ, არამედ მეცნიერებად აღზრდა-განათლების შესახებ. მაგრამ აიის შესახებ ელემენტიც. ეს არის სწავლება. სწავლება, ტოლსტოის აზრით, არის „განათლების საშუალება“, „ერთი ადამიანის მიერ მეორისათვის ცოდნის (ცნობების) გადაცემა“, ხოლო შემდეგ, განმოდინდა რა იგი სწავლისა და განათლების ერთიანობის პრინციპიდან, აღიარებდა, რომ „სწავლება აიის საშუალება როგორც განათლებისა, ისე აღზრდისა“.**

ანგვარად, საღმა თეორიულმა კრიტიკამ და საკუთარმა პედაგოგიურმა პრაქტიკამ დაარწმუნა ტოლსტოი აგრეთვე იმაშიც, რომ „მეცნიერების აღმზრდელობითი ელემენტი არ შეიძლება ისწავლებოდეს იმულებით“, რომ ეს ელემენტი ძვეს საგნის სწავლებაში, საგნისადმი მასწავლებლის სიყვარულში.

„გინდა მეცნიერებათ აღზარდო მოწაფე? გიყვარდეს შენი მეცნიერება და იცოდე იგი. მოწაფეებაც შეგიყვარებენ შენ და შენს მეცნიერებასაც, და შენ აღზრდი მათ“.** ტოლსტოი მოითხოვდა მაღალი განათლების მასწავლებელთა ზომზადებას და ამ მიზნით სათანადო უმაღლესი სახალხო (პედაგოგიური) სასწავლებლის დაარსებას.

* Л Толстой, Пед. соч., 371.

** იქვე, 133.

*** იქვე, 134.

ლევ ტოლსტოი მწვავედ განიცდიდა ხალხის კულტურულ ჩამორჩენილობას, მისი დიდი უმრავლესობის უწიგნურობას. ის აღნიშნავდა, რომ ხალხს თავისთავად სურს განათლება, მაგრამ თუ მაინც საკლებად ეტანება მას, იმატომ რომ თანამედროვე სკოლები ვერ უპასუხებენ მის მოთხოვნილებებს. ხალხი ვერ ხედავს მასში რაიმე სარგებლობას, ყველა თანასწორ იმაზე. რომ სკოლები არ არიან სრულყოფილი (მე კა ჩემის მხრივ დარწმუნებული ვარ, რომ ისინი მაინც არიან),* — წერდა ტოლსტოი 1862 წელს. სკოლა აცდენს ბავშვებს. წლობით ასწავლიან აქ მოწა ვეებს და წერა-კითხვაც კი არ იციან სერიანად მისი დასრულებისას. სოფლის დიაკვანი და ვინაზე „წწონობარი“ უკეთ და მოკლე დროში ასწავლის წერა-კითხვას, ვიდრე სკოლა 2—3 წელს. „მე გგონია, — ამბობს ტოლსტოი, — ზედმეტია იმის მტკიცება, რომ სკოლა, სადაც სამ წელიწადს სწავლობენ იმას, რისი სწავლაც ექვს თვეში შეიძლება, არის უქმადმოქმედისა და სინარმაციის სკოლა. ამიტომ, გასაგებია, რატომ გაუბრუნებს მას ხალხი“.

როგორი უნდა იყოს კარგი, ხალხის საყვარელი და სანდო სკოლა? ასეთი სკოლა, ტოლსტოის აზრით, უნდა იყოს ხალხთან, მის ბედთან და უბედობასთან. მას უნდა ესმოდე: ხალხის და ხალხიც გაიგონებს მისას, ენდობა და შეიფარებს მას. „სკოლა კარგია მხოლოდ მაშინ, როცა მას შეეცნობილი აქვს ის ბირითადი კანონები, რომლითაც ცხოვრობს ხალხი“.** მთავარი მიზანი კარგი სახალხო სკოლისა არის მეცნიერული ცოდნის გავრცელება მოსწავლეებში და ამით — მოსახლეობაში. „სკოლასო, — ამბობს ტოლსტოი, — უნდა ჰქონდეს ერთი ამოცანა: ეს ამოცანაა ცნობების, ცოდნის გადაცემა“, ის უნდა წარმოადგინდეს „განმანათლებლის შეგნებულ მოღვაწეობას გასანათლებელისათვის“. სკოლას პრაქტიკული ამოცანაც უნდა ჰქონდეს დასახული: ის, ტოლსტოის აზრით, ზოგად განათლებასთან ერთად, უნდა აძლევდეს მოსახლეობას ელემენტარულ სასოფლო-სამეურნეო ცოდნას და ყოფა-ცხოვრებაში გარკვევის საშუალებებს. აქედან გამომდინარე, ტოლსტოი სასტიკად ილაშქრებდა ცხოვრებაში განოუსადეგარი საგნების სწავლების, კერძოდ, ძველი, ბერძნული და ლათინური ენებისა და საერთოდ კლასიკური განათლების სისტემის წინააღმდეგ.

* Л. Толстой, Собр. соч., 46.

** იქვე, 47.

ლევ ტოლსტოის თვითონ სურდა შეექმნა იდეალური, სანიმუშო სახალხო სასწავლებელი. ნის მიერ „იასნაია-პოლიანა“ში“ გახსნილი სკოლა, მართალია, ბევრ სიახლეს შეიცავდა ოფიციალურ დაწესებულებებთან შედარებით, მაგრამ რამდენადაც ამ სკოლის დამაარსებელსა და ხელმძღვანელს სკოლის არსებობის პერიოდში (60-იან წლებში) თვითონ არ ჰქონდა გარკვეული პედაგოგიური სისტემა, ხოლო რაც ჰქონდა ისიც „თავისუფალი აღზრდის“ თეორიის რეციდივს წარმოადგენდა,—მის სკოლას არ შეეძლო თავისი ხელმძღვანელის საუკეთესო იდეები განეხორციელებინა, სანიმუშო სკოლად გამხდარიყო.

ლევ ტოლსტოის დიდი ღვაწლი მიუძღვის აგრეთვე სწავლების მეთოდების ძიების საქმეშიც. მართალია, მისი „ანბანი“ აგებული იყო მისი დროისათვის უკვე საკმაოდ მოძველებულ, ანბანთშეერთების მეთოდზე, მაგრამ ეს მეთოდი, ჯერ ერთი—უკეთეს მეთოდად მიაჩნია მას, და მეორე—სწავლების ეფექტიურობას, ტოლსტოის აზრით, მეთოდი არა სწყევტს. მისი დაკვირვებით, არცერთ მეთოდს არ შეიძლება მიეცეს უპირატესობა სწავლების პროცესში. მაგალითად, 60-იან წლებში გავრცელებული ბგერითი მეთოდის შესახებ ტოლსტოი ამბობდა, რომ ის არის „გერმანული სულის ყველაზე უფრო კომიკური ნაყოფი“ (63) და ამასთან, სხვა მეთოდების კრიტიკის შედეგად, წერდა: „ერთი სიტყვით, არ არსებობს საუკეთესო მეთოდი. საუკეთესო მეთოდი სათანადო მასწავლებლისათვის არის ის, რომელსაც ყველაზე უფრო კარგად იცნობს იგი“ (72). მასწავლებელს, ტოლსტოის აზრით, შეიძლება ჰქონდეს ერთი მეთოდი, მაგრამ მისი გამოყენების პარალელურად ის სხვა მეთოდებსაც უნდა მიმართავდეს „როგორც დამხმარე საშუალებას“. აიგვარად, ყველაფერი მასწავლებლის ცოდნასა და ოსტატობაზე არის დამყარებული, მაგრამ ის მუდამ ძიებაში უნდა იყოს. ყველა მასწავლებელმა უნდა იცოდეს, რომ ყოველი ნის ჩიერ შემუშავებული მეთოდი არის მხოლოდ სათესური, რომელზეც ის უნდა დადგეს იმისათვის, რომ წინ წავიდეს.“ ტოლსტოი ფიქრობს, რომ სწავლება (გადაცემა) არის ხელოვნება და ამიტომ მისი მეთოდებისა და ფორმების გაუმჯობესება-განვითარება დაუსრულებელია.

მრავალი სხვა პროგრესული იდეა წამოაყენა აგრეთვე ლევ ტოლსტოიმ. დღესაც ხშირად იწერებენ ხოლმე მის სავსებით მართებულ აზრს იმის შესახებ, რომ „აღზრდა წარმოგვიდგება

ჩვენ რთულ და მძიმე საქმედ მანამ, სანამ საკუთარი თავის აღზრდის გარეშე მოვინდომებთ ჩვენი შეილების ან სხვების აღზრდას*, ე. ი. ჯერ საკუთარი თავი უნდა აღზარდო და გაანათლო და შემდეგ შეუდგე სხვის აღზრდა-განათლებას. მაშინ ეს პროცესაც გადავილდება ისე, როგორც მცოდნე და მოხერხებული ადამიანის ხელში—ყოველგვარი საქმე. მოზარდზე სულიერი გავლენის მთავარ საშუალებად ტოლსტოის მიაჩნია სიძარტლე და მოკვოდებს ყველა აღმზრდელს ისე მოაწყოს თავისი ყოფა-ცხოვრება, რომ არ შეუცხვეს აჩვენოს ბავშვებს ყოველი მისი მხარე. აქედან დაასკვნის იგი, რომ „აღზრდა სხვებისა შეიცავს თვითაღზრდასაც“, და ეს მომენტი, მომენტი თვითაღზრდისა, არის საერთოდ აღზრდის მთავარი არსი.

არ შეიძლება არ აღვნიშნოთ ლევ ტოლსტოის კიდევ ერთი დიდი დამსახურება რუსეთის პედაგოგიკის ისტორიაში. ეს არის მისი დაუღალავი თეორიული და პრაქტიკული ბრძოლა რუსეთის ნაციონალური და ორიგინალური სახალხო განათლების სისტემისათვის. ამ ბრძოლის მეთაური და სულისჩამდგმელი, როგორც აღვნიშნეთ, იყო დიდი პედაგოგი კ. დ. უშინსკი, მაგრამ ლევ ტოლსტოი, როგორც „ბუმბერაზი ადამიანი“, უფრო მეტ საზოგადოებრივ რეზონანს აძლევდა ამ ბრძოლას. ის წერდა, რომ „რუსი ხალხის ორგანიზმს არ შეუძლია ასიმილირება ჩვენს ნიადაგზე გადმოტანილი ევროპული როგორც ფორმით, ისე შინაარსით განათლებისა“ და მოითხოვდა რუსეთის ისტორიული და ნაციონალური თავისებურების შესაფერისი და ორიგინალური განათლების სისტემის შექმნას.

—

XIX საუკუნის 60-იანი წლების საქართველოში ახალთაობათა აღზრდა-განათლების თეორია და პრაქტიკა ძალიან ჩამორჩებოდა ამავე პერიოდის მოწინავე საზოგადოებრივ-კულტურულ მოძრაობას. ეს გარემოება არ შეიძლებოდა მხედველობიდან გამოპაროდათ ამ მოძრაობის მეთაურებს. სამოციანელთა ლიდერებისათვის საცხებით ნათელი იყო, რომ საქართველოს ძველი საზოგადოებრივ-პოლიტიკური და კულტურული მდგომარეობის გარდაქმნა ახალ, ევროპულ საფუძველზე შეუძლებელი იქნებოდა სახალხო განათლე-

* Л. Толстой, Собр. соч., 346.

ბის მთელი ძეგლი სისტემის რადიკალურად გარდაქმნის გაკეპე იმავე ევროპულ საფუძველზე.

წართული პედაგოგიკის ჩამორყენილობას, პედაგოგიური განათლების ნაკლები გავრცელების ფაქტს და ევროპული პედაგოგიკის პოპულარაციის ატცილებლობას ჩვენში ყველაზე უფრო მკვევედ გრძობდა ჩვენი ლიტერატურის დიდი კლასიკოსი და პედაგოგი ილია ჭავჭავაძე. მან, როგორც აღვნიშნეთ 1863 წელს თავის ჟურნალ „საქართველოს მოამბეში“ (II, IX) მოათავსა ხრისტიან პოტგილფ ზალცმანის „კონრატ კიფერის თარგმანი. რომლის წინასიტყვაობაშიც ილია, უპირველეს ყოვლისა, აღნიშნავდა, რომ „ევროპულ განათლებულ ხალხებსა აკეთ ვრცელი პედაგოგიური ლიტერატურა და მათში გამოდის ბევრი ჟურნალები, სადაც მხოლოდ ის კითხვები განიხილებიან, რომელნიც აღზრდას შეეხებიან; ჩვენში სულ არაფერი არის ამაზე დაწერილი და ძლიერ ცოტამ იცის, რომ არსებობს მეცნიერებათა პედაგოგია, რომლის საგანი არის უმაწილების აღზრდა“.*

ამ სამწესარო ფაქტის ანუ ჩვენი პედაგოგიური ცოდნის სივიწროვის აღნიშვნის შემდეგ, ი. ჭავჭავაძე ამავე წინასიტყვაობაში არკვევდა ახალი თარბის აღზრდის, მნიშვნელობას და იძლეოდა პედაგოგიკის განმარტებას (რასაც ჩვენ შემდეგ თავში ვებებთ).

ილია ჭავჭავაძის ჟურნალი „საქართველოს მოამბე“, როგორც პროგრესული და ნაციონალურ-განმათავისუფლებელი იდეებას ნატარებელი მეცნიერულ-ლიტერატურული ორგანო, ნშვენადრად გრძობდა პედაგოგიური განათლების დიდ მნიშვნელობას ჩვენი ხალხისათვის და თავისი რედაქტორის, ილია ჭავჭავაძის, პირით დაარსების პირველი დღეებიდანვე იმედიანად პირდება ხალხს:

„საქართველოს მოამბის“ რედაქცია საპედაგოგო თხზულებებს ჩვენი საზოგადოებისათვის ძლიერ საჭიროდ და სასარგებლოდ რაცხს და ჰფიქრობს შესაძლებისამებრ წარმოუდგინოს თავის მკითხველებს სტატიები, სადაც განიხილება კიასვა ყმაწვილების აღზრდაზე“.**

მართლაც, თავისი არსებობის მხოლოდ ერთი წლის განმავლობაში ილია ჭავჭავაძის ყოველთვიურმა „საქართველოს მოამბემ“

* ი. ჭავჭავაძე, პედაგოგიური თხზულებანი, 126, 1938.

** იქვე, 137.

ნრაგალი პედაგოგიური ხასიათის წერილი მოათავსა და ზათ შორის ნაწყევტი აღწრდის შესახებ ბელინსკის სტატიიდან „Лекциями Г. Ф. Шлегеля и его учеников“ (* ბელინსკის აზრი შეიღების აღწრდაზე*), როგორც მეტად პროვოკაციული და რევოლუციური თავისი დროისათვის.

ქართული პედაგოგიური განათლების აღდგენისა და განახლების საქმეს განსაკუთრებით დიდი დედაწლი დასდო საქართველოს გამაჩენილსა პედაგოგმა იაკობ სპობინსკიმ გოგებაშვილმა. სპობინსკი მუდმივად იმყოფებოდა მან „უმაწკალ-თაობის“ აღზრდის მიზნები. ერის საუკეთესო მოძაველისათვის ბრძოლასა და „ახალი ტიპის ადამიანის“ შექმნის ამ ოცნებები და გამოხატულება ეხებოდა მის მიზნებს და ახვე ამოცანებით სანდრავდა რგი სკოლის დაინდოდებას. იაკობ გოგებაშვილმა 1865 წელს შედგენილი „ქართული ანბანი“ და 1866 წელს შედგენილი „ბეჭდის კარით“ საფუძველი ჩაუყარა მშობლიური ენის სწავლების ახალ იეცნიერებლ ნეთოდს, ხოლო შენდევ თავის ნრაგალი-რიცხვოვან სტატიებში დაწველებლთა მოწაადების შესახებ სინტეზატურად არკვევდა პედაგოგიური განათლების საკითხებს, კერძოდ, პედაგოგთა მოწაადების ახალ პრინციპებს, პედაგოგიურ სასწავლებლთა დაარსებისა და სპეციალურა პედაგოგიური დიფერენტირის შექმნის აუცილებლობას და სხვ.

პედაგოგიური განათლების შესახებ 60-იან წლებში წერდა აგრეთვე გიორგი წერეთელიც. დას ეყვთვნის პედაგოგიის მეორე განმარტება. 1866 წელს გაზ. „დროების“, ერთ-ერთ სარედექციო სტატიისში „ახალგაზრდა დედებს და ყმაწვილ ქალებს“, ეხებოდა რა პედაგოგიის შესწავლის საჭიროებას სკოლანდელი და საოჯახო აღწრდის გაუქვობების მიზნით, წერდა, რომ „პედაგოგია ნაშნავს სწავლას აღწრდის შესახებ“. * პედაგოგია, გიორგი წერეთლის აზრით, იძლევა ცოდნას, „თუ რა რიგათ უნდა გაზრდა ყმაწვილს, ან რა თვისების არის ყმაწვილის ნორჩი აგებულება, ან როგორ უნდა მოპყრობა ყმაწვილს, ან რა გარემოებაში უნდა ჩადგეს ყმაწვილი, რომ იპას შეეთვისოს მალალი ზნე და ნავარი აცებულობა, რომ შემდგ გახდეს ყოველისტრით სასარგებლო კაცი თავისი ქვეყნისათვის“. **

* „საქართველოს მოამბე“, 1863. IX. 30—57; X, 57—71.

** გ. წერეთელი, თხზულებათა სრული კრებული, I, 65.

გიორგი წერეთელს ხალხის გაუყვანების ერთ მთავარ საშუალებად აღრეული ასაკის ბავშვთა საოჯახო აღზრდის გაუყვანება მიაჩნდა. მისი აზრით, ადამიანის მომავალი საოჯახო აღზრდიდან უაღრესად და ამიტომ, თუ გვსურს ჩვენი მომავლის გაუმჯობესება, აუცილებელია მეცნიერულად გარდაქმნათ საოჯახო აღზრდა. „მანამ შინაურ აღზრდას ცოტა მანაც გონიერი საფუძველი არ მიეცემა, ჩვენს ვაზჯობინებასაც არა გაეწყობა რა და ყოველთვის უფარგნი დავრჩებით.“* ასე წერს გიორგი წერეთელი და ყოველ მშობელს მოუწოდებს „მოიპოვოს შვილის აღზრდაში დიდი გამოცდილება და ცოდნა.“ ეს. გიორგი წერეთლის აზრით, შეიძლება მიღწეულ იქნეს პედაგოგიური მეცნიერების ღრმა და ყოველმხრივი ცოდნის საშუალებით. სწოვრად ამ მიზნით წერდა იგი: „რაც შესაძლებელია ჩვენ ვეცდებით ჩვენს გაზეთში დავსტივით ხოლმე ზოგიერთი ცნობა შვილის შინაურ აღზრდაზე,“ და მართლაც, 1866 წლის „დროების“ 26-ე ნომრიდან, ორიგინალური პედაგოგიური წერილების პარალელურად, დაიწყო მან ვრცელი თარგმანების ბეჭდვა იმავე წელს პეტერბურგში პედაგოგი ქალის ა. სიმონოვიჩის რედაქტორობით დაარსებულ ჟურნალ „Детский сад“-იდან, რომელიც ფრიდრიხ ფრებელის სკოლამდელი აღზრდის სისტემას იზიარებდა. გაზ. „დროებაში“ ხშირად იბეჭდებოდა აგრეთვე ორიგინალური წერილები პედაგოგიკის ისტორიიდან და ცალკე პედაგოგიკის კლასიკოსების (პესტალოცის, ფრებელის და სხვ.) შესახებ.

ანტიკური პედაგოგიკის და საერთოდ უცხოეთის სახალხო განათლების სისტემების შესახებ. იბეჭდება ორიგინალური თუ ნათარგმნი წერილები ჟურნალ „ცისკარშიც“. მართალია, ამ წერილებს უფრო ინფორმაციის ხასიათი ჰქონდა, ვიდრე ევროპული პედაგოგიკური კულტურის პროპაგანდისა, მაგრამ ამ სახითაც საგრძნობლად უწყობდნენ ისინი ხელს ჩვენს პედაგოგიურ განათლებას.

დასავლეთი ევროპის პედაგოგიურ მეცნიერებათა პოპულარიზაციას 60-იან წლებში სისტემატურად აწარმოებდა აგრეთვე გაზეთი „Кавказ“-ი. ის, ჯერ კიდევ 1866 წელს მოუწოდებდა თავის მკითხველებს: „იყავ უფრო დარწმუნებული საკუთარ ძალაში. რასაკვირველია, დისტერვეგს, ფრებელს, პესტალო-

* გ. წერეთელი, თბზულებათა სრული კრებული, I, 66.

ცის—უცხად ვერ ჩაყლაპავ, მაგრამ აიღე მათგან ის, რაც უფრო მარტივია, მისაწვდომია, რისი შესრულებაც შეიძლება და აუცილებელია შენთვის“ (№ 35). შემდეგ წლებში ეს გაზეთი ვრცლად ბეჭდავდა თბილისის მასწავლებელთა შეკრებებზე წაკითხულ ზოგიერთ მოხსენებასა და ლექციას ისე, როგორც ცალკე სტატიებს პედაგოგიკის საკითხებზე.

XIX საუკუნის 60-იანი წლებისა და შემდგომი პერიოდის ქართულ პედაგოგიკაზე ლაპარაკის დროს არ შეიძლება არ გავიხსენოთ ის როლი, რომელსაც მისი ფორმირების საქმეში ასრულებდა რუსეთის დიდი პედაგოგი კონსტანტინე დიმიტრის-ძე უშინსკი. ქართული პედაგოგიკის ახალ ისტორიაში მას მეტად საპატიო ადგილი უჭირავს. მთელი XIX საუკუნის ბეორე ნახევრის ქართული პედაგოგიკა უშინსკის მოძღვრებასთან უშუალო კავშირით ვითარდებოდა. რუსი და ქართველი ხალხის საზოგადოებრივი ცხოვრებისა და კულტურული განვითარების დაახლოებით ერთგვარი პირობები XIX ს. მეორე ნახევარში შესაძლებლად ხდიდნენ ამ სახელოვანი კლასიკოსის პედაგოგიკური იდეების ფართო პოპულარიზაციას საქართველოში.

ეროვნული სახალხო განათლების სისტემის აუცილებლობის დასაბუთება და მისთვის ბრძოლა, სახალხო სკოლის ახალი ტიპის შექმნა, ხალხურობა და ჰუმანიზმი, იშვიათი დიდაქტიკური ხელოვნებით შედგენილი სახელმძღვანელოები, ბრძოლა მეფის ბიუროკრატიული რეჟიმისა და საგანმანათლებლო პოლიტიკის წინააღმდეგ, მშობლიური ენის დიდი მნიშვნელობის გარკვევა ახალგაზრდობის სწავლა-განათლებისა და ხალხის ეროვნული მთლიანობისათვის, და ბრძოლა მისი საზოგადოებრივ-პოლიტიკურ უფლებების დასაცავად—აახლოვებდა კ. დ. უშინსკის ქართველ ხალხთან, რეალურ ნიადაგს უქნინდა მის მოძღვრებას ჩვენში და გულთადი პატივისცემითა და სიყვარულით მოსაყვდა მის სახელს საქართველოც ახალ ისტორიაში.

პირველად საქართველოში კ. დ. უშინსკის სახელი შემოიტანა მისმა შრომებმა, რომლებიც დაიბეჭდა ჟურნალებში „Журнал для воспитания“ და „ЖМНП“ 1857—1860 წლებში, ხოლო „Детский

ჯორჯიან-მა 1861 წელს და „Подное слово“-ს პირველმა და მეორე ნაწილმა 1864 წლიდან საკმაოდ პოპულარული გახადეს იგი.

ეს წიგნები, როგორც რუსული ენის სახელმძღვანელოები, ყველა ოფიციალურ სკოლაში იხმარებოდა და მით სწავლობდნენ რუსულ ენას როგორც რუსი, ისე სხვა ეროვნების და. მათ შორის, ქართველი ბავშვებიც. მართალია, უშინსკის სახელმძღვანელოები განკუთვნილი იყო ნხოლოდ მათთვის, ვისთვისაც რუსული ენა წარჩოადგენდა მშობლიურ ენას (ე. ი. რუსებისათვის), მაგრამ, 1860-იან წლებში, სანამ არარუსთათვის რუსული ენის სახელმძღვანელო ჯერ კიდევ არ არსებობდა, უშინსკის ხსენებული წიგნები ასრულებდნენ მის მაგივრობას. 1861 წელს თბილისში გამოვიდა გერასიმე კალანდარიშვილის სახელმძღვანელო „Начальный курс русского языка для грузин“, რომელშიც გამოყენებული იყო მასალის განლაგების პრინციპი, უშინსკის „Подное слово“-ს I ნაწილის მიხედვით, აგებული იყო თარგმნითი (ე. წ. პრაქტიკული) მეთოდით და შეიცავდა რუსულ-ქართულ ლექსიკონს. ამიტომ ამ წიგნმა ქართველთათვის ადვილად შესცვალა უშინსკის მშობლიური (რუსული) ენის სახელმძღვანელოს — „Подное слово“-ს პირველი ნაწილი. რაც შეეხება რუსული ენის სწავლების მეორე წლის კურსს — ამის შესახებ იაკობ გოგებაშვილი 1879 წელს გერასიმე კალანდარიშვილის ხსენებული სახელმძღვანელოს მე-6 გამოცემის წინასიტყვაობაში აღნიშნავდა: „პირადად ჩვენ იმ აზრისა ვართ, რომ ამ სახელმძღვანელოს დამთავრების შემდეგ, უკეთესია, მიეცეს ბავშვებს უშინსკის „როდნოე სლოვოს“ მეორე ნაწილი“. ეს წიგნი, — აგრძელებს იგი უშინსკის სახელმძღვანელოს შესახებ, — შედგენალია ნამდვილად გენიალური ხელოვნებით, საესეა სითბოთი, სინათლით, სიცოცხლით, ინტერესით, ბევრად აღემატება იმანვე რიგის სხვა წიგნებს და ჯერ შეუცვლელი რჩება“.* შეუცვლელი რჩებოდა იგი 1885 წლამდე, როდესაც გამოვიდა ი. გოგებაშვილის, სპეციალურად ქართველთათვის შედგენილი, „Русское слово“ ორ ნაწილად.

რაც შეეხება უშინსკის სახელმძღვანელოების საკითხავ მასალას, უნდა ითქვას, რომ ეს მასალა თავისი აღზრდელობითი (ზნეობრივი) და საგანმანათლებლო მნიშვნელობით და აგრეთვე შინაარსით და მხატვრული ღირებულებით საკმაოდ პოპულარობით სარ-

* „Кавказ“, 1861, № 55.

* Г. Каландаришвили. Начальный курс русского языка для грузин, 1879 (მე-6 გამოც.), გვ. III.

გებლობდა საქართველოში. პირველად იმავე იაკობ გოგებაშვილმა შეიცნო უშინსკის საკითხავი მასალის ასეთი ღირებულება და თავისი „ბუნების კარის“ პირველ გამოცემაში, 1868 წელს, შეიტანა უშინსკის „დეტსკი მირიდან“ პირველივე მოთხრობა „ყმაწვილები ქალაში“ („Дети в поле“) და ათიოდე სხვა. ეს მოთხრობები გოგებაშვილს შექჳონდა „ბუნების კარში“ არა უცვლელად, არამედ გადამუშავებულად ან თავისუფალი თარგმანის სახით. მაგალითად, უშინსკის „როდნოე სლოვოში“ გადმოცემული რუსეთას ზამთარი, გაზაფხული, შემოდგომა გოგებაშვილს შეცვლილი აქვს საქართველოს შესაფერისად, ასევე ბუნების სხვა მოვლენები და ცხოველები. შედგენის პრინციპების მიხედვით და თემატიკურად უშინსკის „დეტსკი მირს“ უეჭველად აქვს გავლენა გოგებაშვილის „ბუნების კარზე“, მაგალითად, უკანასკნელის საბუნებისმეტყველო განყოფილება პირველის უშუალო მიბაძვითაა შედგენილი, მაგრამ მასალის შინაარსის მხრივ მათ შორის დიდი განსხვავებაა.

„დედაენის“ II ნაწილიც შეიცავს უშინსკის „როდნოე სლოვო“-ს რამდენიმე მოთხრობას, სურათს, მაგრამ ეს საერთო მოვლენაა ქრესტონათიული წესით შედგენილი სახელმძღვანელოები-ძათვის.

* * *

ასეთი იყო ის საერთო პირობები XIX ს. 60-იან წლებში, როდესაც შეიქმნა სათანადო საფუძვლები ბავშვთა აღზრდისა და ზწავლა-განათლების ახალი თეორიის ანუ მეცნიერული [ქედაგოგიკის აღმოცენებისათვის საქართველოში.

ბევრი თავდადებული შრომა დაუენერგია დასკვირდა ამ საქმეს, პეერი მოწინავე ადამიანის გული და ტვინი დაისერა მისთვის პრძოლაში, მაგრამ როგორც ქედაგოგიური განათლების დამკვიდრება თავისი განვითარების ახალ გზაზე, ისე აღზრდის ახალი თეორიის ანუ ახალი ქართული ქედაგოგიკის შექმნა უმთავრესად დაჯავშირებულია ჩვენი კულტურას დიდი ხომამაგების ილია ქავქავაძის და იაკობ გოგებაშვილის თავდადებულ მოღვაწეობასთან თავისი ხალხის კულტურული აღორძინებისათვის.

IV. ილია ჭავჭავაძის პედაგოგიური იდეები

ქართული ლიტერატურის დიდი კლასიკოსი და მე-19 ს. მეორე ნახევრის ეროვნულ-განმათავისუფლებელი მოძრაობის მეთაური ილია ჭავჭავაძე ცნობილია ჩვენში თავისი მრავალმხრივი საზოგადოებრივ-პოლიტიკური და კულტურული მოღვაწეობით. ქართულმა ლიტერატურამ მასში ჰპოვა დიდი რეალისტი, მებრძოლი სოციალური მოტივებით გაელენთილი მხატვარი და ქართული სალიტერატურო მეტყველების განმაახლებელი. ქართული ფილოსოფიური აზროვნებისა და საზოგადოებრივ მეცნიერებათა დარგში ის უნდა ჩაითვალოს ისტორიული პროცესის მატერიალისტური გაგების უახლოეს წინამორბედად. ჩვენი ეკონომიური ცხოვრების განვითარებისა და გარდაქმნის მიზნით ილია ჭავჭავაძე ენერგიულად უწყობდა ხელს საქართველოს ნაციონალური მრეწველობის განვითარებას, ადგილობრივი სოფლის-მეურნეობისა და საქალაქო წარმოების გაძლიერებას. ის ამავე დროს აძლიერებდა ჩვენში რევოლუციურ-განმათავისუფლებელ მოძრაობას, მტკიცედ იბრძოდა მეფის რუსეთის კოლონიური პოლიტიკის წინააღმდეგ, აფართოებდა ქართული ეროვნული კულტურის განვითარების გზებს, თავდადებულად უწყობდა ხელს საქართველოში მეცნიერული ცოდნის გავრცელებას და ამ მხრივ განსაკუთრებული გატაცებითა და ერთდროით იბრძოდა ჩვენი ახალგაზრდობის მეცნიერული აღზრდისა და სწავლა-განათლებისათვის.

ილია ჭავჭავაძის ამ მრავალმხრივი საზოგადოებრივი მოღვაწეობისა და აზროვნების ერთ-ერთ ძირითად მომენტს წარმოადგენენ მისი პედაგოგიური იდეები.

I. აღზრდა-განათლების საზოგადოებრივი მნიშვნელობა

ილია ჭავჭავაძე კარგად გრძნობდა ახალი თაობის მეცნიერული აღზრდის განუზომელ საზოგადოებრივ მნიშვნელობას ჩვენი

ქვეყნის მომავლისათვის. მისთვის ნათელი იყო, რომ საქართველოს პოლიტიკურ-კულტურული განთავისუფლება და განვითარება შეეძლო არა ეროვნულად და სულიერად გადაგვარებულ, „კეთილშობილ“ და „ბრწყინვალე“ გვამთა მოდგმას, არამედ პროგრესულ-დემოკრატიული იდეების საფუძველზე აღზრდილ ახალთაობას. ამ თაობას აკუთვნებდა ილია ქავეჭავაძე ჩვენი პომევალი ცხოვრების მეთაურობას. მას სთვლიდა იგი საქართველოს საიმედო ძალად. ჯერ კიდევ 1863 წელს ილია წერდა: „ჩვენ ვგონებთ, რომ ნამეტანი იქნება იმაზედ ლაპარაკი, რა დიდი მნიშვნელობა აქვს ქვეყნისათვის კითხვას ყმაწვილების აღზრდაზე, რადგანაც, ცხადია რომ ქვეყნის მყობადი მდგომარეობა დამოკიდებულია იმ მიმართულებაზედ, რომელსაც მისცემენ ახალს თაობას“.* ილია ხშირად წერდა საზოგადოების მომავლისათვის ახალთაობის აღზრდის გადაწყვეტი მნიშვნელობის შესახებ. უფრო მეტიც: ახალგაზრდობას ის აკუთვნებს ერის მთელ მომავალს. „ახალი თაობა... რომელზედაც მიქცეულია მთელი ჩვენი სასოება და რომელსაც ეკუთვნის ჩვენი მერმისი, ესე იგი ჩვენი მომავალი“**. ასეთი სასოებითა და მომავლის იმედით შეჰყურებდა ახალთაობას ილია ქავეჭავაძე და საკვირველი არ არის რომ მისი მეცნიერული აღზრდა-განათლება მას უმთავრეს საზოგადოებრივ და სასიცოცხლო საქმედ მიაჩნდა.

მაგრამ ჯერ ვნახოთ რა მნიშვნელობას აძლევდა ილია ცოდნასა და განათლებას საზოგადოების განვითარების საქმეში.

მისთვის, როგორც დიდი განმზნათლებლისათვის, არ არსებობდა არცერთი ისეთი ძლიერი იარაღი და საშუალება ხალხის კეთილდღეობისათვის—როგორცაა საყოველთაო ცოდნა და განათლება. ხალხის მიერ სწავლა-განათლების დიდი მნიშვნელობის გაგებისათვის ილიას საქიროდ მიაჩნდა მისი სათანადო ელემენტების წინასწარი ცოდნა; ილიას აზრით, ცოდნას

* „საქართველოს მოამბე“, 1863 წ., № III, მარტი, 49.

** ი. ქავეჭავაძე, VI, 227, თბილისი, 1927 წ. (როგორც აქ, ისე შემდეგშიც ილიას ტექსტი ციტირებული გვექნება „ქართული წიგნის“ მიერ, პ. ინგორო-ცუკასა და ალ. აბაშელის რედაქციით გამოცემული — ათრუმეულიდან, 1925—1929 წ. თბილისი, ხოლო იმ მასალების ციტირების დროს, რომელიც ამ ათრუმეულში არ შედის, მითითებული გვექნება მათი პირველი წყაროები). ხაზი ყუილგან ჩვენი — გ. თ.

მცოდნე უფრო აფასებს და განათლებას განათლებულნი. ხოლო იმისათვის, რომ ხალხში წინასწარ შევიტანოთ განათლების ელემენტები განათლების უფრო მეტად დაფასებისათვის, საჭიროა მოწინავე, შეგნებულ პირთა თავდადებული მუშაობა ხალხში სწავლა-განათლების სურვილის აღძვრისათვის.

ასეთ მოწინავე პირებად ილიას მიაჩნია „მასწავლებელი, ექიმი, ტეხნიკი, მიწის შემუშავების მცოდნე (აგრონომი, გ. თ.)—ყველა, ვინც კი მეცნიერებით და ცოდნით შეიარაღებულია“;* მათ უნდა შეიტანონ ხალხში პირველი სხივი განათლებისა, უნდა აღძვრან წინასწარი სურვილი ცოდნის მიღებისა. ილია ხედავდა, რომ ეს მოწინავე ელემენტები მართლაც იბრძოდნენ ხალხის განათლებისათვის, ნაყოფიც ჩანდა, ჯერ ძალიან მცირე, მაგრამ მაინც „ვერვინ იტყვის, რომ ჩვენში გაღვიძებული არ იყოს სწავლისა და განათლების სურვილი,—წერდა ილია,—ამას ბევრი ლარი და ხაზი არ უნდა: ყველა ხედავს, ყველა გრძნობს, ყველა ღალატებს, ვინც იცის, რა ძლიერი ფარ-ხმალია ცოდნა და განათლება, რა დიდი ღონეა—ერის ბედნიერებისათვის საერთოდ და ცალკე კაცისათვის საკუთრივ...“**.

ხალხმა უნდა იგრძნოს სწავლა-განათლების ეფექტიანობა. ილია ბევრჯერ აღნიშნავს, რომ განათლების სიკეთე უნდა მოჩანდეს როგორც სამეურნეო და პოლიტიკური ცხოვრების გაუმჯობესებაში, ისე ძველი ყოფა-ცხოვრების გარდაქმნაში; მაშინ ხალხი უსათუოდ დაეწაფება მას, ცოტას უკვე აღარ იკმარებს და შემდეგ თვითაიღებს ინიციატივას თავისი განათლების უფრო გაძლიერების საქმეში.

ილია ჭავეჭავაძეს მშვენივრად ესმის სწავლა-განათლების სტიმულირების საფუძვლები და სწორედ მათი ცხადად გამოვლენისა და პოპულარიზაციით იწყებს თავის ღრმადმოფიქრებულ პროპაგანდას ცოდნის გავრცელებისათვის. რა თემაზეც უნდა წერდეს ილია, ყველგან და ყოველთვის, პირდაპირ თუ არაპირდაპირ, უსათუოდ განათლების დიდ მნიშვნელობას ეხება: ერის ეკონომიური სიღატაკე—განათლების სიმცირის შედეგია, ერის პოლიტიკური დამონება—განათლების სისუსტის ბრალია, ერის სულიერი და(ც-

* VII, 249.

** იქვე, 241.

მა—განათლების უქონლობით აიხსნება. „ვინ არ იცის, რომ თავი და ბოლო ჩვენის უღონობისა, უკან ჩამორჩომისა, ჩვენი უბედურებისა,—უშეცრება და უსწავლელობაა“,—წერს იგი*.

განათლება, ამასთანავე, მას მიაჩნია დიდ რევოლუციურ ძალად: რომელიც ჩაგრულ ადამიანს ათავისუფლებს მონობის ბორკილიდან: „არა ღონე არ ექნება გაუნათლებელ კაცს თავისი ჯაჭვის დასამტკრეველად“**,—წერს ილია.

განა ერთგან და ორგან შევხედებით ჩვენ ილიას ნაწერებში სწავლა-განათლების მნიშვნელობის გარკვევას ზემოხსენებულის მსგავსად; რუსეთის დიდი რევოლუციონერი დემოკრატების ბ. ბელინსკის, ნ. ჩერნიშევსკისა და ა. დობროლუბოვის საგანმანათლებლო იდეებით გატაცებული — ილია ქვეყნაძე ხშირად წერს:

„ცოდნა, სწავლა-განათლება დღევანდელ კაცისათვის არსებითი პურია. უამათოდ ადამიანი დღეს ყველაფერს მოკლებულია: ადამიანობასაც, სარჩო-საბადებელსაც. ღონეს-ც და შეძლებასაც დღეს უცოდნელად, უსწავლელად კაცო ერთ ნაბიჯს-ც ვერ გადასდგამს ცხოვრების მოედანზე, უძაოცხოდ და უძლეველად“...

„ცოდნა, სწავლა-განათლება დაუშრეტელი წყაროა როგორც კაცად-მყოფობისათვის, ისე თავის სარჩებად, ისე ქონებისა და სარჩოს მოსაპოვებლად“.

„განათლებამ უნდა მისცეს მას (ხალხს, გ. თ.) ძალა ცხოვრებაში საბოძოლველად“...

„ებლანდელ დროში ცოდნა ყველაფერია: ფულზედაც უფრო დიდი ბაზარი აქვს, ხმაზედაც უფრო მეტადა სჭრის და ბარბახნებზედაც უფრო ძლიერია“**.

სწავლა-განათლების აქტუალური საზოგადოებრივი ფუნქცია ილიასათვის ნათელია. ის სასტიკი მტერია ხალხის ცხოვრებიდან მოწყვეტილი ცოდნისა, ძველი სქოლასტიკურ-დოგმატური სწავლებისა, ფორმალისტური განათლებისა.

ილია ქვეყნაძის მიერ ცოდნისა და განათლების რეალისტური გაგება, მათი კანონზომიერი დაკავშირება საზოგადოების შრომასა და ბრძოლასთან, მისი ფილოსოფიური კონცეფციებიდან გამომდინარეობდა.

ჩვენ ზემოთ აღვნიშნეთ, რომ ილია ქვეყნაძე საქართველოში ისტორიული მატერიალიზმის წინამორბედი, მაგრამ მეცნიერ-

* V, 156.

** III, 260.

*** VII, 219, 23.

ბისა და ხელოვნების გაგების საკითხებში ის კიდევ უფრო ახლოს მივიდა დიალექტიკურ მატერიალიზმთან. ილია გადაჭრით იბრძვის ისეთი ბურჟუაზიული ლოზუნგების წინააღმდეგ, როგორცაა: „წმინდა მეცნიერება“ და „ხელოვნება ხელოვნებისათვის“. ამ ლოზუნგების საწინააღმდეგოდ ის სრული დამაჯერებლობით განიხილავს მეცნიერებისა და ხელოვნების წარმოშობა-განვითარების პროცესს საზოგადოებრივი ცხოვრების განვითარებასა და ცვალებადობასთან კანონზომიერ კავშირში. ის გარკვევით ასაბუთებს აუზისს, რომ მეცნიერება და ხელოვნება ცხოვრებისაგან არიან განპირობებული.

„ცხოვრება ძირია, ხელოვნება და მეცნიერება მასზედ ამოსული შტოები არიან“, სამართლიანად აღნიშნავს ილია ქავჭავაძე*. მას ბრწყინვალედ ესმის, რომ ცხოვრებისაგან წარმოშობილი და მისი გავლენით განვითარებული მეცნიერება — ხელოვნება და ცნობიერება, როგორც ზედნაშენი, თავისი განვითარების გარკვეულ სტადიებში თვით ახდენენ უკუზეგავლენას ცხოვრებაზე, ე. ი. თავის ზაზისზე და იწვევენ მის შემდგომ განვითარებას; ზოლო უფრო განვითარებული ცხოვრება თავის მხრივ კვლავ იწვევს მეცნიერება-ხელოვნების და ცნობიერების ახალ ზრდას და ახალ განვითარებას. ცხოვრებისა და მეცნიერების ასეთი დიალექტიკა ილიას შემდგენაირად აქვს გადმოცემული:

„როგორც მიწიდან ამოხეთქილი შტოები ისხამენ ნაყოფსა და საცესლედ მოჰსწევენ, ისევი მიწას გადმოსცემენ, რომ ახალი ძირი გაიკეთონ და ამ ძირმა სხვა ახალი შტოები ამოხეთქოს, ისევი ცხოვრებაზედ ამოსული შტოები — მეცნიერება და ხელოვნება — ისხამენ ზედ ცხოვრების ნაყოფსა და როცა მოჰსწევენ სათესლოდ, ისევი ცხოვრებასევი გადმოსცემენ ახალი ცხოვრების გამოსაკვანძავად. ამისთანა დამოკიდებულება აქვს ცნობიერებას. ცხოვრებაზედ და ცხოვრებასა თავის რიგზე — ცნობიერებაზედ“**.

* IV, 73.

** იქვე, 73.

ეს დებულება არსებითად სწორი და მეცნიერულია. ჩვენ რომ აქ ცხოვრების, ე. ი. მეცნიერება-ხელოვნებისა და ცნობიერების ბაზისის ნაცვლად წარმოება და საწარმოო ურთიერთობანი გვექონდეს, საქმე გვექნებოდა დაზუსტებულ დიალექტიკურ-მატერიალისტურ დებულებასთან. მაგრამ ეს მატერიალისტური დებულება იქნებოდა მხოლოდ. ელემენტი მისი მსოფლმხედველობისა, ვინაიდან ილია ქავკავაძის მსოფლმხედველობა მთლიანად, მისი დროის საერთო ჩამორჩენილობის გამო, ვერ ამალდა დიალექტიკურ მატერიალიზმამდე.

მეცნიერებისა და ხელოვნების გამოყენებითი მნიშვნელობის შესახებ ილია აღნიშნავს: „მეცნიერებასა და ხელოვნებას ჩვენ ვუყურებთ, როგორც ცხოვრების გასამჯობინებელ ღონისძიებათა“* და მათს მატერიალურ ძალას ხედავს იმაში, რომ „რაც მაგათგან არის მოყვანილი ცნობაში და დამტკიცებული, ის გადადის ხალხში და იგი სცვლის ხალხის მდგომარეობასა და ცხოვრებასა“**.

ამგვარად, მეცნიერებასა და ხელოვნების დანიშნულებას ილია ქავკავაძე ხედავს ხალხის შრომისა და მისი მეზობლი, რეალისტური აზროვნების განმტკიცებაში.

ბუნებრივია, რომ სწავლა-განათლების სისტემა ილიას ამავე პრინციპზე აქვს აგებული. ჩვენ უკვე ვნახეთ, რომ იგი ცოდნას აკისრებს აქტიური საზოგადოებრივი ფუნქციის შესრულებას და ცხოვრებასთან რტკიცე, ~~ორგანულ კავშირს~~. ხოლო მათ შესახებ კი ვიცხ ცხოვრებას თავს არიდებს განათლების სახელით, „უაზროდ შტვენს“ და „მეშვიდე ცისთვის“ მიუპყრია „გაბეცებული თვალები“, — ილია წერს: „ჩვენ იმათთან საერთო გზა არა გვაქვსო“. აქედან ადვილი წარმოსადგენია, რომ ილია დაუნდობლად ებრძვის ფორმალიზმს და სქოლასტიკას. კინც ცოდნა-განათლებას უტყერის როგორც გარეგან—„მორთულობასა და სამკაულს“, ის ბილწავს და აგინებს მას. „ცოდნა, სწავლა-განათლება ასე ახსნილი და გაგებული, სწორედ ცოდნისა და სწავლა-განათლების შეგინებაა, გაუპატიურებაა“, — წერს ილია*** და ამასთან აღნიშნავს, რომ „მიხვედრილს კაცს ცოდნა და

* VI, 79.

** იქვე, 83.

*** VII, 253.

სწავლა-განათლება სამკაულად კი არა აქვს მიჩნეული, როგორც ბუზმენტი ჩოხისათვის, ან ძეწკვი გულმკერდისათვის,“*—არამედ პრაქტიკულ, გამოსაყენებელ ძალად.

ასევე დაუნდობლად ებრძვის ილია უაზრო და უშინაარსო ფრაზას მხატვრულსა და მეცნიერულ შემოქმედებაშიც, თუნდაც რომ ეს ფრაზა ბაღალი შტილით იყოს დაწერილი. „თხუზულებაში საქმე აზრია, და მაღალს და მდაბალს ფრაზას არაფერი ღირსება არა აქვს, თუ ბრწყინვალე აზრი არ გამოსქვივის სტატიაში.“**

ჩეალური, საგნობრივი და შინაარსეული განათლება იზიდავს ხალხს, იწვევს მასში ინტერესს და ცოდნის მიღებისადმი ლტოლვას, რადგანაც მხოლოდ ასეთი განათლება აძლევს მას საგრძნობ მატერიალურ და კულტურულ ეფექტს, აძლევს რწმენას თავის ძალ-ღონესა და უნარში, უქმნის მას ძლიერების იმედს, რადგანაც, ილიას თქმით, „ამ წუთისოფელში ბედი იმისია, ვინც ძლიერია. და ძლიერი მარტო მცოდნე კაცია“.

ჩვენ ქვემოთ ვნახავთ, როგორი ზეცური და გამანადგურებელი ცინიზმით ილაშქრებს ილია ქაეკავაძე ძველი სკოლის რეჟიმისა და სწავლების ფორმალისტური და დოგმატური მეთოდების წინააღმდეგ, ხოლო აქ საჭიროა აღვნიშნოთ, რომ ფორმალისტთან ბრძოლის დროს ის აყენებს თეორიისა და პრაქტიკის მთლიანობის იდეას და მტკიცედ იცავს მას. გარდა იმისა, რომ მთელი მისი საგანმანათლებლო იდეები ამ იდეით არის გამსჭვალული, ის ცალკეც ეხება ამ საკითხს.

სწავლა-განათლებამ, ილიას აზრით, ადამიანს უნდა მისცეს ჰარმონიული თეორიული და პრაქტიკული განვითარება. ადამიანის თეორიული ცოდნა უნდა ვლინდებოდეს მის პირობდ შრომასა და საზოგადოებრივ მოღვაწეობაში, მის ყოფა-ცხოვრებაში; სამაგიეროდ მისი ცხოვრება და მოქმედება სავსებით უნდა შეეფერებოდეს მის თეორიულ ცოდნას ისე, რომ ადამიანის მოქმედება და ყოფა-ცხოვრება მისი ცოდნა-განათლების გამომხატველი იყოს. ილია ქაეკავაძე იშვიათი გამჭვრიახობით ხედავს, რომ მისი დროის ბევრ ადამიანში თეორიული განათლება და პრაქტიკული მოქმე-

* VII, 260.

** IV, 814.

დება ერთმანეთთან სრულ წინააღმდეგობაში იმყოფება, რომ მათი ცოდნა სხვაა და საქმე კი სულ სხვა; ამის მიზეზს ილია ფორმალურ განათლებაში ხედავს; ის წერს:

„დღევანდელ დღეს, ადვილად შესაძლოა შეხედეთ, — კაცო ცოდნით ერთი იყოს, მოქმედებით და ცხოვრებით კი სრულებით სხვა. ეს იმიტომ არის, რომ დედა-აზრი, სკოლაში სწავლა-ცოდნით გამოორკვეულნი, მარტო ფორმალურად არიან მიღებულნი და არა მათეს-შინაგანი აზრითა, არა მათის ბუნებურის შინა-არსითა“.

ამგვარად, ილია ქვეკვაძე სწავლა-განათლების მიზნად აღიარებს ადამიანის მთლიან განვითარებას მისი თეორიული ცოდნისა და პრაქტიკული მოღვაწეობის ერთიანობის საფუძველზე. ის ებრძვის უსაგნო აბსტრაქტულ ცოდნას, პრაქტიკული ცხოვრებისაგან მოწყვეტილ და ბუნებრივი ანუ რეალური შინაარსიდან გაკლილ სწავლა-განათლებას, ფორმალიზმს.

ილია ენერგიულად იცავს წიგნისა და ცხოვრების სინამდვილის მტკიცე კავშირის იდეას. ახვ წიგნი ვარგა ცხოვრებისაგან მოწყვეტილი, არც ცხოვრება წიგნის ანუ ცოდნის გარეშე. „ქუა და ცოდნა თითქოს „თუ არ წიგნში, სხვაგან აღარსად იყოსო“, ამბობს „ოთარაანთ ქვრივის“ არჩილი, რომლის პირითაც ილია გადმოგვცემს შემდეგ ჭეშმარიტებას:

„არც უწიგნობა ვარგა და არც მარტო წიგნი-დამ გამოხედვა. უწიგნოდ თვალთახედვის ისარი მოკლეა და მარტო წიგნითაც საკმაოდ გრძელი არ არის“.

აქედან ილიას დასკვნა ნათელია: წიგნი უნდა ეყრდნობოდეს პრაქტიკულ სინამდვილეს, ხალხთა შრომას და გამოცდილებას. ბოლო პრაქტიკული სინამდვილე, შრომა და გამოცდილება წიგნით უნდა საჩვენებლობდეს და მას იყენებდეს შემდგომი განვითარებისათვის.

თეორიისა და პრაქტიკის ურთიერთობის საკითხის გადაწყვეტას ის უძღვება მათი ერთიანობისა და ურთიერთ ზეგავლენის პრინციპის აღიარებით. ამ პრინციპს ილია გამოხატავს შემდეგნაირად:

„ცხოვრება ყოველთვის ორ დიდ ტოტად დადის. ერთი ტოტი პრაქტიკულ ცხოვრებას (идейная жизнь), მეორე—მოსაქმე (практическая), რომლებიც ისე არიან ერთმანეთზე დამოკიდებულნი, რომ ხან ერთია მეორისაგან წარმოდგენილი, ხან მეორე პირველისაგან“*.

თეორიის (იდეის) და პრაქტიკული მოღვაწეობის ასეთი პირდაპირი დამოკიდებულება და ურთიერთ ზეგავლენა მათი განვითარების პროცესში ილიას ესპის როგორც მიზეზისა და შედეგის ურთიერთ ზეგავლენა, როდესაც რაიმე გარკვეული მოვლენა, აღმოცენებული წარსული მიზეზით, არის შედეგი ამ მიზეზისა, მაგრამ თავისი განვითარების პროცესში იწვევს ახალ მოვლენას და თვით ხდება მიზეზი ამ ახალი, მეორე მოვლენისა; თავის მხრივ ეს ახალი მოვლენა როგორც შედეგი წარსულისა, ამავე კანონზომიერებით, თვითონვე იქცევა უფრო ახალი მოვლენის მიზეზად. აქედან: მიზეზი გადადის შედეგში, შედეგი—ახალ მიზეზში.

ეს მატერიალისტური თეზისი ილიას მშვენიერად აქვს დადასტურებული საქართველოს XIX საუკუნის ცხოვრების მაგალითზე. ილია, როგორც რევოლუციურ-განმათავისუფლებელი მოძრაობის დიდი მოღვაწე, ხედავდა, რომ საქართველო, თუმცა გარეგნულად მოსვენებულია მტერთა შემოსევისაგან და შინაურ ფეოდალთა და მთავართა კინკლაობისაგან, მაგრამ ხალხს თითქოს საქმე გამოვლია, არ მოქმედობს, არ იბრძვის, არ მოძრაობს, — ძილსა და მოსვენებას მისცემინ. ამ გარემოებას, ილიას აზრით, შეუძლია ჩვენი პრაქტიკული ცხოვრების მოდუნება, რაც თავის გავლენას მოახდენს ჩვენს იდეურ, თეორიულ ცხოვრებაზე. გაჩერებულ ცხოვრებას ხავსი ეკიდება ისე, როგორც ეს დაემართებოდა მრისხანე და მოუსვენარ თერგს, რომ ის დადგეს, შეჩერდეს: „აბა პატარა ხანს დადგე, თუ მყრალ გუბედ არ გადაიქცე და ეგ შენი საშიშარი ხმაურობა ბაყაყების ყიყინზე არ შეგეცვალოს“ („მგზავრის წერილები“). განვითარებას ილია მხოლოდ მოძრაობაში ხედავს. „მოძრაობა და მარტო მოძრაობა არის, ჩემო თერგო, ქვეყნის ღონისა და აზრის მიმცემი“, და ხალხსაც მოძრაობისაკენ მოუწოდებს.

ილია ქაეჭავაძის მსჯელობას თეორიისა და პრაქტიკის ერთიანობისა და ურთიერთ ზეგავლენის შესახებ კიდევ უფრო ამტკიცებს მისი შესანიშნავი დებულება, წამოყენებული 1892 წელს:

* IV, 221.

„თვით აზრის სხვა არა არის რა გარდა იმისა, რომ
საქმეა, ჯერ განუხორციელებელი, და საქმეც აზრის
უქმე განხორციელებული“.*

აქ იშვიათი მეცნიერული სიღრმით და კონდენსირებულად არის
მოცემული ზემოთ აღნიშნული იდეა; აქვე ჩანს, რომ აზრი (იდე-
ოლოგია) მას მიაჩნია მატერიალური ბუნების მოვლენად, ხოლო
აზროვნების პროცესი კი სპეციფიკურ მატერიალურ პროცესად.
საქმე ქმნის აზრს, აზრი—საქმეს; აზრი, თუ ის ნამდვილი და სწო-
რი აზრია,—საქმეში უნდა გადავიდეს, საქმედ იქცეს; მაგრამ თუ
იგი ჯერ საქმედ ქცეული არ არის, რჩება საქმედ პოტენციალად.
ე. ი., ილიას სიტყვებით რომ ვთქვათ, — განუხორციელებელ სა-
ქმედ. ხოლო საქმის განხორციელება ნიშნავს აზრის საქმედ ქცე-
ვას, მაშასადამე, მის გადაქცევას მატერიალურ ძალად.

აუცილებლობა იდეის ანუ თეორიის მატერიალურ ძალად ქცე-
ვისა პირველად ჩვენ მოგვცა მშრომელი კაცობრიობის დიდმა
ბელადმა და იშვიათი სიღრმის მეცნიერმა კარლ მარქსმა.
ცნობილია, რომ კ. მარქსი ძველი მატერიალური ძალის დასაბუ-
ხად მატერიალურ ძალასვე მიმართავდა, ხოლო თეორიის გამოყე-
ნება ამ ბრძოლაში მას შესაძლებლად მიაჩნდა იმ შემთხვევაში, თუ
ეს თეორია ხალხში გავრცელდებოდა, გამოიწვევდა ხალხის მოძრა-
ობას, მის ახალ შემოქმედებას და ამით თვით გადაიქცეოდა მატ-
ერიალურ ძალად. „თეორია ხდება მატერიალურ ძა-
ლად, როდესაც მას დაეუფლებიან მასები“, — წერდა
მარქსი და ამით იგი განსაკუთრებული სიცხადით აღნიშნავდა
თეორიის დიდ რევოლუციურ ძალას და მის დიდ აქტიურ მნი-
შვნელობას პრაქტიკული საქმიანობისათვის. ილია ქავეჭავაძე იცნო-
ბდა კ. მარქსის ნაშრომებს და ამ შემთხვევაში — აზრისა და მო-
ქმედების განმარტების და მათი ურთიერთდამოკიდებულების სა-
კითხში, ის უეჭველად მარქსის მოძღვრებიდან გამოდის. ამასთან
უნდა ვიუიქროთ, რომ ილიას მიერ აზრის აღიარება მატერიალური
ბუნების მოვლენად მარქსისვე გავლენით მოხდა; კერძოდ, მარქსის
დებულება, რომ „იდეალური არის არა სხვა რამ, არამედ ადამი-
ანის თავში გადატანილი და გადაამუშავებული მატერიალური“
(„კაპიტალის“ მეორე გამოცემის წინასიტყვაობიდან, 1873 წ.).
უეჭველია ილიას ზემოთ მოყვანილი დებულების გამოსავალ პრი-
ნციპად უნდა იქნეს აღიარებული.

დაუბრუნდეთ საკითხს, როგორ ესმის ილიას ახალგაზრდობის აღზრდის პროცესი.

2. აღზრდის პროცესი

ცნობილია, რომ ადამიანის წარმოშობა და გაადამიანება შრომის პროცესსა და სოციალურ ურთიერთობაში მოხდა, რომ ის საზოგადოებრივი გარემოებისა და აღზრდის პროდუქტს წარმოადგენს და, როგორც სოციალური არსი, განიცდის კანონზომიერ ცვალებადობას მისი არსებობის სოციალურ პირობათა ცვალებადობასთან დაკავშირებით. ადამიანის კულტურა, მისი ფსიქიკა და იდეოლოგია თავის წარმოშობასა და განვითარებაში ამავე კანონზომიერებას ემორჩილება. აღზრდა, როგორც ადამიანის მომზადება შეგნებულ საზოგადოებრივი მოღვაწეობისათვის, სოციალურ პროცესს წარმოადგენს და მისი განვითარების ყოველი ეტაპი გარკვეული საზოგადოების ეკონომიურ-პოლიტიკურ მდგომარეობითა და მისი გაბატონებული იდეოლოგიით არის განპირობებული.

ილია ჭავჭავაძეს ახალთაობის აღზრდა საზოგადოების უმთავრეს და აუცილებელ ფუნქციად მიაჩნდა და საზოგადოებრივ ცხოვრებასთან მტკიცე კავშირის გარეშე არ ჰქონდა იგი წარმოდგენილი. უკეთუ ახალთაობას „ეკუთვნის ჩვენი მერმისი“, ესე იგი ჩვენი მომავალი, — გარდაუვალ საჭიროებას წარმოადგენს ზალხის მიერ თავისი მერმისის ანუ მომავლის კარგად მომზადება. ეს მერმისი ბავშვი და მოზარდია, ხოლო მომავალი ცხოვრებისათვის მათი მზადება, უპირველეს ყოვლისა, აღზრდას გულისხმობს.

იმისათვის, რომ გავიგოთ როგორ ესმის ილია ჭავჭავაძეს ბავშვის აღზრდის პროცესი, საჭიროა ჯერ გავარკვიოთ როგორ ესმის მას თვით ბავშვი, როგორც აღზრდის ობიექტი.

ჩვენ ვიცი, რომ „ადამიანის არსი მის სოციალობაში მდგომარეობს“ (მარქსი). ონტოგენურად ადამიანის სოციალობა მისი დაბადების მომენტიდანვე იწყება, და, მაშასადამე, ბავშვი, როგორც ადამიანი, სოციალური არსია.

ილია ჭავჭავაძეს ბავშვი არსებითად ამნაირადვე ესმის. ერთ თავის ლიტერატურულ-პედაგოგიურ ეტიუდში („უცნაური ამბავი“) ის ბრწყინვალედ სკრის ამ საკითხს. „ბავშვი იგივე აღამი-

ანიცა*, — წერს ილია* და მოითხოვს, რომ პედაგოგი (აღმზრდელი) მას მიუღდეს როგორც ადამიანურ არსს, ადამიანურ თვისებათა მატარებელს. ამასთან, ბავშვის ადამიანობის აღნიშვნით ილიას სრულებითაც არ სურს წაშალოს არსებული თვისებრივი და ოდენობითი განსხვავება დიდსა და პატარას შორის. მისი აზრით, ბავშვი, როგორც ადამიანი, „პატარაა“ და მხოლოდ დასაწყისია იმ საზოგადოებრივი ზრდისა, რას შედეგადაც ის უნდა იქცეს დიდ ადამიანად. „ბავშვი სათავეა, დასაწყისია დიდის ადამიანისა“, — ამბობს ჩვენი დიდი მოაზროვნე**. ბავშვის ზრდა-განვითარება თავიდანვე გამოდის ადამიანიდან, იწყება როგორც ადამიანური. სოციალური პროცესი და მთავრდება ადამიანითვე; ბავშვ-ადამიანსა და დამთავრებულ ადამიანს შორის ის განსხვავებაა, რომ პირველთან შედარებით ეს უკანასკნელი, ხანგრძლივი სწავლა-აღზრდისა და საზოგადოებრივი გარემოების ხანგრძლივი ზეგავლენის შედეგად, მეტი ცოდნითაა აღჭურვილი, მეტადაა განათლებული, მეტის გამოცდილების მქონეა, მეტი უნარი აქვს შრომისა და უკეთესი მომავლისათვის ბრძოლისა. სიტყვა „მეტი“ აქ ხაზგასმულია და ამით გვიჩვენა აღვნიშნოთ, რომ ელემენტები ცოდნისა, განათლებისა, გამოცდილებისა, შრომისა და ბრძოლისა ადრეული, სკოლამდელი ასაკის ბავშვსაც აქვს მოპოვებული, მაგრამ მოპოვებული როგორც დასაწყისი, მცირე ოდენობითი და თვისებითი მასშტაბით, მხოლოდ განვითარებისა და გაზრდის ცხადი ტენდენციით, ამასთან ეს სწავლა, ზრდა, განათლება — განვითარების სხვადასხვა საფეხურზე ქმნიან მასში სრულიად ახალ თვისებებს, ახალ ფუნქციებს, და აპყავთ იგი ადამიანობის უფრო მაღალ საფეხურზე, ილიას მშვენიერად ესმის, რომ ბავშვში, როგორც ადამიანში ადამიანობის ძირითადი დამახასიათებელი თვისებანი (აზროვნების, მეტყველების, ცოდნის უნარი და სხვა.) უკვე ბავშვობიდანვე იწყებენ თავის განვითარებას, რომ მასში ბავშვობიდანვეა მოცემული ეს თვისებები ჯერ ტენდენციების, შემდეგ ელემენტებისა და ბოლოს კი სისტემის სახით. როგორც ვნახეთ, მიაჩნია რა ბავშვი დიდი ადამიანის დასაწყისად და სათავედ, ილია წერს: „არ უნდა გვიკვირდეს, რომ რასაც დიდ მდინარეში ვპოულობთ, იმას მის პატარა სათავეშიაც ვხედავთ“. ამით

* III, 283.

** იქვე.

ილია ავითარებს ზემოთ მოყვანილ თავის დებულებას, რომ „ბაკ-
შივი იგივე ადამიანია“, და სურს ხაზი გაუსვას იმ გარემოებას,
რომ ბავშვი, როგორც ადამიანი, მატარებელია დიდის ადამიანუ-
რი თვისებებისა, მაგრამ იმდენად და იმ ზომით, რამდენადაც ის
ჯერ მხოლოდ დასაწყისი და სათაბეა დიდი ადამიანისა; ის, რაც
საერთოა დიდ ადამიანსა და პატარა ბავშვს შორის არის ად-
ამიანობა ანუ სოციალობა. ამით ილია ქვეყნაძე მშვენივრად
ასაბუთებს თეზისს, რომ ბავშვი ისეთივე სოციალური არსია, რო-
გორც საერთოდ ყოველი ადამიანი და მისი აღზრდა, როგორც
პროცესი, სოციალური განვითარების პრინციპს ექვემდებარება.

ყოველი კაცი, რომელსაც კი თვალეზზედ ჩამოფარებული არა
აქვს რა, ხედავს, რომ ცხოვრება რაც გუშინ იყო, ის
დღეს აღარ არის, რომ იგი იცვლება, მიდის წინ
და მოაქვს განახლება ყოველის ფრისა. წესი, ჩვე-
ულება; აზრი, გრძნობა, ენა, რომელიც მათგან გა-
მომეტყველია, ყველაფერი იცვლება მისი ძლიერი
გავლენისაგან**.

ამას წერდა ილია ქვეყნაძე 1863 წელს („საქართველოს მო-
ამბეზედ“), და ეს იყო მართლაც მტკიცე საფუძველი მისი ახალი
მსოფლმხედველობისა. ამ დებულებაში საზოგადოებრივი ცხოვრე-
ბის ისტორიულ პროცესად აღიარებასთან ერთად, სწორადაა გა-
რკვეული, რომ ადამიანის გრძნობელობითი და აზროვნებითი სუე:
რომ ისე, როგორც მისი მეტყველება და ჩვეულება — ტრადიციები
საზოგადოებრივი ცხოვრების ანარეკლია, მისგან არიან დეტერმი-
ნირებულნი და მისივე ძლიერი გავლენით მუდმივ ცვალებადობას
განიცდიან. მართალია, ილიას, როგორც უკვე აღვნიშნეთ, არ
აღმოუჩენია ისტორიის მატერიალისტური გაგების პრინციპი, მა-
გრამ უეჭველია ეს დებულება ერთხელ კიდევ ადასტურებს, რომ
მისი ავტორი, როგორც მარქსამდელი მატერიალიზმის მოწინავე
წარმომადგენელი საქართველოში, დიდი მეცნიერული ერუდიციით
იცავს განვითარების პრინციპს საერთოდ, და სავსებით
სწორად სწყვეტს საკითხს საზოგადოებრივი ცხოვრების მიერ იდე-
ოლოგიის განპირობებისა და მათი ურთიერთ ზეგავლენის შესახებ.

ამ პრინციპებზე აქვს აგებული ილია ქვეყნაძეს ბავშვის არსო-
ბის სოციალური ბუნების გაგება და ამავე პრინციპებიდან გამო-

დის იგი აღზრდის პროცესის სოციალურ პროცესად აღიარების დროს. მართლაც, უკეთუ ბავშვის აღზრდის მთავარ ამოცანას მისი აზროვნების განვითარება წარმოადგენს, ხოლო აზროვნება კი განპირობებულია საზოგადოებრივი ცხოვრებითა და ყოველგვარ-ბით, — უეჭველია, ბავშვის (აღამიანის) აღზრდა საზოგადოებრივ პროცესად უნდა ვიცნოთ და განვითარებაში მყოფ სოციალურ გარემოს გადამწყვეტი როლი მივაკუთვნოთ ბავშვის აღზრდის საქმეში.

ილია ქავჭავაძე სწორედ ასეთ როლს აკუთვნებს საზოგადოებრივ წრეს, „საცა ნორჩი სული ბავშვისა პირველად იღვიძებს და მერე ზრდაში შედის“, ბავშვის მომავალი, მისი გრძნობების, აზროვნების, მეტყველებისა და სხვა სოციალურ-ფსიქოლოგიური ფუნქციითა განვითარება პოზიტიური თუ ნეგატიური გზით დამოკიდებულია მის ირგვლივ არსებულ საზოგადოებრივ გარემოზე. ამ საზოგადოებრივი გარემოს პროგრესულ ან რეგრესულ ხასიათზე. ზემოთ მოყვანილ ცატატებში ნათლად არის გაშუქებული ის დებულება, რომ აღამიანის იდეოლოგია, როგორც ცხოვრების და საზოგადოებრივი სინამდვილის საფუძველზე აღმოცენებული და განვითარებული მოვლენა, არა მარტო ასახავს ამ ცხოვრებასა და სინამდვილეს, არამედ გაძოხბატავს კიდევ მას. საზოგადოებრივი წრის ზეგავლენა სწორედ მათ ასახვასა და გამოხატვაში ვლინდება და ეს ყველაზე უფრო ღრმად და ხანგრძლივად სწორედ ბავშვში იჩენს თავს.

„იმ წრეს, სადაც ბავშვი პირველ ხანიდანვე ტრიალებს, დიდი გავლენა აქვს მთელს აღამიანის მერმისზედ. ბავშვის ნორჩი სული და გული მეტად მგრძნობიერია და მალე დამჩნევი ავისა და კარგისა, და ამიტომაც წრე, საცა ბავშვი და მოზარდი სულს იბრუნებს, თავის ბეჭედს ავისას და კარგისას აუცილებლად ზედ დასვამს ხოლმე. ამ სახით, არავითარი ეჭვია, რომ თითონ წრეს ცხოვრებისას დიდი ზედმოკმელება აქვს მოზარდის თაობის მერმისზედ“*.

აქედან ცხადად გამომდინარეობს არა მარტო საზოგადოებრივი წრის დიდი ზეგავლენის აღიარება ბავშვის აღზრდაზე, არამედ ამ წრის გარდაქმნის აუცილებლობაც აღზრდის გაუმჯობესების მიზნით. მაგრამ სოციალური სინამდვილისა და აღზრდის გარდა-

* VIII, 316—317.

ქმნა თავისთავად, ხალხის აქტიური ჩარევის გარეშე არ ხდება; მან იცის, რომ ეს შეურიგებელი ბრძოლის საქმეა. ასეთი ბრძოლისაკენ მოუწოდებს ის ხალხს ახალთაობის აღზრდის მიზნითაც, ვინაიდან მისთვის აშკარაა, რომ ბრძოლა სოციალური წრის გარდაქმნისა და განვითარებისათვის არის აგრეთვე ბრძოლა ახალთაობის აღზრდის გარდაქმნისა და განვითარებისათვის.

აღზრდის საზოგადოებრივი ხასიათი ილიას დადასტურებული აქვს აგრეთვე თავის ნახტურულ შემოქმედებაში. ილია ქვეყნიერების მხატვრული შემოქმედება მისი საზოგადოებრივი იდეოლოგიისა და თეორიის საუცხოო ილუსტრაციას წარმოადგენს; ილიას მსოფლმხედველობაში არ არსებობს პრინციპულ-იდეური წინააღმდეგობა ფილოსოფიურ აზროვნებასა და ნახტურულ იდეათა შორის. ის ამ ნხრივ ნონოლიტურია და ამასთან ბუნებურ განონაკლისს წარმოადგენს იმ კლასიკოსთა შორის, რომელთა მსოფლმხედველობაც სწორედ ამ წინააღმდეგობით էასიათდება (გოგოლი, ტოლსტოი, ფლობერი და სხვ.). ილიას პროზასა და პოეზიაში ჩვენ ვხედავთ იცავე საბრძოლო თენების ესთეტიკურ დამუშავებას, რომლებიც მისი ფილოსოფიური და საცენიერო-პუბლიცისტური აზროვნებისა და მოღვაწეობის საბროგრანო თემებს წარმოადგენენ.*

ილიას მხატვრულ ნაწერებში ბევრგან ვხვდებით ისეთ უარყოფით ან დადებით ტიპებს, რომლებიც უარყოფითი ან დადებითი საზოგადოებრივი გარემოებისა და აღზრდის შედეგად გამოიშვავენ. მოთხრობაში „სარჩობელაზედ“ ავტორი ნათლად გვიჩვენებს, რომ ორი ახალგაზრდა ძმა ავაზაკობასა და სარჩობელაზედ მიიყვანა საზოგადოების უყურადღებობამ, ცუდმა საზოგადოებრივმა ზეგავლენამ და აღზრდამ; ყაზარღულმა თუქურმიშის სკოლამ, უპატრონობამ, მანანაცვლის ნეცურმა მოპყრობამ, ცემა-ტყეპამ, ლანძღვამ და ძრეკამ. საზოგადოებისადნი წყრომითა და სასტიკი პროტესტით არის გაცლენთილი სიტყვები ერთი ამ ახალგაზრდისა, რო-

* საქაოისია დავასახელოთ: ილიას რეოლოუიკური ნაციონალურ-განმათავისუფლებელი იდეები და „მჯავრის წერილები“, „აირდილი“ და სხვ; ბატონყმობია წინააღმდეგ ბრძოლა და „გლახის ნამბობი“, „კაკო-ყაჩალი“ და სხვ; ძველი საზოგადოების განაადგურებელი კრიტიკა და „კაცია-ადამიანი“, „პასუხის პასუხი“ და სხვ; ადამიანის საზოგადოებრივი დანიშნულება და „პოეტი“, „ქართვის დედა“ და სხვ; ბრძოლა ასკეტისმის წინააღმდეგ და „განდგეილი“ და შრავალი სხვ.

მელმაც შეიგნო საზოგადოების დამღუპველი ზეგავლენა თავის თავსა და ძმანზე: „ჩვენ ყველასთვის უცხონი ვიყავით, ყველანი ჩვენთვის... ჩვენი ცოდვა ყველამ დაიღო კისრად. მაშინაცვალმა კი არა, თქვენ ყველამ გაგვძარცვეთ ჩვენ, თქვენ ყველამ მოგვიღეთ ბოლო“. ასეთია ილია ჭავჭავაძის სასტიკი განაწიენი ჯელი საზოგადოებისადმი. ამ სიტყვებით ილია აზოგადოებებს ბავშვზე კერძო ზეგავლენის ფაქტს, რადგანაც მისთვის ცხადია, რომ ყოველი კერძო პიროვნება საზოგადოების წევრია, რომ ყოველი კერძო პიროვნების ზეგავლენა ბავშვის აღზრდაზე არის ამავე დროს სათანადო მომენტა თვით საზოგადოების ზეგავლენისა. „მაშინაცვალმა კი არა თქვენ ყველამ“... „განა შენ კი აზნაზაგი არა ხარ ჩემის მაშინაცვლისა. განა შენ კი არ დაწინაზე ერთად ერთი ძმა. განა შენ კი არ მიიყვანე ის საჩხობელამდე“, — მიმართავს ჩამოსრჩობილის ძმა ზეურზე პეტრეს, რომელსაც უშუალოდ არათერი მონაწილეობა მიუღია მისი ძმის ჩანობრჩობაში, მაგრამ, როგორც საზოგადოების წევრი, მორალურად მაინც პასუხისმგებელია საზოგადოების მიერ აღაძინის დაღუპვისათვის.

„გლახის ნაწმობის“ გმირთაგანის, თავად დათიკოს, გადაგვარება შედეგია როგორც მისი სოციალურ-წოდებრივი მდგომარეობის, ისე ძველი საოჯახო და სასკოლო აღზრდა-სწავლისა. გახრწნილი სოციალური ტენა, უქმი და პარაზიტული წოდება, უკულტურო და ცრუმორწმინე ოჯახი, ბინძური და ჩანობრჩინილი მშობლები, — აი როგორ პირობებში იზრდებოდა დათიკო (კოლა*). თავისი გადაგვარებელი, ფეოდალური კლასის, წრისა და ოჯახის დამღუპველი ზეგავლენისაგან შეიძლებოდა პატარა კოლას დასნაქარები, მეცნიერული აღზრდით და სწავლა-განათლებით, მაგ-

* იხ. ავტორის მიერ ერთ რომანად განზრახული. მაგრამ შემდეგ სამ მოთხრობად დაყოფილი „გლახის ნაწმობის“, „აკაცია-აღაშინარს“ და „აკაცია-ყაჩაღის“ ერთიანი ვარიანტები: „კოლა“ და „აკაცო“ (ტ. III). ამ ვარიანტის მიხედვით, ლუარსაბ თათქარიძე ყავს შვილი სახელად კოლა, რომელიც ამ ერთიანი ვარიანტის უარყოფისა და მისი სამ მოთხრობად დაყოფის შემდეგ, „გლახის ნაწმობში“ დათიკოს სახელით გვხვდება. ილია ჭავჭავაძის პირველად კოლას (დათიკოს) გადაგვარება საოჯახო და სასკოლო აღზრდის შედეგად ჰქონდა დასამულო (იხ. ვარიანტი „აკაცო“), მაგრამ შემდეგ „გლახის ნაწმობში“ ის უფრო ფართო საზოგადოებრივი ყოფა-ცხოვრების შედეგად გამოიყვანა. „აკაცია-აღაშინარსი“ კი ლუარსაბ თათქარიძე ილიამ შვილი სრულებით არ აღიარა, რომ ამით სიტყვით ამოყვანა ჩვენი სინამდვილიდან თათქარიძეების მოდგმა და ნაშთი.

რამ მას აღზრდა და სწავლა-განათლება სწორედ თავისი კლასისა, წრისა და ოჯახის შესაფერისი შეხვდა და საბოლოოდ დაჰქარგა მან ადამიანის იერი.*

როგორ ზრდიდნენ მას ოჯახში?

„კოლა თ ერთმეტი საცა შესრულდა, მაგრამ ჩვეულებების-მებრ არსად არა სწავლობდა“, მის მამას ეშინოდა, რომ კოლას სწავლა დაჰკლებებდა, დაღუპავდა მამის-ერთა შვილს; მას უკურო ერთი კოლა დილიდან საღამომდის საგამდლოსა და სამშაბრუ-ლოში ყოფილიყო.

კოლას თავიდანვე ანებივრებდნენ გახრწნილი მშობლები. აწვევდნენ ხალხის უპატივეცემლობას, საცინადაგდებას, ლანძღვა-გინებას და ისე, რომ ბავშვს ყოველივე ეს თავის მოწოდებად მიაჩნდა, ხოლო სხვისათვის კი დიდ სიამოვნებად:

— „აბა, ეტყოდა მამა, ერთი შენებურად შეუკურთხე შენ ბოძიას“, — გათამამებული მამისაგან კოლა მართლაც შეუკურთხავდა, მერე ასე რიგად, რომ აქ არ ითქმის, ჩემო მკითხველო. ასტყდებოდა სიცილი, ქება პატარა კოლასი, კოცნა და ხვევნა კმაყოფილი და ბედნიერი დედისა, რომელსაც არ ესმოდა, რომ აქვე, დედის კალთაში საუკუნოდ ხდება და ირყენება შვილი.**

ასეთივე სასტიკი, მაგრამ სამართლიანი განაჩენი გამოაქვს ილია ჭავჭავაძეს ყველა ამგვარად აღზრდილი შვილის შესახებ: „რომელიც შინავე, დედის კალთაში მიიღებს ხოლმე თესლსა მომავალ წარხდენისა და თავის უბედურებას“.

„კოლა შესრულდა ცამეტის წლისა, მაგრამ დედ-მამა მეტის-მეტი სიყვარულის გამო არ იმეტებდნენ შვილსა, რომ სასწავლებლად გაეგზავნათ: საწყალ, მარტივ გაუნათლებელ კართველებს ამ გამოუმეტებლობაში ეგონათ მართალი სიყვარული —

ბოლოს; როცა კოლა გადადგა თოთხმეტის წლიდამ მეხუთმეტეში, მაშინ კი ძლივს-ძლივს გაბედეს მისი ქალაქით გაგზავნა“***

* პატივემული პედაგოგი ივ. გომელაური 1908 წელს სრულად სამართლიანად წერდა, რომ „პატარა დათიკოს ცუდად აღზრდის დასჯაობით ილია ჭავჭავაძემ ჯერ ისევ ინსამოცე წლების დასწყისში გააფრთხილა ჩვენს მოწინავე საზოგადოება და მიუთითა ცუდი აღზრდის შედეგები, მაგრამ სამწუხაროდ. ჩვენმა საზოგადოებამ ჯეროვნად ვერ ისარგებლა დიდი აზრების საუცხოვო დასურათებით. (ქერნ. „განათლება“, 1908 წ., № 1, გვ. 313.

** III, 185.

*** III, 187.

თოთხმეტი წლის კოლა შეიყვანეს გიმნაზიის პირველ კლასში. მას გარს შემოერტყა უდიცინლინო, უზრდელი, ბოროტებადღე ცელქი მოწათფები. მათ აწვევებდა „ოსტატი ერთ კაი სტელ და პტყელ ჯოხით, რომელსაც სახანეს ეძახდნენ სკოლაში... ოსტატის სახე იყო მრისხანე და ზედ ეწერა სურვილი ცემისა“. პირველსავე დღეს კოლა მხეცი მასწავლებლის უდანაშაულო მსხვერპლი შეიქმნა; მას მოწათფებმა დააბრალეს, რომ იგი სკოლაში ყვიროდა. ამის გამო მასწავლებელმა: „გად ააწნა ერთი ათიოდე სახანზე ბეჭებზედ საწყალ კულას, რომელსაც დანაშაული არა ჰქონდა რა, მერე გამოათრია სკამიდან, თმეხით წამოითრია და დაახალა ფიცრის იატაკზე მუხლებზედ.—მე შენ გასწავლი, როგორ უნდა იქცეოდე, ჯერ პატარა დამაცა... უთხრა დორბლიანმა ოსტატმა და ერთიც წაუთავა ლაწანი ყბაში“.

კოლას ყველაფერს რუსულად ასწავლიდნენ იმ დროს, როცა მან რუსული ენა სრულებით არ იცოდა. ამიტომ მას სწავლა ეძნელებოდა, ხოლო „დიდი კვიანი პედაგოგები კოლას უსწავლელობას უნიკობასა და ზარმაცობას აწერდნენ და სცემდნენ, სცემდნენ საწყალსა ამის გამო. ის კი ვერ მოევიქრათ, რომ რუსული არ ესმით ახალთ მოსწავლეთა“. კოლას ხშირად უწოდებდა ოსტატი - დურალეის“ და იგდებდა წიხლ-ქვეშ, ჰკრავდა პანლურს და კარში აგდებდა. ამავე ბედში იყო ბევრი სხვა მისი ამხანაგი. ყველა ისინი, დასფრთხალი და შეშინებული სკოლის ეანდარბული რეჟიმისაგან, გაურბოდნენ სკოლას, იკრიბებოდნენ შეუმჩნეველ ადგილებზე, დადიოდნენ საბანაოდ და სალაზლანდაროდ, „კოლას ჯერ სრულიად სძაგდა ესე ყოველი, მერე ცოტ-ცოტად შეეჩვია და ბოლოს თითონაც დაემსგავსა იმას, რომლის ყოფაც უწინ დასაინახავათაც ეძაგებოდა“.*

ასეთი სასკოლო აღზრდის შედეგად ი. ქავკავაძე ასკვნის: „ეგრე ძზრდებოდა კოლა ღიმნაზიაში... ეგრე წახდა საუკუნოდ ჩვენი კოლა,—ნიკიერი, მახვილი, ცქეიტი და გონიერი ყმაწვილი“.**

კოლას დაცემისა და წახდენის მიზეზად ილია სრულიად საქართველიანად სთელის თავისი დროის საზოგადოებასა და აღზრ-

* III, 189—191.

** III, 191.

დას: „ვინ- იცის, ჩვენო მკითხველო, რა კაცო გა-
მოსულიყო იგი სხვა საზოგადოებაში და სხვა-
რიგ შინაურ გაზრდაში“*... ილია პირდაპირ აყენებს სა-
კითხს: კოლას წახდენა—თავის ბრალია თუ სხვისა? და კატე-
გორიულად უპასუხებს: „რასაკვირველია სხვისა.“ ეს
სხვა, მისი აზრით, არის ოჯახი, სკოლა, საზოგადოება.

ასე ბრწყინვალედ ასაბუთებს ილია ქვეყნაძე აღზრდის სო-
ციალურ ბუნებას, მის დამოკიდებულებას ცვალებადი საზოგა-
დობრივი გარემოსა, ოჯახისა და სკოლისაგან. განსაკუთრებულადაა
აღსანიშნავია, რომ ბავშვის აღზრდის პროცესში ოჯახის და სკო-
ლის როლის ასეთი კლასიკური დახასიათება ჩვენ იშვიათად
გვხვდება პედაგოგიკის ისტორიაში და მხატვრულ ლიტერატურა-
რაში.

ძველი ფეოდალური მდგომარეობით შექნილ ტიპთა გაღვრი-
ოდან ილია ქვეყნაძემ დაგვიხატა აგრეთვე ერთი უკვდავი, კლასი-
კური სახე, სახე ლუარსაბ თათქარიძისა. ყველასთვის ცნობი-
ლია ვინ არის, უკეთ, რა არის ლუარსაბ თათქარიძე. მაგრამ არ
შეიძლება-არ გავიხსენოთ, როგორი იყო მისი აზრი სწავლა-გა-
ნათლების შესახებ?

ჭკუიან და გონიერ ხალხად ის მხოლოდ ქლექიანებს სთვლიდა.
თვითონ უწიგნო იყო, მაგრამ ეს მას სრულებით არ აწუხებდა.
ვინაიდან სწავლა—ქირად მიაჩნდა.

— „დრო გამოიცვალა,—იტყოდა ხოლმე აღმოჩენვით ლუარსაბი—
დრო გამოიცვალა. რაც ეს რაღაც ემპაქური სკოლები შექოილეს, ბატონო
ქართველი კაცის ხეირი ბაშიწ წავიდა. ფერი კი აღარ შეოჩათ ჩვენს შვა-
ლებსა და... ჭაპიო ისინი ვერა სკამენ, სმით ისინი ველარა სმენ, რა კა-
ციები არაან... წიგნი იციან? მე თუ წიგნი არ ვიცი, კაცი აღარ ვარ, ქე-
დი არა მხურაეს, განა. ხორცი მე არ მაკლია და ფერი: წიგნი რა ვაყ-
კაცის ხელობაა,—ეგ ხომ ქალის საქმეა. ვენაცვალე უწინდელ დროს ვუ-
ლაფერი მაშინ თავის დოოხედ იყო მოყვანილი, ყველა თავის ქერქში იყო
ვენაცვალე... კაი ცხენი, კაი თოფი, მარჯვე მკლავი და კაცი იყავ ბატონო-
სანი“.

და ასეთ მსჯელობაში „რუმბივით გაბერილი თავადი გორავლი-
და, თუ ზაფხული იყო, ქერში ბუზებსა სთვლიდა“.

ამგვარად, თანამედროვე ადამიანის იდეალად ლუარსაბს
მიაჩნდა „კაი ცხენი, კაი თოფი, მარჯვე მკლავი“, მაგრამ თუ-
თონ ამასაც მოკლებული იყო და თავის პირად იდეალად გაიხატა

* III, 186.

სიციცხლე იმისათვის, რომ ექამა. „შენ ცხოვრობ, რომ სვა და ქამო. და არა იმისათვის სვამ და სკამ, რომ იცხოვრო,“ — მიმართავს მას ილია ქვექავაძე. მართლაც, მთელი მისი ცხოვრება ქამაში და ძილში მიმდინარეობდა: „სადილის შემდეგ ძილი, მერე ისევ გაღვიძება, მერე ისევ ჩაი, მერე ვახშამი და ბოლოს ისევ ის სატრუიალო ძილი“, ხოლო დილიდან კვლავ: ჩალაღაჯი, სუკი, ბოზბაში, ზუთხი, თართი და ზურგიელი.

ეს ის ხალხია, „რომელნიც არც თავის სიციცხლით უმატებენ რამეს ქვეყანას და არც თავის სიკვდილით აკლებენ“.

ასე, ილია ქვექავაძემ იშვიათი სიღრმით და დიდი ოსტაჯობით გვაჩვენა ფეოდალური აღზრდითა და გარემოებით შექმნილი კაცი, უკეთ, ადამიანურა სახის მქონე ცხოველი, დავვანახა ამ საზოგადოების ადამიანის ნამდვილი სახე და ამ ადამიანის განათლებას ნაწილი იდეალი.

ილია ხედავდა, რომ ასეთი, — სიციცხლეშივე გახრწნილი გვაგები ბევრი იყო მისი დროის საქართველოში. ის ზიზღითა და მწუხარებით აღნიშნავდა 41--51-იანი წლების საქართველოს შესახებ, რომ „ქვეყანა მხოლოდ ლუარსაბ თათქარაძეებით აივსო“, რომ ეს თათქარაძეები საშინლად აწყლულებენ საქართველოს საღსხეულს და თავის მოყვარე ქართველ ხალხს „პირში უძრახავს“, რომ ეს საძრახისი წყლული საჩქაროდ მოიშოროს.*

ილია ქვექავაძემ იცის, რომ საზოგადოება არ არის ერთგვარი, იცის, რომ ის სხვადასხვა ფენებისაგან შედგება და რომ ამ ფენათა შორის არის ეკონომიური, უფლებრივი და კულტურული განსხვავება და ამ სხვაობაზე აღმოცენებული წინააღმდეგობა ყველაფრის მქონე თავდახანაურობასა (დიდკაცობასა) და არაფრის მქონე მშრომელ გლეხობას შორის. მაშასადამე, ასეთი საზოგადოება ყოველთვის ერთგვარ ზეგავლენას არ ახდენს ყველაზე. მისგან ყველა ერთნაირად არ იზრდება. ეს საზოგადოება იძლევა როგორც უარყოფითი, ისე დადებითი ხასიათისა და ქცევის პირებს. უარყოფითი, ნეგატიური ხასიათისა და ქცევის პირებს ზრდის საზოგადოების გაბატონებული, მაგრამ ისტორიუ-

* თავის მოთხრობას „კაცია ადამიანი?“ ილია ქვექავაძემ წარუძღვარა გონიერი ხ. დღური ანდრია: „მოყვარე პიროში უძრახე და ძღვრის პიროუკანაო“. ექვს გარეშეა, რომ მისთვის ეს მოყვარე არის ქართველი ხალხი და არა „სულით და ხოციტა გახრწნილი“ თავ-დახანაურობა.

ლად ხანდაზმული და გახრწნილი' თავადაზნაურული' ფენა, ანუ „დიდკაცობა“:

„ის დიდკაცობა, — წერს ილია ჭავჭავაძე, — როგორც სხვაგან, ისე ჩვენში, სწორედ კუბოა, რომელიც გარედამ ხავერდით არის მოსილი და ბუჭმენტებით გაბრწყინებული, მაგრამ ახსენით ის ბუჭმენტები და ახადეთ თავი, შიგ ძვლების და სულის და ხორცის გახრწნილების მეტვერას დაინახავთ.“* ასეთია ილია ჭავჭავაძის დროის საზოგადოების გაბატონებული ფენა, და საკვირველი არ არის, რომ ეს ფენა გვაძლევს ლუარსაბ თათქარიძეებს, დათიკოს (კოლას), ბეჟანს („სარჩობელაზედ“) და სხვა, მათ მსგავს გადაგვარებულ პირებს.

საზოგადოების მეორე ფენა, ქონებასა და უფლებას მოკლებული მშრომელი გლეხობაა; ილიას თქმით, ეს გლეხობა არის „უმრავლესობა ქართველობისა. ეს სული და გული ჩვენის ეროვნულის იმედებისა.“** ეს არის შემოქმედი ფენა, მომავლის რეალური პერსპექტივის მქონე, შრომისა და ადამიანის განთავისუფლებისათვის მებრძოლი. ამ ფენის აღმზრდელობითი ზეგავლენა პროგრესული და რევოლუციურია. ამ ფენიდან გამოვიდნენ: ლელთლუნია, — ეროვნულ განმათავისუფლებელი მოძრაობის მოტრფიალე თერგკიდურელი მოხევე, გაბრო, ზაქრო და კაკო ბლაქიაშვილი, — ბატონყმობის წინააღმდეგ და პიროვნების განთავისუფლებისათვის მებრძოლი გამირები. ეს ხალხი აღზარდა მშრომელთა ფენამ და საკუთარმა ინიციატივამ სწავლა-განათლებისათვის. გაბროს („გლახის ნაამბობი“) თავის ცხოვრების გარემოებამ შეაგნებინა სწავლა-განათლების აუცილებლობა, უპირველეს ყოვლისა, წერა-კითხვის სწავლისა, და შემდეგ საკუთარი გზით მიდის ამ მიზნის მიღწევისაკენ. მან ამის შედეგად შეიგნო, რომ „ბატონ-ყმას შუა სიყვარულის ხიდი არ გაიდება“, ისე როგორც ზაქრო („ეპიზოდი ყაჩაღის ცხოვრებიდან“) თავისი მდგომარეობით მიხვდა, რომ:

„ჩვენი წადილი, ჩვენი იმედი ყოველთვის, ძმაო, არის საფრთხეში, გლეხკაცის და ყმის! ლიტონი ბედი ვერა, ვერ გასძლებს ბატონის ხელში“.

* IV, 396.

** VII, 14.

როგორ იზრდებოდა გაბრო? სრულიად საწინააღმდეგო გზით. ვიდრე მისი ბატონი დათიკო (კოლა). გლებკაცის შვილი გაბრო (ვარიანტ „კაკოში“ კაკოდ წოდებული) ბატონის კარზე იზრდებოდა. კვების მიზნით ის „სამზარეულოში ღრღნიდა მზარეულისაგან მიგდებულ ძვალსა“, მოკლებული იყო ყოველგვარ ადამიანურ ღირსებასა და მოპყრობას. მაგრამ ამ პირობებშიც „საშინლად უნდოდა წიგნი ესწავლა“. თავისი საკუთარი ინიციატივით მან კიდეც მიაღწია ამ მიზანს და წიგნის ერთგულ მებობარი გახდა. „ვეფხისტყაოსნის“. კითხვაში გაზარდა კაკომ თავისი თავი... ბევრჯერ წაიკითხა კაკომ და გადაიკითხა ვეფხისტყაოსანი; თანდათან უფრო და უფრო ესმოდა რასაც კითხულობდა...“ გაბრო (კაკო) ხელაედა თავისი კლასის უწყალო ექაპლოატაციას და მის ცნობიერებაში გარკვეულად იზრდებოდა შეურიგებელი პროტესტი ბატონყმური საზოგადოების მიმართ.

დათიკოსა (კოლა) და გაბროს (კაკოს) შუა „ღიღი ზღვა იყო“, ისინი წარმოადგენდნენ ორ საწინააღმდეგო პოლუსს, და ყოველივე ეს საზოგადოებისა, აღზრდისა და სკოლის შედეგს წარმოადგენდა. „ს უ ლ ს ხ ვ ა და ს ხ ვ ა ნ ა ი რ ა დ ი ზ რ დ ე ბ ო დ ნ ე ნ ბ ა ტ ო ნ ი და ყ მ ა“, — წერს ილია ქავჭავაძე, და აქედან ნათელია, რომ ისინი ს უ ლ ს ხ ვ ა და ს ხ ვ ა ა და მ პ ი ა ნ ე ბ ა დ ი ქ ც ნ ე ნ ს ხ ვ ა და ს ხ ვ ა სა ზ ო გ ა დ ო ე ბ რ ი ვ გ ა რ ე მ ო ე ბ ა შ ი და ს ხ ვ ა და ს ხ ვ ა ნ ა ი რ ი ა ლ ზ რ დ ის პ ი რ ო ბ ე ბ შ ი.

გავისენოთ კ. მარქსის მესამე თეზისი ლ. ფოიერბახის შესახებ: „მატერიალისტური მოძღვრება, რომ დამიანები გარემოებისა და აღზრდის პროექტები არიან, მაშასადამე, შეცვლილი ადამიანები სხვაგვარი პირობებისა და შეცვლილი აღზრდის პროდუქტები არიანო, ივიწყებს, რომ გარემოებას სწორეთ ადამიანები სცვლიან და რომ აღმზრდელი თვით უნდა აღიზარდოს“. ამ თეზისის თვალსაზრისით, ცხადი ხდება, რომ ი. ქავჭავაძის თეორია აღზრდის პროცესის სოციალური განპირობების შესახებ წარმოადგენს მატერიალისტური მოძღვრების მომენტს იმ ხაკლით, რომელსაც კ. მარქსი ამ თე-

ზისში შიაწერს საერთოდ მის პერიოდამდე არსებულ მატერია-
ლიზმს, ფოიერბახის მატერიალიზმის ჩართვით.

აღზრდის, როგორც სოციალური პროცესის შესახებ, ილია
ქავჭავაძის შეხედულებათა გარჩევის დროს ბუნებრივად ისმის
საკითხი—როგორი იყო ილიას დამოკიდებულება აღზრდის კლას-
ობრივ თეორიასთან და სცნობდა თუ არა იგი აღზრდის კლას-
ობრივ ხასიათს? პასუხი ამ საკითხზე გამომდინარეობს მისი და-
მოკიდებულებიდან კლასთა ბრძოლის თეორიასთან, საერთოდ,
და საქართველოს სინამდვილეში კლასთა ბრძოლის ფაქტთან,
რის შესახებაც ჩვენ უკვე გვქონდა ზემოთ ლაპარაკი*, სოლო
აქ კი, დასკვნის სახით, საჭირო იქნება აღვნიშნოთ, რომ
ილია ქავჭავაძეობიექტურად სავსებით სწორ-
ად არკვევდა აღზრდა-განათლების კლასობ-
რივ-წოდებრივ ფუნქციას, მის მონოპო-
ლიას გაბატონებულ საზოგადოებრივი ფუნ-
ქციის (ე. ი. კლასის) მიერ, მის რევოლუციურ როლს
მშრომელი ხალხისათვის, მაგრამ ოფიციალურად,
ისე როგორც ერიდებოდა და არღებულობ-
და საქართველოს საზოგადოებრივი ცხოვრე-
ბის განვითარებაში კლასობრივი ბრძოლის
თეორიას, ისევე ერიდებოდა ეცნო აღზრდის
კლასობრივი ბუნება და მიეღო მისი კლასობ-
რივი თეორია.

ამგვარად, სავსებით ნათელი ხდება, რომ ილია ქავჭავაძეს ბავ-
შვი ესმის როგორც ადამიანი და სოციალური არსი, ხოლო ბავ-
შვის აღზრდა კი—როგორც სოციალური პროცესი, განპირობე-
ბული ანტაგონისტური სოციალური ფენების საზოგადოებრივ-
ეკონომიური და იდეოლოგიური ინტერესით.

ბავშვისა და მისი აღზრდის ბუნების გარკვევა არის პირველი
აუცილებელი პირობა ნამდვილი მეცნიერულ-პედაგოგიური სის-
ტემის ჩამოყალიბებისათვის. ამ პრობლემის გადაწყვეტის გარეშე
არ შეიძლება შემუშავება არც სწორი პედაგოგიური თეორიისა;
არც დიდაქტიკისა და სწავლების მეთოდებისა და არც, საერთოდ,
ბავშვის განვითარებაზე სწორი ზემოქმედების სისტემისა. ახალი
დროის ბურჟუაზიულ პედაგოგიაში ბავშვისა და აღზრდის ბუნე-

* იხ. აქვე, გვ. 355—359.

მის ახსნას, სოციალური თვალსაზრისით, ყველაზე უფრო მეტად ცდილობდა ე. წ. სოციოლოგიურა სკოლა: სპენსერი (1820—1903), პაულსენი (1845—1908), ნატორპი (1854—1924), ბარტი (1858—1922), და სხვ. მაგრამ აღნიშნული პედაგოგები მათთვის დამახასიათებელი ბერეუზაული სოციოლოგიისა და იდეალისტურ-ექლექტიკურა ფალოსოფიის თვალსაზრისით უდგებოდნენ ბავშვის არსისა და მისი აღზრდის პროცესის შესწავლას, და ამიტომ, ცხადია, მათ ვერ შესძლეს ვერც ბავშვის ბუნებისა და ვერც მისი აღზრდის პროცესის ობიექტურ-მეცნიერული ახსნა.

ილია ქავჭავაძემ კი, როგორც აღვნიშნეთ, სავსებით ნათლად და მეცნიერულად გაარკვეა აღზრდის საზოგადოებრივი ხასიათი და აღზრდის მთავარი ობიექტის ანუ ბავშვის სოციალური ბუნება. ამით ერთხელ კადევ დასტურდება ის უდავო კემშარიტება; რომ საქართველოს საამაჟო მწერალი და მეცნიერი თავისი ეპოქის ყველაზე მოწინავე პედაგოგიკურ იდეათა სიმალღებზე იდგა.

3. აღზრდა მანათლუბის მიზნები და ამოცანები

ილია ქავჭავაძემ ჯერ კიდევ 1863 წელს განმარტა პედაგოგიკა როგორც „მეცნიერება ყმაწვილის აღზრდაზე“* და ზოგადად გაარკვეა აღზრდის მიზნები და ამოცანები.

ახალთაობის აღზრდის მიზნებისა და ამოცანების გარკვევას ილია უდგება ისტორიული თვალსაზრისით. მისთვის არ არსებობს აღზრდის მუდმივი და უცვლელი შინაარსი ან მიზანი. ის, როგორც განვიტარებთ თეორიის წარმომადგენელი, აღზრდის მიზანს არკვევს ისტორიზმის პრინციპიდან გამომდინარე და სათანადო ისტორიული პერიოდის საზოგადოებრივ-პოლიტიკურ ამოცანებთან დაკავშირებით. მისი დროის მთავარი საზოგადოებრივ-პოლიტიკურა ამოცანა, როგორც აღვნიშნეთ, მდგომარეობდა რუსეთის ცარიზმთან ბრძოლით საქართველოს ეროვნული დამოუკიდებლობის აღდგენისა და ნაციონალურ-განმათავისუფლებელი მოძრაობის განვითარებაში. ამ ამოცანის გადაკრისაკენ მოუწოდებს ილია ყველა მოწინავე და პროგრესულად ძოაზრე ქართველს, ამ ამოცანით საზღვრავს იგი „შვილთა“ ბრძოლას „მამების“ წინა-

* „საქართველოს მოამბე“, 1863, № 3, 49.

აღმდეგ და ამავე ამოცანას უსახავს იგი თავისი დროის ქართველი ახალთაობის აღზრდა-განათლებას. ჩვენი დაცემული ვინაო-ბის აღდგენა, ფეხზე დაყენება და დაცვა ყოველის მოსალოდნელის ფათერაკისაგან* , მიაჩნდა მას ახალგაზრდობის „მომზადების საგნად“ იმ დრომდე, სანამ, მისივე თქმით, „ჩვენი ვინაობა თავის შესაფერს და კუთვნილს ადგილს არ დაიკერს ჩვენს ცხოვრებაში და საზოგადო საქმეთა სათავეში არ მოექცევა“. ილია ჭავჭავაძე ამასთანავე დასძენს, რომ „სხვა საგანი ამაზედ უმძიმესი, ამაზედ უსაპიროესი არა აქვს ეხლანდელს საქართველოს შვილს“. ეს მიაჩნია მას ჩვენი ყმაწვილკაცობის მომზადების საგნად, ანუ მიზნად.

რა გზით შეიძლება ამ საგნის (მიზნის) მიღწევა? უმთავრესი გზა, ილიას აზრით, მეცნიერული განათლებით შეიარაღებაში მდგომარეობს. ილია უსაყვედურებს თავისი დროის „ახალ გუნდს“, რომ „ჩვენი ვინაობის“ აღსადგენად მაგ ახალს გუნდს ბევრი არა უქნია რა, რადგანაც იმისათვის საპირო მეცნიერებაში და ცოდნაში კარგად ქვეითობდნენ** . აქედან ცხადია, ილია ჭავჭავაძე ზემოთ აღნიშნული მიზნის (საგნის) მიღწევისათვის მოითხოვს ფართო გონებრივ მეცნიერულ განათლებას.

ყმაწვილ-კაცობა უნდა მომზადდეს ბეჯითის და ზედმიწევნით ცოდნითა, უნდა, რამდენადაც შესაძლოა, ძირეულად შეისწავლოს ევროპიული მეცნიერება, წინ გაიმძღვაროს ევროპის გამოცდილება და ამ თოფ-იარაღით შეუდგეს ჩვენი ქვეყნის საქმეს***.

ამით ილიამ მოხაზა საგანი (მიზანი) და გზა (საშუალება) ახალთაობის მომზადებისა: „აი საგანი, აი გზაც მისდა მისაღწევად. აი რისთვის უნდა მომზადდეს ჩვენი ყმაწვილ-კაცობა მთელს ევროპის მეცნიერებით და გამოცდილებით ფარ-ხმალით შეკურვილი... ამაზე უკეთესს საგანს, ამაზე უჭეთესს გზას, უკვე სხვაგან გამოცდილსა და გამოცუნიებულს, სხვას ვერას ვურჩევთ ჩვენს საი-მედო ყმაწვილ-კაცობას. ეს საგანი და ეს გზა სახე-

* VI, 127; ხაზი ილიასია.

** იქვე, 127—128.

*** იქვე, 130.

ში უნდა გვკონდეს სულ მუდამ, ვიდრე ესეთი დრონი მეფობენ*. ილია ჭავჭავაძე ღრმად იყო დარწმუნებული, რომ საქართველო მიაღწევს თავის ნაციონალურ განთავისუფლებას და დემოკრატიული მართვა-გამგეობის დამყარებას. ის ამ პერიოდისათვის, უეჭველია, ახალგაზრდობის აღზრდა-განვითარების სრულიად ახალ მიზნებს წამოაყენებდა, ხოლო თავისი დროისათვის მის მიერ შემოხსენებული აღზრდის მიზნები და საშუალებანი უსათუოდ რევოლუციურ ხასიათს ატარებდნენ და ამასთან ისტორიულ მომენტს ზუსტად უპასუხებდნენ.

ახალი თაობის აღზრდისა და მომზადების აღნიშნული მიზანი და საშუალება მას, როგორც ვნახეთ, მიაჩნდა აუცილებლად „ეხლანდელი (ილიას დროინდელი—გ. თ.) საქართველოს შეილისათვის“, „ვიდრე ესეთი დრონი მეფობენ“ და „სანამ ჩვენი ვინაობა შესაფერს და კუთენილს ადგილს არ დაიკერს ჩვენს ცხოვრებაში“. ამით მას უნდოდა ხაზი გაესვა აღზრდის ისტორიული და ცვალებადი ხასიათისათვის საზოგადოების ეკონომიურ, პოლიტიკურ და კულტურულ განვითარებასა და ცვალებადობასთან დაკავშირებით.

აღზრდა-განათლების პროცესი მას ერთიან პროცესად მიაჩნია; აღზრდაში იგი განათლებასაც გულისხმობს, ისე როგორც განათლებაში ადამიანის აღზრდაც იგულისხმება. ამიტომ გონებრივი აღზრდის მიზნები ილიას პედაგოგიურ შეხედულებათა სისტემაში არ განსხვავდება განათლების მიზნებიდან, მაგრამ რამდენადაც აღზრდასა და სავსებით უფრო ფართე ცნებაა, ვიდრე განათლება—იგი სავსებით აღზრდის უშუალო მიზნად სახავეს არა მარტო გონებრივ განათლებას, არამედ გონებრივ, ზნეობრივ, ფიზიკურ და ტექნიკურ განათლებას. ადამიანის ასეთ მრავალმხრივ განვითარებას ილია ხშირად გამოსთქვამს პედაგოგიკის ისტორიაში ცნობილი და მის დროსაც ხმარებული ტერმინით: ჰარმონიული განათლება.

აღზრდა-განათლებამ, ილიას მიხედვით, ჰარმონიულად უნდა განავითაროს ადამიანში ყოველი მისი ნიჭი და უნარი. მას დაუშვებლად მიაჩნია რომელიმე ერთი მათგანის განსაკუთრებული განვითარებით მეორის დაქვეითება.

* VI, 130.

1. აღზრდა-განათლების პირველ სახედ ილია აღიარებს გონებრივ განვითარებას; გონების თავისუფლება და თვითმოქმედება, მისი აზრით, „ერთად-ერთი ნიშანია ქეშმარიტის განათლებულობისა და აღმატებულობისა“*, მაგრამ ეს სრულებით არ ნიშნავს, რომ მას უნდა შეეწიროს ადამიანის აღზრდა-განათლები სხვა მხარეები. ილია მკვეთრად ილაშქრებს ცალწხრივი განათლების წინააღმდეგ და თავისი დროის პედაგოგიკის მიზნად ადამიანის ყოველმხრივ განვითარებას აღიარებს. ამის შესახებ ის წერს: „დედა-აზრი ებლანდელის პედაგოგიის მიმართულებისა იგია, რომ ადამიანი, უნდა იწურთვნებოდეს სკოლაში ყოველ მხრით: გონებით, ზნე-ხასიათით, სულით და ხორციით და არც ერთი მათგანი არ უნდა შეეწიროს მეორეს“**. მართალია, ასეთი ჰარმონიული აღზრდა-განათლების პრინციპი ილიასათვის, როგორც თვითონ აღნიშნავს, „ახალი აღბავი არ არის“ და თვითონვე სრულიად სამართლიანად ლაპარაკობს, რომ ამ იდეით გამოვიდნენ პედაგოგიკის ისტორიაში „განახლების ეპოქის“ იტალიელი ჰუმანისტი პედაგოგები ვიტორინო და-ფელტრე (1378—1446), პ. ვერჯერიო (1350—1444) და შ. ვეჯიო (1406—1458). მაგრამ ეს პრინციპი XIX საუკუნის დასასრულსაც კი არ იყო განხორციელებული და ილიას იგი მინც ახალ პრინციპად მიაჩნდა თავისი დროისათვის.

ჩვენთვის ნათელია, რომ ბურჟუაზიას არ შეუძლია ადამიანის ყოველმხრივი, ჰარმონიული, განათლების უზრუნველყოფა. ყოველმხრივ განათლებული ადამიანი მისთვის საფრთხეს წარმოადგენს და ცდილობს დაახლოს შივი ფართო განვითარების რეალური საშუალებანი. კაპიტალისტური საზოგადოება კმნის „ნაწილობრივ ინდივიდუუმს, მარტოდენ ნაწილობრივი საზოგადოებრივი ფუნქციის მატარებელს“ (მარქსი), რომელიც „ემორჩილება წარმოებრს ერთ რომელიმე დარგს, მიჯაჭულია მასზე, ექსპლუატირდება მისგან, ... ანვითარებს თავისი ნიქის მხოლოდ ერთ მხარეს ყველა სხვა მხარის ხარჯზე და იცის მთელი წარმოების ერთი დარგი ან რომელიმე დარგის ერთი ნაწილი“ (ენგელსი). ეს ცალმხრივ

* VIII, 286.

** VIII, 334.

განვითარება სპობს ადამიანის სრულყოფილი და მეცნიერული აღზრდის საფუძვლებს, სპობს პიროვნების მიერ ისტორიულად გამოშუშავებული ცოხნის სისტემის დაუტლების შესაძლებლობას. ილია ქაეჭაეაძემ ეს ტენდენცია ნათლად შენიშნა XIX ს. მეორე ნახევრის საქართველოს სინამდვილეში და აქტიურად გაილაშქრა მის წინააღმდეგ. ამ ტენდენციას მან დაუპირისპირა ადამიანის ყოველმხრივი და სავისუფალი განვითარების პრინციპი, ხოლო პიროვნების ყოველმხრივ-პარმონიული განვითარების დარგში ილიასათვის, როგორც ენახეთ, მთავარი იყო გონებრივი განვითარება.

2. მეორე სახე ადამიანის აღზრდა-განვითარებისა, ილიას აზრით, არის ზნეობრივი განვითარება. მტკიცე ზნეობრივი ნორმების შემუშავება მას მიაჩნდა ყოველი პიროვნების საზოგადოებრივი ყოფა-ქცევის რეგულირების საშუალებად. ადამიანმა უნდა იცოდეს წესა საზოგადოებრივი ცხოვრებისა და ესმოდეს თავისი პირადი მოვალეობა ამ საზოგადოებრივი ცხოვრების მიმართ. ილია გაზოდის იმ მოსაზრებიდან, რომ პიროვნებამ უნდა შეუფარდოს თავისი ინტერესი საერთო ინტერესებს ისე, რომ არც თავის საკუთარ ინტერესებს ეგნოს და არც სხვისას. მართალია, ადამიანის ზორალისა და მორალური განვითარების მიზნის გარკვევის დროს ილია ქაეჭაეაძემ არა დგას ამ მორალის და მისი მიზნის კლასობრივი განპირობების ნიდაგზე, მაგრამ საერთოდ ადამიანის მორალის საზოგადოებრივი ხასიათი მას კარგად ესნის, მან მრავალ მეცნიერულ-პუბლიცისტურ წერილსა და ხატურულ ნაწარმოებში გვაჩვენა, რომ ადამიანის ზნეობის შემუშავება საზოგადოებრივი ზეგავლენით ხდება: კარგი ზნე-ხასიათის ანუ კარგად აღზრდილი პიროვნება დადებითი საზოგადოებრივი წრის გაელენის შედეგია, ხოლო ცუდი ზნე-ხასიათის ან უზნეო პიროვნება უარყოფით საზოგადოებრივ გაელენას მიეწერება.

ზნეობრივი აღზრდა ადამიანის სისრულის აუცილებელი მომენტია. გონებრივი განათლება თუცა მთავარია ადამიანისათვის, მაგრამ აო არის საკმარისი მისი სრულყოფისათვის. „სავსება ერთობ ადამიანისა, წყრს ილია, იძაშია, რომ მის გონების აღმატებულებას შეწონილ ქონდეს აღმატებულება ზნე-ხასიათისა“*. ამ სავსებით სწორ დებულებას ილია ქაეჭაეაძე იხით ასაბუთებს, რომ ადამიანის მოლვაწეობასა

და აზროვნებაში ხშირად აქვს აჯგილი გარკვეულ წინააღმდეგობას მის გონებრივსა და ზნეობრივ მდგომარეობას შორის: ხშიოია შე-
მთხვევა, კაცი სწავლულია, მაგრამ ამავე დროს ზნედაცემული და
საზოგადოებისათვის შეუძლებელი პიროვნებაა. ასეთი ადამიანი, რასა-
კვირველია, არ აოის დადებითი და სრული პიროვნება. მისი სრუ-
ლი და ჭეშმარიტი ადამიანობისათვის საკმარისი არ არის მარტო-
ოდენ „სწავლულობა და განათლებულობა“, თუნდაც რომ ეს სწავ-
ლა-განათლება მაღალი ხარისხისაღ იყოს. „საკმაო არ არის, წერს
ილია, რომ კაცი მეცნიერი იყოს, დიდი სწავლა მიეღოს, ბევრი
ცოდნა შეეძინოს. ამასთანავე იგი კაი კაციც უნდა იყოს და კაი-
კაცობის შემძლებლობაც ჰქონდეს. ეს კაი-კაცობა და კაი-
კაცობის შემძლებლობა მარტო ზნე-ხასიათის აგან-
ეძლევა ადამიანს“*. ამ ციტატის უკანასკნელ წინადადებაში
ძალიან კატეგორიულად არის ნათქვამი, რომ კაი-კაცობა მხოლოდ
ზნე-ხასიათით ეძლევა ადამიანს. ანით აეტორს სურს მხოლოდ გან-
საკუთრებული ყურადღება მიექცეს ზნეობრივი აღზრდის საკითხს,
თორემ ჰავკეაძის ყოველ ნკითხველს მოეხსენება და ჩვენც საკმაოდ
ვილაპარაკეთ, რომ ილია ადამიანის კაცურ-კაცობას და ნამდვილ
ადამიანურ ღირსებას მკიდროდ უკავშირებს მის სწავლა-განათლე-
ბას. აქედან აშკარაა, რომ ილია ჰავკეაძე ადამიანის განათლებაში
ზნეობრივ აღზრდასაც გულისხმობს. ამასავე ამტკიცებს მისი შემ-
დეგი დებულება: „ჭეშმარიტი განათლება განვითარე-
ბულ გონების და გაწურთვნილის ზნე-ხასიათის
ერთმანეთთან შეუღლებაა განუყრელად. თუ კაცს ან
ერთი აკლია, ან მეორე, იგი განათლებული არ არის“**; ამასთან
ილია დასძენს, რომ „ზნე-ხასიათის წურთვნა დიდად
დამოკიდებულია სწვლასა და ცოდნაზედა“. გონებ-
რივი და ზნეობრივი განვითარების ერთიანობა და განუყრელობა
აქ მოცემულია, როგორც ჭეშმარიტი განათლების საფუძველი და
მისი მთლიანობის პრინციპი, ხოლო, მეორე მხრით, მართებულა-
დაა ხაზგასმული ცოდნის წამყვანი როლი ადამიანის განვითარე-
ბის საქმეში და ზნეობრივი აღზრდის დამოკიდებულება ცოდნის
ანუ გონებრივი განათლების მდგომარეობაზე.

* VIII, 318.

** იქვე.

ზნეობრივი და გონებრივი განვითარება, მართალია, მკიდროლდ არიან ერთმანეთთან დაკავშირებული, პარალელურად ვითარდებიან; მაგრამ ეს ზნეობრივი და გონებრივი განვითარება, ილიას აზრით, ერთი და იგივე ზეგავლენის მეთოდით მოუხერხებელია. ის ფიქრობს, რომ ზნეობრივი განვითარება შეიძლება მივიღოთ აღმზრდელობითი მუშაობით ბავშვთა შორის, ხოლო გონებრივი კი -- სწავლის გზით. აღმზრდელობითი მუშაობა მას ხშირად ესმის როგორც „წურთენა“ და ასხევეებს მას სწავლისაგან. „წურთენა სხვაა და სწავლა სხვა“. ერთს ერთი საგანი აქვს, მეორეს სხვა. წურთენა მიმართულია ზნე-ხასიათის ზრდასა და განვითარებაზე და სწავლა - კი - გონების გახსნასა და მსჯელობის გაძლიერებაზე*.

ასე ასაბუთებს ილია მათ განსხვავებას (მართალია, ტერმინი „წურთენა“ მექანიკურ ცნებას გვაგონებს და იგი ადამიანის ფიზიკურ განვითარებას უფრო შეეფერება ვიდრე გონებრივს, მაგრამ ილია მასში აღმზრდელობითს, მაშასადამე, ორგანულ შინაარსს სდებს და ადამიანის აღზრდა-განათლების მხოლოდ დასაწყისს საფეხურს გულისხმობს). განსაკუთრებული მტკიცება არაა საჭირო, რომ წვრთნა-ვარჯიშის მოწყვეტა სწავლებისა და სწავლის პროცესისაგან არ შეიძლება, ისევე როგორც არ შეიძლება მათი გაიგივება, ხოლო მათი კავშირი რომ აუცილებლად აქვს ნაგულისხმევი ილიას, იმით მტკიცდება, რომ მათი საშუალებით გამოწვეული შედეგები: ზნეობრივი განვითარება და გონებრივი განათლება, როგორც ენახეთ, მკიდრო კავშირსა და ერთიანობაში აქვს მოცემული, და თუ შედეგთა კავშირი ფაქტია. მათი გამომწვევ მიზეზ-საშუალებათა კავშირიც ნათლად დასტურდება.

ზნე-ხასიათი ილია ქვეყნაძეს ესმის როგორც მეტად კონკრეტული და რეალური შინაარსის ფსიქიური მოვლენა. გამომუშავება „ქვეყნის სასარგებლო“ ღონე-ხერხისა, შრომის სურვილისა, შეუდრეკელობისა ყოველივე სიძნელეთა წინაშე, უშიშრობისა. მტკიცე ნებისყოფისა, ჰუმანური ურთიერთობისა და სამართლიანობის გრძნობისა, აი რა არის, მისი აზრით, ზნე-ხასიათი**.

„ადამიანის ღირსება. პატიოსნება, სინდისი, მისი

* VIII, 318.

** VIII, 324-325.

ზნეობითი და ძვირფასი კუთვნილებაა და ყოველივე ესე სახელმწიფოსაგან, საზოგადოებისაგან და თვითეულ ადამიანისაგან პატივცემული უნდა იყოს, სრულიად ხელშეუხებელი“... მაგრამ ამ პირად ზნეობრივ საკუთრებას და მისდამი საყოველთაო პატივისცემას ილია არ აღიარებს გარდაუვალ ფეტიშად და ყოველ პირობებზეა და ურთიერთობაში ხელუხლებელ, და სათაყვანებელ კერბად, როგორც ეს ბურჟუაზიული ეთიკის წარმომადგენლებს სჩვევიათ. არა, ილია ქვეყნაძე მხოლოდ „ქვეყნის სასარგებლო“ ზნეობრივ თვისებათა შენახვასა და პატივისცემას მოითხოვს, ხოლო როცა „ცხადი, უცილო, უტყუარი საბუთი“ გვექნება ხელში, რომ ადამიანი „მაკ კუთვნილებას სხვის საწინააღმდეგოდ ხმარობს“ — მაშინ საზოგადოებას შეუძლია მისი დარღვევა და ამაში არაფერი ანტიმორალური არ იქნება*. ამით ილია ქვეყნაძე მორალის გაგებისა და დანიშნულების საკითხშიც საზოგადოებრივი ინტერესიდან გამომდის და ცალკე ინდივიდის პირადულ ეთიკას საზოგადოებრივი ეთიკის თვალსაზრისით ხსნის და სოციალური კანონზომიერების სფეროში ათავსებს.

ბავშვთა და მოზარდთა ზნეობრივი განვითარების მიზნით წარმოებულ აღმზრდელობითი მუშაობის; გაშლას ილია ქვეყნაძე მოითხოვს როგორც სკოლაში, მასწავლებელთა მიერ, ისე ოჯახში, მშობელთა მიერ, და აგრეთვე იმ საზოგადოებრივ წრეებში, სადაც ბავშვსა და მოწაფეს უხდება ყოფნა. ეს აღმზრდელობითი მუშაობა უნდა მიზდინარეობდეს აღნიშნული ზნე-ხასიათის თვისებათა გამოუმუშავების გზით. ამისათვის ილიას სხვა პირად ღირსებათა შორის აუცილებლად მიაჩნია ზ რ დ ი ლ ო ბ ა , როგორც ადამიანის ყოფა-ქცევის მომწესრიგებელი თვისება; პ ა ტ ი ვ ი ს ც ე მ ი ს გ რ ძ ნ ო ბ ა — უფროსების, მასწავლებელთა, მშობლების და ამხანაგების მიმართ; ს ხ ე ი ს ი და ფ ა ს ე ბ ი ს საპირობების შეგნება; თ ა ვ მ დ ა ბ ლ ო ბ ა და ზ ო მ ი ე რ ე ბ ა მორიდების გრძობასთან ერთად, რ ჩ ე ვ ა - დ ა რ ი გ ე ბ ი ს მიღება უფროსებისაგან და კარგი-ამხანაგებისაგან, პ ა ს უ ხ ი ს მ გ ე ბ ლ ო ბ ი ს გრძობა დანაკისრი მოვალეობის შესრულების მიმართ, წ ე ს რ ი გ ი ს და დ ი ს ც ი პ - ლ ი ნ ი ს და ც ვ ა , სკოლასა და სხვა აღმზრდელობითს დაწესებულებაში, საზოგადოების წრეებსა და ოჯახში.

* VI, 226.

განსაკუთრებულ აღმზრდელობითს მნიშვნელობას ახალგაზრდობისათვის ილია აკუთვნებს მასწავლებელთა მიმბაძველობასა და მაგალითს. კარგი ქცევისადმი მიბაძვა და კარგი მაგალითის გაყოლება ზნეობრივი განვითარების დიდ ფაქტორებად მიაჩნია მას და ამისათვის მოითხოვს სასკოლო და საოჯახო აღმზრდელობითი პროცესის ისე მოწესრიგებას, რომ ყოველივე, რაც ბავშვს ზრდის, და ყველა, ვინც მის აღზრდას აწარმოებს, მისაბაძი და სამაგალითო იყოს აღსაზრდელისათვის.

3. ბავშვთა და მოზარდთა ყოველმხრივი აღზრდა-განათლების წესამე სახედ ილიას მიაჩნია ფიზიკური განვითარება.

სასკოლო აღზრდის ჩამორჩენილობისა და ცალმხრიობის ერთ-ერთ მიზეზად XIX ს. მეორე ნახევარში ილია ასახელებს მის უყურადღებობას ფიზიკური განვითარებისადმი. „დავიწყებულა, წერს ილია, რომ კაცს ტანი და აგებულობაც აქვს, რომელიც წურთენითა და ვარჯიშობით უნდა ვაღონიერდეს, გაჯანიანდეს, გამაგრდეს“*. ჯანის სისაღესა და სიმაგრეს ილია ქავკავაძე ადამიანის აღზრდის ერთ მთავარ მომენტად სთვლის და მისი პარმონიული განვითარების აუცილებელ მხარედ აღიარებს. აღზრდის პროცესში სულიერ და ზნეობრივ განვითარებასთან ერთად სათანადო ყურადღება უნდა მიექცეს ბავშვის სხეულის განვითარებასაც. „განახლების“ პერიოდის სკოლის ერთ დადებით თვისებად ილია ასახელებდა მის მისწრაფებას ბავშვის გონებისა და სხეულის თანაბარ განვითარებისაკენ. „ეხლანდელი სკოლა, წერს ილია, ბევრით ჩამოუვარდება „განახლების“ დროების სკოლებს, რომელთაც საგანდა ჰქონდათ თანაბარი წარმატება ადამიანის სულისა და ხორცისა“*.

ამგვარად, ილიას „თანაბარი წარმატება სულისა და ხორცისა“ მიაჩნია აღზრდისა და სწავლა-განათლების ისეთ ამოცანად, რომელიც სკოლას ყოველთვის მხედველობაში უნდა ჰქონდეს. მის თანამედროვე სკოლას აღზრდის ეს მხარე არ აინტერესებდა. ილიას თქმით, ამ სკოლაში მოსწავლე „სულითა და ხორციით იქანცება, არაქათი უწყდება და ბოლოს გამრჯელ, მხნე, სულითა და ხორციით ღონიერი ადამიანის მაგიერ უძღლური, უღონო და ჯან-გალეული კაცი გამოდის სკოლიდამ“**. ილია ენერგიულად

* VIII, 343.

** იქვე.

მოითხოვს ასეთი სკოლის გარდაქმნას „თანამედროვე პედაგოგიის თვალსაზრისით“. ეს თვალსაზრისი სხვა საკიროებათა შორის მოითხოვდა ბავშვის ჰარმონიულ განათლებას, რომელიც ფიზიკურ განვითარებას აღზრდა-განათლების სხვა მომენტების სიმაღლეზე აყენებდა.

ჯანმრთელი, მხნე, ღონიერი, სიძნელეთა ამტანი, გამძლე, მებრძოლი და გმირული სულისკვეთებით გაუღენთილი თაობა არა მიაჩნდა ილია ჭავჭავაძეს ფიზიკური აღზრდის მიზნად.

ასეთია აღზრდის ძირითადი სახეები ილიას მიხედვით. ეს სახეები ამავე დროს აღზრდის მიზნებსაც წარმოადგენენ, მაგრამ აღზრდა-განათლების მიზნები ამით არ ამოიწურება. ილია დამატებით ეხება კიდევ ოთხ მომენტს:

1. ახალგაზრდობის ყოველმხრივი, ჰარმონიული აღზრდა-განათლების ერთ-ერთ მომენტად ილია ჭავჭავაძე სთვლის პროეტქნიკურ განათლებას.

საქართველოს საქალაქო მრეწველობისა და სოფლის მეურნეობის განვითარების რევოლუციური მნიშვნელობა XIX ს. მეორე ნახევარში, როგორც ვნახეთ, ილიასათვის აშკარა გასდა. ის ნაილად ხედავდა, რომ ქართული საზოგადოებრივი ცხოვრებისა და კულტურის გარდაქმნა დამოკიდებული იყო ქვეყნის ეკონომიური მდგომარეობის განვითარებაზე და, ცხადია, ცდილობდა ყოველმხრივ შეეწყო ხელი ამ პროცესისათვის. ის იბრძოდა შრომის ახალი იარაღების შექმნისა და გავრცელებისათვის, მანუფაქტურისა და გადამამუშავებისათვის, ნედლეულის საბადოების აღმოჩენისა და ექსპლოატაციის დაწყებისათვის, სოფლის მეურნეობაში ახალ ტექნიკურ კულტურათა გაშენებისათვის, გუთნის მაგივრად მექანიკური იარაღების დანერგვისათვის და სხვ.

მრეწველობისა და სოფლის მეურნეობის განვითარება გადაუდებელ ამოცანად აყენებდა აგრეთვე სათანადო ტექნიკური კადრების მომზადებას. ეს ტენდენცია, რასაკვირველია, არ გამოპარვია მხედველობიდან ილია ჭავჭავაძეს და სამედიცინო და პედაგოგიური განათლების პარალელურად მოითხოვდა აგრონომიულ და საინჟინერო პროფესიულ-ტექნიკური განათლების გავრცელებას როგორც საშუალო, ისე უმაღლესი სკოლის ხაზით. რუსეთში მყოფი ქართველი სტუდენტების წინაშე ილიას არაერთხელ დაუყენებია საკითხი უმაღლესი ტექნიკურ-მეცნიერული ცოდნით მუშაკრძლების შესახებ, მაგრამ, გამოდიოდა რა იმ მოსაზრებიდან, რომ

საქართველო და საერთოდ ამიერკავკასია აგრარული ქვეყანაა, —
ცურო მეტი ყურადღებითა და ენერგიით ეკიდებოდა აგრო-
ტექნიკური განათლების გავრცელებას.

„მთელი ამიერ-კავკასია ძველათგანვე სცხოვრობს და თავს
იკვებავს მარტო იმ მრეწველობითა, რომელიც დამოკიდებულია
შიწასა და მიწათმოქმედებაზედ. ერთად ერთი წყარო
აქაურის ერის ეკონომიურის არსებობისა
აადგილ-მამულ მრეწველობაა და ამაზეა მთლად
აგებული სრული ძალ-ღონე გამოკვებისა, სახელმწიფო ხარჯისა
და ბეგარის გაძღოლისა გაუჭირებლად და უნაკლოდ“*.

ამით ასაბუთებდა ილია ჭავჭავაძე სასოფლო-სამეურნეო გან-
ათლების გავრცელებას: „არა გვგონია ბევრი სხვა ადგილი ისე
საქიროებდეს მდაბიო საქურნეო სკოლებს, როგორც კავკასია
საერთოდ და ამიერ-კავკასია საკუთრივ“. რომ ამით „გავრცელდეს
და მოეფინოს ქვეყანას მამულის მოვლისა და კეთების ცოდნა
იმდენად მაინც, რამდენადაც საყოველ-ღღოდ გამოსადეგი და
მოსახმარია მდაბიო მოქმედებისათვის“*.

ილია ებრაძედა ყველას, ვინც ხელს უშლიდა ჩვენში სამეურ-
ნეო ცოდნის გავრცელებას, ან ვისაც არ ესმოდა ასეთი განათ-
ლების საჭიროება. კერძოდ, ის სასტიკად კიცხავდა მ. მაჩა-
ბელს, რომელსაც ჯეროვნად ვერ გაერკვია სასოფლო-სამეურ-
ნეო ცოდნის საჭიროება საქართველოში:

„დასაჯერებელი არ არის, — წერდა ილია მ. მაჩაბელის შესა-
ახებ, კაცს უმაღლესი სასწავლებელი გამოეველოს და იქამდე
გულისყურ-დაბნეული იყოს, რომ ვერ გაეგოს სამეურნეო სწავლა-
ცოდნა საჭიროა თუ არა იმისთანა ქვეყნისათვის, როგორც საქა-
რთველოა, რომლის აელა-დიდება სოფლის მეურნეობაა“**.

რა არის საგანი სამეურნეო განათლებისა და სამეურნეო სკო-
ლისა? ილია სამეურნეო განათლების საგნად სთვლის, რომ „მუშა
კლასკაცი ხელობის მცოდნე კაცად გახდეს, სა-
მეურნეო საქმეში დახელოვნდეს და მით პრა-
ქტიკულად გაგებულ მუშად გამოვიდეს. სა-
ხალხო სამეურნეო სწავლა-ცოდნას საგნად ხომ მარტო ესა
აქვს:“***.

* „ივერია“, 1866, № 47.

** IX, 283.

*** იქვე, 165

დიდ მნიშვნელობას აძლევდა ილია ქავკავაძე სამეურნეო განათლების მატერიალური ბაზის ორგანიზაციას. ასეთი ბაზის შექმნის გარეშე, მისი აზრით, სამეურნეო განათლება ზეპირ-სიტყვიერ და სკოლასტიურ „განათლებად“ გადაიქცეოდა, რომელიც ჩვენს მეურნეობას ზიანის მეტს არაფერს მოუტანდა. წინამძღვარიანთკარში ილია წინამძღვარი შვილის მიერ დაარსებულ სამეურნეო სკოლას, რომლის გახსნის დროს ილია ქავკავაძემ მეტად მგრძნობიარე სიტყვა წარმოსთქვა (იხ. ტ. VII, გვ. 21), უკვე ჰქონდა ისეთი სამეურნეო და მატერიალური ბაზა, რომ ილია ქავკავაძეს იგი, როგორც დასაწყისი, საესებით აკმაყოფილებდა.

ილია ფართო მასობრივ პროპაგანდას ეწეოდა სამეურნეო ცოდნის გავრცელებისათვის. უხსნიდა ყველას, რომ ეს არის საშუალება, რომლითაც ხალხს ხელში ეძლევა „ისეთი სახსარი, რომელიც ეკონომიურ ბრძოლას გაუადვილებს და ბუნების, მიწის სიუხვეს არ დაუქარავს“.

„ივერიის“ არა ერთი და ორი მეთაური უძღვნა ილიამ წინამძღვარიანთ-კარის სამეურნეო სკოლას, არა ერთი და ორი მქერ-მეტყველური სიტყვა წარმოსთქვა მან სათავადაზნაურო ბანკის გამგეობისა და სხვადასხვა საქველმოქმედო საზოგადოებათა კრებებზე, და მოუწოდებდა ყველას მხარი დაეკირა ამ სკოლისათვის და დახმარებოდნენ ზნეობრივად და მატერიალურად მსგავსი სკოლების გავრცელების საქმეს საქართველოს სხვა კუთხეებშიც. ის ფიქრობდა, რომ კერძო ინიციატივა ამ საქმეში საკმარისი არ იქნება. „მაგისტანა სკოლებს იმოდენა მოზრდილი საგზალი უნდა, რომ ძნელად მოსაფიქრებელია ან კერძო კაცი, ან თვით საზოგადოება გასწვდეს და გაუძღვს“ — წერს ილია, და იცის რა, რომ მთავრობა სხვა მხრივ არ ეხმარება ხალხს, იქვე ამბობს: „ან ნხრით მაინც, რომ მთავრობა მოეწველოს ჩვენს ქვეყანას და ხელი შეუწყოს, უეჭველია კერძო მეცადინეობაც ფესს აიდგამს და თავის მხრივ დიდ სამსახურს გაუწევს სახელმწიფოს“*.

ილია თუმცა მიმართავდა თავისი დროის მთავრობას, მაგრამ დახმარების იმედი არ ჰქონია, და, მართლაც, არც ამ მხრივ დახმარებია ძველი მთავრობა ჩვენს ქვეყანას. სასოფლო-სამეურნეო და, საერთოდ, პროფტექნიკური განათლება რევოლუციამ-

* „ივერია“, 1886, № 47.

დელ რუსეთსა და საქართველოში უფრო უმწეო მდგომარეობაში იყო, ვიდრე განათლების რომელიმე სხვა დარგი.

2. აღზრდა-განათლების უმშუალო ნიშანთა შორის ილია ქაკ-ქავაძე ერთ საპატრიო ადგილს უთმობს საღი პატრიოტული გრძნობის გამოწვევას და განვითარებას. ეროვნულ-პატრიოტული აღზრდის პრინციპი ილიას პედაგოგიურ მოძღვრებაში გამოპლდინარეობს ეროვნულ განმათავისუფლებელი მოძრაობის ამოცანებიდან და ანიტომ ეს პრინციპი საესეებით თავისუფალია ყოველგვარი ვიწრო ნაციონალისტური და შოვინისტური ელემენტებიდან, უფრო მეტიც. ჩვენ ვნახავთ, რომ ის შეესაბამება თავისებური ინტერნაციონალური სოლიდარობის იდეებს და მუხნიერების ზოგადკაცობრიული განვითარების ხასიათს.

ეროვნულ-პატრიოტული აღზრდა ილიას ესნის როგორც ერთი გარკვეული ნაწილი ან მომენტი ბავშვის სოციალური აღზრდისა საერთოდ. აღზრდის საერთო საზოგადოებრივ მიზნად ილიას, როგორც უკვე გექონდა აღნიშნული, XIX ს. მეორე ნახევრის ქართველი ახალგაზრდობისათვის იიაჩნდა „ჩვენი დაცემული ვინაობის აღდგენა“ თვითმპყრობელობის წინააღმდეგ ბრძოლის გზით. აღზრდას, საერთოდ, ამ ბრძოლისათვის გამოსადეგი ახალთაობა უნდა მოეწაუდებინა და ეროვნულ-პატრიოტული აღზრდა, როგორც მომენტი ამ საერთო აღზრდისა, სწორედ აქეთვე უნდა ყოფილიყო — და იყო კიდევ — ნიშართული.

ეროვნულ-პატრიოტული აღზრდის პირველ მომენტად ილიას მიიაჩნდა სამშობლოსა და ხალხის სიყვარული.

ილია ფიქრობს, რომ სამშობლოს სიყვარული ადამიანს აძლევს ძლიერ სულიერ ენერგიას, ნატებს სინხნევის, სიზამციისა და გაბედულობის გრძნობას, ხდის მას საერთო საქმის ენთუზიასტად და მისაბამ პიროვნებად. ყოველი ეს თვისება უნდა აღიზარდოს ბავშვში. რომ ის სამშობლო-ქვეყნისათვის თავდადებული და გაღოსადეგი პიროვნება გამოვიდეს.

პატრიოტული აღზრდის საჭიროების დასაბუთებისათვის ილია მიმართავს პედაგოგიკის ისეთ კლასიკოსებს, როგორც არიან ჰენრიხ პესტალოცი (1746--1827), კონსტანტინე უშინსკი (1823--1870) და სხვ.

ჰენრიხ პესტალოციდან მას მოაქვს შემდეგი ციტატი: „პირველ დაწყებითის ცოდნის მოედნად უნდა იყოს სამშობლო.“ ამ მი-

ახარებადან გამოსვლით ილია ფექრობს, რომ ბავშვმა პირ-
ველდაწყებითი ცოდნა სამშობლოში და სამშობლოს შესახებ უნდა
ჩიილოს. ეს იმიტომ, რომ ბავშვი თავისი წარმოშობით ერთ რო-
მკლამე სანშობლოს ეკუთვნის, მის მიწა-წყალზე იზრდება, მისი ჰაერ-
ით სუნთქავს და მისი ხალხის ღვიძლია, და ასეთ მშობლიურ გა-
რემოცვაში მიღებული ცოდნა უფრო მტკიცე და ქეშმარიტია. მშობ-
ლიური გარემოცვა ბავშვთან ახლოა. უფრო ადვილად შეისწავლება
მის მიერ; ასეთ საფუძველზე მიღებული ცოდნა ძალზე მკვიდრია
და თავის მხრივ მტკიცე საფუძველს წარმოადგენს „უფრო ფართე
და ღრმა განათლებისათვის“.

ილია ჭავჭავაძე ფექრობს, რომ სამშობლოს განსხვავებ-
ული თვისება და მისი ხალხის თავისებური ხა-
სიათი ყოველი ეროვნების წარმომადგენელს ემჩ-
ნება; მასში შთანერგილია თავისი ერის სულიერი
განვითარების ფესვები და მათ ნიადაგზე სხვავე-
დება იგი მეორე ეროვნების წარმომადგენლისა-
გან. ამასთან ილია სამშობლოსა და ერის განსხვავებულ თვისე-
ბასა და მის „განსაკუთრებულ ხასიათს“, ისე როგორც მის წარმო-
მადგენელთა ფიქიურ თავისებურებას, სათანადოდ ხსნის ქვეყნის
ეკონომიურ-გეოგრაფიული მდგომარეობით, მისი ხალხის ისტო-
რიული წარსულით და აწმყო ცხოვრებით. აქედან მას ადვილად
გამოჰავს დასკვნა, რომ ნაციონალურმა აღზრდამ უნდა მისცეს
ახალგაზრდობას თავისი სამშობლო ქვეყნის ეკონომიურ-გეოგრა-
ფიული მდგომარეობისა და მისი ისტორიის დეტალური ცოდნა.
ამ ნიადაგზე ახალგაზრდობა მისწვდება თავის „სამშობლოს განსხვა-
ვებულ თვისებასა და მის განსაკუთრებულ ხასიათს“ და აქედან
შეზღვებს წარმოიდგინოს და ჩანამტკიცოს საკუთარი სულიერი
ცნობის ფესვები.

ილიას ღრმად სწამს, რომ თავის ქვეყნისა და მამულის სიყ-
ვარული ადამიანის განუყრელ თვისებას წარმოადგენს. ამ რწმენის
დასაბუთებისათვის მიმართავს იგი კ. დ. უშინსკის, როგორც რუ-
სეთის ნაციონალური აღზრდის წარმომადგენელს, და შოაქს მის-
გან ციტატი აღზრდის ხალხურობის შესახებ.

კიანტი უშინსკისთან ერთად ილია ჭავჭავაძე ახალგაზრდობის
აღზრდას ხალხურობის პრინციპზე ამყარებს, რომ ამით აღუძრას
მას (ახალგაზრდობას) თავისი სამშობლოსა და ხალხის სიყვარული,
რადგანაც ეს სიკეთარული ადამიანის გულის გასაღებად მიაჩნია.

აღზრდის ამოცანაა ამ ვასალებით შეალოს ნოზარდის გულის კარი, შეისწავლოს მისი ინდივიდუალური გრძნობების საწყარო და განავითაროს იმ მიმართულებით, საითკენაც მას აღზრდის საერთო, საზოგადოებრივი ნიჰანი მოუწოდებს.

ილია ჭავჭავაძეს ხალხურობა და ეროვნული გრძნობა აჩა აქვს შინაგანი ისეთ ფეტიშად, რომ მის იქით იგი ველარაფერს ანჩნევდეს. ხოლო საკუთარი სანშობლოსა და ერის სივარული მას არ უშლის ხელს სიყვარულით და პატივისცემით ეპყრობოდეს სხვის სანშობლოს და სხვა ერს.

ნაციონალური სოლიდარობის პრინციპს ი. ჭავჭავაძის პედაგოგიკურ მოძღვრებაში ჩვენ ცოტა ქვემოთ შევხებით, აქ კი განვიხილოთ ეროვნულ პატრიოტული აღზრდის მოტივები მისი მხატვრული შემოქმედებიდან.

ილია ჭავჭავაძეს მისაბამად მიაჩნია ის დრო, როდესაც „ძუძუ ქართლისა უწინ მამულსა უზრდიდა შვილსა, და დედის ნანასთან ქვითინი მთისა მას უწაღებდა მოჰაღალ გმირსა“ („ქართვის დედას“).

ომიანობის დროს, როდესაც „ხალხი აზვირთდა, ხალხი აღსდგა, ხალხი მოქმედობს,“ — „მთელი ქვეყნის თავისუფლებისათვის“, — ქართვის დედა თავის ერთადერთ შვილს — ერთადერთ სიცოცხლეს და სიხარულს — გმირულად უთმობს თავის სანშობლოს, ნამულს:

„ეჰა, ამ დღისათვის გაგიზარდე, მამულო, შვილი,

სიცოცხლე მივეცი, რომ შეიძლოს შენთვის სიკვდილი“ („დედა და შვილი“).

ასეთივე იდეებით ზრდიდა ილია ქართველი სტუდენტობის პულსა და გრძნობას; მისი აღზრდის ერთ-ერთ პრინციპად მიაჩნდა პატრიოტული მოტივი.

სანშობლოს სიყვარული ილიასათვის თავისუფლების სიყვარულის სინონიმი. ყველგან, სადაც მამულისათვის თავდადებაზე ლაპარაკობს, ლაპარაკობს აგრეთვე „ძმობა-ერთობა-თავისუფლებისათვის“ თავგანწირვაზე და ქართველ დედასაც მოუწოდებს შთააგონოს ბავშვს „თავისუფლება — კაცთა ნავთსაყუდარი, ჩაგრულის, წვალებულის წმინდა საფარი“.

ილია ჭავჭავაძე ნაციონალურ განმათავისუფლებელი ნოძრარობის იდეებს სრულიად ბუნებრივად უკავშირებს ეროვნულ-პატრიოტულ გრძნობებს. პეტერბურგიდან სანშობლოში მომავალი, რუსე-

თის დიდი დემოკრატებისა და რევოლუციონერების ბ. ბელინსკის, ნ. ჩერნიშევსკისა და ა. დობროლუბოვის მოწინავე, რევოლუციური იდეებით გაჟღენთილი და ახალი სამოქმედო პროგრამით აღჭურვილი მწერალი, შემდეგნაირი ფიქრით მოადგა საქართველოს საზღვარს:

„როგორ შევეყრები მე ჩემს ქვეყანას და როგორ შემეყრება იგი მე, რას ვეტყვა მე ჩემს ქვეყანას ახალს და რას შეტყვის იგი მე? ვინ იცის, იქნება მე ჩემმა ქვეყანამ ზურგი შემომამქციოს როგორც უცხო ნიადაგზე გადარგულსა და აღზრდილსა?“ („მგზავრის წერილები“).

არა, საქართველომ მშობლიურად მიიღო ილია ქავჭავაძე, ვინაიდან ის, „უცხო ნიადაგზე გადარგული და აღზრდილი“, თავის სამშობლოს დაუბრუნდა ნაციონალურ-განმათავისუფლებელ იდეებით და ამ იდეების პრაქტიკული განხორციელებისათვის შტაბ-რაღებულა.

საქართველოში დაბრუნებულმა განათლებულმა მწერალმა უფრო მწვავედ იგრძნო სამშობლოს დაბეჩავებული, კოლონიური მდგომარეობა და საერთო პოლიტიკური ატმოსფეროს სიმძიმე. რომელიც სიცოცხლეს უმიძიმებდა და სულს უსუთავდა ყოველ პროგრესულად მოაზროვნე ადამიანს, მთელ მშრომელ ხალხს. „მძიმე საცხოვრებელია ეს ჩვენი ქვეყანა გონიერი კაცისათვის, რომელიც თავის თავის გარეთიად, სხვაზედაც ფიქრობს, სხვაზედაც სწუხს. ის ჩვენში ფრთას ვერ გაშლის, სულს ვერ მოიბრუნებს“. - ხოლო „ღარიბს, რომელიც ოფლით შოობს ლუქმასა, მზესთვის ვერ შეუხედნია.“* ასე წერდა დიდი დემოკრატი და განმანათლებელი ილია ქავჭავაძე 1862 წელს და თავის მოღვაწეობაში ფართო პოლიტიკური პერსპექტივით გაერთიანებული ჰქონდა ეს ორი დიდი იდეალი ნაციონალური და სოციალური: ერის ნაციონალურ-რევოლუციური განთავისუფლება რუსეთის მონარქიზმისაგან და მძიმე სოციალური ატმოსფეროს გაწმენდა გონიერი და ღარიბი ხალხისათვის სულის მობრუნებისა და მზის დანახვების მიზნით.

ამგვარად, ილია ჭავჭავაძის პატრიოტიზმი თავისი დროისათვის სალი და რევოლუციური პატრიოტიზმია. ამასვე ამტკიცებს მის მიერ მეცნიერებისა და ხელოვნების ინტერნაციონალური გაგება და მისი დამოკიდებულება სხვა ეროვნებათაადმი.

ილია ჭავჭავაძე, როგორც დიდი მოაზროვნე, ფიქრობს, რომ ყოველი მეცნიერება და ხელოვნება თავისი წარმომავლობით ნაციონალურია, მაგრამ ამავე დროს ნამდვილი მეცნიერება და ქეშმარიტი ხელოვნება თავისი საერთო მნიშვნელობით ინტერნაციონალური ბუნებისაა. ის წერს:

„გონების ნაწარმოები იმისთანა მადლიანი რამ არის, რომ მთელის კაცობრიობის კუთვნილებას შეადგენს“*.

რამდენადაც მეცნიერების ყოველი დიდი მიღწევა, ხელოვნების ყოველი საუკეთესო ნიმუში, საბოლოოდ მართლაც სცილდება მისი შემქმნელი ერისა და სახელმწიფოს საზღვრებს და მით სარგებლობს ყველა ხალხი, განურჩევლად ეროვნებისა, — იმდენად მეცნიერებისა და ხელოვნების ასეთი მიღწევა მართლაც საკაცობრიო ხდება, მაგრამ ისტორიულად ის არ კარგავს თავის ნაციონალურ წარმომავლობას და მუდამ საამაყოდ რჩება მის შემქმნელ ერს. არისტოტელი, რუსთაველი, კომენსკი, შექსპირი, გოეთე, დარვინი, პუშკინი, პასტერი, ტოლსტოი, მიჩურინი და სხვა გენიალური მეცნიერები და მხატვრული სიტყვის დიდი ოსტატები ნაციონალური სიამაყის გრძნობით ანთებენ თავის წარმომშობ ერებს, მაგრამ მათი „გონების ნაწარმოების“ საერთო-საკაცობრიო და ინტერნაციონალური დანიშნულება — უდაოა.

ქართველი ხალხის ნაციონალურ-განმათავისუფლებელი მოძრაობის მეთაური ილია ჭავჭავაძე თავისი მშობელი ერისა და მშობლიური კულტურის მგზნებარე სიყვარულს თავისუფლად უთავსებდა სხვა ერებისა და მათი კულტურის სიყვარულსა და პატივისცემას. პირველ ყოვლისა ეს უნდა ითქვას დიდი რუსი ხალხისა და მოწინავე რუსული მეცნიერებისა და ხელოვნების შესახებ.

ცნობილია, რომ ილია სასტიკი მტერი იყო რუსეთის ცარიზმისა, მაგრამ ის მტკიცე მეგობარია დიდი რუსი ხალხის, მისი მეცნიერებისა და ხელოვნებისა. ილია სრული ობიექტივობით ლაპარაკობს, რომ „რუსულმა ლიტერატურამ დიდი ხელმძღვანელობა გაგვიწია წარმატების გზაზედ და დიდი ზედმოქმედება იქონია

* IX, 505.

ყოველს მასზედ, რაც ჩვენს სულიერ ძალღონეს შეადგენს და ჩვენს გონებას, ჩვენს აზრს, ჩვენს გრძნობასა და ერთობ ჩვენს მიმართულებას ზედ დააჩნია მათ თავისი აეკარგიანობა.* განსაკუთრებით ეს ითქმის 60-იანი და 70-იანი წლების ქართველი ინტელიგენციის „მიმართულებაზე“, რომელმაც „თერგდალეულთა“ მეთაურობით დაიწყო თავის განვითარება და ახალ მიმართულებათა ძიება. მხოლოდ ინტერნაციონალური გრძნობით გამსჭვალულ ილია ქაე-ქავაძეს შეეძლო დაეწერა რუსეთის მეცნიერებისა და ხელოვნების 80—90 წლების ქართულ საზოგადოებრივ აზროვნებაზე გავლენის შესახებ შემდეგი, სრული ქეშმარიტებით აღსავსე, სტრიქონები:

„საკვირველიც არ არის: რუსულმა სკოლამ — მეცნიერებაში გაგვიღო კარი განათლებისა და რუსულმავე ლიტერატურამ მოაწოდა საზრდო ჩვენს გონებას და გამოჰქეცა ჩვენი აზრი მოძრაობის გზაზედ. თვით თელი ჩვენთაგანი, გინდა თუ არა, უნდა დასწაფებოდა ამ ორ წყაროს თავის სულიერ წყურვილის მოსაკლავად. სხვა გზა არ იყო. ამიტომ საბუთი გვაქვს ვსაქვათ, რომ თვით თელი ჩვენთაგანი რუსულის ლიტერატურით გაზდილა. თვით თელს ჩვენთაგანს მის გამონარკვევებზედ აუგია თავისი რწმენა, თავისი მოძღვრება და თავისი საგანი ცხოვრებისა საზოგადო საქმისათვის ამ გამონარკვევის მიხედვით გამოურჩევია“.*

ვინც კარგად იცნობს რუსეთის XIX ს. მეორე ნახევრის საზოგადოებრივი აზროვნების განვითარების ისტორიას, იცნობს აგრეთვე საქართველოს ამავე პერიოდის საზოგადოებრივი აზრის მდგომარეობას და ამავე დროს მიუდგომელი მსჯელობისა და მოვლენათა შეფასების ობიექტური უნარიც აქვს, მისთვის სხვა მტკიცება საჭირო აღარ იქნება, რომ ილიას ზემოთ მოყვანილი მოსაზრებანი სრულ ქეშმარიტებად იქნეს აღიარებული.

ამასთან, ილია, ლაპარაკობს რა რუსეთის მეცნიერებისა და მხატვრული ლიტერატურის ქართველ მეცნიერულ ძალებსა და ლიტერატორებზე გავლენის შესახებ, აღნიშნავს, რომ „ამ ზედმოქმედებამ — რუსულის ლიტერატურისამ მარტო იმას შესძინა სიკეთე, რომელმაც ყოველი გამონარკვევი ამ ლიტერატურისათვის საკუთარ კრიტიკის ქარცეცხლში გაატა-

* VIII. 285,

რა, ბრმად არ იწამა, ბრმად არ მიიჩემა და ამ რიგად არ დაიხვია ხელზედ ცხოვრებაში იოლად წასვლისათვის.“³ ზომელიძე მოძღვრების ან მეცნიერულ-ლიტერატურული მიმართულების შეთვისება მხოლოდ მაშინ მიაჩნდა ილიას აქტუალური განვითარების მნიშვნელობის მქონე ფაქტორად, როდესაც შემთავისებელი კრიტიკულად უდგება და ითვისებს შესასწავლს, ახდენს მის გააზრებას თავის ცნობიერებაში და იჩენს საკუთარი აზროვნების ინიციატივას.

ილია ქვეკვაძის ასეთი მეგობრული დამოკიდებულება რუსეთის პროგრესული მეცნიერებისა და ლიტერატურისადმი აიხსნება არა მარტო იმით, რომ ის თვით ამ მეცნიერებისა და ლიტერატურაზე აღიზარდა? არა, ილიასათვის ეს საერთო პრინციპის საკითხია და ჩვენ უკვე ვნახეთ, რომ მისთვის მთავარია თვით მეცნიერებისა და ლიტერატურის ღირებულება და არა მისი ნატიონალური წარმოშობა.

3. აღზრდა-განათლების ერთ-ერთ ზიზნად ილიას მიაჩნდა აგრეთვე პირადი ინიციატივისა და თვითმოქმედების უნარის შემუშავება ახალგაზრდობაში.

ინიციატივა აძლევს ადამიანს საკუთარი მოქმედების საშუალებას, იჩევეს დამოუკიდებელი გზით მსვლელობას, უვითარებს მას ახალი საქმის თაოსნობის უნარს, აქტივობას და ახალი აზრის შემუშავების ძალას.

თვითმოქმედება—მთავარია ადამიანისათვის. ის აძლევს ადამიანს ცხოვრების აზრს, ათავისუფლებს სხვაზე დამოკიდებულებისაგან უანიჭებს არსებობის უფლებას. ილია წერს:

„თვით-მოქმედება, თავის თვისით საქმის აჩენა, გაძლოა და გატანა — ისეთი თვისება ადამიანისათვის, ზომილითადაც იგი უფრო მთავარია ვიდრე ბატონი... მარტო იგი შრომაა, იგი გარჯაა ნაყოფიერი, რომელიც სამიჯნეულად, ანუ სათავე საკუთარი თაოსნობა და ძალღონე კიდევ საკუთარი მარჯვენა. არამც თუ საზოგადო საქმეში ეგრეთვე კაცის ცალკე ცხოვრებასაც რომ დავაკვირდეთ, ვნახეთ, რომ არსებობისათვის ბრძოლასა და კიდილში მარტო იგია გამარჯვებულნი, ვინც თვით არის საქმის თაოსანი, საქმის ამტანი და საქმის მოქმედებელი: ვინც თავის თავზე მარტო დამდობილი და თავის საკუთარს მხედობას და გარჯას სახეს წყაროდ თავისის ცხოვრების განკარგვისა და წინ წაწევისა.“⁴

³ VIII, 265—266.

⁴ „ივერია“, 1886, № 102.

ამით იღია მოუწოდებს ქართველი ხალხის პროგრესულ ნაწილს, თავს ნუ იტყუებს და გულუბრყვილოდ სხვის დახმარებას ნუ ელის მონარქიის წინააღმდეგ ბრძოლის საქმეში. მოუწოდებს მას საკუთარი ძალების მობილიზაციისაკენ, გაერთიანებული ენერჯით შეტევისაკენ.

მეტად აქტუალური მოწოდებაა, და ამდენად აუცილებელი ნაციონალურ-რევოლუციური მოძრაობის გაძლიერებისათვის, გაბედულა ბრძოლისა და შრომის მოყვარული ახალგაზრდობის აღზრდისათვის. იღია ვულისწყრომით იხსენებს ძველსა და მისი დროის უदारდულობას დიდი საზოგადოებრივი და აქტუალური პრობლემებისადმი. ის საყვედურით აღნიშნავს, რომ „ტკბილმა მამა-პაპურმა ძილმა დაგვღუპა ჩვენ“ და ყველგან მოუწოდებს ახალგაზრდობას დასტოვონ ძველი ტრადიციები, ადათები და ჩვეულებანი, რომლებიც ეხლა ძალზე ბორკავენ ჩვენ წინსვლასა და განვითარებას. მხოლოდ ინიციატიური შრომისა და აქტიური თვითმოქმედების საფუძველზე შეგვიძლია ჩვენ დავაღწიოთ თავი ძველებურ თვლემას, მამაპაპურ ძილს და სხვისი იმედით ცხოვრებას. თ ვ ი თ მ ო ქ მ ე დ ე ბ ა, ა მ ა ვ ე დ რ ო ს, ი ლ ი ა ს მ ი ა ჩ ნ ი ა ს ა ქ ი რ ო დ მ ა გ ა რ ი წ ე ბ ი ს ყ ო ფ ი ს ა და მ ტ კ ი ც ე ხ ა ს ი ა თ ი ს ა ლ ზ რ დ ი ს ა თ ვ ი ს, რომლებიც, მისივე აზრით, აღზრდის განუყრელ ნაწილს წარმოადგენენ.

ამასთან, თვითმოქმედება დიდ აღზრდელობით როლსაც თამაშობს. ილიას ეს როლი ესმის შემდეგნაირად:

„თვითმოქმედებას არამც თუ მარტო პირდაპირი სარგებლობა მოაქვს ხორცისათვის, ამასთან იგი ი მ ი ს თ ა ნ ა ს კ ო ლ ა ტ ა რ ი ს, ს ა ც ა ი წ უ რ თ ნ ე ბ ა ყ ო ე ლ ი მ ო ზ ა რ დ ი, ი ზ რ დ ე ბ ა ა ხ ა ლ ი თ ა ო ბ ა, ს ა ც ა მ ო ზ ა რ დ ი ს, ა ხ ა ლ ი თ ა ო ბ ი ს ძ ა ლ - ლ ო ნ ე ს ნ ა ქ ე დ ი ს ს ი მ ტ კ ი ც ე და ს ა მ ა გ რ ე ე ძ ლ ე ე ა, რ ო გ ო რ ც რ კ ი ნ ა ს ს ა მ ქ ე დ ლ ო შ ი“.*

საქიროა დავდგეთ საკუთარ ფეხზე, ვიზაროვნოთ საკუთარი თავით; „გვეყო, ბატონებო, სხვაზე დანდობა, სხვის მაყურებლობა, ჩვენ თვითონ მივეშველებით ჩვენ თავს...“—„გვეყო, ბატონებო, ჩვენის აწმყოსი და მომავლის ბედის სხვაზე მივდება, ჩვენის გაჭირვებისა, გულისტკვილისა და წადილის პატრონნი ჩვენვე უნდა ვიყვნეთ“.*

* „ივერია“, 1886, № 102.

* VII, 197—198.

ინიციატივისა და თვითმოქმედების საუფძველზე ახალგაზრდობას უვითარდება კრიტიკული აზროვნების უნარი და ზოგიერთი ავტორიტეტისადმი კრიტიკული დამოკიდებულების შესაძლებლობა. ყოველი აზრი,—წერს ილია,—მარტო ცარიელი ფრაზა იმის ხელთ, ვისაც კრიტიკის ცეცხლში არ გამოუფოლადებია და ისე არ შეუთვისებია“. კრიტიკული აზროვნება ამხვეილებს ადამიანის აზრს, აძლევს მას უფრო მეტი შემოქმედების ძალას, აჩვევს მას ახალის აღმოჩენის იმედს და რწმენას საკუთარ თაოსნობაში.

ძველი ავტორიტეტებისადმი კრიტიკული დამოკიდებულება აუცილებელია ქვეშაობების განვითარებისათვის. ძველი დოგმა და რუტინა, მიუხედავად მათი ავტორის დიდი სახელისა, უნდა იქნეს უკუგდებული. „ბრმად დაჯერება ყოველი იმისი, რასაც ავტორიტეტი ამბობს, რის შემოწმებასაც ყურის-მგდებლის ჭკუა, გონება ვისწვდება და რასაც ეს შემოწმება უარყოფს,—მართლა დიდი ხანია უგუნურებად არის მიჩნეული“.* აქედან გამოსვლით ილია მოუწოდებს ახალგაზრდობას თვით იკვლიოს, მოსჩარკოს, შეამოწმოს „და თუ ავტორიტეტის აზრი გამართლდა, და იჯერე-მხოლოდ მაშინ და საკუთარ რწმენად ვარდაქმენ სხვისაგან აღმოჩენილი და ნაკვლევი“.* ილია ყოველივე ამას ლაპარაკობს ძველი ავტორიტეტების შესახებ, რომელთა რწმენა ჩვენში უკვე შეირყა და რომელთა ზეგავლენისაგან აუცილებელია ახალგაზრდების განთავისუფლება, რომ არ შეიბოროკოს მათი ინიციატივა და თვითმოქმედება.

ილია ქავჭავაძის მოსაზრება ყალბი ავტორიტეტების გავლენისაგან ახალგაზრდების დახსნის შესახებ—საბრძოლო პროგრამა XIX-საუკუნის ქართველი ახალთაობისათვის, ძველი დოგმებისა და რუტინის დაძლევისა და მონარქიული რეჟიმის წინააღმდეგ ბრძოლის საქმეში; ის მოწოდებაა ახალი შემოქმედებისა და აზროვნებისაკენ. ახალგაზრდობა ენერგიულად უნდა მიჰყვეს მეცნიერების განვითარებას, იყოს მისი უკანასკნელი მიღწევების კურსში, „თორემ,—სწერს ილია,—აქაო და ამ ოცდაათ წლის წინად ამა და ამ საგანზე ესა და ეს ითქვაო და დაივინონ,—ეს არის უკანასკნელი სიტყვა მეცნიერებისა და ლიტერატურისაო, მაშინ როდესაც უკანასკნელი სიტყვა დღეს სულ სხვაა, უქიათობა და ქირვეულობა ერთხელ და ერთხელ შებოროკილებულ და დატყვევებულ გონებისა“,**

* VIII, 119.

** VIII, 287.

ესეც რევოლუციური დებულებაა აზრის გასათავისუფლებლად ძველი იდეებისა და ტრადიციებისაგან.

ილია ქვეყნადეს სწამს ძლიერი ავტორიტეტობა, რომელიც „ყოველთვის იქნება მეცნიერებაშიც და ცხოვრებაშიც“ და ნაზღვილი მეცნიერული ავტორიტეტები, რომლებიც შესწავლილი და გამოყენებული უნდა იქნენ ახალგაზრდების მიერ. ავტორიტეტებისადმი კრიტიკული დამოკიდებულებიდან, ილიას აზრით, „სრულებით ის არ გამოდის, რომ ავტორიტეტობა ეხლა შემუსვრილია და თაყვანისცემა მისი უგუნურობად ცნობილი“.* ასეთი შეხედულება წას უმკერებად მიაჩნია და ყველა დიდი, ქეშპარიტი მეცნიერისა და ლატერატურის ავტორიტეტისადმი დიდ პატივისცემას მოითხოვს და მათი ღირსეული შესწავლისაკენ მოუწოდებს ჩვენს ახალგაზრდობას. ვინ არიან ეს საიმედო ავტორიტეტები?— „ავტორიტეტი მეცნიერებაში ის კაცია, რომელსაც მის მიერ შეთვისებულს მეცნიერებაში გაუთქვანს სახელი და მოუპოვებია ნდობა იმდენად შუბრქველად და უცილობელად, რომ ერთიც და ნეორეც საკმაო საუბრება მისი აზრის შეუცდომლობისა“,** და „როცა უტყუარად და კარგად შემოწმებულის საბუთით დამტკიცდა, რომ მისი ნათქვამი განართლდა“.** ასეთი ავტორიტეტები უნდა იწამო, ილიას აზრით. მათ უნდა ენდო, მათგან უნდა ისწავლო და ღირსეული პატივისცემით მოეპყრა.

4. ახალგაზრდობის აღზრდა-განათლების წინაშე ილია ქვეყნადე აყენებს აგრეთვე მომავლის პერსპექტივის შექმნის ამოცანას. ილია არცერთ საზოგადოებრივ ღონისძიებას არ ფარგლავდა მარტოოდენ დღიური ამოცანით. ყოველ მისაღებ და განსახორციელებელ ღონისძიებას ის განიხილავდა და აფასებდა როგორც აწეყო, ისე მომავლის თვალსაზრისით. ასევე, თავის მრავალმხრივ საზოგადოებრივ მოღვაწეობაში ის ყოველთვის ფართო პერსპექტივით მოქმედებდა. ეს პერსპექტივა იყო მისი ქვეყნისა და ხალხის თავისუფალი მომავალი. ილია ქვეყნადე XIX ს. ქართველ მწერალთა შორის ერთ-ერთ იშვიათ გამონაკლისს წარმოადგენდა, რომელიც სრულებით არ იყო შეპყრობილი წარსულის კულტით, ისტორიული სიძველეების იდეალიზაციით. მან იცოდა, რომ საქართველოს წარსულში ბევრა რამ არის სანაქებო, მისაბამი, სასიხარულო, საკიროდ მიაჩნდა მისი ცოდნა, გამოცენება, მაგრამ მანვე

* VIII, 119.

** იქვე, 121—122.

იკოდა, რომ დარდი და მწუხარება ჩვენი კარგი წარსულის გამოვერც აწმყოს გაგვიუმჯობესებს და ვერც კარგ მომავალს შეგვიქმნის. მომავალი თაობის აღმზრდელ დედას ილია აძლევდა შვილის აღზრდის გარკვეულ პერსპექტივას (ძმობა, ერთობა, თავისუფლება, მამულის სიყვარული, მამულისათვის ბრძოლა, ქემმარიტება და განათლებული კვალი) და ამასთანავე მოუწოდებდა:

მას ნულარ ვსტირით, რაც დამარხულა, რაც უწყალოს დროთა ხელით დანთქმულა;

მოვიკლათ წარსულ დროებზე დარდი... ჩვენ უნდა ვსდიოთ ეხლა სხვა ვარსკვლავს,

ჩვენ უნდა ჩვენში ვშვათ ნყოობადი, ჩვენ უნდა მივსცეთ მომავალი ხალხს. („ქართველის დედას“).

ილია ქვეყნადეს ხშირად უყვარდა ხალხური ანდაზის გამოკრება: „ის ურ ჩენია მამულსა, რომ შვილი სჯობდეს მამასა“, და ამ ლოზუნგის განხორციელებისათვის მართლა, ვ არაფერს ზოგავდა, ისე როგორც არაფერს ზოგავდა დაემტკიცებინა ბოროტება და მანებობა კონსერვატული ანდაზისა: „ნუ დააგდებ ძველსა გზასა“. მთელი მისი სიკოცხლე და მოღვაწეობა ახალი გზების ძიებასა და ახალი სამყაროსათვის ბრძოლას წარმოადგენდა. ილია ხშირად მიმართავდა ქართველ ხალხს: „ქართველობა... გაისაჯე, თუ გინდა, რომ მამათა ნათქვამისამებრ, შვილი მამასა სჯობდეს და მომავალი—აწმყოს. დღევანდელი სომად ურავებმა ხვალინდელი დღე მაინც კარგო გავითენოთ“... .

ილიას სწამდა საქართველოს საიმედო მომავალი. ის ოპტიმისტურად იყო განწყობილი ამ მომავლის მიმართ და მოუწოდებდა თავის ქვეყანას უარეყო ყოველგვარი მწუხარება, ვინაიდან მომავალი თაობა მას ახლად აღუდგენდა დიდების დღეებს.

სამშობლოს მონივრული დიდების დამკვიდრება ილიას მიაჩნდა ახალგაზრდობის ისტორიულ ამოცანად. საჭირო იყო ახალგაზრდების მეთაური, გმირი, და სწორედ ასეთად შეიქმნებოდა ის ყრმა რომელიც სიმბოლურად „ბაზალეთის ტბის“ ძირის აკვანში იზრდებოდა:

* VII, 203.

იქნებ აკვანში ის ყრმა წევს, ვისიც არ ითქმის სახელი, ვისაც დღედაღამ პნატრულობს ჩუმის ნატვრითა ქართველი.

მომავლის სალი პრსპექტივის შექმნის მიზნით ილია ქავჭავაძე მოითხოვს ისტორიის მეცნიერულ ცოდნას. მხოლოდ წარსულისა და აწმყოს ანალიზით მიაჩნია მას შესაძლებლად მომავლის სწორი გათვალისწინება. განვითარების თეორია ისტორიულ პროცესში შედგენდება, ამ პროცესის საშუალებით ვგებულობთ ჩვენ როგორც მატერიალური, ისე იდეური ცხოვრების გენეზისს, მის ცვალებადობას ეპოქების მიხედვით.

ამასთან, ყოველ ეპოქაში ჩანს ძველის ნაშთი და ახალის ჩანახაზი, ისე როგორც:

„წარსული—მკვიდრი საფუძველია აწმყოსი, როგორც აწმყო—მომავლისა“, წერს ილია და აგრძელებს: „ეს საწი სხეადასხვა ეამიერის ცხოვრებისა ისეა ერთმანეთზე გადაბმული, რომ ერთი უმეოროდ წარმოუდგენელია, გაუგებარი და გამოუცნობია“.*

აწმყო გაუგებარია წარსულის გარეშე ისევე, როგორც უპრსპექტივო და ბურუსიანი იქნებოდა მთელი მომავალი წარსულისა და აწმყოს მამოძრავებელ ძალთა მეცნიერული ანალიზის გარეშე. ამ დებულებას უკავშირებს ილია ქავჭავაძე ლაიბნიცის აფორიზმს: „აწმყო შობილი წარსულისაგან, არის მშობელი მომავალისა“, და ფიქრობს, რომ საღხის ისტორია გვაძლევს ნამდვილ და უტყუარ საშუალებას იმის გასარკვევად, თუ როგორ და რა პირობებში შეიქმნა ეს აწმყო წარსულისაგან, და ამასთანავე ამ აწმყოს ნიადაგზე, როგორი მომავალი შეიძლება წარმოიშვას. აქედან ის რევოლუციური დასკვნა გამომდინარეობს, რომ როდესაც აწმყო საუკეთესო და საიმედო მომავალს არ გულისხმობს, მაშინ საჭიროა ამ აწმყოს გარდაქმნა იმ გზით და მეთოდით, რომ სწორედ წინასწარ მიზანდასახული მომავალი მივიღოთ.

ილიასათვის ცხადი იყო, რომ წარსულ დროში შექმნილი და დაგროვილი კულტურული სიმდიდრე და გამოცდილება ჩვენ უნდა შევისწავლოთ იმ მიზნით, რომ გამოვიყენოთ მათგან ყოველივე

* V, 239.

სასარგებლო და გამოსადეგი, რათა ამით დავზოგოთ ჩვენი ენერჯია და დრო ახალის შექმნისათვის, ილია წერს:

„შვილმა უნდა იცოდეს სად და რაზედ გაჩერდა მამა, რომ იქიდან დაიწყოს ცხოვრების უღელის წვეა. შვილს უნდა გამოჩვეული ქონდეს რაშია მართალი და კარგი მისი მამა, რაში იყო შემტდარი, რა ავი მიიჩნია კეთილად და რა კეთილი—ავად. რა უმართავდა ხელს, რა აბრკოლებდა. რისთვის ირჯებოდა და მხნეობდა და რისთვის და რაში უქმობდა. უამისოდ თვითონ შვილი რაც გინდა მხნე და გამრჯელი იყოს, უზორ-თუმო სპილოს ეკვანება, დავით გურამიშვილისა არ იყოს, და ამ წუთის-სოფელში ვერას გახდება.“

ასეთივე აქტუალური და თანადროცებისათვის გამოყენების თვალსაზრისით უდგება ილია პედაგოგიკის ისტორიასა და პედაგოგიკის კლასიკოსებს, განსაკუთრებით ჰუმანისტ პედაგოგებს. ის მოითხოვს: „ყური ათხოვონ ისტორიას, ზოგჯერ უკანაც მოიხედონ და ზოგიერთი რამ შეითვისონ იმ დიდ-ბუნებოვან ჰუმანისტებ-პედაგოგთაგან, რომელთაც უმოძღვრეს კაცობრიობას ბევრი რამ მოზარდის თაობის საკეთილდღეოდ და საბედნიეროდ“.*

ისტორიის, როგორც მეცნიერების, განმარტებაშიც არ იფიქსებებს ილია ქაეკვაძე მის როლს მომავლის კვლევის საქმეში. ბურჟუაზიული ისტორიოგრაფია სულ უკანასკნელ ხანამდე განმარტავს ისტორიას როგორც მეცნიერებას წარსულის ანუ განვლილის შესახებ. ილია ქაეკვაძემ ჯერ კიდევ 1888 წელს, იმ მოსაზრებიდან გამოსვლით, რომ წარსული აწმყოს საფუძველია, აწმყო კი--მომავლისა, მოგვცა ისტორიის შემდეგი დეფინიცია: „რა არის ისტორია? იგია მთხრობელი მისი, თუ რანი ვიყავით, რანი ვართ და რად შესაძლოა ვიყვნეთ კვლავადაც“.** ისტორიული მეცნიერების ასეთი აქტუალური ფუნქციის აღნიშვნით ილიამ ძალიან წინ წასწია ისტორიოგრაფიის საქმე საქართველოში.

მართალია, ჩვენს პირდაპირ თემას არ ეხება, მაგრამ, რადგანაც შევხებით ილიას მეთოდოლოგიურ კონცეფციებს ისტორიის შესახებ, არ შეიძლება არ აღვნიშნოთ, რომ ჩვენში პირველად ილიამ მოგვცა ქართული ისტორიოგრაფიის ნამდვილი მეცნიერული კრიტიკა იმის დასაბუთებით, რომ არსებითად ჩვენ მეცნიერულად

* V, 211.

** VIII, 314.

*** V, 207.

დამუშავებული ისტორია არ გვექონდა, რადგანაც მის დრომდე არსებული ისტორია არ იყო გაცილებული „ქართლის ცხოვრების“ ისტორიულ-მეთოდოლოგიურ საფუძვლებს და მხოლოდ მეფეთა ისტორიას წარმოადგენდა:

„ჩვენში ქართლის ცხოვრება“ ხალხის ისტორია კი არ არის, მეფეთა ისტორიაა, და ხალხი კი, როგორც მოქმედი პირი ისტორიისა, ჩრდილშია შიყენებული. თითქოს ხალხის ისტორიის შესამეცნებლად საკმაოა კაცმა იცოდეს მარტო მეფეთა ისტორია“.* ილია ილაშქრებს ასეთი ისტორიის წინააღმდეგ და მოითხოვს შეიქმნეს ისტორია ხალხის ყოველმხრივი ცხოვრებისა, მისი წარსულის გადმოცემით, აწმყოს გარკვევით და მომავლის პერსპექტივით. ილიას აზრით, ისტორიას კმნის, მხოლოდ მშრომელი ხალხი, მხოლოდ „ტვირთმიმენი და მაშვრალნი“ წარმოადგენენ ისტორიის განმაახლებელ ძალას, მათი მოძრაობა და ბრძოლა კი ისტორიის განვითარებას მოასწავებს, ხოლო მშრომელთა ბრძოლის შეჩერება ან მათი დროებითი დამარცხება—ისტორიის შეფერხებასა და განახლების ძალთა შეჩერებას გამოიწვევს. სწორედ ასე შეაფასა ილია ქვეყნაძემ პარიზის კომუნის დაცემა: „ქველად შეფერხდა ისტორია, განახლების შესდგენ ძალნი“.

ილიას სურდა ასეთი ისტორიის შექმნა ანუ აღდგენა, რადგანაც, მისი აზრით, „აღდგენა ისტორიისა—ერის გამოცოცხლებაა, გამოშხენებაა, აწმყოს გაგება და წარმართვაა, მერმისის გამოარკვევაა სიძნელისაგან“.** ასეთი ისტორიის დავიწყება, ილიას აზრით, ერის დაცემისა და გათახსირების მიჩვენებელია, ხოლო „ერის დაცემა იწყება იქიდან, სადაც თავდება წარსულის ხსოვნა“.**

ისტორიის შესწავლა ახალგაზრდობის მიერ ილიას საპიროდ მიიჩნდა არა მარტო წარსულის დიდი კულტურული სიმდიდრისა და გამოცდილების დაუფლებისათვის აწმყო და მომავალ ცხოვრებაში მათი გამოყენების მიზნით, არამედ აგრეთვე იმისათვისაც, რომ ამ გზით ჩვენმა ახალგაზრდობამ უფრო გაათავართოვოს თავისი გონებრივი ჰორიზონტი, შესძლოს მომავლის საღი პერსპექტივის შექმნა და მისთვის ბრძოლა.

* V, 201.

** იქვე, 214.

*** IV, 257.

4. ბავშვის დედა-ენა და აზროვნება

ადამიანის გონებრივი განვითარების დასაწყისად ილია ქავექვაძეს ენისა და აზრის აღმოცენება მიაჩნდა. მეტყველება და აზროვნება მოქმედების წინამორბედი და, სანამ ბავშვი მოქმედების დაწყებას შესძლებდეს, მანამ მისი ადამიანობის მაჩვენებელი ენა და აზრია. ამიტომ ბავშვის გონებრივი აღზრდა მეტყველების და აზროვნების აღმოცენებიდანვე უნდა დაიწყოს.

ენას და აზრს, ილია ქავექვაძე, მათი განვითარების არცერთ სტადიაში არ სთიშავდა ერთმანეთიდან. ორივე მათგანი გონებრივი განვითარების ერთიან პროცესად მიაჩნდა მათი აღმოცენების მომენტიდანვე. ენის განვითარების აუცილებლობას უმთავრესად აზროვნების განვითარების აუცილებლობით ასაბუთებდა, ხოლო აზროვნების განვითარების აუცილებლობას კი — უპირველესად ენის განვითარების აუცილებლობით.

მეტყველების და აზროვნების აღმოცენება და შემდეგი განვითარება მაქსიმალურად უნდა ჰქონდეს ბავშვს გაადვილებული, ამიტომ მათზე ზრუნვა ყოველთვის უნდა ითვალისწინებდეს იმ საფუძვლისა და პირობების შექმნას, რომლებიც უზრუნველყოფენ ამ სიადვილეს. ილია ქავექვაძეს ბავშვის ენისა და აზრის ადვილი აღმოცენების უფრო საიმედო საფუძვლად მიაჩნდა ეროვნული გარემოცვა: *მშობლიური კულტურა, მიწა-წყალი, ხალხი; სამშობლოს ისტორია, ერის განსხვავებული თვისება და განსაკუთრებული ხასიათი*, მისი „სულიერი ცხოვრების ფენებში“. ამიტომ, ილიას აზრით, ბავშვის პირველი ენა, რომელსაც ის ადვილად სწავლობს და რომელზეც უადვილდება სწორი აზროვნება, არის მშობლიური ენა ანუ დედა-ენა. პირველად „გონების გახსნა“ სწორედ დედა-ენაზე ხდება, დედა-ენისავე საშუალებით ხდება მისი ჩამოყალიბება, ხოლო შემდგომი განვითარება კი აუცილებლად მოითხოვს სხვა ენების გამოყენებასაც. ჩამდენნადაც უფრო მეტ ენებს სწავლობს ადამიანი და ამდიდრებს თავის ლექსიკონს, იმდენად უფრო აფართოებს და ამდიდრებს თავის აზროვნებას, მაგრამ აზროვნების აღმოცენება, მისი განვითარების დასაწყისი, — მარტო დედა-ენის საშუალებით უნდა მოხდეს. აქედან ილია დაასკვნის, რომ საოჯახო და პირველ-

დაწყებითი სწავლების ენა უქველად დედა-ენა უნდა იყოს.

ილია ჭავჭავაძე, მასთან იაკობ გოგებაშვილი, გ. წერეთელი, ნ. ცხვედაძე და სხვები მტკიცედ და უკანდაუხეველად იბრძოდნენ იმისათვის, რომ ყოველი ეროვნების ბავშვს თავის დედა-ენაზე დაეწყო მეტყველება და მიეღო პირველდაწყებითი სასკოლო განათლება. ეს იმიტომ, რომ მხოლოდ ამ გზით მიაჩნდათ მათ შესაძლებლად ბავშვთა გონებრივი განვითარების ნორმალურად დაწყება. ამის შესახებ ილია წერს:

„ჩვენ რომ ეგრე დაეინებით და უკანდაუხეველად ვთხოულობთ დედა-ენისათვის სრულს და დაუბრკოლებელს გზას სასწავლებელში, — ე გ მ ა რ ტ ო დ ე დ ა - ე ნ ი ს ს ი ყ ვ ა რ უ ლ ი თ ა რ მ ო გ ვ დ ი ს. ვთხოულობთ და ვნატრულობთ იმიტომაც, რომ უ დ ე დ ა - ე ნ ო დ გ ო ნ ე ბ ი ს გ ა ხ ს ნ ა ბ ა ვ შ ვ ი ს ა ყ ო ვ ლ ა დ შ ე უ ძ ლ ე ბ ე ლ ი ა“*.

ამ მოსაზრებას ილია ასაბუთებს პედაგოგიკის კლასიკოსების (კომენსკი, პესტალოცი, უშინსკი) ნაწერებით და პედაგოგიკის მეცნიერული მონაცემებით: „პედაგოგიის ძირეული კანონი კიდევ ამას ამბობს, რომ თუ ცნობიერად და გაგებით უნდა ბავშვმა რამე ისწავლოს, ჯერ თავისი (ენა) კარგად უნდა შეისწავლოსო, რომ შერე სხვისას შეუდგესო“**. ამნაირად, ილია ჭავჭავაძე დედა-ენაზე ბავშვის აღზრდას სკოლამდელ ასაკში (ოჯახში) და პირველდაწყებით სკოლაში, უპირველეს ყოვლისა, მოითხოვს ბავშვის აზროვნების რეალური განვითარების თვალსაზრისით.

სკოლის დანიშნულებაა ბავშვს მისცეს ყოველმხრივი განვითარება, რომელშიც ძირითადი არის გონებრივი განათლება. გონებრივი განათლების უზრუნველყოფა შეიძლება მეცნიერული საგნების შესწავლით და, რადგანაც ეს საგნები დაწყებითი სკოლიდანვე ისწავლება, ხოლო დაწყებითი სკოლა კი დედა-ენის სკოლაა, საგნებიც, ცხადია, დედა-ენაზე უნდა ისწავლებოდეს. ეს გარემოება, უქვეელია, დედა-ენის კარგად ცოდნას მოითხოვს, მაგრამ რამდენადაც ბავშვი ოჯახში ვერ ასწრებს თავის დედა-ენის კარგად სწავლას, იმდენად ამ ენის შესწავლა სკოლაშიც უნდა გაგრძელდეს. ამ მოსაზრებიდან გამოსვლით ილია დაასკვნის:

* VII, 218.

** იქვე, 223.

„ზემოთ მოყვანილიდამ ცხადია, რომ დედა-ენა ცნობილია არამც თუ უკეთეს და აუცილებელ სახსრად, რომ სკოლამ თავისი დანიშნულება აასრულოს, არამედ უპირველეს საგნადაც, რომელიც ბავშვმა უნდა შეისწავლოს და იცოდეს“*. ეს აუცილებელია იმიტომ, რომ ენის ცოდნაზეა დამოკიდებული საგნების შეთვისების ხერხი, ხოლო მათ საფუძველზე ხდება „გონების გახსნა“ და განვითარება, ე. ი. აზროვნება. აქედან ნათელია: აზროვნების განვითარება მოითხოვს როგორც საგნების სწავლას დედა-ენაზე, ისე დედა-ენის ღრმად და ყოველმხრივ ცოდნას. ამიტომ ილიასათვის ცხადია, რომ „საერო (სახალხო, გ. თ.) სკოლა, როგორც პირველდაწყებითი სკოლა ერისა, სხვა არა უნდა იყოს — არა გარდა დედა-ენისა და სამშობლო ჭეყენის მასწავლებელი სკოლისა, იმისდა მიუხედავად განგრძობილი იქნება მის შემდეგაც სწავლა თუ არა“*.

დაწყებითი სკოლის შემდეგ შეიძლება და აუცილებელიცაა ბავშვმა დაიწყოს სხვა ენების შესწავლაც. ეს გაამდიდრებს მას სიტყვიერ მარაგს, ლექსიკონს — ამით ცნებებს და აზროვნებას. კარგად მეტყველი ბავშვი ისე, როგორც მთელი ხალხი, თავის ენას კიდევ უფრო გაამდიდრებს და ეს თავის მხრივ ერის აზროვნებას გააფართოებს:

„ენის მრავალ-სიტყვაობა ერის მრავალაზროვნებას მრავალსწავებს“, წერს ილია***, და მოითხოვს არა მარტო რუსული და უცხო (ახალი) ენების შესწავლას, არამედ უცხო ტერმინების შემოტანასაც ქართულ ენაში, როდესაც სათანადო ცნებებს გამოსათქმელად არ მოგვეპოვება შესაფერისი ქართული ტერმინი. მეავე პატრიოტები უცხო სიტყვების შემოტანას ქართულ ენაში უკანასკნელის სიწმინდის შელახვად სთვლიდნენ. ილია ჭავჭავაძე მათ საყურადღებოდ აცხადებს, რომ საჭირო უცხო სიტყვების შემოტანა ქართულში დიდი ეროვნული საქმეა, ვინაიდან „ენის გამდიდრება სხვისი სიტყვებითა ერს არ დაამდაბლებს, თუ არ აამაღლებს“, და იქვე, მათი მისამართით, ირონიულად წერს: „ინგლისის ენაში თითქმის ნახევარი სიტყვები ფრანგულია, მოდით და წინ გადაუდგეს ან ენა-

* VII, 216—221.

** „სომეხთა მეცნიერნი და ქვათა ღალადნი“, 53.

წმინდა ქართველი, ან ენა-წმინდა სომეხი და დაუქინოს, — ჩვენ ვჯობივართო**.

ენა აზროვნების საშუალებაა, აზრი მეტყველების შინაარსია. ილიას ეს პრინციპი მშვენივრად აქვს შეგნებული. დედა-ენის, როგორც სააზროვნო ენის, შეცვლა სხვა ენით, ე. ი. აზროვნების საშუალებად სხვა ენის გამოყენება, დედა-ენის დაკნინებას და სრულიად მივიწყებას მოასწავებს. 1879 წელს ილია ქაეჭავაძე აღნიშნავდა, რომ „ჩვენი ეგრედწოდებული მაღალი საზოგადოება, ნამეტნავად ქალაქში, თავის სამარცხვინოდ თავილობს თავას დედა-ენით ლაპარაკსა“, ეს „მაღალი“ ნახევრადფეოდალური და ბურჟუაზიული საზოგადოება, რომელიც, ქაეჭავაძეს თევზის გახრწნილ თავს მოაგონებდა. თავისი მავნე რუსიფიკატორული მისწრაფებებით გავლენას ახდენდა ჩვენ ხალხზე, აჩვენდა სხვა ენაზე აზროვნებას, ხოლო საკუთარ ქართულ ენას კი აკარგვინებდა. ილია ქაეჭავაძე ნამდვილ, კონკრეტულ ქეშმარიტებას აღიარებდა, როდესაც აღნიშნავდა, რომ შავრაზმული რუსული ბიუროკრატიისადმი შეზრდას და ქართული კულტურის ღალატს სწორედ ის „ეგრედ-წოდებული მაღალი საზოგადოება“ ანუ ფეოდალურ-ბურჟუაზიული კლასი აწარმოებდა, რომელიც ყველაზე მეტად ჩხაოდა ქართველი ერის სიყვარულზე, დაღუპულ მამულზე და წამებულ სულზე. სწორედ მისი საშუალებით ატარებდა ჩვენში მეფის მთავრობა საქართველოს მოსახლეობის გამარუსებელ პოლიტიკას, სწორედ მასში ხედავდა იგი თავის საიმედო დასაყრდენს კოლონიური მონობის დამყარების საქმეში და აგრეთვე ქართული ენისა და ქართულად აზროვნების გაუქმების დარგში. გადაგვარდა აზროვნება და „გადაგვავიწყდა ყოველივე, რაც ენის შევნებას შეადგენს, რადგანაც ჩვენი აზრი ჩვენი ენით აღარ მოძრაობს, ჩვენი გული ჩვენის ენით აღარ თბება“**.

როგორც ენახეთ, ილია ქაეჭავაძეს ბავშვის დედა-ენა მისი აზროვნების საშუალებად მიაჩნდა, მაგრამ ამავე დროს თვით აზროვნებას ენის განვითარებას საშუალებად აღიარებდა. როგორც შეუძლებლად მიაჩნდა მას აზროვნება მეტყველების გარეშე, ისევე შეუძლებლად მიაჩნდა მეტყველება ანუ ენა აზროვნების გარეშე:

* „სომეხთა მეცნიერნი და ქვათა ღალადი“, 56—57.

** VI, 46.

„სადაც აზრი არ არი, იქ ენა, რაც უნდა კარგი იყოს, სუო უქმია; მერე მე არსად არ გამიგია, რომ უაზრო ენა იყოს სადმე, აზრი და მხოლოდ ერთი აზრი აძლევს ენას ენის მნიშვნელობას“*...

ასე მკიდრო მთლიანობაში განიხილავს აზროვნების და მეტყველების პროცესს ილია ჭავჭავაძე და სკოლისა და ოჯახის ერთ მთავარ პედაგოგიურ პრინციპად აღიარებს მათ განვითარებას ეროვნულობისაგან მოუწყვეტლად.

5. სკოლის როლი და პედაგოგია

ილია ჭავჭავაძის პედაგოგიურ მოძღვრებაში სკოლას და სასკოლო აღზრდა-განათლების სისტემას განსაკუთრებული ადგილი უქირავს.

სკოლის მიზანი არსებითად აღზრდის მიზნებით განისაზღვრება და ამდენად ახალგაზრდობის აღზრდისა და სწავლა-განათლების ამოცანების გარკვევის დროს ჩვენ არსებითად უკვე ვარკვევთ აღზრდის გამტარებელი მთავარი ორგანოს ანუ სკოლის ამოცანებსაც. სკოლის სათანადო საფეხური აღზრდის გარკვეულ პერიოდს შეიცავს და, მაშასადამე, პედაგოგიური პროცესის განსაზღვრულ ეტაპს წარმოადგენს.

აღზრდის პროცესისა და მიზნების შესახებ ჩვენ უკვე ვიცით ილიას აზრი. სკოლის როლისა და მიზნების შესახებ კი იგი წერს: „საერო (სახალხო, გ. თ.) სკოლის უმთავრესი საგანი და საქმე - საზოგადოდის არის, რომ ერის მშობარდს თაობას აუხილოს გონების თვალი, გაუჩარხოს გულის-ყური, გაუწურთნოს და კეთილად მოუმართოს გრძნობა, შეაჩვიოს მოზარდის კქუა-გონება მართლმსჯელობასა და ოვითმსჯელობასა. საერო სკოლამ უნდა მოუწადოს ერს გონებით და გულით გაღვიძებული კაცი იმდენად, რომ იგი საკუთარის კქუით და გულით გაუჭირებლივ გაუძღვეს იმ სულიერს და ზორციელს პატარა მოედანს, საცა ერის უმრავლესობა სულს იბრუნებს, სულითა და ხორციით იღწვიას და მოქმედებს“**.

* IV, 41.

** V I, 215—216.

ამ პირველი ციტატიდანაც კი ნათელია, რომ ილია ჭავჭავაძე საერთოდ არ ასხვავებს სკოლის მიზანს აღზრდის მიზნებიდან, აქ ჩვენ ვხედავთ სკოლის დანიშნულებას ახალგაზრდობის როგორც გონებრივ, ისე ეთიკურ განვითარებაში და თვითმოქმედების უნარის გამოუმუშავებაში, რომ ასეთი ახალგაზრდობა „საკეთარი ჭკუით და გულით“ გაუძღვეს ერის უნარაღმსობის მოქმედებას, რომ „ცნობიერად იცხოვროს და გონიერად იმოქმედოს“. მოყავს რა კ. უშინკის ეს აზრი სახალხო სკოლის შესახებ*, ილია ჭავჭავაძე სთვლის, რომ აქ მოცემულია „თავი და ბოლო საერო სკოლისა“ და შემდეგშიც ხშირად მიმართავს უშინკის ავტორიტეტს სკოლის სხვა ამოცანების გარკვევის შემთხვევებში.

ქართველი ხალხის ჩამორჩენის, უღონობისა და უზედურების მიზეზად ილია ჭავჭავაძე, როგორც ვიცით, სთვლიდა უმეცრებასა და უცოდინარობას და არ ზოგავდა არც ფიზიკურ და არც მორალურ ინტელექტუალურ ენერჯიას ამ უმეცრებისა და უსწავლელობის წინააღმდეგ ბრძოლისათვის. ხოლო ამ ღონისძიებათა შორის მას უპირველეს და უმთავრეს ღონისძიებად სამართლიანად მიაჩნდა სკოლა:

„უველამ იცის, რომ უმეცრების და უსწავლელობის წამალი სხვათა შორის, სკოლაა. სხვათა შორის მეთქი, სხვათა შორის კი არა, ერთი უპირველესი და მთავარი ღონისძიება სასწავლებელია**“.

სკოლას აქვს აგრეთვე სხვა საპატიო საზოგადოებრივი დანიშნულებაც. ეს დანიშნულება ბავშვის აღზრდაზე და მის მერმისზე გაჭუნასა და ზემოქმედებაში გაზოიხატება. ჩვენ უკვე ვიცით, რომ ილია განსაკუთრებული სიცხადით ასახულებდა საზოგადოებრივი აღზრდისა და გარემოების გაუმჯობესების გადამწყვეტ მნიშვნელობას ბავშვს მომავალზე; აღზრდისა და გარემოების არც ამ ფუნქციიდან გამოურიცხავს მას სკოლა. ეხება რა სოციალური წრის უდმოქმედებას მოზარდი თაობის მერმისზე, ილია წერს:

„არას მეროე საგანიც, რომელსაც. თუ არ მეტი, ნაკლები უდმოქმედება არა აქვს აღამიანის ავკარგიანად გამოსვლაზედ. ეგ მეროე საგანი სკოლაა***“.

აღზრდა-განათლების საზოგადოებრივი იდეებასა და მიზნების მთავარ გამტარებელ დაწესებულებად ილიას, როგორც ვნახეთ,

* VII, 215--2:6.

** VI, 156.

*** VIII, 3:7.

შიაჩნია სკოლა. სკოლა ახორციელებს აგრეთვე აღზრდის უშუალო და პირდაპირ მიზნებს: არაერთხელ აღუნიშნავს ილიას, რომ გონებრივი აღზრდის („გონების გახსნის“) და სწავლა-ცოდნის შექმნის უმთავრესი სახსარი სკოლაა. მაგრამ სკოლა ამავ დროს უნდა ემსახურებოდეს ბავშვის ზნეობრივ აღზრდასაც. რამდენადაც ზნეობრივი განვითარება მკიდროდ არის დაკავშირებული გონებრივთან, იმდენად, ილიას აზრით, „თუ სკოლას უნდა თავისი დანიშნულება შეასრულოს, ეგ სწავლა-ცოდნა ზნე-ხასიათის წურთვნასაც უნდა შეურჩიოს, ესე-იგი იმ თვისების სწავლა-ცოდნა უნდა აძლიოს, რაც გონების განახლებასაც შველის და ზნე-ხასიათის წურთვნასა და დამთავრებასაც უხდება და რგებს“*.

სკოლის დანიშნულებაში შედის აგრეთვე ახალგაზრდობის ჯანმრთელობის დაცვა და გამაგრება. თავისი დროის სკოლის ცალმხრივობას ილია მითაც ასაბუთებს, რომ ეს სკოლა არ ზრუნავს მოწაფეთა ფიზიკურ განვითარებაზე და „ტან-აგებულობას ადამიანისას არამც-თუ შველის, არამედ ჰღალავს“. სკოლამ უნდა შემოიღოს ტანთ-ვარჯიში და სისტემატური წრთვნა ბავშვის სხეულის გაჯანიანებასა და გაღონიერებისათვის. ფიზიკური აღზრდის მისაბამდ ორგანიზაციად ილიას მიაჩნდა იტალიელი ჰუმანისტი პედაგოგის ვიტორინო და-ფელტრეს მიერ მანტუას სკოლაში („სიხარულის სახლში“) შემოღებული ფიზიკური აღზრდის წეს-და რეთოდი. რაში მდგომარეობდა იგი: „სკოლაში სწავლება და გარეთ ჰაერზედ ვარჯიშობა ერთმანეთს რიგ-რიგად მოსდევდა-ყოველ დღეს, დანიშნულს საათს, რაგინდ ტაროსიც ყოფილიყო-უმაწვილები ვარჯიშობდნენ სროლასა, კიდაობასა, ცურვასა, ბურთაობასა და შეილდოსნობაში. ზოგჯერ ნადირობისა და თევზაობის ნებასაც აძლევდა. ზაფხულობით ოსტატების თანხლებილ-უმაწვილებს სანგზავროდ ისტუმრებდა და კარგა შორს, ზოგჯერ ალპების მთებშიც“**. ილიას სურდა, რომ ქართულ სკოლაშიც ასევე ყოფილიყო დაყენებული ფიზიკური ვარჯიშის საქმე.

ტექნიკური განათლების გავრცელების მიზნით ი. ჰავკავაძე მოითხოვდა სახელოსნო და სამეურნეო სკოლების დაარსებას. ასეთი სკოლები მას მიაჩნდა პროფესიული განათლების სკოლებად. რომლებიც აძლევდნენ ახალგაზრდობას სათანადო ცოდნას შრო-

* VIII, 319.

** იქვე, 331.

... რომელიმე დარგში. ჩვენ უკვე აღვნიშნეთ, რომ საქართველო-
სა და ამიერკავკასიისათვის, როგორც აგრარული ქვეყნებისათვის,
ილია უმთავრესად მოითხოვდა სამეურნეო განათლებას და მის
პესაფერის სამეურნეო სკოლებს: „ერთი უმთავრესი სახსარი
კოდნის შეძენისა,—წერდა ილია,—სკოლაა, და იმ კოდნისა, რო-
ბელიც... მიწის მოქმედებას ხელს უწყობს და შეპფერის— ს ა მ ე-
ურნეო სკოლაა“*. ასეთი სკოლის სახედ და ნიმუშად მას
შეაჩნდა წინამძღვარიანთ-კარის სამეურნეო სკოლა.

ილია ქაეკავაძე იცავს აგრეთვე ეროვნულ - პატრიოტული მო-
ტივის გაძლიერებას ქართულ სკოლებში. ამ მიზნით ის მოითხოვს:
„მოგვეციოთ მართალი სკოლა, ქართველის სულისა და გულის ამა-
წაღლებელი, გონების გამხსნელი. ნუ გაუჩვეთ სკოლის უწმინდეს
საქმეში სხვა საქმეს, რომელიც სკოლას არ შეეფერება“*. განსაკუ-
თრებული გრძნობით მოითხოვს ილია ახალგაზრდა ქართველ ქალთა
პატრიოტული განათლების სკოლებს: „ნურავინ ნუ დაივიწყებს,
რომ საქართველოში საქალებო სკოლამ ქართველს უნდა გაუზა-
რდოს ქართველი ქალი, ქართველს უნდა გაუზარდოს ქართველი
დედა, ქართველი დაი, ქართველი დედაკაცი. თუ სკოლა ამას არ
იქნს, ის სკოლა წყალსაც წაუღია, ჩვენ ბევრს არას ვინაღვლით“*.
ილიას რომ ქართული ნაციონალიზმი არავინ დასწამოს და ისიც
საქართველოს გარეშე, ის ხაზგასმით აღნიშნავს, რომ ქართული
პატრიოტიზმი მას სურს ქართველებისათვის და ქართული პატრი-
ოტული გრძნობების აღმზრდელი სკოლა კი მხოლოდ საქართვე-
ლოში, ისევე როგორც სხვა ქვეყნებში უნდა აღიზარდონ იმ ქვე-
ყნების პატრიოტები იმ ქვეყნების მკვიდრთაგან და იმათვე სკო-
ლებში. ამასთან აღსანიშნავია, რომ ილია ქაეკავაძეს ეროვნულ-
პატრიოტული სკოლის საპიროება დასაბუთებული აქვს პედაგოგი-
კის იმავე კლასიკოსების მოსაზრებით, რომლებითაც ის ასაბუთე-
ბდა პატრიოტული აღზრდის საპიროებას: პ ე ს ტ ა ლ ო ც ი, დ ი-
ს ტ რ ე რ ვ ე გ ი, უ შ ი ნ ს კ ი და სხვ.

ილიას ეროვნული სკოლა არ არის ვიწრო პატრიოტიზმით შე-
პყრობილი. ის შეიცავს ფართო მხარეთმცოდნეობის ელემენტების
სწავლებას. სკოლის პირველი ამოცანა (ეროვნული აღზრდის მხრივ)
აუ საშუაბლოს სიყვარულია, სამაგიეროდ „მეორე აუცილებელი

* VI, 166.

** იქვე, 157.

ლონე და საგანი საერო სკოლისა ადგილობრივი, ერობრივი ელემენტი არის, ესე იგი ის ბუნება, ის ერი, ის ყოფა-ცხოვრება, რომელიც გარს არტყია მოზარდსა და რომელთ შორისაც ბავშვობა ტრიალებს და ცხოვრობს*... ასეთია ილია ქვექავაძის ეროვნულ პატრიოტული სკოლა.

გარდა ზემოაღნიშნული თვისებებისა, ილია მონაწილე სკოლის წინაშე აყენებს პრაქტიკული ცოდნის გავრცელების ამოცანას. ოჯახთან უშუალო თანამშრომლობას მასზე პედაგოგიური ზეგავლენისათვის, ბავშვთა თვითმოქმედებისა და დამოუკიდებელი ჩვევების შემუშავებას და სხვ.

ილია ქვექავაძე აყალიბებს ახალი, წასურველი სკოლის იდეებსა და ორგანიზაციას ძველი სკოლის წინააღმდეგ დაუნდობელ ბრძოლაში. მკითხველმა უკვე იცის როგორი სისასტიკით აკრიტიკებს ილია ძველ, ფეოდალურ აღზრდას და მის დამღუპველ ზეგავლენას ახალგაზრდობის მომავალზე. ილიას მშვენივრად აქვს დახასიათებული ძველი და თავისი დროინდელი სკოლა: როგორც სკოლასტიკური, ცრუმორწმუნეობის, ფორმალისტური, ცემა-ტყეპისა და ლანძღვა-გინების, ცალმხრივი და ცხოვრებისაგან მოწყვეტილი განათლების დაწესებულება. „თუ მცა ეხლანდელ სკოლას. წერს ილია, — განსაკუთრებულ საგნად სწავლაცოდნის შექენა აქვს, მაგრამ ამ საგანს ამოდებლა უქება და ვერა-გზით ვერ სწვდება“**, და თუ ძველი სკოლა ვერც ამ თავის ძირითად მიზანს ასრულებს. ცხადი ხდება, რა ფასი ექნება მას ახალგაზრდობის ჰარმონიული განათლების საქმეში.

ილია თავისი გამოსვლებით სიტყვიერად თუ პრესის საშუალებით განუხრელ ბრძოლას აწარმოებდა ამ ძველი სკოლის წინააღმდეგ, აორგანიზებდა მოწინავე საზოგადოებრივ აზრს ამ მიმართულებით და თვითონ ქმნიდა ანბოხების ტონსა და შეურიგებლობის განწყობილებას. აღსანიშნავია, რომ თავისი დროის საშუალო სასკოლო განათლების სისტემის გამანადგურებელი კრიტიკის დროს ილია არ იფიწყებს ამ სკოლაში. გამეფებული ძველი (მკვდარი) ენების: ბერძნულისა და ლათინურის სკოლასტიკური სწავლების მანვე მნიშვნელობას ახალგაზრდობისათვის. ბერძნულმა

* VII, 221.

** VIII, 323.

და ლათინურმა დაჰკარგეს თავის მეცნიერული მნიშვნელობა სა-
შუალო სკოლისათვის. ისინი ზედმეტ ბარგად აწვევენ კისრად მო-
სწავლე ახალგაზრდობას და უნაყოფოდ ართმევენ იმ დროს,
რომელიც მათ მეცნიერებათა საფუძვლების შესწავლისათვის უნდა
მოეხმარათ.

როდესაც გადაწყდა (1896) სათავადაზნაურო სკოლა ტექნი-
კური განხრის სასწავლებლად გადაკეთების მაგიერად გიმნაზიად
გადაკეთებულყო, ილია ირონიულად წერდა: „კარგი და პატი-
ოსანი. ამ სახით გაიმარჯვა ბერძნულმა და ლათინურმა ჩვენში.
ნეტავი ჩვენ... ყველაფრით სავსენი ვიყავით, ეს ბერძნული და
ლათინური-ლა გვაკლდა და ამასაც ხომ ვისწავლით“... და შემდეგ
სამართლიანად დასძენს: „მკვდრების სუნით გვინდა მოვშხამოთ
სალი ჰაერი სკოლისა“*. სკოლასტიკურ და მოშხამულ ატმოსფე-
როს სკოლად ილიას მიაჩნდა თავისი დროის გიმნაზია და მისი
ტიპის სასწავლებლები. „ჯერ თვით პროგრამა გიმნაზიისა აიღეთ
თავისის ლათინურით და ბერძნულით, რომელნიც იმოდენა ხეირს
აყრიან ყმაწვილს, როგორც წყლის ნაყვა, ანუ ნაცრის ქექა,“**
და სთელის ამ ენების შესწავლას მძიმე ტვირთად და უნაყოფოდ
ბავშვებისათვის.

სწორედ ამ სახის სკოლების წინააღმდეგ მიმართა მან თავისი
მკვეთრი სიტყვა, ბასრი კალამი და რევოლუციური საქმე როგორც
ჰედაგოგმა, ნსატვარმა და პოლიტიკურმა მოღვაწემ. ძველი სკო-
ლის საპირდაპიროდ ქმნიდა ილია ქვეყნაძე ახალ სკოლას, მა-
გრამ მისი ინიციატივით და თაოსნობით დაარსებული სკოლები
მაინც ძალიან შორს იყვნენ ისეთი სკოლებიდან, როგორიც თვი-
თონ მას და მის სახელოვან თანამებრძოლებს სურდათ, რომ შე-
ექმნათ. ასეთი სკოლების შექმნა ძნელი საქმე იყო მონარქიული
თვითმპყრობელობის კოლონიური პოლიტიკის გამო. ამით აიხსნე-
ბა ის ფაქტი, რომ XIX ს. მეორე ნახევრის ნაციონალურ-რევოლუ-
ციური მოძრაობის წარმომადგენლები ახალი სკოლისათვის ბრძო-
ლას აღიარებდნენ ამ მოძრაობის ერთ-ერთ მთავარ ამოცანად და
სახავდნენ მთელ რიგ პრაქტიკულ ღონისძიებებს ქართული სწა-
ვლა-განათლების გარდაქმნის დარგში.

ილია ქვეყნაძე, პირველ ყოვლისა, მოითხოვდა ახალ გიმნაზიას.
აი, როგორც ვნახეთ, არ ყოფილა გიმნაზიისა და მისი ტიპის სკო-

* IX, 77—8.

** VI, 20.

ლების მოტრფიალე, მაგრამ მათ მაინც მხარს უჭერდა, რადგანაც გიმნაზიის გარდა საპეურონო სასწავლებლებში, სამასწავლებლო სემინარიებში და სხვა საშუალო პროფესიულ-ტექნიკურ სკოლებში კურსდამთავრებულებს უფლება არ ჰქონდათ უმაღლეს სასწავლებლებში (მაგ., უნივერსიტეტში) შესვლასა, იმ დროს როდესაც უმაღლესი განათლების მსურველთა რიცხვი საქართველოში სწრაფად იზრდებოდა და ამავე დროს დიდი ენერგიით სწარმოებდა ბრძოლა ჩვენში უნივერსიტეტის გახსნისათვის. უნივერსიტეტში, რომ ქართველებსაც ჰქონოდათ შესვლის უფლება, საკირო იყო საშუალო განათლება გიმნაზიებში მიეღოთ ან მათი კურსით ჩაება-რებინათ სათანადო გამოცდები. ამიტომ უჭერდა მხარს ილია გიმნაზიებს, თუმცა მათ არსებით რეფორმას კი მოითხოვდა. ამასთანავე მან იცოდა, რომ კავკასიის ოლქის მზრუნველის, ი ა ნ ო ვ - ს კ ი ს, ხელში და, საერთოდ, მისი დროის განათლების სისტემაში გიმნაზიის გაუმჯობესება ძნელი და მიუწვდომელი იყო. ამიტომ ილია მოითხოვდა საკუთარ ახალ გიმნაზიას, ახალ საშუალო სასწავლებელს: „ჩვენ ჩუნი საკუთარი გიმნაზია გვინდა,“ წერდა იგი, „საკიროა გავმართოთ ჩვენი საკუთარი საშუალო სასწავლებელი და მივსცეთ ჩვენ შეილებს სწავლის უფრო ფართო და უფრო ვრცელი გზა“*. ეს ახალი საშუალო სკოლები უნდა მოეწყონ მეცნიერების უკანასკნელ მიღწევათა მიხედვით და სანიმუშო, სამაგალითო სკოლებად გადაიქცნენ საქართველოში „როგორც გარეგანი მორთულობითა და მოწყობილობითა, ისე სწავლის მიმდინარეობითა... როგორც ეხლანდელი პედაგოგია ობოულობს“**. მაგრამ შორსმჭვრეტელი ილია არც ამ მართლა აუცილებელ მეცნიერულ-პედაგოგიურ ღონისძიებებს სთვლის საკმარისად, რომ ხალხის ფართო მასები წიხიდიღოს სასწავლებელმა. ჩვენი ხელმოკლე და ღარიბი ხალხისათვის მატერიალურად ის ხელმიუწვდომელი იქნება. ამისათვის საკიროა ჩვენ საშუალო სასწავლებლებთან მოიწყოს სრული პანსიონები მოსწავლეებისათვის: „ჩვენ საკუთარი სასწავლებელი უნდა ვიქონიოთ, მერე იმისთანა, რომ ჩვენ შეილებს ბინაც ჰქონდესთ, საზრდოებაც და სწავლაც“***. ასეთი მეცნიერულ-პედაგოგიურად და მატერიალურად მოწყობილ

* VII, 232, 209.

** იქვე, 298.

*** იქვე, 291.

სკოლებს ილია უწოდებს „ახალ სკოლებს“. ისინი მართლაც ახალი იყვნენ შედარებით მისი დროის სახელმწიფო და კერძო სკოლებთან, მაგრამ პრაქტიკული განხორციელება მათ არ ღირსებით ძველი რეჟიმის დროს.

6. მასწავლებელი და მისი დანიშნულება

ბავშვთა აღზრდის ცენტრალური ფიგურა—მასწავლებელი და მისი მაღალი დანიშნულება — არ შეიძლებოდა დარჩენილიყო და არც დარჩენილა ილია ქავჭავაძის ყურადღების გარეშე. იქ, სადაც ის ეხებოდა აღზრდის მიზნებს, სკოლის როლს, საზოგადოების ზეგავლენას ბავშვის აღზრდაზე და სხვა სასწავლო-პედაგოგიურ საკითხებს,—ყველგან აყენებდა მასწავლებლის საკითხს და აზუქმებდა მის როლს ბავშვის აღზრდისა და სწავლა-განათლების მიმართ.

უპირველეს ყოვლისა, ილია ქავჭავაძე მასწავლებლის უმთავრეს მოვალეობად სთვლიდა მის ფართო განათლებას როგორც თავის სპეციალურ, ისე სპეციალურის მოსაზღვრე დისციპლინებში, შემდეგ—ღრმა დიდაქტიკურ განათლებას ანუ, როგორც ის აღნიშნავდა, „სასწავლო მეთოდების“ ზედმიწევნით ცოდნას, ბავშვის უსაზღვრო სიყვარულს, მასზე ხანგრძლივი დაკვირვებისა და მისი ცხოვრების ყოველმხრივ შესწავლის უნარს, საზოგადოებრივი მუშაობით გატაცებას, განსაკუთრებით გლახთა შორის, ბავშვის მშობლებთან მჭიდრო კავშირის დამყარებას, პასუხისმგებლობის გრძნობას დაკისრებული მოვალეობისადმი და სხვა ისეთ თვისებებს, რომლებიც აუცილებელია მასწავლებლისათვის, როგორც ჩვენი მომავლის აღზრდელისათვის.

მასწავლებლის როლსა და ამოცანებზე ყველაზე უფრო ვრცლად ილია შეჩერდა თავის პედაგოგიურ და მხატვრულ-ლიტერატურულ ეტიუდში „უცნაური ამბავი“, რომელიც ჩვენ უკვე რამდენჯერმე ვახსენეთ. ამ ნარკვევის მთავარი პერსონაჟი სოლომონი, სემინარიაში კურსდამთავრებული, დიდი გატაცებით ლაპარაკობს ბავშვის აღზრდაზე და ცდილობს „წიგნით, ხილვით თუ სმენით“ ყრმის აღზრდა ისწავლოს. ესაა მისი „უდიდესი საქმე“, საოცნებო მიზანი და „ცხოვრების სიზმარი“. პედაგოგიური საქმის სიყვარული მას „სემინარიიდანვე დაყვა“ და მთელი თავისი კჶჶა და გონება ამ საქმისათვის აქვს განზრახული.

პირველი, რითაც პედაგოგი უნდა იწყებდეს თავის მოღვაწეობას, ეს არის მისი მოვალეობის სრული შეგნება. ილია ჭავჭავაძე ბავშვის აღზრდის სირთულის შესახებ, სოლომონის პირით, ლაპარაკობს:

„ძნელი საქმეა და უფრო დიდი და მძიმე ვალია. „მზრდელი ყრმისა მეორე შემოქმედი“*.

პედაგოგობა ილიას მიაჩნია მეტად „დიდ პასუხ-საგებელ საქმედ,“ „მძიმე მოვალეობად“, და ამასთან დაკავშირებით, განსაკუთრებული მეცნიერული სიღრმით აღნიშნავს პასუალებლის როლს მოზარდის აღზრდისა და სოციალური ჩამოყალიბების საქმეში. ილიას აფორიზმული დებულება: „მზრდელი ყრმისა მეორე შემოქმედი“ დიდი პრინციპული პედაგოგიური დებულებაა. ყრმის პირველ შემოქმედად ილია გულისხმობს მშობელს, რომელიც აძლევს ყრმას ადრეულ ფიზიკურ აღზრდას. ჩვენ უკვე ვიცით, რომ ილია ბავშვს, როგორც ადამიანს, სოციალურ არსად, ხოლო მის აღზრდას სოციალურ პროცესად აღიარებს, და ამიტომ, მისი აზრით, „ადამიანობას პირველი ადგილი უნდა დაეთმოს ბავშვის წვრთვნა-სწავლაში“, რასაც პედაგოგი ანუ აღზრდელი ახორციელებს, ე. ი. აქცევს ბავშვს სრულყოფილ, განათლებულ ადამიანად და, მართლაც, მის მეორე შემოქმედად გვევლინება. რამდენადაც ამ მეორე შემოქმედებისათვის აღზრდის პროცესში ილიას „პირველი ადგილი“ აქვს დათმობილი. ცხადი ხდება, რომ ახალგაზრდობის აღზრდასა და სწავლა-განათლებაში პედაგოგის როლი მას პირველ და უმთავრეს როლად მიაჩნია.

ბავშვის მომავალი მის აღზრდაზეა დამოკიდებული. ეს დებულება ილიას ძირითად საზოგადოებრივ-პოლიტიკურ პრინციპად მიაჩნია, და რამდენადაც პედაგოგის როლი ბავშვის აღზრდაში პირველია ანუ ძირითადი, იმდენად ბავშვის მომავლის შექმნა ძირითადად პედაგოგზეა დამოკიდებული. ამგვარად, ბავშვის მომავლის შექმნა პედაგოგის უმთავრესი დანიშნულებაა.

ბავშვის აღზრდის სიმძიმეს ილია ხედავს, უპირველეს ყოვლისა მისი შესწავლის სიძნელეში. ბავშვის აღზრდა მისი შესწავლითა და აღზრდის მიზნების ცოდნით იწყება, და, მართლაც, აღზრდა აღსაზრდელის შესწავლით უნდა დაიწყოს. მაგრამ რატომ არის ძნელი ბავშვის შესწავლა? ილია უპასუხებს:

* III, 277.

„ბავშვის ბუნება საიდუმლოთა საიდუმლოა. ბავშვი იგივე ადამიანია და მით უფრო ძნელი საცნობელია, რომ ძნელ წასაკითხი ქარაგმით არის დაწერილი, თუ ესე ითქმის, და არა სხვილი და სრული ასოებით, როგორც დამთავრებული კაცი“*.

პედაგოგის მეორე დანიშნულებას წარმოადგენს გამოარკვიოს ბავშვის ეს „საიდუმლოთა საიდუმლო“, ამოხსნას „ქარაგმით დაწერილი“ მისი შინაგანი სულიერი ვითარება, გრძნობა, აზრი, ნებისყოფა, ინტერესი, მეტყველება და სხვ. ამისათვის ილიას საჭიროდ მიაჩნია ჯერ ფართო პედაგოგიური, ფსიქოლოგიური, ბიოლოგიური და ისტორიულ-ლიტერატურული განათლება, შემდეგ კი ბავშვის უსაზღვრო და გულწრფელი სიყვარული, მასთან, მშობლიური დაახლოება და მეგობრობა.

„თუ წრთენა გინდა ბავშვისა, იგი შენ უნდა ჩაისო გულში დომან შენ“, აცხადებს ილია, და ეს ურთიერთ სიყვარული მასწავლებელსა და მოსწავლეს შორის აღზრდის აუცილებელ პირობად მიაჩნია. ასე მიუდგა სოლომონი აღზრდის ობიექტს და „ბავშვის პატარა გულმა მაშინვე იგრძნო მეგობარი“.

ბავშვს მოეწონა მასწავლებელი, მასწავლებელს ბავშვი, და ძნელი დასაწყისი სწავლა-წვრთენისა ერთ დღეს მომიხერხდა: მე და ბავშვი დავმეგობრდით, ბეწვის ხიდი გავიარე“*,—ამბობს სოლომონი.

საუცხოო მხატვრული შედარებაა; ბავშვთან დამეგობრება უეჭველად ბეწვის ხიდზე გაველა. მართლაც, თუ ბავშვთან დამეგობრება მისი აღზრდის აუცილებელი პირობაა, და ამასთან მეგობრობის დამყარება ან დაუმყარებლობა კი სწყვეტს საკითხს აღზრდელად ვარგისობის ან უვარგისობის შესახებ—მაშინ უდავოა, რომ ბავშვთან დამეგობრების ცდა იმდენად საფრთხილოა, რამდენადაც მისი დამყარებით მასწავლებლად ხდები და ბავშვის მომავალს ქმნი, ხოლო მის დაუმყარებლად კი ისპობა შენი პედაგოგობა, ისე როგორც ბეწვის ხიდზე გავლით სიცოცხლეს ინარჩუნებ, ხოლო მისი გაწყვეტით სავსებით ისპობი. ამიტომ, ილია ქავეკავადე ზემოთ მოყვანილი ლაკონიური ფრაზით ძალიან სხარტად და მკაფიოდ წყვეტს დიდ პედაგოგიურ პრობლემას,—ბავშვთან

* III, 240.

* III, 235.

დამეგობრების აუცილებლობას მისი რაციონალური აღზრდის მიზნით.

რამდენადაც პედაგოგი ბავშვის აღზრდის მთავარი შემოქმედი ძალაა, იმდენად მის დამსახურებას მიეწერება ბავშვის კარგი მომავალი ანუ კარგად აღზრდილი ბავშვი, და ვერ ასცდება პასუხისმგებლობას ბავშვის ცუდი მომავლისათვის ანუ ცუდად აღზრდილი ბავშვისათვის. საქართველოს ცნობილი პედაგოგის ნ. ზ. ცხვედაძისადმი მიძღვნილ საახალწლო მიგებებაში ილია ქავჭავაძეს „ბრძნობილი პედაგოგის“ პრინციპად მიაჩნია მასწავლებლის სასტიკი პასუხისმგებლობა ცუდად აღზრდილი ყრმის მიმართ:

„სწავლას ნურას დააბრალებთ, თუ ვერ იქმნა შვილი წვრთნილი, ცემა გმართებს აღმზრდელისა, რა ყრმა ნახოთ ავად ზრდილი“.

გადაჭარბებულად არ შეიძლება იქნეს მიჩნეული ცუდი პედაგოგის ასეთი გაკიცხვა. ეს კიდევ უფრო ადიდებს პედაგოგის პასუხისმგებლობას ბავშვების აღზრდის მიმართ და ავალებს გამუდმებით იზრუნოს საკუთარი თავის კვალიფიკაციის ამაღლებაზე.

სასკოლო აღზრდა-განათლების დარგში ილია ქავჭავაძე პედაგოგის როლს საზღვრავს საგანმანათლებლო და სააღმზრდელო ფუნქციით. პედაგოგის საგანმანათლებლო ფუნქცია მდგომარეობს იმაში, რომ მან უზრუნველყოს მოსწავლის აღკურვა პედაგოგიური განათლებით, ცოდნის იმ მარაგის მიცემით, რომლის შედეგადაც მოსწავლე ადვილად შესძლებს შენდგომ განვითარებას თვითგანათლების გზით. პედაგოგის აღმზრდელობითა ფუნქცია კი იმაში მდგომარეობს, რომ უზრუნველყოს მოსწავლის ზნეობრივი ზემოქმედება, აღამიანობა და ჰუმანური გრძობების გამომუშავება, პიროვნების ღირსებას დაცვა და პატივისცემა, ზრდილობა, მორიღება, თავმდაბლობა და სხვ. აღმზრდელობითი მუშაობის ხაზით ილია განსაკუთრებულ ყურადღებას აქცევს ზნეობრივ აღზრდას და მასწავლებლისადმი მიბაძვა მას ამ ნხრივ გადაწყვეტად მიაჩნია. ლაპარაკობს რა მოსწავლეთა ზნე-ხასიათის წარმატებაზე, ილია წერს, „ამ შენთხვევაში დიდი რამ არის ოსტატის მოხერხებულება, ყოფა-ქცევა, მაგალითი, სიფრთხილე, წინდახედულება“. იმის დასამტკიცებლად, თუ როგორი ძალისაა მასწავლებლის (ოსტატის) მაგალითი მოსწავლეთა ზნეობრივი აღზრდისა და გამოსწორებისათვის, ილიას მოაქვს შემდე-

გი ამონაწერი ერთი ავტორიდან (რომელსაც ილია არ ასახელებს) ახალგაზრდა მასწავლებელს, რომელიც პირველად შევიდა სკოლაში. გასაკვირის ახსნის დროს დასკირდა კლასის დაფაზედ წერა. როცა წერა დაიწყო, რა თქმა უნდა, ზურგშექცეული იქნებოდა და შეგირდებს ვერა ჰხედავდა. ამ დროს დაფას მოხვდა და ზედ დააჯდა დაღეპილი ჭალადი, რასაკვირველია, ერთ-ერთის შეგირდისაგან ნაპროლი. ოსტატმა უკან არც კი მოიხედა და განაგრძო წერა, მითომ-და საყურადღებო არა მოხდა რაო. როცა გაათავა წერა, მოუბრუნდა შეგირდებს და უთხრა: „მაწვილებო, დღეს ჩემი პირველი გასაკვეთია, პირველი ნაბიჯია ოსტატობის სარბიელზედ სამართალსა ვთხოვ თქვენს პატიოსნებას, თქვენს სინდისსა... იქნება თქვენის სიყვარულის ღირსი გამოვდგე-ჯერ გამოცანით, გამომცადეთ და მერე გამოიკითხეთ... მე არ მინდა შევიტყუო ვინ არის ამ უკადრისის ცელქობის მომქმედი. დაშინა-შაფის სახელი რომ შევიტყუო, — ვინ იცის, მგც კაცად გარ — იქნება გულში მისი ჯაგრი ჩავიყოლო და ჯაგრმა ცოტად თუ ბევრად იმაზე გული ამაყრევინოს“.

როცა ოსტატმა გაათავა ლაპარაკი, შეგირდებში ჩუმი ჩოჩოლი ასტყდა... ბოლოს წამოდგა ფეხზედ ერთი მათგანი და უთხრა ოსტატს: „ნება მომეცით მე. მოვითხოვო თქვენთან ბოდში ყველას მაგიერ: ყველა ჩემი ამხანაგები გთხოვენ გვაპატიოთ ეგ მეტად ცუდი საქციელი ერთის ჩვენგანისა“*.

თავის მხრივ ილია ქავეკავადე მასწავლებლის აღნიშნულ საქციელს შემდეგ სამართლიან, შენიშვნას უკეთებს: „ერთი ასეთი ქვევანური, გულთბილი საქციელი ოსტატისა უფრო ძლიერ მოქმედებს ბავშვის გაადამიანებაზედ, ვიდრე სამისა და ოთხის წლის ზეპირება გრამატიკასა თუ სხვა რისამე ამისთანისა“**.

ილია განსაკუთრებითა ჩერდება სოფლის მასწავლებლებზე. მათ ილიას აზრით, ბავშვების აღზრდა-განათლებლისა და სკოლის პატრონობის გარდა, ევალებათ სოფლის ღარიბთა შორის კულტურული მუშაობის წარმოება: წერა-კითხვის გავრცელება, პოპულარული საუბრებისა და ლექციების მოწყობა მეურნეობისა და კულტურის თემებზე, ბრძოლა ძველი და უარყოფითი ხალხური ტრადიციებისა და ჩვეულებების წინააღმდეგ, ბრძოლა ცრუ-მორწმუნეობასთან და სხვ. ასეთ მისიას სოფლის მასწავლებელი ასრულებს „ბევრჯერ მშიერი, ბევრჯერ მწყურვალი, ბევრჯერ სიცივეში, ზოგჯერ რიგინი სადგურიც არა აქვს, რომ ავდარს მაინც გადაურჩეს გაულა-

* VIII, 319—320.

** იქვე, 321.

ბევლად...^{*} ასეთ პირობებში ზუღეობდათ მუშაობა ჩვენს მსწავლებლებს ძველ დროში. ილიას დაკვირვებულ თვალს არ გამოჰპარვო მათი ასეთი მძიმე მატერიალური მდგომარეობა და ყოველთვის იბრძოდა საზოგადოებრივი აზრის მობილიზაციისათვის მათი მდგომარეობის შესამსუბუქებლად. კერძოდ, ის მოითხოვდა, რომ თვით საზოგადოება და საზოგადოებრივი ორგანიზაციები დახმარებოდნენ მასწავლებლებს. ილია აღნიშნავს, რომ მის დროს სოფელში მასწავლებლობა დიდ მსხვერპლსა და თავგანწირვას მოიწოდებდა:

„კაცმა რომ სამართლიანად გასინჯოს ეს ყოვლად უნუგეშო მდგომარეობა სოფლის მასწავლებლისა, — წერდა ილია 1886 წელს, დააკვირდეს მის დაუღალავ ღვაწლს ყოველც დღისას, არ შეუძლიან იმ აზრზე არ დადგეს, რომ სოფლის მასწავლებლობა სწორედ თავის გაწირვაა, მსხვერპლია, ადამიანის უმადურობით უფრო გამწარებული, უფრო გამწევებული“^{**}.

მიუხედავად ილია ჰავკავაძის ენერგიული ბრძოლისა სახალხო მასწავლებელთა მდგომარეობის გასაუმჯობესებლად, რევოლუციამდე რუსეთის მთავრობას მათი ბედი ნაკლებად აინტერესებდა. სახალხო მასწავლებელი რჩებოდა ეკონომიურად დატაკი და პოლიტიკურად უფლებადაკრძობილი.

ჩვენ ვნახეთ ძველი სკოლის დაუნდობელი კრიტიკა ილიას მიერ და მასთან ძველი მასწავლებელისაც. წინა თავებში გაცნობილი ძველი საზოგადოების წარმომადგენელი, როგორც ძველი გარეუბოებისა და აღზრდის პროდუქტები, უეჭველია, ძველი მასწავლებლის „შემოქმედების“ პროდუქტებიც არიან. ილია გვიხატავს რუსეთის ბიუროკრატიული სკოლის „ჩინოვნიკ“ მასწავლებელთა ეკოცხალ სერიას: სწავლების დოგმატიკებს, „მასწავლებლებს“; რომლებიც ამახინჯებენ ბავშვის სულსა და ხორცს, რომლებსაც არა აქვთ ჯეროვანი განათლება, არ იციან სწავლების მეთოდები, მოწყვეტილი არიან საზოგადოების პროგრესულ ძალებს, ბრმად ემორჩილებიან მონარქიული რეჟიმის საგანმანათლებლო და ყოველგვარ სხვა პოლიტიკას, სდევნიან პატარა ერების კულტურას და ენას, სთიშავენ სკოლას ოჯახისაგან, მისდევენ მოსწავლეთა ცემა-ტყეპას, გინიბას, შეურაცხყოფას.

* VIII, 321.

** XI, 234.

ძველი, უდიერი და უმეცარი, მასწავლებლის სახის ჩვენებით არ დაკმაყოფილდა ილია ქავკავაძე. მისი გამანადგურებელი კრიტიკის პარალელურად ილიამ მოგვცა, თუმცა დაუსრულებელი, მაგრამ მაინც გარკვეული სახე ახალი მასწავლებლისა. ესაა სოლომონი — „უცნაური ამბავის“ მთავარი მოქმედი ფიგურა, რომელსაც ჩვენ უკვე ვიცნობთ. ილიას მიხედვით, მასწავლებლის იდეალი, როგორც ვნახეთ, იყო ყოველმხრივ განვითარებული სახალხო მოღვაწე, მაღალი პედაგოგიური განათლების მქონე, ბავშვის კარგად მცოდნე და მოყვარული, თავის საქმეზე პასუხისმგებელი, მატერიალურად უზრუნველყოფილი და პოლიტიკურად უფლებამოსილი.

7. დიდაქტიკური მოსაზრებანი

სწავლების ზოგად პრინციპულ საფუძვლებსა და მეთოდურ საკითხებს ილია ქავკავაძე ეხებოდა უფრო სპორადულად, ვიდრე სისტემატურად. თავისი დიდაქტიკური მოსაზრებანი მას გამოთქმული აქვს აღზრდა-განათლების საერთო საკითხებთან დაკავშირებით და უმთავრესად პოლემიკურ ფორმებში. დიდაქტიკური და მეთოდური პრობლემები ილია ქავკავაძეს სპეციალურად არ დაუმუშავებია, მაგრამ მის პედაგოგიურ თხზულებებში ჩვენ გვხვდება შემდეგი ხასიათის მოსაზრებანი: აღზრდის მიზნებისა და სწავლების ამოცანების ერთიანობა, მეცნიერულ დისციპლინათა სწავლების მეთოდების დაკავშირება ბავშვის ასაკთან და მისი განვითარების დონესთან, მეთოდების სხვადასხვაობა შესასწავლი დისციპლინების სპეციფიკურობის მიხედვით, თვალსაჩინოების წაბყვანი მნიშვნელობა სწავლების პროცესში, მოწაფის აქტიურობის, ინიციატივისა და თვითმოქმედების უზრუნველყოფა სწავლების დროს, სწავლებისა და პრაქტიკული შრომის კავშირი.

სწავლების კოლექტიური ფორმების გამოყენების დროს ილია არ ივიწყებს ბავშვის ინდივიდუალ თვისებათა გათვალისწინების აუცილებლობას. რამდენადაც სასკოლო ჯგუფის ბავშვებს ბევრი რამ საერთო აქვთ თავისი ასაკობრივი მდგომარეობით, ცოდნის მარაგით, ყოფა-ქცევით, ზნე-ხასიათით, — იმდენად საჭიროა და აუცილებელი მათი კოლექტიური სწავლება საზოგადოებრივ-კოლექტიური აღზრდის მიზნით, მაგრამ ამავე დროს, რამდენადაც ბავშვთა ჯგუფში არ შეიძლება ყველას ჰქონდეს ზუსტად ერთგვარი ასაკი, ცოდნის ერთგვარი მარაგი, ერთნაირი ოჯახური წრის წევრად, ერთი და იგივე ყოფა-ქცევა და ზნე-ხასიათი, იმდენად საჭიროა

და აუცილებელი მათი სწავლა-განათლება დიფერენცირებულ იქნეს ცალკეულ ბავშვთა ინდივიდურ თვისებათა მიხედვით; ამას გარდა, ილია ჭავჭავაძე ბავშვისადმი ინდივიდუური მიდგომისა და სპეციფიკური ზეგავლენის საკითხებს ასაბუთებს აგრეთვე იმ განსხვავებული წარმატებისა და სწავლის ტემპის მიხედვით, რომელსაც შეუძლია იჩენდეს ერთი ბავშვი მეორესთან შედარებით.

ილია ჭავჭავაძე არ ყოფილა ინდივიდუური აღზრდის მომხრე. ის ბავშვისადმი ინდივიდურ მიდგომასა და მასზე ინდივიდურ ზეგავლენას მოითხოვდა საზოგადოებრივი აღზრდის მიზნით და ამიტომ ეს ინდივიდუური მიდგომა და ზეგავლენა მხოლოდ აღზრდის ფორმად ან მეთოდად მიიჩნდა. პატარა პატიკოს ცალკე ზრდის მისი მასწავლებელი სოლომონი („უცნაური ამბავი“), ისე როგორც გაბრო სხვა შეგირდებიდან ცალკე გამოჰყო მისმა მასწავლებელმა მღვდელმა, ვინაიდან გაბრო სწავლის პროცესში შევარდენივით ჩქარი იყო, მეტს მუშაობდა, მეტ წარმატებას იჩენდა და მეტის გაკეთებაც შეეძლო („გლახის ნამბობი“), მაგრამ ორივე შემთხვევაში ამ ცალკე ინდივიდურ მიდგომას და სწავლების ფორმას საზოგადოებრივ-კოლექტიური აღზრდის მიზანი უდევს საფუძვლად.

სასკოლო განათლების დარგში გადამწყვეტ მნიშვნელობას ზასწავლებლის შემდეგ ილია აკუთვნებდა სასწავლო გეგმებს და პროგრამებს. სასწავლო გეგმები საზღვრავენ იმ დისციპლინებს, რომლებიც მოწაფეებმა უნდა შეისწავლონ თავისი მეცნიერული განვითარებისათვის, ხოლო პროგრამები კი არაკვევენ ამ დისციპლინათა შინაარსს და მოცულობას სათანადო სასკოლო კლასის ბავშვთათვის. ჩვენ ვიცით, რომ ახალგაზრდობის მეცნიერული განათლების ძირითადი ორგანო არის სკოლა, ხოლო მათი მეცნიერული განათლება დამოკიდებულია დისციპლინების შესწავლაზე, დისციპლინების შინაარსს კი პროგრამები განსაზღვრავენ. აქედან ნათელია სასკოლო პროგრამების განუზომელი მნიშვნელობა ახალგაზრდობის სწავლა-განათლების საქმეში.

ილია ჭავჭავაძე სწორედ ასე აყენებს საკითხს. სკოლას მხოლოდ იმდენად შეუძლია მოუტანოს ხალხს სიკეთე, რამდენადაც მას მეცნიერულად გამართული პროგრამები მოეპოვება ყველა დისციპლინაში. წინააღმდეგ შემთხვევაში სკოლა ვნების მეტს არაფერს მოიტანს; ილია წერს:

„სკოლა, სასწავლებელი, ორპირი ხმალია. ვნების მოტანაც შეუძლიან და დიდის სიკეთისაც, ე გ ი მ ა ზ ე ა და მ რ კ ი დ ე ბ უ ლ ი, თ უ რ ო გ ო რ ა რ ე ს მ ო წ ყ ო ბ ი ლ ი და ა გ ე ბ უ ლ ი პ რ ო გ რ ა მ ა ს წ ა ვ ლ ე ბ ი ს ა“*.

სასწავლო პროგრამები, ილიას აზრით, მეცნიერული დისციპლინის შინაარსისა და მოცულობის გარკვევის გარდა, უნდა აკმაყოფილებდნენ პედაგოგიკურ მოთხოვნილებებს, უნდა შეეფერებოდნენ ბავშვის განათლების დონეს და შესაძლებლობას, უნდა ითვალისწინებდნენ იმ ადგილობრივ საზოგადოებრივ და სასკოლო პირობებს, რომლებშიც ბავშვს უხდება სასწავლო მუშაობა. უამინოდ პროგრამა ვერ შეასრულებს თავის დანიშნულებას და სასწავლებელი კი თავის მიზანს, სასწავლებლებში მოწაფეთა რიცხვის შემცირების ერთ მთავარ მიზეზად ილიას მიაჩნია სწორედ პროგრამების უვარჯისობა, „უთავბოლოება და უმსგავსოება“.

„იმიტომ, რომ ის პროგრამები არ შეესაბამება არც პედაგოგიურს მოთხოვნილებას, არც აქაურს ვითარებას, და არც ბავშვის პალღონეზედ არის დაფუძნებული“**.

ილია კავკაზაძე ხშირად მიმართავს კ ო მ ე ნ ს კ ი ს და პ ე ს ტ ა ლ ო ც ი ს თავის პედაგოგიკურ-დიდაქტიკურ მოსაზრებათა დასაბუთებისათვის და მშვენიერად იყენებს მათ. ილიას „პედაგოგის ძირეულ კანონად“ მიაჩნია შემდეგი დიდაქტიკური დებულება:

„ა ხ ა ლ ი ძ ე ვ ე ლ ი ს შ ე მ წ ყ ო ბ ი თ უ ნ და ი ს წ ა ვ ლ ე ბ ო დ ე ს, შ ო რ ე უ ლ ი მ ა ხ ლ ო ბ ლ ი თ, უ ც ნ ო ბ ი ც ნ ო ბ ი ლ ი თ“***.

ამ დებულებებს ილია განსაკუთრებით იყენებს დაწყებითს სკოლებში ქართული ენის უფლების დაცვისა და რუსული ენის სწავლების უფროს კლასებში (მე-3—4) გადატანის დასაბუთების დროს. ახალის შესწავლა ძველის შეაწეობით მხოლოდ მშობლიური ენის საფუძველზე შეიძლება, შორეული და უცნობი ახლობლად და ცნობილად მხოლოდ მშობლიური ენის საშუალებით შეიძლება გადაიქცეს. რუსული ენის შესწავლა უნდა დაიწყოს, ილიას აზრით, მხოლოდ მაშინ, როცა მას, როგორც ახალს, გამაგრებული ექნება ძველი საფუძველი, ე. ი. მშობლიური ენა; ის გადაიქცევა მანლობლად

* VI, 156.

** იქვე, 145.

*** VII, 224.

და ცნობილად იმავე მშობლიური ენის შეიწყოებით. სხვა-საგნების სწავლების დროსაც, რასაკვირველია, იგივე დებულებები უნდა იქნან გამოყენებული. ილიას კემმარიტ პედაგოგიურ პრინციპად მიაჩნია. მისივე თქმით, პედაგოგიაში „გამოჩენილი და განთქმული კაცის“ აქვს ტალღის შემდეგი დებულება:

„ბავშვის სულიერი ძალნი შორეულზედ, უცხოზედ არ უნდა აგარჯიშონო, ვიდრე ძირი არ გაჰმაგრებიათ და არ გაუარჯიშებულან იმაზედ ჭარჯიშითა, რაც ბავშვის ღვიძლი და თავისიანიაო“².

აღსანიშნავია, რომ ქართული სალიტერატურო ენის და მართლწერის გარდაქმნის აუცილებლობას ილია ასაბუთებდა არა მარტო ენის განვითარების ინტერესებით, არამედ მათი აღვილად სწავლების თვალსაზრისითაც. ბარბარე ჯორჯაძის წინააღმდეგ ბრძოლა ქართული ანბანიდან ძველი ასოების (ჟ, ც, კ, ჳ, ძ, ზ) ამოღებისათვის, ილიას იმიტონაც მიაჩნდა საჭიროდ, რომ

„ეგ მოაშორებდა ახალ მოსწავლეს რამდენიმე უსარგებლო ასოს აწავლასა და მწერალსაც გაუადვილებდა წერასა“³.

სწავლის მეთოდებზე წერისა და ლაპარაკის დროს ილიას ყოველთვის მხედველობაში ჰქონდა მათი კავშირი საგნის შესწავლის მიზნებთან და სწავლებისა და სწავლის პირობებთან. მეთოდი, მისი აზრით, ბავშვს უნდა აძლევდეს თვალსაჩინო წარმოდგენას შესაწავლ თემაზე, ის უნდა იწვევდეს მოწათის აქტივობას და თვითმოქმედებას. აღორძინების ხანის პედაგოგიის მიმოხილვის დროს („პედაგოგიის საფუძვლები“) და სხვა არა სპეციალურ-პედაგოგიურ წერილებში ილია მკვეთრად იბრძვის ძველი ფორმალისტურ-დოგმატური და ზეპირ-სიტყვიერი მეთოდების წინააღმდეგ და მოიხიავს სწავლების ისეთი მეთოდების დამკვიდრებას, რომლებიც უზრუნველყოფენ მოწათების მიერ მეცნიერებათა ნორმალურად შესწავლას, წიგნისა და ცხოვრების მტკიცე კავშირის დამყარებას, მოწათეთა აქტივობასა და თვითმოქმედებას.

8. სარგებო აღზრდა და თვითგანათლება

ბავშვის პირველი აღმზრდელი მშობელია, ხოლო პირველი აღმზრდელობითი ზეგავლენის წრე კი—ოჯახი. ილია კავკავაძის დროს რუსეთსა და საქართველოში სკოლამდელი აღზრდის დაწესებულებ-

² იქვე, 217.

³ IV, 45.

ბები ძალიან იშვიათად მოიპოვებოდა; ამიტომ ოჯახი იყო თითქმის ერთადერთი უჯრედი სკოლამდელი აღზრდისა, ხოლო მშობელი კი თითქმის ერთადერთი აღმზრდელი სკოლამდელი ასაკის ბავშვისა. ამასთან, თუ გავითვალისწინებთ, რა მნიშვნელობა აქვს სკოლამდელი ასაკის პერიოდში ბავშვის სწორ მეცნიერულ აღზრდას მთელი მისი შემდგომი განვითარებისათვის — ჩვენთვის ნათელი გახდება, თუ რატომ აქცევდა ილია ესოდენ ფიცხელ ყურადღებას საოჯახო აღზრდას და მშობლის აღმზრდელობის როლს.

ილია ქვეყნადეს არაერთხელ აღუნიშნავს, რომ აღზრდა-განათლების საქმე ჩვენ ძირიდან უნდა გარდავქნათ, ხოლო ეს ძირი კი არის ოჯახი და მშობელი. თუ ჩვენ გვსურს ბავშვის აღზრდის გარდაქმნა—უნდა დავიწყოთ ოჯახის გარდაქმნით. ამის საშუალება—განათლებაა. კარგად განათლებული ოჯახი და მშობელი ბავშვის აღზრდას მეცნიერულ-პედაგოგიურ საფუძველზე დაამკვიდრებს და საუკეთესო მომავალსაც მიიღებს, გაუნათლებელი ოჯახი და მშობელი კი ამას მოკლებულია. ოჯახის გარდაქმნისათვის საჭიროა მის წევრთა თანამშრომლობა საერთო შრომის ნიადაგზე. ილიას საჭიროდ მიაჩნია ოჯახის განმტკიცება ახალ საფუძველზე, ცხოვრების ახალ მოთხოვნილებათა მიხედვით, და არა მისი უარყოფა და მოსპობა, როგორც მოითხოვდნენ „უარყოფელობის“ ნილილისტური სენით შეპყრობილი ივ. გომართელი და არჩილ ჯორჯაძე. ილია თავის მახვილი პოლემიკური ტონით და გამანადგურებელი ცინიზმით აბათილებს „გომართლის ფილოსოფიას და არჩილ ჯორჯაძის ფსიქოლოგიას“ ოჯახის პროგრესული როლის უარყოფისა და მავნე დაწესებულებად გამოცხადების გამო. ილია ფიქრობს, რომ ოჯახის, როგორც კოლექტივის, გარდაქმნა ჩვენ უნდა დავიწყოთ მის ცალკეულ წევრთა გარდაქმნით; წინააღმდეგ შემთხვევაში გამოუვალ, ჯადოსნურ, წრესთან გვექნებოდა საქმე: გაუნათლებელი ოჯახი გაუნათლებელ შვილებს ზრდის, გაუნათლებელი შვილები — გაუნათლებელ ოჯახს ქმნიან და ასე დაუსრულებლად. ეს გარდაქმნა უნდა დავიწყოთ ოჯახის უფროს წევრთა ანუ მშობლების შეგნებაში მათი შვილის კარგად აღზრდის მოვალეობის შეტანითა და განმტკიცებით.

„საჭიროა ვიცოდეთ,—წერს ილია,—რომ შვილის გაზრდა, შვილის კაცად განოყვანა უწმინდესი და უდიდესი ვალია მშობლებსა და... გაზრდა-შვილისა ისეთი

მოვალეობაა, რომ სხვა ყველაფერი ამას უნდა შეეწიროთ, ამას უნდა შევალეთ, სხვაგან და სხვაში უნდა დავიკლოთ და ყოველივე ნაწევ-ნაღბი, ყოველივე ამაგი და უფროს-ერთი დრო ამას უნდა შევახმაროთ**.

შემდეგ ილია აღნიშნავს, რომ ამისათვის მარტო სურვილი არ არის საკმარისი, საჭიროა ხარჯები. როცა რაიმე აუცილებელ-ნივთიერი მოთხოვნილება დაგვებადება,—უცბად ვშოულობთ სათანადო სახსრებს მის დასაკმაყოფილებლად; ხოლო შეიღის აღზრდაზე არ ვზრუნავთ „მაშ თან ხომ არ გადაეყვებითო მაგ ხარჯსა და მოვალეობას, როცა ჩვენ თვითონაც არა გვაბადია-რაო. სწორედ-თან უნდა გადაჰყვეს იგი, ვისაც წმინდა მოვალეობა დედ-მამობისა ზურგზედ აჰკიდა ბედმა და წუთისოფელმა. ტანთ მოიკელ, ფეხთ-მოიკელ, მშიერ-მწყურვალი იარე და ნუ ჩასდგები-კი ჯერ შეიღისა-და მერე ქვეყნის ცოდვაში,—აი რა უნდა ეწეროს გულის ფიცარზედ იმ წმინდა საქმეს, რომელსაც მამა-შვილობას ეძახიან“**.

ასე კატეგორიულად აყენებს საკითხს ილია ქვეყანაძე და მო-უწოდებს ყველა მშობელს თავის პირდაპირი და წმინდა საზოგადოე-ბრივი მოვალეობისაკენ. „ამ მოვალეობის განხორციელებით გარ-დაიქმნება ოჯახი და გაუმჯობესდება აღზრდაც, ვინაიდან კარგად-მეცნიერულად, აღზრდილი შვილები განათლებულ ოჯახს შექმნიან, განათლებული ოჯახი კი მეცნიერულ აღზრდას აწარმოებს და ა. შ.

ოჯახმა რომ ბავშვის წესიერი, მეცნიერული აღზრდა შესძლოს, საჭიროა მას მკიდრო კავშირი ჰქონდეს სკოლასთან და სკოლის მასწავლებლებთან. ამით ოჯახი ისწავლის: პედაგოგიკის საფუ-ძვლებს, სწავლების მეთოდებს, ბავშვზე სწორი ზეგავლენის ფორ-მებს. გაეცნობა იმ პედაგოგიურ პრაქტიკას, რომელიც დაგროვილი აქვს სხვა ოჯახებს და აღმზრდელობიან დაწესებულებებს და ისწა-ვლის აგრეთვე საკუთარი აღმზრდელობითის გამოცდილების განზო-გადობას და მისგან სათანადო წესების გამოყენებას. ილია ქვეყანა-ძემ იცის, რომ ჩვენში ბევრ ოჯახს ჯერ კიდევ არ აქვს შეგნებულო-ეს აუცილებლობა და ამიტომ თვით სკოლამ და პედაგოგებმა უნდა იკისრონ ოჯახთან მუდმივი კავშირის დაკერის ინიციატივა. ილია-დიდ უკმაყოფილებას გამოსთქვამს იმის გამო, რომ ეს დიდი

* VII, 262.

** იქვე.

ქვემარტება საესებით ბათილდება „ჩვენებური პედაგოგების
-ელში, რომლებიც, დღეს-აქამომდე ესე წინდაუხედავად ე უ რ ჩ ე-
ბ რ ი ა ნ ყოველს იმას, რაც კი სკოლისა და ოჯახ-
ბის კავშირის დამკვიდრებას შეეღის“*.

ოჯახისა და სკოლის კავშირს მაშინ აქვს ერთმანეთისათვის
დადებითი მნიშვნელობა. როდესაც ორივე მოკავშირე მხარე სა-
თანადო განათლებისა და მეცნიერული ცოდნის სიმალლეზე დგას.
მაგრამ როდესაც ერთი მათგანი, მაგალითად, ოჯახი, ვერ დგას
სთანადო განათლების სიმალლეზე, სკოლას მაშინაც შეუძლია ეს
კავშირი დადებითად გამოიყენოს არა მარტო ოჯახისათვის, არა-
მედ თავისთავისათვისაც იმით, რომ ოჯახთან კავშირს, შეაქვს რა
ცულტურა გაუნათლებელ ოჯახში, ავითარებს მის წევრებს; მათ
პორის ბავშვებსაც, და ამით სკოლა იმზადებს თავისთვის უფრო
სკოლნე და სწავლის მოყვარულ კონტინენტს.

გაუნათლებელ, ჩამორჩენილ ოჯახს, რასაკვირველია, მხოლოდ
უარყოფითი ზეგავლენა შეუძლია ჰქონდეს ბავშვის აღზრდაზე,
მის შერმისზე. ამის მაგალითი ჩვენ უკვე მოგვცა ილიამ კოლას
ციპის გამოვლინებით, რომელიც თავისი უარყოფითი, არაადა-
მიანური თვისებებით მარტო საზოგადოებისა და სკოლის პრო-
დუქტს კი არ წარმოადგენს, არამედ ოჯახისაც. მოვიგონოთ
ილიას სიტყვები გადაგვარებულ კოლას შესახებ: „ვინ იცის
ჩვენ რ მკითხველო, რა კაცია გამოსულ იყო ოგონ-
სხვა საზოგადოებაში და სხვა-რიგ შინაურ გაზრდა-
ში“. ისევე იღუპება „ყოველი ქართველის შვილი, რომელიც
შინავე, ღმრთის კალთაში მიიღებს ხოლომე თე-
სლსა მომავალი წარხდენისას და თავის უბედურებისას“**.

ამ მოსაზრებათა საფუძველზე ილია ქვეკავაძე ახალგაზრდობის
აღზრდის ინტერესების მიზნითვე მოითხოვს ოჯახის, როგორც
„ყმაწვილთა აღზრდის პირველი ძირის“, გარდაქმნას მისი განა-
თლებისა და პედაგოგიზაციის საშუალებით.

ილია ქვეკავაძეს მხედველობიდან არ გამოპარვია აგრეთვე
ოჯახის მოვალეობა „შუკანონოთ შობილთა უფლების“ დაცვისა და
მათ ნორმალურ და წესიერ აღზრდაზე ზრუნვის საქმეში. მას დიდ
უსამართლობად და საზოგადოებრივ უკუღმართობად მიაჩნდა,

რომ მისი დროის რუსეთსა და საქართველოში ე. წ. უკანონოდ დაბადებული ბავშვები მოკლებული იყვნენ „კანონიერად“ დაბადებულ მოქალაქეთა უფლებასა და წესიერ აღზრდა-განათლებას. ილია კატეგორიულად ილაშქრებდა ამ წესის წინააღმდეგ; ის მოითხოვდა ბავშვი განთავისუფლებულიყო მშობელთა დანაშაულზე პასუხისგებისაგან, თუ მისი „უკანონოდ“, ე. ი. ქორწინების გარეშე გაჩენა, დანაშაულად ჩაითვლებოდა. „თუ დედ-მამის მოქმედება ამ შემთხვევაში, კ ა ნ ო ნ ი ს და ს ა ზ ო გ ა დ ო ე ბ ი ს თ ე ლ ი თ საზღაური დანაშაული და ცოდვია, შვილი მათი რათ უნდა დაისაჯოს მათის ცოდვისა და დანაშაულობის გამო?“*. იმის მაგივრად, რომ მშობლებს ქორწინების გარეშე გაჩენილი შვილი დაბადება ისევე გაეხარდეს, როგორც ქორწინებით გაჩენილისა ისინი ხშირად წყევლა-კრულვით იხსენიებენ მას „და საცოდავს. უმწეოსა და უცოდველს ახალ-შობილს პაწაწას ხშირად ან ადრე და მალე გამოასალმებენ ხოლმე ამ შეუბრალებელს წუთისოდველს“*.

ილიას ყოველივე ასეთი უკულმართობა მიაჩნია „ქუა-გონების“ თვალთა მოკლედ ხედვის“ შედეგად და, უპირველეს ყოვლისა; ოჯახის მოვალეობად სთვლის შეიგნოს თავისი უდიდესი ბუნებრივი მოვალეობა პატარა, უმწეო ბავშვების წინაშე, უკუაგდოს ყოველგვარი ცრუ და ყალბი რწმენა ბავშვის „უკანონობის“ შესახებ. მოეპყრას ასეთ ბავშვს როგორც პატარა ადამიანს, გამოიჩინოს ჰუმანური გრძნობა მის წინაშე და მისცეს მას ჩვეულობრივი, წესიერი აღზრდა და სწავლა-განათლება.

1898 წელს ილია ქაეკავაძე დიდი კმაყოფილებით შეხვდა კანონპროექტს „უკანონოდ“ შობილთათვის სათანადო იურიდიულ უფლებათა მინიკების შესახებ, კერძოდ მათი აღზრდისათვის მშობელთა მოვალეობის განსაზღვრის შესახებ და იმედს გამოთქვამდა, რომ ქორწინების გარეშე გაჩენილი შვილების უფლებათა შეზღუდვა „ოდესმე თავის დროსა და ეამს მოსკანს და მარტო ისტორიაში-ღა თუ დარჩება კაცობრიობის არა-სასახელო სახსოვრად“..., მანამდე კი ასეთ შვილთა აღზრდას ოჯახისა და მშობლის უწმინდეს მოვალეობად სთვლიდა.

საოჯახო აღზრდასა და შინაურ განათლებასთან დაკავშირებით ილია ქაეკავაძე აყენებს აგრეთვე თ ვ ი თ გ ა ნ ა თ ლ ე ბ ი ს ს ა...

* VIII, 296.

კითხს. როგორც ვნახეთ, იგი სრულიად სამართლიანად აღნიშნავდა, რომ მეცნიერება და სწავლა-განათლება ყველასათვის ხელმისაწვდომი არ არის, რომ თვით მთავრობა ცდილობდა სკოლა და განათლება მხოლოდ დიდუკაობისა და წარჩინებულ წოდებათა მონოპოლიად გადაექცია.

ბაშ, როგორ მივაწოდოთ ხალხს აუცილებელი სწავლა-განათლება. თუ კი მეცნიერება უმცირესობის და „რჩეულთა“ მონოპოლიას წარმოადგენს? სკოლათა ქსელის გაფართოებისა და მეცნიერებაზე წოდებრივ - ქონებრივი პრივილეგიის მოსპობისათვის ბრძოლის გარდა, ილია ჭავჭავაძე საპიროდ სთვლის გამოინახოს „ისეთი ღონისძიებაც, ისეთი საშუალებაც, რომელმაც იმისთანა თვისება უნდა ექონიოს, რომ ყველგან მისწვდეს, გამოფინოს საქვეყნოდ კაცს. ჭკუის ძვირფასი მარგალიტები საყოველთაო მოსახმარებლად, რომ მრავალთათვის მისაწვდომი გახდეს ის, რაც დასაკუთრებული აქვს ცოტასა“*.

ერთ ასეთ, სკოლისგარეშე განათლების ღონისძიებად და საშუალებად ილია სთვლის ბ ე კ დ ვ ი თ ი ს ი ტ ყ ვ ა ს, ლიტერატურას, განსაკუთრებით კი ისეთ ლიტერატურას, რომელიც „ადვილად უნდა ასრულებდეს ზემოთ თქმულს შუამავლობასა მეცნიერებასა და ცხოვრებას შორის“ — ასეთად ილიას მიაჩნია პოპულარული ლიტერატურა.

მეორე საშუალება — თ ვ ი თ გ ა ნ ა თ ლ ე ბ ა ა. ადამიანის თვითგანათლება ილიას მიაჩნდა განათლების მეტად აქტუალურ და მნიშვნელოვან ფორმად. თვითგანათლების საშუალებით ადამიანს შეუძლია მიაღწიოს განათლების მწვერვალებს, შეუძლია დაეუფლოს ყოველგვარი მეცნიერების საფუძვლებს და საზოგადოების გამოსადეგ პიროვნებად გადაიქცეს.

თვითგანათლება, მართალია, გარდაუვალი აუცილებლობაა სკოლისგარეშე დარჩენილი ახალგაზრდობის განათლებისათვის, მაგრამ ის საპირობა აგრეთვე ყოველნაირი ტიპის, საშუალო თუ უმაღლესი, სკოლის კურსდამთავრებულთათვისაც: „ღღეს ყველასათვის ცნადად დანახულია, წერს ილია, რომ ვერც ერთი სკოლა, თუნდაც უნივერსიტეტი, იმოდენა სავსებით ცოდნას ვერ იძლევა, რომ კაცი მართლა მეცნიერი და სწავლული იყოს, ამ

* IV, 75.

სწავლა - ცოდნაზე შეყენებული და გაჩერებული... ჩვენ ისეთი კაცი არ გვახსოვს, რომ უნივერსიტეტიდან თუ სხვა სკოლიდან გამოსვლის უმაღლესი ეჩინოს მეცნიერებასა და სწავლა-ცოდნაში. ვისაც თავი უჩენია, იმას სკოლის, უნივერსიტეტის შემდეგ უშრომია... ვიმეორებთ, თუ დღეს მეცნიერნი და სწავლულნი არიან, მარტო იმით, რომ სკოლისა და უნივერსიტეტის შემდეგ თითონ თავით თვისით შეუძენიათ სწავლა და ცოდნა**.

ამგვარად, ილია ქაეჯავაძე დამაჯერებლად ასაბუთებს სკოლის-შემდგომი და სკოლისგარეშე განათლების აუცილებლობას, რომლის ძირითად ფორმას სწორედ თვით განათლება წარმოადგენს.

ილია ქაეჯავაძის პედაგოგიკური იდეების მეცნიერული შესწავლა და მწყობრი დალაგება მეტად სერიოზულ ამოცანას წარმოადგენს როგორც ქართული პედაგოგიკის ისტორიის შენების მიზნით, ისე თვით ილიას ყოველმხრივი შესწავლისა და ღირსეული დაფასების თვალსაზრისით. ამასთან, ილიას მდიდარ პედაგოგიკურ მემკვიდრეობაში ბევრი „რაციონალური მარცვალი“ მოიპოვება, რომელსაც წარმატებით გამოიყენებს ჩვენი თანამედროვე, საბჭოთა სკოლა.

* * *

XIX საუკუნის 60-იან წლებში აღმოცენებული ქართული პედაგოგიკური აზროვნება შემდგომ პერიოდში გაიშალა და განმტკიცდა როგორც მეცნიერული ცოდნის სისტემა. მის ყველაზე უფრო ავალსაჩინო მიღწევას წარმოადგენდა ისეთი პრობლემების დასმა, როგორიცაა: ბავშვის ფსიქიური ბუნების შესწავლისა და კვლევის აუცილებლობა, მისი მეცნიერული აღზრდა-განათლებისათვის; საზოგადოებრივი აღზრდის განპირობება სოციალური გარემოთი და ყოფა-ცხოვრებით; მასწავლებლის თვისებები და მისი პროფესიის უმაღლესი საფეხურები. ამავე პერიოდის ქართულ პედაგოგიკაში დაისვა აგრეთვე დიდაქტიკის სპეციალური საკითხებიც და უფრო მაღალ საფეხურზე იქნა აყვანილი იმ პრობლემათა კვლევა, რომელნიც XIX საუკუნის ბოლო ნახევრის მონაპოვარს წარმოადგენდნენ.

მართალია, XIX საუკ. 60-ანი წლების ქართული პედაგოგია საგრძნობლად ჩამორჩებოდა თავისი დროის საზოგადოებრივ-პოლიტიკური ცხოვრების ახალ ამოცანებს, მაგრამ ამ პერიოდიდან მისი განვითარება მტკიცედ წარიმართა ქართველი ხალხის ნაციონალურ-განმათავისუფლებელი მოძრაობის გზით, რაც ამდიდრებდა მას. შინაარსით და ამხეილებდა მის საზოგადოებრივ დანიშნულებას.

ჩვენ აქ ვცადეთ ნათელყოფა იმისა, რომ XIX საუკუნის 60-ანი წლების ახალი ქართული პედაგოგია ყველაზე უფრო მთლიანი სახით ილია ჭავჭავაძის პედაგოგიკურ იდეებში გამოიხატა, მაგრამ მისი შემდგომი განვითარება და, პირველ ყოვლისა, მისი სრულყოფა დიდაქტიკით ანუ სწავლების თეორიით დაკავშირებული იყო იაკობ გოგებაშვილის სახელთან, რომლის პედაგოგიკური იდეებიც განხილული გვექნება ამ ნაშრომის მესამე წიგნში.

ბატონიშვილი იულიონ 177
 ბატონიშვილი ბაგრატი 267
 ბატონიშვილი იოანე—იხ. ბაგრატიონ-
 ნი იოანე
 ბატონიშვილი დავით—იხ. ბაგრატიონ-
 ნი დავით
 ბაუმეისტერი 281
 ბაჭრაძე დიმიტრი 39, 59, 90, 117, 180,
 284, 376, 431, 442, 443
 ბაჭარი (შვილი ვახტ. VI) 279
 ბებუთაშვილი მიხეილ 107, 285
 ბეგიაშვილი თ. 13
 ბეკენდოროფი 46
 ბეჟანიშვილი მ. 236, 237
 ბილინსკი ა., 89, 343, 365, 368, 370,
 371, 372, 373, 374, 375, 377,
 467, 468, 479, 487, 522
 ბელიაევი ვ. 60
 ბელი 95, 192, 258, 259
 ბენაშვილი სიმ. 116
 ბეპრაე 189
 ბერგი 117
 ბერიძე (მომლ.) 124.

ჭაბაშვილი ეკატ. 124
 ჭაბაშვილი ზაქარია 269
 ჭაბრიელი (არქიმ.)—იხ. ქიქოძე გერ.
 ჭაჭარინი გ. გ. (მხატ.) 47
 ჭახი (სენატორი) 27, 128, 141, 143
 ჭაიოხი 261
 ჭალიცინი 86, 101, 295, 296
 ჭამბა რაკ-ფრანსუა (კავალერი) 50
 ჭარსევანიშვილი ი. 83, 179
 ჭაწერელია ა. 135
 ჭეგელაშვილი ისიდორე 115, 246
 ჭენადი (მღვდელმონაზ.) 178
 ჭეორჯ IV (სომეხ. კათ.) 98
 ჭერმანე (არქიმანდ.) 261
 ჭერტენი 31, 41, 185, 317, 351, 353,
 369, 467
 ჭილიარეესკი ი. 280
 ჭიორგი XII 24, 288

ბერიძე ვ. 13, 187.
 ბერძენიშვილი (ბერძენოვი) ნ. 90, 207
 448
 ბერძენიშვილი მ. 13
 ბეჟანოვი ბ. 108
 ბესიკი 55, 237, 262
 ბესტუჟევი პ. ა. 46
 ბესტუჟევი—მარლინსკი ა. ა. 46
 ბექმუხინი შორა 213, 214
 ბხვანელი ლადო 239
 ბიუ 411
 ბლუდოვი 98
 ბობილევი ფედოტ 392, 393
 ბოდენშტედტი ფრიდრიხ 47
 ბონავენტური (პატრი) 97
 ბოლოხოვინოვი ე. 10, 68
 ბროსე მ. 23, 36, 45, 46, 47, 61, 68
 ბუაძე (მღვდ.) 128
 ბუკრინსკი 81, 181
 ბუნაკოვი 473
 ბურნაშოვი 67
 ბუტკოვი 307

8

გოგებაშვილი ი. 90, 248, 351, 332,
 353, 354, 361, 362, 363, 370, 378
 379, 432, 479, 482, 483, 534, 560
 გოეთე 523
 გოგინაშვილი ფილიპე 415
 გოგოლი 28, 47, 134, 165, 186, 431, 498
 გოხალიშვილი რ. 35
 გოლოვინი 60, 127, 133, 300, 301
 გომელაური ივანე 166, 500
 გომართელი ივ. 554,
 გორსკი 108—იხ. თუმანიშვილი მიხ.
 გორდევი გ. 46, 53
 გორანოესკი 41, 431
 გრეჩი ნიკოლაი 273
 გრიზოედოვი ა. ს. 46, 47, 50, 59,
 135, 431
 გრიგოლი (მღვდელი) 73

გრიგოლა (სომეხ. არქიმანდ.) 97
გრიშაშვილი ი. 26
ჯრუხინსკი იოანე 59
ჯრუხინსკი ირაკლი იხ. ბაგრატიონი
ვრეკლე
ხედოვიჩი 78, 80, 291

გულიაევი ს. 181
გურამიშვილი 237, 248, 262
გურიელი (კნ. ეკატ. ჩაჩუასი) 125
გურიელი შამია 50, 59, 117, 124,
125, 215,

დ

დადიანი ლევან 59, 117, 125
დადიანი დავით 59, 117
დადიანი კ. 60
დადიანი შენიკი 94
დადიანი ნიკო 125, 266
დავით აღმაშენებელი 243, 268
დავითაშვილი იოსებ 246
დავით (რექტორი) 279
დალაშბერი 319
დარვინი ჩარლზ 23, 89
დარეჯანი (დედოფ.) 87 ~
დემენტევი ნიკ. 186, 257
დენისოვა (დეისენკო) 124
დერჩაიანი 221
დვანიძე 51
დიბიჩი ი. თ. 137

დიდრო 319
დიასამიძე 127
დიუბა დე-მონპერე 212, 217, 220
დიუმა ალ. 48
დისტურვეგი 480, 540
დობროლუბოვი 89, 351, 353, 374,
377, 433, 467, 487, 522
დოდაშვილი სოლ. 33, 35, 39, 50, 53,
54, 55, 56, 62, 90, 108, 130, 179,
180, 265, 271, 273, 281, 292,
299, 314—340
დორე 123
დოსიჯოსი 93
დუბროვინი 29, 66
დუნკელ-გელინგი 47
დუმბაძე ი. (ბერი) 113, 267

ე

ედილი ხ. 116, 212
ეგგენი (ეგზარხოსი) 127
ეგგენი (სემ. რექტ.) 265
ეგსევი (ეგზარხ.) 405
ეკატერინე II 71, 191, 192, 289
ენგელსი ფრ. 31, 48, 49, 345, 510
ერეკლე II 41, 87, 405, 485
ერისთავი გიორგი 33, 38, 51, 55, 57,
60, 64, 117, 180, 293, 39ა, 446

ერისთავი ელიზბარ 33, 35, 298, 316
ერისთავი დიმიტრი 33, 298
ერისთავი კ. თ. 59
ერისთავი რაფიელ 112, 180, 414, 447
ერისთავი ვ. (ეპისკოპ.) 113, 177
ერისთავი დავით 123
ერისთავი რევაზ 406
ესაძე ს. 12

ვ

ვაგა-ფრეველა 117, 229, 247, 248
ვარლამო. ი 108
ვახტანგ VI 27, 68, 207, 268, 279
ვახუშტი 279

ვერჯერიო პ. 510
ვესელი ნ. 370
ვეჯიო მ. 510
ვიტორინო 510, 539

ვაქტორინი 452
ვაშნევსკი თ. 46
ვოლტერი 50, 179, 320

ზავადოვსკი 78, 79, 84, 181, 291
ზავილევიჩი პეტ. 35, 60
ზაკრევიჩი (კენ.) 293
ზალცმანი ხ. 368, 478

ლაშაშვილი 50
თამარაშვილი მ. 96
თარხნიშვილი ივ. 376
თაყაიშვილი ექვთ. 50, 262, 279, 281
ოედორაძე 212
ოეიმურაზ I 267
ოეიმურაზ II 267
თულაშვილი გ. 55

იასე (დეკანოზი) 179
იასიკოვი 68, 218
იაკუხოვიჩი 46
იალღუზიძე ივანე 179
იანოვსკი 543
იანიცკი 123
იანკოვიჩ-დემირიევი თ. ი. 71, 191
იაცენკო გ. პ. 50
ივანენკო ვ. ნ. 44
ილიაშენკო 412
იმედაძე ლაზრო 246
ინგოროვსკა პ. 39, 485
იონანე (წილკ. არქივპ.) 113, 177
იონანე (მღვდ.) 176, 177, 279

ვორონცოვი 42, 43, 44, 45, 48, 123,
144, 147, 154, 159, 161, 163, 164,
165, 303, 304
ვოსტოკოვი 273, 274

ზ

ზახაროვი 452, 456
ზედვენიძე ლ. 55
ზუბოვი პლ. 20, 47

თ

თულაშვილი ვახტანგ 428, 432
თუშანიშვილი მიხ. პა, 60, 63, 83,
109, 117, 437
თუმანიშვილი დიმიტრი 47, 269
თუმანიშვილი წერეთლისა ა. 124
თუმანიშვილი გიორგი 179, 269
თურქესტანიშვილი ივ. 286

ი

იონანე (ქართ. მღვდელმონაზ.) 279
იონანე (ეგზარხ.) 265
იონანესი (სომეხ. პატრიარქი) 98
იოსელიანი იონანე 85
იოსელიანი გ. 90, 440, 441, 442
იოსელიანი პლ. 38, 54, 56, 62, 67, 68,
88, 90, 96, 112, 143, 179, 180,
245, 246, 263, 254, 265, 268, 269,
286, 341, 353, 438, 439
ირაკლი II იხ —ერეკლე II
ისაია 295
ისარლოვი 448
ისიდორე (პიტროპ.) 406
იუვენალი 210

კ

კახლოვი 371
კალინინი მ. 31
კალანდარიშვილი გერ. 90, 431, 432, 482

კანკრინი 140, 141
კანონიჩი 123, 411
კანტი 295

საქტერვეი კ. 146
 ქარასი 91
 გარბელაშვილი კ. 112
 ქარაკოხოვი 385
 ვასტელა 133, 282
 ვერესელიძე ივ. 57, 264, 269, 270,
 353, 364, 372, 373, 380, 415
 ვიქნაძე ფილადელფოს 33, 112, 178,
 280, 316, 318
 გირონი (ეპისკოპ.) 12, 94, 406
 კიუხელბეგერი 46
 ჯღღიაშვილი დავ. 168
 კნიაზკოვი ს. 146, 165, 290
 ქნორინგი 26, 29, 70, 72, 97, 113, 180

კოვალენსკი 29, 49, 67, 68, 72, 73
 კონდილიანკი 281
 კოშენსკი 245, 438, 534, 552
 კორნელი 50
 კოლუბაკინი 123, 169
 კორნეევი 73
 კორლანაწული ხ. 236
 კოტევიცკოვი ნ. 46
 კობანოვი 143
 კუბფერი 107
 კურდულაშვილი 116
 კურთაისოვი 29
 კრივანოვსკი 183

ლ

ლაგისი 189
 ლავრენკო ლილია 426
 ლაზარევი 26, 301, 302
 ლაიბნიცი 530
 ლანკასტერი ჟ. 95, 192, 193, 258, 259
 ლამბერტი არქანჯელო 217, 218
 ლეგალიანი 46
 ლევაშოვი 462
 ლ ე ნ ი ს 19, 165, 209, 323, 340, 345,
 346, 348, 349, 350, 351, 355
 ლერმონტოვი 41, 47, 431
 ლეტელი 36

ლიუდოვიკ XIV 179
 ლიტვინოვი 67, 80, 84
 ლობოვი 90
 ლობკინი 281
 ლომონოსოვი 274
 ლომოური ნ. 90
 ლოკი ჯონ 210
 ლორთქიფანიძე ნიკო 60
 ლორ თქიფანიძე კირ. 351, 354, 356
 ლუბკინი 181
 ლუდვიგი ემ. 89, 92

მ

მაგარსკი—ინ. დოდაშვილი ს.
 მაგნიტკი მ. ლ. 99, 100, 295, 296
 მაიკოვი 431
 მაკლათია ს. 212, 247
 მალცევი კ. 181
 მანასეინი 186
 მამაცაშვილი მარიამ 414
 მამაცაშვილი იოსებ 33, 39, 298,
 316, 317
 მამაცაშვილი კონსტ. 39, 41, 83, 180,
 392, 393, 394, 413
 მარი იაკობ 166

მარი ნიკო 166
 მარიამ (დედოფალი) 403, 463, 464
 მარკოვი 473
 მარკოხოვი 127
 მარსოვი 124
 მარტინი 117
 მ ა რ ქ ს ი კ. 30, 31, 49, 60, 339, 345,
 393, 505, 510
 მაქსიმოვიჩი 269
 მალალაშვილი დ. 55
 მალალაშვილი კ. 55
 მაყაშვილი იოანე 314

მაჩაბელი დავით 55, 63, 271
მაჩაბელი მიხ. 55, 517
მაკავარიანი გვიტია 116
მაკალობლიშვილი სოფ. 15, 90, 115,
180, 187, 209, 225, 226, 230,
231, 244, 246
მდივანი ვგნატე 179
მდივანოვი ს. 432
მედინსკი გ. 5. 145
მულნიკოვი ანდრეი 36
მელიქიშვილი ლ. 60, 83, 108
მენშიკოვი 29
მესხი სერგი 351, 354, 367, 431, 465
მეუნარგია ი. 114, 137, 253, 257,
431, 432
მეიფარიანი 51
მუხნიკოვი 29
მეხთარი 281
მთვარელაშვილი ნიკო 249
ბილიუკოვი პ. 290
მილიუტინი 311
მილტონი 179

ნადეჟდინი 213
ნახაროვი ი. 60
ნათაძე გიორგი 116, 228
ნათაძე მართა 116, 228
ნაკაშიძე პეტრე 431
ნატორპი 507
ნევეროვი იანუარი 9, 386, 387, 388,
390, 418
ნეიდგარტი 122
ნეკრასოვი 351, 369, 374
ნეოფიტე (მღვდელმონაზ.) 177
ნერსესი (პატრიარქი) 54, 98
ნესელორდე 46

ოგაროვი 41
ოდოვესკი ა. ი. 47
ოლგა თედ.-ას. (კავკ. მეფისნაც. მეუღლ.)
407, 448

მირზა-შაფი 48
მირსკაია ს. ი. 432
მიქაძე სიმონ 167
მიხეილ (დიდი მთავ.) 462
მიხეილი (არქიმანდ.) 285
მიხაილოვა გ. 404
მოლოდინაშვილი ხ. 286
მონასტირსკი 122
მონასტირცევი 123, 411
მონტესკიე 320
მორდენიოვა-დანილოვიჩი 133
მოსე (ეგზარხ.) 285
მოდალევსკი ლ. 6. 11, 67, 164, 301, 450
მრგვლიშვილი ა. 168
მურავიოვი ნიკ. 53, 165
მურავიოვი ა. 5. 47
მურაიე 414, 447
მუსინ—პუშკინი კ. 46, 49, 269
მუხრანსკი ივ. 116
მუხრანსკი კ. 60
მძინარიშვილი (დიაკვ.) 116

6

ნიკიტინი 123
ნიკოლაი ა. პ. (ბარონი) 147, 163, 169,
309, 310, 311, 312
ნიკოლაძე ნ. 351, 354, 369, 370, 373,
374, 429, 431
ნიკოლოზ I 26, 31, 102, 103, 121,
122, 144, 145, 146, 147, 154,
157, 209, 289, 297, 317, 394, 406
ნიკოლოზ (მიტროპოლიტი) 268
ნინოშვილი ვგნატე 224
ნოვიკოვი ნ. 319
ნოროვი ა. 168

ო

ობზელაინი ალ. 33, 35, 39, 44, 45, 51,
59, 64, 97, 180, 216, 217, 219,
227, 229, 298, 316, 350, 369, 374

ორბელისანი გრ. 33, 38, 39, 41, 42,
60, 63, 83, 117, 134, 135, 137,
179, 180, 253, 277, 353, 392
ორბელისანი ვახტ. 33, 39, 63, 298
ორბელისანი მანანა 43
ორბელისანი სულხან-საბა 238, 244,
261, 271

ორბელისანი დავით 268
ორბელისანი დიმიტრი 268
ორბელისანი მხეკაბუჯ 269
ორეციკი ნ. 46
ოსეს-შვილი იოანე (მიქაძე) 177
ოსტროვსკი 369
ოქროაშვილი დიზ. 261

კ

კავლე I 67, 74
კასკევიჩი 105, 109, 118, 133, 140, 293
კასერბსკი ა. 316
კაულსონი ი. 370, 507
კაულიჩი 79, 137
კაუშენკო დიმიტ. 36
კესოჩინსკი 169
კესტალოცი 427, 438, 480, 519, 534,
540, 552, 553
კესტელი 34
კეტრიაშვილი აღ. 80, 177, 178, 285
კეტრიაშვილი ვ. 90, 368, 376, 465
კეტრიწონელი 55
კეტცოლდი აღ. 397
კიროგოვი ნ. 377, 467, 468
კისარევი 89, 351, 369, 374, 377

კლუტარჩი 179
კლეშჩევი 73, 181
კნინი ი. 319
კოხენი 29, 30
კოკროვსკი 73, 181, 315
კოლონსკი ი. კ. 47
კომიანოვსკი ნ. გ. 15, 68, 90, 91, 92
კოპოვი 12
კოტო 139
კრიმა აღ. 362
კროკოპოვიჩი თეოდანე 261
კროკოპოვიჩი-ანტონსკი (რუს. პეღ.)
189
კუშინი ა. 28, 46, 47, 189, 190, 374,
431, 523
კუშინი მ. 46

ქ

ქელიზოვსკი გ. 459, 460
ქინიუ 411

ქორდანია თედო 90, 281

რ

რადე 414
რადიშჩევი ა. 319, 320
რაევსკი 122, 123
რახმაძე სოლ. 33, 34, 39, 298, 316
რახუმოვსკი 79
რასინი 50 ☸
რამბო 189
რაილევი 34, 316
რაოხენი 60, 98, 109, 118, 127, 128,
130, 133, 138

რაოლე 23
რომანოვსკი გ. 12, 67,
რტიშჩევი 22, 81, 84
რუნჩი 296
რუსთაველი შოთა 55, 523
რუსანოვი თეოფილაქტე 25
რუსო ჟან-ჟაკ 471
რჩეულიშვილი ს. 55
რჩეულიშვილი გრიგოლ 64
რცხილაძე შავდა 116

ს

სააკაძე დიმიტრი 268
 სალტიკოვ—შჩედრანო 23, 65, 351,
 353, 369

სარაჯიშვილი 285
 სენკოვსკი პ. 46, 53
 სენკოვსკი რ. 108
 სემიონოვი ვ. 6. 147, 165
 სერბოვი ნ. 146, 165, 290
 სერნო-სოლოფიოვიჩი 351
 სეისტუნოვი პეტრე 72
 სიღამონიძე ზაქარია (დეკანოზი) 179
 სიმონოვიჩი (იმერეთის მმართველ.) 22,
 81, 84
 სინიონოვიჩი ა. 370, 427, 480

სიპიაგინი 82, 104, 137, 140, 182, 425
 სნელე 281
 სოლონი 186
 სოლოგუბი ვ. ა. 51
 სოლოვიოვი 431
 სოლომონ II 66, 67
 სულხანიშვილი პ. 127
 სულხანიშვილი (სულხანოვი) ა. 286,
 353, 354, 435
 სპენსერი 507
 სტალინი 18, 23, 24, 32, 46, 88, 89,
 92, 126
 სტასულევიჩი 369
 სტეკლოვი 125,
 სტეპანოვი პ. 46

ტ

ტარასი (არქიმანდ.) 271, 279
 ტატიშვილი ანტონ 116
 ტერ-აკოფოვი 123, 411
 ტიტკოვი ივანე 108
 ტოლსტოი დ. 6. 47, 378, 469, 470, 471,

472, 473, 474, 475, 476, 477, 498
 ტოლსტოი 95
 ტორმასოვი 23, 79, 86, 137, 178, 181
 ტროე 186, 259
 ტურგენევი ი. 41

უ

უგაროვი 60, 100, 101, 130, 143, 144,
 146, 157, 303, 352
 უჩანსკი 186, 257
 უჩიკაშვილი პეტ. 354, 367, 379, 415,
 420, 432, 443

უსაენსკი 369
 უშინსკი კონსტანტინე 191, 273, 370,
 378, 434, 435, 438, 441, 450, 467,
 468, 469, 470, 473, 477, 481,
 483, 519, 520, 534, 538, 540

ფ

ფაგრი ევგენია 124, 411
 ფალაუანდიშვილი 37
 ფალაუანდიშვილი ზ. 60
 ფინელანი 179
 ფეოფილაქტე (ეგზარხ.) 94, 127
 ფერლიუსონი ადამ 281
 ფეტი 470
 ფირალიშვილი გოდერძი 277, 278
 ფირცხალავა სიპ. 14
 ფლოპერი 498

ფოიერბანი 92, 339, 505, 506
 ფოგელი 428, 432
 ფოსტრატი რუდოლფ 278
 ფრებელი 427, 480
 ფრონელი ალ. 11
 ფულკი 412
 ფურცელაძე ანტონ 374
 ფურცელაძე 116
 ფურცელაძე დ. 90, 432
 ფურცელაძე ს. 55

ქ

ჭართველიშვილი ი. 113, 177, 178,
265, 266
ჭიტიაშვილი 116
ჭიტუნაშვილი 127

ქიქოძე გერასიმე 62, 90, 419
ქიქოძე შო'ე 91
ქორიძე (ნოშლეგალი) 124
ქრისტეჯორე (არქიმანდ.) 406

ლ

ღამბარაშვილი (გაზბაროვი) 197
ღამბაშიძე დავით 421
ღოღანაძე შაქსიმ 368

ლოლობერიძე ზესარ თ' 351, 427, 461
ლოლობერიძე გიორგი 431

ყ

ყახტეცა აღ. 123
ყიფიანი დიმიტრი 33, 38, 60, 83, 180,
182, 186, 255, 277, 286, 298
ყიფიანი კოტე დიმიტრის-ძე 116

ყიფიანი ნინო 116
ყიფიანი დავით 311
ყიფიანი მ. 428, 432
ყორღანოვი მოსესა 267, 268, 270

შ

შავეთელი 55
შაკუღიანი (პატრი) 59
შარღე 412
შერგერ რ. 12

შექსპირი 523
შიშლოვი ა. 82, 101, 102, 104, 137,
182, 289, 296
შხედრინი—იხ. სალტიკოვ-შხედრინი

ჩ

ჩარეკინევილი პეტ. 400, 401, 402, 403
ჩარტორიესკი 59
ჩახრუხაძე 55
ჩერნიშევსკი 89, 351, 353, 365, 369,
373, 374, 375, 377, 467, 473,
487, 522
ჩერნიშევი ა. ი. 29, 128, 302, 304
ჩეხოვი ნ. ე. 429
ჩინჩალაძე (მღვდ.) 127
ჩიქოვანი აღ. 180
ჩიქოვანი შარიაშ 281

ჩაჩიკაშვილი ნიკოლოზ (მღვდ.) 267
ჩოლოყაშვილი ხ. 33, 316
ჩოჩიშვილი თომა 197
ჩუბინაშვილი იასე (დეკანოზ.) 179
ჩუბინაშვილი დავით 39, 59, 62, 83,
179, 180, 269, 270, 273, 283, 295,
307, 308
ჩუბინიძე დავით (მღვდ.) 112, 179
ჩუგუნოვი 280
ჩხვიძე გაბრიელ 261
ჩხეტია შ. 13, 369

ც

ცაგარელი აღ. 59, 68, 90, 307, 376
ცანცაძე ი. 240

ცინცაძე ნიკოლოზ 240, 242
ციციანოვი 49, 66, 67, 69, 73, 76,

77, 78, 83, 84, 117, 177, 178,
181, 251, 284, 290, 291, 292, 293

ციციშვილი დიმიტრი 279
ცხევიძე ნ. 50, 534, 547

ძ

ძაინო ლიუდვიგ 124

ძიმისტარაშვილი ს. 13

წ

წერეთელი აკაკი 15, 117, 180, 183,
184, 185, 186, 212, 218, 219,
223, 232, 237, 239, 242, 246,
256, 259, 265, 277, 351, 354,
370, 371, 375, 431

წერეთელი ალ. 59

წერეთელი ანა 116

წერეთელი ოქროპირ 50

წერეთელი გიორგი 15, 180, 184, 186,

255, 256, 257, 258, 265, 351,
354, 367, 368, 375, 404, 427,
431, 456, 465, 466, 467, 479,
480, 534

წერეთელი ექვთიმე 353

წერეთელი ვ. ს. 445

წერეთელი როსტომ 116

წინამძღვარიშვილი ი. 351, 354, 518.

წიწვინიძე ანდრია 269

ჭ

ჭავჭავაძე ალ. 26, 33, 38, 47, 49, 50,
60, 63, 120, 268, 280

ჭავჭავაძე ილია 15, 40, 115, 117, 123,
132, 139, 180, 182, 183, 347,
351, 352, 354, 355, 356, 357,
358, 359, 360, 361, 363, 365,
366, 368, 370, 371, 372, 373,

376, 378, 441, 444, 478, 483,
484—560

ჭავჭავაძე დავით 60

ჭავჭავაძე ნინო 134

ჭიჭინაძე ხ. 178, 179

ჭონჭაძე დ. 64, 90, 180, 437

ჭყონია მირიან 108

ხ

ხანიკოვი ი. ზ. 23, 47

ხატუნოვსკი 411

ხელაშვილი იოანე 179, 273, 331, 332

ხელაშვილი პეტრე 116

ხელთუბნელი მიხ. 108

ხელიძე გიორგი 367, 428, 459

ხერასკოვი 274

ხიხანიშვილი ნ. 90, 247, 248

ხლამოვი 411

ხუნდაძე ტრ. 13, 82

ხუნდაძე ს. 255, 374, 466

ხუციშვილი ს. 273, 318

ჯ

ჯაბაძარა 426

ჯაფარიშვილი გ. 116, 414

ჯაფარიშვილი ელისაბედ 55

ჯამბაკურიანი ალ. (იხ. ორბელიანი ალ.)

ჯანაშია ნიკო 221

ჯანაშვილი სოფიო 116

ჯანაშვილი მ. 90, 266, 267, 419

ჯანდიერაშვილი დ. 368

ჯაფარიძე 51

ჯვარელი 437, 445

ჯიუქია ბერუკა 187
ჯორჯაძე დ. 60, 83
ჯორჯაძე ბარბაღეძე 353, 553

ჯორჯაძე ა. 554
ჯულჯელი სიმ. 281

ბ

ბაკე 123, 411
ბაკსტაუზენი 98, 134, 282
ბეროდოტი 179

ბოლბანი 319
ბომბროსი 179

ს ა რ ე ჯ ი

82-
5

ავტორიზაცია

ნ ა წ ი ლ ი პ ი რ ე ე ლ ი : სახალხო განათლება და პედაგოგიკური
იდეები XIX საუკუნის პირველ ნახევარში.

I. საზოგადოებრივ-კულტურული ცხოვრება . 17

II ხახკოლო ქხელი:

1. „განათლება“ მეფის მოხელეთა გაგებით	65
2. პირველი ნაბიჯი	71
3. 1804 წლის წესდება	74
4. თბილისის კეთილშობილთა სასწავლებელი	76
5. თბილისის სასულიერო სემინარია და სასწავლებლები	85
6. „ურთიერთსწავლების“ სკოლა	95
7. კათოლიკური და სომხური სკოლები	96
8. სახალხო განათლების მმართველობა	98
9. 1828 წლის წესდება	102
10. 1829 წლის დებულება	103
11. თბილისის გიმნაზია და სამაზრო სასწავლებლები	106
12. საეკლესიო-სამონასტრო და საშინაო სკოლები	112
13. კერძო სკოლები და პანსიონები	117
14. გურიისა და სამეგრელოს მფლობელთა სკოლები	124
15. სასოფლო სკოლების უქონლობა	126
16. ეროვნულ უმცირესობათა განათლების საქმე	128
17. 1835 წლის დებულება	129
18. ქალთა განათლება	131
19. სამხედრო სასწავლებლები	134
20. პროფტექნიკური განათლება	140
21. სახალხო განათლების მმართველობა 40-იან წლებში. 1848 წლის დებულება	143
22. სასწავლო დრო. ვაკაციები. სწავლის ქირა. ატესტაცია	154
23. სასკოლო განათლება და მისი მმართველობა 50-იან წლებში	156

III. მასწავლებლობა და პედაგოგიური შრომა:

1. ძველი ოსტატები 176

2. ოფიციალური წოდების მასწავლებლები	160
3. ხალხური წოდების მასწავლებლები	186
4. მონეტიალე მასწავლებლები . . .	188
5. კერძო მასწავლებელ-დმხრდლები	188
6. მასწავლებელთა მოვალეობანი	190
7. მასწავლებელთა მოხადება-დანიშენის წესი . .	193
8. მასწავლებელთა ფულებრივ-მატერიალ. პირობები	197

IV. ხალხური ხწავლა-აღზრდის ძველი წებები:

1. ფიზიკური აღზრდის წესები	210
2. ქალთა აღზრდისა და ყოფაქცევის წესები	214
3. გაბარება-გადიძება	218
4. დაწინდვის წესი .	222
5. სწავლის წყუოვ-ლი	229
6. ზნეობრივი აღზრდა	228
7. ფიზიკური დასჯის საკითხი .	233

V. ხწავლების მეთოდები და ფორმები:

1. კითხვის მეთოდია: ანბანის გაცნობა, ანბანთქებანი, დამარყ- გლა, ამოსადები .	235
2. წერის მეთოდი	243
3. ხ-რის ბეჭი, ფიქალი, ტკორის ფოთოლი .	245
4. ურთიქრთსწავლუცის ტრადიცია	247
5. ანგარიშის, რუსული ენის, საღვთო სჯულის სწავლების მეთო- დები	251
6. ლანკა:ტერის სისტემა	258

VI. სახელმძღვანელოები:

1. ქართული ენისა და მწერლობის სახელმძღვანელოები	261
2. რუსული ენის სახელმძღვანელოები	271
3. ისტორიისა და გეოგრაფიის სახელმძღვანელოები	278
4. ფიზიკა-მათემატიკის სახელმძღვანელოები . .	279
5. ფილოსოფიური საგნების სახელმძღვანელოები	280
6. უცხო ენების სახელმძღვანელოები	282
7. იოანე ბაგრატიონის წიგნები როგორც სახელმძღვანელოები	283
8. შთაერობის ღონისძიებანი	284

VII. ბრძოლა უმადლები განათლებიზაფვის 288

VIII. პედაგოგიური იდეება . 313

ნაწილი მეორე: სახალხო განათლება და პედაგოგიური იდეები მე-19 ს. 60-იან წლებში.

I. საზოგადოებრივ-კულტურული ცხოვრება 345

II. ზოგადი და პროფტექნიკური განათლება:

1. ბრძოლა სახალხო სკოლისათვის .	377
2. 1864 წლის დებულება და წესდება	380
3. სახ. განათლების მმართველობა. 1867 წლის დებულება	385
4. ტექნიკური და სასოფლო-სამეურნეო განათლება .	391
5. ქალთო განათლება	398
6. სასკოლო ქსელი	408
7. სკოლამდელი აღზრდა	425
8. სკოლისგარეშე განათლება	428

III. პედაგოგიურა განათლება

433

IV. აღმა ქვეყნების პედაგოგიური იდეები:

1. აღზრდა-განათლების საზოგადოებრივი მნიშვნელობა	484
2. აღზრდის პროცესი	494
3. აღზრდა-განათლების მიზნები და ამოცანები	507
4. ბავშვის დედა-ენა და აზროვნება	532
5. სკოლის როლი და ამოცანები	537
6. მასწავლებელი და შივი დანიშნულება	544
7. დიდაქტიკური მოსახერხებანი	550
8. საოჯ.ხო აღზრდა და თვითგანათლება	553

ბიძეებელი

. 561

